

K 275 925  
3



ნ მ ღ ა რ  
წულუისპირი



სოსტყუთა





ქართული  
ნაციონალური  
ბიბლიოთეკა



# ნოღარ ვულეისპირი



ქართული  
ბიბლიოთეკა

სახსრგაყხად

მოთხრობები

ნოველები

Handwritten purple notes on the left margin, including the number '3'.

საქართველოს  
პარლამენტის  
ეკონომიკური  
მიწოდება

გამომცემლობა  
„საბოთო საქართველო“  
თბილისი — 1983

ნოდარ წულეისკირის ამ კრებულში შევიდა ადრე გამოქვეყნებული მოთხრობები და ნოველები, აგრეთვე, ვრცელი მოთხრობა „ღვაწლი და წამება აბოსი და იოანესი“.

მოთხრობებსა და ნოველებში წინა პლანზეა წამოწეული ჩვენი ადამიანის რთული სახე-ხასიათი, დიდი შინაგანი ძალა, სიმართლე და მაღალი ზნეობრივი სისპეტაკე, პერსონაჟების ფართო სულიერი სამყარო და მუდამ სიმართლისა და პატიოსნებისაკენ სწრაფვა.

მხატვარი  
ზურაბ ფორჩხიძე




მოთხრობები



ხოველები



საქართველოს  
რეპუბლიკის  
საქართველოს  
საქართველოს





## ღაპით აღმაშენებლის ქვა

### 1

პანტე მასწავლებელმა აღმართი ამოათავა, საკუთარ გულისცემას ყური მიუგდო. შეამოწმა, გული სტკიოდა თუ არა, უკვირდა, რომ არაფერი სტკიოდა. კენჭივით კაცი იყო, ჭინკასავით მოხუცი.

პენსიაში რომ გავიდა, თავის კარ-მიდამოს უვლიდა, ძროხას აბალახებდა ხურგებზე. ვერ მოისვენა, საზოგადო საქმე, როგორც მისი მეუღლე იტყოდა ხოლმე, „საინტრიგანო“ მაინც იშოვა, ოხვამეკარის მოვლა-პატრონობა დაივალა. ვინ დაავალა? ვინ სთხოვა? რისთვის აიტყვივა აუტყვივარი თავი? ასე ფიქრობდა პანტეს დიდი ოჯახი, მაგრამ პანტე ასე არ ფიქრობდა; ქვეყნისთვის სასარგებლო საქმე უნდა ეკეთებინა და გამოიძებნა კიდევ. სოფლის ბოლოს, მთაზე, ძველისძველი წმინდა გიორგის ოხვამე — სალოცავი იდგა. ამ პატარა საყდრის გამო, ძველად აქაურობას, მთელ სოფელს ოხვამეკარს ეძახდნენ. ჩვენს დროში კი სოფელს პირველი მაისი დაარქვეს, ოხვამეკარი ამ გორაკსა და საყდარს შერჩა.

პანტე საყდრისკენ მიდიოდა, მთის ფერღზე საცალფეხო ბილიქს მისდევდა, მოკლებზე ჭრიდა, აქედან მხოლოდ პანტე ადიოდა ოხვამეკარში, ეს პანტეს გზა იყო.

მიდიოდა და ძველისძველ წმინდა ალაგზე — ოხვამეკარზე ფიქრობ-





და, „ბერძნული სიტყვა „ეკლესია“ მეგრულმა ვერ იგუა... თქმეტი  
 საუკუნე ებრძოდა „ეკლესია“ „ოხვამეს“, მაგრამ ვერაფერი დასწულა  
 ხალხმა მაინც ძველი სიტყვა, წარმართული „ოხვამე“ ამჟამინაც კი  
 სიას“. რა სალოცავები გექონდა ასეთი? — ეკითხებოდა თავისთავს  
 პანტე, — რანაირი იყო ნეტა ის ხვამა (ლოცვა) წარმართულ ბომონებში  
 რომ სრულდებოდა, რატომ ვერ შეეღია ხალხი ოხვამეს? ... პანტე დინ-  
 ჯად აღიოდა აღმართზე და ოხვამეკარს შორიდან შესცქეროდა: ეკლე-  
 სიის ეზოში უზარმაზარი ძელქვა იდგა, ტოტებგაშლილი ძელქვა  
 მთლიანად ფარავდა გასულ საუკუნეში აშენებულ პატარა სალოცავს.  
 სოფლიდან მხოლოდ მოთეთრო-მოყვითალო ქვით ნაგები სამრეკლო  
 მოჩანდა. სამრეკლოს სახურავი ჩამოქცეოდა, კედლებილა დარჩენი-  
 ლიყო. ეს კედლები ასვეტილიყვინ თვალსაწიერზე, თითქოს წარსულის  
 სადარაჯოზე დგანანო, წვიმასაც უძლებდნენ, ქარსაც, თოვლსაც და ყინ-  
 ვასაც. შორიდან თეთრი კედლები თეთრ ციხესიმაგრეს ჰგავ-  
 და. ძელქვას კი სამრეკლოს თეთრი კედლებისთვისაც მიეწვდინა  
 თავისი ტოტები. ძელქვა მფარველი ანგელოზივით ადგა ოხვა-  
 მეკარს თავზე. პანტეს ძელქვაზე ხალხური თქმულება ახსენდებოდა და  
 გუნებაში ეღიმებოდა. თურმე ძველად ძელქვის ადგილას მუხა მდგარა,  
 მუხა აქაურობის სალოცავი კერპი ყოფილა. შემოსეულ მტერს მუხა  
 ცეცხლში დაუწვავს, როცა მეორეჯერაც და მესამეჯერაც დაუწვავს,  
 ხალხს მუხის ადგილას მტრის თვალის ასახვევად, ძელქვა უხარებია.  
 ძელქვის ძირას იკრიბებოდნენ თურმე და მუხაზე ლოცულობდნენ.  
 ოხვამეკარი ლეგენდებსა და თქმულებებში იყო გახვეული. აქ ყოველ  
 ხეს, ბუჩქს, ქვას, ყოველ გოჯ მიწას თავისი ისტორია ჰქონდა, თავისი  
 წარსული. ამიტომ იტვირთა პანტემ აქაურობის პატრონობა. გაწმინდა,  
 გაასუფთავა ოხვამეკარის მისადგომები, ეკლესიას კარი შეაბა, შემო-  
 ლობა, ჭიშკარიც კი დაჭედა ფიცრებისაგან და დაკიდა, კლიტე დაადო,  
 ალაგეც გააკეთა ჭიშკრის გვერდით. მიგდებულ-მიყრუებული ძველი  
 სალოცავი მართლა კულტურის ძეგლს დაამგვანა.

ადრე ოხვამეკარი არავის ახსოვდა, თვით პანტეც კი იშვიათად ამო-  
 დიოდა დანგრეული საყდრისა და სამრეკლოს სანახავად. არ ეცალა,  
 მომავალი თაობის აღზრდა ეკისრა, ქართულ ენასა და ლიტერატურას  
 ასწავლიდა საშუალო სკოლაში. დღე და ღამე სკოლაში იყო, ბავშვს  
 ზედ გადაყვებოდა და საგანს შეასწავლიდა, მშობლებს თავს აბეზრებ-  
 და, თქვენმა ბავშვმა ქართული არ იცის და ყურადღება მიაქციეთო,  
 ზოგჯერ არამკითხე მოამბესავით უხეირო მშობელს ცეცხლს შეუწებ-  
 და, ბავშვს ასე და ასე უნდა მოექცეო. სოფლისა და რაიონის ხელმძღ-



ვანელობას ხომ გულისჭირი გაუჩინა ეს არ გვივარგა, ის არ გვი-  
ვარგაო.

— გამარჯობა შენი! — შემოესმა უცებ პანტეს და ფიქრის დასრულება  
მოერკვა.

— ოჰ, ნოე ხარ? — გაუხარდა მეგობრის დანახვა, — რა გინდოდა  
აქეთ? — გაიკვირვა პანტემ და ხელი ჩამოართვა.

— თხა დამეკარგა, ტურის შესაქმელი, თეთრი თხაა, ხომ არ შეგ-  
ხვედრია?..

— არა, — გაიცინა პანტემ.

— არავინაა შინ, ჩაიშია ყველა. — თავი იმართლა ნოემ. — პანტე,  
შენთან საქმე მქონდა, კარგია რომ შეგხვდები, — უცებ შეცვალა საუბ-  
რის თემა. მკლავში მოჰკიდა ხელი, დიდი მოწიწებითა და უთქმელი პა-  
ტივისცემით გადაიყვანა გზიდან, ფერდობზე ცალკე იდგა ტოტებგაშ-  
ლილი ბებერი ბეჟოლა, იმ ბეჟოლას კუნძუბივით ფესვები ჩაესო მიწაში.  
ერთ კუნძზე თვითონ ჩამოჯდა, მეორისკენ ხელი გაიშვირა, შენ აქ  
გვერდით მომიჯექიო, ანიშნა, ამოიღო სიგარეტი და გაუწოდა.

— მითხრეს, ოხვამეკარს დარაჯობსო, — საიდუმლოსავით უთხრა  
ნოემ.

— კი, — ცივად მიუგო პანტემ.

— გაძლევენ მერე რამეს?..

— აჰა! — თქვა პანტემ და მეგობრის მოჩერებულ მხერას თვალი  
მოარიდა.

— აჩქარდი შენ, პანტე... — დუმილის შემდეგ უთხრა თანაგრძნო-  
ბით ნოემ, — გაცხარდი და შეცდომა ჩაიდიწე, სკოლის მიტოვება ახლა  
შეიძლებოდა?.. პირდაპირ მითხარი, პანტე, ხომ ნანობ?

— არა, — კვლავინდებურად ცივად უთხრა პანტემ.

— ნუ გრცხვენია, აწიც არ არის გვიან, რომ იცოდე. თუ ნებას  
მომცემ, ხვალვე ვეტყვი დირექტორს, განათლების განყოფილებაშიც  
წავალ და ხელად დაგაბრუნებენ. ეს მარტო ჩემი აზრი კი არ არის...

— აბა, კიდევ ვისია, — ჩაიციინა პანტემ.

— რა გაიცინებს... სკოლა არ უნდა მიგეტოვებინა! მე შენ უფრო  
ვაქცაცი მეგონე, რაც მართალია, მართალია.

— ჰო, კაი, კაი!.. კარგი კაცი ხარ შენ, ნოე, და გაანებე თავი მა-  
გას, ძველ იარებს ნუ გამიხსნი, შენ ის მითხარი, ახალი რა არის სკო-  
ლაში.

— ა, ხომ არავინაა ახლა აქ? — უცებ კილო შეიცვალა ნოემ, ირგვ-  
ლივ მიიხედ-მოიხედა, — გულახდილად მითხარი, რატომ წამოხვედი  
სკოლიდან?



— იცი შენ ჩემი წამოსვლის მიზეზი და არ გინდა ხელახლა მი-  
ვბრუნდეთ? — შვიდად მიუგო პანტემ.

— არა, არ ვიცი! — ჩააცვიდა ნოე. პანტე, ჩემად იქნა კუჩუხი და  
სიგარეტს უწვადინოდ აბოლებდა, პასუხის გაცემას არც აპირებდა.

— რა მოხდა ასეთი? — რაკი პანტე ხმას არ იღებდა, ნოემ ფიქრი  
ხმამალა განაგრძო:

— ერთი ქულით ნიშანი აუწიეო ვთხოვეს, ატესტატი უფუძღებო-  
და ბავშვს. არ იყო ეს დიდი ცოდვა, არა!..

— აბა მაღლია! შენ, ნოე, ამბობ ამას?.. აი, რატომ წამოვედი სკო-  
ლიდან! ერთი ადამიანიც კი არ მოიძებნება, ვისაც ნამდვილი აღმზრდე-  
ლის სინდისი გააჩნია. ასეთ სკოლაში მუშაობა არ შემიძლია.

პანტე ისე გაცხარდა, ვეღარ დაჯდა, თავზე დაადგა ნოეს და ხე-  
ლების ქნევით დაუწყო მტკიცება, თუ როგორ დაეშვა უფსკრულისაკენ  
სკოლა.

— ყმაწვილი მოსწავლე აღარაა, განებივრებული ზარმაცი და უსაქ-  
მურია, სწავლა არ უნდა, ყანაში მუშაობა არ უნდა, გაკვეთილს ჰკით-  
ხავ და არ იცის... დატუქსავ, შეარცხვენ კლასის წინაშე — შედეგი  
არ არის, შშობელს დაიბარებ, არ მოდის. სახლში მიაკითხავ, გემალე-  
ბა შშობელი... მერე მთელს რაიონში ცნობილ პატიოსან კაცს გიგზავ-  
ნის მოციქულად, ჩემს შვილს როგორმე ნიშანი აუწიეო... ამასაც არ  
გაკმარებს და რაიონში უფროსობას აწუხებს. იქიდან კი გასაყვედურო-  
ბენ, ბავშვებს ვერ უვლითო.

— კარგი ახლა, ნუ იცი გაზვიადება! არავის დაუძალებია ნიშანი  
გადაუტყეთო, უბრალოდ, შემოგთავაზეს, თუ შესაძლებელია, ხელი  
ვუბიძგოთო, მეტი არაფერი.

— მეტი არაფერი ხომ? კლასში როგორ უნდა შევსულიყავი მერე?  
იმ ბავშვებისათვის, ვისაც სიმართლეს ვუქადაგებთ, სიწმინდეს ვასწავ-  
ლით — თვალბში როგორ უნდა შემეხედა?.. ვერა, ჩემო ნოე, ვერა...

— პანტე, მომისმინე, პედაგოგები ვართ ჩვენ და ხანდახან მოსწავ-  
ლის აღზრდისათვის, მისი მომავლისათვის პატარა დათმობაზე უნდა წა-  
ვიდეთ ხოლმე.

— რა დათმობაზე? რატომ უნდა წავიდე დათმობაზე? რას ნიშნავს  
დათმობა? — არ ეკუთვნის ხუთიანი და დავუწერო ხომ? ესე იგი, მო-  
ვატყუო დანარჩენი მოწაფეები, მთელი კლასი, მეგობარი პედაგოგები,  
უმალლესი სასწავლებელი, სადაც ის ბავშვი აპირებს სწავლის გაგრძე-  
ლებას, მთელი საზოგადოება შევიყვანო შეცდომაში?.. არა, ჩემო ძმაო,  
არა! — ასეთი დათმობა მე არ შემიძლია. თუ საიმედო მომავალი თა-



ობის აღზრდა მართლა გვწადიან, პირველ ყოვლისა, სკოლიდან კენდა გავაძევოთ სიცრუე. აღზრდის ყველაზე დიდი მტერი სიცრუეა.

— მერე? თუ სკოლას მიატოვებ, როგორღა გააძევებ საზოგადოებას ბა სკოლიდან წავიდეს შენისთანა პედაგოგი! ბავშვებს თავი დავანებოთ, მასწავლებლებს სჭირდება შენი რჩევა-დარიგება. კარგად დაფიქრდი, პანტე, კარგად! მანკიერი თითო-ოროლაა, უმრავლესობა კარგია... კაი, სკოლა ჭანდაბას! — თქვა უცებ ნოემ და თვალები გამომცდელად მიასო პანტეს, — ოჯახი როგორ ითმენს შენს უმუშევრობას...

— რა უმუშევრობას? რას ამბობ, ნოე, არ გრცხვენია, დღედაღამე ვმუშაობ მე...

— არა, — უკან დაიხია ნოემ, — ხელფასი რომ არ მოგაქვს სახლში, იმას გეკითხები...

— ბენსია ხომ მაქვს, მყოფნის...

— აბა, იცი, რას გეტყვი, — ბოლოს მიინც გამოტყდა ნოე, — გამომგზავნეს შენთან, ოლონდ შენ თხოვეო, ასე მითხრეს, ჩვენი სახელი არ ახსენოო.

— ვინ გამოგაგზავნა?..

— რად გინდა ვინ გამომგზავნა. მიაფურთხე ეშმაკს და ხვალ დილით ჩამოდი რაიონში.

— აბა, თხა დამეკარგაო?

— რა ვიცი, პანტე, რა ვიცი, უცნაური კაცი იყავი ყოველთვის... ცოტა გვეშინია კიდეც შენი, თხა კი არა, ათასი რალაცა მოვიგონე, ამას ვეტყვი, იმას ვეტყვი-მეთქი ვიფიქრე.

პანტეს მოეწონა მეგობრის გულახდილობა, კმაყოფილმა გაუწოდა ხელი გამოსამშვიდობებლად.

— დაუფიქრდი, კიდეც ერთხელ გთხოვ, — უთხრა ერთხელაც ნოემ და თავდაღმართზე დაეშვა. პანტეს არაფერი უთქვამს. ჩაღუნა თავი და აღმართს აუყვა. ნოეს ამგვარმა გამოცხადებამ ააფორიაქა ბერიკაცი, ძველი იარები მართლა აეშალა.

პანტემ ფიქრში გალია ოხვამეკარის აღმართი. ალაგზე გადააბიჯა და ეკლესიის ეზოში შევიდა, ზის ძირას შედგა, მდელიოზე დაყრილ ნასუფრალსა და ნაგავს დააშტერდა. ხელად გადაავიწყდა ნოე, სკოლა, პედაგოგები... ახალმა ფიქრმა და საზრუნავმა მოიცვა მისი გონება; წუხელ მის მიერ დალაგებულ-დაკვანწილი საყდრის ეზო სალორედ უქცევიათ მოქეიფებს. თავი გადააქნია, ჩაიცვა სამუშაო ხალათი და საქმეს შეუდგა. ჯერ ნამუსრევი აალაგა. საყდრიდან ცოცხი გამოიტანა და დავით აღმაშენებლის ქვა გადაგავა, თან ფრესკებს გაუბა საუბარი:

— უნდა გვაპატიოთ, წმინდა მამებო! ამ უბირ და უმცესო მოქმედეთ ჭკუა არ მოეკითხებათ, არ ესმით რასაც სჩადიან. პირუტყვივით წუთისოფელს ისე გალევენ, ერთხელ არ იკითხავენ ვინ იყვნენ მათი წინაპრები, რატომ დგას ეს საყდარი აქ, როდიდან დგას, ვინ ააგო... ოღონდ მუცელი ამოიყორონ და სხვა არაფერი აწუხებთ.

თქვენ თვითონ განსაჯეთ, გარდა პირუტყვისა, ვინ იკადრებს ამას? პირუტყვს კი ღმერთი არ განიკითხავს პირუტყვობისათვის. მაგრამ არაფერია, სოფელი ღიღია, სოფელი მარტო ამათი როდია...

გუშინწინ გადავგავე, გავასუფთავე აქაურობა, წუხელ ისევ გაუბინძურებოთ. აქ ამოსვლა კი არ მეზარება, გული მწყდება. ვინც წინაპართა საფლავებს პატივს არ სცემს, იმას როგორ მოვთხოვოთ ვაჟკაცობა, რაინდობა, სამშობლოს სიყვარული, პატიოსნება... ყველა ეს სათნოება კი აღამიანს ამშვენებს.

ამ სათნოებათა გარეშე აღამიანი ნადირს ემსგავსება, სოფელი კი უღაბნოს, სადაც ეს ნადირები დათარეშობენ.

როცა თქვენთან ვსაუბრობ, სულში სწორედ უწმინდესი გრძობანი იღვიძებენ: ასე მგონია, მართლა გელაპარაკებით, მართლა აიდგამთ ენას და დარბაისლური ქართულით წარსულის ამბებს მომიყვებით...

ჩუ! რალაც ხმები ისმის... ალბათ ისევ საქეიფოდ ამოდიან... იქიფე, — ახლა იმ „მეტს“ ელაპარაკება პანტე, — გაიხარე, შე კარგო დედმამისშვილო... — ვინ დაგიშლის! მაგრამ წინაპართა სულებს ნუ შეაწუხებ, ნუ წაბილწავ საფლავებს...

ესენი შენგან მეტს არაფერს მოითხოვენ, ნუთუ ესეც არ შეგიძლია?...

ხმები სულ ახლოს გაისმა, პანტე ძელქვის უკან დაიმალა. იქიდან უთვალთვალებს მოსულთ. ახალგაზრდები დავით აღმაშენებლის ქვას მიადგნენ.

„ინტრიგანია, ხომ იცი, მაგის ამბავი, აქეთ ცხოვრობს სადღაც, მივიდეთ და ვკითხოთ...“ — გარკვევით გაიგონა პანტემ და ხმა იცნო, მისი მეზობელი, ნამოწაფარი ბუჭუ უნდა ყოფილიყო, მეტრნეობაში ბრიგადირად მუშაობდა, აქ რისთვის ამოსულაო, გაუკვირდა.

„ქვა არის, სხვა ხომ არაფერია, რად უნდა კითხვა?“ — უპასუხა მეორე ხმამ.

სამრეკლოს გვერდით უზარმაზარი ყვითელი ქვა ეგდო, ოდითგანვე ეგდო აქ ეს ქვა. თითქოს მიწას, სამრეკლოს და ძელქვას ერთმანეთთან აკავშირებდა. ქვას ცალ გვერდზე ხავსი მოსდებოდა, მიწაში ჩაზრდილიყო და მოყვითალო ფერი გადაჰკრავდა. ამ ქვას უტრიალებდნენ,

ზომავდნენ, აწევა სცადეს, მაგრამ ძერა ვერ უყვეს. პანტემ <sup>სამრეცლო</sup>  
იფარა და სულ ახლოს მივიდა.

„მივიდეთ-მეთქი გეუბნები, მაგის ყბაში ჩემი მტერი <sup>ჩემი მტერი</sup>  
„რომ მიხვალ და ჰკითხავ, უარესია, თავს დაიფასებს. <sup>ქვა ტყე-ლო-</sup>  
ში აგდია, რა შუაშია პანტე — ინტრიგანი“...—დაცინვით, დამარცვლით  
წარმოთქვა მაღალმა ახმახმა კაცმა და ჭვიდან ლობემდე მანძილი ნაბი-  
ჯით გადაზომა. პანტემ ის მეორეც იცნო: ისიც მისი ნამოწაფარი იყო,  
ვაჟო ერქვა, ახლა საკონსერვო ქარხნის მანქანაზე იჯდა.

„უკან მოგატანინებს, იცოდე!“

„შეუშინებინხართ მაგ ქარაქუცას... რას ჰქვია მომატანინებს! ეს ეკ-  
ლესია ხალხისაა, შემოუღობია თავისთვის!.. ერთმა ინტრიგანმა მთე-  
ლი სოფელი დაგიბრყვით? მოდი აქ!“—ვაჟომ ბუჭუს დაუძახა, ხელე-  
ბი დაიკაპიწა. „როგორმე მიწას მოვწყვიტოთ... ჩაიკრულია მიწაში“.

ორივენი დაეჯაჯურნენ ქვას, ვერ მიუდგნენ, თავიდან სცადეს...

პანტემ იცოდა ინტრიგანს რომ ეძახდნენ, ენამყარალი კაცი ვარ,  
აღბათ ინტრიგანიცო — გაიკრიტიკებდა ხოლმე ხანდახან თავს. ხანდა-  
ხან კი გაამაყდებოდა: სიმართლის მტემელი რომ ვარ, ინტრიგანს იმი-  
ტომ მეძახიანო. ასე იყო თუ ისე, პანტე სიტყვა „ინტრიგანს“ საალერ-  
სო სიტყვასავით შეჩვეოდა.

ის კი არ უკვირდა, ინტრიგანს რომ ეძახდნენ, მისი ყოფილი მო-  
წაფეები უმიზეზოდ რომ ლანძღავდნენ, ეს აწუხებდა, რატომ, რისთვის-  
სო — ნაღვლიანად ეკითხებოდა თავისთავს. ბიჭები კი ქვას ეჯაჯურე-  
ბოდნენ, თან მოურიდებლად, ხმაილა ლანძღავდნენ მასწავლე-  
ბელს.

„წერს თურმე, რაც პენსიაში გავიდა, დღე და ღამე წერს“.

„მწერალი“ ყოველთვის იყო, გაკვეთილებზეც „წერდა“, ხომ გახ-  
სოვს?“

„საკუთარ შვილს, ანდრის უჩივლა თურმე...“ — ხითხითებდნენ  
ბიჭები.

„საკუთარ შვილს უჩივლაო, ღმერთო ჩემო, რას არ გაიგონებს კა-  
ცი!“ — თავზარი დაეცა პანტეს. თვალსა და ყურს არ უჭერებდა, გა-  
ოცნებული, წელში მოხრილი იდგა საფარში და თანასოფლელებს  
თვალს არ აშორებდა.

„დათიკო ვასილიჩს მაგი უარს ვერ ეტყვის“... — ვაჟო ქვის ქვევით  
ხელის შესაყოფ ადგილს ეძებდა, ხელს უფათურებდა ხავსიან ქვის  
ძირს, თან ბუჭუს ელაპარაკებოდა. „დათიკოს სახელს რომ ვუხსენებთ,  
ჩაუვარდება კაპუ...“



„მინც რა მძიმეა, — თქვა ბუჭუმ, წამოდგა და ქურდულად გამოიხედა. — რომც დავაგოროთ, ამ ღობეს რას უშობი“.

„უნდა გავხსნათ, — ვაჟო წამოდგა, მავთულის ღობე ძირს ჩაიხედა. — „ერთი თუ დაიძრა, სულ რიხინ-რიხინით ჩავა ძანქანამდე“, — ვაჟომ ჯიბიდან რკინის საკენეტი ამოიღო. „შეიარაღებული მოსულა... უნდა გამოვიდე საფარიდან“, — ხელად გადაწყვიტა პანტემ და ჩაახველა, ქვის ქურდებს თავზე დაადგა. ცოტა ხანს საფარში ყოფნა ერჩია, კარგად გაიგებდა ყველაფერს, მაგრამ რაკი ვაჟომ მავთულის ღობის გაჭრა მოინდომა, ვერ მოითმინა და გამოვიდა. გადაყვა მაგ ღობეს, ჯერ მავთული ძლივს იშოვა, შემდეგ ბოძები, შემდეგ მარტოკამ იწვალა ამ კლდე-ღრეში და გაჭირვებით შემოღობა, შემოაკავა აქაურობა. ვილაცა ვაჟოს ვერ დაანებებდა მის ნაცოდვილარს, მართლაც, ვაჟომ, პანტეს თვალი მოჰკრა თუ არა, მავთულისკენ გაშვებული რკინის საკენეტი დამფრთხალმა ჯიბეში ჩაიღო. ბუჭუს საქციელი წაუხდა, პანტე მინც მათი მასწავლებელი იყო და რიდი და კრძალვა შემორჩენოდათ. პანტეს გაუხარდა ბიჭებს რომ საქციელი წაუხდათ, მთლად ღვთისგან გავარდნილები არ ყოფილანო. გაიფიქრა.

— გამარჯობა თქვენი! — უთხრა მშვიდად და იმ მოსაპარავ ქვაზე ჩამოჯდა. პანტეს ისეთი სახე ჰქონდა, ისე იქცეოდა, თითქოს არაფრად თვლიდა ქურდებთან შეხვედრას, თითქოს არაფერი გაეგონა, არაფერი წყინდა. სიგარეტი ამოიღო, მოუკიდა. ბიჭები ადგილზე გახევებულნიყვნენ. პანტეს არ მოელოდნენ. ასე უცებ საიდან გაჩნდაო, გაკვირვებულები უყურებდნენ ერთმანეთს.

— რაზე შეწუხებულხართ, ბიჭებო? — იკითხა პანტე მასწავლებელმა.

— დათიკო ვასილიჩმა გამოგვგზავნა. ეს ქვა მინდაო, — თქვა რიხიანად ვაჟომ, — უნდა წავუღოთ, თუ დავძარით ადგილიდან, ჰი-ჰი! — სულელივით გაიღრიჭა.

პანტემ მას თვალი მოარიდა. შორს მთებს გახედა და ჩაფიქრდა. თითქოს რაღაც დიდი გადაწყვეტილება უნდა მიიღოსო, გაჩუმებული იჯდა დიდხანს. ბოლოს ბიჭებს მტკიცედ უთხრა:

— ამ ქვის წაღება აქედან არ შეიძლება, ბიძებო...

ასეთი ლმობიერ, მშვიდ პასუხს პანტესაგან არ მოელოდნენ, ბუჭუს გულიც კი მოუბრუნდა მასწავლებლისაკენ, თვალი ვერ გაუსწორა, ვაჟოს შეხედა საყვედურით და ხელად ყველაფერი მას გადააბრალა.

— აა, ხომ ვითხარი!..

სამარისებური დუმილი ჩამოვარდა, პანტეს ბუჭუს მლიქნელური

უკანდახევა სულ არ მოეწონა. ზურგს უკან ბუჭუტ კარგა გვარიანად  
ლანძღავდა. პირისპირ კი ცდილობდა, თავი ანგელოზად მოეჩვენებინა.  
— რატომ არ შეიძლება? — გაიცინა ვაჟომ, — ქვაა, სხვა ვინაა?  
ფერია?

— ეს ეკლესია კულტურის ძეგლია, ვისაც რა მოუხდება, ის რომ  
წაიღოს, აქ არაფერი დარჩება, — მიუგო პანტემ.

— ეკლესიას ვინ რას ერჩის, ჩვენ ქვა გვინდა, ბატონო პანტე.

— ქვის წაღება არ შეიძლება სწორედ.

— რატომ მაინც, რატომ? — დაინტერესდა ვაჟო, — დირექტორმა  
იცის, ელაპარაკა ვასილიჩი. აგერ ჰკითხეთ კაცს... — ვაჟომ ბუჭუტს შე-  
ხედა.

— კი, ბატონო პანტე, იცის, — დაუდასტურა ბუჭუმ, — მე მითხ-  
რა, მიეცით, ოღონდ, პანტეს ჰკითხეთო, თქვენი შვილიც, ანდრიც იქ  
იყო.

— ვინ დირექტორმა გითხრა? — თვალეზი მოწყურა პანტემ.

— მეურნეობის დირექტორმა, ჟორა ივანიჩმა.

— ვინ ჰკითხავს მეურნეობას?! — ჩაიქირქილა პანტემ, — ამას თა-  
ვისი უფროსი ჰყავს.

— იმ უფროსსაც ვნახავთ, ბატონო, თქვენ არხეინად იყავით, ვა-  
სილიჩს უარს ვინ ეტყვის! მთელი რაიონი მისი არ იყო? რომ ნდო-  
მოდა, მთლად წაიღებდა ამ ეკლესიას სახლში, — უთხრა ვაჟომ.

— რად უნდა ეს ქვა მაინც? — ჰკითხა ბიჭებს პანტემ.

— მარნისთვის უნდა.

— მარნისთვის?

— ჰო, მაგიდის მაგივრად, — ვაჟომ ქვას ფეხი მიადო, — ხუთი-  
ექვსი კაცი დაეტევა გაჭირვებაში. იცით, რა მარანი აქვს? — ჩვე-  
ულგებრივი მაგიდის დადგმა არ ივარგებს იმ მარანში.

— ეს უბრალო ქვა არ არის, ვაჟო ბატონო!.. მარანში რომ დავდ-  
გათ.

— ქვა, ქვაა, ბატონო პანტე, მთლად ყრუები ჩვენც არა ვართ... —  
ვაჟომ ცალი ხელით დოინჯი შემოიდგა და პანტეს დახედა.

— ეს დავით აღმაშენებლის ქვაა, ამაზე ძვირფასი აქ არაფერია, —  
უთხრა პანტემ.

— ვილაცის რომაა, რალაცა რომაა, იმიტომ უნდა სწორედ, — მი-  
უგო ვაჟომ, — ვასილიჩის მარანი თქვენ მართლა მარანი ზომ არ გგო-  
ნიათ, — მუზეუმში არაა იმდენი რამეები, რამდენიც იქაა.





— ეს არის აღმაშენებლის ქვა? — ბუჭუმ ქვას ფეხი დაჯიჯა და სინჯვა დაუწყო, — მეც გამიგია, აღმაშენებელმა ამოიტანა ქვა მისი ქვიშა.

ბუჭუმ ეშმაკობით და ფარისეველობით აპირებდა პანტესთან დაეპირისპირებინა გამოენახა. ვითომ ქვის ამბავი აინტერესებდა, ქვას და პანტეს გარს უვლიდა.

პანტე წამოდგა. სამრეკლოსთან ახლოს მივიდა და ბიჭებს დაუძახა:

— მოდით აგერ! — ხელი სამრეკლოს ჩამონგრეული სახურავისკენ გაიშვირა, — ე, იქიდანაა ჩამოვარდნილი.

სამრეკლო დიდი თლილი ქვისაგან იყო ნაგები, ერთი ქვა მართლაც აკლდა. ვაჟოს და ბუჭუმს დანგრეული სამრეკლო ადრეც ენახათ, ამ ქვის ამბოსთვისაც მოეკრათ ყური, მაგრამ არ სჯეროდათ, და ამიტომ, არც ახსოვდათ ხეირიანად თუ რატომ ერქვა ქვას დავით აღმაშენებლის სახელი.

პანტემ პირადი წყენა გადაივიწყა, გულით მოუნდა აეხსნა თუ რატომ არ შეიძლებოდა ამ ქვის აქედან წაღება. პანტე ფიქრობდა, რომ თანასოფლელებმა არ იცოდნენ ამ ადგილის ისტორია, არ გაეგებოდათ აქაურობის მნიშვნელობა, თუკი ბიჭებს სულში ჩაუძვრებოდა და გულს გადაუშლიდა, თუ წარსულის ნამდვილ სურათს დაუხატავდა, ქვას ხელს არ ახლებდნენ, პანტეს ბოდიშს მოუხდიდნენ და შერცხვენილები საიდანაც მოვიდნენ, იქით წავიდოდნენ. მაშინ პანტე ბიჭებს ყველაფერს აპატიებდა.

— ეს ადგილი ჩვენს წინაპრებს წმინდა ადგილად მიუჩნევიათ ოდითგანვე. — დაიწყო პანტემ. — ადრე აქ წმინდა მუხა მდგარა, რომელიც ღმერთის პატივსაცემად ოხვამე — სალოცავი ჰქონიათ. შემდეგ წმინდა გიორგის ეკლესია აუშენებიათ, ახლა რომ დგას ის კი არა, დიდი ტაძარი ყოფილა ასეთი ქვით ნაგები, — პანტემ სამრეკლოს ყვითელ ქვას მოუტყაპუნა ხელის გული, სამრეკლოს გარს უვლიდა, თან ძველ ამბავს ყვებოდა, ბიჭები მორჩილად დაჰყვებოდნენ წინ და უკან. ის წმინდა საყდარი სარკინოზებს (ურჯულოებს) დაუნგრევიათ და ცეცხლი წაუტიდებიათ. გადარჩენილა, ა, ეს სამრეკლო... — პანტემ კვლავ დაუტყაპუნა ხელისგული სამრეკლოს, შეჩერდა, სამრეკლოს სიძველისათვის ხაზი რომ გაესვა. — ახლა რომელ საუკუნეში ვცხოვრობთ? — ჰკითხა ბიჭებს, — მეოცეში ხომ?.. ცამეტი საუკუნის წინ მომხდარა ეს ამბავი. ცამეტი საუკუნე ხუმრობა არ არის. შემდეგში, როცა დავით აღმაშენებელმა დამპყრობლები გარეკა, ბერებს მოუძებნიათ თავიანთი ძველისძველი სავანე და მისი აღდგენა უცდიათ, თურმე თვითონ ეზიდებოდნენ კირს, წყალს, ქვას, ქვიშას. დულაბს თვითონ

ასამდნენ და ქვებსაც თვითონ აწყობდნენ. ხელოსნები <sup>რა ჰყავდათ,</sup> ქუდზე კაცი მტერს ებრძოდა და ეკლესიებისათვის არ ეცალათ.

სალაშქროდ მიმავალ დავით აღმაშენებელს აქ ჩამოუვარდა <sup>ქვეყნის</sup> საწყალი ბერები როგორ ეჭიდებოდნენ ამ ქვას. ჩამომხტარ <sup>ქვეყნის</sup> უმცირესნი, ამოსულა ფერდზე, დაუვლია ხელი ქვისთვის, მალლა აუტაცნია და იმ ადგილას, საცა ახლა ქვა აკლია, შემოუდვია. ბერებს მადლობა უთქვამთ, დავითი კი ამხედრებულა თავის ბედაურზე, ლაშქარს წინ გაძლოლია და თავისი გზით წასულა. ბერებს ქვა კედელში ჩაუშენებიათ, მაგრამ დულაბი არ ჰქონიათ ძველებური და ქვა დროთა განმავლობაში კვლავ ძირს ჩამოვარდნილა.

— ზღაპრებისათვის გვცალია ახლა ჩვენ? — ხმადაბლა გადაულაპარაკა ვაჟომ ბუჭუს.

პანტემ ეს გაიგონა და აენტო, რაც ითმინა, ერთ წამში წყალში ჩაყარა. ბიჭებს გაცეცხლებული თვალები უჩვენა.

— თქვენ გგონიათ მე მცალია?... — შეუღრინა და გადმოსკდა. წამოვიდა, ითქვა სათქმელი.

— ვინ დათიკოო, ვინ ვასილიჩიო, ან თქვენ ვინა ხართ, ამდენს რომ გებოდინებოთ, ხელი არაფერს ახლოთ, ეს ყველაფერი ხალხისაა, უფრო ძვირფასი და ღირებული, ვიდრე თქვენი მეურნეობა და საკონსერვო ქარხანა, — მიახალა უცებ და ქვაზე დაჯდა, — გესმით თუ არა!

პანტეს გაფიცებამ ვაჟო გააღიზიანა.

— აქამდე ვართ თქვენი ჰკუის სწავლებით! — ვაჟომ ნიკაპზე მიიღო ხელი, — თქვენი წყალობით ყველაფერი გვესმის და ყველაფერი ვიცით... — უთხრა დაცინვით.

— თუ გესმით და იცით, აქ საქურდავად რა სინდისით ამოხვედით? მთელი სოფელი თქვენი არ არის? ეს ერთი მტკაველი მიწა, ეს ძველი ეკლესია, ეს ქვა და ხე დაანებეთ წინაპრებს!

— საქურდავადო?! — შესძახა ვაჟომ, თვალები გადმოკარკლა და ბუჭუს შეხედა.

— უთხარი რამე თორემ, თვალებში სინათლე დავკარგე, ბუჭუ!

— მაგას რატომ კადრულობთ, ბატონო პანტე, ჩვენ ქურდები არა ვართ! გამოგვაგზავნეს და რა გვექნა... — თქვა ბუჭუმ უკმაყოფილოდ.

— როგორ თუ ქურდები არა ხართ? აბა, მე ვიგონებ? ეს ქვა არ მიგქონდათ სახლში, ახლა, ამ წუთში?

— ქურდი ჩემთვის ჯერ არავის დაუძახია!.. — იყვირა კვლავ ვაჟომ, ეკლესიის კედელთან მიყრილ ხარახურიდან დაქანგული რკინის





მილი გამოათრია, პანტეს თვალწინ მალა ასწია, ჯერ რკალივით მო-  
ხარა, შემდეგ თანდათან ბოლოები ერთმანეთს მიუახლოვდა და  
დაგრიხა, დაგრიხა და პანტეს ფეხებთან დაუგდო.

— რა იყო, ბიძიკო, რაზე გრიხავ მაგ უანვიან რკინას, მაშინებ?...  
ლონეს მიჩვენებ?... თუ ლონიერი ხარ, აგერაა ეს ქვა, ორივემ ერთად  
ვერ ასწიეთ ხომ ნახეთ? ერთი კაცი სწევდა მაგას ძველ დროში...

გასაკვირია პირდაპირ, საქურდავად დადიხართ, ზედ ქურდობაზე და-  
გვიტირეთ და ქურდი რომ დაგიძახეთ, ეს გწყინთ? ამიტომ გრიხავ „ქეშ-  
ტებს“? — პანტემ ჩაიჭირქილა და ვაჟოს თვალი თვალში გაუყარა.

— მომაშორე, ბუჭუ, ეს კაცი, გეუბნები მე შენ, თორემ... — შეს-  
ძახა ვაჟომ და პანტესაკენ გაიწია. ბუჭუ წინ გადაუდგა.

— თორემ რა?... — ხახვი არ დამაჭრა, ბიძიკო, ყურებზე! — მშვი-  
დად უთხრა პანტემ, — წავალ ახლა მილიციაში და სახალხო ქონების  
ქურდობისათვის ორივეს დაგაკერინებთ.

— მაგაში ვერ გაჭობებთ ვერავინ! — უთხრა ბუჭუმ, მასაც აევსო  
მოთმინების ფიალა.

— გული არ გამიხეთქო. — გამოაჯავრა შორიდან ვაჟომ. — ქვის  
ქურდობისთვის კი არა, ოქროს ქურდობისთვის ვერ იჭერენ დღეს ადა-  
მიანს. წავიდა ის დრო, შენისთანა შპიონები რომ პარპაშობდნენ...

შპიონიო... პანტეს გული ჩაწყვიტა ამ სიტყვამ, ინტრიგანობა არ  
ეყოფოდა, შპიონის სახელიც რომ მიუმატეს? ვირისგან წიხლი რა საწყ-  
ყნით, დაიმშვიდა თავი პანტემ.

— რას იღრინება ეს ბიჭი, თუ კაცი ხარ, — ბუჭუს ვითომ დაუყვა-  
ვა პანტემ, — არა ხართ ქურდები? მეცნიერები ხართ? მწერლები  
ხართ? პედაგოგები ხართ? რა გიწოდოთ, თქვენ თვითონ მითხარით... —  
ბუჭუს ჩააცივდა პანტე. რაკი ვაჟო ლანძღვა-ვინებაზე გადავიდა.

— ყველა პედაგოგი და მწერალი ხომ არ იქნება, ბატონო პანტე, —  
ბუჭუსაც დაეწივებოდა მასწავლებლის პატივისცემა და უკვე აგდებუ-  
ლად ელაპარაკებოდა.

— ქურდები არა ხართ, აბა?... — არ ეშვებოდა პანტე. დამამცირე-  
ბელ დაკითხვას მარჯვედ განაგრძობდა.

— არა ვართ, არა! — მიაყვირა ბუჭუმაც.

— აბა, აქ ჩემს სანახავად ამოხვედით?

— არ გვინდა ეს ქვა, ბატონო, მივდივართ ხომ ხედავ?... —

— თქვენ კი მიდიხართ, მაგრამ ქურდებს ასე გზა-შარაზე არ უშვე-  
ბენ!.. — პანტე სიტყვა „ქურდს“ შოლტივით უტყლაშუნებდა მან.

— ქურდიცა ხარ, შპიონიცა ხარ და ინტრიგანიც! — მიახალა მოთ-

მინებადაკარგულმა ვაჟომ პანტეს. პანტემ თავისი „შინლის სახეობა“  
ერთხელაც მოიქნია თვალების მრისხანე დაკვესებით.

— ქურდი ხარ და, რა გიყო, ბიძია, პროფესორს ხომ შეგეც ვერაფერს  
ხებ, რაზე გწყინს, არ ვიცი?.. — ჩაიხითხითა ბიჭების გასაწეველად.

— უუ! — შესძახა ვაჟომ, მობრუნდა, თვალბეგადმოქაჩული მი-  
აჩერდა პანტეს და მუშტზე იკბინა. ბუჭუმ ვაჟო მოქაჩა და წაიყვა-  
ნა. — პანტემ არ მოგვცა-თქო, ვუთხრათ ვასილიჩს, მორჩა და გათავ-  
და, — ამშვიდებდა ვაჟოს ბუჭუ, — ბოლოსდაბოლოს, წერილობითი  
ნებართვა მოვუტანოთ...

ვაჟო ბუჭუს ყურს არ უგდებდა, უკან-უკან იყურებოდა და უკანას-  
კნელი სიტყვებით იგინებოდა.

— ამის!.. უხ, ამის!..

— ეს თხოველი! ეს ინტრიგანი!.. ეს სოფლის მუწუჯი!..

როცა ეკლესიის ეზოს გასცდნენ, ალაგზე გადავიდნენ, თავდაღმართ-  
ზე დაეშვნენ და თვალს მიეფარნენ, პანტე კვლავ დავით აღმაშენებ-  
ლის ქვაზე ჩამოჯდა, სიგარეტი გააბოლა და ფიქრებს მიეცა: „როგორ  
ეწყინათ, ნამდვილი სახელი რომ დავუძახე. ერთიც და მეორეც რო-  
გორ აპილობილდა... ვინ არიან ესენი? თითქოს ქურდებს მართლა ვერ  
დავუძახებთ... ვერც იმას ვიტყვით რომ დიდ დანაშაულს სჩადიან და  
სახელმწიფოს ზიანს აყენებენო. უჰ, რა კარგად იქცევიან, რა სიკეთეს  
სჩადიანო — ამის თქმაც გავვიძნელებდა. მაშ, ვინ არიან, სახელად რა  
ჰქვიათ?..“

ყაჩაღები? — არა.

უსაქმურები? — არა.

კეთილსინდისიერი შრომელები? — არა.

ხულიგნები? — არა.

აი, ასეთი, უწყინარი, სულიერად დაკოდლი არამზადები უფრო სა-  
შიშნი და ვერაგნი სჩანან საზოგადოებისათვის, ვიდრე სისხლის სამართ-  
ლის დამნაშავენი. უბედურება ის გახლავთ, რომ ისინი ჩვენს საზო-  
გადოების წიაღში წარმოიშობიან, ჩვენს ოჯახებში იზრდებიან, სკო-  
ლაში მათ ჩვენ ვასწავლით, მე ვარ მათი მასწავლებელი...

დიდი აკაკისა არ იყოს „სასიკვდილო მე ვარ მხოლოდ...“ სხვას ვე-  
რავის გადავაბრალებ მათ უვიცობას, უზნეობას, უთვისტომობას.

მაინც როგორ მოხდა, რატომ მოხდა რომ ბუჭუ და ვაჟოსთანებიც  
გავზარდე, განა მე მათ არ ვასწავლიდი პატიოსნებას, კეთილზნეობას,  
სამშობლოს სიყვარულს... ვასწავლიდი, ისინი კი არ სწავლობდნენ, ჩე-  
მი ხმა რჩებოდა ხმად მლალადებლისა უდაბნოსა შინა...

რატომ? რატომ ხდებოდა ასე? — ეს არის მთავარი... იმიტომ რომ  
ეს ქვა ბევრჯერ დავანებე იმათ, ვერ გამოვიჩინე სიმტკიცე, სინამდვილე  
შევალახინე, ღირსება შევებლალინე და აჰა, შედეგმაც არ შევძლებდი  
ღირსებააყრილი, უპრინციპო, თვითონ უზნეო მასწავლებელი ვერ  
გაზრდის ზნეკეთილ თაობას, თუნდაც ამიტომ ვერ დავანებებ ამ ქვას  
ვერავის.

ეს უბრალო, უტყვი ქვა ქვეყნიერებას მეტს ეუბნება, ვიდრე ზო-  
გიერთი მეტყველი თანამემამულე.

ეგდოს ეს ქვა აქ, ვინ იცის რისთვის დაგვჭირდეს, რის საბუთად  
გამოგვადგეს. ეს ჩვენი ისტორიაა... ჩვენი საუნჯეა...

არ ღირს მაგათზე ფიქრი! — დასკვნა უცებ და ჩამავალ მზეს  
ვახედა. შემოდგომის თბილი დღე იდგა. დასავლეთი სისხლისფრად  
შეეღება ბარჩხალა მზეს, მოტაროსე მზის ჩასვლა სიამოვნებას ჰვერი-  
და მოხუცს. არ უნდოდა ფიქრი იმაზე, რაც მოხდა: არც ვასილიჩის,  
არც სხვა ვინმეს გახსენება არ უნდოდა. აქედან თვალთუნახავი, მომა-  
ჯადოებელი, მართლაც რომ ზღაპრული და ლამაზი იყო კოლხეთის დაბ-  
ლობი. კოლხეთს გასცქეროდა. დასავლეთი წითლად ღუოდა. სიწითლე  
თანდათან ოქროსფერში გადადიოდა. სამხრეთსა და ჩრდილოეთს ოქ-  
როსფერი გადაჰკრავდა, აღმოსავლეთი კი ცისფრად ხასხასებდა, მზის  
სხივი ვერ სწვდებოდა აღმოსავლეთს. დიდხანს იჯდა ნირვანში გადა-  
სული, ტკბილ ფიქრებსა და მოგონებებში წასული.

ძელქვის ხეზე ფრთაჭრელი ჩხიკვი შემოჰდა. დასჩავლა და დასჩ-  
ხავლა პანტეს, განგაში ატეხა: რა გაქვს სადარდებელი, მოხუცო, ჩვენ,  
ბუნების შეიღები, შენთან ვართო. თითქოს ჩხიკვის ჩხავილმა გამო-  
აფხიზლო, წამოდგა, ეკლესიის ეზოში დაბმული ძროხა ახსნა, აქ ამო-  
ჰყავდა საბალახოდ. მას შემდეგ, რაც აქაურობა შემოაკავა, ეკლესიის  
ეზოში ხასხასა ბალახი იზრდებოდა.

ახსნა რქაჩამოტეხილი თვალშავა ძროხა, თოკი ხელზე დაიხვია, ეკ-  
ლესიის მიდამო ერთხელაც შეათვალიერა, კვლავ დაადო კლიტე თავის  
დაჭედულ ხის კარს. ალაგე, სადაც ქურდები გადავიდნენ, წინადლით გა-  
ნაკაფი ეკალბარდით გადაქუცა, ძროხას წინ გაუძღვა და ფერდობის  
ბილიკით ნელა გაუდგა გზას შინისაკენ.

## 2

ოხვამეკარიდან დაბრუნებულმა პანტემ, თავისი ეზოს ჭიშკარი შეა-  
ლო, ძროხა შიგ შეიყვანა, კარის ჩასაკეტად რომ მიბრუნდა, პირუტყვ-  
მა თავი წაართვა და ჭისკენ გაიქცა. შეგჭამა მგელმაო, მიაძახა, რკინის

პატარა ურდული სწრაფად გააჩნაკუნა და გამოუდგა. ძროხა ჭის თვითან შეჩერდა, პატრონს მოხედა და დაიზმუილა, ისეთი თვალებით უყურებდა, ისე წრიალებდა და ზმუოდა ჭის თავზე, ლამის ენა ამოეღებოდა მწყურია, ადამიანო, მთელი დღე წვეთი წყალი არ ჩამსკვლია... წყალი დამალევინეო. პანტე სამზადში შევიდა, სამზადის კარადა გამოალო და მონარჩენ ღომსა და ჭადს დაუწყო ძებნა. შემდეგ კარადალები და სათლები ააჩნაკუნა. ძროხისთვის განკუთვნილი სათლი გადმოიღო. ღერღილას გამონარეცხი ჩაესხათ და შეენახათ. პანტემ სათლში ღომისა და ჭადის ნატეხებიც ჩაყარა, შიგ ხელი ჩაყო, მოუტრია... კარადალებისა და სათლების ხმაურზე კრიახით, წიავით, ყიპყიპითა და ჭყვიტინით სამზადის კარს მოეჯარნენ ქათმები, იხვები, ინდაურები, უღლიანი ღორი და წიწილები. საღამო ხანი იყო. ღორ-ქათამი დაპურებას მოითხოვდა.

— აქშა! აქშა! — გაჰყვიროდა სამზადში პანტე, — შეგკამათ ტურამ! — წიხლებს უქნევდა და გარეთ ერეკებოდა სამზადში შემოვარდნილ უღლიან ღორებს, ქათმებსა და იხვებს, ფეხებში ებლანდებოდა წიწილები.

— აქშა, თქვე უპატრონოებო! შვილები ვის არა ჰყავს, მაგრამ ქათმებს შიმშილით არავინ ზოცავს, — ხმამაღლა, რძლის გასაგონად, გაიძახოდა პანტე.

რძალი ოდაში ეგულებოდა, ნელი ერქვა. მართლა ნელია, ეს ოჯახ-აშენებულო, — ხმამაღლა თქვა უადგილო ადგილას.

— ორი ცოლი ვის მოუყვანია, რომ შენტვის მიეცათ! — ვითომ შვილთან გააბა კამათი, მაგრამ ეს „კამათიც“ რძლის გასაგონად იყო წამოწყებული. სამზადსა და ჭას შორის მიდი-მოდიოდა და თავისთვის ხმამაღლა ჯაჯლანებდა:

— ყველგან, მთელ საქრისტიანოში, ერთი ქალი უვლის ოჯახს, ჩემთან ორია, მაგრამ ქათმები მაინც მე უნდა დავაპურო, მამაკაცმა...

ძროხას წყალი დაალევიან, ღორი საღორეში შეიტყუა, ერთი ტარო სიმინდიც შეუგდო, ქათმებს საკენკი დაუყარა, ძროხა სამზადის სვეტზე მოსაწველად მიაბა, ცარიელი სათლი სამზადში შეიტანა, სამზადის წინ თავის გრძელ სკამზე დაჯდა და ქალების მოლოდინში საკენკზე მისეულ ქათმებს, იხვებსა და ინდაურებს ცქერა დაუწყო.

— ჭურჯა! — შესძახა უცებ და ოდისკენ გაიხედა, შვილიშვილს ეძახდა, მართლა ჭურჯა კი არ ერქვა. რეზოს ეძახდნენ, ბაბუამ შეარქვა ჭურჯა, ვითომ ჩაკირულ-ჩაგვირისტებული — ჭურჯა გლეხკაცი მურადებო, სინამდვილეში კი პატარა რეზო ჭიასავით წვრილი, ფერგამქრალი, უქმელ-უსმელი ბიჭი იყო, ხშირად ავადმყოფობდა, მშობლები ზედ

აკვდებოდნენ, ნიავს არ აკარებდნენ, მაგრამ მაინც უღელტუილით გამო-  
იყურებოდა.

— ჭურჭა! — ერთხელაც დაუძახა. ოდის უკანა კარში გავიდა და  
ქვის კიბის თავზე წელს ქვევით სულ ტიტველი, მაკარონივით წვრილ  
ფეხებზე შემდგარი „ჭურჭა“ გამოვარდა, დედას გამოქცეოდა.

— შენ მაინც სადა ხარ, ბაბუა? — საყვედური უთხრა პანტემ, მე-  
ტი ვერაფრის თქმა მოასწრო. ბავშვს დედაც თან მოჰყვა ჩხუბითა და  
წყრომით.

— გამიღვიძეთ ავადმყოფი ბავშვი! — ჩამოსძახა პანტეს რძალმა, —  
მეც გამაღვიძეთ! რა დავაშავეთ ასეთი, რა არის ვითომ, სახლში ყო-  
ველთვის ყვირილ-ყვირილით რომ მოდიხართ, ვის ამინებთ? — მე  
თქვენ უპატრონო ხომ არ გგონივართ?!

პანტეს რძალი წელი, ანუ როგორც შინაურებში ეძახდნენ წელიკო,  
მაღალ-მაღალი გამხდარი ქალი იყო. შაკიკი ჭირდა და სულ თავშეხვე-  
ული იწვა. ისე შემოიბურავდა ჭინჭებს მხოლოდღა წვეტიანი ცხვი-  
რი მოუჩანდა. ანჩხლი და ჭირვეული ზოგჯერ სულ უმიზეზოდ კაპა-  
სობდა, გაკაპასებულს ცხვირის წვეინტი უწითლდებოდა და პირიდან  
ავი სიტყვები ამოსდიოდა.

პანტემ თავი აიღო და რძალს თავშეკავებული სიბრაზით ასძახა:

— ზედმეტს ხომ არ კადრებთ თქვენს თავს, ბატონო რძალო? — ამ  
სიტყვებში მუქარაც გამოკრთოდა და ირონიაც. წელის ეს არ გამო-  
ეპარა და აენტო:

— რა არის ზედმეტი? რომელი ვთქვი ზედმეტი?.. — აიჩემა და აი-  
ჩემა და მამამთილს მაღლიდან თითის ქნევაც კი დაუწყო, — დია, ზედ-  
მეტიო, რა მითხრა ეს, რა?.. მოსვენება არა გვაქვს თქვენს ხელში, არც  
მე და არც ჩემს ბავშვებს, ჩემი ქმარი სულ გადავარდნილია სახლიდან  
და ეს კიდევ მეუბნება ზედმეტიო... საკმელი ჩვენ არა გვაქვს, სასმე-  
ლი ჩვენ არა გვაქვს, სახლი გვაქვს ვითომ, მაგრამ თავზე გვენგრევა,  
მანქანა ჩვენ არა გვაქვს და არაფერი, ძილი რომ ძილია, ისიც კი არა  
მაქვს... ერთი წუთით დავხუჭავ თვალს და ყვირილია... ზედმეტიო, ეს  
მეუბნება, ესე იგი ხმა რა ამოიღო, კატორღაში ცხოვრება მოითმინე  
მუნჯურადო... ამათ მე მართლა უპატრონო ხომ არ ვგონივარ, ახლავ  
გავუგზავნი ტელეგრამას მამაჩემს აბაშაში და ე, ვნახოთ მერე!..

წელი მამამთილს არ ელაპარაკებოდა, იქეთ ეზოს გადაღმა მეზო-  
ბელს მოჰკრა თვალი და იმის გასაგონად გაჰკიოდა ხმამაღლა. პანტე  
წამოდგა და უსიტყვოდ გაეცალა რძალს. შეპასუხება შედეგს არ გა-  
მოიღებდა, გაცლა ამჯობინა.



ნელიმ რეზო ოთახში ძალით შეათრია.

რეზომ ტირილი მორთო, თანდათან მოუმატა და მოუმატა დაწოლა არ უნდოდა:

— გაჩუმდი! არ გამიღვიძო ბავშვი, შე არ დასაცალე ბავშვი! — შემოესმა პანტეს რძლის ხმა. — ოცდათვრამეტი გაქვს სიცხე, გაჩუმდი-მეთქი, გეუბნები!

რაკი ოღას კარ-ფანჯრები ღია ჰქონდა, გაფაჩუნებაც კი ისმოდა გარეთ.

რეზომ ხმა გაკმინდა, მაგრამ ახლა გიას ტირილის ხმა მოისმა, გია აკვანში იწვა, ისიც მიზეზიანი ბავშვი იყო, სუ დედა, სუ დედაო, უთხრა ნელიმ და აკვანს რწვევა დაუწყო. აკვნის რწვევის ხმამაც კი გამოაღწია გარეთ.

მზე ჩასულიყო. ადრიანი შემოდგომის მშვიდი, წყნარი საღამო იდგა. სამზადის სვეტზე მიბმული, გამაძლარი ძროხა არ იცოხნებოდა, იქით იყურებოდა, სადაც ხბო ეგულებოდა, ხანდახან დაიზმუვლებდა, — შვილს ეძახდა, ხბოც იმ წამს გამოეხმაურებოდა ვენახიდან. ვენახის პირებზე დაებათ საღარი ბოჩოლა.

ორღობეებში ნელა მოიპარებოდა დამე. პანტე სამზადის წინ თავის გრძელ სკამზე ჩამოჯდა ისევ და სიგარეტი გააბოლა. შვილიშვილზე ფიქრობდა: „რა მოუვიდა ნეტა, სულ ავადაა ეს მამაძაღლი, მამამისიც ასე იყო, მაგრამ გაიზარდა, კაცი დადგა...“

ამ ფიქრებში რომ იყო, ჭიშკარი გაიღო და ნათელა შემოვიდა, გაუხარდა მეუღლის დანახვა, ოღონდ არ შეიშინა, საცა იჭდა, იქიდან არ ამდგარა. ცოლიც წამართვეს ამ სიბერეშიო, გაიფიქრა.

ნათელა ქმარ-შვილს გადაყოლილი ქალი იყო, ხუთი შვილი გამოზარდა. ხუთივე გზაზე დააყენა, ზოგი თბილისში დააბინავა, ზოგი — რაიონში. ანდრი დარჩა მშობლებთან და ანდრის ცოლ-შვილის მოვლა-პატრონობას შეაღია სიბერეში თუ რამ ძალა და ღონე შერჩა.

დღესაც ანდრის გამო იყო ჩაის საკრეფად წასული. ანდრი პირველი მაისის ჩაის საბჭოთა მეურნეობაში მთავარ აკრანომად მუშაობდა, მეურნეობის დირექტორი და სხვა ხელმძღვანელები არ წუხნდნენ იმდენს, რამდენსაც ანდრი განიცდიდა და დარღობდა მეურნეობის ავ-კარგს, მეურნეობის გეგმის შესრულება სიზმრად გადაქცეოდა. შინ და გარეთ სულ გეგმებზე ლაპარაკობდა.

ნათელას, უკვე თმაგადათეთრებულ პედაგოგს, აღარ შეჰკადრებდნენ, ბავშვები ჩაის საკრეფად წაიყვანეო. თვითონ ნათელამ გამოთქვა სურვილი, რაკი მისი ოჯახიდან არავინ მუშაობდა მეურნეობაში, გულს





ეთანდრებოდა, ანდრის ვინმე ამას წამოაყვედრისო და როგორც კი საშუალება მიეცემოდა, მაშინვე გარბოდა ჩაის საკრეფად. რეკრესიული გამოდიოდა სამუშაოდ, ნათელა თავისი სადამრიგებლო უნარებით ველი მიდიოდა ოჩაიეში, ერთხელ პანტესაც არ მისცა საშველი და ვენახის სათოხნად გაგზავნა (მეურნეობას ვენახის ფართობებიც ჰქონდა), რა ვუყოთ მერე, პენსიაზე რომ ხარ, ანდრის ხათრით წადი, ხომ ხედავ, შინ არავინ რჩებაო. პანტე ერთი ორჯერ მართლაც წავიდა თანასოფლელთა დასახმარებლად, მაგრამ იქ მეზობლებს კამათი და დავა აუტეხა, ასე თოხნა არ შეიძლება, ვენახს დალუპავთო. აპყენენ, დაპყენენ და საქმე იქამდე მივიდა, საცა პანტე თოხს დაპკრავდა, იმ არემარეს ახლოს არავინ ეკარებოდა. მარტოკა მუშაობდა. ბოლოს ანდრიმ თხოვა მამამისს, თოხნა და ბარვა შენი საქმე არ არის, ოჯახს მოუარეო. პანტე მიხვდა, შვილი მეზობლებმა გამომიგზავნესო, ეწყინა და მას შემდეგ მეურნეობას არ გაკარებია.

ნათელა ჭიშკარში რომ შემოვიდა, ნამდვილი ჩაის მკრეფავივით წინსაფარი ეკეთა და ჩაის კალათა მოჰქონდა. ახლოს მოსვლა აცალა.

— ხო-ხო-ხო, ააშენეთ ალბათ ქვეყანა! — ჩაიქიჩილა თავისებურად — მაგ უსაქმურ საქმეს გერჩია ძროხა მოგეწველა დროზე, გასკდა ბლავილით, გაუშრა რძე... ხომ ხედავ, სულ დაღამდა, რაფერ მოწველი ამ სიბნელეში.

— ავანთებ სინათლეს და არ იქნება სიბნელე, — მოუჭრა ნათელამ მშვიდად, კალათა კუთხეში მიდგა, ელექტრონი ჩართო და სამზადი გაანათა.

— აუშვი ხბო, — ქმარს გამოსძახა.

პანტეს არ მოეწონა ნათელამ რომ ასე გააბიბრუა და ახალი ბრალდება წაუყენა.

— ჩვენი ოჯახი ახლა ოჯახს ჰგავს? ძროხა მოუწველავია, ხომ გესმის, ღორი როგორ ჭყვირის სალორეში, ამ ქათმებს და ინდურებს ხომ ხედავ, რა მთვრალეებით დაბორილებენ მინდორში? აღარ იბუდებენ, შიათ, იქნება წყურიათ კიდევ, ვინ იცის... ვინ არის პატრონი! ხის ძირას რა დევს, ეგერ?..


პანტე წამოდგა, სამზადში შეიხედა და ცოლი საჩხეში გამოიყვანა:

— გეკითხები, რა დევს-მეთქი იქ ბულის ძირას, — თითი გაიმევირა ბულისაკენ.

— რა დევს და სკამი დევს, რა მოხდა მერე?..

— არაფერი მოხდა? აბა, არ შევიტანოთ სკამი შინ?

— ოხ, ვინ ამბობს მაგას, პანტე, რა მოგივიდა, კაცო, მართლა სრულ დაბერდი?..

— დაებერდი, ო, დაებერდი, ა, ეს წიწილები გარე-გარე რამდენადაა წალებენ, პატრონი არ უნდა ამათ? ინდაურის ჭუკები რამდენადაა არ დაგითვლიათ... 

— კარგი, პანტე, გული ნუ წაილე, ჩვენ მოსამსახურე ხალხი ვართ, ჩვილი ბავშვები გვყავს, ოჯახში ბევრი საქმეა, ფეხიფეხგადადებული შენი ცოლი არავის უნახავს. თეატრში მე არ დავდივარ და კინოში, ვერ გავწვდი ყველაფერს ალბათ.

— მეც იმას გეუბნები, რომ ვერ გავწვდი, ახალგაზრდებმა, კეთილი ინებონ და დაგვეხმარონ.

— ახალგაზრდები მუშაობენ, ცხვირით მიწას ხნავენ და მეტი რა ქნან?

— კი, მუშაობენ... ის შენი ამორჩეული რძალი მაინც დღე და ღამეს ასწორებს მუშაობით, — პანტემ ხმას დაუწია. — ბავშვებს დაათრევს მთელი დღე კატის კნუტებივით, იმათაც ვერ უვლის ხეირიანად, რეზოს ოცდათვრამეტი აქვს სიცხე...

— უჰ, რატომ? მოუკვდა ბებია! წადი, აუშვი ხბო და მოვწველი ამ ოხერს... ნელი! ნელი! — გასძახა რძალს, — გამომხედე ერთი! რა ჭირს ბავშვს?.. — სახლიდან ჩამიჩუმი არ ისმოდა.

— აწი რა ფასი აქვს, მოწველი თუ არ მოწველი... — უთხრა პანტემ ცოლს.

— აბა, ასე ვიდეკთ და ვიდავოთ დილაამდე? გასაკვირია შენი საქმე, ღმერთმანი.

— მეც მაგას გეუბნები, რომ გასაკვირია, შვილები, ვინც ვარგოდა, აქეთ-იქით დამიფანტე, აიჩემე ანდრი, ანდრიო და პა, შენი ანდრი, შინ ის არ ვარგა და გარეთ მონასავით დასდევს უკან უფროსებს... ცოლი მომიყვანა და კუტივით სულ ოთახში ზის, შვილები გააჩინა და უდღე-ურება!..

— სუ, სუ, სუ! — იკვილა ნათელამ, — პირზე ხელი მიიფარე!.. ქმართან მიიჭრა და თვითონ ააფარა ხელი ტუჩებზე.

— არ გრცხვენია, ანდრიზე მაგას რომ ამბობ?.. შენ გგონია, ნერვები მე არა მაქვს? — შავრამ ვითმენ. დღეს მთელი დღე ლუქმა არ ჩამსვლია პირში, ოთხი გაკვეთილი ჩავატარე, მერე თათბირი გვქონდა და იქ ვიჯექი ერთი საათი, მერე კიდევ ბავშვები წავიყვანე ჩაიში, შინ მოვედი და მეჩხუბები...

ისინი სამზადის წინ, საჩეხის შუა სვეტთან იდგნენ ერთმანეთის

პირისპირ და ხმადაბლა, ცხარედ კამათობდნენ, ვითომ ოდნე არ გაიგონოსო.

ნათელას ხელში რძის ჩასაწველი სველი ქოთანი ამ ქოთანს ისე უხერხულად იქნევდა, კაცს ეგონებოდა, საჩენის სვეტს მიახლის და მიაბტვრევსო.

— კარგი, პო, ქოთანი არ დაამტვრიო, — უთხრა პანტემ. — გატრიალდა და ხბოს მოსაყვანად წავიდა. ნათელამ ძროხას ცური ჩამობანა, ფუნაზე დაწოლილიყო და დასვროდა. ამასობაში ხბომ მოირბინა და გვეშებული ეცა რძით გატიყნულ ძუძუსთავეებს.

ნათელა ძროხას მიუცუცქდა, ქოთანი შეუდგა და ხბოს რძე მოაგანინა. ამასობაში პანტეც მოვიდა, ძროხას ხბო მოაშორა და სამზადის სვეტზე მიაბა. თვითონ თავის გრძელ სკამზე ჩამოჯდა და ძროხის წველას დაუწყო ცქერა.

უჩუმრად მოწველეს ძროხა, უჩუმრად მილაგ-მოალაგეს, რაც მისალაგებელ-მოსალაგებელი იყო და დამდურებულეებივით ამოვიდნენ ოდაში.

ნელი რეზოს მიწოლოდა, დავაძინებო ეფიქრა და თვითონაც ჩაძინებოდა.

პანტე თავის ოთახში გავიდა, შუქი ანთო, სათვალე გაიკეთა და ყურნალ-გაზეთებს დაუწყო თვალიერება. წაკითხული ჰქონდა, მაგრამ მაინც ათვალიერებდა, იქნება, საინტერესო ცნობა ან სტატია გამოიჩინოს. ნათელამ გაზქურაზე სარძე ქვაბი შემოდგა, ბავშვებისათვის რძე აადულა, იქნება გაიღვიძონ და თითო ჭიქა თბილი რძე დალიონო. სავახშმოდ სუფრის გაშლას რომ შეუდგა, უკან კიბეზე ფეხაკრეფით ამოვიდა ანდრი, ფრთხილად შეაღო სასადილო ოთახის კარი და დედას თავზე დაადგა.


— უპ, როგორ შემაშინე, რანაირი შემოსვლა იცი, შეგირცხვა ცხვირი! — შესძახა ნათელამ.

— მამა მოვიდა? — იკითხა ანდრიმ, დედის შეშფოთებას ყურადღება არ მიაქცია.

— ეგერაა, ოთახში... რა იყო, რა ამბავია?..

— არაფერი... — თქვა ანდრიმ და მამასთან შევიდა. პანტე წამოწოლილი კითხულობდა გაზეთს, შვილი რომ შემოვიდა, სათვალეს ზემოდან ერთი გახედა და კითხვა განაგრძო.

— მამა, რატომ არ მიეცი იმათ ის ქვა... — შემოვიდა თუ არა, პირდაპირ დაიწყო ანდრიმ. პანტემ შვილს სიტყვა ბანზე აუგდო, მისკენ არც მიუხედავს ისე უთხრა:



— რეზოს სიცხე აქვს...

ეს იმას ნიშნავდა, რომ ქვაზე პანტეს საუბარიც კი არ უნდოდა, მარისებური სიჩუმე ჩამოვარდა. ანდრი მაგიდას მიუჯდა, ყვით ჩამოეყრდნო, კარგა ხანს იჯდა გარინდებული, არ მიდგომოდა მამას, ზოგჯერ ეს ჩია კაცი სალიკლდესავით ამართბოდა ხოლმე და მაშინ ვერც ძალით და ვერც ნებით ვერ მოდრეკდით.

— ხომ არ დაგავიწყდა დათიკო ვასილიჩი ვინც არის?..

პანტე ხმას არ იღებდა, გაზეთს უყურებდა, უკვე აღარ კითხულობდა, ანდრის აჩვენებდა, თავი დამანებე, შენთვის არ მცალია, გაზეთს ვკითხულობო. არ უნდოდა შვილთან არასასიამოვნო საუბრის წამოწყება. ანდრი კი არ ეშვებოდა.

— ის ქვა დათიკო ვასილიჩს უნდა მისცე, მამა, სხვა გზა არ არის, — ახლა უკვე ხვეწნის კილოთი უთხრა ანდრიმ.

შვილის კილო პანტეს არ მოეწონა, ერჩია, შვილი შეკამათებოდა, შებრძოლებოდა, თხოვნა და მუდარა ამ საქმეში, პანტეს აზრით, სულ მთლად მოუთმენელი და დაუშვებელი იყო.

— არ მესმის, რა ქვაზე ლაპარაკობ? — ცივად უთხრა პანტემ და გაზეთი გვერდით გადადო. ტახტზე წამოჯდა.

— ახალი წლიდან დირექტორის მოადგილის შტატი გვექნება, ოცი მანეთი მომემატება... — საიდუმლოსავით უთხრა მამას ანდრიმ.

— მერე რა შუაშია აქ ქვა?

— ჩვენი დირექტორი დათიკო ვასილიჩის დანიშნულია, ხომ იცი ეს შენ. ერთი სიკვდილი გავათავე ბიჭები ხელცარიელი რომ დაბრუნდნენ. პანტემ კინალამ დაგვზოცაო, ასე უთხრეს დირექტორს. მინდორში რამდენი ქვა აგდია, იმის აღრიცხვა და შენახვარა ჩვენი საქმეა, მამა.

— ის ქვა სხვა ქვაა, — შეაწყვეტინა პანტემ შვილს და წამოდგა. ისიც მაგიდას მიუჯდა. სათვალე მოიხსნა და გვერდით დაიდო.

— მართალი ხარ, ჩვეულებრივი ქვა არ არის, მაგრამ მამა ხარ და ჩემს მდგომარეობაშიც უნდა შეხვიდე. — უკან დაიხია უცებ ანდრიმ, — თუ შენებურად კრიჭაში ჩაუდგები ჩემს დირექტორს, დათიკო ვასილიჩს და სხვებს, ეს იმას ნიშნავს, რომ მე დირექტორის მოადგილეობას დავკარგავ.

— რატომ დავკარგავ!

— როცა აღმაინი სიკეთეს გიკეთებს, შენც სიკეთით უნდა გადაუხადო. დირექტორი კარგი თვალთ მიყურებს, რაიონშიც ყურადღებით მექცევიან, შენ კი შენი შვილის კეთილისმყოფელებისათვის ქვა არ გემეტება. აი, რატომ დავკარგავ!..



— ნუთუ ასეთ მნიშვნელობას აძლევენ ამ ქვას, თუ შენ აზვიადებ?

— სწორედ აძლევენ, დირექტორმა თქვა, ესო პრესტეჟი... პანტე ისე იქცევა, თითქოს მის მეტს ეს ქვეყანა არავის ზამდვილეში ხომ ყველამ კარგად ვიცით, პანტე ვინც არისო.

— მერე შენ რა უთხარი.

— რა უნდა მეთქვა?

— შენ იქ იყავი, როცა ეს სიტყვები ითქვა?

— კი, იქ ვიყავი, მოგვკვდი, გავთავდი კაცი, რა მქონდა სათქმელი, დათიკო ვასილიჩი იყო ჩამოსული რაიონიდან და კანტორის წინ ვიდექით: მე, ვასილიჩი, დირექტორი, ვაჟო და ბუჭუ. ვასილიჩი რაიონში მიდიოდა და იმას ვაცილებდით. ძალიან გთხოვ, მამა, მაგ ქვისთვის სოფელს ნუ ააწრიალებ და მთელ რაიონს ნუ გადამკიდებ.

— ის ქვა დავით აღმაშენებლის ქვაა, ბიჭო.

— ვიცი, მაგრამ დღეს ასეა საჭირო.

— „დღეს ასეა საჭირო“, — გამოაჯავრა პანტემ, — რატომა ვითომ დღეს ასე საჭირო, რატომ მაინცდამაინც დღეს, ვითომ დღეს სხვა დღეა? ჩვეულებრივი ადამიანური საუბარიც კი გადაგავიწყდა!.. რად გინდა დირექტორის მოადგილეობა, მთავარი აგრონომი ხომ ხარ?

— აბა, სულ ასე ვიყოთ? დედა პედაგოგი, მამა პედაგოგი, მეუღლე პედაგოგი, თვითონაც აგრონომი, ყველა რიგითი, ყველა ჩვეულებრივი და გაჭირვებული? სულ მუდამ შთაჰომავლობიდან შთაჰომავლობამდე? პატარა არ გავინძრე? დღეს დირექტორის მოადგილე ვიქნები, ხვალ დირექტორი, ზეგ შეიძლება რაიონში წამიყვანონ. მასზეგ კიდევ უფრო ზევით...


— მოიცა! გონს მოდი, თავი არ გაიმასხარაო, თორემ ზევით კი არა, ქვევით წახვალ! — ხმას აუწია პანტემ.

— კარგი, ზევით არ წავალ... დირექტორის მოადგილეობა ხომ შემრჩება. მაინც კარგია, ხელფასიც მეტი მექნება... — მელისასავით დაეკრიჭა, ვითომ მამას კი არა, რომელიღაც უფროსს ეფარისეველებოდა. პანტეს ელდა ეცა.

— ასე ძალიან გინდა, ბიჭო, მოადგილეობა? — ჩაიქირჭილა პანტემ თავისებურად. ანდრი მამის ქირჭილს არაფრად ავდებდა, მას ახლა ვერაფერი შეაჩერებდა — როგორმე მამა დაეყოლიებინა და ის წყეული ქვა ხვალვე გაეგზავნა მეურნეობის მანქანით რაიონში დათიკო ვასილიჩისათვის.

— ძალიან მინდა, მამა, ძალიან, თავს მოვიკლავ, ის ადგილი რომ დავკარგო, ხუთი წელიწადია ველოდები, — ფეხზე წამოდგა ანდრი, —

ვასილიჩის სიძე, ხომ იცი, ვინც არის? — ჩუბჩულით  
მას.



— სიძე არ არის ის. — ცივად უთხრა პანტემ.

— დეიდაშვილის ქმარია და შენ რაც გინდა ის დაუძახე, იმიტომ  
მოსპო, იმიტომ გაანადგურა, ვითომ რა ობიექტური კაცი ვარ, ბიძასაც  
კი აღარ ვინდობო.

— კაი მოსპობაა, საკონსერვო ქარხნის დირექტორობა.

— სასტიკი საყვედური აქვს, უკანასკნელი გაფრთხილებით.

«ყველაფერი იცის, — გაიფიქრა პანტემ. — ვინ ვისი დეიდაშვილია,  
ვის რატომ მისცეს საყვედური, ნუთუ მართლა აინტერესებს კარიერა?»  
პანტეს უყვარდა ნამდვილი სახელმწიფო და სამეურნეო მოღვაწეობი-  
სათვის თავგამოდებული ადამიანები, თუ მის შვილს სურდა, რაიონს  
თუ არა, სოფელს მაინც ჩადგომოდა სათავეში და საზოგადო საქმე ეკე-  
თებინა, პანტე ამას მიესალმებოდა. როცა ადამიანს მიზანი ჰქონდა და  
ამ მიზნისთვის თავს არ ზოგავდა, დაუტყბრომლად, შეუბოვრად მიიწევე-  
და მისკენ, ასეთ ადამიანს თანაუგრძნობდა, კარიერისტს ვერ დაუძა-  
ხებდა... პანტე ყურადღებით აკვირდებოდა შვილს.

— დაჯექი, ფეხზე რას დგახარ, — უთხრა ბოლოს, — გულწრფე-  
ლად გინდა დაწინაურება?

ანდრი კვლავ მიუჯდა მაგიდას, სიგარეტი ამოიღო, საფერფლე ახ-  
ლოს დაიდგა და გააბოლა.

— მინდა კი არა, ღამე მესიზმრება, ვითომ დირექტორის მოადგი-  
ლე ვარ და კაბინეტში ვზივარ გამოქიმიული.

— კარგი, ვთქვათ, დაგნიშნეს დირექტორის მოადგილედ, — უთ-  
ხრა უცებ პანტემ, — შემდეგ დირექტორადაც დაგნიშნეს, ბოლოს რა-  
იონში წავიყვანეს და მთლად რაიონი ჩაგაბარეს, რას იზამდი?

— რას ვიზამდი, — გაიცინა ანდრიმ, არ მოელოდა ასეთ შეკითხვას.  
ამოვისუნთქავდით და ის იქნებოდა ერთხელ და სამუდამოდ! ცოლ-  
შვილს ლიკანში გავუშვებდი, ხომ ხედავ, ბავშვები სულ ავადმყოფო-  
ბენ... ამ სახლს მოვუმატებდი... აგარაკს ავიშენებდი სადმე...

პანტე გულის სიღრმეში ამგვარ პასუხს მოელოდა, შვილს ხომ ხუ-  
თი თითოვით იცნობდა. გარდა თავისი ცოლ-შვილისა, არაფერი აინტე-  
რესებდა, არაფერი ადარდებდა. ნუთუ ყველა მისი აღზრდილი, ყველა  
მისი მოწაფე ანდრივით ფიქრობდა?

— აბა, დღე და ღამე მეურნეობაში რომ ხარ, მთელი სოფლის სა-  
წუხარი შენ რომ გაწუხებს, ეს ყველაფერი ტყუილია?..

— რატომაა ტყუილი? — გაოცდა ანდრი. — თუ მეურნეობაში საქ-



მე კარგად გვექნება, მომავალი წლიდან დირექტორის მოადგილედ უსათუოდ დამნიშნავენ. ცოლ-შვილსაც ლუკმა პურის ფურცლებს უჭერს. — თუ ცუდად გვექნება, შეიძლება საქმე სხვანაირად შევსრულდეთ...

— ასე უჭირს ახლა შენს ცოლ-შვილს? — არ მოეშვა პანტე.  
 — უჭირს, აბა, არ უჭირს? — იცი, ხალხი როგორ ცნობრობს? შენ გადაყვევი მაგ ოხვამეკარს, ორი თვეა, პენსია სახლში არ მოგიტანია, ნელი ბიულეტენზეა, ისედაც ორი კაპიკი ეძლევა... ჩემი და დედაჩემის ხელფასი კიდევ ვერ გაწვდა ყველაფერს, ნელის პალტო აქვს საყიდელი, ფეხზეც არ აცვია. ბავშვები სულ ავად რომ არიან, აგარაკი ჭირდებათ, ერთი სიტყვით, არ ვიცი... საშველი არ არის...

ანდრი იდაყვებს დაეყრდნო, ხელისგულები საფეთქლებს შეუდგა თითქოს დიდი ჯაფისაგან ცოტა ხნით შეისვენაო, გაყუჩდა, მაგიდას დააჩერდა გარინდებული.

— მაშ, შენი აზრით, მთელი შენი აწმყო და მომავალი ეკლესიის ეზოში ქვა რომ აგდია, იმ ქვაზე ჰკიდა? — ხანგრძლივი დუმილის შემდეგ ჰკითხა პანტემ.

— ასე გამოდის, — მიუგო ანდრიმ და მავედრებელი თვალები მამას მიაპყრო.

— თანაც ჩვენ თვითონ უნდა გავუგზავნოთ?  
 — აჰ, არა! თვითონ მოვლენ, მაგისტვის ვინ შეგაწუხებს! — შესძახა გახარებულმა ანდრიმ, — ოღონდ ეს საქმე არ გაახმაურო, თუ გიყვარდე, ზომ იცი, ხალხის ამბავი, ათას კუდს გამოაბამენ მაგ ქვას. თვითონ მოვლენ, მთლად დათიკო ვასილიჩი მოვა თავისი ფეხით, ისე... უკეთესი იქნება, რა თქმა უნდა, თუ ჩვენ გავუგზავნით, მაგრამ... რა ვიცი... როგორც გინდა... — ანდრი თვალბანთებული შეჰყურებდა მამას, ეგონა, რომ ბოლოსდაბოლოს დაითანხმა.

— მაინც რატომ დაინტერესდნენ ასე ამ ქვით? — ჰკითხა ერთხელაც პანტემ.

— ეს, რა ჩვენი საქმეა, მამა! ჩვენ მივცეთ და ჯანდაბამდის გზა ჰქონიათ...

— უნდა ვიცოდე, რისთვის უნდათ ქვა, ჰკითხე, დასამალი რა არის! — გვითხრან და მერე ვნახოთ...

— ვნახოთ?.. — უცებ მოუკვდა გული ანდრის, — კიდევ ვნახოთოს ამბობ, კაცო? გავგიყდები და ის იქნება!

— რატომ გავგიყდები?! გვითხრან რისთვის უნდათ და მივცემ... მეტი რა ვქნა?..

— რა მნიშვნელობა აქვს, რისთვის უნდათ.



— აქვს ალბათ...

ანდრიმ არ იცოდა ეთქვა, თუ არ ეთქვა. ის რაც ვაჟომ მოიფიქრა, ანდრიმ უცებ ვერ მოისაზრა და მამას სიმართლე უთხრა: **მომიფიქრე**

— თურმე დათიკო ვასილიჩი თავის ცნობილ მარანში ბუნაოს აქეთებს, რა საჭიროა ბუხარი მარანში, — გულითადობისათვის კანში ძვრებოდა ანდრი, მამის გულის მოგება უნდოდა და მის მოსაწონ აზრებს გამოთქვამდა თავისი ჭკუით, — მაგრამ ხომ იცი, ხალხს ქონი აწუხებს, ფული აქვს და ბუხარს რატომ ჭიშკართან არ გაიკეთებს, — ნაძალადევად გაიცინა. — დათიკო ვასილიჩი მოქეიფე კაცია, ბუხრის პირას ქეიფი უყვარს... ერთხელ ვიყავი მის მარანში, დირექტორმა წამიყვანა, ეს სასწაულია, ზღაპარია, საწნახელში მანქანა ადამიანივით ჩადგება და ყურძენს რომ დაწურავს, წვენი საწნახელიდან ღარში გადადის, ღარით კი ქვევრში ჩადინდება დაწურული, კამკამა წვენი. ერთი ქვევრი რომ აივსება, ზიარი ჭურჭლის პრინციპით, მეორეც ივსება. ავტომატიკისა და მექანიკის უკანასკნელი სიტყვივითაა ყველაფერი მოწყობილი. ბუხარი აქვს, მაგრამ მეფური ბუხარი უნდა გავიკეთოო, ამბობს. ის ქვა თურმე შიგნით ფერადია, იმ ბუხრის მოსაპირკეთებლად უნდა, მგონი.

— ოოო!.. — შესძახა პანტემ და წამოდგა, — იმ გარეწარმა კი მითხრა, მარანში მაგიდის მაგივრად უნდაო.

— ვინ გარეწარმა?

— აი, იმან, ვაჟოა თუ ჭადის ნატეხია...

— მაგიდის მაგივრადო? — ჩაფიქრდა ანდრი, მიხვდა რომ შეცდა, მაგრამ გვიანდა იყო.

— მაგ ქვას ვერ მოგცემთ. — გადაჭრა უცებ პანტემ და ოთახში ბოლთის ცემას მოჰყვა.

— შეიძლება, მართლა მაგიდად უნდათ, პა? — დაფრთხა ანდრი, — გაბორებული მიაჩერდა მამას. — ვაჟომ უკეთესად იცის, მოურავივით მის სახლშია დღე და ღამე. მე რაღაცას მოვკარი ყური, ის რა სარწმუნოა. — სულ მთლად დაიბნა, აირ-დაირია ანდრი.

— ვიცოდდი, რისთვისაც უნდოდა, იმიტომ არ მივეცი, — ჩაიქირქილა პანტემ, — ის დავით აღმაშენებლის ქვაა.

— კარგი, მამა, კარგი, გვეყოფა რაც გვჭირს... გთხოვ, ძალიან გთხოვ, გემუდარები, თუ გინდა, დაგიჩოქებ, — შესძახა უცებ და მუხლებზე დავარდა, პანტე გაოცებული დაჩერდა შვილს.

— სულ მთლად გავიჯდი, ხომ? დაკარგე თავმოყვარეობა, სინდის-ნამუსი! — ხმას აუწვია პანტემ შვილის საქციელით თავზარდაცემულმა და აღშფოთებულმა.





— მომისმინე, მამა...

— არ მსურს მოსმენა, ადექი და გადი აქედან, მომწიფე-  
ვირა პანტემ.

ხმაურზე ნათელა შემოვარდა. ნათელას ნელიც შემოჰყვა. ნელის  
თავი ისე შეებურა თითქოს კალათა ადევსო, მორგევით თავი შემო-  
ჰყო ოთახში და ბუზლუნით შემოვიდა:

— რა ამბავია, რა მოხდა ახლა, ერთ წუთში? დავბუჭე თვალი და  
ყვირილი!... რა გაყვირებთ, რაშია საქმე! — ქმარს ეცა ნელიცო. ანდრიმ  
ცოლს ზედაც არ შეხედა, წამოდგა და მამისკენ გაქანდა

— მომისმინე-მეთქი, გეხვეწები! — ახლა ანდრიმ აუწია ხმას.

— რა მოგივიდათ, რა მოხდა! — მამა-შვილს შორის ჩავარდა ნა-  
თელა, გაოცებული უყურებდა ხან ქმარს, ხან შვილს.

— ცაცხვის ისტორია გამეორდება, იცოდეთ! — მთელი ხმით შეჰ-  
ყვირა ანდრიმ. — ხომ გახსოვთ, ცაცხვისთვის რა გადაგვხვდა! — ქა-  
ლებს მიუბრუნდა, დამხმარეს ეძებდა, — იმდენი იჩივლა და ინტრი-  
განა ცაცხვი მოჭრესო, მთელი ქვეყანა გადაიკიდა. ეკითხებოდა ვინმე,  
ჩინ-მედალი მისცეს მაგისტვის? ბუნების ქომავგი! ახლა ქვა აქვს აჩე-  
მებული!

— ქვაა? — გაიოცა ნათელამ, — რა ქვა? — თვალები დაწყურა და  
ზურგით მდგარ ქმარს გახედა განრისხებულმა.

— დავით აღმაშენებლის ქვააო, გაიძახის და არავის ანებებს, რა-  
დაცა ქვა ავღია თურმე იმ დასაქცევში... თანაც დათიკო ვასილიჩს  
უნდა!

— დათიკო ვასილიჩს? — შესძახა ნელიმ, გაბუტული იდგა კუთ-  
ხეში, ქმარს შორიდან აგულიანებდა თვალებით.

— ის ქვა ისტორიული ქვაა, მაგის სახლში წაღების ნება არავის  
არა აქვს, მორჩა და გათავდა! — თქვა პანტემ, მერე ცოლს შეხედა და  
უთხრა: — წამოდი, დამალევიჩე ჩაი! სასადილო ოთახში გაწყობილ  
სუფრას მიუჯდა და ჩაის ჭიქაში ფერი ჩაისხა. ამით უნდოდა უსიამოვ-  
ნო საუბრისათვის წერტილი დაესვა, თორემ ბოღმისაგან გულზე სკდე-  
ბოდა, სულ არ იყო ვახშმობის გუნებაზე.

— ვითომ რას აკეთებ მაგით, — გამოსდია მამას ანდრიმ სასადილო  
ოთახში. ნელიც შემოვიდა და მგლოვიარესავით გულზე ხელბდაკრეფი-  
ლი დადგა შორიახლოს.

— კულტურის ძეგლი შვილზე უფრო გიყვარს?..

ნათელამ ცხელი ჩაიდნით ჩაი ჩამოასხა ჭიქებში, თან ანდრის ამ-  
შიდებდა თავის ჭკუით.

— კარგი, ანდრი, დაჯექი, ჩაი გავიცვიდება, რა ძეგლიო, რა ქმეო, გადამრევს ეს ხალხი...—რძალს გადახედა ნათელამ. ვითომ შენ მაინც ამიხსენი რაშია საქმეო. პანტე გაჩუმებული იდგა, თავი მალე მალე წვევია.

— არავინ და არაფერი შენ არ გიყვარს, მარტო შენი ხელობა გიყვარს! — შესძახა ანდრიმ ნერვიულად, თვალები გადმოკარკლა და სათქმელს გული ამოაყოლა, — ინტრი-გა-ნობა!

პანტემ შვილს ახედა, — კედელივით გათეთრებული ადგა თავზე.

— ანდრი, წამოდი აქეთ, — უთხრა ხმადაბლა ნელიმ და ხელი მოჰკიდა მკლავზე. ანდრის წასვლა არ უნდოდა.

— ანდრი, დედა, ცუდად ხარ? ფერი წაგივიდა! — აწრიალდა ნათელა და შვილს წინ დაუდგა. მერე ქმარს მოხედა და დაუტაცხანა, — რა ქვაა ასეთი, კაცო, რა ვააჰირე საქმე! — თუმცა ხეირიანად არ იცოდა, რისთვის ეჩხუბებოდა ქმარს. რაკი ანდრი შეედავა მამას, ნათელაც აჰყვა შვილს. ანდრი უწესოს და ურიგოს არავის ჰკადრებდა, იფიქრა, ალბათ პანტემ რაღაც დააშავო.

— ვითომ შენს მეტი არავინ სცემს პატივს დავით აღმაშენებელს? ვითომ შენ ერთმა იცი ყველაფერი, სად რა ქვა დევს ამ სოფელში, სად რა ციხის ნანგრევია? — გაჰყვიროდა ანდრი.

ანდრი ქალებმა ბავშვების ოთახში შეიყვანეს და პირზე ხელი დააფარეს. ბავშვები არ გააღვიძო. ბავშვებმა მაინც გაიღვიძეს, გია ტიროდა, ნელი აკვანს ურწევდა, თან ანდრის ეხვეწებოდა, გაჩუმდიო, ანდრი გაჩუმებას არ აპირებდა. ქალებს გამოექცა და მამას ჩიქურ მიჰქრა:

— ვინა ხარ შენ? ძეგლის მცველი ხარ? ძეგლთა დაცვის საზოგადოების თავმჯდომარე ხარ?.. კულტურის განყოფილების გამგე ხარ თუ მხარეთმცოდნეობის მუზეუმის დირექტორი? ვინ დაგავალა ოხვამეკარის მოვლა?..


— არც ერთი ვარ, არც მეორე, არც მესამე, მაგრამ იმ ქვას არ მოგცემთ, ვითხარი მე შენ! — შეაგება გაცეცხლებულ შვილს პანტემ და ცხელი ჩაი ხრუპით მოსვა.

— არ მომცემ, იმიტომ რომ კარიერისტი ხარ!..

— ოჰო, ჰო, ჰო, ესეც ახალი ამბავი! კარიერისტიც ვყოფილვარ! — გაიცინა პანტემ.

— რა? არა ხარ? პედაგოგობით ვერაფერს მიაღწიე, ადმინისტრაციულ სამუშაოზე ვერ ივარგე...

— რა ადმინისტრაციულ სამუშაოზე?



— ზომ იყავი სკოლის დირექტორი? — ექვს თვეში ნინაზე დას-  
ვეს. ახლა ეს ოხვამეკარი აიჩემე, ამით გინდა, სახელი შეუბრუნო  
თომ პენსიაზე ვარ, მაგრამ საზოგადო საქმეს მაინც ვაკეთებ. ვინა  
ყიდლოდ და უანგაროდ, არა? სოფელს კი ატყუებ, მაგრამ მე ზომ ვერ  
მომატყუებ, ვერც მეურნეობის ხელმძღვანელობას მოატყუებ, იცოდე,  
ვერც რაიონს, ყველამ ყველაფერი იცის.

— რა იციან, მაინც რა? — დაინტერესდა პანტე, ჩაის სმას მორჩა,  
ჭიქა და ლამბაქი გვერდით მიდგა, წინ საფერფლე დაიდგა და სიგარეტს  
მოუკიდა.

ბავშვების ოთახში რეზოს ტირილიც გაისმა, ხმაურზე გამოიღვიძა  
და მიზეზობდა ავადმყოფი ბავშვი.

— ჩუმად ანდრი, ჩუმად, დამიწიოკეთ ბავშვები! არ გრცხვენიათ? —  
გასძახა ქმარს და შვილს ნათელამ. ანდრიმ საზარელი სიტყვების თქმას  
უმატა და უმატა, ნათელამ ატირებული ბავშვი მიატოვა და სასადი-  
ლო ოთახში გამოვიდა. ნელიმ აკვანი რეზოს საწოლთან მიაჩოჩა და  
ბავშვებს შუაში ჩაუჭდა, ხან ერთს ამშვიდებდა და ხან მეორეს. ნათე-  
ლა ანდრისთან მივიდა, მოჰკიდა ხელი და მაგიდასთან დასვა.

— გააცივდა ჩაი, დალიე და მერე იკამათეთ!..

ანდრი დედას უნებლიეთ დაჰყვა, სკამზე კი დაჯდა, მაგრამ არც  
დაჯდომა უფიქრია და არც ჩაის დალევა. დაჯდა თუ არა, იმ წამს წამო-  
ხტა ფეხზე და რაც გულში ჰქონდა, რაც სოფლის ხელმძღვანელობისა-  
გან გაეგონა, მამას გადააფერთხა:

— იციან, ბატონო, რა საზოგადო მოღვაწეც ხარ, რა ძეგლებისა და  
ბუნების მეგობარიც!.. იციან-მეთქი. ის ოხვამეკარი რომ შემოაკავე და  
შივ შენი ძროხის საბალახო და სადგომი რომ გამართე, ისიც იციან...  
პანტემ სახელმწიფო მიწა თავისი საქონლისათვის შემოაკავაო, ასე ამ-  
ბობენ.

პანტე ყველაფერს მოელოდა, მშვიდად აიტანდა ინტრიგანის, კარი-  
ერისტის, ცრუმოდგაწის, ცრუდაძიანის სახელს, ამას კი, რაც შვილმა  
ახლა აკადრა, ვერ მოითმენდა, ცოდვა იყო პანტე — განა ძროხისთვის  
შემოაკავა ოხვამეკარი? ეს ანდრის აზრი არ იყო, ანდრი ამას ვერც  
მოიფიქრებდა და არც მოიფიქრებდა. ანდრი არ იყო ასეთი. ეს სწორედ  
სოფლის ხელმძღვანელობის მონაჭორი გახლდათ. პანტეს გული ეტკი-  
ნა და თავი ჩაღუნა. რა ეთქვა, რა ეპასუხა შვილისთვის?.. ძროხას მარ-  
თლა აძოვებდა ეკლესიის ეზოში. ხანდახან უშობელსაც შედენიდა  
ხოლმე. ეზოში ძროხის დასაბმელი ადგილი არ ჰქონდათ, სადღაც ზომ

უნდა დაეხმებოდა ძროხას, უძროხოდ კი ვერ ივარგებდნენ, ორი ჩვილი ვერ  
ძეოდ როგორ გაეზარდათ.

— კარგი, ვთქვამთ, მე საზიზღარი კაცი ვარ, — თქვა მარტინმა მუხი  
ტემ — ინტრიგანი ვარ, კარიერისტი, ცრუმოდგაწე და ასე შედეგ,  
ყველაფერს ამას რა კავშირი აქვს ქვასთან.

— ის კავშირი აქვს, რომ ნამეტანს ნუ გავყოფოჩდებით, ქვეყნის  
უკეთესად თავი ნუ მოგვაქვს, საკუთარ თავსაც შევხედოთ კრიტიკუ-  
ლად, როცა ჩვენს ნამდვილ სახეს დავინახავთ, მაშინ არ გავვიჭირდება  
დათმობა. შვილის მდგომარეობაში შესვლა.

სკოლის ისტორიაც ხომ გახსოვს? — დედას დაუწყო მტკიცება ან-  
დრიმ — ტყუილს ბავშვებს ვერ ვეტყვიო, აჩემა და წამოვიდა სკოლი-  
დან, ულუკმაპუროდ დაგვეტოვა! მაგაზე ნაკლები ბიჭები ვართ ტყუილს  
რომ ვამბობთ?.. გვეჭირდება ეს ტყუილი ოჯახისთვის, საქმისთვის... ადა-  
მიანისთვის!..

— ანდრი, დედა, ამას რას ეხვეწები, — უთხრა ნათელამ შვილს, —  
მეურნეობის ხელმძღვანელები თქვენ ხომ ხართ, ადექით და გაუგზავ-  
ნეთ ის ქვა დათიკო ვასილიჩს.

— დავეანებოს და გაუუგზავნით, დაუკითხავად რომ გავუგზავნოთ,  
მერე მაგას შენ დაამაგრებ? იმ ცაცხვის და სკოლის გამო, ხომ გახსოვს,  
რამდენი წერა, ვიდრე სკოლიდან არ გამოაგდეს, არ მოისვენა.

— კარგი, დედა, ანდრი, ასეთი კვახე სიტყვების თქმა როდის იყო-  
დი შენ! გეყოფა ახლა! — გაუწყრა შვილს ნათელა, — კი არ გამოაგ-  
დეს, თვითონ დაწერა განცხადება და ჰენსიაში გავიდა:

— ცაცხვი ხომ მოჭრილი იყო, რომ ჩიოდა რა, იმ ცაცხვს მთავრო-  
ბა გაამთელებდა?.. — დედას ჩააცივდა ანდრი, — შენ მითხარი, რა აზ-  
რი ჰქონდა საჩივარს!.. ის აზრი ჰქონდა, რომ ვითომ მე ვარ სოფლის  
მოჭირნახულე და სხვას კი ფეხებზე ჰკიდიაო. მართალია ეს? არა, არ  
არის მართალი! ჩვენ დღე და ღამე ჩაის პლანტაციაში ვყრივართ, დღე  
და ღამეს ვასწორებთ, ოფლს ვღვრით, ვშრომობთ, ვანგარიშობთ, ვგეგ-  
მავთ, წინასწარ ვიცით, ორიათას წელს სოფელში რამდენი ჰექტარი  
ჩაის პლანტაცია გვექნება, რამდენი ჰექტარი ვენახი, რამდენ ძირ თუ-  
თის ხეს გავახარებთ, ისიც კი ვიცით. ვითომ ამას უფრო უყვარს სოფე-  
ლი, ვიდრე ჩვენ? სიმართლე გინდათ გითხრათ? — შესძახა უცებ ან-  
დრიმ.

— არ გინდა, არა, დედა, გვეყოფა! დაჩეკი, ჩაი დალიე, ახალს  
დაგისხამ, რა მოგივიდა ამ საღამოს!.. — ნათელა ოთახში ადგილს ვერ  
პოულობდა, ხან თეფშებს რეცხავდა, ხან ჩაის ასხამდა, გაკვირვებუ-

ლი უყურებდა ხან შვილს, ხან ქმარს. კარგად ვერ მიმხედარიყო ანდრის გაბოროტების მიზეზს.

— თქვი ბარემ, ყველაფერი თქვი! — უთხრა პანტემ გულზე მოგეშვება.

— შენ შენი თავის მეტი არავინ გიყვარს! ეგოისტი ხარ! — მიახალა მამას ანდრიმ.

— კარგი-მეთქი ახლა! — შეჰკივლა ნათელამ, მოჰკიდა შვილს ხელი და ძალით გაიყვანა ოთახიდან. ბავშვების ოთახში მის ცოლს ჩააბარა, თვითონ პანტესთან გამოვიდა. ეცოდებოდა ქმარი, ანდრიმ გადააჭარბა, ასეთი მწარე ლანძღვა-გინების ღირსი არ იყო, ფიქრობდა გულში, მაგრამ პანტესთვის არ უგრძობინებია, პირიქით, შვილის მხარე დაიჭირა და ქმარი დატუქსა:

— მოუკვდა პატრონი მაგ ქვას, მაგისთვის იშლით ნერვებს? მიეცი და გაათავე!..

პანტე ჩაფიქრებული იჯდა, სიგარეტს აბოლებდა დინჯად და იმაზე ფიქრობდა, რა ექნა, რა ელონა ხვალ... ჩანდა, რომ ანდრის იმ ქვის გამო უფროსობა გაუწყრა. ანდრი ამას ვერ აიტანდა, სულ ჩხუბი და უთანხმოება ექნებოდა ოჯახში.

— რას ზიხარ ახლა აქ, ხომ ივანშმე, წადი, დაწევი, დაისვენე... სხვასაც უნდა ჩაის დალევა... უსაყვედურა ნათელამ ქმარს.

— მე არავის არ ვუშლი, ვისაც უნდა, მობრძანდეს და დალიოს... ე, რამ სიფართეა ეს მაგიდა, — პანტემ ხელი ნერვიულად გაიქნია, ვითომ ცოლს მაგიდის სიფართე უჩვენა.

— უპ, როგორ გაგვიმწარე სიცოცხლე და როგორ გაგვტანჯე! — ამოიღუდღუნა ნათელამ და ცრემლები გადმოყარა.

პანტემ ერთი შეხედა ცოლს უკმაყოფილოდ, წამოდგა და თავის ოთახში გავიდა.

3

მეორე დღეს პანტეს შინ არაფერი უთქვამს, დილით წავიდა და დაიკარგა. მთელი დღე ოხვამეკარში იყო, იჯდა დავით აღმაშენებლის ქვაზე და ფიქრობდა, ხანდახან ეკლესიის კარს შეაღებდა, გულმოდგინედ ათვალეირებდა ყოველ კუთხე-კუჩქულს, თითქოს ემზადებოდა, თითქოს სანუკვარი ოცნების ასრულების ჟამი დამდგარიყო, რალაცას ზომავდა, რალაცას აჭედებდა. ჰგვიდა, ბერტყავდა, მთელი დღე დაფუსფუსებდა. ეკამათებოდა შვილს, ცოლს, ნოეს, სკოლას, სოფელს,

მთელ ქვეყანას. „შენზე ნაკლები ბიჭები ვართ ტყუილს რომ ვამბობსო! ეს რა მითხრა? მოწიფულ კაცს ეკადრება ტყუილის თქმა? მით უფრო, მოძღვარმა თუ შეიძლება თავისი მოწაფეები მოატყუოს?..“  
ქი — ვლუთხარი იმათ, ავდექი და დავწერე განცხადება. იმდღეს იმდღეს...  
ნიერი კაცი ვიყავი... ერთხელ და სამუდამოდ დავუსვი წერტილი უზნეობას, ლაჩრობას... მოვიქეცი ისე, როგორც მწამდა და მჯეროდა... ერთ კაცს, სხვა მეტი არაფრის გაკეთება შეუძლია“... პანტეს რალაც გაახსენდა. საყდრის ბნელ კუთხეში თაღჩას მიადგა, იქ დამტვერილი საეკლესიო წიგნები ელაგა, მათ შორის ერთი წიგნი არ ჰგავდა ძველს. გამოიტანა სინათლეზე... ილია ჭავჭავაძის „ერი და ისტორია“ იყო. გადაშალა და ხმამაღლა წაიკითხა:

„შვილმა უნდა იცოდეს, სად და რაზედ გაჩერდა მამა, რომ იქიდან დაიწყოს ცხოვრების უღელის წვევა. შვილს უნდა გამორკვეული ჰქონდეს, რაში იყო მართალი და კარგი მისი მამა, რაში შემცდარი, რა ავი მიიჩნია კეთილად, და რა კეთილი ავად. რომელია სიმაგრე ჩვენი ცხოვრებისა და რომელი სიფუყე და სისუსტე. უამისოდ თვითონ შვილი, რაც გინდ მხნე და გამრჩელი იყოს, ამ წუთისოფელში ვერას გახდება“.

პანტემ წიგნი დახურა და ფიქრი განაგრძო: „მატყუარა დავით აღმაშენებელი, ან ცულულუტი ცოტნე დადიანი შეიძლება კაცმა წარმოიდგინოს? შეიძლება დავუშვათ, რომ თუნდაც გაჭირვების ქაშს დავით აღმაშენებელი ცრუობდა? ...როცა დიდი და პატარა ცრუობს, — ცულულუტობა, ტაკიმასხარაობა, ლაზღანდარობა — სათნოებად არის მიჩნეული, — ეს იმას ნიშნავს, რომ დარეკა ქაშმა მეორედ მოსვლისა“.

წიგნი თავის ადგილას ჩამოდო და საყდრიდან გამოვიდა.

შინ გვიან შებინდებისას დაბრუნდა, უბრაოდ დაწვა და დაიძინა.

შინაურებისთვის ხმა არ გაუცია. ერთი ნაჭერი პური გალოღნა ჩუმად ოთახში, არ უნდოდა ჭამა, წყალს სვამდა ხშირ-ხშირად. გულგასიებულს კრიჭა შეკვროდა.

მეორე დღეც ასე გაატარა მარხვასა და მარტობაში, მესამე დღეს გარეგარე დადიოდა. ბოლოს ტახტი წაიღო ოხვამეკარში, იქ სამუშაო მაქვს, ვიღლები და წამოწოლა მინდაო, შემდეგ ნაბდისძველა ვააპარა სამზადში რომ ეგდო. თანდათან გამოეთიშა, გამოეყო ოჯახს, თუმცა თავის წილ საქმეს არ ღალატობდა, ძროხასაც აბალახებდა, წისქვილშიც მიჰქონდა და გაზის ბალონებისთვისაც მიდიოდა სოფლის ცენტრში ძველებურად, ჩუმჩუმად კი საყდარში ბინას იღებდა. თანდათან იქ სკამიც აიტანა და მაგიდაც, საბანიც და ლეიბიც. რომ გამოეცხადე-

ბინა, შინიდან წასვლას ვაპირებ, ანდრისთან ცხოვრება არ შემისილიაო, სოფელში მითქმა-მოთქმა ატყდებოდა, პედაგოგი კაცი ბერივიტი რომ გამოიკეტებოდა ეკლესიაში, ხალხი, ვინ იცის, რას იტყობდა მისი წყევლის გადაბარგდებოდა, ოხვამეკარსაც უკეთესად მოუვლიდა მისი წყევლის შესრულებას. იმასაც მიხედავდა, მისი ვარაუდით, იქ ბერების სადგომი უნდა ყოფილიყო, ან შესაწირავების შესანახი ბუნებრივი მაცივარი. აღმაშენებლის ქვასაც უკეთ უღარაჯებდა. თავის ოჯახს, შვილიშვილებსაც, ცოლსაც არ მიაკლებდა ყურადღებას, იქაც იქნებოდა და აქაც, ზამთარში აღზათ ვერ გაძლებდა ამ ცივ კედლებში, ზამთარს თავის ოდაში გაატარებდა. ასე ფიქრობდა პანტე, ნათელას ოხვამეკარის გაგონებაც კი არ უნდოდა, მაგრამ რა ექნა? რაკი კაცი გადაგებული იყო ამ დანგრეულ ეკლესიაზე, რაკი ნანგრევების მოვლა ამ სიბერეში მოთხოვნილებად ქცეოდა, ვერ ჰკადრებდა წინ გადადგომილა. ვერც გადაუღებოდა, ქმარს კარგად იცნობდა, რომ აიჩემებდა, ეშმაკი ვერ გადაათქმევინებდა.

როცა პანტემ შინიდან საწოლიც კი გაზიდა, როცა ერთ მშვენიერ ღამეს შინ არ დაბრუნდა, ნათელა ადგა და ოხვამეკარს მიაკითხა, ხომ ამდენს ლაპარაკობდა პანტე მამა-პაპათა წმინდა ალაგზე, ნათელა ერთხელაც არ დაინტერესებულა საკუთარი თვალთ ენახა თუ რა იყო ეს წმინდა ალაგი. ნათელას ენანებოდა უაზროდ დახარჯული ქმრის პენსია, ფუჭად გაწეული შრომა. ბოსტანი გამოთოხნე აგერ, თუ შეგიძლიაო, ქმარს ეგუჯღუნებოდა. როცა შეატყო, რომ პანტე აღარ ხუმრობდა, ადგა და მიაკითხა. ოხვამეკარის აღმართი კვნესითა და წელის თრევით ამოათავა. ერთი ორჯერ მიაწყველა კიდეც ქმარი ასეთი ახირებული ქცევისათვის და, როგორც იქნა, მიადგა ეკლესიის ეზოს. პანტე ამდგარიყო, ხელში წალდი ეკავა: და ხელმოჩრდილებული გასცქეროდა აღმართში ამომავალს.

— ოჰჰ, შენა ხარ! — შორიდან დაუძახა პანტემ ცოლს, გაუხარდა რომ ამოაკითხა, — შეგეშინდა? ხომ გითხარი, ღამეს იქ გავათევ-მეთქი... — ნათელამ პანტეს მიერ დაქედილი ხის კარი შეაღო და ეზოში შევიდა. აქეთ-იქით იყურებოდა, არაფერს ამზობდა.

— წამოდი, აქეთაა ის ქვა, — უთხრა პანტემ და ცოლს ხელი მოჰკიდა.

— ქვა კი არა, წუხელ სად იწექი, ის მაჩვენე, — უთხრა ნათელამ, ხელი წაართვა და ეკლესიისაკენ წავიდა. შეაღო დაქანული რკინის კარი და შიგ შევიდა, პანტეც შეჰყვა. პატარა საგვარეულო ეკლესიაში

საოცარი სისუფთავე და წესრიგი სუფევდა. ნათელას სხვა დროსაც  
ენახა ნაგვით სავსე, ვირთხებისა და ლამურების საბუდარი, ფერდებ-  
ჩაღეწილი ეს საყდარი, თვალებს არ უჭერებდა, ისე დაეტყუებინა  
დაესუფთავებინა იქაურობა პანტეს. საკათაკმეველოს რომი მსუქნენ  
დით, ეკლესია ჭვარის ფორმას იღებდა, ორივე კედელი შეწეული  
ჰქონდა. იმ შეწეულ კედლებში სარკმლები გაეჭრათ.

— აი, ჩემი საწოლი, — პანტეს სარკმლიან კედელთან დაედგა ტახ-  
ტი და ლოგინიც ზედ გაეშალა. იქვე საწოლთან თავისი ძველისძველი  
„ცენტრალკა“ მიეყუდებინა. ნათელა თოფს დააჩერდა. თოფი იქ ოდის  
სარდაფში ეგულებოდა, თურმე აქეთ წამოუღია, „გაუფერია“, — გა-  
იფიქრა ნათელამ. ცენტრალკას ლულა უპრიალებდა, ნათელას ჩაქან-  
გებულ-ჩამავებული ახსოვდა. „რა აქვს აქ სათოფო“...

— რას იცავ აქ, პანტე, არ გრცხვენია? სულ გამოსულელი და გა-  
მთაყვანდი?... — საყვედური უთხრა ნათელამ.

— მოდი აქ, — უთხრა პანტემ, სიტყვა ბანზე აუგდო, — აქ სა-  
კურთხეველი იყო ალბათ, აქ სამკვეთლო... კანკელი არ დგას და იმი-  
ტომაც ასე მინდორივით... სამკვეთლოს კედელი გამოენგრია ვილაცას,  
მე ამოვაშენე.

— სახლიდან წამოიღე აგურები!..

— არა, აგურები აქ ეყარა... ზევით აიხედე! პანტემ თალისკენ გა-  
იშვირა ხელი, — აქ გამოტეხილი იყო ამ სიფართოზე... ავედი ზევით და  
შიფერი დავაფარე.

— შიფერიც სახლიდან წამოიღე ალბათ!

— შიფერი კი, აგური არ წამომიღია, რომ წამომეღო, ხომ იცი, არ  
დაგიმალავდი... შიფერი ქვეყანაზე არ იშოვება და რა შექნა, ერთი ცა-  
ლი შიფერი დიდი არაფერია! ახლა აქეთ წამოდი, — პანტე გახარებუ-  
ლი უყვებოდა ცოლს, თუ რა გააკეთა საყდრისათვის, — აქ, ხომ გახ-  
სოვს, კაცის სიმაღლეზე ეყარა ნაგავი, ერთი კვირა ვეზიდებოდი გა-  
რეთ, ხევში გადავყარე. აქეთ წამოდი ახლა, ეს ხომ ნანახი გაქვს შენ, —  
პანტემ ნათელა ფრესკებთან შეაჩერა, — ჭაავების წინაპრები გახ-  
ლავს!.. ეს ამ მონასტრის წინამძღვარი ყოფილა, ეს კიდევ მისი მსახური,  
გურკოჩია ჭაავა, ამ საყდარს დააკვდა თურმე, მოკლეს ამის დაცვისათ-  
ვის, იმიტომაც მიუხატიათ წინამძღვარის გვერდით. ეს ამბავი სოფელში  
არავის ახსოვს ჩემს მეტს.

— სადმე წერია, თუ შენი მოგონილია?! — უკმეხად უთხრა ნათე-  
ლამ.

— მოგონილი კი არა, ჩემი გამოკვლეულია, — ამაყად მიუგო პან-  
ტემ.



— ჰო, კარგი, კარგი, რას აპირებ ახლა... — შეაწყვეტინა ცოლმა მონოლოგი.

— რას ვაპირებ? — გაიოცა პანტემ, — რასაც აქამდე ვერც ვხედავდი, იმას ვაპირებ, — წამოდი, ის ქვა გაჩვენო. — უთხრა სწრაფად და გარეთ გავარდა. არ უნდოდა გულახდილი ყოფილიყო, კაცმა რომ თქვას, პანტე არც არაფერს აპირებდა. შვილისგან წყინდა ილაშქრებული უსამართლო ლანძვა-გინება. თორემ გასაყოფი ცოლ-შვილთან რა ჰქონდა...

ნათელაც გამოვიდა საყდრიდან.

— ეს კარიც მე ჩამოვიციდე, მოგლეჯილი ეგდო აქ, — პანტემ ცოლს საყდრის რკინის კარი უჩვენა, — ეკლესიაში ჩვენი ღორები დათარე-შობდნენ. აქეთ წამოდი!.. — პანტე ძელქვის ძირას დადგა.

— აქედან მთელი კოლხეთი მოჩანს, შეხედე, ჩვენი სოფელი რა შორს წაეიდა, ის ჩაის პლანტაციებია, უფრო შორს — ვენახები... — პანტე ხელგაწვდილი იდგა მთის წვერზე და მეუღლეს გულდაგულ უხსნიდა ოხვამეკარის რაობას. — ოხვამეკარი აქ დარჩა, სოფელი იქით, ვაკეზე გაიშალა. ძველად კი მთელი სოფელი ამ მთის ფერდობებზე ყოფილა შეფენილი, სალოცავიც აქ გეჭონია და ძვალშესალაგიც. აგერ, პატარ-პატარა დიხაგუძებები — გორაკები რომაა, ეს ჩვენი წინაპრების სამარხებია, ასე ამბობენ ისტორიკოსები. ბაბუაჩემისაგანაც გამიგია მე ეს... ახლა ამ მიდამოებში რამდენიმე ოჯახი დარჩა, შეხედე? ჩვენ, ნესტორ ჭაავა, დურუ ჭაავა და ჯოტო კანკია. ჯოტოს ბაბუა — დედის მამა იყო ჭაავა, კანკია ჩასიძებულა, ეს შენც გაგიგონია ხომ?.. იმიტომ რომ ჭაავა ოხვამეკარის მოდგამია, აქ იდგა ის ჭა-ხე-კულტი, ჩვენი გვარი რომ ემსახურებოდა, — პანტემ ძელქვას ხელი შემოჰკრა. ატაცებული ყვებოდა, უნდოდა ნათელასაც გადადებოდა ეს ატაცება — ჭაავა წარმართული გვარია, ოხვამეკარი კიდევ ის მიწა და ალაგი, სადაც ამ გვარის ხალხი ცხოვრობდა, შრომობდა, ქმნიდა შეძლებისდაგვარად, მერე რა, ახლა რომ არავინაა ამ მიდამოებში, სოფელი განახლდა, ახალი გვარის ხალხი დასახლდა, ახალი სახელიც დაერქვა. ძველიც იყოს, რას გვიშლის!..

— ყველაფერი ეს პირველად ხომ არ მესმის შენგან, პანტე... რას აპირებ-მეთქი ახლა ის მითხარი.

— მოდი აგერ, აქეთ გაგახედო... — პანტე შებრუნდა, რამდენიმე ნაბიჯი გადადგა და ცოლს ხელი დაუქნია, — რა აგიჩემებია ეს „რას აპირებ“...

— პანტე, — დაუძახა ნათელამ ქმარს, — თუ შენ ანდრისგან გწყინს

რამე, ადექი და წადი თბილისში, ან სოხუმში... აქ რა დაგჩენია ვიროთხებთან და თავგებთან, შენ ისეთი შვილები არ გყავს, სხვაგან ვათიო ლამე. ერთმა გაწყენინა? — მეორესთან წადი, მეორესთან მოგიხუჯავა? — მესამეს მიაკითხე...

პანტეს ეწყინა, ცოლმა რომ არაფრად ჩაუთვალა დაგულისგულებული საუბარი, ცივად შეაწყვეტინა და ოხვამეკარს გადალმა გადაახედა:

— აქეთ, ხომ ხედავ, სოფელი არაა, სატყეო მეურნეობაა, მაგრამ სატყეომდე ტიტველი გორაკები რომ მოჩანს, ის ტიტველი მთებიც საპატრონოა... ვინ იცის, ამ მიწაში რა დევს... — პანტემ მიწას დახედა და ფეხი დაკრა, — შეიძლება ძველი კოლხური ქალაქი აქაა, შეიძლება, ჩვენი ნამდვილი ისტორია სწორედ ამ მიწის ქვეშაა დამარხული, ვიდრე ცოცხალი ვარ, აქაურობას არავის დავანებებ. წამოდი, ის ქვა გაჩვენო, აგერაა...

ნათელა ადგილზე გაქვავებულიყო, არ მოწონდა ქმრის ასეთი ატაცება. ყურს არ უგდებდა და იმაზე ფიქრობდა, ბევრშვილით ცაში მფრინავი მოხუცი როგორ დაებრუნებინა დედამიწაზე. პანტე ცოლს მიუხვდა, ახლოს მივიდა, მკლავზე ხელი მოჰკიდა და საყვედურით უთხრა:

— კი მარა დაბერდი ქალი და ჩემი ხასიათი ვერ გაიგე? — ანდრიმ რომ მაწყენია იმიტომ ვარ მე აქ?.. ვითომ ანდრიმ თუ უკადრი სიტყვები მითხრა, სამაგიეროს ვერ ვეტყოდი? შემეცოდა ანდრი, რა ქნას, ვერ არის ვაქცაცი, თავისი ოჯახისათვის კი ცდილობს, ეს დასაფასებელია, იმიტომ არ ვუთხარი არაფერი და გავჩუმდი.

მე აქ ამის დარაჯად ვარ ამოსული, მოდი აგერ!.. — პანტემ ცოლს დავით აღმაშენებლის ქვა უჩვენა, — ეს ქვა იქიდანაა ჩამოვარდნილი... საკიდური ლოღია, ამბობენ, დავით აღმაშენებელმა მარტოკამ ასწია და ბერებს მალა, ეგერ, ახლა კუთხის ქვა რომ აკლია, იქ მიაწოდო. — პანტემ ცოლი სახურავგადაგლეჯილ სამრეკლოსკენ აახედა.

— ესო, ზღაპარიო, სკოლაში თქვეს, — უთხრა ნათელამ ქმარს.

— ვინ თქვა, რა იციან შენმა მასწავლებლებმა!..

ნათელა ქვას მიუცუცქდა, აქედან გახედა, იქიდან გახედა, გარს შემოუარა.

— ყვითელი ქვა არის. უბრალო... რა არის მეტი? — ჰკითხა ქმარს.

— უბრალო?... — პანტე დაიხარა და ცოლს ქვის ჩამონატეხი აჩვენა.

— უი, შიგნით წითელი ყოფილა! — გაიკვირვა ნათელამ.

— ჰო, ვარდისფერია — მიუგო ამაყად პანტემ, — დათიკო ვასილიჩი უბრალო რიყის ქვით დაინტერესდებოდა?... — ალბათ სამრეკლო მთლიანად ასეთი ქვითაა ნაგები-მეთქი, არა, ეს ერთი ქვა ურევია ასეთი.

პანტე ცოლს გამარჯვებული უყურებდა, ვითომ მთლად უფრო/კი არაა ჩემი ბრძოლაო.

— ახლა საკითხავია, საიდან გაჩნდა ფერადი ქვა აქ? <sup>ქვემოთ</sup> ქვემოთ ქვე-დან ასეთ დიდ ქვებს ბერები ვერ მოიტანდნენ. მაშ, სადღაც ახლოს ჰქონდათ სამტეხლო. სადღაც ახლოს ფერადი ქვის მადანია, შეხედე კარგად? მარმარილოზე ნაკლები რითია?...

— მით უფრო, თუ კარგი ქვაა, ამ ტყე-ღრეში უქმად რატომ უნდა ეგლოს?

— იმიტომ რომ წინაპრის ხელმონაკიდებია, მისი მოტანილი და მონაგარია. ეს არ მთხოვოთ, ნათო, და რაც გინდათ, ის მთხოვეთ... — პანტემ ცოლს ახალგაზრდობის სახელი „ნათო“ გაუხსენა და ამ ნათოთი მოეფერა თავისი ჭკუით. ნათელასაც ესაიშოვნა, „ნათო“ რომ დაუძახა ქმარმა.

— რა ექნათ, აბა? — თანაგრძნობით ჰკითხა ნათელამ.

— ისტორიული ქვაა და იმიტომ, — უთხრა პანტემ.

— ვითომ მართლა დავით აღმაშენებლისაა? — ჰკითხა ნათელამ.

— ხალხი ამბობს ასე, ხალხი ბრძენია... რატომ მაინცადამაინც დავითს მიაწერენ ლეგენდას და არა რომელიმე სხვა მეფეს?

— რა ვიცი, ის ბიჭი თავს იკლავს, ჩემი უფროსი ხეირიანად აღარ მესალმებო, — ამოიოხრა ნათელამ.

წამით გაჩუმდნენ.

— ამისთვის ამოხვედი? იმან გამოგაგზავნა? — დუმილის შემდეგ ჰკითხა პანტემ.

— აჰ, არა, შვილებს გეფიცები...

— არა, კი არა, არ ვიცი ანდრის ამბავი?

— უჰ, ის ანდრი მომიკვდეს მაშინ.

— აბა, წუხელ ხომ გითხარი, ვერ ჩამოვალ-მეთქი, დილაადრიანად რას ამოასკვდი ამ აღმართს, გაკვეთილი რომელზე გეწყება?

— მოვასწრებ, — ნათელამ საათს დახედა, რალაცას ყოყმანობდა, თქმა უნდოდა და ვერ ამბობდა. — გრიშას უნდა შენი ნახვა თურმე, ფეტქლავას, — თქვა ბოლოს.

— კულტურის განყოფილების გამგეს?... — ჩაიცინა პანტემ, — დამიბარა?

— კი არ დაგიბარა, როცა დრო ექნეს, გამოიაროსო.

— შენ გრიშამ გამოგაგზავნა?

— არავის გამოგუგზავნივარ, თვითონ მოვედი.

— ანდრიმ გამოგაგზავნა, მე ვიცი.

— ვთქვით გამომაგზავნა, მერე რა? დავაშავეთ რამე ან მე ან იმან?

— ანდრი რომ ფეხებში არ მებორკებოდეს, ამ ქვას კულტურის განყოფილების გამგე კი არა, ციდან იესო ქრისტე რომ ჩამოეფეხებინ არ გავატან, ვერც ერთი დაწესებულების ხელმძღვანელი ტყუილად არა რებს და ვერ მეტყვის ისტორიული ძეგლი დაამტვრიე და ბუხარი მოუპირკეთე ამას და ამასო. თუ მეტყვის, მეც ის მინდა... შვილია და რა ვქნა, შვილს რა ვუყო. ანდრი მივიდა კულტურის განყოფილების გამგესთან ხომ?

— შენი თავი მომიკვდეს მაშინ... მე მოკვდე თუ ანდრი ვინმესთან მისულიყოს.

— ჰმ, შენ რა იცი, ნათო... — კვლავ მოეფერა ცოლს პანტე, — შენ რასაც გეუბნებიან, ყველაფერი მართალი გგონია.

— რატომ მივიდოდა ანდრი, დათიკო ვასილიჩს ვითომ გაუჭირდებოდა გრიშასთვის დაერეკა და ეთქვა, ის ქვა თქვენი ხელით მომიტანეთო?..

— დათიკო ვასილიჩი არ დაურეკავდა, არც მეურნეობის დირექტორი ყორა რომაა, არც ის დაურეკავდა, იმათმა იციან ჩემი ამბავი, — უფრო მეტიც, რაც მოხდა, მოხდა: ისინი ამას არც გააცხადებენ და ვერც გააცხადებენ. ჩემი შვილი დაწვრილებს ტყემალნაქამი ძაღლივით, ჩემია მკვდარი და რა ვქნა?

— კარგი, პანტე, თუ გიყვარვარ, საქმედ ნუ გავვიხადე ეს ქვა.

— დათიკო ვასილიჩი ამისთანა ქვას მილიონს იშოვის, ის დღეს უკვე არც ფიქრობს ამ ქვაზე, არც ახსოვს... — განავრძობდა პანტე. ნათელა წამოდგა, წასვლას აპირებდა, საათს დასცქეროდა ხშირ-ხშირად, პანტე კი ქაქანებდა და ქაქანებდა:

— არც მის დირექტორს, ყორას ახსოვს, ანდრის ახსოვს მხოლოდ, ანდრის ეშინია დათიკო ვასილიჩის, ყორასი, ყველასი და ყველაფრის... ეჩვენება, რომ უფროსები არ ესალმებიან, უფროსმა ავი თვალით შეხედა... და რა ვიცი, საკუთარი ლანდის ეშინია! სულ უკან-უკან წაიდა ეს ბიჭი, მლიქვნელი და კარიერისტი გახდა, ასე გგონია, მომიკვდა და შინ მკვდარი მისვენია!

— დიდუპ! — შეჰკვივლა ნათელამ და ლოყაზე იტკიცა ხელი, — გაჩუმდი, პანტე! არ გრცხვენია, რას ლაპარაკობ, ადამიანო! რა მწარე სიტყვები ამოგდის პირიდან! ამის მოსმენა ვის შეუძლია! შვილია ანდრი შენი, უფროსი შვილი, ხომ არ დაგავიწყდა? ასე როგორ იმეტებ!..

— შენ გგონია, მე არ ვწუხვარ? — უთხრა პანტემ ცოლს და გული შეეკუმშა, — ანდრი მეც მეცოდება...

ორივენი გაჩუმდნენ, ნათელა ცრემლს იწმენდა, პანტე და მანაშაქე-სავით ჩასცქეროდა მიწას და რა ეთქვა, ცოლი რითი ენუგე შებინა, არ იცოდა.

— მომხედე აქეთ, პანტე, — თქვა უცებ ნათელამ. — ჩემი ხათრით სულ აღარ დაგრჩია? ჩემი ხათრით აპატიე.

პანტემ ცოლს გაკვირვებით შეხედა.

— რა ვაპატიო, ვის ვაპატიო?

— ანდრის... — ნათელამ ქმარს მავედრებელი თვალები მიაპყრო.

— არ არის ის ისეთი საზიზღარი, როგორც შენ გეჩვენება... — სლუჟუნ-სლუჟუნით უთხრა ნათელამ, თავისი ცრემლების შერცხვა თუ რა იყო, გატრიალდა და წავიდა, პანტე უკან გამოუდგა.

— რა გატირებს? რა ეთქვი ასეთი... მოიცადე... ანდრის რამე უთხრეს?..

— უთხრეს ალბათ... რა ვიცი. მე იმას ვტირი, რომ მამას შვილი გეჯავრება. შვილის და რძლის აუცი პირზე გაკერია... აბა, ის რა კაცია, ვინც საეკუთარ შვილს ლანძღავს დღე და ღამე...

პანტეს ეწყინა. შეჩერდა, თანდათან მოაწვა ბოლმა და ნათელაც ზედ მიაყოლა:

— შენც უარესი ხარ მაგათზე, ერთმანეთზე გაქვთ კუდები გადა-ნასკეული!... — მიაძახა უკან, რაკი ნათელა აღარ იცდიდა, მიდუღღუნებდა და მიდიოდა. კარი რომ გააღო და ეზოს გადაღმა გადავიდა, მაშინ დააწია პანტემ, შენც უარესი ხარო. ნათელა მობრუნდა, ჭიშკარს მოადგა, პანტეს ერთხელაც შეეხვეწა:

— აპატიე. პანტე, მე მაპატიე, ანდრის აპატიე, მთელ ქვეყანას აპატიე და გულზე მოგეშვება...

პანტეს შუბლი შეეკმუხნა, სქელი მოკლე წარბები მოქუფრა, ცოლს თვალი მოარიდა და თქვა:

— ვიდრე ცოცხალი ვარ, ამ ქვას არავის მივცემ.

ნათელა გველცემულივით გატრიალდა. ვერც წასვლა გადაწყვიტა, ვერც დარჩენა, რამდენიმე ნაბიჯი გადადგა და ისევ მობრუნდა. გაცეცხლებული იყო ქმარზე, ამდენი ეხვეწა, ვევედრა, ეჩხუბა კიდევ. ის კი მაინც თავისას გაიძახოდა. რა ეღონა, რა მოემოქმედა, რომ ქმარი გაემწარებინა? სიტყვებს ვერ პოულობდა, ბოლმა რომ გადმოენთხია, რა-ღაცას ბუტბუტებდა თავისთვის გააგებული. ბოლოს ძალ-ღონე მოიკრიბა, ცრემლი შეიმშრალა, გაბედა და უთხრა:

— შენ თუ გსიამოვნებს ეს ინტრი-განობა, შვილებისთვის იცი

რა ძნელია, ინტრიგანი მამა ჰყავდეს?.. — თქვა ეს, გატრიალა და თავდაღმართზე ჩქარი ნაბიჯით დაეშვა. ცოცხალ-მკვდარი პანტე მკე თულის ღობის გადაღმა დატოვა ეკლესიის ეზოში.

ეროვნულნი  
ბიზლინითქს

4

პანტე ცუდ გუნებაზე დადგა. ცოლი ჰყავდა თანამოაზრე და იმასაც წაეჩხუბა. საყდარში შეიკეტა, კუთხეში მიყრილ ხარახურებზე ჩამოჯდა და ფიქრს მისცა თავი: დავით აღმაშენებლის ქვას საფრთხე ემუქრებოდა. გურკოჩია დაუდგა თვალწინ. ფიქრს შორს გაჰყვა. წარსულზე ფიქრი ტკბილი იყო. პანტეს უყვარდა ფიქრი წარსულზე. გასაქირის უამს ფიქრი ედგა მხარში, წარსულზე ფიქრი სიმშვიდეს ჰკვრიდა.

გურკოჩია მშრომელი გლეხაკი ყოფილა. სულ მუდამ თოხი და კომბალი სჭერია ხელში, ეკლესიის მიწები და ხვასტავი ებარა თურმე.

ერთხელ სოფელში ჩამოსულა დამსჯელი რაზმი. ასეული გამოეგზავნათ გურული ფირალების დასასჯელად. რაზმი დაბანაკებულა ოხვამეკარში, აქედან გურიაში გადადიოდნენ, ააწიოკებდნენ ფირალების სოფლებს და ისევ უკან ბრუნდებოდნენ.

საყდარი გასულ საუკუნეშიც მიტოვებული ყოფილა, სოფლისთვის ახალი ეკლესია აუგიათ, მღვდელი იქ წირავდა და მრევლსაც თავის სა-მლოცველოდ ის ახალი საყდარი მიუჩნევია. ოხვამეკარი ყველას დავიწყნია. უპატრონოდ მიგდებული ოხვამეკარი გურკოჩიას არ მიუტოვებია. რაკი მისი მამა-პაპანი და თვითონაც ამ საყდარს ემსახურებოდნენ, ვერ შელევია. სალოცავად დაბლა, ბარში ახალ ეკლესიაში ჩამოდიოდა, ბინად კი იქ ოხვამეკარში, ბერის სენაკში, დამკვიდრებულა. საყდრის გასაღებიც მას ჰქონია და შობა-ახალწელს, აღდგომას, ფერისცვალება — მარიამობას შიგ სანთლებს ანთებდა თურმე.

ერთხელ გურკოჩია საზარელ სურათს შესწრებია; რაზმელებს საყდარი სულ მთლად უპატრონო ჰგონებიათ და იქაურობა სასროლეთად გამოუყენებიათ. ერთი-ორჯერ უსერიათ კიდევ საყდრის კარისთვის, როგორც სამიზნისთვის. მოვარდნილა გურკოჩია, აუტეხია ყვირილი და რაზმელები კომპლით დაუფრენია — ამის პატრონი მე ვარო.

გასულა ხანი. რაზმელთა მეთაურს — ასისთავს ოხვამეკარში დასახლება განუზრახავს. სოფლის მამასახლისს ოხვამეკარის ნანგრევები მიუცია ასისთავისათვის. მაშინ ოხვამეკარში თეთრი თლილი ქვები ბლომად ეყარა თურმე, იმ ქვებთან ერთად დავით აღმაშენებლის ქვის წაღებაც მოუხდომებიათ.

გურკოჩიას მამასახლისისა და ასისთავის კაცები წელანდებურად კომპლით გაურეკია; ეს წმინდა ალაგია, აქედან ფიჩხის წაღება არ შეიძლებაო.

წმინდა ალაგია  
აქედან ფიჩხის  
წაღება არ შე-  
იძლებაო

მამასახლისი ამის გამო გაბრაზებულა და თავისი მხლებლებით აისულა ოხვამეკარში გურკოჩიას დასასჯელად.

პანტემ თითქოს მამასახლისის ხმაც კი გაიგონა შორეთიდან, გაიგონა გურკოჩიას ბუზღენი. აჩრდილები საყდარში შემოვიდნენ და წარსულის სურათი აღადგინეს.

გაისმა ზარების რეკვა და ოხვამეკარში მთელი სოფელი შეიკრიბა. მამასახლისმა ცხენი შემოაჭენა ოხვამეკარის ეზოში და გურკოჩიას დაუძახა.

მამასახლისი. გადაუდებე ხომ სოფელს გურკოჩია! ერთხელ, გაპატიეთ, ორჯერ გაპატიეთ, ყოველთვის არ მოიტანს კოკა წყალს. სოფლის საქმე სოფელმა უკეთ იცის, შენ გვეალება ეს მიწა თოხნო და თოხნე! თავს მაღლა ნუ სწევ ინდაურივით!

გურკოჩია. (საყდრიდან მშვიდად გამოდის). რა ამბავია, მამასახლისო, რა გადაკრულად მელაპარაკები, რა ინდაურიო, არაფერი მესმის?

მამასახლისი. ცუდად არის შენი საქმე, იცოდე, და მე არაფერი დამაბრალო.

გურკოჩია. რამ გაგაცეცხლა მაინც?

მამასახლისი. ვითომ არ იცი?..

გურკოჩია. ვიცი, კი ვიცი, მაგრამ... შენც ხომ იცი, რომ ჩვენ საწყალი ხალხი ვართ, პაპაჩემიც, იმის პაპაც და იმის პაპაც თურმე ამ ეკლესიას ემსახურებოდნენ. მეც იმათ კვალზე მივდივარ...

მამასახლისი. (აწყვეტინებს). არსად არა გაქვს შენ წასასვლელი ჩვენს იქით. რატომ არ აძლევ ამ ქვებს ასისთავს პირდაპირ თქვი.

გურკოჩია. მაგისთვის მიყვირიხარ?.. (გურკოჩია ჩაფიქრდა) მაგათ მე არაფერს არ მიცემ, ტყვიას ესკრიან აქაურობას, სამიზნე და აქვთ გამოყენებული...

მამასახლისი. (იყვირა) ცრუობ!.. (საერთო ჩიჩქოლი, ჩურჩული).

მამასახლისის პირველი თანაშემწე: ასეა, ბატონო, არავის არაფრად თვლის...

მამასახლისის კაცებს მოაქვთ პატარა მაგიდა, სკამები, მამასახლისი ცხენიდან გადმოხტა, ჩაიცვა მოსამართლის მანტია, შუა ადგილას დაჯდა და დაიწყო სახელდახელო სასამართლო. გურკოჩია შორიახლოს დგას ბრალდებულივით თავჩალუნული.

მამასახლისი. რაკი შენთან სიტყვა არ ჰქრის, იძულებული ვარ  
კანონს მივმართო და კანონის ენით გელაპარაკო.  
თანაშემწემ ზარი ააწკარუნა, ეს იმას ნიშნავს, რომ სავსეა ქვეყნის  
მართლო მუშაობას შეუდგა.  
ბრალდებულო გურკოჩია! შენთვის ხომ იყო ცნობილი, რომ ჩვენს  
სოფელში დასახლება გადაწყვიტა ასისთავმა.

გურკოჩია. დიახ, იყო, მაგრამ...

მამასახლისი. (არ აცლის). ისიც ხომ იყო ცნობილი, რომ ჩვენ  
გვევალებოდა დავხმარებოდით ჩვენს მხსნელსა და მფარველს, ხომ  
გაგაფრთხილე არაერთხელ.

გურკოჩია. დიახ, გამაფრთხილეთ.

მამასახლისი. ყოველივე ამის შემდეგ ასისთავის კაცებს არ მი-  
ეცი ქვები. უმძიმესი დანაშაულიც ჩაიდინე, ხომ ასეა?

გურკოჩია. რა დანაშაული?.. ქვა კი არ მივეცი, რაც მართალია,  
მართალია, ეს დავით აღმაშენებლის ქვაა, არ შეიძლება ამის აქე-  
დან წაღება.

მამასახლისი. საჩივარია შემოსული შენზე! (თავის კაცებს) მო-  
მეცით აქეთ?.. (ჩანთიდან ამოიღეს ქალაღი).

გურკოჩია. მაგათ რა აქვთ საჩივლელი — საჩივარი მე მაქვს! მა-  
მაპაპეულ საყდარს ტყვიას ესვრიან, რაც დაუნგრეველია, იმასაც  
მინგრევენ და მიფუჭებენ. ამასაც არ მაჯერებენ, ნანგრევები შინ  
მოაქვთ. კარგი, ბატონო, რახან შენი ბრძანებაა წაიღონ ქვები, მაგ-  
რამ ამ ერთ ქვას ხელი არ ახლონ, ის დავით აღმაშენებლისაა.

მამასახლისო, შენ თუ სოფლის თავკაცი ხარ, და სოფლის ჭირი  
მართლა გაწუხებს, უნდა ადგე, წახვიდე უფროსებთან და ეს ამბა-  
ვი აცნობო, ან თვითონ ასისთავს უნდა მოთხოვო პასუხი სოფლის  
სახელით.

მამასახლისი. სტყუი! ეკლესიას ტყვიას არავინ ესვრის!  
(ხალხს მიმართავს) აბა, გაიხედეთ აქეთ-იქით! (გაიხედავენ). ირგ-  
ლივ სოფელია ხომ? სად უნდა ივარჯიშოს ჭარმა, ხალხო? ასის-  
თავს თავისი რაზმი გამოჰყავს აგერ ამ მინდორში სავარჯიშოდ. რა-  
ტომ? იმიტომ, რომ აქეთ სოფელი არ არის, ერთი ეს ეკლესია დგას  
და ტყე და მინდორია, თოფს ისვრიან ტყისკენ, რათა ადამიანი არ  
დაშავდეს...

გურკოჩია. (გაქანდა და ნატყვიარს უჩვენებს ხალხს) ტყისკენ კი  
არა, ა, ბატონო, მობრძანდით აქ, ნახეთ!.. (ეკლესიის კედელს მიადო  
ხელი).



მამასახლისი. შეიძლება ერთი ტყვია მოხვდა, მერე რა ვუყო!  
ერთი ტყვია ეკლესიას ვერაფერს დააკლებს, მაგრამ... ადამიანი რომ  
მოხვდეს, მოკლავს, ხომ ასეა, ხალხო?

ერყენეული  
ბიზლინოთეკა

ხმებო. ასეა, ასეა.

მამასახლისი. რაც მთავარია, ამ ეკლესიაში წირვა-ლოცვა არ  
არის. რაც დიანოზა მღვდელი მოკვდა, წირავდა ვინმე?..

პირველი თანაშემწე. სალოცავად სხვაგან დადიან ეგენი. აქ  
სხვა ანგარიშია...

მეორე თანაშემწე. გიორგობას საკლავი მოჰყავთ აქ, ეკლე-  
სიის გასაღები გურკოჩიას უღვეს ჯიბეში და შემოსავალიც გვარიანი  
აქვსო, ამბობენ...

მამასახლისი. აი, თურმე რა ყოფილა! თურმე რისთვის ტეხავს  
განგაშს და რისთვის იქნევს კომბალს!.. რომელი მღვდელი შენ  
მყავხარ, რომ საკლავი აკურთხო! ვინ მოგცა ამდენის უფლება!..  
ვინ მოგცა გასაღები!

გურკოჩია. ჰო, ჰო, ჰო, ვითომ არ იცით, რომ აქ ნაკურთხი საკლა-  
ვი მოჰყავთ, დიანოზა მღვდელი რომ მოკვდა, გასაღები მე რომ და-  
მიტოვა, ვითომ ესეც ახალი ამბავია თქვენთვის! გჭონდეთ ეს გასა-  
ღები, თუ გინდათ!.. (მიუგდო გასაღები.) იმ ქვას კი მაინც არ მოგ-  
ცემთ, სულ ერთია!..

მამასახლისი. ვის რად უნდა ბოლოსდაბოლოს შენი ქვა... შენ  
პასუხი უნდა აგო, ცრუმღვდლობისთვის. რაც მთავარია (ხაზგას-  
მით), ურჩობისათვის.

— დიდუპ, გურკოჩია, დაიჩოქე ახლა და შეჭამე მიწა! — დაიძახა  
ვილაცამ ხალხიდან.

მამასახლისი. (ხალხს). ახლა ჩვენ აქ ქვის წაღება—არწალბისთვის  
შევიკრიბეთ განა? ქვა კი არა, კაცს დანაშაული აქვს ჩადენილი და  
პასუხი უნდა აგოს კანონის წინაშე. ამის შემდეგ ჩვენ ქვას გვინდა  
წავიღებთ და გვინდა არა!..

— განაჩენი გამოგვაქვს! (პირველ თანაშემწეს) დაამთავრე, საქმე  
ნათელია!..

პირველი თანაშემწე გამზადებულ განაჩენს მიართმევს.

მოაწერეთ ხელი! (ხელს აწერენ თანაშემწეები და მამასახლისი.)  
საველე სასამართლო, რომლის შემადგენლობაში შედიან: მამასახ-  
ლისი, იგივე მოსამართლე, და მამასახლისის პირველი და მეორე  
თანაშემწეები, იგივე მსაჯულები, ადვენს:

ამ სოფლის მკვიდრი ბრალდებული გურკოჩია ჯაავა გადაუდ-

გა სოფელს, გადიდგულდა და დაიწყო ურჩობა, შეურაცხველი  
თავის კაცები. არ შეასრულა მამასახლისის ბრძანება... მაგრა...  
ასისტავი მოწყალეა... ასისტავმა აპატია გურკოჩიას ურჩობის  
იუგალისწინა მისი ოჯახური მდგომარეობა, წარსულში  
სოფლიდან გასახლება, სასახლის მშენებლობაზე მუშაობით შეუც-  
ვალა.

ბ მ ა ხ ა ლ ხ ი დ ა ნ . ეს თითქმის თავისუფლებაა, გურკოჩია, ეკლესი-  
ისთვის იმუშავენ თუ ასისტავისთვის სულ ერთი არ არის?

მ ა მ ა ს ა ხ ლ ი ს ი . რაკი ასისტავმა გურკოჩიას ყველაფერი აპატია,  
ჩვენ სოფლის თავკაცებს უფლება არა გვაქვს იგი დავსაჯოთ. მად-  
ლობა უნდა ვუთხრათ ასისტავს გულმოწყალებისათვის და პატივის-  
ცემის ნიშნად უნდა დავადგინოთ შემდეგი: აგერ, ჩვენს დანგრე-  
ულ ეკლესიასთან, თეთრი ქვები რომ ყრია, ეს ქვები და სამრეკ-  
ლოდან ჩამოვარდნილი ეგრეთ წოდებული დავით აღმაშენებლის  
ქვაც უნდა გავუგზავნოთ ასისტავს, თავისი სასახლის ბჭის თაღის  
ამოსაშენებლად. აღსრულება დავეალოს მამასახლისის პირველ თა-  
ნაშემწეს და მამასახლისის მეორე თანაშემწეს.

მამასახლისის თანაშემწეები გაემართნენ დავით აღმაშენებლის  
ქვისაკენ. გურკოჩიას ხალხი შემოეხვია გარს და თავისუფლებას  
ულოცავენ. გურკოჩია ხალხს გაუსხლტდება და ქვაზე შეხტება ჭა-  
ბუკურად.

გ უ რ კ ო ჩ ი ა . არ დავანებებთ ამ ქვას!.. სასამართლოთი და ასისტა-  
ვით ვერ შემაშინებთ, ქვა სამრეკლოსია, დღეს თუ არა ხვალ (ხელს  
იშვერს სამრეკლოსაკენ.) აი მანდ, კედლის ყურზე უნდა ჩამოვ-  
დოთ და ჩავაშენოთ, ასისტავს ნება არა აქვს ეს ქვა მიისაკუთროს!..  
მოულოდნელად სოფლიდან გაისმა გასროლა. ამას არავინ მოელო-  
და. დაიბნენ, აირივნენ, ვერ მიმხვდარან რა მოხდა, ვიღაცამ იკივ-  
ლა, მამასახლისიც კი შეშფოთდა და მიიჭრა გურკოჩიასთან, მაგრამ  
ხელის ხლება ვერ გაბედა, გურკოჩია შეტორტიმანდა, გულზე იტაცა  
ხელი, ნელა დაეშვა დავით აღმაშენებლის ქვაზე.

გ უ რ კ ო ჩ ი ა . ხომ ვით... ხარით... ესვრიან... მეთქი... თქვე... უღმერ-  
თობო! ამოიკენესა და დაემხო დავით აღმაშენებლის ქვაზე. თეთ-  
რი ქვა გულის სისხლით დაიფერა.

პანტეს ეს სისხლი არ აძლევდა მოსვენებას. „ამ ქვისთვის სისხლი  
დაიღვარა, თუნდაც ამისთვის საჭიროა მისი დაცვა“, — ბუტბუტბადა

საყდარში. „წავალ ფეტელავასთან, თუ დამჭირდა, უფრო ზევითაღწავალ“, — გადაწყვიტა მტკიცედ, გამოიხურა საყდრის კარი და სოფელისკენ თავდაღმართზე დაეშვა.

სოფელი  
განათლებლის  
განათლებლის

პანტემ რაიაღმასკომში ფეხი რომ შედგა, წინ ნოე შემოეფეთა. ნოეს ხელში ჩანთა ეკავა და ისე იდგა დერეფანში, თითქოს ვიღაცას ელოდებოდა, ფეტელავას მისაღებში პანტემ ბუჭუსაც მოჰკრა თვალი, არ ესიამოვნა მათთან შეხვედრა, ბუჭუსკენ არც გაუხედავს, ნოეს ჩამოართვა ხელი.

— უჰ, როგორ გამიხარდა შენი დანახვა! მოხვედი ხომ? დაბრუნდი ხომ? — შეაგება ნოემ და მეგობარი გვერდით გაიყვანა. — განცხადება მოიტანე?

— რა განცხადება? — დაიბნა პანტე.

— სკოლაში არ ბრუნდები?

— კარგი რა, ნოე, რამდენჯერ უნდა გითხრა ერთი და იგივე. — ეწყინა პანტეს და გაცლა დააპირა.

— აბა, აქ ამასთან მოხვედი? — შეაჩერა ნოემ პანტე და ფეტელავას კაბინეტისკენ გაიშვირა ხელი. პანტემ არ უპასუხა.

— კაცო, მეც მაგასთან ვარ დაბარებული, რა უნდა ნეტავ? შენ გამო ხომ არა?.. — გამომცდელად მიაჩერდა, — ქვის გამო ხომ არ გიბარებენ? — ნოე თვითონ სვამდა შეკითხვებს და თვითონ პასუხობდა. — მთელი რაიონი იმ ქვაზე ლაპარაკობს!.. — ნოე ჩურჩულზე გადავიდა, აქეთ-იქით იყურებოდა, პანტეს თითქოს სულში უძვრებო, მისკენ მიიწევდა, — ყველანი შენთან ვართ, იცოდე, დავით აღმაშენებლის ქვა ამ ოხრებს უნდა დავანებოთ? არა! არ მისცე, არავითარ შემთხვევაში არ მისცე! დაივიწყა ხალხმა სამშობლო, წინაპრები, კულტურის ძეგლები, ისტორია. თავისთავის მეტი არავის არაფერი ახსოვს. შენისთანა ადამიანი სწორედ ლამპარია წყევდიადში. ახალგაზრდობა შენს მაგალითზე უნდა აღიზარდოს. სხვათაშორის, სკოლას თუ დაუბრუნდები, უფრო უკეთ იბრძოლებ ოხვამეკარისათვის. ახლა შენ რაიონის პედაგოგიური კოლექტივი გვერდით რომ გედგას, მეტი ძალა გექნება და ადვილად ხელს ვერ წამოგკრავენ. მთელი რაიონის პედაგოგებთან ერთად გემოქმედა, არ გერჩია?

— ვიმოქმედოთ მერე! — უცებ მოუჭრა პანტემ და ხელად მისცა კონკრეტული დავალება: — აგერ არის განათლების განყოფილება,

თხოვე იქ შენს მეგობრებს და ერთად შევიდეთ ფეტელავასთან. <sup>ოხვა-</sup>  
მეკარი მარტო ჩემი კი არ არის.

ნოე დაიბნა, არ მოელოდა ასე უცებ თუ გამოუძებნიდნენ <sup>ქრქვენი</sup> <sup>საქმეს</sup> საქმეს.

— განათლების განყოფილება? — სახეზე შემოფოთება გამოეხატა. კარგა ხანს იდგა გაჩუმებული და სულ იმას ფიქრობდა თავი როგორ დაეძვრინა, ენას კბილი ვერ დავაჭირეო, ტუქსავდა თავისთავს და აქეთ-იქით იყურებოდა.

— ვინ მყავს მე განათლების განყოფილებაში მეგობარი? — თავი მოისაწყლა ნოემ, — თავისი ლანდის ეშინია ყველას.

— მარტო მე და შენ შევიდეთ... — არ მოეშვა პანტე, — ესეც საქმეა.

— მე? — გაიოცა ნოემ, — რაში გამოვადგები? ფეტელავას არც ვიცნობ ხეირიანად. გარდა ამისა შარში ვახვევაც არ მინდა. ისე სულითა და გულით შენთან ვართ, კი!..

ფეტელავას კაბინეტიდან პირქუში პირისახის გამხდარ-გამხდარმა მალაღმა ქალმა გამოიხედა.

— ე, ნაზიკო გეძახის... — უთხრა ნოემ პანტეს ხმადაბლა. ნაზიკო ფეტელავას თანამშრომელი იყო. რაკი კულტურის განყოფილების გამგეს არც მოადგილე ჰყავდა, არც მდივანი, ინსპექტორის ერთადერთი შტატი გააჩნდა, ნაზიკო ასრულებდა მოადგილის, განყოფილება-თა გამგეების და თვით მდივნის მოვალეობასაც. ნაზიკო პანტეს დიდი პატივით შეხვდა, ნოეს კი უთხრა დამელოდე და დავიძახებთო. ნოეს გაუტკვირდა, ნაზიკოს ცივმა შეხვედრამ ეჭვები აღუძრა. ბუჭუმ მოძებნა მოსაცდელში და გვერდით მიუჯდა, ამას ეცოდინება რატომ გვიბარებენო.

— რა უნდათ ნეტა? — ვითომ სხვათაშორის ჰკითხა.

ბუჭუმ მხრები აიჩეჩა.

— შენც ამასთან ხარ დაბარებული ხომ? — ჩააცვიდა ნოე.

— დაბარებული არა ვარ, თვითონ მოვედი. — უთხრა ცივად ბუჭუმაც, წამოდგა და დერეფანში გავიდა, ახლა კი დაფრთხა ნოე, პანტეს რომ მეგობრულად ვემუხაიფებოდი ამის გამო მიწყრებიანო — დაასკვნა.

კულტურის განყოფილების გამგემ პანტე თავაზიანად მიიღო. გრიშა ფეტელავას ქართული ზნე-ჩვეულების, წესიერებისა და ზრდილობის მოყვარულ კაცად მოჰქონდა თავი, უფროს-უმცროსობას პატივს სცემდა.

თავის კაბინეტში შემოსული პანტე რომ დაინახა, წამოხტა, სახეზე პატივისცემა და კრძალვა აღიბეჭდა. დიდის ამბით შეეფიქრა, მოხრილმა ორივე ხელი ჩამოართვა, მაგიდასთან მიიყვანა უდგა სკამი, თვითონვე დასვა. როგორ ბრძანდებით, ბატონო პანტე, როგორ გიციოხნოთ, რამდენი ხანია. არ მინახიხართო. ამდაგვარი არაფრისმთქმელი სალამ-ქალამით მიელაქუცა. შემდეგ მაგიდასთან თავისი ადგილი დაიკავა. ნაზიკომაც დაიკავა თავისი ადგილი კუთხეში მიდგმულ მაგიდასთან.

— დიდ საქმეს აკეთებთ, ბატონო პანტე, — დაიწყო გრიშამ პირდაპირ, — მამულიშვილურ საქმეს!.. როგორც კი მოგვეცემენ მცველის შტატს, პირველ რიგში თქვენ დაგაკმაყოფილებთ, ოხვამეკარი, მართალია, არ არის კულტურის ძეგლი, ჩვენ ის აღრიცხულიც კი არა გვაქვს, მაგრამ მაინც სიძველეა. რაიონში იმდენი ძვირფასი ძეგლია, ვერ ავუდივართ. ამიტომაც თქვენი შრომა დაუფასებელი. თქვენ ჩვენი აქტივისტი ბრძანდებით და ოხვამეკარს სწორედ თქვენ უნდა უპატრონოთ. ვისაც სამშობლო უყვარს, ვისაც თავისი წინაპრები უყვარს, არ შეიძლება გულგრილად შესცქეროდეს წარსულის ძვირფას მემკვიდრეობას. საქართველოში ხუთი ათას ძეგლზე მეტია. საჭიროა მთელი საზოგადოება ამოგვიდგეს მხარში, მარტო მე და თქვენ ვერ გავწვდებით, ვერ შევიძლებთ...

— ბატონო გრიშა, — შეაწყვეტინა პანტემ. ფეტელავას ესიამოვნა „ბატონო“, პანტესთან შედარებით ახალგაზრდა კაცი იყო, მოხუცმა კაცმა „ბატონო“ რომ უთხრა, გაიბადრა და თანამოსაუბრეს ამაყად შეხედა. პანტე კი გაკვირვებული შესცქეროდა, ნუთუ მართლა ამისთვის დამიბარაო. რაკი გრიშა არ ჩქარობდა, სათქმელი დროზე ეთქვა, პანტემ ჭკუის სწავლებას საქმიანი საუბარი ამჯობინა და შეაჩერა.

— ბატონო გრიშა, — გაუმეორა, — თქვენს ფოტოგრაფს მხარეთმცოდნეობის მუზეუმისათვის ორი წლის წინათ გადავალბინე ოხვამეკარის ფოტოსურათები, მუზეუმში ეს სურათები დღესაც არ ჩანს, მხარეთმცოდნეობის მუზეუმს ევალბოდა მოგვევარებინა ეს საქმე, მაშინ ჩემი ფეხით მივედი მუზეუმში. წამოვიყვანე ფოტოგრაფი, გადავალბინე... სურათებიც დაიკარგა და ფოტოგრაფიც.

გრიშა ყურმილს ეცა.

— როგორ, აქამდე არ გაუყეუებიათ ოხვამეკარის ექსპოზიცია?! — ჩაილაპარაკა რიხიანად, ნომერი აკრიფა, ყურმილში ჩასძახა:

— დირექტორი მომიძებნეთ!.. არ არის? სად არის? მოძებნეთ, მოძებნეთ და მოვიდეს ჩემთან, სასწრაფოდ!

გრიშამ ყურმილი დადო. კმაყოფილად გადახედა პანტეს, ვითომ ეს საქმე მოგვარებულია, თქვენ არხეინად ბრძანდებოდეთო.

— მთავარი, იცით რა არის, — უთხრა გრიშამ პანტეს, — ჩემგან არ გესწავლებათ, ბატონო პანტე, მაგრამ მთავარი ისაა, ამირ-კაცობაა, თუ ვაქვაცი არ არის, მუზეუმის დირექტორად კი არა, ამირ-სპასალარად რომ დანიშნოთ, საქმეს ვერ გააკეთებს, უნდა მივადწიოთ იმას, რომ ყოველმა ჩვენთაგანმა თავისი მოქალაქეობრივი ვალი მოიხადოს ხალხის წინაშე. ხალხი ბრძენია, ხალხი ღვაწლს არ დაგვიკარგავთ.

— დიახ, — მოხერხებულად ჩაურთო პანტემ და გრიშას სიტყვა წაართვა. — ორი წლის წინაც ზუსტად ასეთი საუბარი გვექონდა ამ კაბინეტში. მაშინაც დარეკეთ თქვენ მუზეუმში, მაშინაც არ იყო დირექტორი და მაშინაც დაიბარეთ სასწრაფოდ...

— მეც იმას ვჩივი, ბატონო პანტე, რომ თუ არ იქნება ურთიერთ-გაგება, როგორღა ვიმუშავებთ. მუზეუმის დირექტორი არ უნდა მოსულიყო ჩემთან? არ მოვიდა და მორჩა, გადადებული საქმე ხომ იცით... ადამიანს დღეს, სამწუხაროდ, თავისთავის მეტი სხვა არაფერი აინტერესებს. ასეთ დროს გვეპირდება სწორედ მონდომება, თუ მოვინდომებთ, საქმეს გავაკეთებთ. ქვეყანა მთლად დაქცეული არ არის, არიან დადებითი ადამიანები, ოღონდ უნდა შეგვეძლოს დავინახოთ. ამისათვის საჭიროა ვიყოთ პრინციპული, შეგვეძლოს პედაგოგიური მიდგომა.

— ბატონო გრიშა, — ეკლავ შეაჩერა პანტემ, — მე ვიცი, რომ არ გცალიათ ოხვამეკარისათვის, იმაში მაინც დამეხმარეთ, ხელი არ შემიშალონ. რაც მე გავაკეთე, ის არ წამართვან...

გრიშა ფეხზე წამოდგა, გაიარ-გამოიარა და პანტეს მიუბრუნდა საქმიანად:

— სანამ მე აქ ვარ, თქვენ ვერავინ ხელს ვერ გახლებთ, ბატონო პანტე, — გულითადად უთხრა თავის ჭკუით, — ოღონდ ოხვამეკარი უფრო უკეთ უნდა მოვაწყოთ, — გრიშა ჩაფიქრდა, ახლა, ამ წუთას ებადებოდა იდეა, გაფართოებული თვალებით მიშტერებოდა ფანჯარას, ფანჯრიდან ცას შესცქეროდა. — ოხვამეკარს მარტო შემოღობვა არ უშველის, ის უნდა ვაქციოთ მუზეუმად ღია ცის ქვეშ!..

პანტე თვალსა და ყურს არ უჭერებდა. იცოდა გრიშას რომ ბრტყელ-ბრტყელი სიტყვების წარმოთქმა უყვარდა, მაგრამ ახლა სწორედ იმას ამბობდა, რასაც პანტე დიდი ხანია გულში ფიქრობდა.

— მუზეუმად? — გაოცდა პანტე.

— დიახ, უნდა დავიხმაროთ სოფლის კომკავშირული და პიონერული ორგანიზაცია და ოხვამეკარში გავმართოთ მუზეუმი ღია ცის ქვეშ,

მიიყვანოთ რაიონის მოსწავლეები საექსკურსიოდ, სხვა რაიონებში  
ნაც მოვიწვიოთ სტუმრები, დავუძახოთ მწერლებს, კომპოზიტორებს,  
მხატვრებს, მოვაწყოთ შეხვედრები გამოჩენილ ადამიანებზე და  
სიტყვით, კულტურის კერად ვაქციოთ, აი, რა არის მთავარბმული

— ეჰ, თქვენს პირს შაქარი, ბატონო გრიშა, მაგრამ ვინ უნდა აქ-  
ციოს კულტურის კერად ოხვამეკარი? მე?..

— დიახ, მოგახსენებთ, მე და თქვენ ამას ვერ შევძლებთ, ყველამ  
უნდა გავაკეთოთ, მთელმა საზოგადოებამ, ხალხმა. მთავარია გული არ  
გავიტეხოთ, გამოსავალი უნდა ვიპოვოთ...

პანტეს მოთმინების ფილა აეცსო. „ნუთუ ამისთვის დამიბარა“..  
„ნუთუ ამისთვის დამიბარა“... — ფიქრობდა დაეინებთ და უაზროდ  
შესცქეროდა ქადაგად დავარდნილს.

— როცა ადამიანებს ერთმანეთი უყვართ, მაშინ ცხოვრება მშვე-  
ნიერია, სიყვარული მთავარია, სიყვარული საფუძველთა საფუძველია.  
სიყვარული ორ ადამიანს — ქალსა და კაცს ერთმანეთთან აკავშირებს,  
ეს კავშირი ქმნის აწმყოს, წარმოშობს მომავალს.... შორს შევტოპე არა,  
ბატონო პანტე, მაგრამ მე მოწოდებით დიდაქტიკოსი ვახლავართ, ამას  
არც ვმალავ, ვამაყობ კიდევ ამით, მიყვარს ხალხს ჭკუა ვასწავლო,  
მოთხოვნილება მაქვს ასეთი, მინდა ტრიბუნაზე ვიდგე, ხალხი ჩემს ირგ-  
ვლივ იყოს თავმოყრილი, მე კიდევ სულხან-საბას მსგავსად, ვმოდვ-  
რავდე მათ, ეს ხომ ბედნიერებაა, ბატონო პანტე, თქვენ პედაგოგი  
ბრძანდებით, და გამიგებთ, ხომ დიდი მოღვაწე გყავს სულხან-საბა  
ორბელიანი, ბატონო პანტე, რას იტყვიან?.. მომბეზრდა მოხელის ცხოვ-  
რება, — გრიშამ აქეთ-იქით ქურდულად გაიხედ-გამოიხედა, ყურს ხომ  
არავინ გვივდებსო. — წვრილმანი ყოველდღიურობა: თათბირები, კრე-  
ბები... ქალღმერთის წერა... აქ არ არის ჩემი ადგილი... მაგრამ, რას  
ვიზამთ, ვისაუბროთ სულხან-საბაზე, მისი ქადაგებები ხომ დიდაქტი-  
კის შედეგია?... თქვენ გეგონათ, მე „სიბრძნე სიცრუეზე“ ვილაპარა-  
კებდი, — გაიცინა გრიშამ. — მე ჩემი სამყარო მაქვს, ბატონო პანტე...  
უცნაური კაცი ვარ, არა? მოგაბეზრეთ თავი...

— რას ბრძანებთ? — ხელები გაშალა პანტემ, — ოღონდ ხალხს  
შემოსვლა უნდა და... — კარებისაკენ გაიხედა, ერთი ახალგაზრდა წა-  
რამბრა აღებდა კარს, შემოსვლას ვერ ბედავდა.

— ეგ არაფერია, მოიცდიან, — თქვა გრიშამ, წამოდგა და კარი ჩა-  
კეტა. პანტემ სიმწრის ოფლი მოიწმინდა შუბლიდან.

— ბოლოს და ბოლოს, ოხვამეკარის დანგრეული ეკლესია კი არ  
არის მთავარი, იტალიაში ასეთ ეკლესიებს ბენზინს გადაასხამენ და წვა-

ვენ თურმე. ყოფილხართ იტალიაში, ბატონო პანტე? მე ვიყავი რუს-  
რისტული საგზურიით... იქ ასეთ ეკლესიებს არც ერთ საუკუნეში არ  
აგებდნენ, საჩინბოებიც კი უკეთესად აქვთ აშენებული. ცხელი და  
მეკარისათვის თავგამოდება, თუ საქმეს მსოფლიო მასშტაბში უნდა  
დავთ, ღიმილს გამოიწვევს საერთოდ. ამიტომ ქართველებს ცოტა თავ-  
მდაბლობა გემართებს, მართალია, ძეგლი ჩვენია და, ავია თუ კარგია,  
უნდა დავიცვათ, როგორც ვითხარით, ეს თქვენ უნდა გააყეთოთ —  
ჩვენმა აქტივისტებმა, მაგრამ ისიც უნდა გვახსოვდეს, რომ ქვე-  
ყანაზე არსებობს რომი და ათინა! გაყოყობება სიკეთეს არავის მო-  
უტანს.

პანტეს გაუხარდა. იფიქრა, თუ მეტყვის ახლა მეტყვის სათქმელს  
და გაათავებსო.

— მართალი ბრძანდებით, გაყოყობება სიკეთეს არავის მო-  
უტანს... — კვერი დაუკრა პანტემ.

— ეკლესიის ეზოში რაღაც ქვა ავდიაო, ის ქვა დათიკო ვასილიჩს  
სჭირდებო, ამის გულისთვის ახლა ხმაური და ვაიუშველებელი ავტე-  
ხით, ამას ვინ მოგვიწონებს? ბოლოსდაბოლოს იქ ქვა კი არ არის მთა-  
ვარი, რა გამოდის? თქვენ ერთი ადამიანი ხართ პატრიოტი, დანარჩენე-  
ბი, დათიკო ვასილიჩი — ყველა ჩვენთაგანის აღმზრდელი და ყოფი-  
ლი უფროსი, ჟორა ივანიჩი — მეურნეობის დირექტორი, თუ გნებავთ,  
ბუქუ — ბრიგადირი კაცი, თუ გნებავთ თქვენი შვილი — მთავარი ავ-  
რონომი, კეთილსინდისიერი ადამიანი, დაბოლოს, მეც, კულტურის გან-  
ყოფილების გამგე — არა ვართ პატრიოტები? აბა, რა ვართ, რისთვის  
ვიღვწით და ვიბრძვით. ძალიან უხერხულია, ბატონო პანტე, მე გირ-  
ჩევთ ცოტა თავი შეიკავოთ.

— ვინ გეუბნებათ, რომ თქვენ პატრიოტები არა ხართ და მე ვარ  
პატრიოტი...

— ასე გამოდის, ბატონო...

— ის დავით აღმაშენებლის ქვაა, სამრეკლოდან ჩამოვარდნილი...  
ეგდოს ის ქვა იქ, საცა გდია. ვინ იცის, ხვალ რისთვის დაგვჭირდება.  
სხვას მე არაფერს ვამბობ.

— ოოო... — თქვა გრიშამ და ჩაფიქრდა, — მინახავს მე ის ქვა,  
იმ სამრეკლოსაც ვიხსენებ ახლა, თანდათან... — გრიშა წამოდგა, გა-  
იარ-გამოიარა კაბინეტში და ჭიბუბუში ხელებჩაყოფილი დადგა ერთ  
ადგილას, — იცით, რა ვქნათ, ბატონო პანტე?.. მოდით მივცეთ ის  
ქვა დათიკო ვასილიჩს... — თქვა ეს და კვლავ მოჰყვა ბოლოს ცემას,  
ვითომ ჭერაც ვერ გადამიწყვეტია, მივცე თუ არაო. — მე და თქვენ



ხომ ვიცით, რომ ოხვამეკარის არც ეკლესია და არც სამოღვაწეო არაფერი ძეგლი არ არის...

— არ გეთანხმები მაგაში... — ვერ მოითმინა პანტემ. <sup>მარცხენა</sup>  
— თქვენ მეთანხმებით თუ არ მეთანხმებით, ამას <sup>მნიშვნელობა</sup>

არა აქვს. მეცნიერების მიერ დამტკიცებულია, რომ ოხვამეკარი ისტორიული ღირებულების ძეგლი არ არის. თქვენი თანხმობა არაფერს შეცვლის, ბატონო პანტე, მე გირჩევთ, დაშვებდეთ და სალად იფიქროთ ამ საკითხზე.

— ჩემი თანხმობა იმას შეცვლის, რომ ბუხრის მოსაპირკეთებლად დავით აღმაშენებლის ქვას არ დაგამტკრევიანებთ! — ხმას აუწია პანტემ.

— მოითმინეთ, მოითმინეთ, ბატონო! მე ჩემთვის ის ქვა არ მითხოვია, ვითხოვე თქვენთვის, თქვენი ოჯახისთვის... თქვენი შვილისთვის... — გრიშამ „შვილისთვის“ ხაზგასმით წარმოთქვა და თვლები ააპარპალა. პანტემ იცოდა, რომ ანდრის რაიონში იცნობდნენ, რაიკომსა თუ რაიაღმასკომში ბევრი ამხანაგი და მეგობარი ჰყავდა, ანდრის ტოლებს რაიონში უკვე მაღალი სკამები ეკავათ. გრიშაც ხომ ანდრის კბილა იყო? პანტეს ეჭვი მართლდებოდა...

გრიშა კი შეგონებას განაგრძობდა:

— რა საჭიროა ასეთი კილო: „ბუხრისთვის ქვას არ დაგამტკრევიანებთ“... ვითომ თქვენ გესმით ძეგლების მნიშვნელობა და ჩვენ არა? რატომ აძლევეთ თავს ამდენის უფლებას, რატომ უწყევთ ხმას, ბატონო პანტე, უდიერად მოგვექცით? გაკადრეთ რამე? პირიქით, მაღლობა უნდა მითხრათ, რომ თქვენთვის ვზრუნავ. უნდა იცოდეთ, ვინ არის თქვენთვის ავის მსურველი და ვინ კეთილის...

— იმ ქვას ვერ მოგცემთ თუნდაც ჩემი შვილისათვის! — უთხრა პანტემ, წამოდგა და წასვლა დააპირა.

გრიშა აღელდა. არ ეგონა თუ პანტე ამდენს გაუბედავდა.

— მოითმინეთ, ბატონო! თქვენ მიდიხართ?.. მართლა მიდიხართ? რატომ კადრულობთ ამას... მე გირჩევთ, არ წახვიდეთ.

პანტე დაჯდა. გრიშა თავზე დაადგა. ენერგიული, ფერ-ხორცილ სავსე მამაკაცი იყო, სიბრაზისაგან ფართო პირისახე წამოჰარხლებოდა და მსხვილ შავ თვალებს უაზროდ ატრიალებდა, თან ცდილობდა, თავი შეეკავებინა, მღელვარება არ დატყობოდა.

— ვერ მოგცემთ, ვერ მოგცემთო, ასე დაჟინებით რომ გაიძახით, რა უფლების ძალით? სახელმწიფო ქონების მიტაცების ნება თქვენ ვინ მოგცათ? ვისი ნებართვით შემოაკავეთ სახელმწიფო მიწა?..

ცაცხვისა და სკოლის ისტორიას ჩვენ ვერ გავიმეორებთ, ბატონო პანტე, გაფრთხილებთ, ამისთვის არ გვცალია. ბოლოსდაბოლოს, ოხვა-

მეკარს თვითონ მოვუვლით, თუ ის ქვა მართლა დავით აღმაშენებლის ხელმონაკიდებია, მუზეუმში დავდებთ და ის იქნება.

— გასაგებია, — თქვა პანტემ და წამოდგა, — ახლა წავიდე?

— არა, არ შეიძლება. — მკაცრად უთხრა გრიშამ.

პანტეს არ ეგონა თუ გრიშა უბრძანებდა არ წახვიდეთ. გაავებული დაეშვა კვლავ სკამზე და გრიშას პირში მიახალა:

— ბატონო გრიშა, რაიმე გაუგებრობა რომ არ მოხდეს, მართლა ცაცხვისა და სკოლის ისტორია რომ არ განმეორდეს, აქედანვე გაფრთხილებთ: იმ ქვას არავის მივცემ და არ გეწყინოთ.

— კი, ბატონო, ნუ მისცემთ, — უთხრა გრიშამ, — ოღონდ ხალხის ყბაში ნუ ჩაგვადებთ და ნუ დაიჭერთ ისეთ პოზას, თითქოს თქვენს მეტს არავის უყვარდეს წარსული, არავინ იცავდეს ძეგლებს, სხვა არა იყოს რა, ძეგლთა დაცვის საზოგადოების თავმჯდომარე ვარ!

— შერე? სად არის ეს თქვენი საზოგადოება, ძეგლებს რატომ არ იცავს?

— ღმერთო ჩემო, სანამდე შეიძლება ერთი და იგივე ვილაპარაკოთ, — ჩვენ ვიცავთ ძეგლებს და არა ქვებს. თქვენ რომ დავით აღმაშენებლისას ეძახით, ის ქვა, ძეგლი კი არა, უბრალო ქვაა... დავით აღმაშენებელს რა უნდოდა ოხვამეკარში? არ გრცხვენიათ, ბატონო პანტე? მასწავლებელმა კაცმა საქართველოს ისტორია არ იცით და პრეტენზია კი დიდი გაქვთ. ქუთაისს აქეთ არც ყოფილა დავითი ბოლოსდაბოლოს!.. აგვევსო მოთმინების ფიალა, მარტო მე კი არა, მთელ რაიონს... უფრო მეტსაც გეტყვით: — არ იცით საერთოდ რა არის ძეგლი. თქვენ გგონიათ იცავთ, სინამდვილეში აფუჭებთ, ანადგურებთ მას.

— ესეც სულ ახალი ამბავი! — ჩაიცინა პანტემ.

— საყდარი კრამიტით ყოფილა გადახურული, თქვენ შიფერი დაგიფარებიათ, ნახევარი კრამიტია, ნახევარი შიფერი, ასე საკუთარი სალორის გადახურვა არ შეიძლება, ნუთუ ამდენი არ გესმით!.. — ბობოქრობდა გრიშა, — ამისთვის საგანგებო დაწესებულებები არსებობს თბილისში, ვინ იცის რა ზიანი მიაყენებთ ძეგლს! ძალიან ვწუხვარ, ბატონო პანტე, რომ თქვენთან მშვიდი, დამარწმუნებელი საუბარი შეუძლებელია, იძულებული ვართ გამხილოთ და ნილაბი აგხადოთ.

მთელი რაიონი აღშფოთებულია თქვენი საქციელით. ხელმძღვანელების მითითებით ჩვენ შევისწავლეთ თქვენი საქმე... — თქვა გრიშამ და ნაზიკოს გადახედა, — თხოვეთ ამხანაგებს...

ნაზიკომ ნოე და ბუჭუ შემოიყვანა. პანტემ ნოეს გაკვირებული



თვალეზი მიაპყრო. ნოემაც აიჩეჩა მხრები. ბუჭუ კუმტად დაჯდა

ნაზიკომ წინ დაილაგა საქალაღდეზი და მკაცრი კიღლი <sup>წინა</sup> <sup>წინა</sup> <sup>წინა</sup>

— ბატონებო! ვინმე სხვას რომ ეთქვა არ დავიჭვრებდი <sup>წინა</sup> <sup>წინა</sup> <sup>წინა</sup>  
 აქ, ახლა თქვენს შემოსვლამდე, ჩემს თვალწინ ჩაიდინა პედაგოგმა კაც-  
 მა პანტე ჭაავამ. შეურაცხყოფა მიაყენა ყველა ჩვენთაგანისათვის მისა-  
 ბაძ ხელმძღვანელს, რაიონში თითოთ საჩვენებელ ადამიანს გრიშა ფე-  
 ტელავას. შემპირდით ყველაფერის გაკეთებას და არაფერი გაგიკეთე-  
 ბითათო — ასე უთხრა პირდაპირ. ესე იგი რაიონის კულტურის განყო-  
 ფილების გამგეს, კულტურის დამსახურებულ მუშაკს უწოდა არაფ-  
 რის გამკეთებელი, უსაქმური. ძველ დროში თანამდებობის პირის შე-  
 ურაცხყოფელი საკადრისად ისჯებოდა. კარგი იყო ეს. ყველაფერი კი  
 არ უნდა უარყოფოთ წარსულიდან. სხვათაშორის, პანტე ჭაავასათვის  
 ეს არ არის შემთხვევითი. — თქვა ხაზგასმით ნაზიკომ და ბუჭუს გადა-  
 ხედა.

— ახლა აი, იმ ქვაზე და მის გარშემო ატეხილ ხმაურზე მოგახსე-  
 ნებთ.

კულტურის მუშაკები, ისევე როგორც პედაგოგები, ვემსახურებით  
 მომავალი თაობის აღზრდას, ჩვენ ერთი სამოქმედო პროგრამა გვაქვს,  
 ერთი საერთო მიზანი და ერთი, ერთადერთი გზა ამ მიზნისკენ მიმა-  
 ვალი.

ჩვენ ახალგაზრდობას ვასწავლით, რომ კულტურის ძეგლები სახელ-  
 მწიფო საქუთრებაა და მას სახელმწიფო იცავს. კანონში გვიწერია  
 ეს და მისი დარღვევის უფლება არავის არა აქვს. პანტე ჭაავა კი ახალ-  
 გაზრდობას თავისი საქციელით სხვას ასწავლის: შემომხედეთ მოხუცი  
 კაცი ვიცავ ძეგლებს, სახელმწიფო კი, ვისაც კონსტიტუციით ეს  
 ევალება, არ იცავსო.

მე დაბნეული ვარ, ბატონო გრიშა, ცილს სწამებენ არა რომელი-  
 მე ერთ დაწესებულებას, არა რომელიმე ერთ ხელმძღვანელს, არამედ  
 საბჭოთა სახელმწიფოს.

მე მგონი სათანადო დასკვნა დროზე უნდა გავაკეთოთ!..

ნაზიკო დაჯდა.

სამარისებური სიჩუმე ჩამოვარდა. საქმის ამგვარ შემობრუნებას  
 არავინ მოელოდა.

პანტეს სიმწრის ოფლმა დაუცვარა შუბლი და ცხვირსახოცი ამო-  
 იღო. გაკაპასებული ნაზიკო არასდროს ენახა, გრიშას პირადი მდივა-  
 ნი ეგონა, თურმე ვინ ყოფილა!.. — პანტე გოცებუღი შესტკეპროდა

გამხდარ-გალეულ ქალს; სულ არ ეტყობოდა, რომ დღევანდელი, ადამიანის  
მომაკვდინებელი განაჩენი გამოუტანა და არხეინად მიუჭდა მაგრად,  
წერა განაგრძო. უხერხულობით გამოწვეული დუმილი გრიშამ დაარ-  
ღვა: ერქენულნი  
ბეჭდნიწყქქ

— გთხოვთ, ბატონო ნოე... — თქვა მან მოულოდნელად. — უცებ  
ლება აუტყდა, ფეხზე წამოდგა, მაგრამ სათქმელს თავი ვერ მოაბა.

— მე დავიბენი, ბატონო გრიშა, არ ვიცი რაზე ვილაპარაკო... —  
წაილულულა მან, — ისიც კი არ ვიცი, რისთვის დამიბარეთ...

— როგორ, თქვენი მეგობარი, პედაგოგი კაცი, გადაუდგა საზოგა-  
დოებას, მიატოვა სკოლა, არაფრად თვლის მეგობრებს, ცილს სწამებს  
და ჩირქს სცხებს ჩვენს სინამდვილეს, თქვენ კი პედაგოგმა, პარტიის  
წევრმა არ იცით რაზე ილაპარაკოთ?

— არრრა, რრროგორ არ ვიცი, — ბლუკუნი აუტყდა ნოეს, — უცებ  
ვერ ვუპოვე სადავე სიტყვას... აგერ არის პანტე და თვითონ გეტყვით  
რამდენჯერ ვთხოვე, დაანებე თავი მაგ ქვას და პედაგოგობას დაუბრუნ-  
დი-მეთქი. არ მომისმინა. როგორც ჩანს, გზას აცდა ადამიანი. მე  
პირადად, ვგმობ მის საქციელს. — უცებ მოჭრა ნოემ და დაჯდა.

— ქვაზე, ქვაზე რატომ არაფერს ამბობთ, ბატონო ნოე, — ჩააცვი-  
და გრიშა ნოეს.

— მაგას რაღა თქმა უნდა, ოხვამეკარი კულტურის ძეგლია და ის  
ქვა თქვენ გეკუთვნით.

— აი, თურმე ვინ ყოფილხარ! — გაცეცხლებული თვალები შეაფე-  
თა ნოეს პანტემ. ნოე ფეხზე წამოხტა, — არა, მე იმას კი არ ვამბობ  
პანტე ცუდი კაცია-მეთქი... მაგრამ პედაგოგობისათვის თავი არ უნდა  
გაგენებებინა, რაც მართალია, მართალია, ამაში დამნაშავე ხარ!.. პე-  
დაგოგობაზე უფრო ძვირფასი ჩვენთვის არაფერია.

— არის უფრო ძვირფასიც, ნოე, არის!.. — შესძახა პანტემ.

— მოითმინეთ! — ახლა უკვე ამქარა ზიზლითა და რისხვით უყვირა  
გრიშამ პანტეს.

— მაშასადამე, ბატონი ნოე ფიქრობს, რომ პედაგოგი პანტე ჯავა  
გზას აცდენილი ადამიანია, — განაგრძო დინჯად გრიშამ, — გმობს მის  
საქციელს და მიაჩნია რომ დავით აღმაშენებლის ქვის გამო ატეხილი  
ხმაური დემაგოგიაა.

გრიშამ დამსწრეთ სათითაოდ გაუყარა თვალი თვალში და ბუჭუს  
უთხრა: — ბრძანეთ!..

ბუჭუს წამოდგა, ქალაღებში დაიწყო ქექვა.  
— ფაქტებით უნდა ვილაპარაკო, ბატონო გრიშა... — თქვა ბო-



ლოს. გრიშას მაგიდას ფრთხილად მოადგა, საქაღალდე გახსნა და ამა-  
 ალაგა უწყისები, ცნობები, აქტები — მეურნეობის ხელმძღვანელებისა  
 და კულტურის განყოფილების დავალებით გამომაქვს ეს სხვა-სხვა საქმე  
 აშკარაოზე. საქმე შეეხება არა მარტო ქვას და არა მარტო კულტურის  
 ძეგლს, არამედ სახელმწიფო ქონების მიტაცებას.

— კმარა! ამის მოსმენა შეუძლებელია! — წამოხტა პანტე და წასვ-  
 ლა დააპირა.

— ბატონო პანტე, თქვენ საკუთარ სახლში კი არა ხართ! — წინ გა-  
 დაუდგა გრიშა, — კეთილი ინებეთ და მოისმინეთ!..

პანტე თავის სკამზე დაეშვა. ბუჭუმ განაგრძო:

— როგორც თქვენთვის ცნობილია, ოხვამეკარის ნაგებობანი და  
 ნანგრევები, მათ შორის ის ქვაც, სახელმწიფო ქონებაა და შეფასებუ-  
 ლია საკმაოდ დიდ თანხად. ასევე ფასეულია, სათითაოდ აღრიცხული  
 და მეურნეობის ბულალტერიაში გატარებული, ოხვამეკარის მწვანე  
 ნარგავები. აი, საბუთები, ბატონებო...

რაც მთავარია, ოხვამეკარის ტერიტორია სულ მთლიანად მოიცავს  
 ნოლი მთელი სამშენებლოდაც კექტარს, ესე იგი თითქმის ნახევარი  
 კექტარი მიწა მითვისებული აქვს ერთ ადამიანს... სულ ოხვამეკარი  
 შეფასებულია ათი ათას მანეთად. ახლა დასკვნა თქვენ გააკეთეთ. —  
 უთხრა გრიშას და ნაზიკოს ბუჭუმ.

— ცრუობს ეს ყმაწვილი! არაფერი არ ჰქონდა მეურნეობას აღ-  
 რიცხული და მით უმეტეს შეფასებული, მეურნეობას კი არა, კულტურ-  
 რის განყოფილებას არა აქვს აღრიცხული ეს ძეგლი. წლების განმავ-  
 ლობაში ოხვამეკარი მიგდებული იყო უპატრონოდ, ის საბუთები ახლაც  
 შეითიხნელი. დაგჭირდათ და მოგინდათ პატრონობა არა?..

— მომისმინეთ, ბატონო, მე ჯერ არ დამიმთავრებია. კიდევ ერთი  
 საბუთი: „პანტე ჭაავას ეკლესიის ეზო და ოხვამეკარის ფერდობები გა-  
 მოყენებული აქვს საკუთარი ძროხის საბალახოდ, უფრო მეტიც, შარშან  
 ოხვამეკარის ფერდობები დაამუშავა და სიმინდი კალისტრა ჭაავას ჩე-  
 ლტიანი ურმით ჩამოიტანა ოხვამეკარიდან სამი გზობა“. ამ საბუთს  
 ხელს აწერენ: მეურნეობის დირექტორი, მთავარი ბულალტერი და  
 ადგილკომის თავჯდომარე.

— ეს უკვე სისხლის სამართლის საქმეა, ბატონო პანტე, — ვითომ  
 თანაგრძნობით უთხრა გრიშამ.

— ბატონო გრიშა, — წამოდგა ნაზიკო და თავისი საბოლოო სიტყ-  
 ვა წარმოთქვა: ჩემი აზრით, კულტურის განყოფილება უნდა შევიდეს  
 წინადადებით აღმასკომში: ჩამოერთვას მოქალაქე პანტე ჭაავას თვით-

ნებურად მიტაცებული სახელმწიფო მიწა, ოზამეკარის ნაგებობანი და  
დავით აღმაშენებლის ქვა. დასახელებული ობიექტი ჩაითვალოს შეგ-  
ლად და გადაეცეს მხარეთმცოდნეობის მუზეუმს.

ქრ. ქ. ნ. ნ. ნ. ნ. ნ.

მოქალაქე პანტე ჯაავას საქმე მიწისა და სახელმწიფო, ქრ. ქ. ნ. ნ. ნ. ნ. ნ.  
ტაცების თაობაზე გადაეგზავნოს პროკურატურას.

პანტე ცოცხალ-შკვდარი გამოვიდა აღმასკომიდან. აქეთ-იქით იყუ-  
რებოდა ეგებ ნოე ვნახო და გავჯაორო. გაბრაზებული იყო ნოეზე, მაგ-  
რამ ნოე თვალსა და ხელს შუა დაეკარგა, დაემალა. იტრიალა, იტრიალა  
აღმასკომის წინ, ბოლოს ხელი ჩაიქნია და სოფლისკენ გამოსწია.

6

შვილთან იმლაპინდელი დავის შემდეგ, პანტემ გადაწყვიტა, ის ქვა  
თავის ადგილას ჩაედგა და დულაბით ჩაეკირა. ეს ადვილი საქმე არ აღ-  
მოჩნდა. გაიკითხ-გამოიკითხა: მკვიდრი დულაბისათვის ჯერ წყლის ცე-  
მენტი ურჩიეს, შემდეგ — კაშხალის. დიდი ამწე რაიონში ერთადერთი  
ეგულებოდა, იმ ამწეს კერძო სამუშაოზე ვინ გაუშვებდა? მეამწე დიდ-  
ხანს ევაჭრებოდა, არ უნდოდა, სამუშაოდ შორს წასვლა, ბოლოს ჰა-  
ინც დაითანხმა.

გრიშა ფეტელავასთან და ნაზიკოსთან საუბარმა საბოლოოდ დაარ-  
წმუნა, რომ ქვას წაართმევდნენ. „უნდა ვიჩქარო, უნდა ვიჩქარო,“ —  
გაივლო გუნებაში და საქმეს შეუდგა.

სოფელში აღარც დაბრუნებულა. რაიონიდან პირდაპირ ზუგდიდის  
ავტობუსს გაჰყვა ენგურპესის მშენებლობაზე. ბეტონის ქარხანაში ერ-  
თი მისი ნამოწაფარი მუშაობდა. კითხვა-კითხვით გამოძებნა და თავი-  
სი გასაჭირი გაანდო, მაგარ-მაგარი სიტყვები უთხრა სამშობლოზე,  
ადამიანის მოვალეობაზე, ცხოვრებაზე. რაღაც უნდა დაჯდომოდა, ერ-  
თი სათლი მაღალი სიმტკიცის ცემენტი უნდა ეშოვა. მოწაფემ გულ-  
თან მიიტანა მასწავლებლის საწუხარი, მიდგა-მოდგა, ცემენტი უშოვა,  
დულაბის შეზაგებაც ასწავლა და ავტობუსამდეც გამოაცილა კიდევ.

პანტე შინ გვიან ღამით დაბრუნდა, ქურდივით შეიპარა სამზადში  
და ცემენტი დაშალა. ნათელამ ქმრის მოსვლა გაიგო, ვიდრე ოდაში  
ამოვიდოდა, ხელად გაუცხელა ჩაი, გაუშალა სუფრა და ქმარს ისე  
შეეგება როგორც ოცი-ოცდაათი წლის წინ ეგებებოდა. ნათელა ხედავ-  
და, რომ პანტეს შინ ყოფნას გარეთ ყოფნა ერჩია. თუ ოჯახში ადრინ-  
დელი სიბო და სიტკბო დახვდებოდა, პანტესაც ეგებ გული მო-  
ბრუნებოდა. ასე ფიქრობდა ნათელა და ამიტომ ხვდებოდა ქმარს ად-  
რინდელი გულისყურით.

პანტე ოდის კიბეზე ამოვიდა. დინჯად დაიბანა ხელი, ვითომ არაფერი მომხდარიყო, მშვიდად მიუჯდა მაგიდას და სერობას მარტოცა შეუდგა. საძინებელი ოთახიდან ანდრი გამოვიდა. ანდრის ხელიც კე-  
მოპყვა თვალბის ფშვნეტით. ყველანი პანტეს მისჩერებოდნენ, — ახალ ამბებს მოელოდნენ. პანტე ვითომ ფიქრებში იყო წასული და შინაურების შეკრებას სასადილო ოთახში არად ავდებდა.

— თქვი ახლა რამე, შე კაცო... სანამდე ვიჯდეთ ასე... — უსაყვე-  
ლურა ნათელამ.

— რა ვთქვა?

— რამდენი ხანია, არ გვინახიხარ, ბავშვებს უნდა შენთან საუბარი — ნათელამ ანდრის და ნელის შეხედა. „ბავშვები“ მათ დაუძახა. იმ ღამის შემდეგ ანდრის მართლაც ბევრჯერ უნდოდა მამას დალაპარაკებოდა, მაგრამ პანტე ან შინ არ იყო, ან თავის ოთახში იკეტებოდა და არავის უშვებდა.

— სასაუბრო მე არაფერი მაქვს, — თქვა უცებ პანტემ, ბოლო ყლუბი ჩაი ზარბად მოსვა, წამოდგა და თავის ოთახში გავიდა.

— მამა, ერთი წუთით, საქმე მაქვს, — მიაძახა ანდრიმ. პანტემ ხმა არ გასცა, თავის ოთახში შევიდა და ჩაიკეტა.

— კარგი, მე მაკალეთ, — უთხრა ნათელამ ანდრის და ნელის — თქვენ მოისვენეთ, შედით თქვენს ოთახში, მაგას მე მოველაპარაკები.

ნათელა პანტესთან შევიდა. მთელი ღამე დუდუნებდნენ, მთელი ღამე ტუტუნებდნენ, ანდრი და ნელი თავიანთ საწოლებში გატრუნულები იწვნენ და ყურს უგდებდნენ, — იქნება გავარჩიოთ, პანტემ რა ამბავი მოიტანა რაიონიდანო, მაგრამ ამაოდ. პანტე არაფერს ამბობდა. თუ რამეს იტყოდა, ნათელა ხმამალა იმეორებდა ანდრის გასაგონად, პანტე ხელად მიუხვდა ცოლს და სულ მთლად ჩაიგდო ენა.

დიდხანს წვალობდა ნათელა, დიდხანს ეფერებოდა და დათაფლული სიტყვებით აჯადოებდა ქმარს თავისი კკუით, ხანდახან კი გაუწყრებოდა მოთმინებადკარგული, მწარე-მწარესაც მიაყოლებდა. გაკერპებული პანტე კი სანუგეშოს მაინც არაფერს ამბობდა, არც ავს, არც კარგს. მთელი ღამე დუდუნ-ტუტუნში გაათიეს, გამთენიის ხანს ჩაეძინათ.

მეამწეს პანტე სამუშაო საათის დამთავრების შემდეგ ელოდა, მხოლოდ შინს ჩასვლის ქამს მოაღწია ოხვამეკარამდე, რაიონული ცენტრიდან პირველ მისამდე შორი გზა არ იყო, მაგრამ ვიდრე სოფლის

ცენტრამდე მოჩაკჩადა, სოფლის ცენტრიდან შეუკეთებელი გზით ვიდრე ოხვამეკარის აღმართებში იხრივინა, დიდი დრო გავიდა, პანტეს ეკვი ეპარებოდა, ეს მინჯღრეულ-მონჯღრეული ამწე ალბათ ვერც ასწევსო, მაგრამ მეამწემ რკინის ბაგირები აქედან დო, იქიდან გამოსდო, ისე მოუხერხა, ისე მიუღდა, ბაგირი ქვეშ გაუძვრინა. რაკი ტანს გამოსდო, ხელად შეხტა ამწეზე, ქვა ასწია, ასე აწეული ჰაერში გააჩერა და პანტეს ანიშნა სამრეკლოზე ადიო. რა მარჯვე ბიჭი ყოფილაო, მოეწონა პანტეს მეამწე, შიდა კიბით ხელათ ავიდა სამრეკლოზე, წინასწარ მომზადებული დულაბი თვალისდახამხამებაში დაასხა და მეამწეს ხელი დაუქნია, აქეთ წამოიღეო. ამწის ხორბუბი ნელა დაიძრა პანტესაკენ. ახლა პანტეს უნდა ეყოჩაღა... მეამწე ქვევიდან ვერ ხედავდა ქვის დასადგმელ ადგილს, თუ ზუსტად არ ჩადგამდნენ თავის ადგილას, პანტე მარტოკა ქვას ხომ ვერ დაძრავდა, ეს დულაბიც გაუფუჭდებოდა და დაიღუბებოდა კაცი. ამწემ ქვა ფოთოლივით მოუფოფინა პანტეს და ცხვირწინ დაუკიდა, ოდნავ ირხეოდა ჰაერში, იფიქრა ხელს მოვიკიდებ, მიმართულუბას მივცემო, მაგრამ ბაგირს წაებოტინა თუ არა, ქვა უკან გადაქანდა და კინალამ გადაიყოლა. შეეშინდა. ჰეი, ჰეიო, მეამწეს დაუძახა. ხელით ანიშნა, ახლოს მოიტანეო. მეამწე მანქანიდან გადმოვიდა და სამრეკლოს გახედა. ახლოს ვერ მოჰყავდა მანქანა, ქვევიდან კი არ ჩანდა, სად აწოდებდა ლოდს.

— მიკარნახეთ ვირა და მინა, თორემ ვერ ვხედავ! — ამოსძახა ქვევიდან მეამწემ.

— ვირა, ვირა! — დაუყვირა პანტემ.

მეამწემ ძრავა ჩართო და ლოდი მალლა აიტაცა.

— ჰოოპ! — შესძახა პანტემ. — ახლა მინა, მინა!..

ქვა ნელ-ნელა დაეშვა ძირს.

— ჩემკენ, ჩემკენ! — ხელებს იქნევდა პანტე, — ცოტა კიდევ, ცოტა კიდევ და მინა! გამოცდილი მშენებელივით უკარნახა.

— ოო, კარგია! — გაუხარდა, როცა ქვა კიდურა ლოდებს შორის ზუსტად ჩაჯდა. დიდხანს უტრიალებდა, დიდხანს უყურებდა აქედან, იქიდან, გადაქანებულად ხომ არ დგასო, ხომ არ ჩამოვარდებაო, მკვიდრად ხომ ჩავაჯინეო, ხელი მოჰკიდა და მიაწვა კიდევ. ბოლოს მეამწეს დაუძახა, ლოდი ჩადგმულია, ბაგირი შეეხსნათო, მეამწე ეწვალა, ბაგირი რაც შეიძლებოდა, ფრთხილად ატრიალა, ატრიალა და ლოდს ქვემოდან ძლივძლივობით გამოაძვრინა. პანტემ ფული მისცა, დიდი მადლობაც გადაუხადა და გაუშვა.




მზე ჩასულიყო, მაგრამ სინათლე ჯერ კვლავ ადგა ოხვრეების პან-  
ტეს უნდა მოესწრო და დაბნელებამდე შეეღწეა. თორემ მერე მივარეს  
უნდა დალოდებოდა. მეამწე წავიდა თუ არა, ისევ სამრეკლოში წავედი  
ქვის შიდა კიბე დროთა განმავლობაში დანგრეულიყო, ფეხის დასაყრდენად  
გმელი ადგილი უნდა გეძებნათ, მიმწუხრი სამრეკლოში უკვე ჩასულ-  
იყო და იქ ბნელოდა. პანტე ისე იყო გაწაფული, სიბნელეშიც მარჯვდ  
მიიკვლევდა გზას. მოხერხებულად ადგამდა ფეხს აგერ, ეგერ და მალა  
ადიოდა. სამრეკლო ერქვა, თორემ ქვის კედლებილა დარჩენილიყო.  
არც ზარების ჩამოსაკიდებელი თალი, არც მნათეს მოედანი აღარსად  
ჩანდა.

კიბე ამოათავა, ჯერ მისი თავი გამოჩნდა, შემდეგ მკერდამდე ამო-  
იწია, დულაბით სავსე სათლი კვნესითა და ხენეშით კედლის ყურზე  
ჩამოდგა, კიბის თავი კარგად მოსინჯა, ხომ არ ჩამოიფშენება, ფეხი ხომ  
არ მომიცურდებო, სად კედელს მიეყრდნო და ქათმა კარგი კალა-  
ტოზივით დაატრიალა. დულაბი როგორც ასწავლეს, ისე ჰქონდა შეზა-  
ვებული. ქათმასაც არ ხმარობდა მთლად უვიცივით, დიდი დროც არ  
დასჭირვებია, შიდა მხარე საიმედოდ ამოღესა. არ ეგონა, თუ ასე სწრა-  
ფად და კოხტად შეძლებდა ქვის ჩაკირვას. მთავარი მაინც გარეთა მხა-  
რე იყო, იმას სჭირდებოდა გარჯა, თუ სჭირდებოდა. წელში გაიმართა,  
შეისვენა, კედელს გადააწვა და ახალჩადგმულ ქვას გახედა, ჩანდა, რომ  
ყველგან ვერ მიწვდებოდა. თუ უნდოდა, საუღამოდ მკვიდრად ჩაედ-  
გა ქვა თავის ადგილას, გარედანაც უნდა ამოეღესა ღრიტოები, ფეხის  
წვერებზე აიწია. პირველი ქათმის გასმა-გამოსმა არ გაჭირვებია. მეო-  
რე. მესამეც დაჰყვა მარჯვენას, თანდათან რომ დაშორიშორდა მანძი-  
ლი, მკერდით ფრთხილად მიაწვა ახალჩადგმულის გვერდითა ლოდს  
და მკლავი დაიგრძელა. გათამამდა, ძველი კედელი რაკი სანდო აღმოჩ-  
ნდა, წელამდე ამოვიდა, დაყირავდა და ასე ლესავდა კარგა ხანს გულ-  
მოდგინედ. როცა ქვას ცალი გვერდი ამოუღესა, ადგილი იცვალა და  
ახლა მეორე მხრიდან მიუდგა. იმდენი იხერხა, იმდენი იმარდა, თითქოს  
ყველგან მიწვდა, ქვას სამივე გვერდი ამოუტოლა რკინასავით დულაბით,  
ის ხვრელი რომ არა, მეამწემ ბავირის გამოთრევისას რომ დატოვა, და-  
ვით აღმაშენებლის ქვა სხვა ქვებს შორის მკვიდრად შეკრულ-შედულა-  
ბებული იყო. პანტე კირკიმალა კაცი რომ არ ყოფილიყო, დატოვებდა  
იმ ხვრელს და შინისაკენ გასწევდა, მაგრამ გულმა არ მისცა ნება, რა-  
კი ამდენი შრომა ვნახე, იმ ღრიტოსაც ამოვაგებო, იფიქრა, არაქათი  
კი აღარ ჰქონდა. მართალია, დიდი არაფერი გაუკეთებია, ბოლოსდა-  
ბოლოს ერთი, ერთადერთი ქვა ჩააშენა კედელში, მაგრამ მეტი

ოღარ შეეძლო და რა ექნა? ეგონა კი, რომ ერთი ქვა რა არის, ასეთ სამრეკლოს მარტოკა ააშენებდა ერთ ღამეში. თურმე გული არ ეშენებოდა, ფიქრობდა თავისთვის. გული ჰქონდა ჭაბუკური, მკლავი კი არა. გული ატყუებდა. ერთსაც ვცდი, რაც იქნება ის იქნება — გადაწყვიტა, კვლავ გადაწვა კედელზე და მკლავი დაიგრძელა. ეწვალა-ეწვალა, ვერსაიდან ვერ მიუღვია, ვერ მიწვდა. ბოლოს კედელზე ფეხმისადგმელ ადგილს დაუწყო ძებნა, ძველ კედელს მუცლით დააწვა, ჯერ ცალი ფეხი გადაიტანა, შემდეგ მეორე. ცალი ხელითა და ფეხით დაეკიდა კედელზე. მეორეთი კი დულაბიანი ქაფჩა აიღო...

რა გულმოდგინედ, რა გაფაციცებით, რა სიყვარულით მუშაობდა. რა დაძაბული, რა აზარტული და თავგადადებული ეკიდა კედელზე, თითქოს ქვეყნისა და ხალხის ბედ-იღბალს წყვეტდა, თითქოს ხელში ქაფჩა კი არა, ხალიბური ხმალი ეკავა და დავით აღმაშენებლის ლაშქარში იბრძოდა დიდგორობით. ეს ერთი ქაფჩაც და... პანტე ვალმოხდილი, ამაყი და ბედნიერი ჩამოვიდოდა სამრეკლოდან...

ფეხქვეშ თითქოს საყრდენი მოერღვა, კედლს ქვამ ფშვნა თუ დაიწყო, შეეშინდა, ძირს დაიხედა, მაღლა ეკიდა... კედელს მუხლი მიაკი-რა, ტანი ცალი ხელით და მუხლით შეიმავრა, ის დარჩენილი ღრმობაც ამოავსო დულაბით და ქაფჩა მაღლა სათლისაკენ შეისროლა, ვეღარ ჩა-აგდო სათლში, კედელზე ჩამოცურდა და ძირს დაეარდა, მეორე ხელიც გადასდო კედელს, ცალ მუხლს მეორე მუხლიც მიაშველა, ისე დაღლილიყო, კუნთები უკანალოებდა, ტანის აწვევა ვერ შეძლო. კარგა ხანს ეკიდა ტომარასავით... ეკიდა, ეკიდა... რა ექნა? თანდათან ღონეც ეცლებოდა, ჩავარდნას, ისევე ჩახტომა ამჯობინა. ჩავხტებო, გადაწყვიტა და ერთხელაც ჩაიხედა ძირს სასოწარკვეთილმა, ორი-სამი მეტრი აშორებდა მიწას. გაბედა, ქვას ხელი გაუშვა, მოწყდა... კედელს ჩაჰყვა სრიალით, ტყვიასავით წავიდა ძირს, წონასწორობა დაკარგა და მიწაზე რომ დაეცა მუხლი სამრეკლოს ქვის კედელს მიახლა, თვალთ დაუბ-ნელდა. შემდეგ არაფერი ახსოვს. გაუნძრევლად იწვა კარგა ხანს, გონ-დაკარგული მკვდარივით ეგდო სამრეკლოს უკან. გონს რომ მოვიდა, პირველი რაც დაინახა, ნამგალა მთვარე იყო, მთვარე ამოსულიყო და ძელქვის კენწეროზე ჩიტივით იჯდა. შემდეგ საფეთქელთან ტკივილი იგრძნო. ტკივილმა გაახსენა, რაც მოხდა. შიშმა შეიპყრო, ცოცხალი ვარ თუ არაო, ხელით მოისინჯა თავ-ფეხი, თვალწინ წელანდელი სუ-რათი წარმოუდგა, კედლიდან რომ ჩამოვარდა. „ნუთუ არაფერი მომტყდა?“... პანტეს ფეხის მოტეხისა ეშინოდა, თორემ თავის დარდი სუ-ლაც არ ჰქონდა, ოღნავ გაგვარი თავი ქვის კედელს და თავბრუ და-



მესხაო, ფიქრობდა. უხაროდა, რომ უვნებელი გადარჩა, ჯაბუჯივით წამოხტა სამი მეტრის სიმაღლიდან და არც ფეხი სტკენია, არც არაფერი. მტრების ჯინაზე სადავო ქვა საიმედოდ რეკლოს კედელში, სამრეკლოს ხომ ვერ დაანგრევდნენ? ღირდა შრომად და ოფლის ღვრად ეს ჯაფა. ახლა მშვიდად დაჯდებოდა ძელქვის ძირას, გააბოლებდა სიგარეტს, თავისი ნაშრომის ცქერით დატკებოდა. წამოდგომა დააპირა, გაინძრა თუ არა, თავისთავი არ მოეწონა, მაინც წამოდგა, რამდენიმე ნაბიჯი გადადგა ძელქვისკენ, უცებ ფეხქვეშ მიწა გამოეცალა და მოცელილივით დაასკდა მიწას ცხვირპირით. ეს რა იყო?.. ერთხელაც სცადა წამოდგომა, ამოდ, — თავს ვერ ანძრევდა, საფეთქელთან თითქოს ვიღაცამ ალესილი დანა შეუტკო და შიგ ჩაუტოვა, თვალს კი ახელდა, მაგრამ სიბნელეს ხედავდა. ნამგალა მთვარეს დაეძებდა. უკვე აღარსად ჩანდა, გარშემო უტყუნეთი ჩამოწოლილიყო. ასეთი არასოდეს ენახა ოხვამეკარი, ეს სხვანაირი სიბნელე იყო, სხვანაირი უდაბურება და მდუმარება სუფევდა ირგვლივ. „ხომ არ ვკვდები — გაუფლვა გონებაში, — ნუთუ მართლა ვკვდები?“...

უცებ მთელი მისი ცხოვრება დაუდგა თვალწინ, რამდენი იშრომა, რამდენი ოფლი ღვარა, ნახევარი სოფელი მისი ნამოწაფარი, მისი აღზრდილი იყო, კარგი ოჯახი შექმნა, ქვეყანას შეიღები და შეიღიშვილები მისცა... ახალგაზრდობიდანვე სოფლისთვის იღვაწა და აჰა... აღსასრულიც სოფლის სიკეთისათვის უნდა სწევოდა... „ნუთუ მართლა დადგა აღსასრულის უამი?“ — პირდაღმა ჩამხობილმა მერამდენედ ჰკითხა დედამიწას და... გაუხარდა. გულის სიღრმიდან წამოვიდა სიხარული და მთელი სხეული მოიცვა. რა უხაროდა? — სიკვდილი? წედლან ხომ სიცოცხლე უხაროდა, ახლა სიკვდილმა გაახარა?

საკვირველი კი იყო, კაცი უპატრონოდ, სოფლის ბოლოს, მინდორში კვდებოდა და პირი კი უცინოდა. სახე გაბადროდა, თითქოს ქორწილში მიდიოდა. ასეთი სიკვდილი თავისით რომ არ მოსულიყო, უნდა გამომეგონაო, ფიქრობდა, სიცოცხლეში ხომ პანტე თავის სიმართლეს ვერ ამტკიცებდა, არ უჯერებდნენ, ეჭვით უცქეროდნენ, ხან ინტრიგანს ეძახდნენ, ხანაც კარიერისტს, ხან რას და ხან რას. ასეთი მოულოდნელი სიკვდილით კი ყველაფერს მარჯვედ უარყოფდა და მთავარს დაამტკიცებდა. თითქოს მისი მოღვაწეობის ლოგიკური დასასრული სიკვდილი იყო. თუ სოფელი და ხალხი ვერ ჩაწვდებოდა, ვერ გაიგებდა ამ სიკვდილის აზრს, ანდრი ხომ მიხვდებოდა, ანდრის მაინც ხომ დაუმტკიცებდა თავის სიმართლეს, ხომ უჩვენებდა მავალითს, შეიღიშვილებს ხომ უამბობდნენ დავით აღმაშენებლის ქვის ამბავს! — ვალმოხ-



დილი, პირნათელი და გამარჯვებული მიდიოდა იმ ქვეყანას. ჩუმ-ჩუმად პანტემ თავი გმირადაც კი წარმოიდგინა, გმირის სიკვდილინაა. და? მაშ, უკეთეს სიკვდილს ვერც ინატრებდა ადამიანი! იყო ამგვარი ფიქრი, მაგრამ პანტეს უკვე იმის ძალაც აღარ ჰქონდა, აბეზარი ფიქრი მოეშორებინა და სიცოცხლის უკანასკნელი წამებისათვის მაინც შეეხედა მიწიერის თვალით.

საიდანღაც ცხენების ჭიხვინი შემოესმა, საუკუნო მღუმარებიდან და უკუნეთიდან ჭიხვინებდნენ ცხენები.

დიდგორის ველზე ორასი ცხენოსანი გამოსულიყო, მხედრები ცხენებს თავს ძლივს უმაგრებდნენ, ლაგმებს გლეჯდნენ, მიწას ტორავდნენ, ბრძოლის ჟინით ავსებულებდნენ. მხედრებს შორის პანტემ საკუთარი თავი დაინახა. თეთრ ცხენზე იჯდა. თავისი კაჭა ფეხები ბედაურისთვის შემოეჭირა და ლაგამი ჩაებლუჯა, ცხენი ოთხახმით მიჰყავდა.

ურჯულოებს ეგონათ, რომ დავით აღმაშენებელმა ცხენოსნები მოსათათბირებლად გამოგზავნა.


პანტემ პირველმა იძრო ხმალი. პირველმა შესძახა მცირე სპას „კა მაგასა!“ გვიანლა მიხვდნენ ვადამთიელნი, რომ ქართველებმა ხერხი იხმარეს... მცირე სპის კვიცილზე დავით აღმაშენებლის ორმოცათასიანი ლაშქარიც დაიძრა და...

ჰაი, დედასა, პანტე ვერ მოეწყო, პანტე სისხლისგან იცლებოდა, პანტეს თვალი უბნელდებოდა, თორემ დიდგორის ველზე სისხლისფერი დროშა ფრიალებდა...

ნამგალა მთვარე ჯერ ძელქვის კენწეროზე იჯდა, შემდეგ ეკლესიის თავზე, შემდეგ ცაში შეცურდა გედივით, გაკვირვებულმა ერთხელაც გადმოხედა მიწაზე თავდაღმა დამხობილ ბერიკაცს და თეთრმა ღრუბლებმა წაიღეს დასავლეთისაკენ...

ღამით პანტე შინ რომ არ დაბრუნდა, ნათელამ იფიქრა, ალბათ, საყდარში დარჩაო. რაკი ასე თვგადაკლული იყო ამ ნანგრევებზე, რაკი არავის უჯერებდა, ჯანდაბას, გული მოიჭამოსო, ფიქრობდა ნათელა. დილა რომ გათენდა, სკოლაში დამშვიდებული წავიდა. მან ხომ საკუთარი თვალით ნახა, თუ სად ათევდა ლამეს მისი ქმარი...

პანტეს უეცარი სიკვდილის ამბავი მზარეთმცოდნეობის მუზეუმის თანამშრომელმა მეორე დღეს, შუადღისას ჩამოიტანა სოფელში.



თურმე პანტესთან მოსათათბირებლად გრიშა ფეტეღავას მუშეუქმის თანამშრომელი გაუგზავნია. თანამშრომელს პანტე ჩაძინებულს უჭყონებია, უჯანჯლარებია, უჯანჯლარებია, ვერ გაუღვიძებია, გადმოუბრუნებია და რას ხედავს, კაცს მკვდრის ფერი ადევს, ყვირილი აუტეხია, იქნებ ვინმე მუშაობს ახლომახლოსო, იქნება სოფელს ხმა მივაწვდინოო.

ბოლოს შეშინებული და თავზარდაცემული ჩამოვარდნილა მეურნეობაში და ანდრის ახლობლებისთვის უთქვამს საზარელი ამბავი.

პანტეს უეცარმა სიკვდილმა მთელი სოფელი ფეხზე დააყენა და აყაყენა. ზოგი რას ამბობდა და ზოგი რას. ანდრიმ მწუხარების ქამსაც არ დაკარგა სიფხიზლე. სულ არ უნდოდა მამაზე ეთქვათ, სულელურად ქვას დააკვდაო, არც ის მოსწონდა, როცა ზოგიერთები მამამისის საქციელს აზვიადებდნენ და გმირად სახავდნენ.

ექსპერტისა და ექიმების სახელით თვითონ ავრცელებდა ხალხში პანტეს სიკვდილის ამბავს: ნერვიული კაცი იყო, ძალზე დამაბულად ცხოვრობდა და თავში სისხლი ჩაექცაო... ხალხმა ეს უფრო დაიჯერა, ვიდრე პანტეს გმირობა.

ნათელამ ანდრის სთხოვა, დავასაფლაოთ მაინც იმ დასაქცევ ოხვამეკარში, რაკი სულ მუდამ იქ უნდოდა ყოფნა, წინაპრების საფლავებიც იქ ეგულებოდაო. ანდრიმ პანტეს დასაფლავებასაც გონების თვალთ შეხედა. მართალია, ჯაივები ოხვამეკარის მოდგამები იყვნენ, მათ წინაპრებს, როგორც სოფელში ამბობდნენ, სწორედ ოხვამეკარში ასაფლავებდნენ, მაგრამ ეს იყო ოდესღაც. დღეს პირველ მაისს ახალი სასაფლაო ჰქონდა, ყველას იქ ასაფლავებდნენ და რაღა მაინცდამაინც პანტე უნდა დაესაფლავებინათ ცალკე? მისი აზრით, არ იყო საჭირო მეტიჩრობა, მამამისი ჩვეულებრივი, რიგითი პედაგოგი იყო და ჩვეულებრივი რიგითი ადამიანის სიკვდილით მოკვდა, საცა ყველა, ისიც იქ უნდა დაესაფლავებინათ.

დავით აღმაშენებლის ქვის ჩაშენების ამბავი კი რამდენიმე კაცმა გაიგო სოფელში. ამისთვის არავის მიუცია მნიშვნელობა. პანტესაგან ეს არავის უკვირდა, ხოლო ქვის მთელი ისტორია თავიდან ბოლომდე მხოლოდ პანტეს ოჯახმა იცოდა, სხვამ არავინ.

დათიკო ვასილიჩის ის ქვა შემდეგ არასოდეს გახსენებია, არც მისი კედელში ჩაშენების ამბავი გაუგია. უკეთესი ქვა ჩამოუტანია საიდანღაც და ბუხარი მოუპირკეთებია.



პანტეს დასაფლავებას კი დათიკო ვასილიჩიცი დასწრებია, გრიშა  
 ფეტელავაც, ჟორაც, ბუჭუც, ვაჟოც...  
 პატარა, უხმაურო ქელეხიც ჰქონიათ, ორმოციც. ნათელას <sup>ქართული</sup> ~~ქართული~~ <sup>ქართული</sup> ~~ქართული~~  
 უჭკუო ქმარი დიდხანს უგლოვია. შავებიც დიდხანს არ გაუხდია, შვი-  
 ლებისთვის დაუვალეზია, პანტეს საფლავზე რკინის უბრალო ღობე-  
 რი მაინც დამიდგითო, მართლაც, რაკი ანდრიმ ხარჯი ნახა, საფლავზე  
 „სასახლე“ სხვა შვილებს დაუდგამთ, გრანიტის ფილაზე პანტეს სურა-  
 თი ამოუტვიფრავთ, ქვეშ კი მიუწერიათ: — „პედავოგი პანტე ჯაავა,  
 1905—1970“.

## ლობიოჭამიების სასიჟო

### 1

ცალ ფებს აიკარწახებდა მუხლამდე, შარვლის გრძელი ტოტები ბურთის თამაშში ხელს შემოშლისო, ძონძორა მიხრა-მოხრით, თითქოს კოჭლობსო, კელანაობით შემოჭენდებოდა მოედანზე, საითაც ბურთს გააგორებდნენ, იქით გაქანდებოდა თვალების ბრიალით, გაუშვით, გაუშვითო, პატარა ბიჭებს დასკყივლებდა შესაშინებლად, თუმცა მისი არავის ეშინოდა, ჭვატია მოდის, ჭვატია მოდისო — შეჩოჩქოლდებოდნენ, ერთი მათგანი ბურთს აიღებდა ხელში და ჭვატიას მიართმევდა, შემადლებულ ადგილას დაუდებდა, ჭვატიაც უკან-უკან დაიხევდა; გულდაგულ მოემზადებოდა, ბიჭებს ამაყად გადახედავდა, ახლა ნახეთ რა მაგარად დაგვარტყაო, ხელზე დაიფურთხებდა: ჰაეო, ჰოეო, შესძახებდა გაურკვეველად, გაქანდებოდა და, რაც ძალა და ღონე ჰქონდა, ცერულად დაარტყამდა. დაარტყამდა და ბურთს კარსაც გადააცდენდა, მინდორსაც და ვინმეს ეზოში ჩააგდებდა. ეს იყო და ეს, ამის შემდეგ ჭვატია თავის გზით მიდიოდა, არ აინტერესებდა, ვინ იგებდა, ვინ აგებდა, ბურთის თამაში არ იცოდა და არც მოსწონდა. როცა ატყუებდნენ, ბურთს ფეხებში რომ გაუძვრენდნენ, ან მის ნაცვლად ვინმე სხვას რომ გადაწოდებდნენ, ბუზღუნებდა — მოტყუება რა ვაქკაცობააო. კეთილი გულისა იყო, პირი სულ მუდამ უცინოდა. არც ხუმრობა სწყინდა, არც დაცინვა. მთელი დღე სოფელ-სოფელ დადიოდა, სწავლა ეზარებოდა და შინიდან გარბოდა, ჭვაქვალა ბებიას ემალებოდა. ჭვაქვალა თვითონ უსწავლელი ქალი გახლდათ, ოცნებად გადაქცეოდა შვილი ან შვილიშვილი ჰყოლოდა ნასწავლი. ერთადერთმა ქალიშვილმა ნინუმ არ ისწავლა, ცხონებულ მამამისს დაემსგავსა. მისი ბედი ღმერთმა აშოროს და თვალადაც ალიკვალი მამააო, ფიქრობდა ხოლმე ჭვაქვალა, როცა ქალიშვილს დააკვირდებოდა, ჭვატიაც იმათი ჯიშისა გამოდგა; წამოიზარდა თუ არა, წიგნი დედამისივით თვალის დასანახად არ ინდომა. ჭვაქვალას სიძეც

ვერ ჰყავდა დიდი მწიგნობარი. ნინუს ქმარი სოფელში ცნობილი მთონხელი ყაბახი ცილუ გახლდათ. მეხუთე კლასს მუშები არ წასულა, ცილუს წინაპრებიც ოდითგანვე მწყემსები მუშები ყოფილან. თვითონ ცილუ სწავლა-განათლებას, სიღვდონის განსხვავებით, დიდად არ აფასებდა, მაგრამ შინაურები ხანდახან აიყოლიებდნენ და ჭკატიას ერთობლივად შეუტევდნენ — უფროსი შვილი ხარ. შე არდასაცალელო, ისწავლე, იქნება ადამიანი გამოხვიდე, ბავშვების აღზრდაში დაგვეხმარო.

ჭკატია წიგნს გადაშლიდა, მშობლების დასანახავად, ცოტა ხანს შიგ ჩაიხედავდა, მერე გადააბრუნებდა, გადმოაბრუნებდა, ერთს ამოიხენეშებდა, ამოიოხრებდა, თვალსა და ხელს შუა სადღაც გაძვრობდა და დაიკარგებოდა. დაუწყებდნენ ძებნას, ეძახდნენ, ეძახდნენ, ყელს დაიგლეჯდნენ, წყევლიდნენ, ემუქრებოდნენ, ლანძღავდნენ. ჭკატია სამზადის სხვენში მტვერსა და აბლაბუდაში იწვა გატრუნული და, ვითომ არაფერიყო, მაღლიდან უთვალთვალებდა აწრიალებულ მშობლებს.

არ უნდა ამ ბავშვს სწავლა და თავი გავანებოთ, — იტყოდა ცილუ, ნინუს აჰყვებოდა ქმარს, — ჯანდაბას, წამოვიდეს ხვალ ჩაიში, სასუქი უნდა შევიტანოთ, მომეხმაროსო.

ჭკატიას ჩაიში წასვლაც არ ეხატებოდა გულზე. ჩაის ისევ სკოლა ერჩია, ოღონდ სწავლა არ უნდოდა. მასწავლებლები არ აწუხებდნენ, გაკვეთილს არ ეკითხებოდნენ. მაინც არ ეცოდინებო, ფიქრობდნენ. ჭკატიასაც ეს უნდოდა, იქდა უკანა რიგში წლიდან წლამდე, ამორჩეულ ადგილას, თავის მერხზე, არც არაფერს აშავებდა, არც არაფერს აკეთებდა. თითო კლასში ორჯერ რჩებოდა, ჭკაქვალა ბებიას დაჟინებით სკოლაში მაინც დადიოდა, როგორმე ათწლედი დაამთავროსო — საშველს არ აძლევდა ბებია მასწავლებლებს. ოროსანი მოსწავლე მასწავლებლებს არ უყვართ, ალბათ მთელ ჭკვეყანაზე ერთადერთი ოროსანი იყო ჭკატია, მასწავლებლებს რომ არ სძულდათ; გაკვეთილზე ჩუმად იჯდა, არავის ხელს არ უშლიდა, როცა მასწავლებელი ლანძღვას დაუწყებდა, ამხელა ბიჭი ხარ და როგორ არა გრცხვენია, სკოლაში ტყუილად დადიხარო, ჭკატია თავს ჩაღუნავდა და თავისებურად კეთილად იღიმებოდა. მასწავლებლებს უკვირდათ, რა წყნარი და მშვიდი ყმაწვილიყო. თავიანთი საქციელის თვითონვე რცხვენოდათ: რატომ გავლანძღეთ ეს ბიჭი, არ შეუძლია სწავლა და რა ქნასო.

კეთილი უქნარა გინახავთ? თავაზიანი ზარმაცი შეგხვედრიათ?.. ვერც მთლად უქნარასა და ჯიბიდან გავარდნილს ეტყოდით, — არ იყო ასეთი, თუ მეზობელი სთხოვდა, მოსახმარებლად გარბოდა, მთელი





დღე ჯარასავით ტრიალებდა სხვის კარ-მიდამოში. როგორც სოფელში ამბობდნენ, კაცის გულისთვის ყელამდე წყალში ჩადგმობდნენ, არ დაიჩივლებდა, არ დააყვედრებდა, არც სამაგიეროს სწავლებდა, არც ცხადია, ჭვავს კეთილშობილსა და რაინდსაც ვერ დაუძახებდით, მაგრამ მთლად ბრყვი და ლენჩიც არ იყო, სოფელს რომ ხელი ჩაექნია — ამისგან კაცი არ დადგებაო. ერთი სიტყვით, ჭვავია იყო და მეტი არაფერი. ის არ ჭვავდა არავის, არც არავინ ჭვავდა მას. ბობრი უფრო ეთქმოდა, ვიდრე წითური, მარდი თვალები ჰქონდა, ეშვებივით გადმოყრილი კბილები. აწოწილი ბიჭი იყო. რომ გელაპარაკებოდათ, ხან ცალ მხარს სწევდა მალა, ხან — მეორეს, თვალები აქეთ-იქით გაუბრუნდებოდა. სიტყვებიც ეფანტებოდა. ხან ერთს სიტყვას წამოროშავდა უადვილოდ, ხან — მეორეს, ყველა სიტყვას ამახინჯებდა. ან თავს წააკვეცავდა, ან ბოლოს, ეშინოდა სიტყვის წარმოთქმისა და რალაცას დღე-ღამეებდა ცხვირში.

ცილუს და ნინუს სად ეცალათ ჭვავის სადგენად. მის გარდა ხუთი შვილი ჰყავდათ, ორთვალა სამზადში ცხოვრობდნენ, მართალია, სამზადი ერქვა, მაგრამ იატაკიც დაეგოთ, ჭერიც თხელი ფანერით აეჭყდათ, სახურავიც გამოეცვალათ და შიფერით გადაეხურათ. სამზადისათვის ცალკე ჰქონდათ კიდეც ორი თვალი ფიცრული. იქ ერთ თვალში საქონელს და ღორს აბინავებდნენ, მეორეში კი შუა ცეცხლს ანთებდნენ, ნამდვილი სამზადი იქ იყო. კობტა კარ-მიდამო ჰქონდათ, ოთხასი ძირი ვენახით, ვაშლის, მსხლის, ლეღვისა და ხურმის ხეებით დაყურსული. ყველაფერი ეს ქვაქვალას მონაგარი იყო, ცილუ ქვაქვალას ოჯახში ჩასიძებული გახლდათ. ცილუ თავის მხრივ ორსართულიანი სახლის აშენებას ჰპირდებოდა ცოლსა და სიდერს, მაგრამ თავი ვერ მოაბა, ხან ფული ვერ იშოვა, როცა წლებზე ფეხი დაიდგა და ორ კაპიკს თავი მოუყარა, მაშინ მასალა გაწყდა ქვეყანაზე, ხანაც ავად გახდა, ავადმყოფობამ შეუშალა ხელი, ამასობაში ექვსი შვილი გაუჩნდათ და ექვსჯერ ექვსი საზრუნავი მოემატათ, ვერ გაიმართნენ წელში, დარჩნენ და დარჩნენ ქვაქვალას სამზადში. რა უჭირსო — ფიქრობდნენ, ოღონდ ჯანმრთელობა იყოს და სიღარიბეს მოვითმენთო. მართლაც, ნინუს, ცილუს და ქვაქვალაც ბედს არ ემდუროდნენ, ოღონდ ბავშვების ჯავრი სჭირდათ, — ბავშვებს როგორმე უნდა ესწავლათ. მათი აზრით, ეს იყო მთავარი. მაგრამ ჭვავია იმედს სულ არ იძლეოდა. მერვე კლასში მესამედ არ დატოვებდნენ, არ მოუთმენდნენ, არ აპატიებდნენ, დღეს თუ ხვალ სკოლიდან გამოავლებდნენ და ხელში თოხი უნდა აეღო, ასე ფიქრობდა ქვაქვალა ბებია, მაგ-

რამ ჭვატია ასე არ ფიქრობდა. ჭვატის თოხი არ უყვარდა, თვალი მან-  
ქანისკენ ეჭირა. სულ იქ, მეურნეობის მანქანების გარეშის წინ ტრი-  
ალებდა, მძლოლებთან „მეგობრობდა“ თავის ჭკუით, სინამდვილეში  
მძლოლები ჭვატის კეთილ გულს იყენებდნენ, მანქანას ბრუნებდნენ  
დნენ, ძრავას ახეთვინებდნენ, ჭვატია კმაყოფილი იყო, მანქანის საქ-  
მე არ ეზარებოდა. თუ სკოლიდან გამოაგდებდნენ, ჭვატის ფიქრად  
ჭკონდა რაიონში მძლოლის კურსებზე წასულიყო. წიგნაკს აიღებდა,  
დაჯდებოდა მეურნეობის მანქანაზე და ჰაიდა, ირბენდა აღმა და დაღმა  
სოფლის გზებზე. ამდენ ყურება-ყურებაში მან ზომ თითქმის იცოდა  
მანქანის ტარება! ერთი-ორჯერ მძლოლებმა დასვეს კიდევ საჭესთან.  
მარტო მძლოლებთან კი არ „მეგობრობდა“, გაკვეთილების შემდეგ,  
სოფლის შარავზას რომ დაადგებოდა, საცა ორ-სამ გლეხკაცს ნახავდა  
თავშეყრილს (გლეხებმა ღობის ძირას იციან ჩაყუნცვა, პაპიროსის  
ბოლება და ჭუჭქუჯი), ჭვატიაც შორიახლოს დადგებოდა, მთლად  
ახლოს მისვლას და უფროსებთან გარევის ვერ ბედავდა, იღვა თავის-  
თვის გაბირინებული და ყურს უგდებდა ქალების ამბავს, კაცების ამ-  
ბავს, ქალაქელი ბოზებისა და სოფლელი ბიჭების ამბავს, როდის-  
როდის შეამჩნევდნენ ჭვატის და ან წყლის მოტანას დაავალბდნენ,  
ან სიგარეტისთვის გაგზავნიდნენ დუქანში, ჭვატისაც ეს უნდოდა,  
ნაადრევად დაკაცებული, გრძელი ბავშვური ნაბიჯებით საქმიანად მი-  
დიოდა სიგარეტის მოსატანად. მთელი დღე ასე ეკარგებოდა.

გადმოდგებოდა ქვაქვალა ბებია ალაგზე და, ვო, ჭვატია უუუო, მთე-  
ლი ხმით გაჰკიოდა. ჭვატის ესმოდა, ბებია რომ ეძახდა, მაგრამ ყუ-  
რისობდა, გვიან მიჩერჩეტდებოდა შინ. ბებია ჯოხით გამოუდგებოდა,  
ჭვატია იცინოდა და ბებიას უთამაშებოდა, ხან იმ ჯოხს წაართმევდა, ხან  
ხელებს დაუჭერდა, ეხვეოდა, კოცნიდა, ქვაქვალასაც გული მოუბრუნ-  
დებოდა და შერიგდებოდნენ. ბებიას ხათრით აიღებდა წიგნს ხელში,  
იჭდა და უყურებდა.

ასეთი იყო ჭვატია, ასეთად იცნობდა მას მთელი სოფელი, მაგრამ  
ერთხელ მოხდა სასწაული...

ჭვატია შინ ჩვეულებრივად გვიან დაბრუნდა. ჩანთა სამზადში შე-  
აგდო, არც საჭმელი უჭამია, არც არაფერი, ჭის თავზე საღეს ქვას  
მიუჭდა და დანის ლესვას შეუდგა ქვაქვალა ბებიას გაუკვირდა, რად  
უნდა დანაო და თავზე დაადგა. ჭვატია მ ყურადღება არ მიაქცია, ლესვა  
განაგრძო.

— რად გინდა, ბებია, ეს დანა? — ჰკითხა ქვაქვალამ, არ მოეწონა  
შვილიშვილის საქციელი და, ცოტა არ იყოს, შეშინებულმა ჰკითხა.  
ჭვატია მ ხმა არ გასცა.

— წამოდი, შენ შემოგველოს ბებია, მთელი დღე პირობა არ  
ჩაგვლია, მერე ლესე დანა, — დაუყვავა ბებია.

ჭვატიამ ბებიას ზიზლით შეხედა.

ჭვაჭვალას თავზარი დაეცა.

სამზადში შებრუნდა. ბავშვებს დაუძახა, შეეშინდა თუ რა იყო,  
ყველანი შიგნით შერეკა, კარი გამოუკეტა და ჭვატიასთან, თავისი  
ჭკუით, უფრო ყოჩაღად მივიდა.

— რად გინდა, შე მაიმუნო, დანა! — ფეხები დაუტყავუნა შესაში-  
ნებლად, — ახლავე მომეცი, თორემ მამაშენს ვეტყვი!

ჭვატიამ თავი აიღო, ბებიას მკაცრად შეხედა და ცხვირში ჩაიღუ-  
ღუნა თავისებურად:

— მინდა ალბათ, რომ ვლესავ!

უცხო ადამიანს შესაძლოა ვერ გაეგო ჭვატიას ნათქვამი, მაგრამ  
ჭვაჭვალას არც ერთი სიტყვა არ გამოეპარებოდა, უსიტყვოდაც კი  
უგებდა შეილიშვილს, კოვზისა და ქოთნის არ იყოს, ჭვატიას ამბავი  
ჭვაჭვალაზე უკეთესად ვის ეცოდინებოდა?

— ისადილე და მერე ლესე, — უთხრა ბებია.

— არ მინდა თქვენი არაფერი! — ჭვატიამ ამჯერად გარკვევით  
გამოთქვა სიტყვები, მაგრამ ღრენისებურად თქვა სიტყვა „არა-  
ფერრი“.

— კარგი, სადილი არ გინდა, დანა რად გინდა, ის მაინც მითხარი, —  
კვლავ დაუყვავა ბებია.

— დანა რად მინდა? — თვალები აენთო და ფეხზე წამოიჭრა ჭვა-  
ტია, ალესილი დანა ჯერ ჰაერში გაიქნია, შემდეგ დანისტარიანი მუშტი  
თავის ქაბუკურ ვიწრო მკერდზე დაიბრაგუნა და დაიღრიალა, — რად  
მინდა დააპ!.. — თვალები გადაატრიალ-გადმოატრიალა უაზროდ; ბო-  
როტად მიაჩერდა ბებიას და საშინელი სიტყვები უთხრა:

— ყელი უნდა გამოგჭრათ ყველას! ის გოყოიანი ბაღნებიც უკან  
უნდა მოგაყოლოთ! — სამზადისაკენ გაიშვირა ხელი, თავის და-ძმებზე  
თქვა გოყოიანი ბაღნებო.

— დიდუპ! — შეჰკივლა ჭვაჭვალა ბებია და გულშემოყრილი ჯერ  
მიწაზე დაჯდა მოსმით, შემდეგ ნელა გაწვა ბალახში, კაცს ეგონებო-  
და, მოკვდაო.

ჭვატია სამზადში შევიდა, ახალი კოსტუმი ჩაიცვა, ფეხსაცმელები  
კოხტად გაიბრიალა, ქოჩორი დაისველა და გვერდით გადაივარცხნა  
დიდი მონღომებით. გაფერილ-გალესილი მოელვარე დანა ხელში  
აიღო და, ვითომ აქ არაფერი მომხდარაო, სადღაც წასვლა დააპირა.

ქვაქვალა ბებია ხომ გულწასული ეგდო ჰის თავზე, ნელ-ნელა გონს მოეგო, თვალი გაახილა, შვილიშვილი გამოწყობილ-გალამობილი რომ დაინახა, გაუკვირდა, წელან რაც ბავშვმა თქვა, ალბათ იფიქრა და შვილიშვილს ნაძალადევიდ მოესიყვარულა, მოეფერა.

— უი, შე მამაძაღლო, როგორ შემაშინე და გამიხეთქე გული... ხომ ტყუილი მითხარი, ბებია?.. წამოგცდა ხომ?..

— ტყუილი კი არა, მართალი ვითხარი, თუ ჰკუთ არ იქნებით, ყველას დაგხოცავთ!.. — გაიმეორა ჰვატიამ ყინჩად წელან ნათქვამი.

— უი, უი, უი, — კვილი ატეხა ჰვაქვალამ.

— ჩუმად! — შესძახა ჰვატიამ, შეეშინდა — კვილზე მეზობლები შეიყრებიანო! და ბებიას უფრო მაგრად შეუტია.

— ჩუმად-მეთქი, თორემ ახლავე ავასრულებ ნათქვამს! — მოგლვარე დანა ბებიას მოუღერა. ჰვაქვალას სიკვდილის კი არ შეშინებია, შვილიშვილი გამიგოდაო — ამან შეაწუხა, იფიქრა, იქნებ როგორმე დავამშვიდოო, ჰერ შორიდან უყურა გაღიმებულმა, მერე ახლოს მივიდა და ხმადაბლა უთხრა:

— კი, ბებია, მომკალი, თუ ძალიან გინდა, მაგრამ არ მეტყვი რატომ მკლავ?

— რატომ და ცოლი უნდა მოვიყვანო! — თქვა მკაცრად, წავიდა და თუთის ძირას დადგა რატომღაც. თავჩალუნული იდგა, ბებიასკენ არც იყურებოდა.

— ცოლი?.. — გაოცდა ჰვაქვალა, ახლოს მივიდა და შვილიშვილს ყურება დაუწყო.

— ჰო, ცოლი.

— მერე?.. — გაეცინა ჰვაქვალას.

— რა გაცინებს?

— ამისთვის მკლავ, ბიჭო? ამისთვის გვემუქრები ყველას დახოცვით?..

— რა ვქნა აბა!..

— ამისთვის არ მომკლა, ბებია... ცოდვა ვარ, — იცინოდა ჰვაქვალა, თან აქეთ-იქით იყურებოდა, ვინმეს ხომ არ ესმის ჩვენი საუბარიო. ისინი თავიანთი სამზადის წინა ეზოში, ბუოლის ძირას იდგნენ და ერთმანეთს გაკვირვებულები უყურებდნენ. ჰვატიას ვერ გაეგო, რატომ იცინოდა ბებია, ვერც ბებია მიმხედარიყო ჰვატიას გაბოროტების მიზეზს.

— უთხარი დედას და მამას, არ მათხოვინებთ იმ გოგოს და დაგხოცავთ ყველას, მორჩა და გათავდა!

— აღარ ხუმრობ, ბიჭო? მეღირსა შენი ცოლი? — გულწრფელად გაუხარდა ქვაქვალას, — მომესწარი საცოლედ? შე კუდიანო. შე ემაკის ფეხო და ქაჯიაჰიანევი! — ქვაქვალამ გაბედა, ახლოს მიჩნდა — და შევილიშვილს ქეჩოში ხელი წაუპოტინა წამორტყმასაჲს. — ქვაქვალას ეგონა, თუ ცოლის თხოვნაზე სიტყვას დაძრავდა, ქვეყანა დაიქცეოდა. ძალიან გაუკვირდა, ბებია რომ ასე გახარებული შეხვდა, თან არ სჯეროდა და უნდობლად უყურებდა.

— სარძლო ვინ არის, ბებია, გამიხარე გული!..

— მზევინარი.

— მზევინარი?.. რომელი მზევინარია ეს?

— ჯონდოს მზევინარი.

— ჯონდოსი? რომელი ჯონდოსი?

— ლობიოჭამიასი.

— უი, ამხელა გოგო ჰყავს ჯონდოს? კარგი, ბებია, ძალიან კარგი, წამოდი, შევიდეთ შინ, მოვილაპარაკოთ...

— მივდივარ მე...

— სად მიდიხარ? ჯერ დედას ვუთხრათ, მამას ვუთხრათ, გადავწყვიტოთ...

— მაგი გადაწყვეტილია.

— მოიცა, ბიჭო... იქ მიდიხარ, იმათ სახლში?..


— ის მე ვიცი.

— მოიცა-მეთქი! — უკან გამოუდგა ქვაქვალა, შვილიშვილს მკლავში ხელი წაავლო და გააჩერა, — კარგი, წადი, სადაც გინდა, მაგრამ დანა? დანა მომეცი, რად გინდა ეს ოხერი!..

— ეგენიც უნდა დავხოცო! — კვლავ შესძახა ჰვატიამ გაბოროტებით, ბებიას მკლავი გამოსტაცა და ელვისუსწრაფესად ალაგზე გადახტა, გადახტა და ქვაქვალაც გადაჰყვა, — ვინ ეგენი, ბიჭო? — კი მიძახა უკან, მაგრამ ბიჭი ისარივით გავარდა მოსახვევში და ხელად თვალს მიეფარა. გაშშრალი, გახევებული ქვაქვალა ალაგესთან დატოვა.

სალამო ხანი იყო. ნინუ და ცილუ მეურნეობიდან საცაა დაბრუნდებოდნენ, რა ამბავს დაახვედრებდა? რა ექნა? მთლად უპატრონოდ ბალებს სამზადში ვერ მიატოვებდა, იქ ცეცხლი ენთო და იმის შეეშინდა. იფიქრა, ცეცხლს ჩავაქრობ, ბავშვებს ეზოში გამოვყრი... სამზადს დავკეტავ და ჰვატიას კვალზე მერე წავალო.

ამ ფიქრებში რომ იყო და სამზადში თავგზაარეული ხან ცეცხლს აქრობდა, ხან სათითაოდ გამოჰყავდა ბავშვები და სათითაოდ ჰქუას რომ არიგებდა, სიმინდის ყანიდან ცილუ გამოვიდა, სამზადს უკნიდან



მოადგა, სამუშაოდან დაბრუნებულს მოკლეზე მოექრა, ყანა-ყანა ევლო, ღურღენში ბირკა მოსდებოდა შარვლის ტოტებზე. ვეჩქვე ნაქლი შავა, თაღს პერანგზე შაბიამნის ცისფერი ლაქები ეტყობოდა. ანთქა სუნი ასდიოდა, მხარზე გადებული თოხი სამზადის წინ, საჩეხის ერთ კუთხეში მიაგდო, სამზადში შევიდა, დოქს წაავლო ხელი, მოიყუდა და ხარბად დააცხრა.

— მოხვედი? არიქა, შენ შემოგველე, ახლავე წავიდეთ ჭვატიას საქებრად, ცუდადაა საქმე!.. — მიადახა ჭვაქვალამ და სიძეს წინ დაუდგა, დაელოდა, წყლის სმას როდის დაამთავრებდა. ცილუს დოქი ტუჩიდან არ მოუწყვეტია, გემრიელად, რაკრაკით სვამდა, არ ეჩქარებოდა. როცა კარგა ლაზათიანად გამოძღა წყლით, დოქი თავის ადგილას დადგა და ჭვაქვალას ტუჩების წშენდით ჰკითხა:

— რა იყო, რა ჭირს ჭვატიას საქებარი?

— დანას ლესავდა მთელი დღე... ცოლს ვთხოულობო და გადავარდა ალაგეზე.

— ცოლს ვთხოულობო?.. — ჩაიდუდუნა ცილუმ, კველას დასწვდა. გამოიტანა საჩეხში, დაჯდა ზედ, ამოიღო სიგარეტი და ასანთს დაუწყუო ძებნა ჯიბეში.

— რას შობი, ცილუ? — გაკვირვებული გამოჰყვა გარეთ სიძეს ჭვაქვალა, — რა დროს დაჯდომია ახლა?.. არ მოდიხარ?..

— მოვა ნინუ და ის წამოვა.

— შენ წამოდი, კაცი ხარ მაინც.

— სად წამოვიდე?

— რა ვიცი, სად წამოხვიდე, საცა შენი სასიძო ბიჭი წავიდა, იქ უნდა წამოხვიდე.

— საჩქაროა ვითომ ახლა მაგ საქმე?

— მეტი საჩქარო რა იქნება, ალესილი დანა გაარბენინა სალაცა.

— დანა რად მინდაო?

— ყელი უნდა გამოგჭრათ ყველასო და რა ვიცი... დედასო, მამასო, შენცო და ბაღნებსაო.

— რადაო, რა დაგვიშავებია? — ჩაიციხა ცილუმ.

— რა არხენი კაცი ხარ, შენ არ მომიკვდე, ახლა სასაცილოდ და სალაპარაკოდ გვაქვს ჩვენ საქმე? ცოლის თხოვა უნდა ბიჭს და გადავრეულია.

— ცოლის თხოვა კი არა, ათასი გასაჭირი მაქვს მე ოჯახში, რა დროს ჭვატიას ცოლია!

— არიქა, არ გაავგონო მაგი ბაღანას, თორემ ვინ იცის რას იზამს.

— რას იზამს? დაამტკრევეს ბუს კვერცხებს ჭვავითა... ჭვავითა  
საცოლშვილოდ გვცალია ახლა ჩვენ? ამ ბაღნებს მოვლა-პატრონობა  
არ უნდა? — ცილუმ ეზოში მოთამაშე ბავშვებისკენ გაიშვენიერდა...

— უიჰ, არ თქვა მაგი, ცილუ, არ გინახავს დღეს შენ ჭვავითა, თორემ სხვა გუნებაზე დადგებოდი, შვილებს გეფიცები... ამხელა დანა უკავია ხელში!

— კაი ჰო, კაი... გვინახავს ჩვენ მაგხელა დანები...

— აბა, ყური არ გავაბარტყუნოთ?

— არა.

— ბავშვი არ მოვიკითხოთ?

— მოვა თავის ფეხით და დანასაც მოიტანს აქეთ.

ქვაქვალა სიძის სიმშვიდემ წამით ჩააფიქრა. მართლა სად უნდა წასულიყო? უკვე ღამდებოდა, ჯონდო ლობიოჭამიას სახლამდე კარგა მანძილი იდო, როდის მივიდოდა იქამდე... წავიდოდა კი ჯონდოსას ჭვავითა? იქნებ კინოში იყო და თავის სატრფოს იქ ელოდებოდა?

ქვაქვალამაც გამოიტანა კველა სამზადიდან და სიძის გვერდით დაგდა ჩაფიქრებული. ცოტა ხანს იჯდა ასე, ბავშვები მსხლის ძირას შეკრებილიყვნენ და დიდის გულმოდგინებით თხრიდნენ ორმოს.

— აჰ, რას ველოდო აქ, უნდა წავიდე! — გადაწყვიტა უცებ, წამოდგა, სამზადის კარი გამოიხურა და ჭიშკრისკენ გაემართა. ჭიშკარში გავიდა თუ არა, გზაზე ნინუც გამოჩნდა. დაღლილი შინ ბრუნდებოდა.

— გატრიალდი ახლა და უკან გაბრუნდი! — შორიდანვე დაუძახა ქვაქვალამ შვილს, — ცოლს თხოულობს შენი ვაჟაკი!

— რაო? — გაოცდა ნინუ და შუა გზაზე შეჩერდა.

— შეიხსენი ეს ძონძი, სირცხვილია, დედამთილი ხარ უკვე! — ქვაქვალამ ნინუს წელზე შემოკრული თავშალი შეხსნა, დაკუჭა და ლობეს გადაღმა თავის ეზოში ჩააგდო, — წამოდი, გზადაგზა ყველაფერს გეტყვი.

ორლობეში ჩაუხვიეს, გაჩქარებული მიდიოდნენ, ჭვავითა დღევანდელი უცნაური საქციელის ამბავს ქვაქვალა დიდი გულმოდგინებით უყვებოდა გულშემოყრილ ნინუს. მეზობლებმა არ გაიგნო, ხმადაბლა მიპუტუნობდნენ. ხანდახან აუწყედნენ ხმას, ხანდახან გაისმოდა ნინუს შეშფოთებული ხმა ორლობიდან.

— რომელი მშვეინარია ეს?.. ლობიოჭამიების ოხერი?.. მოჰყავდა კი, ჯონდოს ფუნას ჩაიში... — ნინუ გზიდან გადავიდა, დედას ერთი ჩხვერკივით წვრილი, გამხმარი მესერი უჩვენა და უთხრა: — ამას ხედავ? ა, ამას რომ კაბა ჩააცვა, ის არის...

მზე ჩასულიყო. სოფელი ღამის შესახვედრად ნელა ემზადებოდა. აგერ-აგერ ბლადნენ სამზადის სვეტზე მოსაწველად მიბმული ძროხები, შუქაში ჭყვიროდა გარეთ დარჩენილი უღლიანი ღორები. ყვანას სთხოვდა პატრონს. აკაციებით დაბურულ შუქაში ბიხდი შემოპარულიყო, ღამე დაბურული შუქებით შემოდითოდა სოფელში.

— სად მყავს მე საცოლე ბიჭი! — გამოაღწია ხმამ შუქიდან.

აჩქარებული მიდიოდნენ, უკან არ იყურებოდნენ. სად მიდიოდნენ? ვისთან? — რომ გეკითხათ, თვითონაც არ იცოდნენ.

## 2

ქვაქვალა და ნინუ რომ ჯონდოს სახლისკენ მიემშურებოდნენ, იმ დროს ჭვატია მეურნეობის გარაჟის ეზოში, სამჭედლოს წინ, სვეტს მიჰყუდებოდა, გზისკენ იცქირებოდა. მზევინარს აქ უნდა გამოეგლო. სამჭედლო დაკეტილი იყო, გარაჟშიც კანტიკუნტად თუ აივლ-ჩაივლიდა ვინმე, დიდხანს ლოდინი არ დასჭირვებია. მზევინარი ფურნეში გამოეგზავნათ, ორი დიდი გორა პური მოჰქონდა. იღლიებში ამოეჩარა პურები, თავი მალლა აეწია. წვრილ, მაღალ ყელზე ედგა ლაფართია თავი. თმა მოკლეზე შეეკრიჭათ და ბალობაში აკვანში ხანგრძლივად ერთ მხარეს დებისაგან უშნოდ გაბრტყელებული კინკრიხო მოუჩანდა, არც მკერდი ეტყობოდა, არც თეძოები, ფეხებიც კი თითქოს ჩხირებისა ჰქონდა, ნინუს თქმისა არ იყოს, მართლაც, გამხმარ ჩხვერკს კაბა რომ ჩააცვა, იმას ჰგავდა.

ჭვატიამ თავისი მზეთუნახავი რომ დაინახა, რატომღაც დაიმალა, სამჭედლოს მოეფარა და იჭიდან დაუწყაო ყურება. ცოტა ხანს უყურებდა დამალული. ასე ხომ ვერ დამინახავსო, იფიქრა და გამოვიდა სამალავიდან. სამჭედლოს წინ დადგა გამოწყობილი, გზაზე მიმავალს მიაჩერდა. გოგომ ერთი ქორულად შეხედა აბეზარად მოშტერებულ ბიჭს და ამაყად განაგრძო გზა. მზევინარი ჭვატიას შორიდან იცნობდა. მართალია, ერთ სოფელში ცხოვრობდნენ, მაგრამ ერთ სკოლაში არ სწავლობდნენ. ერთი სოფლის თავში ცხოვრობდა, მეორე — ბოლოში. მზევინარი მეზობელი სოფლის სკოლაში დადიოდა, ის სკოლა უფრო ახლოს იყო მის სახლთან.

ორი კვირის წინ, სწორედ აქ, ამ ადგილას, შეხვდა ეს ბიჭი; აქედან დაამახსოვრდა, საეჭვოდ უყურებდა კარგა ხანს. სწორედ მაშინ გაიხსენა, თუ ვინ იყო, აქამდე სად ენახა და რომელ სკოლაში სწავლობდა; თავის ეზოში საარეცხს რომ აფენდა, სულ პირველად მაშინ





შეამჩნია: ტრიფოლიატის ღობეზე თითქოს რაღაცა იდო. რამდენიმე ნაბიჯი გადადგა იქითკენ, კარგად დააკვირდა, ჭვავიას ~~ფეხებს~~ ბიჭს ტანი არ მოუჩანდა, ფეხისწვერებზე დგებოდა და ~~შეხედვის~~ რებდა ღობის გადაღმინდნ. ეზოდან ისე მოჩანდა, თითქოს ჭვავიას თავი ტრიფოლიატის გაკრეჭილ ღობეზე იდო. ეს იყო და ეს. მთელი მათი სიყვარულის ამბავი აქ იწყებოდა და აქვე თავდებოდა. როცა ფურნიდან მომავალმა მზევინარმა სამჭედლოს წინ გაიარა, ჭვავიას ეგონა, რომ ფრთები შეესხა. გოგონა კარგა მანძილით რომ დაშორდა სამჭედლოს, ჭვავია ჯერ ფეხისწვერებზე შედგა და ისე გახედა თავის მზეთუნახავს, შემდეგ სამჭედლოს თავამდე აფრინდა უეცრად, შეხედა ჯიერანივით მიმავალს და ძირს დაეშვა, ისევ აფრინდა, ისევ ჰკიდა თვალი. ისევ ძირს დაეშვა. ვიდრე მზევინარი არ გაუჩინარდა, ასე დაფრინავდა სამჭედლოს წინ. აფრინდებოდა სამჭედლოს თავამდე, ძირს დაეშვებოდა, აფრინდებოდა — ძირს დაეშვებოდა. გამოდევნებას და დაძახებას რატომღაც ვერ ბედავდა, თითქოს განგებამ ენა წაართვა, ადამიანური მოქმედების უნარი წაპგვარა და სამაგიეროდ ფრთები შეასხა. ასე გაგრძელდა მანამ, სანამ მზევინარი თვალს მიეფარებოდა. როცა გოგონა მოსახვევეში მიიმალა, ჰაერში მფრინავმა ჩვენმა ჭვავიამ მიწაზე ზღართან მოადინა და სევდა შემოაწვა. ეწყინა, გაბრაზდა კიდევ, რატომ ერთხელაც არ შეჩერდა და ყურადღება არ მომაქციაო. ალბათ, სხვა ვინმე შეიყვარაო — ესეც კი გაიფიქრა. ასეთი ეჭვისთვის მზევინარს საბაბი არ მიუცია, ისინი ხომ ერთმანეთს არც დალაპარაკებია, მაგრამ, ჭვავიას აზრით, ეს არ იყო მთავარი, როცა ტრიფოლიატის ღობის გადაღმინდნ მათი თვალეები ერთმანეთს შეხვდნენ, მზევინარმა სარეცხის გაფენა მიატოვა და მისკენ წამოვიდა, ისე უცინოდა თვალეები, ისეთი საყვარელი და ლამაზი იყო მკლავებდაკაბიწებული, ჭვავია მაშინაც აფრინდა მაღლა და ძირს დაეშვა. ვინ იცის, როდემდე იფრენდა ადგილზე, ის ოჩოკოჩი ჯონდო რომ არ გამოჩენილიყო. ვენახიდან გამოვიდა წვერგაუპარსავი ფეხშიშველა და მკერდმოღლებილი, ჯერ თავის ქალიშვილს შეხედა განრისხებულმა, მერე ჭვავიასაკენ წამოვიდა სირბილით, ჰაიტ, ვინა ხარ შე შობელქაღლოო, — მიაყვირა, დაიხარა და ჭვას დაუწყო ძებნა. თურმე წინა ღამეს ვილაცას ალუჩა გაეკრიფა, ჯონდოს ჭვავია იმ ქურდების გამოგზავნილი ჰგონებია. ჯონდო რომ ეზოში ჭვის საქებრად დაიხარა, ჭვავიამ მოუსვა და მოუსვა, უკან ერთი არ მოუხედავს, გულგახეთქილი შევარდა მეურნეობის ბაღში და იქ დაიშალა. იფიქრა, ალბათ მიმიხვდა, სიძეობას რომ ვუპირებო. ალუჩის ქურდობის ამბავი ჭვავიამ არ იცოდა და არც




შეეძლო სცოდნოდა. მთელ ამ ორომტრიალში კი მთავარი სწორედ ის იყო, რომ მზევინარმა სარეცხის გაფენა რომ მიატოვა და მისკენ წამოვიდა, ჭვატამ ეს მათი სიყვარულის ნიშნად მიიჩნია და მზევინარი თავის საცოლედ დაიგულა. ყოველივე ამის შემდეგ საცოლესასიძოს გულგრილად უნდა შეხვედროდა? გულგრილად კი არა, სულ არაფერად ჩათვალეს შენი ჭვატია, — ფიქრობდა ჭვატია, — გოგომ ერთი ქორწულად მოხედა და ვითომ მათ შორის არაფერი მომხდარაო, ვითომ არც გიცნობ, ვინცა ხარო, ამაყად განაგრძო გზა. ჭვატამ თავი დამცირებულად იგრძნო, გული მოუვიდა, სწორედ ამ დროს გარაჯის წინ ერთმა ნაცნობმა მძღოლმა თვითმცლელი გააჩერა, გადმოვიდა კაბინიდან და გარაჯში შევიდა, ძრავა არ გამოუერთავს, კაბინის კარიც კი ღიად დატოვა იმის ნიშნად — ხელად გამოვალ და გზას განვაგრძობო.

ჭვატია უცებ მოსწყდა ადგილიდან, შენტა თვითმცლელის კაბინაში, თვალისდახამხამებაში მუხრუჭი აუშვა, სიჩქარეები ჩართო და თვალსა და ხელს შუა თვალსაწიერზე ბუზივით მიიკარგა. ერთი მოსახვევი გაირბინა, მეორე, მესამე, მზევინარი არ ჩანდა. ჭვატია ისე მიაქროლებდა მანქანას, გზად მიმავალნი შეშინებულნი გარბოდნენ აქეთ-იქით, გიჟია ვიღაცაო, ხელებს შლიდნენ. მზევინარი თავის ჭიშკარს უახლოვდებოდა, როცა შარავაზე დიდი სისწრაფით მომავალი თვითმცლელი შეამჩნია. გზიდან გადავიდა და ტრიფოლიატის ღობეს გაუყვა, მანქანას გზა დაუთმო. ტრიფოლიატის ღობეს თხრილი გასდევდა, იმ თხრილის პირზე შეჩერდა და უკან მიიხედა. მიიხედა თუ არა, გაისმა მუხრუჭების კივილი, მანქანამ ხრეშიან შარაზე მტვერი დააყენა და ამ მტვერსა და ბულში გახვეული რკინის ურჩხული პირდაპირ მისკენ გაემართა, მზევინარი უკან გადახტა, ერთი პური გაუვარდა და თხრილში ჩავორდა, მეორე უნებლიეთ გულში ჩაიხუტა და ტრიფოლიატის ღობეს ზურგივით აეკრა, მანქანა თხრილში ჩაყირავდა და ზედ მუხრუჭზე მიადო ცხვირი, შეშინებულმა გოგომ კივილი მორთო.

ჯონდო და მისი მეუღლე, ივლიტა, სამუშაოდან ახალდაბრუნებულები, შინ საღამოს თადარიგს იჭერდნენ. კივილი რომ გაიგონეს, ჭიშკარისკენ გაქანდნენ და შუბლზე ხელმოჩრდილებულებმა იქით გაიხედეს, საიდანაც კივილი მოისმოდა.

ჭვატია თითქმის გონწყასული იჯდა საქესთან, რა ექნა, არ იცოდა, მანქანა თხრილში რომ ჩაყირავდა, ძრავაც ჩაუქრა, სწრაფად ჩართო ძრავა და მანქანის ამოყენა სცადა უკან სვლით. სიჩქარეში ხელები აებლანდა და მანქანა ადგილიდან ვერ დაძრია. ამასობაში ჯონდო და



ივლიტაც მოვიდნენ. ივლიტამ ციტრუსებში შეკუჭული თავისი შეი-  
ლი და ზედ მიმდგარი მანქანა რომ დინახა, შეჰკივლა და შეჰკივლა,  
მიხვდა, დამნაშავე ვინც იყო, მანქანას შეახტა, რომელსაც სწორედ  
სიკვდილე, შენო, ჩასახა კაბინას. ამასობაში ჭვატიამ მანქანა თხრი-  
ლიდან ამოიყვანა და ივლიტა ერთ-ორ საყენის მანძილზე წაიყვანა  
უნებურად. ივლიტას ეგონა მანქანას არ გააჩერებსო და კივილი ატება...

ჯერ ჭიშკრებს მოადგნენ და შემდეგ შარაზეც გამოჩნდნენ მეზობ-  
ლები.

ჭვატიამ გზის პირას გააჩერა თვითმცლელი და კაბინიდან გამოხტა.  
ჯონდოს მეზობლები შემოხვეოდნენ და აკავებდნენ.

ჭვატიამ არც აცივა, არც აცხელა, ჯიბეში ხელი ჩაიყო, ღორის  
დასაკლავი შავტარიანი პრილა დანა ამოიღო და მყივანა, ჩხიკვისებუ-  
რი ხმით დაიჭღავლა:

— სუყველას დაგხოცავთ ახლა!

ჯონდო და მისი მეზობლები ერთმანეთს მიაწყდნენ და უკან-უკან  
დაიხიეს. ქალები მზევინარს შემოხვეოდნენ და ამბავს ეკითხებოდნენ.

— რა ვიცი, რა უნდა! — გაჰკიოდა მზევინარი, — ჯერ იქ დამხვდა,  
სამქედლოსთან, მერე მანქანით გამომეკიდა, რა დაუწავე, რა?!

როცა ჭვატიამ დანა იძრო, ივლიტა თავის ქალიშვილთან მივარდა  
შეშინებული.

— შეხედე, დანა უჭირავს ხელში! ეს ცილუს უსაქმური არ არის?..

— რა უნდა ერთი, რა უნდა! — გაიქაჩა მზევინარი, ვითომ მისვლა  
დააპირა, ქალებმა არ გაუშვეს და დამშვიდება დაუწყეს.

ერთმა მოხუცმა, ჯონდოს მეზობელმა, გაბედა, უშიშრად მივიდა  
ჭვატიასთან, მოჰკიდა მკლავში ხელი და საქმიანად გაიყვანა გვერ-  
დით.

— რა იყო, ბიძიკო? — დინჯად ჰკითხა მოხუცმა, — შენ ცილუს  
ბიჭი არა ხარ? არ გრცხვენია, დანას რომ გვიღერ?..

ჭვატია გაქვავებული იდგა ერთ ადგილას, თავი ჩაეკიდა. ასეთ გუ-  
ლითად შეხვედრას არ მოელოდა.

— რამ აგაღებინა ხელში დანა, მომეცი აქეთ!

ჭვატიამ დანა უკან დამალა...

— ვერ მოგცემთ დანას.

— კარგი, ბიძია, გქონდეს, ოღონდ წადი აქედან და დანაც თან წა-  
იღე, გადარეულია ჯონდო.

— არსად არ წავალ მე, — თქვა ჯიუტად ჭვატიამ, — ის გოგო ჩემი  
შეყვარებულია და, თუ არ მომცემთ, მოვკლავ ვილაცას!

— შეყვარებული? — გაუკვირდა მოხუცს, არ მოელოდა, არ ეგონა, თუ ჯონდოს ცხვირმოხუხოცავი ღლაპი ჯერ ვინმეს შეყვარებას დაბე-  
დავდა. გაბე-  
ჯერქუნსული  
ბიგულიქქქქ

— შეყვარებული ყოფილა! — იყვირა ერთმა ბიჭმა და განაოხრებული  
გაიქცა ივლიტასა და მზევინარისაკენ.

— შეყვარებული? — მზევინარმა იმ წამს გაიგონა ეს სიტყვა,  
თუმცა ქვატია კარგა მოშორებით იდგა. ივლიტას და სხვა ქალებს არა-  
ფერი გაუგიათ.

— შეყვარებული? — ჩაიბუზღუნა ერთხელაც უკმაყოფილოდ მზე-  
ვინარმა და გაკაპასდა.

— ვინ არის მაგის შეყვარებული?.. მაგ უსაქმური, მაგ ოხერი და  
ნავარი!.. — მზევინარი თავის გამხმარ მკლავებს იქნევდა ჰაერში და  
ქვატიას ლანძღავდა.

— ოროსანი! უნიჭო! ხუთი წელიწადი აგდია თითო კლასში!.. —  
მზევინარს მღელვარებისაგან ენა დაება, ვერ იბოვა სალანძღავი სიტყ-  
ვები და ტირილი მორთო.

— შეყვარებული? მოვკლავ მაგ ბიჭს და პასუხს არ ვაგებ, იცო-  
დეთ! — დაიძახა ჯონდომ.

— რა შეყვარებული, რის შეყვარებული, ვინ შეგიყვარებს, შე  
ლენჩო და უდღეურო! — გამოექცა ხალხს ივლიტა და ქვატიას ცხვირ-  
წინ დაუტრიალა მუშტები.

— რატომ მილანძლავს გოგოს ეს გლახაკის შვილი! ახლავე მოვკ-  
ლავ, ამ წუთში! — დაიქუხა ჯონდომ და ღობეს ეცა, მესერს წაავლო  
ხელი, ამოძრობა დაუბირა, ქვატიამ იფიქრა, ახლა კი დროა, თავს  
ეუშველო და მანქანისკენ წავიდა.

სწორედ ამ დროს გამოჩნდნენ შარაგზაზე ნინუ და ქვაქვალა, მშობ-  
ლები რომ დაინახა, ქვატიას გული მოეცა, სასიამაოროსთან მიიჭრა,  
პრიალა დანა მალლა აღმართა და შესძახა:

— არ გიშველის მაგ მესერი, ღორივით გამოგჭრი ყელს!..

— დიდუპ, — შეჰკივლა ნინუმ.

— მიშველეთ! — შეჰკივლა ქვაქვალამაც და შვილიშვილს წინ გადა-  
ელობა. ამასობაში ჯონდომ მესერი ამოშვლიჭა მავთულებიდან, შეი-  
ქნა წივილ-კივილი, ტრიალი, ზრიალი, ჯონდოს მთელი სამეზობლო  
მიესია და გაქაჩეს, ქვატია მანქანაში შეხტა და გაიქცა.

— ვინ მისცა მანქანა, რა ამბავია ჩემს თავს, ხალხო? — ეკითხე-  
ბოდა ყველას ნინუ.



— დამლუბა შენმა ოჯახმა და კიდევ რა ამბავიაო, კითხულობ —  
 გამოვარდა ხალხიდან ივლიტა.

— რა იყო, რატომ გადამირიეთ ბიჭი! — გაღმა შეედავა მისთვის

— ჩვენ გადავირიეთ, თუ თქვენ გადამირიეთ ქალიშვილი!

— ქალიშვილი! — დამცინავად შესძახა ნინუმ. — სად გყავთ თქვენ ქალიშვილი! თქვენ ჭირიან გოგოს თუ ვინმემ შეხედა, მაგისტვის ტეხავთ ამ აყალმყალს?! ვის იწუნებთ, თქვე ლობიოჭამიებო!..

— ლობიოჭამიებო? ჯონდო! — შეჰკივლა ივლიტამ, — გესმის, ლობიოჭამიებს გვეძახის ეს ქვეყნის ანდაზა!

— რაო, რაო? — დაიღრინა ჯონდომ ხალხიდან, — სადაა შენი ლენჩი ქმარი, შენ რომ გამოგაგზავნა. ლობიოჭამიები ჩვენ თუ ვართ, არც თქვენ ხართ დადიანები! მუხუდოჭამიებს თქვენ გეძახიან, თორემ ჩვენ კი არა, მუხუდოს ხომ იცი, რა ჭამს?

— რა ჭამს, რა? — ჩასდია ბოლომდე ნინუმ.

— რა და, ღორი.

— ლობიოს ღორიც არ ჭამს, ამოლესილი დაუსჯი, თუ გინდა! არ შეჭამს, არა!

— ჩვენ ღორზე უარესი ვართ, მაგის თქმა გინდა? — ჩააცვიდა ჯონდო.

— მაგის თქმა არ მინდა, — უკან დაიხია ნინუმ. ჯონდოს გადმოქაჩული თვალების შეეშინდა.


— აბა, რა გინდა, რა! — ხელი ნიკაბთან მიუტანა ჯონდომ ნერვიულად, — შენს რეგვენ შვილს ჩემს გოგოს ვერ მივცემ, ვერა!.. გავათავე მე ლაპარაკი!.. — თქვა მან, მოჰკიდა ატირებულ მზევენარს ხელი და სახლში შეიყვანა, აყაყანებული ხალხი ჭიშკართან მიატოვა.

— უი, დედა! — თქვა ერთმა მოხუცებულმა, — რა ძველ ამბებს იხსენებს ეს ხალხი! ჩვენი წინაპრები რაცხას ერთმანეთს ეძახდნენ, შავი რა გასახსენებელია ახლა! ლობიოჭამიები და მუხუდოჭამიები არა ვართ ყველა? აბა, დადეშქელიანი არის ახლა აქ ვინმე? — ჰკითხა ჯგუფად მდგარ ხალხს მოხუცმა.

— ჯონდო მყავს დადეშქელიანი, კი... — მოხუცს სიტყვა წაართვა ნინუმ. — რაზე მილანძღავს შვილს, რითაა ჩემი შვილი მაგის ჩხვერკივით გოგოზე ნაკლები. მოკვდეს მაშინ ნინუ, თუ მაგისთანა რძალი სახლში შეუშვას! — მკერდზე დაიბაგუნა მუშტი ნინუმ, — მაგი წესიერი გოგო რომ ყოფილიყო, ბიჭი სახლში არ მოუვარდებოდა.

— წესიერიო! დითა! დითა! დითა! გამოგვაჭენეს ქვეყანაზე! —

შეჰკივლა ივლიტამ, მიადგა თავის ჰიშკარს და ქმარს დაუძახა: — კარნ-  
ლო! ჯონდო!.. გამოგვეტრეს ყელი!

— კარგი, ივლიტა, დამშვიდდი... — ქვაქველამ სცადა განერყეოდა,  ბული ივლიტას დაწყნარება, — სუ შენც, ნინუ! — გაუწყრა ივლიტას ყელი ვიდეთ ახლა სახლებში და ხვალ მოვილაპარაკოთ!..

— კარგი სიტყვაა, ივლიტა, შვილებს გეფიცები, შედი ახლა სახლ-  
ში... — ურჩიეს მეზობლებმაც.

— სახლში შევიდე? — ქვაქველას გამოენთო ივლიტა, — შენ რა გე-  
ნადვლება, ქვაქველა მზაკვარო, ქვაქველა მესიაკონო! — გავვლანძღვით,  
გავვთათხეთ და ახლა სახლებში წავიდე თ ხომ?!

— იდექი, აბა, შარახე მთელი ღამე და იკვანკვალე ფინია ძაღლი-  
ვით, — უთხრა ქვაქველამ. ნინუს მოჰკიდა ხელი და წაყვანა დაუბირა, —  
წავიდე, ნინუ, მაგას თუ ვუყურეთ, არ გაათავებს დილამდე.

— უყურე! აქედან კანტორამდე ენა რომ აქვს გადებული, ის ქალი  
მეუბნება, დილამდე არ გაათავებსო. შენ გაათავა სიკვდილმა, ქვა-  
ქველა-მესიაკონო, მაგისთანა შვილიშვილის გაზრდისათვის!

— ნუ იწყევლები, შე მტვრიანო დედაკაცო, თორემ გაგაბუტავ ქა-  
თამივით! — მოუბრუნდა ივლიტას ნინუ.

— რა გინდა, შე ძროხა, ძროხა, ძროხა, ძროხა! — მიაყრა ივლი-  
ტამ და ქალებში გაერია. ნინუსი ეშინოდა. ნინუ ხელტოტა, ზორბა  
ქალი იყო, ბოხი ხმა ჰქონდა, ისეთი გააგება იცოდა, მტრისას! ივ-  
ლიტა, მართლაც, ფინიასავით უყუფდა შორიდან. უფრო მეტად ქვა-  
ქველას ლანძღავდა, თუმცა ნინუ უფრო მწარედ იგინებოდა, ვიდრე  
ქვაქველა.

— ძროხა კი არა, გააჩერე ენა, თორემ დაგიდებ ფეხქვეშ და იმ-  
დენს გირტყამ, რუსის ბარაბანს რომ არ მოხვედრია! შენ გგონია, ამ  
ხალხის შემრცხვება?

— წამოდი, გოგო, კარგი ახლა! — დაუყვირა ნინუს ქვაქველამ, —  
გეყოფა, ივლიტა, შენც დაიმოკლე ენა, რა ამბავში ხარ ვითომ! —  
გაუწყრა ივლიტასაც.

— არაფერია საჩხუბარი, წავიდა ის ბიჭი. — დამშვიდება დაუ-  
წყეს ივლიტას მეზობლებმა.

— ეგებ მართლა დამოყვრდეთ და მერე შეგრცხვებათ! — ახლა  
მამაკაცი ჩაერია ქალების დაფაში.

— ის მაინც მითხარი, რა აჭამეთ ჩემს ბიჭს, ასე ქუჩა-ქუჩა რომ  
დარბის დანაამოღებული? — კვლავ თავიდან დაიწყო ნინუმ.

— შხამი ჭამა შენმა ბიჭმა! — მიაყვირა ივლიტამ ნინუს, — მეტი საჭმე არა მაქვს, შენს უღვინტიან ბიჭს ჯადო ვაჭამო!

— მაგისტვის ხარ შენ გაჩენილი, იზამდი მაგას, მარტო ვერაფერი მისაღებ შენს დამპყნარ გოგოს, ვერა!

— ხალხო! რა მყავს მე გასასაღებელი! — იკივლა ივლიტამ, — ჯონდო! ჯონდო!.. — კივილით გაიქცა შარაზე და ქვებს დაუწყო აკრეფა. მეზობლები მისცვივდნენ და ხელები დაუჭირეს.

— წადით, ნუ გადარიეთ მთლად ეს ქალი! — მეზობლებმა ნინუ და ქვაქვალა ხვეწნა-ხვეწნით წაიყვანეს.

ამდენ ჩხუბსა და აყალმაყალში დაღამებულიყო, შარაგზაზე უკვე ბნელოდა. ხალხი ჯგუფ-ჯგუფად იდგა და ყაყანებდა, ჩხუბის მიზეზი დავიწყნოდათ და სულ სხვა რამეზე კამათობდნენ.

ნინუ და ქვაქვალა სიბნელეში გაუჩინარდნენ, შინისკენ გაუდგნენ გზას. დიდხანს მოესმოდათ ივლიტას გაკაპასებული ლანძღვა-გინება, მაგრამ ყურადღებას არ აქცევდნენ.

— თქვე მუხუდოქამიებო! შთამომავლობით ლენჩებო! ლეთის გლახებო!.. — გაჰკიოდა შარაზე ივლიტა.

### 3

იმ საღამოს ორივე ოჯახი გვიანობამდე ფხიზლობდა, საფიქრალი ერთსაც გაუჩნდა და მეორესაც. რაკი მზევინარმა გაიგო, რომ ქვაქვალას ჰყვარებია, რაკი ჯონდომ და ივლიტამ გაიგეს, ცილუს ბიჭი სიძეობას უპირებდათ, მოსვენება დაკარგეს, მთელი ღამე არ უძინიათ. მზევინარს წარამარა ეტახდნენ და ხან რას ეკითხებოდნენ და ხან რას.

— იქნება მართლა გიყვართ ერთმანეთი და მე მიმაღავთ, — უთხრა ჯონდომ შვილს, — აგერაა დედაშენი და ამას უთხარი, მე გავალ.

— რა ვიცი, გვიყვარს? — ცრემლი გადმოყარა მზევინარმა, — ხუტას გეფიცებით (მზევინარი უმცროს ძმას იფიცებდა), შორიდან მიყურებდა ერთხელ...

— გიყურებდა?

— როგორ თუ გიყურებდა! — ახლოს მიუჩოჩდა ივლიტა, — სად გიყურებდა?

— აგერ ჩვენს ეზოსთან ციტრუსებზე იყო მომდგარი და მიყურებდა.

— მერე შენ რა უთხარი? — ჰკითხა ჯონდომ.

— მე არაფერი მითქვამს, შენ გამოეკიდე ქვით.

— როდის იყო ეს?.. არ მახსოვს...

— ალუჩის ქურდი გეგონა.

— მერე, მერე?..

— მერე არაფერი.

— სხვა დროსაც გიყურებდა კიდეც?

ახლა ივლიტამ ჰკითხა.

— მიყურებდა კი, სამჭედლოსთან იდგა და მიყურებდა.

— ხედავ შენ! სამჭედლოსთანაც მდგარა! — შესძახა ჯონდომ, — რა მინდაო, რატომ გიყურებო?

— არ უთქვამს არაფერი.

— სულ არაფერი არ უთქვამს?

— სულ არაფერი, სულ... ჩვენ ხმასაც კი არ ვცემთ ერთმანეთს...

— აბა, რანაირი სიყვარულია ეს? — გაიკვირვა ჯონდომ.

— სიყვარული კი არა, ამათი ცხვირის შერცხვენა! — თქვა ივლიტამ.

— კი, ყოფილა ასეთი სიყვარული! — თქვა მოულოდნელად მზევინარმა და გაწითლდა.

— ა, შეხედე! — თვალები გადმოკარკლა ჯონდომ.

— რაეა, ვაივლე რამე გულში თუ? — მიადგა ივლიტა ქალიშვილს და თვალეში დაუწყო ცქერა გამომცდელად. მზევინარი ადგილზე აწირილდა, დედას თვალეში ვერ გაუსწორა.

— ვუყვარვარ თურმე იმ ბიჭს და რა ექნა მე! — ჩაიდუღუნა მზევინარმა.

— რას ჰქვია, რა ქნა, სკოლა არ უნდა დაამთავრო?

— რალა დარჩა, ორ თვეში მომცემენ ატესტატს.

— ამას გადაუწყვეტია და რა გვაქვს იმ ხალხთან სადავო! — თავში შემოირტყა ჯონდომ გაშლილი ხელისგული.

მთელი ღამე თეთრად გაათენეს, ჩანდა, რომ მზევინარს გულში ჩავარდნოდა ცილუს ბიჭი. რა ექნათ ჯონდოს და ივლიტას, რა ელონათ? რომ გაზომეს და აწონეს, რომ დააკვირდნენ საქმეს და გონების თვალით გაჩხრიკეს, ჭვარტიას სიძეობა ჭკუაშიც კი დაუჯდათ. მზევინარი მართლაც ორ თვეში დაამთავრებდა საშუალო სკოლას. უმაღლესში მზევინარი გამოცდებს ვერ ჩააბარებდა, შინ უნდა დარჩენილიყო და შეურნეობაში ემუშავა. არ ჯობდა, პატრონს ჩაბარებოდა? მზევინარს გარდა ორი შვილი და მოხუცი დედ-მამა ჰყავდათ სარჩენი. მზევინარს



მოსწრებული შვილი ეთქმოდა. მოსწრებული შვილი ოჯახს მხარში რომ უნდა ამოსდგომოდა? თუ თავს უშველიდა, ეს იქნებოდა ნამდვილი მხარში ამოდგომა. რაკი ბედი კარზე მოადგათ, იქნებ ჯობდა იქნებ უკეთესი ეკრათ. ჯონდო და ივლიტა მთელი ღამე ფიქრობდნენ, ჩუმაღ დავანდნენ, კამათობდნენ, პუტუნობდნენ საბნის ქვეშ, გამთენიის ხანს ჩასთვლი-მეს ძალისძალათი.

ცილუს სახლშიც გაუკრთათ იმ საღამოს ტკბილი ძილი. ცილუს მანქანის გატაცების ამბავი უფრო აწუხებდა, ვიდრე ჭვატის „რაინდობა“. მანქანის გატაცებისთვის ჭვატის დასჯიანო, ფიქრობდა. ქალებს კი დანიანი ჭვატია ელანდებოდათ და ყოველ წუთში მოელოდნენ საშინელ ამბავს.

როგორც იქნა ნაშუალამევს მობრძანდა „ლობიოქამიების სასიძო“ (ასე შეარქვა იმ ღამეს ჭვატის ნინუმ). შემობრძანდა, არც ივანშმა, არც არაფერი თქვა, კუთხეში დაჯდა მარტოკა და ქვასავით დამუნჯებულმა ბოროტი თვალებით დაუწყო ყურება მშობლებს.

— რა იყო, შვილო, რატომ გვიბღვერ ასე გაბოროტებული, დავა-შავეთ რამე? — დუმილი ნინუმ დაარღვია, ჭვატამ პირი კედლისკენ იბრუნა, დედას ზედაც არ შეხედა.

ცილუ ტახტზე წამოწოლილი უყურებდა შვილს, უღვაშებში ეცი-ნებოდა, მაგრამ არ იმჩნევდა.

— სად იყავი მერე, სად გააქანე ის სხვისი მანქანა?.. არ იტყვი არა-ფერს?

— კარგი, ნინუ, უგუნებოდაა ბავშვი, ხვალ იტყვის, დაწვეს ახ-ლა, — ჩაერია საუბარში ქვაქვალა.

— ხვალ ეგება გვიანი იყოს, — თქვა ნინუმ, — იქ მანქანა გაიტაცა, იქ კინალამ გაიტანა უღანაშაულო გოგო, იქ დანა მოუღერა ვიდაცას, ამდენს არ გვაპატიებენ, არა!

— მოვეკლავ ვიდაცას და გათავდა! — წამოიძახა უცებ ჭვატამ.

სამარისებური სიჩუმე ჩამოვარდა. ქვაქვალამ და ნინუმ ცილუს შეხედეს. ცილუმ გაიცინა. ნინუმ საჩვენებელი თითი საფეთქელთან მიიღო და ქმარს უსიტყვოდ უთხრა, შენ ჭკუა ხომ არ დაკარგე, რა გაცინებსო. ქვაქვალაც გაუწყრა თვალებით სიძეს, მამა ხარ, თქვი რამეო. ჭვატია კედლისკენ პირშექცეული იჯდა და მშობლების აფორაიქება არ შეუმიჩნევია.

რაკი ცილუ არაფრის თქმას არ აპირებდა, ისევ ნინუმ განაგრძო:

— კი მაგრამ, იმ გოგოს რას ერჩოდი, არ უნდისხარ გოგოს?

თითქოს ნინუმ ტყვია ესროლაო, ჰვატია გააგებული მოტრიანო/ და დედას თავისი მარდი თვალები დაუბრიალა.

ქვაქვალამ შვილსა და შვილიშვილს მეტი სიტყვის თქმა არ შეეძლო მათ შორის ჩადგა და ენა მთლად დაიშაქრა:

— დანა სად გაქვს, შენ შემოგველე, მომეცი ის დანა, შევინახავ, როცა დაგჭირდება, დაგიბრუნებ... ამ საღამოს არ დამეძინება, თუ ის დანა ჩემი თვალით არ ვნახე... — შორიდან ელაქუცებოდა. გულს მოვუგებო, ფიქრობდა, აქებდა და ამხნევებდა.

— თუ გინდა, შეირთე ის გოგო, ბებია, ჩვენ წინაღმდეგი არა ვართ, მაგრამ თუ მოიცდი, უკეთეს გოგოს შეირთავ, შენისთანა ბიჭი მეორე არ დადის ამ სოფელში.

— ჯონდო დამსებულის შვილი გვაკლდა! — მოთმინება აევსო ნინუსს, — უჯიშო ხარ მამაშენივით და რა გიყო!.. გაზაკუნიათ გაზაკუნია შეირთო და გაზამიმწვარი გამოვიდაო, ასე იყო ჩვენი საქმე და ასე იქნება მომავალშიც.

— მამამისს რას ერჩი, — თქვა ცილუმ, — წევს აგერ თავისთვის, არავის არ კლავს და არაფერი...

— ვერ ხედავ, შენი შვილი რა ამბავშია?.. არაფერი არ უნდა უთხრა?

— რა ვუთხრა, რა? — წამოჭდა ცილუ, — ცოლის სათხოვრად დანით და ხანჯლით რომ არ დადიან, ეს მან არ იცის? როცა ვინმე გიყვარს, იმას მანქანა კი არ უნდა დააჯახო, უნდა უთხრა, მიყვარხარ, თავს მირჩვენინხარ, უშენოდ სიცოცხლე არ მინდა-თქვა, ესეც არ იცის? ყველაფერი იცის მაგან, მაგრამ... კაცს თავისი მეთოდი ჰქონია და რა გინდათ ახლა თქვენ?..

— კარგი, ცილუ, კარგი, ყველაფერი კი არ უნდა გააიმასქნა... მოიყვანს ეს იმ გოგოს და ნახავ შენ დღეს მერე... — უთხრა ნინუმ ქმარს უკმაყოფილოდ.

ჰვატია მშობლების სიტყვებს ერთ ყურში რომ შეუშვებდა, მეორედან უშვებდა. არც ფერებამ, არც რჩევა-ღარიგებამ, არც ხვეწნამ არ გაჰკრა. მგლის თავზე სახარებას კითხულობდნენ, მგელი მაინც ტყისკენ იყურებოდაო, ჰვატია მგელივით თავის მარდ თვალებს იმდაგვარად აცეცებდა, საიმედო პირი არ უჩანდა, ღრმად ჩაფიქრებულმა დაწოლის წინ მაინც ის თქვა, რაც ქალებს თავზარს სცემდა:

— სისხლი უნდა დაიღვაროს, სისხლი!



მეორე დილა გათენდა თუ არა, ცილუ კანტორაში გააფრთხილეს: შენი ხათრით, თორემ მანქანის გატაცებისთვის ჰვატიას პასუხისგებაში მივცემდითო. ცილუმ მადლობა გადაუხადა მძღოლს, მეურნეობის ხელმძღვანელობას და შინისკენ გახარებული წამოვიდა. მანქანის გატაცება კანონის დარღვევა იყო, რაკი ეს აპატიეს, დანარჩენი არაფერია, ცხოვრება მდინარესავით თავისი კალაპოტით დის, მას ვერც ჯონდო, ვერც ნინუ და ვერც ვერავენ შეაჩერებსო, ფიქრობდა.

რამდენიმე დღემ გაიარა, ჰვატია დილაუთენია გავარდებოდა ჭიშკარში, ტყის გზას დაადგებოდა და გაუჩინარდებოდა, არავინ იცოდა, სად დადიოდა, რას აკეთებდა...

ერთ სისხამ დილას კი ცილუს ჭიშკარს ჯონდო მოადგა. ჰვატევალა თვალების ფშვინებით გამოვიდა საჩენში და ჭიშკარს გახედა.

— ჯონდო, შენა ხარ? ვერ გიცანი, გამდიდრდები, მობრძანდი შინ, მობრძანდი!.. — შეიპატიჟა სტუმარი, ვითომ მათ შორის არაფერი მომხდარიყოს, გულთბილად, მეზობლურად შეხვდა.

— ცილუ არ არის სახლში? — მშვიდობიანად იკითხა მოსულმაც.

— აბა სად იქნება ამ დილაბნელზე, — სულ მთლად გაუშინაურდა ჰვატევალა, გულმა უგრძნო, რომ ჯონდო ავი განზრახვით არ იყო მოსული.

— გამომხედოს ერთ წამს, საქმე მაქვს...

— ახლავე!.. ცილუ! — გასძახა სამზადს, — შემოდი ეზოში, ძალი არ გკყავს, — უთხრა ჯონდოს. ჯონდო შემოვიდა ეზოში და ბელოს ძირას ხის გრძელ სკამზე ჩამოჯდა გამქცევით. ეს კარგის ნიშანი იყო: ჯონდოს რომ ჩხუბი და აყალმაყალი ნდომოდა, ეზოში არ შემოვიდოდა. ცილუ სამზადიდან გამოვიდა ხელების ფერთხვით და, ცოტა არ იყოს, შემკრთალი მიუახლოვდა ჯონდოს. ჯონდო წამოდგა და ხელი გაუწოდა.

— დილა მშვიდობისა, ცილუ.

— მშვიდობა მოგცეს ღმერთმა.

ორივენი გრძელ სკამზე ჩამოსხდნენ.

— სახლში არ შევსულიყავით? — ჰკითხა ცილუმ ჯონდოს.

— არა, აქ ჯობია ჰაერზე.

— როგორც გირჩევნია! — უთხრა ცილუმ, სივარეტი ამოიღო და მიაწოდა. გაუჭირდათ სიტყვის ჩამოგდება. მღუშარედ ისხდნენ კარ-

გა ხანს და აბოლებდნენ. სამზადიდან ქალები იყურებოდნენ. ჭვატიას ეძინა და ბაიბურში არ იყო, რა ხდებოდა მის ეზოში.

— ბატონო ცილუ, — დაიწყო ჯონდომ ნელ-ნელა. სიგარეტის ჭკვენილებით, — რა დამიშავებია მე შენთვის და შენი ოჯახისთვის დანას რომ მიღერთ და მოკვლით მემუქრებით.

— ვინ გემუქრებათ მოკვლით, ჭვატია? — ჩაიციხა ცილუმ.

— ჭვატია სწორედ.

— დეილუპოს იქით, ჭვატიას მოკლული კაცი შევარცხვინე მე.

— თუ მომკლა, ჭვატიას მოკლული ვიქნები თუ არამხუტუს, სულ ერთი არ არის? კაცის მოკვლას ლარი და ხაზი კი არ უნდა! აიღებს დანას და გფუშავს მუცელში. მერე იცინე შენ...

— მაგან საერთოდ არ იცის, დანა რა არის, ჯონდო ბატონო, გაულესავს ის დანა და დარევია ქალებს, ყველანი უნდა დაგხოცოთო. რას ვიზამთ, ცოლის შერთვა უნდა ბიჭს.

— მერე გაქვს შენ ახლა ჭვატიას ცოლის თავი?

— რა ვქნა, თუ სხვა საშველი არ დამადგა?..

— არ არის სხვა საშველი?

— რა ვიცი, ჯერჯერობით არ ჩანს.

— რა ვქნათ აბა.

— რა ვიცი, რა ვქნათ?

— როგორ, ასე ჰაერში გამოკიდებული ვიყოთ? დაუძახე ერთი ჭვატიას და მალაპარაკე, თუ კაცი ხარ, მე არ შემიძლია ასე ყოფნა. ან იქით უნდა გადავჭრა, ან აქეთ.

— ნინუ! — გასძახა ცოლს ცილუმ, — გააღვიძე ჭვატია, მოვიდეს! აგერ, ამხელა ვაჟკაცი შეუშინებია, — ჩაიციხა ცილუმ.

— ეპ, შენისთანა კაცი ას წელიწადს იცოცხლებს, ცილუ...

— უღარდელი კაცი ვარ, არა?.. ბიჭო, რა ვქნა, რა? ჭვატიას გულისთვის ცხრა მთას იქით ხომ არ გადავიხვეწები. არაა ჯერ საცოლე, თუ დამიჯერებს, თუ არადა, მოიყვანოს და დაწვნენ ეგერ ძროხებთან. სხვა ადგილი ჩვენ არა გვაქვს.

— გასათხოვარი ქალი მეც არა მყავს, კი იცი შენ, მაგრამ თუ ბავშვებს უყვართ ერთმანეთი, ჩვენ ვინ გვკითხავს! დადიანები და დადეშქელიანები არც ჩვენ ვართ და არც თქვენ, ლობიოჭამიები ჩვენ თუ ვართ, თქვენ მუხუდოჭამიები ხართ. გასაკვირი სიმდიდრე არც მე მაქვს და არც თქვენთვის მოუცია ღმერთს. ჩავკიდოთ ერთმანეთს ხელი და მივეხმაროთ ბაღნებს, რაც შეგვიძლია, რას იტყვი?

— რას ვიტყვი, რას... ა, ჩემს სასახლეს ქე ხედავ შენი თვალით,

მეურნეობიდან რა ოქრო-ვერცხლიც გვეძლევა, ისიც იცი, მე წინა-  
აღმდეგი კი არა ვარ, თუ ასეთ გაჭირვებაში იცხოვრებენ, მობრძან-  
დნენ და იცხოვრონ. ისე, კაცმა რომ თქვას, ჩვენც ასეა და ჩვენც  
ნეთ ცოლები? — თქვა ცილუმ, — რა უჭირთ, გაათრევენ დღეს და იქ-  
ნებიან.

სამზადიდან ჭვატია გამოვიდა, შარვალს იკრავდა და ისე მოდიო-  
და. შორიანლოს დადგა, სტუმარს თავი დაუქნია და განზე გაიხედა,  
ქანაობდა ერთ ადგილას, მუხლთან გამობერილი გრძელი შარვალი  
ეცვა, ფეხშიშველა იდგა ცვრიან ბალახზე.

— ა, ლობიოჭამიების სასიძო, — ჩაიციხა თავისებურად ცილუმ.

— ბიძია, რატომ მომიქნე ის დანა, დაგიშავე რამე? — ჰკითხა  
ჭვატიას ჯონდომ, ჭვატია არ უპასუხა, თავი ჩაღუნა და ფეხის თი-  
თებით ბალახს დაუწყო ჩხრეკა.

— ჩემი გოგო ვინდა ცოლად, იმიტომ გააკეთე ყველაფერი ეს?..

ჭვატია კვლავ არ უპასუხა. თავი აიღო და თვალსაწიერს გახედა  
უაზროდ.

— ცოლად უნდა, კი, — მიეხმარა შვილს ცილუმ.

— მერე, ბიჭო, ენა არა გაქვს? თქვი და დაგიკავა ვინმემ? რად  
გინდა დანას რომ იქნევ უშანგია გიჟივით ქუჩაში.

ჭვატია კვლავ დუმდა. ჯონდო კარგა ხანს ელოდა, იქნებ ხმა ამო-  
იღოსო, მაგრამ ამაოდ.

— ასე იქნება, არაფერს იტყვის? — ჰკითხა ჯონდომ ცილუს.

— კი, ასე იცის.

— რა ვქნათ, აბა? — ჰკითხა კვლავ ჯონდომ ცილუს.

— რაც გინდათ, ის ქენით, მე ყველაფერზე თანახმა ვარ.

— კაცო, მე კი არ უნდა ვქნა, თქვენ უნდა ქნათ, მე ქალის მამა  
ვარ, თქვენ უნდა მოხვიდეთ და წაიყვანოთ ქალი, როგორც წესი და  
რიგია, უპ! — გაცხარდა ჯონდო.

— როდის უნდა ვქნათ მერე მაგი, ეგენი მოწაფეები რომ არიან,  
დაგავიწყდა?

უცებ ჭვატიას თვალები ცერის სიმსხო გაუხედა, ცხვირი გაუწით-  
ლდა, ყვითელი კბილები გადმოყარა და ენა ამოიდგა:

— მზევინარი ორ თვეში დაამთავრებს სკოლას. მე სწავლას მი-  
ვატოვებ და საშოფროზე მივდივარ რაიონში... იმასაც ხელათ დავამ-  
თავრებ და ვიმუშავებთ ორივე.

— ამას საათივით აუწყვიათ ცხოვრება! — თქვა ცილუმ, — შევიდეთ  
ახლა სახლში ლობიოჭამიების სასიძო დავლოცოთ...

— აჰ არა, ახლა არა, — იუარა ჯონდომ, — მუხუდოჭაშიების სა-  
პატარძლოს დრო როცა მოვა, მაშინ დავლოცავთ მამაპაპურად.  
ასე მშვიდობიანად დამთავრდა ჭვატიას ცოლის შერთვის საშუალება.  
მოინახა საშუალება, გამოძებნეს საერთო ენა და ცილუს ოჯახს ახალი  
წვერი შეემატა — უფროსი რძალი.

ახლა ჭვატიას სამი ბიჭი ჰყავს, მეოთხეს დღედღეზე მოელის, გა-  
სუქდა, კაცს დაემსგავსა ჭვატია, მზევინარმაც შეისხა ფერ-ხორცი, სხვა-  
ზე ნაკლები არც ერთია და არც მეორე.

მთავარია, გამრავლდეთო, ეჩიჩინება შვილსა და რძალს ცილუ, და-  
ნარჩენი ყველაფერი თანდათან იქნებაო. ჭვატიას ქერა ულვაშებში ეცი-  
ნება და მეოთხე ბიჭის მოლოდინში მუხუთესაც გეგმავს გუნებაში.

## ბარკლავი დე ტოლის სიზმრები

გამოიღარა. პენსიონერებს დაუდგათ ამინდი — პარკში გრძელ სკამზე ჩამომსხდარან და ტკბილად თვლემენ, ბებერ ძვლებს მზეს აფიცებენ. ახლა პარკი მოხუცებისაა, ბავშვები სკოლაში არიან, ახალგაზრდები — სასწავლებლებში, დედები და მამები — სამსახურში. პარკში სიჩუმეა, სიწყნარე, სისუფთავე. დალოცვილებს ყოველი კუთხე-კუნჭული დაუჟარკარებიათ, შემოუსხებ-შემოუქობიათ ბუჩქები, მწვანე ველობებზე ფერადი ყვავილები დაურგავთ. პარკი ჭრელ ხალიჩასა ჰგავს. ადამიანის ხელით ნალოლიავებ ამ ლამაზ ხეივანებსა და მწვანე კორომებს ისეთი ბარჩხალა მზე დაჰნათის, ჭადრების ხასხასა ფოთლებზე ისე ეკეცავენ ოქროსფერი სხივები, გული გაგინათდებათ.

ერთი ცვარი სიკეთე ჰყოფნის ადამიანს. კარგი ამინდი კარგ გუნებზე აყენებს. განსაკუთრებით მოხუცებს უხარიათ გაზაფხულის დადგომა. მზე იმედია, მზე სიკვდილის მტერია. ყოველ შემოდგომაზე ნაღვლიანად ფიქრობენ, ამ ზამთარს თუ გავატანეთო?! როცა „ამ ზამთარს გაატანენ“ და გაზაფხულის მზე გამოანათებს, იმ ზამთრამდე თავი ქუდში აქვთ.

ცის გულზე ოქროს გვირგვინოსანი მზე დაბრძანდება. პარკში მოხუცი პენსიონერები სხედან. მხოლოდ ერთი ახალგაზრდა ქალი დააგორებს საგოგავს. შიგ მთვარესავით ბავში უწევს, ბავშვს ლოყები წითლად უღლის, ტკბილად სძინავს. პარკის ჭიშკართან კი ბევრი ხალხია — იქ ტკბილ წყალს ყიდიან ავტომატები. გამვლელები წუთით ჩერდებიან. ავტომატებს აჩხაკუნებენ, წყალს დაღვევენ და მიდიან. შორს, ყვავილებით მოქარგულ ველობებსა და შადრევენებს იქით, სადაც მწვანედ მოხასხასე თალარი იწყება, ცისფერ სკამზე მარტოკა ზის ერთი მოხუცი, ისიც გულდაგულ ეფიცება მზეს, მაღლა რომელიდაც ხის კუნწუხოს მისჩერებია, გულხატულა ჩიტის ჭიკჭიკს უსმენს. ეს კაცი გახლავთ ბარკლავი დე ტოლი — დიმიტრი ბარკლავი. ბარკლავი დე ტოლი სამსახურში შეარქვეს, შეარქვეს და იმ დღესვე

პენსიაში გავიდა. ეს ამბავი სულ ახლახან მოხდა, ერთი წლის წინათ. ბოლო ხანს დიმიტრი პროფკომის თავმჯდომარედ მუშაობდა და უკვე ისწორედ, „ბოლოს“ უმტყუნა რალაცამ: ცოდნამ, ენერგიამ, უნაღველად გამჭირაობამ. ბარკლავი დე ტოლი შეარქვეს. რატომ მიინცდამაინც დიმიტრის შეარქვეს ბარკლავი დე ტოლი? იქნებ გვარი ბარკალავი იყო მიზეზი? მაგრამ ამ გვარს ხომ მთელი სიცოცხლე დაატარებდა?

აფსუს დიმიტრი ბარკალავი!

საოცარია წუთისოფელი, ღმერთმა უწყის მისი ავან-ჩავანი; ჯადოსანი ბედის ჩარხს ხან აღმა ატრიალებს და ხან — დაღმა, ხან დედის თაფლივით ტკბილია, ხანაც — ნაღველაა, ხან აგაგორებს, ხან დაგაგორებს, ხან გატირებს, ხან გაცინებს. ჩვენ კი, მოკვდავთ, ეს „ხან“, როგორც ამოუხსნელი ლოგარითმი, წინ გვიდევს და ვერა გაგვიწყვიტა რა; ვერ გვიკითხავს: რათა? რისთვის? ან თუ გვიკითხავს, პასუხი ვერ მიგვიღია. შეუცნობელი გიბილიი აღმართულა ჩვენ წინ. მაგრამ მაინც არ ვცხრებით. დაყინებით ვეძებთ მიზეზს — ცალი თვლით რად ტირის და ცალი თვლით რად იცინის ჯადოსანი. ზოგი ხელს ჩაიქნევს და ამბობს: „წუთისოფელი ასეა, ვის შეუძლია გამოიცნოს მისი ჯადოთილისმა“.

დიმიტრი ბარკალავის თავის დროზე უფიქრია წუთისოფლის ჯადოთილისმაზე, სათანადო დასკვნაც გამოუტანია და უცხოვრია ისე, როგორც დაშვენდებოდა. ახლა არ იფიქრებს ამაზე, ახლა კეთილ ინებონ და ახალგაზრდებმა იფიქრონ, იმან იფიქროს, ვინც მას ბარკლავი დე ტოლი შეარქვა. დიმიტრი არაფერზე არ იფიქრებს, არაფერზე არ იზრუნებს, დაჯდება ხის ძირას და გულხატულა ჩიტს მოუსმენს, მზის მაღლით ტკბილად და მშვიდად გაატარებს ცხოვრების უკანასკნელ დღეებს. ისე მშვიდად იცხოვრებს, ერთი ნერვიც არ შეუტოკდეს. უფლებაცა აქვს და პირობებიც: ორი შვილი გამოზარდა, გზაზე დააყენა. ბიჭები ოჯახს დროზე მოეკიდნენ. ცალ-ცალკე ცხოვრობენ ახალ ბინებში. დიმიტრის არ უნდა მათთან ცხოვრება, მარტო ურჩევნია. ამიტომაც თავის ძველ ბინაში დარჩა, ერთ ოთახში. დიმიტრი შვილებს არ შეაწუხებს, ჯერჯერობით ისე არ დაჩაჩანაკებულა, მარტო ცხოვრება ვერ შეძლოს, როცა დაბეჩავდება, შვილებს მაშინ შეეკედლება.

დღესდღეობით ეს ერთი ოთახი და თავისი პენსია ჰყოფნის. დიმიტრის დიდი პენსია აქვს, ამ პარკში არავის ეძლევა დიმიტრისოდენა პენსია. ჰოდა, დიმიტრი მშვიდად იცხოვრებს, კისერი და კინწი უტეხია ყველა მუქთახორას, მჭირდავსა და მოციტხარს. არც არასოდეს გაიხსენებს წარსულს, არც კარგსა და არც ავს. „ბარკლავი დე ტოლის“ სა-





მუდამოდ დაივიწყებს. თავის შვილიშვილებთან ერთად ივლის ცხოველთსაუფლოში, ხოლო როცა მათ არ ეცლებათ, როცა მსჯელობენ მუსიკის, ან უცხო ენის გაკვეთილზე იქნებიან, დაჯდებიან სკამზე და ჩიტების ჭიკჭიკს მოისმენს. როცა პაპანება ივლისი დადგება, ზღვას მიაშურებს, ცისფერი სკამები იქაცაა, ზღვის ნაპირას, კვიპაროსების ხეივანში.

პარკში სვენებ-სვენებით შემოდის ჯოხსდაყრდნობილი მოხუცი. ეს იროდი, დიმიტრის მეგობარი. იროდი დიმიტრიმ ამ პარკში ხელახლა გაიცნო. თურმე ძველი ნაცნობები ყოფილან. იროდი ის ადამიანია, ვინც დიმიტრის პირველი საუბრისას „ჰაჯან“ აღარ უთხრა, დიმიტრის არ უყვარს სიტყვა „ჰაჯან“. როცა პარკში პირველად შემოვიდა და პენსიონერებში გაერია, იფიქრა, ვინმეს გამოველაპარაკებო, მოზეზრდა მარტო ჯდომა. ვისაც დაელაპარაკა, ყველამ „ჰაჯან“ უთხრა. ადგა და ყოველთვის სხვა სკამზე გადაჯდა, იოიოილა, იოიოილა და ბოლოს ერთმა კაცმა უთხრა „ბატონო“. ეს კაცი გახლდათ იროდი. იგი ხანიერი პენსიონერია, „ახალგაზრდა პენსიონერების“ დიდი მეგობარი. „ახალგაზრდები“ ახალ ყოფას ვერ ეგუებიან, დარდობენ. იროდი მათ ამხნევებს, ასწავლის, როგორ გახადონ საინტერესოდ ახალი ცხოვრება — გამოცდილი კაცია. იროდის პარკში ყველა იცნობს, მას ჭკუას ეკითხებიან, რჩევას თხოვენ, მხოლოდ ეგ არის, რომ ძალიან დაბერდა, დაუძლურდა, ჯოხსდაყრდნობილი დადის. როგორც იქნა, მოაწვია დიმიტრის სკამამდე. მეგობარს მიესალმა. გვერდით ჩამოუჯდა. ჯოხს დაყრდნო და გაირინდა, მიწას დააშტერდა.

— ცუდად ხომ არა ხარ, იროდი?

— არა, დავილაღე.

კაშკაშა მზე დაჰნათის მოხუცებს. დიმიტრი სამართებლით იპარსავს თავს. შლაპა გვერდით უდევს სკამზე და გადაპარსული თავი მზეზე ულაპლაპებს. იროდის ჭერჭერობით ახურავს შლაპა, მაგრამ ალბათ ისიც მალე მოიხდის. გუგულებივით სხედან მოხუცები და ხმას არ იღებენ. თითქოს თვლემენ, თითქოს ფიქრობენ, თითქოს ყურს უგდებენ ფოთლების ჩურჩულს, კაცი ვერ გაიგებს, სიტყვა ვერ გამოხატავს მათს ყოფას. რაღაც საოცარ სიჩუმეს და სიმუნჯეს ამკვიდრებენ პარკის ამ კუთხეში. იროდი ნელა შეირბევა, თავს ასწევს, ფეხებს გაშხვართავს და გადააჯვარედინებს, სკამის საზურგეს მიეყრდნობა, ჯოხს გადააჯვარედინებულ ფეხებზე დაიდებს და ნელ-ნელა მიაბრუნებს თავს დიმიტრისაკენ.

— დაჰმახდება ის ღვინო...

იროდის ერთი გასაჭირი ადგას: სოფლიდან ნათესავემა ადესა გა-

მოუგზავნა; ველარ დალიეს. დიმიტრიმ უთხრა, ადესა ტარანთან და  
ლომთანაა კარგი. ლომს ჩემი რძალი გაგვიკეთებს. ოლონდ ტარანი  
ვიშოვოთო. ტარანი ველარ იშოვეს.

— წუხელ გავსინჯე, ყაბი მოსდებია... — თქვა კვლავ იროდიმ. ხელ-  
ნელა ხელი თავისკენ წაიღო და შლაპა მოიხადა, იმანაც გვერდით  
დაიდო. მოხუცს კეფა და კინკრისო მოტიტელებია, ზედ რამდენიმე  
ღერი თეთრი ბუწუწი შერჩენია.

— ტარანი თუ ვერ ვიშოვეთ, გინდ გვექონია და გინდ არა ადესა, —  
თქვა დიმიტრიმ და გაჩუმდა. გაჩუმდა და გაჩუმდა. იროდიც გაჩუმდა.

დიმიტრის უნდა მეგობართან საუბარი, მაგრამ ერიდება. თავის  
გასაქირს ვერ გაუმხელს. ვინ იცის, რას იფიქრებს იროდი. აკი ერთხ-  
ელ ვერ გაუგეს და დასცინეს, ბარკლაი დე ტოლი შეარქვეს. ამიტომ  
სიჩუმეს არჩევს. ისე იქცევა, თითქოს აწუხებს უტარანობა. დიმიტრის  
გასაქირი უფრო რთულია, უფრო მძიმეა: ღამე მშვიდი ძილი არა აქვს.  
დღისით ახერხებს მშვიდად ცხოვრებას, ღამე კი, რომ დაეძინება, ალ-  
ბათ ჭკუასაც სძინავს და ჰაიდა, ჩვენს დიმიტრის ეშმაკი საითაც მოეპ-  
რიანება, იქით მიაქანებს.

არა აქვს ღმერთს სამართალი, კაცმა მთელი ცხოვრება ისე გაატა-  
რა, რა სიზმარი, რის სიზმარი — აღარც კი ახსოვს, ჰქონია კი ოდესმე  
სიზმარი? როცა მთებში კოლექტივს აფუძნებდა, კურსკთან და ორი-  
ოლთან ბლინდაჟებში ეძინა, მაშინ აღარაფერი მოლანდებია და ახლა  
რალა დროსია, რალა დროს შფოთვა და ბორჯავა! არც არავინ ებრძვის,  
არც არავის ებრძვის. ბრძოლა დავამთავრო, გადაწყვიტა, მშვიდ  
ცხოვრებას შეუდგა და ახლა არ აუფორიაქდა სულეთი?

ოო, საარაკო ამბავი სჭირს დიმიტრი ბარკალაიას! თითქოს წარ-  
სული უკან მოსდევს — მაუზერებისა და ავტომატების ჯერით, ქვემე-  
ხების ბათქით, ფერადი მამუხალებითა და წითელი დროშების ფრი-  
ალით მოსდევს წარსული. ამაში არაფერია ცუდი. პირიქით, სიამოვნე-  
ბას ჰგვირის წარსულის გახსენება. მაგრამ წარსულის მრუდე სარკეში  
დანახვა არ შეუძლია, ვერ აიტანს, ვერ გაუძლებს, სიზმარში გაუსკ-  
დება გული. სიზმარია მისი გულისბუხარი. „სიზმარი ხომ ციდან არ  
მოფრინავს, — ფიქრობს ბერიაკი, — იგი ხომ ჩემი სულის ანარეკლია.  
მაშ, რად არის მრუდე, რად არ არის სინამდვილე, მე ხომ სინამდვილე  
ვარ, სინამდვილის ანარეკლი სიცრუე რად უნდა იყოს? სად არის  
ძალის თავი დამარხული?!“

ბენსიაში გასვლის შემდეგ კარგა ხანს ნერვიულობდა — არ მოსწონ-  
და თავისი ახალი ყოფა, უსამსახუროდ უჭირდა, გაბრაზებული იყო,

არავის იკარებდა, მთელ ქვეყანას აუშხედრდა. დრომ <sup>თავისი გი-</sup>ტანა. ადამიანი ყველაფერს ეჩვევა, ნელ-ნელა დიმიტრიც <sup>მიეჩვი</sup>ა წყნარ ცხოვრებას. მაგრამ წარსულმა არ მოასვენა, <sup>წარსულს უკან</sup> გამოედევნა.

ერთ კვირა სალამოს დიმიტრი აღრე დაწვა. მთელი დღე შვილი-შვილებთან ერთად ზოთპარკში გაატარა, დაიღალა და ფეხი გამართა. დიდხანს არ დაეძინა, ფიქრი აეკვიატა; ამღვრეული ფიქრი კი არა, ჩიტივით ფრთხილა, მსუბუქი ფიქრი: უმცროსი შვილიშვილი, პატარა მიხა ძალზე ჩამოჰგავდა — თავის ბავშვობას აგონებდა. დიდხანს ფიქრობდა მიხაზე, სახელიც თვითონ დაარქვა, თავიდანვე რატომღაც თვალი დაადგა. ყოჩალი ბიჭი იყო მიხა, ცოცხალი, მოუსვენარი, ჯანსალი. მიხაზე ფიქრში ჩაეძინა, ჩაეძინა და ქვემეხების გუგუნი ატყდა. კურსკის ბრძოლა დაესიზმრა. მაშინ დიმიტრი ბატალიონის მეთაური იყო. ცა ფაშისტური მესერშიტებით მოიჭედა, სეტყვასავით წამოვიდა ყუმბარები. ცეცხლის წვიმაში წინ მიიწევეს დიმიტრის ბატალიონი. დიმიტრი ისე თმანხანად იძლევა ბრძანებებს, თითქოს შიშს ერეკება, თავის ჯარისკაცებს შიშისაგან იცავს; დიმიტრის შიშის უფრო ეშინია, ვიდრე ყუმბარების.

დიმიტრის ბატალიონმა საბრძოლო ამოცანა ბრწყინვალედ შეასრულა. მტერი უკუიქცა...

ბატალიონი ისვენებს... ხარობენ ბიჭები. სარდლობამ მათ მადლობა გამოუცხადა. უცებ დიმიტრის ატყობინებენ, რომ ჩამოდის პრეობრაჟენსკი... სიზმარში ყველაფერი ისეა, როგორც ცხადში იყო. დიმიტრიც ძილში კმაყოფილი იღიმება. როგორც კინოს, ისე უყურებს საკუთარ სიზმარს; ტრიალ მინდორზე ჯარისკაცები ჩამწყრივებულან. დიმიტრი ხედავს, რომ მათ სამი კაცის თანხლებით დინჯი ნაბიჯებით უახლოვდება პრეობრაჟენსკი. დიმიტრი იძლევა ბრძანებას:

— Смирно!

დიმიტრის მოეწონა თავისი ხმა. მჭექარე, კარგი ტემბრის მრისხანე ხმა გაისმა ტრამალზე, ჯარისკაცებმაც კარგად შეასრულეს ბრძანება. პრეობრაჟენსკი შორიახლოს დგას და თვალყურს ადევნებს ბატალიონს.

ახლა დიმიტრიმ უნდა თქვას ორი სიტყვა „Ровнение направо“. ამ ბრძანების ვაცემისას მთავარია „напра“ გამოითქვას მკაფიოდ, მქუხარედ, ვაჟკაცურად. დიმიტრის სწამს ძველი ქართული წესი: ვაჟკაცს უნდა გააჩნდეს სამი რამ — მკლავის ძალა, მჭექარე ხმა და მართალი გული. დიმიტრის სამივე აქვს, ამის გამოჩენაა საჭირო.

„Напра“ ისე უნდა წარმოთქვას, შიშის ზარი დასცეს მთელ გემ-  
ნის.

— Ровнение!..

ზარივით დარეკა დიმიტრის ხმამ ტრიალ მინდორში. შესევნა,  
განგებ ჩამოავლო პაუზა, პაუზა ბრძანებას მეტ ელფერს აძლევს.

— „Напра“!.. — უცებ იქუნა დიმიტრიმ. მართლაც რომ მშვენიერი  
ხმა ჰქონდა! როცა დიმიტრიმ „напра“ დასჭეჭა, პრეობრაჟენსკი თურ-  
მე იმ წუთში მზად იყო, დიმიტრისათვის გენერლობა მიეცა.

— Во!..

შესძახა მეთაურმა და... საოცარი რამ მოხდა: ბატალიონმა თავი  
მარცხნივ მიაბრუნა. ეს სინამდვილეს არ შეეფერებოდა. დიმიტრიმ  
მაშინვე მიაყოლა „отставить!“ მაგრამ, როცა ხელახლა, ჩვეული  
ოსტატობით გასცა ბრძანება, მარჯვნივ სწორდითო, ბატალიონმა  
კვლავ მარცხნივ მიაბრუნა თავი. პრეობრაჟენსკი მოიქუფტა. დიმი-  
ტრიმ დაინახა, როგორ შეჰყარა წარბები დივიზიონის მეთაურმა. აკან-  
ჯალბულმა კვლავ გასცა ბრძანება, მაგრამ ბატალიონმა არაფრის-  
დიდებით მარჯვნივ არ გაიხედა. იქ კი წარბშეკრული პრეობრაჟენსკი  
იდგა და დიმიტრის გაკვირვებული შესცქეროდა. „შეუძლებელია, წარ-  
მოუდგენელია, — ფიქრობდა დიმიტრი ძილში. — ასეთი რამ არ ხდება,  
არც ერთ ჯარისკაცს ქვეყნის ზურგზე აზრად არ მოუვა, ჯიბრზე თავი  
მარცხნივ მიაბრუნოს“. ამ კამათში და დავიდარაბაში გამოვლვიძა.  
გული ბავაბუვით უცემდა. შეწუხდა. ძალზე შეწუხდა. ვერაფრით ვერ  
ახსნა სიზმარი.

პრეობრაჟენსკი მინსკთან ბრძოლაში დაიღუპა. კარგი ვაჟკაცი იყო.  
დიმიტრი ძალიან უყვარდა. გარდაცვლილი მეგობრის უცნაურმა გამო-  
ცხადებამ ცუდ გუნებაზე დააყენა. სიზმარი სისულელეაო, დაასკვნა. ეს  
„სისულელე“ კი რატომღაც ღრმად ჩაებეჭდა გონებაში. ამის შემდეგ  
ბევრჯერ დაუფრთხო ძილი შეტევაზე ვადმოსულმა ფაშისტურმა  
„ვეფხვმა“, მაგრამ სიზმარი არ დამახსოვრებია. როცა ბარკლავი დე-  
ტოლი შეარქვეს, იმ საღამოს ჰქონდა კიდევ ცუდი სიზმარი და ის და-  
ამახსოვრდა.

ვითომ დუნაი უნდა გადაელახათ. გერმანელმა არტილერისტებმა  
დილიდანვე გახსნეს ცეცხლი და ჩვენებს სულის მოთქმის საშუალება  
არ მისცეს, საბჭოთა მეომრები ვერსაიდან ვერ მიუდგნენ მდინარეს.  
ფაშისტებმა მთელ საარტილერიო ძალებს მოუყარეს თავი და მტკიცე  
ზღუდე აღმართეს. საჭირო იყო დროებით შეტევის შეწყვეტა და მანევ-  
რი — ათიოდე კილომეტრით სამხრეთისკენ ფრონტის გაშლა. დი-

მიტრის წინადადებით მოეწყო ეს სტრატეგიული მანევრი. დიმიტრი მაშინ უკვე ბატალიონის მეთაური იყო. სიზმარი სინამდვილეს შეეფერებოდა მაგრამ ასე როდი ვაგრძელდა. უცებ მდინარის ნაპირის მხარეს თეთრი ცხენით მოიჭრა, ცხენი ყალბზე შეაყენა, არმია დუხაის ნაპირას გრძელ კოლონებად ჩამწყრივდა და ცხენოსანმა სიტყვა წარმოთქვა. ეს იყო ნაპოლეონი და ნაპოლეონი იყო დიმიტრი. დიმიტრის რცხვენოდა, რომ ნაპოლეონი იყო. ნაპოლეონობის კი არ რცხვენოდა, ნაპოლეონი რომ არ იყო და ჯარს ნაპოლეონად რომ მოვევლინა, იმის რცხვენოდა. ტყუოდა, უსირცხვილოდ ტყუოდა მხედართმთავარი, „არაფერია, სიზმარია!“ — თავს იმშვიდებდა ძილში დიმიტრი, „ახლა გავიღვიძებ და მორჩა“. მაგრამ ნაპოლეონი-დიმიტრი არხენად განაგრძობდა ორატორობას. მაშინ დიმიტრი გაბრაზდა და ცხენოსანს შესძახა: „ამხანაგო ნაპოლეონო! მე არასდროს ვყოფილვარ შენი მსგავსი, სურვილიც კი არ მქონია, ნაპოლეონი ვყოფილიყავ! შემოატრიალე შენი თეთრი ცხენი და წაბრძანდი შენს ქვეყანას!“

ნაპოლეონთან კამათში გამოეღვიძა.

წუხელ კვლავ შეახსენა თავი წარსულმა. მთელი ღამე სტალინ-გრადის ბრძოლა ესიზმრებოდა. მთელმა ქვეყანამ იცის, რომ დიმიტრი სტალინგრადის ბრძოლის გმირია. პაულიუსის ჯარისკაცებმა დიმიტრი ბარკალაის ფეხებთანაც დაყარეს ფაშისტური დროშები. პაულიუსის ტყვედ ჩადგებისათვის, სხვებთან ერთად, დიმიტრიმაც დაიმსახურა ერთი კაცის მადლობა. „ერთი კაცის მადლობას“ დიმიტრი შინ, თეთრი კიტელის ჯიბეში ინახავს. კიტელი და წითელკანტიანი ლურჯი შარვალი ძალიან უყვარს, მაგრამ არ იცვამს. შვილები არ აძლევენ ნებას, რა დროს კიტელიაო. დიმიტრიც ხატრს არ უტეხს ახალგაზრდებს და კოსტუმს იცვამს. კიტელი კი მოწიწებით უკიდია კარადაში. ამ კიტელის გულის ჯიბეში უდევს ის მადლობა. ხომ ყველამ იცის სტალინგრადადთან დიმიტრის გმირობის ამბავი, დიმიტრის სახელი ალბათ ისტორიაში ჩაიწერება, სიზმარი კი აღარ ცნობს არც ისტორიას, არც იმ მიღებულ მადლობას და... დიმიტრი ბატალიონს კი არ მეთაურობს, ცეცხლის ხაზზე კი არაა, სამზარეულოშია და კარტოფილს თლის. სამზარეულო ვითომ ზურგშია, სტალინგრადიდან მოშორებით. სტალინგრადაში საბჭოთა სახელმწიფოს, სოციალიზმის ბედი წყდება და სახელგანთქმული მეთაური, ორდენოსანი დიმიტრი ბარკალაია სამზარეულოში კარტოფილს თლის, ხარშავს და შიირთმევს, თანაც თვალებს აცეცებს, ვინმემ არ დამინახოს, სამზარეულოში რომ ვიპალავიო.

ხომ შეიძლება ამ დროს გული გაუსკდეს დიმიტრი ბარკალაიას?!

გაუკუღმართებული წარსულის ზმანებამ გაუჩინა ალბათ რკინი-  
სავეთ ჯანმრთელ კაცს სისხლის წნევა, გულის სისხლძარღვთა და  
დება, მენჯის ძვლების ანთებაჲ კი.

ცხადში დიმიტრი მაინცდამაინც არ განიცდის, არ ნერვიულობს  
რომ წუხელ ცუდი სიზმარი ჰქონდა. მისთვის სიზმარი არაფერია, არ  
სწამს, არ სჯერა, არც ნერვიულობს. ძილში ნანახი უნებლიეთ თუ  
გაახსენდება, „სიზმარი სისულელეა“, ზედ იარლიყივით მიაკრავს დას-  
კენას და მოგონებათა, გახსენებათა, ჩვენებათა და ზმანებათა არქივში  
გადაუძახებს. ძილში კი დასკვნის გამოტანა უძნელდება. სიზმარი სინამ-  
დვილედ ჰგონია, გაუკუღმართებული წარსული ისე დამაჯერებლად ეზ-  
მანება, ძალზე ძნელია არ იწამო, არ დაიჯერო, არ ინერვიულო. ზოგ-  
ჯერ შუა ძილში შესძახებს ხოლმე, „ეს ხომ სიზმარია, სიცრუე და სი-  
სულელეა“, მაგრამ შეძახილი შეძახილად რჩება და სიზმარი — სიზმ-  
რად. თუ ძილში იკამათე, იბრძოლე და იშფოთე, რაღა ძილია, რაღა  
დასვენებაა. სულიერ სიმშვიდეს დიმიტრი დღისით პოულობს თავის  
შვილიშვილებთან ცხოველთსაუფლოში, ან ამ ხეივანებს შეფარებული,  
იროდისთან ერთად, მზეზე მთვლეშარე. ზოგჯერ ფიქრი წამოეპარება,  
უნებლიეთ საიდანლაც, როგორღაც ტვინში ჩაუძვრება და ააფორიაქებს,  
მოგონებებს აუშლის. სიზმარივით შემპარავია ფიქრი, არამკითხე მო-  
ამბე, აბუჩი სტუმარი. იროდინაც იცის ბებრული ვარინდება, ძილ-  
დვიდილში თვლენა და წარსულთან ტუტუნე. მაგრამ იროდი თავის  
ფიქრებს, სიზმრებს, მოგონებებს არ მალავს, მაშინვე მოუყვება მე-  
გობარს. გასათვარი ის არის, რომ მათი ფიქრი, სიზმარიც კი, თუ კაცი  
კარგად ჩაუყვირდება, ერთნაირია. დიმიტრი არ აკვირდება იროდის ნა-  
ამბობს, ხეირიანად არც უსმენს. ჰგონია, რომ იროდი ზერელე კაცია.

ცისფერ სკამზე მდუმარედ სხედან მოხუცები. სკამის საზურგეს  
მიყრდნობილები ყურს უგდებენ წარსულს. თითქოს პარკში კი არა,  
წარსულში სხედან, ორივეს თავი მზეზე ულაპლაპებს, ორივეს შლაპა  
გვერდით უდევს. საიდანლაც ერთი ფუტკარი შემოიჭრა პარკში, ჯერ  
დიმიტრის ლაპლაპა თავს უტრიალა, შემდეგ — იროდისას. მოხუცებს  
ფუტკარი არც კი შეუმჩნევიათ, ფუტკარმაც თავისი გზა მონახა, ყვა-  
ვილებს მიაშურა.

— დაცხა, ჩრდილში დავსხდეთ, — თქვა დიმიტრიმ და შლაპა აიღო.  
იროდინაც აიღო შლაპა, ჯოხს დაეყრდნო და წამოდგა. მოხუცები  
თალარში შევიდნენ, იქ ჩამოსხდნენ ცისფერ სკამზე. ძალზე ლამაზი  
თალარია, გრძელია და სილამაზეს ეს სიგრძე მატებს. ვაზის თამამი  
ყლორტები რკინის ლატნებსა და მავთულებზე სხედან, თავაწიულ

მწვანე ხვლიკებს ჰკვანან, თითქოს სადღაც უნდა გაიქცნენო. მზე ათამამებს ვაზის ხასხასა ყლორტებს, ღონიერი ვაზი მიწის გულიდან ნაირ-ნაირ ხილთებს ექაჩება, გაზაფხულის ნექტარს დაწვინებს ლუმბაპუნებს და მზის გასახარად, მზის გულზე მწვანედ ახმარებს სუბამამებულები ყლორტები კი, ჩარდახიდან ძირს არ ჩამოვვარდეთო და, ერთმანეთს ხვიარა უღვაშით ეჭიდებიან, რკინის ლატნებსა და ბოძებს გარს ევლებიან და ვიდრე ქინძის თესლის ოდენა ისრიმს დაბერავდნენ და ჯადოსნური წვენით დაავსებდნენ, ადამიანთათვის მწვენიერ გრილოს აფენენ. მოხუცებს ახლა მზეზე უფრო ეს გრილო სიამოვნებთ. სხედან და დასიცხულ სხეულს იგრილებენ.

— დაჰმანდება ის ღვინო, — თქვა კვლავ დიდი ხნის დუმილის შემდეგ იროდიმ. დიმიტრისაკენ თავი აღარ მოუბრუნებია. თავისთვის ჩუმად ჩაილაპარაკა.

— რუბენა თუ ნახე? — ჰკითხა დიმიტრიმ იროდის.

— ვნახე, არა მაქვსო.

— რუბენას ექნება, გვატყუებს...

— მიდი სორდიასთან, ვაჭრობაში...

— რა ვუთხრა მერე?

— ტარანი აქვს რუბენას და მოგვცეს-თქო.

— ამხელა კაცმა ტარანი ვიმათხოვრო?

— მე მივალ შენი სახელით.

— ჩემი სახელით ჯერ მე დავდივარ...

დიმიტრი გაჩუმდა. იროდიც გაჩუმდა, მაგრამ მეგობრისათვის თვალი არ მოუცილებია.

— დიმიტრი, — დაიწყო მშვიდად იროდიმ, — აწი შენ მარშლობას არავინ მოგცემს... ვერც ვერავინ დაგაქვეითებს, ადექი და მიდი სორდიასთან. ტარანს თურმე ის კაცი ანაწილებს.

— ჰანჭალეიშვილთან მივალ.

— გუშინ აბა, ვისთან იყავი?

— გუშინ არ დამხვდა.


— ჯანდაბას, ჰანჭალეიშვილთან მიდი, დაურეკავს ალბათ სორდიას.

— გობრონიძემ არ დაურეკა? — ჰკითხა დიმიტრიმ იროდის.

— არა. დავურეკავო მითხრა, მაგრამ მომატყუა.

— იქნება მართლა არა აქვთ, იროდი, ტარანი, და შენ გეჩვენება.

— ჩემი თვალით არ მენახა, არ დავიჯერებდი, ერთი მანქანა მოიტანეს რუბენასთან, იქ ვიყავი, როცა მანქანას ცლიდნენ.



— აბა, რად არ ჰყვიდიან, ვის უნახავენ?

— იძიე ახლა, ვის უნახავენ, რად არ ყვიდიან, ამასობაში ვათავლებთ  
ის ტარანი და მერე როდის მოიტანენ, ღმერთმა უწყის. აღწერილია მისი  
დი, შე კაცო, სორდიასთან. სორდია ტარანს დაგიკავებს?..

— ჭანჭალეიშვილთან მივალ.

— რაც ვინდა, ის ქენი, — გაბრაზდა იროდი, — ვიყო დიმიტრი ბა-  
რკალაია, მე ვიცი, ვისთან მივიდლოდი და რას ვიზამდი!..

— რას იზამდი ვითომ!

— მივიდლოდი სორდიასთან და ტარანს ვიშოვიდი.

— ჭანჭალეიშვილთან მივდივარ! მორჩა და გათავდა!  
დიმიტრიმ შლაბა დაიხურა და წამოღდა.

— დამელოდები?

— აქ დაგელოდები.

დიმიტრი დინჯად გაუდგა გზას, ჰარკი გადაჭრა და ქუჩაში გამო-  
ვიდა. ქუჩის მეორე მხარეს თეთრი შენობის სადარბაზოში შეჰყო თავი.  
მოაჯირიან კიბეს სვენებ-სვენებით აუყვავა. გრძელი დერეფანი გაიარა და  
შავი კარი შეაღო. მოსაცდელში ბევრი ხალხი არ იყო. დიმიტრიმ მდი-  
ვანს თავისი სახელი და გვარი უთხრა. მდივანმა ტყავგადაკრული შავი  
კარი შეაღო და უკან სწრაფად გამობრუნდა. დიმიტრის უთხრა: მიბრ-  
ძანდითო. ჭანჭალეიშვილი დიმიტრის გულთბილად შეხვდა.

— ჰმ, ტარანი! ტარანი! — ჩაიციხა ჭანჭალეიშვილმა და ნერწყვი  
გადაყლაბა, — თათეიშვილს დავურეკავ, სორდია თათეიშვილს უარს  
ვერ ეტყვის.

ჭანჭალეიშვილმა ყურმილი აიღო და ნომერი აკრიფა.

— გამარჯობათ, მიხეილ ვასილიჩ...

„გაუმარჯოს ჩემს სერგოს,“ — დიმიტრიმ თათეიშვილის ხმა გარკვე-  
ვით გაიგონა. ჭანჭალეიშვილმა ყურმილი დაიშორიშორა, მიკროფონ-  
ნით ხმა ჰქონდა ყურმილს.

— ერთი სათხოვარი გვაქვს, მიხეილ ვასილიჩ, აქ ახლა ჩემთან არის  
ჩემი მეგობარი დიმიტრი ბარკალაია, იქნებ თქვენც იცნობთ.

„ოო, ბარკლაი დე ტოლი! მაგას ვინ არ იცნობს!..“

დიმიტრის ელდა ეცა. ნეტავ მიწა გასკდომოდა და აქ არ მოსული-  
ყო. „ნუთუ მთელი თბილისი მეძახის ბარკლაი დე ტოლის?“ ციფმა  
ოფლმა დაასხა. არ ეგონა, თანამშრომლებს გარდა, ვინმემ თუ იცოდდა  
მისი მეტსახელი.

— ჰოდა, დიმიტრი გვთხოვს ტარანს. თურმე სორდიას ჰქონია...

„ოჰ, ტარანი, ტარანი! ახლა კარგია ტარანი! ახალ ტყვემალთან, ჰა,



სერგო!.. ახლავე დაეურეკავ სორდიას, არ დადო ყურმილი, მგორავ ტყე  
ლედონით დაეურეკავ... დიმიტრი ოქრო კაცია, მომიკითხე“.

ჭანჭალეიშვილმა ყურმილს ხელი დააფარა და დიმიტრის სახელი  
შვილის მოკითხვა გადასცა.

— დიდი მადლობა, ბატონო! — ჩაიდუღუნა დიმიტრემ.

„გამარჯობათ, ევგრაფი დომენტიჩი!“ — გაისმა ისევ ყურმილში.

— სორდიას ელაპარაკება, — უჩურჩულა ჭანჭალეიშვილმა დიმიტრის, — ხომ გესმის?

ჭანჭალეიშვილმა ყურმილი დიმიტრისაკენ შეაბრუნა, მოხუც თავისი ყურით რომ მოესმინა, რა კეთილად იყო განწყობილი თათვიშვილი ჭანჭალეიშვილისადმი და დიმიტრისადმიც.

„ერთი სათხოვარი გვაქვს მე და ჭანჭალეიშვილს“... „ტარანი გვინდა“. „ცოტა, ერთი ორი კილოგრამი... ტარანით ჩვენ არ ვივაჭრებთ, ქეიცია!..“ „ვისთან?“... „რუბენასთან? ვინ ჯანდაბაა რუბენა?.. ჰო, ჰო, ვიცო, როგორ არა. შენი სახელით მივალთ... დიდი მადლობა... დიდი მადლობა... ხომ გესმოდა ყველაფერი!..“

— მესმოდა, ბატონო, დიდი მადლობა, — ჩასძახა ყურმილში ჭანჭალეიშვილმა, — მაშ, სორდიას სახელით მივიდეს რუბენასთან, თევზის დიდი მადლობა რომაა... დიდი მადლობა, მიხეილ ვასილიჩ.

ჭანჭალეიშვილმა ყურმილი დადო. ცხვირსახოცი ამოიღო და შუბლიდან ოფლი მოიწმინდა. ძორძოყინა კაცი იყო, ღიბი გულის კოვზიდან ეწყებოდა, თანდათან უგანიერდებოდა, მაგრამ ჭიპის ქვევით ცოტათი უვიწროვდებოდა და ცხვრის ღუმის ოდენა ჩუმში ფენა-ფენად ზედ ბოქვენზე ეკიდა. მთელ ამ ტვირთს დიდი გაჭირვებით ამაგრებდა შემოჭერილი, განიერ მენჯის ძვლებზე დაკიდებული და კინტოსავით წინ ჩამოწეული ძიქვა. ამას ისიც უნდა დაეუმატოთ, რომ ბუნებით ძვალმსხვილი კაცი იყო და ღმერთს უხვად დაეჭილდობინა ფერ-ხორციით, ხოლო ყველაფერ ამას თუ მის სიმაღლესაც მიეუმატებთ, არ გაგიკვირდებათ მისი წონა: ას ოც კილოგრამს იწონიდა ჭანჭალეიშვილი. ბუნებრივია, ასეთი ქარახინა კაცი ერთ ტანმორჩილ ცხვარს ისე შეჰკამდა, ვითომ, ქათმის ფრთა გაწიწკნაო. კარგად ნაჭამ-ნასვამი ჭანჭალეიშვილი კი საოცარი სანახაურო იყო — იწეებოდა კაცი, ხელიც რომ არ გაენძრია, ორი სამი საათი შუბლზე ხვითი გადასდიოდა — საქმლის მონელება უჭირდა. ხოლო ამ დროს თუ რამ საქმე გამოუჩნდებოდა, მტრისას და ავისას! როგორც წითელი პარტახტი, ლოყებსა და შუბლზე წითელ-ყვითელი ფორეჯები დაასხდებოდა, ნოღა ცხვირზე, შუბლსა და კისერზე ცერის სიმსხო ოფლს დაასხამდა. იცოდა, რომ ასე მოუვიდოდა,

მაგრამ დიმიტრისათვის თავი არ დაზოგა — ტარანი უშოვა. როცა ყურო  
მილი დადო, შუბლიდან ოფლი რომ მოიწმინდა, დიმიტრიმ მის სახეზე  
ამოიკითხა: ხომ ხედავ, რა ჯაფა დამადგა, მაგრამ შენთვის არა მსმისსო...  
ასეთი მეტყველი გამოხედვის შემდეგ ჰანჭალეიშვილმა ამყაღ თქვა:

— ესეც ასე!..

— დიდი მადლობა, ჩემო სერგო! — ფეხზე წამოდგა დიმიტრი და  
ჰანჭალეიშვილს გამოსამშვიდობებლად ხელი გაუწოდა.

ჰანჭალეიშვილმა ქშენა-ქშენით დიმიტრი კაბინეტის კარამდე მი-  
აცილა, კიდევ ერთხელ ჩამოართვა ხელი და უთხრა:

— გამომიარეთ, დიმიტრი ჩემო, ნუ მომერიდებით, მისსახურეთ,  
თქვენი ხმალი და ჩემი კისერი.

ჰანჭალეიშვილმა რატომღაც გადაიხარხარა. სრულიად უადგილო  
და უაზრო იყო ეს სიცილი. დიმიტრიმ მის სახეს თვალი მთარიდა,  
შავი კარი გამოიხურა, შლაბა პრიალა თავზე დაიდო და დაღონებული  
კიბეს ჩაუყვია. როცა ქუჩაში გამოვიდა, გაიფიქრა, „მოსაკლავი მყავს  
იროდი“.

დიმიტრის და იროდის მალაზიაში რუბენა არ დახვდათ. აქ იყო,  
საცაა შემოვაო, უთხრეს თანამშრომლებმა. მალაზია ერთ დიდ ოთახ-  
ში გაეწყობო. ოთახი ფართო იყო და მალალჭერიანი. ერთი კედლიდან  
მეორემდე გრძელი დახლი გაეჭიმათ, დახლის იქით თეთრხალათიანი  
თევზის გამყიდველები ვაჭრობდნენ. ეტყობოდა, მალაზიას რამდენიმე  
განყოფილება ჰქონდა, ერთ კუთხეში ლუდსაც კი ჰყიდდნენ. იქ ხალხი  
ბუზივით ირეოდა. დიმიტრიმ და იროდიმ უფრო თავისუფალი კუთხე  
შეარჩიეს და ფანჯარასთან წაქცეულ კასრზე ჩამოსხდნენ. მათ წინ  
თევზის კონსერვები და პაპიროსები იყიდებოდა, არავინ ყიდულობდა  
კონსერვებს. დახლიდარი იჯდა და ჭუჭყიანი ხელებით ჰამდა ძეხვსა  
და პურს. იროდიმ ჯოხი მოიმარჯვა, წამოდგა და კონსერვის გამყიდ-  
ველთან მიხუხუხდა.

— შეილო, თუ რუბენა, ღმერთმა ქნა და, გამოჩნდა, ამ კარებში  
უნდა შემოვიდეს, არა?

— სხვა კარი ამ მალაზიას არა აქვს, — უთხრა ცივად კონსერვის  
გამყიდველმა და პური მაგრად ჩაკბიჩა.

— მაშ, რუბენა ამ კარებში შემოვა და აქ ჩაივლის? — არ მოეშვა  
იროდი. დახლიდარმა თავი დაუქნია, იროდი ჩაფიქრდა, რამდენიც  
არ უნდა ეფიქრა, სხვა გზა არ იყო, დიმიტრის გვერდით კასრზე უნდა  
ჩამომჯდარიყო და რუბენას დალოდებოდა. ასეც მოიქცა, გაუნძრევ-  
ლად, ჩუმად ისხდნენ მოხუცები, დიმიტრი ბრაზობდა. რუბენაზე კი

არა, თავისთავზე, იროდის რომ აპყვა და ტარანის შოვნა საქმედ გაი-  
ხადა.

ერყენულნი  
გინგლინთქა

— არ მოვა რუბენა, — თქვა დიმიტრიმ.

— თუ არ მოვა, ავღგები და წავალ სახლში.

საიდანღაც გრძელტარიანი ცოცხით, ტაშტითა და ჩვრით ხელებ-  
დაკაპიწებულნი ქალი გამოძვრა და თავისი ბარგი-ბარხანა დიმიტრის  
ფეხებთან დაუწყო. კონსერვის გამყიდველმა კარები ჩაყეტა და ხალხს  
გამოუცხადა, შესვენებააო.

— აჰა! ხომ ხედავ! გავიდეთ აქედან, ვიდრე კინწისკვრით გაგვაგ-  
დებენ! — თქვა დიმიტრიმ, წამოდგა და კარებისკენ გაემართა, ირო-  
დიც უკან მიჰყვა. ზედ კარებთან რუბენა არ შეეჩებათ? ჰო, როგორ  
გაიხარა იროდიმ!

— აა... არ მოვალ! — შესძახა გახარებულმა და ჯოხის კაკუნ-კაკუ-  
ნით რუბენას მალაზიაში შეჰყვა. დიმიტრი გარეთ დარჩა. დიდხანს აღარ  
უცდია. ტარანით დატვირთული იროდი მალაზიიდან მალე გამოვიდა.  
მოხუცები შინისაკენ ნელა გაუდგნენ გზას.

სალამოს იროდიმ დიმიტრის ოთახში ადგესა მოიტანა. დიმიტრის  
რძლისთვის დაერეკა, რძალს ვახშმის თადარიგი დროზე დაეჭირა და,  
როცა იროდი შემოვიდა, ღომი უკვე სამზარეულოში თლუყთლუყებდა.  
დიმიტრიმ ნარდი გამოიტანა.

— არ მომიყვანა მიხა ჩემმა რძალმა. გაგაცნობდი, იცი, რა ვაქა-  
ცია? გამოხოხებულნი ბარკალაია!

— რამხელაა?

— მეორე კლასშია, ახრჩობენ ბავშვს, ეს მუსიკაო, ეს ინგლისუ-  
რიო... მეცადინეობსო და არ მომიყვანა.

— ჩემები დიდები არიან, უკვე აღარ უნდათ ბაბუა.

— მეც ის ერთი შემრჩა, დანარჩენები ვეშაპებვიით გაიზარდნენ.  
ხვალ ჩემია მიხა, ხვალ კვირაა, შენც ხომ არ წამოხვალ ზოოპარკში?

— წავიდეთ რა!.. ვააგორე.

დიმიტრიმ კამათელი გააგორა.

— ეს შაში... ეს დუ...

იროდის თვალეზში სინათლე აკლდა. ამიტომ, დიმიტრის ნებას არ  
აძლევდა, ვიდრე კამათელს გულდინჯად არ გასინჯავდა, ეთამაშა.

— ვითამაშო?

— ითამაშე, ბეშდორთია!

დიმიტრის რძალმა სუფრა გაშალა, იროდიმ ნარდის თიხაში შეწყო  
ვიტა. დიმიტრიმ ღვინო დოქით შემოიტანა და მაგიდაზე დადგა.

— ჩამოვასხამ, მამა, სირცხვილია. ამხელა დოქს სად ~~დადგენენ~~  
შეიცხადა რძალმა.

— აგერ დავდგამ, ა... — დიმიტრიმ რძალს უჩვენა, სუფრის შუა-  
გულში დავდგამო, — შეხედეთ, რა ეშხიანი ყელი აქვს, როგორ დაამშ-  
ვენა სუფრა. სად იშოვე ასეთი კარგი დოქი? — ჰკითხა დიმიტრიმ ირო-  
დის.

— დოქიანად გამომიგზავნეს.

— ქრთამი ხომ არ არის, იროდი. არ წამწყმიდო!

— კაი გუნებაზე დაგაყენა სუფრამ, გულდაღრიანო!

— მამა, თუ არ გჭირდებოთ, მე წავალ, მეჩქარება, — უთხრა დიმი-  
ტრის რძალმა.

— წადი, შეილო, წადი, ხვალ გამოგივლით და მიხას წავიყვან ზო-  
მპარკში. რძალი წავიდა. დიმიტრიმ ღვინო პატარა ჭიქებში ჩაასხა.

— აბა, დავილოცოთ, სადა აქვს, ბიჭო, ყაპი?

— ეს შენ გაგიმარჯოს, ჩემო დიმიტრი!

— გაგიმარჯოს, იროდი! ტყემალი ბლომად დაისხი, მკვდარს გა-  
აცოცხლებს.

მოხუცებმა თავი თეფშებში ჩარგეს.

— ხომ კარგია ტარანი, დიმიტრი?

— კი, ტარანი კარგია, მაგრამ რუბენა არ ვარგა.

— ტარანი თურმე ასტრახანშია ბევრი.

— მოდი ახლა, გავისენოთ ჩვენი შემქმნელები, — დაიწყო დიმიტ-  
რიმ, — მამაზეციერით სული რომ ჩაგვიდგეს და ამქვეყნად მოგვი-  
ყვანეს, ჩვენს მშობლებს გაუმარჯოს! ისინი რომ არ ყოფილიყვნენ,  
ჩვენც არ ვიქნებოდით, ჩვენ რომ არ ვყოფილიყავით, ჩვენი შვილები  
არ იქნებოდნენ, ასეთია ცხოვრება...

იროდი ღვინოს წრუპავდა, ქაშნიკს უსინჯავდა. წამით ოთახში სი-  
ჩუმე ჩამოვარდა. ჩუმად შეეჭეოლდნენ მოხუცები ტარანსა და ღომს.  
დიმიტრი წამოდგა, საიდანაც წიგნივით სქელი ყურნალი გამოაძვრი-  
ნა, გაბერტყა, გაასუფთავა და სუფრასთან მოიტანა.

— რა წიგნია? — იკითხა იროდიმ.

— ერთიც დავლიოთ და გაიგებ, რა წიგნიცაა. მოდი, ის ხალხი  
გავიხსენოთ, ვისთანაც ხუთი წელიწადი ერთად გვეძინა, ერთად ვჭამ-  
დით და ვსვამდით, ერთად ვღვრიდით სისხლს. ეს ჩემი ბატალიონის

ოფიცრების ჟურნალია. ყოველი მათგანის მისამართი, მათი ცხარე-რების ისტორია შიგ მიწერია. ჩემი ბატალიონი მე ძალიან მიყვარდა. კარგი მეომრები იყვნენ, სულ ახალგაზრდები, ვერცხლისწველივე ბიჭები, როგორც მოზარე მგლები არ უფრთხიან არც ყინვას, არც ბუქს, არც თოვლს, არც ტყესა და ღრეს, ისინიც არაფერს უფრთხოდნენ — ტყვიის არ ეშინოდათ, ტყვიას ეშინოდა მათი. რომ დამაწინაურეს რატომღაც სხვა ფრონტზე გადამიყვანეს. დამეკარგნენ ჩემი ბიჭები. აი, ეს ჟურნალი შემრჩა. მათგან მხოლოდ ორნი გადავრჩით. მე და ერთი ვოლგისპირელი თევდორე, ფედია.

დიმიტრიმ ჟურნალი გადაშალა. იროდი ცნობისმოყვარეობით და-აცქერდა გაყვითლებულ ფოტოსურათს. ფოტოსურათი ჟურნალის შუაგულში იღო.

— აი, ეს არის საცოდავი ფედია — ერთი იმათგანი. ახლახან მივა-გენი ხარკოვში. ძველ მისამართზე არ აღმოჩნდა, ბევრი ვეძებე და ბო-ლოს მივაკვლიე.

იროდი დიდხანს დასცქეროდა ფეხმოჭრილ, წვერით გაბურღულ ბერიკაცს.

— ფულიც გაუფუგავნე, ჩავედი ხარკოვში და ვინახულე, გული დამწყდა, გალოთებულა, მთლად ხელიდან წასულა. მშვენიერი შვი-ლები ჰყავს, მაგრამ რად გინდა, არავის არ უჯერებს, არაფერი არ აინტერესებს, ეს სურათი იქ გადავადებინე, მთვრალი მაჩვენეს ქუჩა-ში, ვიდრე არ გამოფხიზლდა, ვერ მიცნო. ეჰ... ფედია ცოცხალი მა-ინცაა...

— ამ ხალხს გაუმარჯოს!.. — დიმიტრიმ ჟურნალი დახურა.

— ფედიას სადღეგრძელო ცალკე დავლიოთ!.. ომში დაღუპულების ხსოვნისა იყოს, — თქვა იროდიმ და პურის ნატეხზე დააწვეთა ღვინო.

— ეჰ, ფედია, ფედია! — დიმიტრიმ იროდის სურათი გამოართვა, — სულ არ დამიგდო ყური, შენი შეგონებები ფრონტზე მომისმენია და ვიცო. ახლა მე ჩემი თეორიები მაქვს. ამ ქვეყნისა აღარაა...

— ფედიას გაუმარჯოს!.. — თქვა იროდიმ და უცებ დალია. ამ ნაჩ-ქარევი სადღეგრძელოთი დიმიტრის თანაუგრძნო.

— არც ერთი ფეხი არა აქვს, ხუმრობა ხომ არ არის, წახდა კაცი! — თქვა ნაღვლიანად დიმიტრიმ, — გაუმარჯოს საცოდავ ფედიას! — ჭიქა გამოცალა და მაგიდაზე ფრთხილად დადო.

— ჩემს შემდეგ ბატალიონს ფედია მეთაურობდა. ბრესტთან ერთ დღეს დახოცილან ყველანი. ფედიასაც იქ დაუტოვებია ფეხები.

— ალი-ზადეს ხომ იცნობდი, — დაიწყო ახლა იროდომ, — თუ ვინ  
სოვს, ჩვენ ერთად წავედით თბილისიდან. თბილისელი ბიჭი იყო,  
სოლოლაკში ცხოვრობდა.

თუ ვინ  
წაქეზდა  
მეცხეა

— ჰო, მგონი, მასსოვს, — დიმიტრის არ ახსოვდა ალი-ზადე.  
მეგობარს ხათრი არ გაუტეხა.

— ძალიან კეთილი ბიჭი იყო. სწორედ ამ სიკეთემ დალუბა. რუ-  
მინეთში ვართ, რუმინეთში... და უცებ მოვიდა ბრძანება, რომ შევ-  
წყვიტოთ შეტევა. მთის ფერდობზე სახელდახელოდ გადათხრილ სან-  
გრებში ვსხედვართ. ჩვენ წინ გერმანელებია, ისინიც მთის ფერდობ-  
ზე არიან გამაგრებულნი, შუაში ჩაგვდის მდინარე, ზღაპარს ჰგავს,  
მაგრამ უნდა მოგიყვე, შენ არ გაგიკვირდება ასეთი ზღაპარი. ნაბრძა-  
ნები გვაქვს, გერმანელებს განძრევის საშუალება არ მივცეთ, არც ინ-  
ძრევიან, ჩუმად სხედან სანგრებში. ჩვენ ვხედავთ მათ სანგრებს, მათ  
ტყვიამფრქვევებს, თითქმის ყველაფერს ვხედავთ. ალბათ, ისინიც  
კარგად გვითვალთვალებენ. გასაოცარი ის არის, რომ არც ისინი ისე-  
რიან. თუ ვინმემ სანგრიდან თავი ამოჰყო, მხოლოდ მაშინ დაიქუხებენ  
შაშხანა. მაშინ აკაკანდება ტყვიამფრქვევი და ავტომატი. ეტყობა, დი-  
დი სტრატეგიული ბრძოლა — ჩვენ არაფერი ვიცით, ბრძანებას უსი-  
ტყვოდ ვასრულებთ და ველოდებით, რა მოხდება. რაც მთავარია, ისე-  
თი პაპანაჭება სიცხება, იწვება, იხრუკება ქვეყანა. გადის ერთი დღე, მე-  
ორე, მესამე, საშველი არსაიდან არ ჩანს. ნიავიც კი არ იძვრის, წყურ-  
ვილი გვახრჩობს. შუალამისას თუ მოვახერხებთ ერთმანეთთან გადაძა-  
ხებ-გადმოძახებას. ამ დროსაც კი ფხიზლობს მტერი, მაშინვე ტყვიამ-  
ფრქვევების ჯერი დაცხრილავს ფერდობს. რაღა ბევრი გავაგრძელო,  
მესამე დღეა და ვყრივართ გამხმარ მიწაზე და მზეზე უმოწყალოდ  
ვიხრუკებით. მე და ალი-ზადე ერთ სანგარში ვწევართ. ჭუჭყი და  
წვერი გვჭამს, მაგრამ ჭუჭყს ვინ დაეძებს, კიბორჩხალებივით დაბრა-  
წულები ვართ. დაგვხუთა, დაგვაოსა სიცხემ. უცებ ვხედავთ, გერმანე-  
ლების ერთი სანგრიდან ვიღაც ამოძვრა და ჩვენს დასანახად მიწაზე  
დაახეთქა შაშხანა, ზურგჩანთა, თვალისდახამზამებაში გაიძრო შარ-  
ვალი, ბლუზა და სულ გაშიშვლდა კაცი. „ფანდი არ იყოს, ბიჭო!“ — ვა-  
ფრთხილებ ალი-ზადეს. „მოიცა, მგონი, სასწაული ხდება“, — მეუბნება  
ალი-ზადე და გერმანელს შაშხანას უმიზნებს: „სად წაგვივა, ეუწყუროთ  
ცოტა ხანს“. ჯარისკაცი დედამოძილა დაეშვა ფერდობზე, ხელი და-  
გვიქნია, თითქოს რაღაც გვანიშნაო, სირბილით მოვარდა მდინარეს-  
თან და ისე ხარბად დაეწაფა წყალს, ახლაც ყურში ჩამესმის იმ და-  
ლოცვილის ხარბი ყლარწყალურწი. წყალს პეშვით სვამდა. დიდამს



იღვა და სვამდა. ჩვენ... ჩვენ ალი-ზადეს ველოდებით, მუთაურო ის არის და არაფერს ამბობს, შაშხანას კი უმიზნებს.

გერმანელი ნელ-ნელა შევიდა მდინარეში. ცურვა არ მსურს, და ბავშვივით ჭყუმპალობა დაიწყო ნაპირზე. ჰო, რა ამბავში იყო ჩასტოდა და ტლინკაობდა! „ამ კაცს ჩვენ არ ვესროლოთ, სულ ერთია, ვიღაც ესერის“, თქვა ალი-ზადემ და შაშხანა დაუშვა. ეტყობა, სხვებმაც ასე იფიქრეს, ვიღაცა ესერისო და არ ესროლეს. გერმანელმა ბანაობა დაამთავრა და აღმართს აუყვა, ჩვენ მოგვხედა და ხელი დაგვიქნია, „მშვიდობითო“. „ახლა ესერიან მაგ უბედურს“, — ვუთხარი ალი-ზადეს შეწუხებულმა. ალი-ზადემ სხვა ოცეულების გასაგონად, რაც ძალი და ღონე ჰქონდა, იყვირა: „არ ვსროლოთ, ბიჭებო, ცოდვას“. ამის თქმა და საიდანლაც ტყვიამ გაიზუზუნა. არ მიმიქცევია ყურადღება. შიშველ გერმანელს შევცქეროდი. მაინტერესებდა, გადარჩებოდა თუ არა, მიღწევდა თუ არა სანგრამდე. „ხედავ, ალი-ზადე, გადარჩა, არავინ ესროლა!“ — შევძახე გახარებულმა. მოვიხედე და რას ვხედავ, ალი-ზადე სისხლში ცურავს. ტყვია შიგ შუბლში მოხვედრია. ომმა არ იცის პატიება. არ გესწავლება, ჩემო დიმიტრი, ომი გულკეთილებს სასტიკად სჯის... ასე უბრალოდ და უღმერთოდ მოკვდა ალი-ზადე! ნუთუ მართლა არაფერი არსებობს ამქვეყნად?..

— მოდი, ალი-ზადეს და ივანე კრულიკოვის შესანდობარი დავლიოთ, — თქვა დიმიტრიმ, — კრულიკოვი ჩემი ბატალიონის თვალისჩინი იყო, ორმოცდარორში ტანკს ჩაუვარდა. ტაგანროგელი რუსი იყო, ვეფხვივით ბიჭი.

იროდიმ ჩუმად დალია სადღეგრძელო და ტყემალს მიეძალა.

— არ არის ქვეყნად სამართალი... — დიმიტრიმ მაგიდაზე მუშტები დააწყო.

— მომეკიდა ღვინო, — თქვა იროდიმ, — მეტს ნულარ დავლევთ.

— ადესაა, არაფერს გვიზამს.

— ჩვიდმეტი წლის ბიჭივით კი წამოგაჰქეხა და უძახე შენ ადესა.

— წამომაჰქეხა? აფსუს, დიმიტრი ბარკალაია!

— ასეა ძმაო, გათავდა, ჭამა-სმაც აღარ შემიძლია, წნევა რამდენი გაქვს?

— ორასი.

— ხვალ ორას ოცი გექნება.

— აბა, არაფერი არ იციან ექიმებმა. ხან მწყენს ეს ღვინო და ხან არა.

— რა ვქნათ ახლა?

- ცოტაც დავლიოთ.
- ცოტა, სულ ცოტა.
- ოჰ, როგორ გიყვარს თავი!
- ეჰ... თავს ზევით ძალა აღარ არი.
- მოდი, სპირიდონა მოვიგონოთ, საწყალი სპირიდონა...
- ცირილიაძე?
- აღარავენ აღარ დარჩა, არ ჰყავდა ცოლ-შვილი.
- ქერჩში დაღუპულა, არა?
- კაცმა არ იცის, რა მოუვიდა. გაქრა.


დიმიტრიმ ჭიქა გამოცალა, იროდიმ ცოტა მოსვა და დადგა.

— იროდი, ერთი ეს მითხარი, რა მქვია მე? — იკითხა უცებ დიმიტრიმ. იროდი შეცბა. ისეთი მოულოდნელი, უადგილო და უმიზეზო შეკითხვა დაუსვა მეგობარმა, იფიქრა, ალბათ ყური მატყუებსო. ცერი და სალოკი თითი მოამრგვალა, ყურს მოარგო და დიმიტრის მიუშვირა:

- რაო, რა მკითხე?
- რა მქვია, რას მეძახიან? რა გაგიკვირდა?
- რავა, დიმიტრი არ გქვია?
- დიმიტრი კი მქვია, მაგრამ კიდევ რას მეძახიან.
- კიდევ?
- ჰო, მეტსახელს ხომ მეძახიან?
- ვინ გეძახის მეტსახელს?
- არ გაგიგონია?
- არ გამიგონია.
- შვილებს გაფიცებ სიმართლე მითხარი.
- გეფიცები, პირველად მესმის. რაო, მაინც რას გეძახიან? — განგებ დაინტერესდა იროდი.
- არაფერს, ისე გკითხე... რალაც გამახსენდა.

დიმიტრიმ მოიწყინა, ოთახში სიჩუმე ჩამოწვა. დიმიტრის მოულოდნელ შეკითხვას სიჩუმემ თითქოს უფრო მეტი აზრი და მნიშვნელობა მისცა. თითქოს გაიზარდა, გადიდდა და იროდისათვის უფრო ნათელი რომ გამხდარიყო, ოთახში ჭერზე ჭალივით დაეკიდა „რას მეძახიან“. უცაბედი შეკითხვა ჰაერში ეკიდა. ნელა დაცურავდა მოხუცების თავს ზემოთ და უხერხულობას ჰქმნიდა. თანდათან ეს უხერხულობა ხელშესახები გახდა, სახიერი, ცხადი. თითქოს საცა იყო ყურში სწვდებოდა იროდის და ეტყოდა: „ხომ იცი, რასაც ეძახიან დიმიტრის, რათა ტყუი, ბებერო“. იროდის უსათუოდ უნდა ეთქვა რალაც, ან უნდა წამომდგარიყო, ან მაგიდის ქვეშ შეეხედა, უსათუოდ რალაც უნდა მოე-





მოქმედა, დიმიტრისაც დაუფლებოდა ასეთი გრძნობა, წუხნდა, მეგობარი უხერხულ მდგომარეობაში რომ ჩააგდო, თითქოს თავი ვასცა, მფენი ლი თავისი სისუსტე გამოამჟღავნა. რაღაც უნდა ეთქვა, ან უფლაქსოქს მდგარიყო, ან მაგდლაზე უნდა დაერთყა მუშტი და თვალებიდან ნაკვერცხლები გადმოეყარა, როგორც იცოდა ხოლმე ადრე, როცა თვალებიდან მართლა ნაკვერცხლები სცვიოდა, მაგრამ დიმიტრი ანგარიშმიუცემლად წამოდგა, თითქოს მის ქცევაში სხვა ჩაერია, ერთს ფიქრობდა და მეორეს აკეთებდა, კარადისკენ წალასლასდა. კარი გამოაღო და დამპყნარი ხელები შიგ დიდხანს აფათურა. ბოლოს გამოძებნა ის ლურჯი შარვალი, თეთრი კიტელიც ორივე მკლავზე გადაიკიდა, კარადის კარი მიხურა და შარვლიანკიტელიანი მკლავი იროდის ცხვირთან მიუტანა.

— ამ ტანსაცმლით კრემლში ვიყავი. ხოლო აქ მიდევს მთავარსარდლის მადლობა, — დიმიტრიმ კიტელის ჯიბიდან ოთხად გაკეცილი ქალღი ამოიღო და იროდის უჩვენა. დიმიტრის თითები უთრთოდა, როცა კიტელის ჯიბიდან „ერთი კაცის მადლობა“ ამოჰქონდა. ნერვიული თრთოლა იროდისაც გადაედო, მისმა თითებმაც დაიწყეს უნებლიე ცეკვა-თამაში.

— ეს მე არ მიმიღია... — დამნაშავესავით თქვა იროდიმ. დიმიტრიმ შარვალი და კიტელი კარადაში შეინახა. კვლავ მაგდლას მიუჯდა. კმაყოფილი სახე ჰქონდა, თითქოს თავისი უნებლიე ქცევით რაღაც მნიშვნელოვანი უთხრა მეგობარს, თითქოს გული მოიოხა.

— ვინმემ ხომ არ გაწყენინა, გულდაღრიანო?

— არა, — თქვა ცივად დიმიტრიმ და ტარანი გაწიწკნა. იროდიმ ღომის დიდ ნაჭერს შეურჭო ჩანგალი და ტყემალში ამოაწო.

— ერთიც დავლიოთ, — თქვა დიმიტრიმ და ჰიქები შეავსო. დიმიტრის სადღეგრძელო არ უთქვამს, ისე გადაჰკრა ბოლო ჰიქა. იროდის გაუკვირდა, მაგრამ მოერიდა და აღარ იკითხა, ვის სადღეგრძელოს სვამდა.

— დავთვერით ჩვენ, დიმიტრი, — თქვა იროდიმ.

— მართალი ხარ, დავთვერით, — გაიცინა დიმიტრიმ.

— ეჰ, ასტრახანში გეყავდეს ვინმე, ტარანს ფუთობით გამოგვიგზავნიდა.

— აბა!.. ხომ არ წავსულიყავით ასტრახანში?

— ასტრახანში კი არა და შინ კი წავალ ახლა, უკვე გვიანია, რომელი საათია?

— ჯერ ადრეა. ასე ადრე რა დაგაწვენს?

— ვიდრე შინ მივხანხალდები, გვიანი იქნება.

იროდი წამოდგა, დიმიტრიმ მეგობარი გააცილა. იროდი, როგორც  
კი აივანზე გამოვიდა, მაშინვე ცას მიაჩერდა და თქვა:

— ხვალაც კარგი დარი იქნება, ღამეშვიდობისა, დიმიტრი.

— ღამეშვიდობისა, იროდი.

— ტკბილ ძილს გისურვებ, გულდადრიანო!

იროდი წავიდა. დიმიტრი ოთახში მარტო დარჩა. მოხუცმა ოთახის კარი მიხურა, სკამზე ჩამოჯდა და ნელ-ნელა ტანთ გაიძრო. ჩაწვა თუ არა, იგრძნო, რომ დაღლილიყო, სინათლე მალე ჩააქრო და კედლისაკენ ვადაბრუნდა. ღვინო ცოტას უღიტიინებდა ძარღვებში. მართლა მთვრალი კი არ იყო. შეზარხოშებულს თუ ეტყოდით. იწვა და მშვიდად სუნთქავდა. მთელი დღე ნარახრახებ ბებერ ძვლებს ასვენებდა. ძილიც მალე მოერია. სად იყო და სად არა, იროდი გამოეცხადა. ვითომ დნებრის პირას იდგნენ ორივენი და ტანთ იხდიდნენ, დნებრში უნდა ებანავათ. იქითა ნაპირზე გერმანელები გამაგრებულყვენენ. დნებრზე ხვალ სამკვდრო-სასიცოცხლო ბრძოლა უნდა გაჩაღებულყო. იროდი და დიმიტრი კი საბანაოდ გამოსულიყვენენ. „იროდის ნაამბობის გამო მესიზმრება ახლა ეს სისულელე“, — ფიქრობდა ძილში დიმიტრი. ამასობაში იროდი მდინარეში ჩახტა. დიმიტრიც მიჰყვა მეგობარს. იროდიმ ერთი-ორჯერ მკლავური მოუსვა, უცებ ჩაყვინთა და ფეხები მალა აღმართა. დიმიტრიმაც იმ ადგილას ჩაყვინთა, სადაც იროდი ჩაყირავდა, ჩაყვინთა და ელდა ეცა. იროდი მის თვალწინ უზარმაზარმა ტარანმა გადაყლაპა. ვითომ მდინარის ფსკერზე ვეშაპვიით ტარანი იწვა, იროდი ჩაყლაპა თუ არა, ტარანი დიმიტრის გამოუდგა. დიმიტრიმ ნაპირისაკენ მოუსვა, მაგრამ ტარანი ფეხებში სწვდა, დიმიტრიმ გაიბრძოლა და ტარანს გაუსხლტა. ტარანმა წყალში კამარა შეჰკრა. დიმიტრიმ პირღია ტარანს წიხლი ჩაახილა, წონასწორობა ველარ დაიცვა და თვითონაც ჩაიძირა. ვიდრე წყლიდან თავს ამოჰყოფდა, ტარანმა მოასწრო და მუცელში შეუვარდა. წყლის ქვეშ სამკვდრო-სასიცოცხლო ბრძოლა გაიმართა. „ვინ დამიჯერებს, რომ ტარანმა ვადამყლაპა“, გაუელვა თავში დიმიტრის, „ყველამ იცის, რომ საბანაოდ წამოვედი... ღმერთო ჩემო, რას იფიქრებენ შტაბში!..“ დიმიტრი ჯარსავით ტრიალებდა, ტარანი ელვის უსწრაფესად თავს ესხმოდა. მოქნილ კუდსა და დანასავით მკრელ ფარფლებს დაუზოგავად სცემდა. მთელი სხეული დაუჟაწრა და დაუფატრა. დიმიტრის ერჩია, ტარანს გამოეშვიგნა, თუნდაც ყელი გამოეჭრა, ოღონდ არ გადაეყლაპა. არავინ, არც შინ — საქართველოში, არც აქ — ფრონტზე, არც ერთი ადამიანი არ დაიჯერებდა, რომ დიმიტრი ფაშისტებს ტყვედ

არ ჩაბარდა და ტარანმა გადაყლაპა. „აფსუს, დიმიტრი ბარკალიაძე“ —  
შესძახა გუნებაში ტარანს და დასისხლიანებული ფრჩხილებით თევზს  
ლაყუჩებში ჩააფრინდა. ტარანმა კინალამ ხახაში მოიჭერა დიმიტრის  
ლაპლაპა თავი, კიდევ კარგი რომ იმარჯვა, უკანასკნელ წამს თევზს  
მუხლი ამოჰკრა და დაუძვრა!..

დაიღალა დიმიტრი, დაიქანცა, სისხლისაგან დაიცალა კაცი და...  
ეს რა ამბავია?! გულმა უმტყუნა, ვერ სუნთქავს, ვერ ინძრევა, „ცხად-  
ში ხომ არ მტკივა გული?“ არა, სიზმარიაო, დაასკვნა. უცებ დნებრი  
ისე ამღვრა, თითქოს ტალახიანი წყალი ჩაასხესო. ტარანი თვალსა  
და ხელს შუა დაეკარგა. ტარანს უკვე აღარც დაგიდევდათ, ტყვიასა-  
ვით იძირებოდა კაცი ამღვრეულ მდინარეში და ერთი ამოსუნთქვა  
მთელ ქვეყანას ერჩია. გული თავწაჭრილ წიწილასავით უფართხა-  
ლებდა და სტკიოდა, სტკიოდა — გული წაიღო ტკივილმა! ტარანმა  
დანასავით მჭრელი ფარფლი თითქოს გულში შეურჭო და თვითონ  
არხეინად გაუდგა გზას. „ცხადში ხომ არ მტკივა გული?“ — კვლავ  
გაიფიქრა დიმიტრიმ, მაგრამ ძილს თავი ვერ გაართვა და ვერ შეამოწ-  
მა, მართლა სტკიოდა თუ არა გული.

დიმიტრი ოპტიმისტი კაცი იყო. არასგზით არ დაიჭვრებდა, რომ  
კვდებოდა. სიზმარში მოჩვენებით სიკვდილსაც კი არ დაიჭვრებდა.  
ქათქათა ქვეშაგებში გულხელდაკრეფილი იწვა და ფიქრობდა: „სიზ-  
მარში მტკივა გული, არაფერია, ახლა გავიღვიძებ და ყველაფერი  
დამთავრდება“... ამ ფიქრში თანდათან ჩამობნელდა, სულ მთლად ჩა-  
მობნელდა და წყვილიადა ჩამოწვა, აღარსად იყო მდინარე, ამღვრეული  
სივრცე, ტარანი, წყალი. იყო მხოლოდ სიბნელე, ვრცელი, უკიდვ-  
განო და უსაზღვრო სიბნელე, აღარსად იყო მიწა, ცა და მინდორი, მთა,  
ვარსკვლავები, ქვა, საგანი. იყო უსაგნო სიცარიელე, ბნელით მოცული  
ცივი შავეთი. როცა დიმიტრიმ ეს უცნაური, ახალი, ჯერ არნახული  
და არგაგონილი ქვეყანა იხილა, რა თქმა უნდა, ესეც სიზმარი ეგონა.  
ღრმად დარწმუნებული, დამშვიდებული მოკვდა, „ახლა გავიღვიძებ-  
ბო“, — უკანასკნელ წამამდე ასე ფიქრობდა.

## ციცერონა

ავტობუსში უამრავი ხალხი იყო. მგზავრებს სუნთქვა უჭირდათ. მძღოლს ფანჯრები ღია ჰქონდა, მაგრამ კაბინაში მაინც ბული იდგა.

ავტობუსი თავისი გზით მიჰქროდა და მთვლემარე მგზავრები მიჰყავდა. გაჩერებაზე უეცრად მეორე ავტობუსმა გადაასწრო, წინ გადაუდგა. მძღოლმა სწრაფად დაამუხრუჭა. მგზავრები კაბინას მიაწყდნენ.

— რა ჯანდაბაა! რა შეჯიბრებაა! — თქვა ერთმა.

— ბეწვზე გადავრჩით, — დასძინა მეორემ.

— დამაცადე, მე შენ გიჩვენებ! — შესძახა სათვალთანმა მოქალაქემ და ავტობუსიდან ჩამოვიდა.

— ციცერონა ჩაერია საქმეში, — გადაულაპარაკა ერთმა ახალგაზრდამ მეორეს და სარკმელში თავი გაჰყო. სათვალთან მოქალაქე მეორე ავტობუსის მძღოლს მიეჭრა და ლანძღვა დაუწყო.

— ნახე ახლა რა უქნას! — გაიცინა ახალგაზრდამ და ამხანაგი სარკმლიდან გაახედა.

— არ იცი ციცერონას ამბავი?.. ფანქარი ამოიღო, იწერს უკვე...

— ვინ ციცერონაა?

— სტადიონზე წესრიგს რომ ამყარებს.

— ვერსად ვერ წახვალ, პასუხი უნდა ავო! მილიცია!.. მილიცია!.. — აყვირდა ციცერონა.

— დაიჭერს და ციხეში ჩასვამს.

მგზავრებმა სიცილი ასტეხეს.

— ხედავ, წინ გადაუდგა, აღარ უშვებს!..

— ხომ გეუბნები, ციხეში ჩასვამს-მეთქი.

ავტობუსებს ტროლეიბუსი მოადგა. ტროლეიბუსის მძღოლი ბევრს ეცადა, მაგრამ ავტობუსები ისე იყო გზაში გახილული, გვერდი ვერ აუარა. ტროლეიბუსმა გზა მთლად ჩაკეტა და მოძრაობა შეჩერდა. ციცერონა ავტობუსს არ უშვებდა, მილიციელს ეძახდა. ავტობუსის მძღოლი გაბრაზებული გადმოხტა კაბინიდან და ციცერონასთან ხელების ქნევით მიიჭრა.

— ხელებს ნუ მიქნევ და წესიერად მელაპარაკე, ამდენი კაცის სე-  
ცოცხლე ვინც შენ განდო, ის არის დასაჭერი! — თქვა ციკერონამ და  
ხალხს გადახედა.

— კაცო, გამიშვი. ხალხი ნუ შეყარე, ნომერი ხომ ჩაიწერე, შეტი  
რა გინდა!

— დაუძახეთ მილიციელს, ხალხი არა ხართ, ამან ასე უნდა იპარ-  
პაშოს... უნდა გვაჯობოს?..

— მოძრაობა გაჩერდა. პასუხს აგებ, იცოდე! — შეუტია ციკერონას  
მძლოლმა.

— ციკერონა ჩხუბობს, ციკერონა! — მოვიდნენ სეირის მოყვარუ-  
ლები.

— გჟეია, ოხერი! — თქვა ბოლოს მძლოლმა.

— გააჭირა საქმე, ვინ არის ეს უსაქმური! — ერთი მოქალაქე აე-  
ტობუსიდან ჩამოვიდა და გზას ფეხით გაუდგა.

— ხალხს შეხედე, კაცო, რა ამბავში ხარ, რა მოხდა ასეთი, გვეჩქა-  
რება, რა დროს ეგ არის ამ სიცხეში, — დაუძახეს ტროლეიბუსიდან.

— რა ამბავია, რა მოხდა? — მოვარდა დაფეთებული მილიციელი.  
ციკერონამ აუხსნა საქმის ვითარება.

— ვინ მოგკათ მოძრაობის გაჩერების უფლება! — გაუჯავრდა ცი-  
კერონას მილიციელი და აეტობუსს ანიშნა, წადიო.

— ხულიგნებს იფარავ, არა! — ციკერონა გაბრაზდა. — მითხარი  
შენი გვარი! — ციკერონამ უბის წიგნაკი მოიმარჯვა. მილიციელმა ყუ-  
რადღება არ მიაქცია და ხალხს მოუწოდა დაეტოვებინათ გამზირი, მან-  
ქანებისთვის გზა მიეცათ.

— ახლა მილიციელს შეუყენებს საქმეს.

— მითხარი შენი გვარი! — არ ეშვებოდა ციკერონა მილიციელს.

— წადი, ახლა, ბიძია, საქმე ნახე! — გააფრთხილა მილიციელმა  
და გზა განაგრძო. ციკერონა ცნობისმოყვარე ხალხით გარშემორტყ-  
მულ მილიციელს მისდევდა.

— ციკერონ. შე ძველო!

— თქვენი გვარი, ამხანაგო მილიციელო! — არ თმობდა ციკერონა.

— მიდი, მიდი! — აქეზებდნენ.

— დაიშალეთ! გეყოფათ ახლა! — დაუცაცხანა მილიციელმა ხალხს.

— თქვენი გვარი, ამხანაგო მილიციელო! — დაეინებით მოითხოვდა  
ციკერონა.

— რა გვარი გინდა, კაცო, შენი!

— თქვენი გვარი მინდა ჩავიწერო!

— ვინა ხარ, რა მოხელე ხარ, ჩემს გვარს რომ იწერ, წადი ახლია სახლში, თორემ განყოფილებაში წაგიყვან! — დაუყვირა მილიციელმა.

— მე წაგიყვან შენ განყოფილებაში! წამობრძანდით!.. *წარქმენულნი*  
მილიციელი გაბრაზდა და ციცერონას გაჰყვია. ციცერონამ *მხუროს* მხროსს წარუდგინა და გამოეჭიმა. მოახსენა, რომ ამ კაცმა ქუჩაში მოძრაობა ხუთი წუთით შეაჩერა და, როცა წესრიგისაკენ მოუწოდა, არ დაემორჩილა, შეურაცხყოფაც კი მიაყენა, უწოდა ხულიგნების მფარველი.

— თავისუფალი ბრძანდებით! — უთხრა უფროსმა მილიციელს და ციცერონას მიუბრუნდა. მილიციელმა ფეხი ფეხს შემოჰკრა, მხედრულად გაიჭიმა, მოტრიალდა და სამოკრივეო დატოვა.

— სად მიდიხარ! არ გაუშვათ, ბატონო უფროსო! მე მასთან მაქვს საქმე! — აწრიალდა ციცერონა, მაგრამ უფროსმა მას ცივად შეხედა და მკაცრად უთხრა:

— თქვენი გვარი!

ციცერონამ საბუთები წინ დაუდო.

— რატომ არღვევთ წესრიგს მოქალაქეებ?! — თქვა უფროსმა, საბუთი აიღო და ქუჩნაღში რაღაც ჩაწერა.

— მე წესრიგს ვიცავდი, ბატონო, თქვენი მილიციელი აღმოჩნდა ხებრე და რევენი, ახლაც ასე ეშმაკურად გაგვიძვრა, განა ეს დასაშვებია? რატომ გაუშვით მილიციელი?

— ვინ მოგცათ უფლება, ლანძლოთ აპარატის მუშაკი? — უცებ უფროსმა მაგიდას ხელი დაჰკრა. — თუ ჰკუთ არ იქნებით, ახლავე ჩაგსვამთ.

— რაო? ასე ექცევით პატიოსან მოქალაქეებს? მე წესრიგისაკენ მოვუწოდებ ხულიგან მძღოლს და ამისათვის უნდა ჩამსვათ? არ მოგცემთ მაგის უფლებას! — უთხრა ციცერონამ თავშეკავებულად.

— ხულიგანი მძღოლი მე არ ვიცი, თქვენ ხუთი წუთით შეაჩერეთ მოძრაობა ქალაქში, მილიციის თანამშრომელს არ დაემორჩილეთ და ხულიგნების მფარველიც კი უწოდეთ, მართალია თუ არა?.. თქვით, მართალია თუ არა?

— მართალია, მაგრამ... — დაიბნა უცებ ციცერონა.

— „მაგრამ“ არ ვიცი! თქვენ თვითონ ამბობთ, რომ დამნაშავეც ხართ, როგორ არა გრცხვენიათ! ამ ხნის კაცი, ჩვენი ერთ-ერთი მოწინავე დაწესებულების მუშაკი ქუჩაში ხულიგნობთ, უნდა გრცხვენოდეთ, მოქალაქეებ! არც ისე ბავშვი ხართ, რომ კარგი და ავი ვერ გაარჩიოთ, ერთი შეხედვით პატიოსანი, წესიერი ადამიანის შთაბეჭ-

დილებას სტოვებთ, ქუჩაში კი ხულიგნობთ... მე ახლა ყველაფერს ანგარიშს ვუწვევ, არ დაგსჯით, მით უფრო თქვენ შემჩნეული, რა ხართ ასეთ მოქმედებაში, დიახ, ყველაფერს ანგარიშს ვუწვევ, ჩვენს სტოვებში გაფრთხილებთ!..

მსხვილულვაშიანი, მხარბეჭიანი მილიციის ლეიტენანტი, ფეხზე წამომდგარი, მტკიცედ და დამაჯერებლად ელაპარაკებოდა ციკერონას, ციკერონა თავდახრილი იდგა და ფიქრობდა: „ნუთუ მართლა დამნაშავე ვარ?“ ლეიტენანტის შექებამ მთლად დააბნია.

— ინებეთ თქვენი საბუთი და წაბრძანდით, მეორეჯერ არ მოგვიიდეთ, სირცხვილია!.. — უთხრა მილიციის ლეიტენანტმა.

ციკერონამ საბუთი გამოართვა და ყურებამდე გაწითლებული გამოვიდა ქუჩაში. მიდიოდა დაბნეული, არეული და სად მიდიოდა, არ იცოდა. ქუჩაში იყო უამრავი ხალხი, ქუჩა სავსე იყო მანქანებით. სიგარეტს ზედიზედ ეწეოდა. ქუჩის მტვერთან ერთად ხარბად ყლაპავდა მწარე ბოლს და მთვრალივით გაოგნებული მიდიოდა. ვერ მიმხვდარიყო, რა დაემართა. „ნუთუ მართლა დამნაშავე ვარ? ნუთუ მართლა ვიხულიგნე?..“

„ვერ მოვიქეცი სწორად. მილიციის უფროსთან უნდა შევსულიყავი, საქმე ბოლომდე ვერ მივიყვანე, ორივესთვის უნდა მეჩივლა. ორივე უნამუსოდ მომექცა, მომატყუეს, გამაბიაბრუეს, დაებრუნდე?..“ შეჩერდა, გაიხედ-გამოიხედა და ისევ განაგრძო გზა. „იქნებ მართლა დამნაშავე ვარ. აბა, კარგად მოვიფიქრო!..“ და ციკერონა თავიდან იწყებდა ფიქრს, იხსენებდა, რაც ამ ორ საათში გადახდა, ზუსტად აღადგენდა დიალოგს: მძღოლმა რა უთხრა, თვითონ რა თქვა, მილიციელს რა უთხრა, ყველა სიტყვას აკვირდებოდა, აანალიზებდა, სულით და გულით უნდოდა თვითონ ყოფილიყო დამნაშავე, ყოფილიყო თუნდაც ხულიგანი, ოღონდ ყოფილიყო, რადგან ახლა უდანაშაულო უფრო შეურაცხყოფილი გრძნობდა თავს. კიდევ კარგი, რომ ნაცნობები არ შეხვდა, არავის არ უნახავს. ციკერონა შეურაცხყოფას ჩუმად ყლაპავდა, როგორც მწარე ცრემლს, მზე საშინლად იკბინებოდა თბილისი მზეში იწვოდა, ქუჩა ხმაურობდა, ქუჩაში ბული იდგა, ქუჩა ხალხით იყო სავსე.

ციკერონა მას სტადიონზე შეარქვეს. ნამდვილი სახელი ვანოა. ვანოს ჰყავს ცოლ-შვილი, უყვარს წყნარი ცხოვრება, მაგრამ ვერ ახერხებს, ვერ ითმენს. ისეთი უმნიშვნელო რამ ააწრიანებს და ააფორიანებს, მერე თვითონ უკვირს. ზოგჯერ გადაწყვეტს ხოლმე, საერთოდ ხმა არ ამოიღოს და ზის თავის სამუშაო ოთახში გაჩუმებული, იქქება ნაწერებში, აჩხაკუნებს საანგარიშოს და სიგარეტს ეწევა, მის ოთახში ზის

ეკონომისტი, მსუქანი კაცი, გამოცდილი მუშაკი, ეკონომისტის გვერ-  
დით ბუხჩალტერი ზის, შუა ხნის ქალი. სიტყვაძუნწი დაკვირვებელი  
ადამიანი, ბუხჩალტრის გვერდით მოლარე, ახალგაზრდა ქალი, მსუქანი  
ლიც თავისი გრძელი ცხვირით იქცევს ყურადღებას. ხელფასის განცემას  
დღეს, როცა მთელი ქარხანა გახარებულია, მხოლოდ ისაა ცხვირჩა-  
მოშვებული. როგორც ყველა მოლარეს, მასაც „ამდენი ფულის“ გაცემა  
აწუხებს.

ვანო მათი უფროსია, ვანოს მაგიდაზე ტელეფონი უდგას, ვანოს  
მაგიდაზე დაწერილი და დახაზული ქაღალდების, ქურნალების, ქვით-  
რების, უწყისების გორაა დახვავებული. ჩაყოფს ცხვირს ყვითელ ქვით-  
რებში და წერს და წერს, აჩხაკუნებს საანგარიშოს. როცა სათვალეს  
დაუწყებს ცხვირსახოცით წმენდას, მაშინ ღელავს.

ამ ოთახში მუდამ სიჩუმეა. ერთადერთი ხმა, რომელსაც აქ გაიგო-  
ნებთ, ჩხაკუნია. მუშაობს ვანო, თავაუღებლად მუშაობს. როცა საქმეებს  
მოისტუმრებს, გაშტერდება და ფიქრობს. ათასნაირი აზრი უტრიალებს  
თავში. ყოველგვარ ატომურ აფეთქებას მტკივნეულად განიცდის, ჩუ-  
მად აგინებს ომის გამჩალებლებს და ნატრობს, ერთი დღე იყოს ამერი-  
კის პრეზიდენტი. განსაკუთრებით აწუხებს საქართველოს ბედი — არ  
ვმრავლდებითო, გადაშენების გზაზე ვდგავართო. გამოანგარიშებული  
აქვს, რამდენი ბავშვი იბადება წელიწადში, რამდენი თვეში და რამდენი  
დღეში. პროექტიცა აქვს შედგენილი იმისთვის, თუ რა არის საჭირო  
„ამ გამოთავყვანებულ ახალგაზრდებს შევავანებინოთ, ერთი შვილი არ  
კმარა“. სწავლობს დაავადებებს — განგრენას და კიბოს, იცნობს ამ და-  
ავადების ყველა მკურნალ ექიმბაშს. ჰგონია, რომ ბოლოს და ბოლოს  
ექიმბაშებმა უნდა იხსნან ადამიანები საშინელი სენისაგან, რადგან ექ-  
იმბაშებს ბუნებასთან აქვთ კავშირი. და ყველაფერს ამას ვერავის უმ-  
ხელს. იცის, რომ დასცინებენ, არ დაუჭერებენ და ამიტომ სიჩუმეს არ-  
ჩევს. ქარხანაში ახლა მას აღარავინ უსმენს, მისი აღარავის სჯერა, სუ-  
ლელი ჰგონიათ. ყველაფერი მისმა მწარე ენამ უქნა, მისმა ჭიუტობამ და  
უხეშობამ. კრებებზე და თათბირებზე, როცა ყველა ერთსა და იმავეს  
ლაპარაკობს, როცა ერთი აზრი შეიქმნება გამოვა და კამათს ატეხს,  
საკუთარ აზრს გამოთქვამს. ზოგჯერ სასაცილოა ეს აზრი, ზოგჯერ  
საყურადღებო. ვანოს კი გულწრფელად სჯერა, რომ ყოველთვის სა-  
ყურადღებოა და ეჩვენება — მუშაობს უსულგულო ადამიანებთან.  
ამიტომ კამათის დროს გაცეცხლდება, აღელდება, იბნევა და სისულე-  
ლეს წამოროშავს. ეს კი ხალხში სიცილს იწვევს. სიცილი მას ახე-  
ლებს და ბრძოლას უცხადებს ყველას. რა თქმა უნდა, ყველას, მთელ



ქარხანას ვანო როგორ მოერევა? გაჩუმება კი არ შეუძლია. მან კარგად იცის, რომ გულგრილობა პროფესიული დაავადებაა და ჰერეტიკულ იზღება ის ბუხჩალტრები, რომლებსაც საანგარიშოს ჩხაკუტის მქრქვეფერი გაეგებათ. ყველა საამქროს, ყველა ბრიგადისა და უბნის საქმეში ერევა, ცოტა რამ იცის, ყველაფერი კი აინტერესებს. უნდა ყველგან თქვას თავისი სიტყვა. და აი, ერთ მშვენიერ დღეს ერთმა საამქროს უფროსმა თქვა: ეს კაცი, მგონია, ცოტას აფრენსო, ბიჭებმა სტადიონიდან ამბავი მოიტანეს, ჩვენს ვანოს ხალხი „ციცერონას“ ეძახისო. ღირექტორიც გადაემტერა, გამოიძახა და მკაცრად უთხრა: თუ გიყი ხარ, შესანიშნავად მოწყობილი საგიყე გვაქვს და წადი საგიყეთშო, თუ ჭკვიანი, ცოტა ენას კბილები დააჭირე, ყოველთვის ვერ მოგიტმენტო. მოკუნტული გამოვიდა ვანო კაბინეტიდან და შეთხლებული თმის ძირებიდან ცერის სიმსხო ოფლის წვეთმა ამოხეთქა.

ვანოს სულ ტყუილუბრალოდ მიაყენეს შეურაცხყოფა. მთელი დღე აწრიალებული დადიოდა ქუჩაში, სულ იმაზე ფიქრობდა, როგორ გადაეხადა ღირექტორისათვის სამაგიერო. ვანოს ღირექტორისა ეშინოდა, ღირექტორი ძლიერი კაცი იყო, მსხვილ შავ თვალებს აბრიალებდა და ტყვიასავით მძიმე მუშტები ჰქონდა. ღირექტორის მთელ ქარხანას ეშინოდა. ორი დღე და ღამე იწვალა, ორი დღე და ღამე ღეჭა სიგარეტი და ბოლოს ხელი ჩაიჭნია. ეჰ, ეს იყო ორი საშინელი დღე მის ცხოვრებაში. და ეს ორი საშინელი დღე იმ კარგმა დღემ მოუტანა, რომლისთვისაც, როგორც თვითონ ამბობდა ხოლმე, „ცხოვრობდა“.

ის დღე სხვაგვარად დღე იყო. სამუშაო საათების შემდეგ მუშები ქარხნის კლუბში შეიკრიბნენ. დარბაზი ხალხით გაიჟედა. პრეზიდენტში ადგილები დაიკავეს ხელმძღვანელმა ამხანაგებმა და მოწინავე მუშებმა, ამოძრავდნენ კორესპონდენტები და მიტინგი პარტიული კომიტეტის მდივანმა გახსნა. სიტყვა აიღო ქარხნის ღირექტორმა და მუშებს გააცნო რუსთაველთა მოწოდება. აღნიშნა, რომ თბილისის ბევრი საწარმო ამ მოწოდებას უკვე გამოეხმაურა. შემდეგ მან ილაპარაკა იმ მიღწევებზე, რაც ქარხანამ მოიპოვა მიმდინარე წელს რვა თვის განმავლობაში

— ამხანაგებო! — თქვა მან, — ჩვენ არ უნდა ჩამოვრჩეთ რუსთაველებს, წლის გეგმა ათ თვეში უნდა შევასრულოთ. ეს არის ჩვენი დაუღებელი და უპირველესი ამოცანა! — პრეზიდენტმა ტაში დაუკრა, დარბაზშიც დაუკრეს ტაში, ვისაც არ ეზარებოდა. სიტყვა მისცეს ქარხნის მოწინავე ხარატს. მან პირობა დადო, რომ ძალ-ღონეს არ დაიშურებდა ამ ამოცანის შესასრულებლად, იმუშავებდა უკეთესად, ვიდრე აქამდე მუშაობდა.

შემდეგ სიტყვით გამოვიდა მეორე საამქროს უფროსი, მანაც მოიწონა დირექტორის აზრი და რუსთაველთა მოწოდებას საამქროს სახელით მხარი დაუჭირა.

ტრიბუნაზე გამოჩნდნენ მართლა კარგი ბიჭები. ვანო ყველაზე ვარულით შესცქეროდა. პირველ რიგში იჭდა და თვალყურს ადევნებდა, როგორ წვალობდნენ ფოტოკორესპონდენტები ყოველი კადრის გადაღებისას. „რა არის ახლა ამათი ცხოვრება? მთელი სიცოცხლე ჭუჭრუტანიდან უნდა უყურონ ადამიანებს,“ — გაიფიქრა ვანომ. ტრიბუნაზე ერთმანეთს ცვლიდნენ ქარხნის მოწინავე მუშები და ყველა ერთხმად ლაპარაკობდა, რომ გეგმას ათ თვეში შეასრულებდნენ. უეცრად ვანომ სიტყვა ითხოვა. პარტიული კომიტეტის მდივანმა დირექტორს გადახედა. დირექტორმა თავი გადააქნია. მდივანმა სხვას მისცა სიტყვა. ვანომ კვლავ ითხოვა სიტყვა. პარტიული კომიტეტის მდივანმა ყურადღება არ მიაქცია.

— სიტყვის თქმის უფლებას რატომ არ მაძლევთ! — დაიძახა ადგილიდან ვანომ.

— მიეცი სიტყვა, მიეცი, თორემ უარესია, ხომ იცი მაგისი ამბავი! — უჩურჩულა დირექტორმა პარტიული კომიტეტის მდივანს.

ვანო ტრიბუნაზე ავიდა. დარბაზი გამოცოცხლდა.

— ძვირფასებო! — დაიწყო ვანომ, — მე არ ვაპირებდი გამოსვლას, მაგრამ დღევანდელი ჩვენი შეკრება არ არის ადგილობრივი მნიშვნელობის მოვლენა, ჩვენ დღეს აქ გვესწრებიან ხელმძღვანელი ამბანაგები, ბლომად არიან ჟურნალისტებიც. ხვალ მთელ ჩვენს რესპუბლიკას მოეფინება ცნობა, რომ ჩვენ წლის გეგმას შევასრულებთ ათ თვეში. ეს სიცრუეა!

დარბაზში სიცილმა იფეთქა.

— ეს კაცი ცოტა შერევილია, — გადაულაპარაკა დირექტორმა რაიკომის წარმომადგენელს.

— ვაჭყუებთ ხალხს, მთვარობას და ჩვენს თავს. ამის უფლებას არავენ მოგვეცემს.

— ციცერონ, მიდი! — დაუძახა ბოლო რიგებიდან ვილაყამ.

დირექტორმა ხმამაღლა გაიცინა, რათა ამ რეპლიკისათვის ხაზი გაესვა.

— რაო, რაო? — იკითხა რაიკომის წარმომადგენელმა.

— ციცერონას ეძახიან ამ საწყალს, — უთხრა დირექტორმა და გააგებინა რაიკომის წარმომადგენელს, რომ თრატორი ნამდვილად დაუღაგებელი ჭკუა-გონების კაცი იყო.

— დაწყნარდით, ძვირფასებო! — მოუმატა ხმას ვანომ, — რას ვაძიებ სასაცილოს, ავიხსნით, რატომ არის ყველაფერი ეს სიცხვე უბრალო გაუგებრობაა, თქვენ ყველამ კარგად იცით, რომ ჩვენი ქარხანა დაქუც კიდებულია სხვა ქარხანაზე. თუ იმ ქარხანამ ნედლეული არ მოგვცა, გეგმას როგორღა შევასრულებთ?.. პარტიული კომიტეტის მდივანმა ზარი დააწკარუნა და ფეხზე წამოდგა.

— საქმეზე ილაპარაკეთ! რატომ არ უნდა მოგვცეს ნედლეული, როდის არ გვაძლევდა?

— ბოდიშს ვიხდი, — დაიბნა ვანო, — შეიძლება მე სწორად ვერ გამოვთქვი, „ნედლეული არ მოგვცა კი არა, საჭირო რაოდენობით ვერ მოგვცა...“ მე ვიცი, იმ ქარხანას ამჟამად ცული მაჩვენებლები აქვს, გეგმას ვერ ასრულებს, თუ მან გეგმა ვერ შეასრულა, ჩვენც ვერ შევასრულებთ, რაც უნდა მოვინდომოთ, რამდენიც უნდა ვილაპარაკოთ, წყლის ნაყვა გამოგვივა.

— ჩვენზე რაცაა დამოკიდებული, ის უნდა გავაკეთოთ, ვანო! სხვის გეგმას შენ ვინ ვთხოვს, სხვისი გეგმა კი არა, შენი ორი უწყისისთვის ვერ მოგივლია! — დაუძახა ადგილიდან დირექტორმა და გაიცინა, რაიკომის წარმომადგენელმაც გაიცინა.

— ეს უკვე სხვა არის, ბატონო! — განაგრძო ვანომ, — ჩვენზე რაც არის დამოკიდებული კი არა, მიტინგი ისე წარიმართა, მეგონა, გამოვიდოდით ამ შენობიდან, შევიდოდით საამქროებში და გეგმა შესრულებული დაგვხვდებოდა.

— თქვენ როგორ ფიქრობთ, არ უნდა ჩაგვეტარებინა მიტინგი? — შეეკამათა პრეზიდენტის ერთ-ერთი წევრი.

— არ უნდა ჩაგვეტარებინა! — თქვა ვანომ და ტრიბუნიდან ჩამოვიდა.

დარბაზში სიცილ-ხარხარი გრძელდებოდა. იცინოდნენ პრეზიდენტის წევრებიც.

პარტიული კომიტეტის მდივანმა მიტინგი დახურულად გამოაცხადა.

ვანო კმაყოფილი წავიდა სახლში. მან თქვა ის, რაც აწუხებდა, სიმართლე თქვა და ამით გახარებული იყო. მხოლოდ ერთი რამ ვერ აეხსნა, ერთი რამ ვერ გაეგო: მან იცოდა, რატომ გაწიწმატდა პარტიული კომიტეტის მდივანი, გასაგები იყო, რატომ იცინოდა ქარხნის დირექტორიც, მაგრამ ხალხი? ხალხი რატომ იცინოდა, ეს მისთვის დღესაც გაუგებარია. მას დასცინოდნენ თუ ქარხნის დირექტორს? თუ ისე იცინოდნენ, დროის მოსაკლავად? თვალწინ ედგა მოხარხარე დარბაზი და თავსატეხი ამოცანა — რატომ ხარხარებდნენ! როცა ამაზე ფიქრობდა,

მას სათვალე ხელში ეჭირა, დააორთქლებდა და წმენდდა —  
ლავდა.

ასევე გაუგებარი იყო მისთვის, რატომ ეძახდნენ ციციოტყევეს არც ის ახსოვდა, ვინ დაუძახა პირველად და რატომ დაუძახა მოილაპარაკესო, თითქოს შეთქმულება მოუწყვესო, ერთად დაუძახეს ახალგაზრდებმა: „ცი-ცე-რონი! ცი-ცე-რონი!..“

ვანო ადრე სტადიონზე არ დადიოდა. თბილისში ტელევიზორი რომ ამუშავდა, ერთი ორჯერ უნებლიეთ უყურა ფეხბურთის მატჩის რეპორტაჟს, მოეწონა, აღეგზნო, რაღაც უცნაური ვნებით განიმსჭვალა და გადაწყვიტა სტადიონზე წასვლა. დაესწრო ერთ მატჩს, მეორეს, მესამეს და თბილისის დინამოს ნამდვილი გულშემმატივარი გახდა. დაიწყო აზრების გამოთქმა, ყველა მოთამაშეზე საკუთარი შეხედულება ჩამოუყალიბდა. ერთ მშვენიერ დღეს, მატჩის დამთავრების შემდეგ, შინ არ წავიდა, სტადიონის ეზოში დიდი დაფის წინ თავმოყრილ გულშემმატიკვირებში შეერია.

— რას ამბობ, კაცო! ყველაზე უკეთესი ფეხბურთელი მინდაქა,— თქვა ვანომ. გულშემმატიკვირებმა ერთმანეთს გადახედეს, ყველა მათგანი აღიარებდა, რომ ყველაზე უკეთესი ფეხბურთელი შოთაძე იყო და აი, გამოჩნდა კაცი, რომელმაც გაბედა და სხვა მიიჩნია კარგ ფეხბურთელად. ატყდა კამათი, როგორც ხდება ხოლმე, გულშემმატიკვირები ერთმანეთს ლაპარაკს არ აცლიდნენ და ყველა ერთად უმტიციცებდა ვანოს, რომ შოთაძე უკეთესი ფეხბურთელი იყო არა მატრო საქართველოში, არამედ საბჭოთა კავშირშიც. ისინი იშველიებდნენ ცნობილი ფეხბურთელების, სპორტული მიმომხილველების, უცხოელი ფეხბურთელებისა და მწვრთნელების აზრებს შოთაძეზე.

გვიან საღამომდე გრძელდებოდა ყაყანი. დაღლილ-დაქანცული, მშვიერი, თავატიკიებული დაბრუნდა ვანო სახლში. ძილის წინ კვლავ დიდხანს ფიქრობდა შოთაძესა და მინდაძეზე. ყველა გულშემმატიკვირის ნათქვამს ანგარიშს უწყევდა. მაგრამ კვლავ გულწრფელად სჯეროდა, რომ მინდაძე უკეთესი ფეხბურთელი იყო. გულშემმატიკვირებთან კამათიდან ერთი დასკვნა მაინც გააკეთა: არ ჰქონდა სათანადო მომზადება სპორტულ ლიტერატურაში და შეუდგა ნაკლოვანების გამოსწორებას. მის მაგიდაზე დახვავებული უწყისებისა და ყვითელი ქვითრების გვერდით გაჩნდა ჟურნალ-გაზეთები: „ფუტბოლი“, „ლელო“, „სოვეტსკი სპორტი“, „ფიზკულტურა და სპორტი“. სულ მალე ვანო არც ერთ გულშემმატიკვიარს არ ჩამოუყარდებოდა სპორტული ლიტერატურის ცოდნაში, ახლა უფრო დაჭერებულად და მტიციედ ელა-

პარაკებოდა მათ. ვანოს გამოჩენა და გაათრეული კამათის ატეხა ერთი იყო. ვანო ყველას ეკამათებოდა, ეწინააღმდეგებოდა და აი, ერთ დღეს ერთმა გაწინააღმდეგებულმა გულშემატკივარმა, რომელიც ეწინააღმდეგებოდა მოუხერხა ვანოს, როცა სასტიკად დამარცხდა, გამწვანებულმა კაცი, მგონი, გადარეულიყო.

გულშემატკივარი ორგვარია: აქტიური და პასიური. ერთნი ხშირად კამათობენ, გულდინჯად გიმტკიცებენ, გაჯერებენ. მეორენი ჩუმად დგანან და მხოლოდ უსმენენ, აზრის გამოთქმისა ეშინიათ, სამაგიეროდ რომელიმე გულშემატკივარს ამოიჩემებენ და აქეზებენ სხვების წინააღმდეგ. ასეთმა გულშემატკივარმა ერთხელ თქვა: „ყველაფრის მცოდნე მოდის, ციცერონი მოდის, ახლა ყველას გაგაჩუმებთ“, — მოდიოდა ვანო. გულშემატკივრებს სიტყვა „ციცერონი“ მოეწონათ. ბოლო შეუცვალეს და ვანოს „ციცერონა“ შეარქვეს. შეარქვეს და მისი სახელი გულშემატკივრებში დაეცა, ნელ-ნელა მათ თვალში ვანო დადებლდა, დადებლდა და ბოლოს სულ არაფრად თვლიდნენ. უკვე აღარ უსმენდნენ, არც ეკამათებოდნენ, თუ უსმენდნენ, მხოლოდ ცნობისმოყვარენი, რომლებსაც აინტერესებდათ ვინ იყო ის კაცი, სტადიონზე „ციცერონას“ რომ ეძახდნენ.

ბევრი სიამოვნება განუცდია ვანოს სტადიონზე და ბევრი სიმწარეც უგემია. ამიერიდან კი ფეხს არ შედგამს, ფეხს არ შედგამს იმიტომ, რომ იქ ბევრი ხალხია, ჭრელი ხალხია.

ისეთი კარგი დარი იდგა თბილისში, ისე სახეიმიოდ იყო გამოწყობილი ქალაქი, კაცს შინ რა გააჩერებდა. ადგა და წავიდა სტადიონზე, ბილეთიც ჰქონდა, კარგ გუნებაზეც იყო, რატომ უნდა მჯდარიყო შინ? ცოლმა კი უთხრა: — კვირა დღეა, დაისვენე, აგერ ტელევიზორი ჩავართოთ და ვუყუროთო. არ დაუჯერა, ორი საათით ადრე წავიდა.

სტადიონის ტრიბუნები გაჭედილი იყო. კართან ცხენოსანი მილიცია იცავდა წესრიგს, მოდიოდა ზღვა ხალხი, როცა გულშემატკივრებს ბილეთის შოვნის იმედი საბოლოოდ დაეკარგათ, მიაშურეს მთას, რომელიც ჩვენს სტადიონს თავზე ადგას. მთის ფერდობებიც ხალხით აივსო. მსაჯმა მისცა ნიშანი და დაიწყო დიდი ფეხბურთი. ორმოცდაათიათასი კაცი და თერთმეტი ჩვენი ფეხბურთელი ერთი აზრით იყო გამსჭვალული, რადაც უნდა დასჯდომოდათ, მოეგოთ. რა თქმა უნდა, ვანოსაც ეს უნდოდა, მაგრამ უწესრიგობას ვერ ითმენდა და ბუზღუნებდა, ლანძღავდა იმ ფეხბურთელს, ვინც უხეშად მოიქცეოდა—ჩვენი ფეხბურთელი იქნებოდა თუ მოწინააღმდეგისა. ხმაური, ყვირილი, სტვენა მას არ უყვარდა, თავისთვის, ჩუმად ილანძღებოდა. ნერვები ეშლებოდა, როცა

ვინმე მსაჯს დაუწყებდა გინებას, ანდა მწვრთნელის ტაქტურ მოხა-  
ხაზე ხმამაღლა მსჯელობდა.

უეცრად მთელმა სტადიონმა დაიგმინა. თამაში ცენტრის ნიშნულს  
წყო. ვანომ სათვალე მოიხსნა, დააორთქლა და გაწმინდა. სიგარეტს  
მოუკიდა და მოქაჩა. მთელმა სტადიონმა დაიწყო სიგარეტის ბოლით  
სუნთქვა.

— გლახათაა საქმე! — თქვა ერთმა.

— არა, უნდა მოვიგოთ! — თქვა მეორემ.

— ღმერთმა იმედი ნუ მოგიშალოთ, ოცი წუთი დარჩა! — თქვა  
მესამემ.

ვანომაც დახედა საათს, ჩვენები მოწინააღმდეგეს ავიწროებდნენ.  
ზედიზედ სამი კუთხური ჩამოაწოდეს, მაგრამ არა და არ შევიდა ბურ-  
თი. „უპ, უნდა დაერთყა!“ — ვანო შეხტა ადგილზე. „იქიდან დარტყმა  
არ შეიძლებოდა“, — გაუსწორა უკანა რიგში ვიდაცამ.

ორმოცდაათი ათასი კაცი დაძაბული, გარინდებული შესცქეროდა  
საინტერესო ორთაბრძოლას. ასი ათასი ბრძოლის უინით აღსავეს თვა-  
ლი გაფაციცებით დასდევდა ერთ ბურთს; ორმოცდაათი ათასი გული  
ერთ დიდ გულად ქვეულოყო და გასკდომამდე ფეთქავდა.

ბურთი საჯარიმო მოედანზე ჩააწოდეს, ერთი მოთამაშე დაეცა და...  
ის ერთი გული გადაიქცა ვეებერთელა ხახად, რომელმაც ამოუშვა  
საზარელი ღრიალი. მსაჯმა მისცა ნიშანი, მაგრამ თერთმეტმეტრიანი  
არ დანიშნა, ჩვეულებრივი საჯარიმო დანიშნა. ხალხი ფეხზე წამო-  
ცვივდა, ატყდა სტვენა, ყვირილი, მუშტების ქნევა, გინება. მსაჯმა  
ხალხს ყურადღება არ მიაქცია და მატჩი განაგრძო. ხალხი აღარ დაწ-  
ყნარდა, მთელი სტადიონი ხმის ჩახლეჩამდე გაჰყვიროდა და მსაჯს  
ემუქრებოდა. ტრიბუნებიდან ბოთლები ისროლეს. საქმეში მილიცია  
ჩაერია. გამაყრუებელი სტვენითა და კივილით გაგრძელდა ასპარე-  
ზობა. სტადიონზე მხოლოდ ვანო იჯდა გაჩუმებული, ყურები დაეცო  
და თამაშს გაფაციცებით ადევნებდა თვალს. ნერვიულობისაგან ადა-  
მიანებს ყბები მოქცეოდათ. ტრიბუნები საზარელი სანახავი იყო. ვა-  
ნოს გვერდით ერთ ახალგაზრდას ორივე ხელი წინ გამოეშვირა და  
უწმაწურად ივინებოდა. „არ იყო თერთმეტმეტრიანი, ტყუილბრა-  
ლოდ ყვირის ეს ხალხი“. — რამდენიმეჯერ თქვა ვანომ, მაგრამ მისი  
ხმა არავის ესმოდა. მაშინ ვანო ფეხზე წამოდგა და ხელაღმართულ  
ახალგაზრდას ყურში ჩასძახა: „არ იყო თერთმეტმეტრიანი, რა გააჭი-  
რეთ საქმე, დაჯექით!“

ახალგაზრდამ თვალები გაღმოქაჩა.



— არ იყო, ნახე, შენ რა თქვა? ამისთანებია საქმეს რომ გვიფუ-  
ჭებენ!

— ჩააფარე და გაჩუმდება!.. — იქუხა ვილაცამ უკანმოკლესი

— არ გეთანხმებით, არა ხართ მართალი! — არ დათმო ვანომ,  
უკან მიბრუნდა ბიჭებთან საკამათოდ.

დატრიალდა, მაგრამ რა დატრიალდა! მოხვდა მუშტი ცხვირში,  
შუბლში, ვილაცამ კისერშიც კი დაჰკრა და მერე აღარაფერი ახსოვს...  
დაბნელდა, თითქოს უკუნეთი დაემხო თავზე...

როცა გამოფხიზლდა, ის უკვე საღლაც ოთახში იწვა და სახეს უბ-  
გევდნენ.

— ვინ გაართყა ნეტავ ამას ხელი, — თქვა ერთმა, — ეს ზომ ციცი-  
რონაა...

— ალბათ ვერ იცნეს ბიჭებმა, თორემ არა სცემდნენ, — თქვა მეო-  
რემ.

— ალბათ.

— საწყალი, კიდევ ვერ მოვიდა გონს...

ერთი თვე იწვა ვანო. ადგა თუ არა, მტკიცედ გადაწყვიტა — შური  
ეძია. სტადიონის ხელმძღვანელობასთან მივიდა და უთხრა, რომ დიდი  
სურვილი ჰქონდა დახმარებოდა მათ წესრიგის დაცვაში, ვანოს მკლავ-  
ზე წითელი ბაფთა შეაბნის და სხვებთან ერთად შეუდგა საქმეს.  
შავ დღეს აყრიდა გულშემატკივრებს, კიბეებზე არც ერთ მათგანს არ  
აჩერებდა, როგორც კი მცირე უწესიერობას შეამჩნევდა, იმ წამსვე იქ  
გაჩნდებოდა. ძალ-ღონეს არ ზოგავდა, რათა არ განმეორებულიყო  
ის საშინელება, რაც ერთხელ მას გადახდა. პირველი მატჩი ჩინებუ-  
ლად ჩატარდა, მის ტრიბუნაზე სანიმუშო წესრიგი იყო.

მეორე მატჩზე ცოტა დაავიანდა, ახალგაზრდებს მოესწროთ და  
კიბეებზე ადგილები დაეკავებინათ. ვანო მარტო ვერაფერს გახდა.  
ერთმა ლაზლიანდარა ბიჭმა იცნო და მასხარაობა დაუწყო. ვილაცამ  
შორიდან დაუძახა: „ციცერონა, როგორ ხარ!..“ „ფუ, დღეს აქ ბევრი  
ნაცნობია“, — გაიფიქრა ვანომ და ცუდ გუნებაზე დადგა, მაგრამ არ  
შეიმჩნია.

— ადექით! კიბე გაათავისუფლეთ! გეყოფათ! — თქვა მან ხმაბაღლა.

— ცოლს გაფიცებ, ციცერონო, გაჩუმდი ახლა!

ვანო გაბრაზდა და მილიციელი მოიყვანა. ბიჭებმა ხმაურით და-  
ტოვეს კიბე და ტრიბუნის ერთ კუთხეში თავი მოიყარეს.

— რა კარგად ვიჭექით, — თქვა ერთმა.

— მაგას თუ სერი არ ვუყავი, ბიჭი არ ვიყო! — თქვა მეორემ.

— ნახე, როგორ დადის, გენერალ-გუბერნატორი გეგონება...  
თქვა მესამემ.  
— მოდი, ყველამ ერთად დავუძახოთ: „ციცერონ, ციციკონს ულნი  
გაეყდება.“

ბიჭებმა ერთხმად შესძახეს: „ცი-ცე-რონი!.. ცი-ცე-რონი!..“ ვანო შეხ-  
ტა, ასე ჭგუფურად! ასე ხმამაღლა! ეს უკვე თავხედობა იყო. გადაწყვი-  
ტა, ავარდნილიყო კიბეზე, მისულიყო ახალგაზრდებთან და მაგრად გა-  
მოელანძლა, ყურებამდე გაწითლებული, გაშეშებული იდგა და ფიქრო-  
ბდა, როგორ მოქცეულიყო, მისულიყო თუ არა. უეცრად სხვა მხრიდან  
შემოესმა: „ცი-ცე-რონი!.. ცი-ცე-რონი!..“ ვანომ იქით გაიხედა, ისხდნენ  
და ლაზლანდარობდნენ, ლლიცინობდნენ, მათში დარბაისელი ხალხიც  
ერია. ახალგაზრდების ის ჭგუფი, რომელიც მან კიბეებიდან აყარა,  
სხვებს სწრაფად გამოეხმაურა: „ცი-ცე-რონი!.. ცი-ცე-რონი!..“ მათ ახლა  
სამხრეთ ტრიბუნა შეეხმიანა, შემდეგ დასავლეთი, შემდეგ პარტერი  
და მთელი სტადიონი აყვირდა: „ცი-ცე-რონი!..“ ზოგი არ იცნობ-  
და ვანოს. ერთმანეთს ეკითხებოდნენ, ვინ იყო ციცერონა, როცა  
გაიგებდა, მერე აჰყვებოდა ხალხს. ზოგმა არ იცოდა, რატომ აყვირდა  
აღმოსავლეთი ტრიბუნა. ზოგს საერთოდ არ გაეგონა ციცერონის სა-  
ხელი და ალბათ ციციკონის ანალოგიით ფრინველი ეგონა, მაგრამ მაინც  
გაჰკიოდა. ვიღაცამ თქვა: „ციცერონა“ თარსიაო. ეს ვერსია სწრაფად  
გავრცელდა და ზოგი ამიტომაც ყვიროდა. ბევრი, რა თქმა უნდა, თავს  
იკავებდა და მხოლოდ ეცინებოდა. ტრიბუნები თითქოს ერთმანეთს  
ეჯიბრებოდნენ. რიტმულად, სწრაფად და ხმამაღლა გაჰკიოდნენ ცი-  
ცერონს...

ვანო კიბეზე ჩამომჯდარიყო, თავი მხრებში ჩაერგო და კიბის სა-  
ფეხურს დაშტერებოდა. იგი გრძნობდა, რომ მას შეჰყურებდნენ და  
იცინოდნენ. ახლა ყველაზე კარგი გამოსავალი იყო, დაეტოვებინა სტა-  
დიონი. „ახლა წავალ... ახლა წავალ“, ფიქრობდა ვანო. როგორც კი  
წასვლას გულში გაივლებდა, რომელიღაც ტრიბუნებიდან ხმაშეწყობი-  
ლად, თითქოს საგანგებოდ მომზადებულანო, გაისმოდა: ცი-ცე-რონი!..  
ცი-რონი!..

ასეთი რა დააშავა? ხვალ მთელ ქალაქს ეცოდინება ეს ამბავი,  
იქნებ მისმა ცოლმაც გაიგოს, იქნება მისმა ბავშვებმაც გაიგონ, რა  
უთხრას მათ, რა უთხრას მეზობლებს, ნათესაებს, რა თქვას სამსა-  
ხურში. ვანო მოკლეს! სტადიონის კიბეზე მოკლეს სასტიკად და დაუნ-  
ლობლად! თავი მხრებში ჩაურგავს, ისე ღრმად ჩაურგავს, რომ



გერ ამჩნევს, რა სასაცილოდ ზის. მის ახლოს მსხდომთ ამიტომაც  
ეცინებათ. ცი-ცი-რონი!.. ცი-ცი-რონი!.. მოესმის ტრიბუნებზედაც  
უცებ მრწინააღმდეგემ დინამოს კარს სახიფათოდ შეუტეოთ  
გაიტრუნა. ვანომ ოდნავ თავი ასწია და მოედანს გახედა. მსაჯმა ჩვენს  
კარში საჯარიმო დანიშნა. „ახლა კი შეიძლება გაქცევა“, — გაიფიქ-  
რა ვანომ და წამოდგა. ბურთი ძელს მოხვდა, მოთამაშეები ერთმანეთ-  
ში აირივნენ, მსაჯმა კვლავ მისცა ნიშანი და თამაში გააჩერა. „მეე...  
სუღია“!.. — გაისმა სიჩუმეში მთელ სტადიონზე. ვანოსთვის არავის  
ეცალა. ყურებამდე გაწითლებულმა კიბეებსა და შესასვლელთან შეჯ-  
გუფულ ხალხში გზა ძლივს გაიკვლია, ქუჩაში რომ გამოვიდა, სათ-  
ვალე მოიხსნა, დაორთქლა და გაწმინდა.

ვანო სტადიონზე არ იყო, მაგრამ ციციერონას კვლავ გაიძახოდნენ.  
არ აინტერესებდათ, ვის ეძახდნენ, რატომ ეძახდნენ, ტყუილუბრალოდ,  
დროის მოსაკლავად, სახუმაროდ ქილიკობდნენ, ვანო კი გულზე  
ციცხლმოკიდებული წავიდა შინ. ცოცხალ-მკვდარი დაეგდო ტახტზე  
და მთელი ღამე ციციერონაზე ფიქრში თეთრად გაათენა.

ვანო სტადიონზე ფეხს არ შედგამს, საერთოდ ქუჩაშიც ჩუმად  
ივლის, ხმას არ ამოიღებს, სამსახურიც უნდა მიატოვოს, სადმე სხვა-  
გან იშოვის სამუშაოს. ღირექტორი რომ გადაგვიკიდება, საქმე გათა-  
ვებულია, მერე ისეთი ღირექტორი, რომელსაც მთელ რესპუბლიკაში  
იცნობენ. მარტო ღირექტორი რომ უყურებდეს ცუდი თვალით, კიდევ  
არა უშავს. მთელი ქარხანა როცა ეჭვით გიყურებს, როცა თანამშრომ-  
ლები შეგხედავენ და სიცილის გუნებაზე დგებიან, უნდა წახვიდე, აბა,  
რა უნდა ქნა!.. — გადაწყვიტა ვანომ, გადაწყვიტა და გული ეტკინა.

ვანო ოთახში მარტო იწვა. კარი მოეხურა და სიჩუმეში აბოლებდა.  
მეორე ოთახში ფანჯარასთან იჯდა ვანოს მეუღლე — ნინო, იგი  
ჩუმად, გულსაკლავად ტიროდა. ცდილობდა, ცრემლი დაემალა, მაგრამ  
ვერ მაღავდა.

შაბათი საღამო იყო, შემოდგომის გრილი საღამო, გარეთ ქალაქი  
ხმაურობდა. ვანო სანაპიროზე ცხოვრობდა, მისი ფანჯრიდან მოჩანდა  
მეშახტის სახლი და ფუნეკულიორი. ბავშვები ეზოში თამაშობდნენ.  
ვანოს ესმოდა მათი მხიარული ყრიაშული. ამ ეზოში მთელი ქუჩის  
ბავშვები იყრიდნენ თავს. ყოველ შაბათს და კვირას ყურთასმენა არ  
იყო: ბურთს თამაშობდნენ, დაქროლებდნენ სათამაშო ავტომანქანებს,



ველოსიპედებს, გორგოლაკებს, თეთსაგორებლებს, დარბოდნენ თავ-  
აწყვეტილად, ხტოდნენ, ყვიროდნენ, კიოდნენ, ერთმანეთს უდგებოდნენ,  
ენხუბებოდნენ. გვიან სალამოს აივანებზე დედები გადმოდგნენ და  
ენენ და ეძახდნენ „არდასაცალუბელ“ შვილებს „ადამიანის სიტყვა რომ  
არ ესმოდათ“.

ვანოს უნდოდა დაეძახა ბავშვებისათვის, წადით, იქით ითამა-  
შეთო, მაგრამ ადგომა უჭირდა. გარეთ გახურებული ბურთაობა იყო,  
უეცრად შემოესმა: „გელა! მომაწოდე!.. ხომ გითხარი, წაგართმევენ-  
მეთქი... უ, შე, მართლა ციცერონა, შენა!“

გელა მისი უმცროსი ვაჟი იყო. გამოხობებული მამამისიაო, ამ-  
ბობდნენ მასზე მეზობლები. ვანოსაც გელა ყველა შვილს ერჩია.

მასში თავისთავს ხედავდა. გელა მოძრავი, ცოცხალი ბავშვი იყო.  
როცა გელა ეზოში ბურთის თამაშს დაიწყებდა, პიუპიოიანი მამაკა-  
ცები აივანზე სკამს გამოიტანდნენ და უყურებდნენ როგორც ნამდ-  
ვილ ფეხბურთელს. გელას მთელი ეზო იცნობდა, მას „ციცერონა“  
დაუძახეს... ვანო ფეხზე წამოიჭრა, კარები მოაჯახუნა და ეზოში გა-  
ვარდა.

— მოდი აქ, ბიჭო, შენ! — დაუძახა ვანომ გელას. ბურთი გააჩერეს.

— ვინ დაგიძახა ციცერონა?! — ჰკითხა ხმამაღლა და ბავშვებს გა-  
დახედა.

— რა ვიცი... ბიჭები „ციცერონას“ მეძახიან.

— ვინ დაგიძახა, მე შენ გეკითხები! — ვანომ თითოთ ნიკაბი აუწია,  
გელამ იცოდა, რომ ეს კარგი ნიშანი არ იყო და თავი ჩაქინდრა.

— რატომ დაგიძახა, არც ის იცი? — უფრო აუწია ხმას ვანომ.

— ბურთი არ მივაწოდე და იმიტომ... —

— რატომ არ მიაწოდე მერე ბურთი, რატომ?! —

ვანომ ბავშვს ლოყაში სილა გააწნა.

ნინომ ყველაფერი ეს ფანჯრიდან დაინახა. გოცბებული გამოვარ-  
და ეზოში და ატირებული ბავშვი გულში ჩაიკრა, მოეფერა, ქმარი კი  
მიაწყევლა.

— რატომ არ გაგიხმება ის ხელი!.. რატომ დროზე არ ვნახავთ შენს  
კუბოს, რომ დიდმა და პატარამ დაისვენოს!.. წამოდი, შვილო, სახლში,  
ნუ ტირი, შენ შემოგვევლე... —

იმ სალამოს ვანოსთვის არც ცოლს და არც შვილებს ხმა არ გაუ-  
ციათ. მტრებივით უბღვერდნენ ერთმანეთს.

ვანო თავის ოთახში მარტო დაწვა. ნინო ბავშვებს კრუხივით ეფოფ-  
რებოდა და მწარე-მწარე სიტყვებს ვანოს გასაგონად ამბობდა.

გვიან დაიძინეს. ვანოს არ ეძინებოდა, გატრუნული იწვა ლოჯინში და ფიქრობდა.

გარეთ შემოდგომის გრილი საღამო იყო. ცივი ნიავს ქუთუნი მუქვამ რამ ეს იყო სასიამოვნო, მაცოცხლებელი სიგრილე. სანაპიროზე დაქროდნენ ავტომანქანები, ჩელუსკინელების ხიდზე ტრამვაის წითელი რონოდები მიგრიალებდნენ. ქალაქი ცხოვრობდა ჯანსაღი სიცოცხლით, ფართოდ გაღებული ელექტრონის თვალებით შესცქეროდა ცას და ძილს არ აპირებდა. არც ვანოს ეძინა. არც ვანო ემორჩილებოდა ღამის ჯადოს. მისი სხეულიც თითქოს ქალაქივით დაელექტრონებულიყო, თითქოს სხეულიდან ყველა ნერვს წვერი გარეთ გამოეყო, რათა ტკივილით სული ამოეხადათ.

უცებ ქუჩიდან ხმაური შემოესმა, ხმაურს კივილი მოჰყვა. ვანო ფანჯარას მიუახლოვდა და გაიხედა. სანაპიროზე ხალხი ერთგან შეგჯუფებულიყო, მტკვარს გაჰყურებდნენ.

— უშველეთ! ქალი გადავარდა მტკვარში! ახლა, ამ წუთას გადავარდა, ჩემი თვალით ვნახე, — გაჰკიოდა მოხუცი.

ვანომ კოსტუმს დაავლო ხელი, ტიტველი ფეხი ფლოსტებში წაჰყო, ცოლ-შვილი არ გავლვიძოო, ფეხაკრეფით გავიდა ოთახიდან და ნახევრადშიშველი სანაპიროზე მორიალე ხალხს შეერია, შეგჯუფული ხალხი გაარღვია და მოაჯირთან გაჩნდა. ხალხი მას შესცქეროდა, მან კი მოულოდნელად შიში იგრძნო. მტკვარი ადიდებული მოეჩვენა, ბავშვობაში კარგად ცურავდა, მტკვარი არაერთხელ გადაუცურავს. „უშველეთ! უშველეთ!“ — კვლავ შეჰკიოდა მოხუცი ქალი სართულებს, ერთი ხნიერი კაცი მანქანაში ჩაჯდა და ვილაციის დასაძახებლად წავიდა. ვანო დააკვირდა მდინარეს, შეამჩნია თუ არა ტალღებთან მებრძოლი, მოფართხალე ადამიანი, ბევრი არ უფიქრია, მდინარეში გადაეშვა.

— უყურე შენ, რა ცურვა სცოდნია, ეგებ უშველოს! — თქვა ერთმა.

— როგორ მოხდა, როგორ მოხდა! — კითხულობდა ვილაცა.

— ახალგაზრდა კაცმა ცურვა უნდა იცოდეს, შეხედე რამდენი ხალხია და ვერავინ შებედა, — უთხრა ერთმა ქალმა მეორეს.

— ნამდვილად გადაარჩენს, ეშმაკი მეგონა, ტიტველი რომ გამომეცხადა, — თქვა ჩასუქებულმა მამაკაცმა.

ვანო მოფართხალე სხეულს მიუახლოვდა, ვიდრე თავს ამოჰყოფდა, ცურვით გაჰყვა. თავი ამოყო თუ არა, თმაში სწვდა და დაითრია. ქალი მთელი ტანით ამოვიდა წყლიდან, ხარბად გაიწია ვანოსკენ, ვანომ

ცალი ხელით ვერ შეაკავა და პირდაპირ თავზე დაეცა. ორივე  
ძირა. ახლა ყვინთვით მისდია, შემოუარა და კვლავ თმაზე წაიჭრა.  
ქალი ბევრ წყალს ყლაპავდა. ვანო დაყინებით მიიწვევდა  
ქალი უმიზნოდ იქნევდა ხელებს, წყალს აშხეფებდა და ვანოს ხელს  
უშლიდა. სულ ცოტა დარჩა ნაპირამდე, ვანოს იმედი მოეცა. მთლად  
გაწვა ცალ მხარეზე, იგი მიცურავდა ცალი ხელით, ცალ ხელზე ქა-  
ლის თმა დაეხვია და გაფაციცებით ადევნებდა თვალს ყოველ მის  
მოძრაობას. ნაპირის სიახლოვე რომ იგრძნო, ვანომ იქით გაიხედა.

„მაშველი მოდის, მაშველი მოდის!“ — გაისმა ნაპირზე. ქალი უკვე  
ხელებს აღარ ასავსავებდა. „აღბათ გაიგუდა და გათავდა,“ — ეწყინა  
ვანოს. ვანო ხელებს იქნევდა, მაგრამ ატყობდა, რომ წინ ვერ მიდი-  
ოდა. — „სწრაფად დავიღალე“, — გაიფიქრა მან. საოცარი რამ მოხდა,  
ხელი თავისით გაუჩერდა, ვანო ჩაიძირა, ძალა მოიკრიბა და ხელი  
ძლივს ამოძრავა. წყლიდან თავი ამოყო და გაიფიქრა: — „ახლა ფეხე-  
ბიც გამიჩერდება, რამდენი ხანია, ცივ წყალში არ მიბანავია... აღბათ  
ცივი წყლის ბრალია...“ მაგრამ მან მწვავე ტკივილი იგრძნო მკერდში,  
მარცხენა მხარმკლავი თითქოს დაუბუჟდა. „იქნებ არ არის ცივი  
წყლის ბრალი?“ — შეეშინდა, ნაპირისაკენ გაიხედა... მთელი სანაპირო  
ცაში აიჭრა და დატრიალდა. ვანომ თვალები დახუჭა და გაახილა,  
კიდევ დახუჭა და კიდევ გაახილა. წყალი ბლომად ჩაყლაპა, გაჭირვე-  
ბით მოიქნია ხელი და წყლიდან თავი ამოყო. პირდაღებულმა ნაპირს  
გახედა. ნაპირზე ხალხი ირეოდა, ნაპირზე ხალხი ხმაურობდა... წყალ-  
ში პირდაღებული ტივტივებდა, პირში წყალი ჩასდიოდა და წარა-  
მარა აფურთხებდა.

გადაწყვიტა, იმ ხელით, რომელიც უჩერდებოდა, ქალი ეთრია და  
დასვენებული ხელი მოესვა. ასეც მოიქცა, როგორც იქნა ნაპირიც  
გამოჩნდა, ვანომ უკანასკნელად მძლავრად დაჰკრა ჯანსაღი ხელი  
წყლის ზედაპირს, მხარულით გაჰკვეთა დინება და ქალი ნაპირზე ამო-  
თრია. ამოათრია თუ არა, თვითონაც გონწასული დავარდა რიყის  
ქვებზე.

— ამოიყვანა! ამოიყვანა! აქეთ! აქეთ! — აყვირდა ვიღაცა. ეს ხმა  
ვანომ გაიგონა და იმედი მოეცა. შემდეგ არაფერი ახსოვს. როცა გამო-  
ერკვა, თეთრხალათიანი ადამიანები თავს დასტრიალებდნენ, სასწ-  
რაფო დახმარებაც მოსულიყო და მაშველთა რაზმიც. თვალი გაახილა  
თუ არა, ერთმა თეთრხალათიანმა თქვა:

— მოსულიერდა, მოდი, მომეხმარე, წაიყვანოთ ესეც!.. — ხელათ  
მოათრის საკაცე და გვერდით დაუდეს. საკაცის დანახვამ ვანო გამოა-

ფხიზლა. წამოჯდა. გულს მიუგდო ყური. ყრუდ ტკიოდა, მაგრამ სა-  
ავადმყოფოში წასვლა მაინც არ უნდოდა, ნინოს შეეშინებოდა იფიქ-  
რა, და დარჩენა არჩია.

— არ მინდა საკაცე, — უთხრა მტკიცედ ექთანს, — მაგრამ მტკიცე-  
ვა, შინ წავალ ახლა... — თქვა და წამოდგა. იქვე, მის გვერდით, მეორე  
საკაცეს ხალხი მისეოდა... თეთრხალათიანები იქ უფრო მეტნი იყვნენ.  
„ეს ალბათ ის არის,“ — გაიფიქრა და წამით შეჩერდა. უცებ საკაცედან  
ქალმა თავი წამოსწია, ვანოსკენ მიიხედა და საზარელი ხმით დაიჯ-  
ღავლა, — ქუჩურად, გრძლად, მოურიდებლად შეიგინა. „მთვრალია“ —  
გაუელვა თავში ვანოს და გაახსენდა, თმაში ხელი რომ წაავლო, არყის  
სუნი ეცა. „უბედური“... — ჩაიღუღუნა.

ქალს საკაცეზე თეთრხალათიანები იჭერდნენ, მათვე მოჰქონდათ  
საკაცე. რიყიდან გზის პირზე უნდა გამოსულიყვნენ, მანქანები იქ იდგა.  
გაპირვებით მოჰყავდათ ავადმყოფი. ქალი იფურთხებოდა და ილანძ-  
ლებოდა, გადახტომა უნდოდა საკაციდან. აგინებდა ყველას, მეტიჩარა  
გადამრჩენელს, ექიმს, ექთანს, ღმერთსა და კაცს, გამჩენსა და მომ-  
გონს, მთელ ქვეყანას, უბრალო გამვლელსაც კი.

ამასობაში ვანოს თავისი კოსტუმი და ფლოსტები მოუტანეს.  
ფლარტუნ-ფლარტუნით ცოცხალ-მკვდარი გაუდგა გზას შინისაკენ,  
გული კვლავ სტკიოდა, ცივ წყალს აბრალებდა გულის ტკივილს, შინ  
თბილად ჩავწვები ლოგინში და გამივლისო, ფიქრობდა.

შუალამე გადასულიყო. სეირის მაცქერალი ხალხიც კი გაკრეფი-  
ლიყო სანაპიროდან.

ვანო მძიმედ მიაბიჯებდა ნახევრად ჩაბნელებულ ქუჩაში და იმ ქა-  
ლის საზარელი ხმა თან მისდევდა, თითქოს ჯილდოდ შინ მიჰქონდა.

## ჩემი ცაუ

მამამ სიკვდილის წინ მხოლოდ ამის თქმა მოასწრო: „ცაუს მიხედვით, ჩემი ცაუ მეცოდება...“

ბატას ცაუ თავს ერჩია. სიყვარულს მოვალეობაც დაემატა: უმცროს დაზე უნდა ეზრუნა. თვალისჩინივით გაუფრთხილდებოდა, იმუშავებდა, თან ისწავლიდა, დღე და ღამეს გაასწორებდა და ცაუს კი არაფერს მოაკლებდა, უმამობას არ აგრძნობინებდა. მხოლოდღა იმის ეშინოდა, ცაუს უეცრად რამე არ შემთხვეოდა, ისეთი სუსტი და უმწეო არსება იყო, ღმერთო!

როცა ცაუმაც დაამთავრა საშუალო სკოლა, აცრემლებულმა დედამ ასე დაარიგა:

— ცაუს გაუფრთხილდი, შვილო, მეშინია, თბილისი დიდი ქალაქია.

— ნუ გეშინია, დედა, აგერ არა ვარ? ნიავს არ მივაკარებ.

— მჭერა, შვილო, მაგრამ მთლად დაღეულია და, რა ვქნა მეშინია. დედას თვალეები ცრემლით აევსო. ბატას სიცილი აუტყდა.

— ა, იცინის, — შესჩივლა დედამ მეზობლებს, — გოგოს პატრონობა უნდა, ბიჭო, ქალაქში!..

ბატამ დედა დაამშვიდა. ცაუ თბილისში უვნებლად ჩამოიყვანა. ახლა სტუდენტები არიან: ბატა მეოთხე კურსზეა, ცაუ — მეორეზე. დღე და ღამე მეცადინეობენ. ცაუს თვალეები ამოულამდა. ძმა ვარჯიშობს და მის ჯანმრთელ, რკინასავით სხეულს ვერაფერს აკლებს ღამის თევზა და უამრავი სიგარეტი. არც ის ეტყობა, რომ ზოგჯერ დღეში ერთხელ შეეჭყევა ხმელა პურს.

ბატა სარკის წინ ტრიალებს. ძველისძველ კოსტუმს დიდის ამბით იცვამს. სარკე პატარაა და ბიჭი ამაოდ ცდილობს თავისი განიერი მხარბეჭი ჩაატიოს, უკან-უკან იხვეს მაგრამ უკანდასახევიც სადღაა...

— გეყოფა, დაგვაგვიანდება, — თქვა ცაუმ.

— წავიდეთ, მზადა ვარ.

როგორც იქნა გადაწყვიტეს თეატრში წასვლა. რა ხანია ცაუ არც

კინოში კოფილა და არც თეატრში. ძმა ერთხელ იმდენს ეჩივინა ცაუს,  
შავი კაბა გახადა და კინოშიც წაიყვანა. თეატრში წასვლაც არ უნდა  
დოდა ცაუს, მაგრამ ვინ დაუჭერა.

ახლა ცაუს უხარია, თეატრში რომ მიდის, მაგრამ არ იმჩნევს. „ხე-  
ტავ ჩემი სოფლელი არავინ შემხვდებოდეს“, — ფიქრობს გოგონა.

ბატა ლალად მიაბიჯებს რუსთაველზე, ცაუ კი დამფრთხალი, შემო-  
ნებული ეკვრის ძმას, მხრებამდეც ვერ სწვდება. რუსთაველზე ახალ-  
გაზრდობა გამოფენილა, ბატას უკვე იცნობენ.

ცაუსაც იცნობენ: ბიჭები მორიდებით, ჩუმად უთვალთვალევენ ბა-  
ტას ლამაზ დას. ცაუს, როცა ძმა ახლავს, ბიჭები აღარც კი ესალმები-  
ან. ისინი ხედავენ, როგორ იქცევა მათ დებთან ახლობლებთან ბატა და  
ეშინიათ, ვაითუ ცაუსთან მასავით ვერ მოიქცნენ, უნებურად რამე  
წამოცდეთ. ბატა ყველაფერს აპატიებს მეგობარს, ნაცნობს, უცნობს—  
ცხოვრებაში ყველაფერი მოსალოდნელია, სხვებივით ამბობს ხოლმე:  
„რა მოხდა მერე“, მაგრამ, ვინც ცაუს ქუჩაში განგებ მხარს  
გაპყრავს!..

ცაუ ჩაფიქრებული მიდიოდა ქუჩაში. უცებ ერთმა მკერდგაღელიმა  
ბიჭმა ისე მაგრად გაპყრა მხარი, კინალამ ხეს არ მიახეთქა! ცაუ მა-  
შინ პირველი კურსის სტუდენტი იყო, მაშინაც კნუტივით ყველგან ბა-  
ტას დაჰყავდა. იმ ერთ საღამოს კი მარტოკამ გამოიარა რუსთაველის  
გამზირი, ამხანაგებთან მეცადინეობდა, ძმა საღამოთი მუშაობდა და  
გასაცილებლად ვერ მივიდოდა. რას იფიქრებდა, თუ ცაუს ხიფათი შეემ-  
თხვეოდა. განა ეს ხიფათია? რა მოხდა მერე, ბიჭმა გოგოს მხარი გაპყრა.  
ბიჭი უზრდელი ყოფილა, ეგ არის და ეგ. მაგრამ ასე რომ არ დამთავრ-  
და? ცაუ გადაყლაპავდა სიმწარეს, უზრდელ ბიჭს აპატიებდა, ოღონდ  
ასე დამთავრებულიყო, მამაცხონებულს თავი დაენებებინა და თავისი  
გზით წასულიყო.

გაოგნებულ ცაუს მკერდგაღელილი ბიჭი მიუახლოვდა და საზარელი  
ბანით უთხრა:

— დიდი ბოდიში, ჩვენი და, უნებურად მომივიდა, აგერ, ჩემი მან-  
ქანა, ჩაჯექი, შინ მიგიყვან.

მანქანა მართლაც იქვე იდგა. შიგ მთვრალი მამაკაცები ისხდნენ.  
ბიჭიც მთვრალი იყო. დაბნეული, არეული ცაუ ხის ძირას იდგა. თვითონ-  
ნაც არ ახსოვს, რატომ იდგა ამდენ ხანს ერთ ადგილას გაქვავებული,  
რას ელაპარაკებოდა ის ბიჭი, მხოლოდ ოთხი სიტყვა „დიდი ბოდიში,  
ჩვენი და“ ჩაებუქდა გონებაში და კრილობასავით გაჰყვა, დაამახ-  
სოვრდა.

ცაუსათვის არასოდეს უთქვამთ: „დიდი ბოდიში, ჩვენი და...“  
ფელში სხვანაირად იხდიან ბოდიშს. ვინ ელაპარაკებოდა? ნუთუ იმ  
კაცს შეხვდა, ვისიც ტყვიასავით ეშინოდა? ხიფათი ახლა ხომ არაა უფრო  
ბოლა? იმ წუთებში, რა თქმა უნდა, ცაუს ამაზე არ უფიქრებდა. მისი  
აღარ შეეძლო, ის კი არა, ალბათ ვერ გეტყვოდათ, რა გვარისა იყო,  
ხელზე რამდენი თითი ჰქონდა, იქნებ ისიც კი ვერ ეთქვა, ერთია მეტი  
თუ ორი, წიწილასავით სასაცილოდ მობუზული იდგა ჭადრის ძირას.

რამ უბიძგა, ვინ ურჩია იქაურობას უჩუმრად გასცლოდა, რატომ  
გაიქცა გადასასვლელისკენ? თურმე გარდა გონებისა, რომელიც სულ  
მუდამ გკარნახობს „ახლა აქეთ უნდა წახვიდე“, „ახლა ეს უნდა თქვა“,  
მეორე მოკარნახეც გყოლია, გასაოცარი მოკარნახე — წინამძღოლი,  
უცებ რომ წაგავლებს ხელს და წაგიყვანს. ნეტავ შორიდან ენახა ცა-  
უს თავისი თავი, გამზირზე როგორ გარბოდა. ალბათ მკერდგაღვლილი  
ბიჭი იდგა და იცინოდა.

როცა ტროლეიბუსში ფანჯარასთან დაჯდა და სული მოითქვა, თან-  
დათან გონს მოეგო, ნელ-ნელა გამოვიდა სიბნელიდან და ვანათებული  
ქვეყანა დაინახა, დაიწყო ფიქრი: ამდენ ხალხში იმ ბიჭმა რატომ მა-  
ინცდამაინც მე ამომარჩია? მართლა შემთხვევით გამკრა მხარი თუ  
ამომარჩია? გამომწვევად ხომ არ მაცვია? ეს შავი კაბა ვიწრო ხომ არ  
არის? ბიჭი არც ისე ახალგაზრდაა, ჩემზე უფროსი იქნება, ნუთუ მან-  
ქანა ჩემი გულისთვის გააჩერეს, რატომ ვერ შევნიშნე, როცა მთვრალი  
მამაკაცი პირდაპირ ჩემსკენ მოდიოდა? სადმე ხომ არ მინახავს ის ვაჟი?

ცაუ შეეცადა გონებაში აღედგინა მკერდგაღვლილი ბიჭის სახე.  
პირველი, რაც მახსოვრებაში ჩარჩენილა, შავი ფერი არ ყოფილა? ცაუს  
წარმოუდგა შავი ტახი, ჯაგარაყრილი, ეშვებიანი. ბიჭს ჯაგარივით უხე-  
ში და სქელი შავი წარბები ჰქონდა. შავი ტახი შავმა კამეჩმა შეც-  
ვალა. ტლანქმა შავმა კამეჩმა შემოანათა ტროლეიბუსში. შავმა კა-  
მეჩმა თეთრი ხალათი ჩაიცვა, ქამარში შავტარიანი ხორცის საკები და-  
ნა გაირჭო და გასტრონომში შევიდა. ნუთუ ის არის?

უნივერსიტეტთან, აღმართს რომ გზა მიჰყვება, სულ ბოლოს  
კერძო სახლებია, ოდესღაც ფერდობზე უგეგმოდ და უპროექტოდ აშე-  
ნებული სახლები. თბილისის ახალშენებლობას აქამდე ჯერ არ ამო-  
ულწევია. ბატა და ცაუ ერთ-ერთი ამგვარი უხეირო, ორსართულიანი  
სახლის სარდაფში ცხოვრობენ. ერთ ბატარა ოთახში შეყუჟულან. ეს  
ოთახი მათ დეიდამ დაუტოვა. თვითონ გათხოვდა, დაბინავებულ კაცს  
გაჰყვა, ოთახი აღარ სჭირდებოდა. იწვალა, ივაგლახა და როგორც იქ-  
ნა ხელისგულისოდენა ოთახში დისშვილები ჩაწერა. ამ ძველთაძველი



სახლების გვერდით ერთი ახალი გასტრონომია. ცაუ ხშირად შეიქცე-  
რის გასტრონომს, მათი ფანჯარიდან მეტი არაფერი ჩანს.

ერთხელ გოგონამ შეამჩნია, რომ გასტრონომის ღია კარგავს ვიღაც დაბალი, ჩასუქებული შავ-შავი ბიჭი და მის ფანჯარას აკვირდებოდა. თეთრი ხალათი ეცვა, ქამარში ხორცის საკეპი შეტარიანი დანა გაერჭო. ცაუმ იცნო ხორცისა და ძებვეულის გამყიდველი ბიჭი. გაახსენდა ხალხს რა უხეშად ექცეოდა და ხორცის ნაცვლად ძვლებს როგორ ატანდა. გოგონა სწრაფად მოშორდა ფანჯარას და მეცადინეობას შეუდგა.

„ნუთუ ეს იყო“, — ფიქრობდა და ტროლეიბუსის ფანჯარასთან მორიალე ქალაქში დაეინებით დაეძებდა მკერდგაღელი ბიჭის სახეს. კარგად აღარ შეუხედავს, თვალეებში სინათლე წაერთვა თუ რა ჯანდაბა მოუვიდა. ვერ იქნა და ვერ დადგინა, ერთი და იგივე იყო თუ არა მკერდგაღელი ბიჭი და ის ბიჭი, გასტრონომში რომ მუშაობდა.

ცაუს ლანდივით აედევნა შავი ბიჭი. მოულოდნელად მანქანა გაჩერდებოდა, მანქანიდან თავს გამოჰყოფდა და ცაუს ეპატიებოდა. თავქუდმოგლეკით გარბოდა ცაუ აღმართზე, მანქანა კი ნელა მისდევდა, აღმართს ასე აირბენდნენ. მანქანა გასტრონომის წინ გაჩერდებოდა. ბიჭი გადმოვიდოდა, დადგებოდა დონჩეშემოყრილი და ცაუს ფანჯარას აკვირდებოდა.

ისედაც დალეული და დამფრთხალი გოგო შიშმა შეიპყრო. შინიდან აღარ გამოდიოდა, გასტრონომში ძმას აგზავნიდა. ლექციებზე ბატას მიჰყავდა და მოჰყავდა. ცაუ თავის საიდუმლოს ძმას ვეღარ გაუმხელდა. ის უცნობი ისეთი ავი ჩანდა, ბატას უსათუოდ ხიფათს შეჰყრიდა. თავის ძმასაც ხომ კარგად იცნობდა, ისეთი თავმოყვარე და დიდგულა იყო! ცაუ ორ ცეცხლს შუა ჩავარდა. შეშინებული, თავზარდაცემული ძმას სულ მთლად მიეკრა.

— რა გჭირს, ცაუ, გამაგებინე, რისი გეშინია, რა თვალეებს აცეცებ?! — გაკვირვებული ეკითხებოდა ძმა, შეჩერდებოდა შუა ქუჩაში და გამვლელ-გამომვლელს აკვირდებოდა, ჩემს დას ვინმე ავი თვალით ხომ არ უყურებსო. აბა, რა იცოდა, თუ ფეხდაფეხ მისდევდა მანქანა, სადაც „ავი თვალი“ იჯდა.

— ჰო, კარგი, ჩუმაღ!.. წავიდეთ! — ექაჩებოდა ცაუ.

ცაუს ეგონა, თუ ყურადღებას არ მიაქცევდა, ხმას არ გასცემდა, მარტოა ქალაქში თუ არ გავიდოდა, „ავ თვალს“ ბოლოს და ბოლოს მობეზრდებოდა და თავს მიანებებდა.

არ გამართლდა მისი ვარაუდი. ერთ მშვენიერ დღეს შავი ბიჭი უნივერსიტეტის ეზოში დაელოდა. ლექციები რომ დამთავრდა, ცაუს კიბე-

ებზე შეეფეთა. თავგზა აებნა, კიბეები გულგახეთქილმა ჩაიბინა და თანაყურსელ გოგოებში შეერია. უნივერსიტეტის წინ, ჭადრებთან, ბატა ელოდებოდა. გოგოებმა არ იცოდნენ, ცაუს რა უჭირდა და მოსიერიანობდნენ. ცაუ გოგონებს ვერ სცილდებოდა, გზაზე ბიჭი უკან ნაბიჯ-ნაბიჯ მიჰყვებოდა. „ამდენ ხალხში ვერ გაბედავს,“ — ფიქრობდა გოგონა. უნივერსიტეტის ეზო, ბალი სტუდენტებით იყო სავსე. ჭადრების ძირას ყმაწვილები ირეოდნენ. უცებ ცაუს შავი ბიჭის ხმა შემოესმა. გოგოები მიტრიალდნენ და გაკვირვებით შეხედეს უცნობს. ცაუმ გაქცევა დააპირა და სწორედ მაშინ წარმოუდგენელი რამ მოხდა — ვაჟმა მაჯაში სტაცა ხელი. „ვაიმე დედაო“ — ისეთნაირად შეჰკივლა ცაუმ, თავისივე ხმის თვითონვე შერცხვა, გოგოებმა ერთმანეთს გადახედეს და სიცილი წასკდათ. ცაუ ისე დაიგრიხა და აწრიალდა, გოგოებს სიცილი ტუჩებზე შეეყინათ. ერთ წამში მთელმა ქუჩამ გაიგო, რომ ბიჭი გოგოს სადღაც ძალით მიათრევდა. შეიქნა გაწევ-გამოწევა. სტუდენტები მოგროვდნენ და ბატაც მოვარდა. ხალხი გაარღვია, ბიჭს მკერდში ღონივრად ჰკრა ხელი, კიდეც ჰკრა, კიდეც ჰკრა და თვალის დახამხამებაში დაიმართოხელა.

— ვინა ხარ! რა გინდა?

— ხელები დაიმოკლე, შე... — გამოცრა შავმა ბიჭმა და ჯიბეში ხელი ჩაიყო.

— რა მოხდა, რა მოხდა? — გაისმა აქეთ-იქიდან. ბატას ამხანაგები წინ გადაუდგნენ და არ გაუშვეს.

— ბატა, ხელი არ წაგცდეს, ეს ჯაგაა, — დაუწყეს ჩურჩული და ხვეწნა-მულარა.

ჯაგა რადგანაც იცნეს, უკვე მშვიდად იდგა ჯიბეებში ხელებჩაწყობილი და ზიზლით შესცქეროდა სტუდენტებს. ბატას ბიჭები გარს ეხვივნენ და არ უშვებდნენ.

— რა საქმე გაქვს ჩემს დასთან!

— კონსპექტები მათხოვოს სწავლა მომწყურდა.

გამომწვევად, დაცინვით უთხრა ჯაგამ, კონსპექტები მათხოვოსო? — ბატა აენტო. სტუდენტებში თუ ვინმე იყო მოკრივე, მოჭიდავე, — ყველა ბატას იჭერდა. იცოდნენ, რომ ბატა ჯაგასთან „ავტორიტეტებს“ ვერ იტანდა და შეიძლებოდა გაწევ-გამოწევა ცუდად დამთავრებულყო.

მილიციელმა სასტვენს ჩაჰბერა, ქუჩა გადმოჭრა და უნივერსიტეტის ეზოში შემოვიდა.

ჯაგა მანქანაში ჩასვეს.



— ვინ ჯაგაა, მე არ ვიცი თქვენი ჯაგა! — ყვიროდა ბატა და მანქანისაკენ მიიწევედა.

ჯაგამ მანქანიდან თავი გადმოჰყო და მიაძახა:

— რქებს დაგამტვრევ, იცოდე!

გამწარებულმა ბატამ ატირებული ცაუ მოძებნა და შინ წაიყვანა, ცაუმ ძმას წერილად უამბო თავისი თავგადასავალი.

— არ ვიცი, მაინცდამაინც მე რად ამომარჩია, შავებში ჩაცმული, მწუხარე და ბეჩავი, — გულსაკლავად ტიროდა ცაუ.

— რად დამიმალე?!

— შემეშინდა.

— სად წამივა, ხომ მოვა გასტრონომში, ხომ მოვა! იმ ხორცსა და ძეხვს ზედ ლორივით დავაკლავ, — ბობოქრობდა ბატა.

ბატამ გაიგო, ვინ იყო ჯაგა, სად ცხოვრობდა, რა ოჯახის შვილი იყო, რას აკეთებდა.

ჯაგას თურმე რეზო ერქვა, მეტსახელი ბიჭებმა შეარქვეს. იარაღის ტარება უყვარდა, განსაკუთრებით დანისა. ასნაირი დანა მაინც ექნებოდა. სწავლაზე გული ადრე აიცრუა, სკოლა მიატოვა და ქუჩას მიაშურა. ჩხუბით, ღვინის სმითა და ქალების დევნით სახელი გაითქვა. ვინ იცის, მამამისმა რამდენჯერ გადაარჩინა, როცა მამა ვერას გახდა, ბიძამისმა იხსნა. როცა ბიძაც ვერას გახდა... ჭრელაძეებს ქალაქში ნაცნობ-მეგობრები გამოელეოდათ?!

მამა-ბიძა — გაიოზ და ანთიმოზ ჭრელაძეები ბატას ასე დაუხასიათეს:

— ეგენი ცნობილი ხალხია.

როცა გაიოზი მტკვრის მარცხენა სანაპიროს სასადილოებისა და რესტორნების ტრესტის მმართველი ყოფილა, ანთიმოზი მტკვრის მარჯვენა სანაპიროს ასეთსავე ტრესტს განაგებდა თურმე. უცებ, ჭრელაძეებს თავს უბედურება დაატყდათ. გარდაიცვალა გაიოზის მეუღლე, რეზოს დედა. ხალხში ხმა გავრცელდა, გაიოზმა საკუთარი ცოლი მოწამლაო. ჭორი იმიტომ გავრცელდა, რომ გაიოზს საყვარელი ჰყოლია. იგი თურმე სიცოცხლეს უმწარებდა განსვენებულს, მაგრამ არც განსვენებული რჩებოდა ვალში. გაიოზი ჭორს, აბა, ყურად იღებდა?! მაგრამ ჭორი ყურად იღო განსვენებულის მამამ, გაიოზის სიმამრმა და დაიწყო შურისძიება. დაიწერა უამრავი საჩივარი. ტრესტი შეამოწმეს და გაიოზი მოხსნეს, მის ადგილას დანიშნეს ანთიმოზი. გაიოზმა ექვსი თვე უმუშევარმა იარა და ბოლოს ანთიმოზის ადგილას დანიშნეს. ძმებმა ტრესტები გაცვალეს, მართალია, მტკვრის მარცხენა და მარჯვენა

სანაპიროებზე დიდხანს არ გაგრძელებულა ჭრელაძეთა „მოლაწყოზა“ მაგრამ როგორც თვითონ ამბობდნენ, „სული მოითქვეს“.

გაიოზისა და ანთიმოზის ეს ძველისძველი ამბავი ბატონისა და მისი კვირვებია. იგი გაოცდა და ძალზე შეწუხდა, როცა გაიგო, რომ მისი კანონიერი ცოლი იყო, ბატას რუსთაველზე თვალი მოეკრა თათი-ასათვის. არ ეგონა, თუ ასეთ ლამაზ ქალს ძეხორციელი სიყვარულს შეჰკადრებდა.

ნიჭიერი და ლამაზი თათია, თბილისელი გოგოების თვალი, ჯაგას ნაცოლევი არ ყოფილა?!

ეპ, ბატა ბოლოსდაბოლოს ჭრელაძეებს მიაფურთხებდა, ქვეყანა ჩა-ლით ხომ არ იყო დახურული, ჯაგას თავის დასთან ახლოს არ გააკ-რებდა, მაგრამ ძალზე გაუჭირდა. ცაუმ მოსვენება დაკარგა. შინ მარ-ტოკა ველარ ჩერდებოდა. ლექციიდან რომ დაბრუნდებოდნენ, ბატას იგი ხან ნათესავთან მიჰყავდა, ხან ამხანაგთან. თვითონ კი სამსახურში მიდიოდა. სამსახურის შემდეგ უნდა გამოეყო და წამოეყვანა. იფიქ-რა, დაუსწრებლად განეკარგებოდა სწავლასო, მაგრამ ვერ გადაწყვიტა. ისეთი კარგი ლექტორები ჰყავდა, მეგობრები, ამხანაგები, ვერ თმობდა, სამეცნიერო წრის ხელმძღვანელი იყო, იურიდიული ფაკულტეტის საუკეთესო სტუდენტი — ამდენი შრომა და მეცადინეობა წყალში გა-დაეყარა?! სტიპენდიაც ხომ ეკარგებოდა? ისევ ის ერჩია, კვლავინდე-ბურად ბეჭითად ესწავლა, იაფი სამუშაო მოეძებნა, ოღონდ დრო ბევ-რი ჰქონოდა. სულ მუდამ სამუშაოს ეძებდა, ხან ქარხანაში მუშაობდა, ხან მშენებლობაზე, ხან რომელიღაც კანცელარიაში.

ბატას, აბა, ჯაგასთვის ეცალა? „პურისმჭამლებთან“ და „ჩამწყობ-ბებთან“ საბრძოლველად ჩამოვიდა თბილისში?

— როგორმე უნდა გავეცალოთ ამ ხალხს, ცაუ, მოდი, დროებით ოთახი სადმე შორს ვიჭიროთ.

— მე არ მეშინია, რად უნდა ვიჭიროთ?!

„მე არ მეშინია“ ცაუ წარამარა გაიძახოდა. ისე უადგილოდ, უმისა-მართოდ და უაზროდ წამოისროდა, არ მეშინიაო, ძმას გული უკვდე-ბოდა.

ჯაგა ერთხანს დაიკარგა, არც გასტრონომში გამოჩენილა, არც უნი-ვერსიტეტში, არც ქუჩაში შეხვედრიათ. სამაგიეროდ, დღე არ გავი-დოდა, უნივერსიტეტში ჯაგას მოგზავნილები არ მისულიყვნენ და ბატა ხალაპარაკოდ არ გაეხმოთ. ბატა ყველას ერთს ეუბნებოდა:

— ნუ მაშინებთ, ყურებზე ხახვსაც ვერ დამაჭრის თქვენი ჯაგა, თავი დაგვანებეთ. ჩვენ ჩვენი გზა გვაქვს.

ბატას მეგობრებიც ჩარიეს საქმეში, მაგრამ არც მუქარამ ვაჭრა და არც შეგონებამ. ლექციები როგორც კი დამთავრდებოდა, ბატა ჩააგლებდა ცაუს ხელს და ქუჩაში ამაყად, გამართულად მიაბიჯებდა. საექვო პირს თვალებს უბრიალებდა, აბა, გაბედეთ ახლოს მოსვლაო.

— ვინ არის ეს გიყი, წავიდეთ, — ამბობდნენ ჯაგას მოგზავნილები და ყურებჩამოყრილები მიდიოდნენ.

ბატა ფიქრობდა: რაკი „დელეგაციების“ მიგზავნ-მოგზავნა დაიწყო, შეიძლება საქმე მშვიდობიანად დამთავრდესო.

ერთხელ, გვიან ღამით, როცა ბატა სამსახურიდან ბრუნდებოდა, ტრამვაის გაჩერებასთან ჯაგამ მანქანიდან თავი გამოყო და დაუძახა:

— პროფესორ, ჩაჯექი, მიგიყვან.

ბატა აირია, დიბნა, მანქანაში ჯაგა მარტოკა იჯდა. „იფიქრებს, რომ შემეშინდა, უნდა ჩავჯდე“. უცებ გადაწყვიტა და ჩაჯდა. მანქანა დაიძრა.

— მაშ, სიძელ აღარ გინდივარ, მიწუნებ, ჯივრისავ! — თქვა ჯაგამ, ბატას მოხედა და გაუცინა.

„ნეტა რას მიპირებს, რა უნდა... ბატა გაჩუმებული იჯდა.

— შენი დის ქორწილშიც არ დამპატიებ? — ახლა უკვე მის თვალბში დაცინვა გამოკრთა.

ბატა შეპყურებდა ჯაგას ტახივით გასქელებულ კისერს და ფიქრობდა: „რა ვუთხრა, რა ვუპასუხო ამ კაცს, გულახდილად ხომ არ ველაპარაკო? ხომ არ ვთხოვო, თავი დამანებოს?“ იგრძნო, რომ მის სულში საიდანღაც შეიპარა შიში თუ ადამიანური, ძალზე მიწიერი სისუსტე და თავისი გოლიათური სხეულის შერცხვა. გრძელი მკლავები და ფართო მკერდი გაშალა, საზურგეს მიეყრდნო და გაბრაზებული მიაჩერდა იმავე კისერს.

მანქანა ცარიელ ქუჩაში მიქროდა, დაგვიანებული მგზავრები ხელს უწყევდნენ და წარამარა „სსიოს, ციოს“ ეძახდნენ.

უცებ მანქანას წინ გადაუდგნენ მთვრალეები. ჯაგამ საჭე აათამაშა და მანქანა კივილით გააჩერა.

— უჰ თქვენნი! თავი მოგბეზრდათ?

მთვრალეებმა გინება ყურად არ იღეს და მანქანაში შეცვივდნენ. ბატა უმალ ყოველივეს მიხვდა:

— ვერ ყოფილხართ ვაჟკაცები!.. — ჩაიღუღუნა ზვიადად.

ჯაგამ ვითომ ვერ გაიგო, ბატა რა ვაჟკაცობაზე ლაპარაკობდა და თავისი ჭკუით, დაამშვიდა:

— ჯერ შენ მიგიყვან, ამათ რა, რომ გავუჩერე, მადლობა მითხრან.

— საით მიდიხართ, ბიჭებო! — ჰკითხა მან მოვრალეებს.

— ვაკეში.

— ჰოდა ერთი გზა გვექონია.

სამი ბიჭი ბატას გვერდით იჯდა, ერთი წინ. ბატამ გულდაგულ ჩაათვალიერა ყველა მათგანი. ჩუმად ისხდნენ. „ხომ შეიძლება ახლა წამოვხტე, ვეცე და საქე გადავუტრიალო, — გაიფიქრა ბატამ, — დამიჭერენ, ატყდება ბლლარძუნი. წინ რომ ზის, იმას უკვე ხელი ჯიბეში აქვს, მზად არის, შეიძლება დამასახიჩრონ. გაჩუმება ჯობია. ყვირილი და ხმაური ავტეხო? ქუჩაში არავეინაა, რა აზრი აქვს: რაც იქნება, იქნება. ბოლოს და ბოლოს, რა უნდა მიქნან? სიკვდილის ამათ ჩემზე უფრო ეშინიათ, ხვალინდელი დღე ხომ გათენდება? ხომ გათენდება ხვალინდელი დღე?“

როცა მანქანა ბატას ასახვევს გასცდა, ერთმა ბიჭმა რევოლვერი ამოიღო, მეორემ დანა. ბატა გაქვავებული იჯდა და ჯაგას კისერს თვალს არ ამორებდა: „ხომ გათენდება ხვალინდელი დღე, ხვალინდელი დღე ხომ გათენდება?“

გასცდნენ ვაკის პარკს, თბილისს და წყნეთის გზას დაადგნენ. როგორც კი გაივაცეს, მანქანამ მინდორში გადაუხვია და გაჩერდა. ერთმა ბიჭმა მკლავში ხელი წააგლო, დანარჩენები გადმოვიდნენ მანქანიდან და კარი გაუღეს. „მთავარია არ დამასახიჩრონ, თუ წინააღმდეგობას გავუწევ, დამჭრიან. შეიძლება...“

მანქანიდან გადმოვიდა თუ არა, უცებ მიწაზე პირდაღმა დაეცა და ხელებით თავი დაიფარა.

— ოჰო, არ ყოფილა მთლად ქაჯი, — თქვა ერთმა და ფერდში წიხლი დაუზოგავად ჩაარტყა.

ბატამ ფარების შუქზე შეამჩნია, რომ მინდორი ათიოდე ნაბიჯის იქით მთავრდებოდა და ბუჩქებით დაფარული ფერდობი იწყებოდა. „აი, ამ ფერდობმა უნდა მიხსნას“, — ფიქრობდა ბატა და ვიღრე სახეში, ნიკაპში, კისერში წიხლებს ურტყამდნენ, თავდაცვის უცნაური გეგმა მოიფიქრა და წამოდგომა დააპირა. გაუკვირდათ, ეგონათ ააცი მოკლეს და მკვდარი წამოდგომას აპირებდა.

— აცალეთ! — დაიძახა ჯაგამ. იგი მანქანიდან არ გადმოსულა. სიბნელეში მიწაზე პირდაღმა დამხობილ ბატას მანქანის ფარები მიანათა, კარი გამოაღო, ჩამოჯდა და შესცქეროდა, როგორ სცემდნენ ბატას.

ისინი შეჩერდნენ. ბატა წამოჯდა.

— მიმიყვანეთ, ჯაგასთვის ორი სიტყვა მათქმევინეთ, — ჩაილულ-



ლულა მან და წამოდგა თუ არა, მოცელილივით დაეცა, — არცენა სი-  
არული არ შემძლიაო.

— მოიყვანეთ! — ბრძანა ჯაგამ.

მანქანამდე ათიოდე ნაბიჯი იყო. ბატა ფეხზე დადგა. ერთმა მკლავში ხელი წაავლო და წაიყვანა. დანარჩენები უკან მიყვინენ, ფეხებს ძლივს მიათრევედა, მთვრალივით ნაბიჯს გადადგამდა და ისვენებდა. მიდიოდა სინათლისა და სიბნელის საზღვარზე. „ჯერ არა, ჯერ არა“, — ამბობდა გულში და ნელა უახლოვდებოდა მანქანას. და აი, ის წუთიც დადგა, უცებ გასხლტა სიბნელეში. ბიჭს მკლავი გამოვლიჯა და ფერღობისკენ გაიქცა. გაისმა რევოლვერის გასროლა. ჯაგამ მანქანა მოატრიალა და ფარები ფერღობს დაუმიზნა. ბატა თვალსა და ხელს შუა დაიკარგა.

— ფუი, თარსად წამოვედით, — თქვა ჯაგამ.

— სად წავევია, აქ იქნება, მოვძებნოთ, — თქვა ერთმა და სიბნელეს შეერია.

— წავედით, ეყოფა, — თქვა ჯაგამ და მანქანაში ჩაჯდა, სხვებიც ჩასხდნენ. „ვოლგა“ ძეძვნარში ფრთხილად მობრუნდა და თბილისისაკენ გზას გაუდგა.

ლამეში ბატამ გზა გაკირვებით გაიკვლია. ვილაც მადლიანმა მძღოლმა წამოიყვანა თბილისში. ექიმებმა დაამშვიდეს, თავ-კისერი ჯვარედინად შეუხვიეს, სულ ერთიანად შეფუთეს და უთხრეს, საშიში არაფერია, მაგრამ უმჯობესია, ამ საღამოს საავადმყოფოში დარჩეთო. აღარ დარჩა საავადმყოფოში — ცაუს შეეშინდებო.

ცაუმ ბევრი იტირა, ძმას თავსასათუმალთან მიუჯდა და მთელი ღამე არ მოშორებია.

დადგა მეორე დღე. ბატა ფეხზე წამოვარდა. შეხვეული ფერღები მოისინჯა. სარკეში დიდხანს იტრიალა, ტუჩებისა და თვალების მეტი არაფერი უჩანდა. მართალია, მთელი სხეული სტკიოდა, მაგრამ გრძნობდა რომ მალე გამოჯანსაღდებოდა. ფანჯარა ფართოდ გამოაღო. გაშალა თავისი გრძელი მკლავები და სუფთა ჰაერი ჩაისუნთქა, ჩაცუქტდა და ადგა, გაუხარდა კარგად რომ იყო.

— ცაუ, კარგად ვარ, რა სულელი ხარ, რად არ დაიძინე წუხელ? ხომ ხედავ, რა კარგად ვარ! ბუბუნებდა ბატა, — შენ იძინე, კარგად გამოიძინე, დღეს კვირაა. ბაზარში წავალ, ყველაფერს ვიყიდი.

ცაუ იწვა და ძილი ერეოდა. ბატა ნელა ვარჯიშობდა.

— დაიძინე, ცაუ, ნურაფერზე ნუ ფიქრობ, შენს თავზე და შენს სწავლაზე იფიქრე, დანარჩენი მე მომანდე.

— აღარ გტკივა, ბატა? იცი წუხელ რა ცუდად იყავი, დავდი, დედას ვაფიცებ, აღარ გტკივა?

— ვერა ხედავ, ორფუთიან გირას ვეჭაჩები, ერთი... რომ მტკიოდეს, გიყი ვარ... ოთხი... ხუთი...

ბატას ფეხები ფართოდ გაედგა განზე, გირა მალლა აეტაცა, მკლავს რომ გამართავდა, გირა ჭერს ებჯინებოდა. როგორც ნამდვილი ძალოსანი, იდგა შუა ოთახში, ვარჯიშობდა და ელოდებოდა, ცაუ როდის დაიძინებდა.

ფეხაკრეფით გამოვიდა ოთახიდან. ტაქსში ჩაჯდა და ჭრელაძეებს დილაადრიანად კარზე სტუმარივით მიადგა. გზადაგზა თითქოს მოიფიქრა, გაიაზრა, რას უზამდა - ჯაგას, მის სახლ-კარს, საშინელი და საზარელი რამ წარმოიდგინა. მაგრამ ჭრელაძეების ზარს როგორც კი თითი დააჭირა რაღაც სხვა განწყობილება დაეფუღლა. ჭიშკარი ჯაგას მამამ გაულო. იგი ხელებდაკაპიწებული ეზოში ხეხილს რწყავდა.

— თქვენ ალბათ რეზო გინდათ, მალლა აბრძანდით, აი, იმ კიბეზე! — უთხრა გაიოზმა.

შებანდული ბიჭი გაიოზს არ გაკვირვებია, მის ნაშეერთან ხშირად დადიოდნენ შებანდულები.

კიბე აირბინა, კარი გამოაღო თუ არა, ფართო შესასვლელში დიდი სარკე იდგა, სარკეში თავისი შებანდული თავი დაინახა. საიდანღაც ჯაგას ხმა მოისმოდა. ოთახის კარი ღია იყო და ნელა შევიდა. ჯაგა არ ჩანდა. ოთახში წითელი სავარძლები ჩაემწკრივებინათ. მაგიდაზე ფერადი ტელევიზორი იდგა, იქვე დიდი რადიომიმღები. კედლებზე ფაიფურის მოჩუქურთმებული თეფშები და ნაკეთობანი ეკიდა. ჭერზე უზარმაზარი ბროლის ჭალი. საკვირველი კი იყო, როგორ იმაგრებდა ამხელა ჭალს ჭერი. საიდანღაც ჯაგას ხმა მოისმოდა, ვიღაცას ტელეფონით ელაპარაკებოდა. ბატამ წითელ სავარძლებს ჩაუარა და ღია კარიდან მეორე ოთახში შეიხედა. აქ ყავისფერი პრილა კარადები ელაგა და დიდი მაგიდა იდგა. ის, ვისაც ეძებდა, არც ამ ოთახში იყო.

ბატამ მესამე ოთახის კარისაკენ გასწია. ჯაგა ხის დიდ საწოლში იწვა და თეთრი ტელეფონით ვიღაცას ელაპარაკებოდა. როგორც კი შებანდული კაცი დაინახა, ტელეფონი დააგლო, წამოჯდა და უცნობს გაკვირვებით მიაჩერდა. ვერ იცნო. ბატას მთელი თავისი საზარელი გეგმა ჩაეშალა, პატარა, მაგრამ კოხტა ეზომ, ფართო და ნათელმა დარბაზებმა, ბოლოს ლოგინში მწოლმა, წელს ზევით სულ შიშველმა ჯა-



გამ გული მოუღბო, თუ რა იყო, ხანგრძლივად ნაფიქრი და ნაზორქვი ერთ წამში დაენგრა და მასპინძელს თითქმის ვედრებით უთხრა:

— ჯაგა, გთხოვ, ჩემს დას თავი დაანებო.

ქაქუცუნული  
ბიბლიოთეკა

ჯაგამ ხმა რომ გაიგონა, ფეხზე წამოიჭრა.

— ახლავე ჩავეცვამ და წამოვალ, — თქვა მან და ჩაცმა დაიწყო.

— მე არსად არ მივდივარ, ჩემს დას თავი უნდა დაანებო, — ხმას აუწია ბატამ. მივარდა, ტანსაცმელი ხელიდან გამოვლიჯა, გადაავლო და ხელბეგაშლილი, დაკუნთული, დაჭიმული წინ გადაუდგა.

— გირჩევნია, ჩემს დას თავი დაანებო! — შეჰყვირა ბატამ.

— ჩუმად, ბიჭო, სიცოცხლე ხომ არ მოგბეზრებია!

— ჰო, მომბეზრდა, ყველაფერი მომბეზრდა, თავი დაანებე, თორემ...

ჯაგამ, ვითომ შევაშინებო, კბილებიდან გამოცრა:

— საცა დამარტყამ, იქ გაგიყრი!

— აი, აქ დაგარტყამ! — იფეთქა ბატამ. იგრძნო, რომ რალაცას გადააბიჯა, რალაც ბორკილი დაამსხვრია, თითქოს ფრთები გაშალაო, თითი შუბლზე დაუმიზნა და... ჯაგამ იფიქრა, დავასწრებო, დააპირა წელში შევარდნოდა. ბატამ ეს მოძრაობა დაიჭირა და, როგორც კი ჯაგა ოდნავ მოიხარა, თავისი ტყვიასავით მუშტი შუბლში თხლიშა, მართლაც იმ ადგილას, სადაც დაუმიზნა. ჯაგა ჩაჯდა. ბატა მივარდა, წამოაყენა, ხელში აიტაცა, რამდენიმე ნაბიჯი გადაადგმევინა და ზურვით პრილა კარადას იმგვარად მიახეთქა, კარადის ფართო კარი შუაში გაიბო. ხმაურზე გაიოზი შემოვარდა. ბატამ გონდაკარგული ჯაგა კვლავ ხელში აიტაცა და ახლა მამამისს მიახეთქა. მამა-შვილი იატაკზე გაშხლართა. გაშმაგებული ბატა უკვე თვალბეჭეში ველარ იხედებოდა. რას აკეთებდა, არ იცოდა. ჯერ ჯაგას შედგა წიხლებით, მერე უცებ, თითქოს მეორე ჯაგა იზოგაო, ტელევიზორს ეცა, გადმოაგორა და იატაკზე დაახეთქა. ტელევიზორს რადიომიმღები მიაყოლა, კედლებზე ფაიფურის თეფშებს მუშტები დაუშინა და დაიწყო საზარელი მტკრევა.

გაიოზი ფანჯარასთან მივარდა და ყვირილი მორთო, მიშველეთო. ბატა დიდ ოთახებში შეშლილივით დარბოდა, ყველაფერს ამტკრევდა, ანგრევდა. ხელი დასტაცა წითელ სავარძელს, ჯერ სერვანტს დაუშინა და დალეწა, მერე ჰერზე დიდ ჰალსაც დაუმიზნა, მაგრამ ვერაფერი დააკლო. შემოსასვლელში კარის სიმაღლე სარკე იდგა, კაცივით მაღლა აიტაცა, დაჰკრა იატაკს და დაფშვნა.

გადარეული გაიჭრა ეზოში. კიბესთან თავშეყრილ დაფეთებულ

მეზობლებს ქორივით გადაავლო თვალი, ჰიშკარი მიახეტდა და ქუჩაში გავარდა.

აწრიალდნენ ჭრელაძეები. გაიოზმა და ანთიმოზმა, როგორც ვეფხვი ვიან ხოლმე, მთელი თბილისი ფეხზე დააყენეს. გაიოზმა შექმნილ ვილაც სტუდენტს შინ მოვარდნას როგორ ვაპატიებო! თავებამონგრეული, ლოგინად ჩავარდნილი შვილი კი ამშვიდებდა: ჯავრი ნუ გაქვს, ბიჭებს ვეტყვი და მოუვლიანო.

სასამართლოთი ჭრელაძეებმა ვერაფერი გააწყვეს, როცა ბატას წინააღმდეგ სისხლის სამართლის საქმე შედგა, ბატა მივიდა თავის პროფესორთან და ყველაფერი დაწვრილებით უამბო. თბილისში რაც კარგი მოსამართლე და გამომძიებელი მუშაობდა, ყველა იმ პროფესორის გამოზრდილი იყო. მართალია, კანონით ბატას „დამნაშავე“ ერქვა — ჭრელაძეებს შინ არ უნდა მივარდნოდა. მათ მოწმეები ჰყავდათ, ბატას კი არა, მაგრამ პროფესორი თავის საუკეთესო მოწაფეს, სამაგალითო სტუდენტს ციხეში არ გაუშვებდა. როცა იძალეს და იძალეს ჭრელაძეებმა, ბატას დასაცავად მთელი უნივერსიტეტი დაირაზმა. უნივერსიტეტის რექტორმაც კი აიღო ყურმილი.

გაიოზი ტრაბახობდა: მე არ ვიყო გაიოზი, ის სტუდენტი თბილისიდან თუ არ გავსახლოო. მას ავეჯი სწავდა გულს, შვილს რა უჭირს, მორჩება, მაგრამ დალეწილ ავეჯს რა მოარჩენსო.

მუქარა მუქარად დარჩა. ბატა თბილისიდან ვერც გაასახლეს და ვერც „მოუარეს“. ეს ამბავი კი მთელმა უნივერსიტეტმა, მთელმა ქალაქმა გაიგო.

როცა ბატა ცაუს ხელს ჩაავლებდა და ჩვეული მედიდურობით ჭავჭავაძის ან რუსთაველის გამზირზე გაივლიდა, ბიჭები და გოგოები ჩუმჩუმად ერთმანეთს აჩვენებდნენ — აი, ის არის ცაუო.

შემოდგომის თბილი საღამოა. ბატას ჩაუვლია თავისი დისთვის ხელი და რუსთაველზე გამოსულა. მკერდგაშლილი ბატა მიაბიჯებს რუსთაველზე და გულში თავისი ანგელოზი დით ამაცობს.

ბატას ცაუ თეატრში მიჰყავს. ცაუს გლოვა და დარდი ეყოფა. ცაუს აღარაფერი აქვს სადარდებელი, ცაუ მთელ თბილისში ყველაზე მხიარული და ბედნიერი გოგო უნდა იყოს. ასე უნდა ძმას და ასეც იქნება.

როცა თეატრში შევიდნენ, დიდი ჭაღებით განათებულ ტალანში ბატამ პირველად შეამჩნია, რომ მისი და ძალიან ლამაზი იყო. „მართლა ლამაზია, თუ მეჩვენება?..“



— ამდამ ნეტა ვინ ითამაშებს? — იკითხა ცაუმ.

ბატამ პროგრამა იყიდა.

— მე ძირს ჩავალ, პაპიროსს მოვწვევ, — უთხრა ბატამ.

— მეც წამოვალ...

— წამოდი.

„ერთი წუთით არ შეუძლია მარტო დარჩენა, ნეტავ კიდევ რისი გზინია? — გაბრაზდა ბატა, მაგრამ არაფერი თქვა. სხვა დროს ეჩხუბება ხოლმე, რა მოგივიდა, გოგო! გაიხედ-გამოიხედე, ნახე, შენი ტოლები რა ამბავში არიანო, ახლა კი მშვიდად უთხრა, წამოდიო, ეს სალამო ცაუსია, როგორც უნდა, ისე მოიქცეს, ოღონდ არ მოიწყინოს, ოღონდ ნაღვლიან სახეს ნუ უჩვენებს. მერე როგორი მოწყენა იცის! ისე საცოდავად დაუნაღვლიანდება თვალები, სახე, რომ მზად არის, ცხრა მთას იქით გადაიკარგოს და არასოდეს ნახოს თავისი საყვარელი და, თვითონაც არ შეუძლია მოწყენა, როგორც კი დარდი შემოაწვება, მთელი მისი სხეული, გონება, გრძნობა ამხედრდება დარდის წინააღმდეგ და... შეუმჩნევლად იწყება სიხარული.

გული ბოლმით ევსება. როცა ნაღვლიან ადამიანებს უყურებს. უნდა ყველას აუხსნას, გააგებინოს, რომ ნაღვლიანობა სიმხდალეს! ნაღვლიანობამ მიჩვევა იცის.

თეატრის დარბაზსა და ტალანში თუმცა უამრავი ხალხია, მაინც საოცარი სიწყნარე სუფევს. დადიან დინჯად, ერთმანეთს ჩუმად ელაპარაკებიან. ცაუს თვალები უბრწყინავს, ცაუ კმაყოფილია, რომ თეატრშია და სურათებს ათვალთვობს. კედელზე თეატრის მთელი ისტორიაა გამოფენილი. ბატა შორიახლოს ბოლთას სცემს, ხანდახან მიდის კედელთან და პამლეტის სურათს მერამდენედ აკვირდება, თითქოს რაღაც გამორჩაო, დახედავს და კვლავ ბოლთის ცემას მოჰყვება. „ნეტავი არტისტი ვიყო, — ფიქრობს ბატა, — მომიხდებოდა არტისტობა, — გონებაში თავის დეკურ ტანს აათვალ-ჩაათვალთვობს, „ეჰ, ცხვირი მიშლის“... იხსენებს მსახიობებს, ვისაც კეხიანი ცხვირი აქვს. კეხიანცხვირიანი მსახიობები ბლომად ჩამოთვალა, წითური მსახიობებიც, მაგრამ ისეთი, ვინც, წითურიც იყო და კეხიანი ცხვირიც ჰქონდა, ვერა და ვერ გაიხსენა.

— საარტისტოზე უნდა შევიდე, ცაუ!

— რა გაყვირებს, ბიჭო, სირცხვილია, — ცაუმ ძმას ხელი მოჰკიდა და წაიყვანა.

— მეორე ზარია.

— შევიდეთ.

ლოჯაში არავინ იყო. და ცაუს ძალიან გაუხარდა. გვერდით მოთავსდნენ და დარბაზს გადახედეს. „საწყალი გაიფიქრა ცაუმ.“

ერძმანეთის  
მამაჩემი,  
ერქენული  
გმობლითქა

- ბევრი ხალხია, — თქვა ბატამ და ცაუს ფიქრი გაუწყდა.
- რა კარგია, რომ ჩვენს ლოჯაში არავინ შემოდის, — თქვა ცაუმ.
- ჯერ აღრეა, მოვლენ! — ბატამ საათს დახედა.
- კომედიაა?
- პროგრამა რისთვის გიყიდე?

ცაუმ პროგრამა გადაშალა.

- დრამა ყოფილა, კომედია მერჩია.

ლოჯაში ხმაურით შემოვიდნენ ბატას სიმაღლის ბიჭები. ძალზე მაღალი, წარმოსადეგი ვაჟაკები თავს დაადგნენ ცაუს, მათ ერთი ქალი ახლდათ.

- უცხოელები არიან, — უთხრა ბატამ დას.

უცხოელები ფეხზე დიდხანს იდგნენ. ათვლიერებდნენ დარბაზს, შესცქეროდნენ ჭერს და ხმამალა მუსაიფობდნენ. ბატას ენა არ ესმოდა, მაგრამ მიხვდა, რომ ქალი თარჯიმანი იყო. როგორც იქნა დაწყნარდნენ. ყველაზე მაღალი ბატას გვერდით დაჯდა; დანარჩენები მათ ზურგს უკან დასხდნენ. ქალი შუაში მოიქციეს და შეკითხვები დააყარეს. ხმამალა, მოურიდებლად ლაპარაკობდნენ, მთელი დარბაზის ყურადღება მიიქციეს. პარტერიდან, იარუსებიდან გოგოებმა კისერო მოიგრიხეს.

- კალათბურთელები არიან, — გაახსენდა ბატას.

— რაღა ჩვენს ლოჯაში შემოვიდნენ, მთელი ქვეყანა გვიყურებს, — თქვა ცაუმ.

ერთი უცხოელი წამოდგა და მეორე იარუსზე გადმოვიდებულ გოგოებს კოცნა გაუგზავნა. ბიჭი ძალიან ლამაზი და ახოვანი ჩანდა, კოხტად ეცვა. იარუსიდან არ უპასუხეს. ბიჭი დაჯდა და რაღაც თქვა, რამაც სიცილ-ხარხარი გამოიწვია.

ამასობაში სინათლე ჩააქრეს და ნელ-ნელა ფარდა აიხდა, ყველაზე მაღალმა ბიჭმა სკამი წინ გააჩოჩა, და-ძმას ზურგით აეფარა. ბატა შეეცბა. არ ესიამოვნა, მაგრამ არ შეიმჩნია. ცაუს გადახედა. ცაუ დამფრთხალი კურდღელივით მიყუყულიყო კუთხეში და ვითომ სულ არ ხედავდა უცხოელის ზურგს, სცენას მიშტერებოდა. უცხოელი ბატასა და ცაუს არც ამჩნევდა. ქალს უსმენდა, ჩურჩულით რომ უხსნიდა სპექტაკლის შინაარსს, თითქოს მის ზურგს უკან არავინ იჯდა.

ბატა ძალიან ცუდ გუნებაზე დადგა. სპექტაკლი დაიწყო. ერთი



მსახიობის გამოჩენას დარბაზი ტაშით შეხვდა. ბატამ შეაშინა, რომ ცაუმ თავი ჯერ მარჯვნივ გადასწია, მერე მარცხნივ. ეს ეჭვიანობა მსახიობმა სცენა ჩქარი ნაბიჯით გაიარა. „ვერ ხედავს“ ტამ და უცხოელის სირაქლემასავით გაქიმულ კისერსა და წვრილ თავს ზიზღით შეხედა.

- ვერ ხედავ? — ჩუმად გადაულაპარაკა დას.
- როგორ არა, როგორ არა!
- მართალი მითხარი.
- მამას გეფიცები, ხელს არ მიშლის, — იცრუა ცაუმ.

ბატა უკვე არც ცაუს უსმენდა, არც მსახიობებს, სცენიდან რომ გაჰკიოდნენ. გაქვავებული იჯდა, სტუმარს თვალს არ აშორებდა და საკუთარ თავთან დაობდა. „რა ვქნა? როგორ მოვიქცე? ხელს მოკიდებ და უკან დავწევ“, — გაუელვა უეცრად თავში, მაგრამ გაახსენდა ჩვენი ხალხის საყვარელი გამოთქმა: „სტუმარი ღვთისააო“, რამაც სულის სიღრმემდე შეძრა.

„სტუმარი ღვთისაა“ — ამ ორმა სიტყვამ შეაშინა, შებორკა და სრულიად სასოწარკვეთილმა შეხედა სკამზე საცოდავად მოკუნტულ ცაუს. იგრძნო, რომ კუნთოვან მკლავებსა და განიერ მკერდში ცხელმა სისხლმა დაუარა.

სცენას უკვე ცაუც არ უყურებდა. მალულად შესცქეროდა ძმას და ღელავდა.

— მე არ მომწონს ეს მსახიობი, — უჩურობდა მან ბატას, ვითომ კარგად ვხედავო. ბატა დას მიუხედა და არ უპასუხა. უცხოელებისაგან გადაიხარა და ქალს ჩუმად გადასძახა:

- ქალბატონო! — ქალმა საუბარი შეწყვიტა.
- თქვენს ამხანაგს უთხარით, უკან გაიწიოს.

ქალმა ბატას ჰკუის სწავლება დაუწყო, ეს სტუმრების ლოქაა, თქვენ ადგილები სხვაგან მოიძიეთო.

— თავი დაანებე, — ფეხზე წამოხტა ცაუ, — იცოდე, ახლავე გავიქცევი აქედან!

— ეჰ, ჩაგემწარდა ეს სალამო, ცაუ, — თქვა ბატამ ნაღვლიანად და სცენას შეხედა. მერე გარინდულ დარბაზს მოავლო თვალი, ლოქის მოაჯირზე ორივე მუშტი ერთმანეთზე შემოსდო, ზედ ნიკაბით დაეყრდნო და გაირინდა. სპორტსმენმა ბატას და ცაუს ერთი მოხედა, გულზე ხელები დაიკრიფა და მაგრად დაამთქნარა, ფეხები გაჭიმა და კვლავ უაზროდ მიაჩერდა სცენას.

„ამ კაცს სკამი უკან უნდა დავაწევინო, თორემ გული გამისკ-“

დება, — გაიფიქრა მან, — რა იქნება, რომ გავაწევიანო? განა ეს დანა-  
შაულია? რომელიმე სახელმწიფოს შეურაცხყოფაა?“

ჩხუბს და აყალმაყალს ბატა მუდამ გაუბრძოდა. რატომ ვაქვს ეს  
მოუვიდა. მსგავსი რამ არსად, არავისთან არ მოსვლია. იგი დარწმუნე-  
ბული იყო თავის ძალაში, მაგრამ ჩხუბს უსათუოდ აიციდენდა ხოლ-  
მე. მილიციასა და სასამართლოში წოწილისათვის არ ჩამოვსულვარ  
თბილისშიო.

უნივერსიტეტში კრივისა და ჭიდაობის სექციების მწვრთნელები  
კუდში დასდევდნენ, საოცარი ძალის პატრონი ხარ და თავს რად  
იფუჭებო.

ბატას სამართალი უნდა შეესწავლა, ამ ქვეყანაზე მართალი გული-  
თა და სიმართლით უნდა ეცხოვრა, სასაცილოდ არ ჰყოფნიდა  
მწვრთნელი რომ გვერდზე გაიხმობდა და უმტკიცებდა, ცხოვრება  
დღეს სპორტსმენისააო. სულ სხვანაირად ფიქრობდა, ხშირად წარ-  
მოიდგენდა ხოლმე თავისთავს ტრიბუნაზე ან სცენაზე, რატომღაც  
ეგონა, დიდი რამ სათქმელი ჰქონდა და ერთ მშვენიერ დღეს უსა-  
თუოდ იტყოდა. ამისათვის ემზადებოდა, მთელი მონღოლებით მეცა-  
დინეობდა, ფიზიკური ძალა და ენერჯიაც ამისთვის სჭირდებოდა.

„უნდა გავაწევიანო, — დაეინებოთ ფიქრობდა ბატა, — რომ არ  
გასწიოს, მაშინ რა ვქნა? მაშინ წამოვხტები, ვტაცებ ხელს და სკა-  
მინანდ ლოქიდან გადავადგებ, ცაუ სცენას ვერ ხედავს, ცაუს ხელს  
უშლის სპორტსმენის ზურგი, ცაუ თეატრში ხშირად არ დადის. მას  
დღეს ხელს არაფერი არ უნდა უშლიდეს. როგორ გავაგებინო, რო-  
გორ შევაგნებინო ამ გადამთიელს, რომ ეს ასეა?“

ცაუ ძმას თვალს არ აშორებდა და გული ჩიტივით უცემდა. „რა  
ვქნა, რა მოვუხერხო ბატას? შეგონება და ჭკუის დარიგება რომ და-  
ვუწყყო სულ გადაირევა. მაშ, რა ვქნა? ხომ ვიცი, რასაც ფიქ-  
რობს?“

რა წყალში ჩავეარდე“, ფიქრობდა ცაუ, საცაა ცრემლი წასკდებო-  
და. ცრემლისაც ეშინოდა. ძმას ცრემლი არ უნდა დაენახა.

„მე მატყუებს, ვითომ სცენას უყურებს“, — ფიქრობდა ბატა.

— ბატა, ცუდადა ვარ, გული მერევა, წამომყევი, — თქვა უცებ  
ცაუმ და წამოდგა.

— დაჯექი მანდ, მე ვიცი, შენ რად გერევა გული!

— მიშველე, თორემ დავეცემი, — ისე სასოწარკვეთილმა წამოი-  
ძახა ცაუმ, რომ ბატას შეეშინდა, წამოხტა და ლოქიდან გაიყვანა.

— მართლა ცუდადა ხარ? მართლა?



ცაუმ ცხვირსახოცი აიფარა და გაიქცა, ბატამ დას მისდია კრზე ჩაირბინეს. ცაუმ შვეებით ამოისუნთქა.

— რა მოგივიდა?

— რა ვიცი, ძალიან ცუდად ვარ, შინ წავიდეთ უნდა დავწვე.

— კარგი, წავიდეთ.

თეატრიდან გამოვიდნენ. ცაუს ეგონა, ძმა მოვატყუეო, ბატაც მოტყუებულ კაცს თამაშობდა და ცაუს ატყუებდა.

ჩვეულებისამებრ ჩაავლო ხელი თავის დას და სტუდენტებით სავსე რუსთაველს დაუყვა. ჭადრების გაჩირაღდნებულ ხეივანში ლამაზი, ტანადი ქალიშვილები და ჭაბუკები დასეირნობდნენ. ბატამ ლამაზ გოგოებს თვალი გააყოლა და გაიფიქრა: „თქვენზე ნაკლები არ არის ჩემი ცაუ. აბა, ერთი თეატრში გენახათ? რა ვუყოთ მერე, ცაუც შეიღებავს თმას, წვრილქუსლიან ფეხსაცმელებს ჩაიცვამს. შეიკერავს ფერად-ფერად კაბებს და მაშინ ვნახოთ. ცაუს გლოვა და დარდი ეყოფა. ცაუს აღარაფერი აქვს სადარდებელი, ჩემი ცაუ მთელ თბილისში ყველაზე მხიარული და ბედნიერი გოგო უნდა იყოს“.

რუსთაველზე ბატაც დადის, რუსთაველი ბატასაც ეკუთვნის, მი-აქვს თავისი გოლიათური მხრები, მიაბიჯებს ამაყი, მკერდგამლილი, ზვიადი და ანგელოზივით და ესახელება.

გოგოები კი ერთმანეთს ჩუმად აჩვენებენ. აი, ეს არის ბატა.

## შ ე ნ ვ ე ნ ა

მამუჩარ ივერს ოცდაათი წელი შეუსრულდა. დილით გავიდა საბლიდან და დაიკარგა. ოჯახი სტუმრებს ელოდა. თხუთმეტი მარტი ივერებისა და თარხნიშვილებისათვის განსაკუთრებული დღე იყო: ორი ოჯახი ზეიმობდა მამუჩარის დაბადებას. მამუჩარს სულაც არ ეპიტნავენოდა თავისი დაბადების დღე, მაგრამ დედამისი ქალბატონი ლიზა ნათესავებისაგან მტკიცედ მოითხოვდა, თხუთმეტი მარტს უსათუოდ სწვეოდნენ. ივერების ოჯახში ამ დღეს მარტო დღეობა კი არ იმართებოდა, — ნათესავები, ოჯახის მოყვრები და ახლობლები იკრიბებოდნენ, ერთმანეთს მოინახულებდნენ, მოიკითხავდნენ, ჭირ-ვარამს გაუზიარებდნენ. გაიხსენებდნენ ოჯახის მამას, უდროოდ დაღუპულ ნიკო ივერს.

ამ დროს ქალბატონ ლიზას დაუძახებდნენ, მაგიდასთან მიიწვევდნენ. ლიზა სკამზე ჩამოჯდებოდა. სუფრასთან მსხდომნი ნიკოს ქებას მოჰყვებოდნენ. ქალბატონი ლიზა ნელ-ნელა ჩააცურებდა თავის დამჰქნარ ხელს წინსაფრის ჯიბეში, ნელ-ნელა ამოაძვრენდა ცხვირსახოცს, ჩუმად მოიწმენდა ნამცეცა ცრემლს და თავჩაქინდრული ბოლომდე მოისმენდა სადღეგრძელოს. მერე წამოდგებოდა და კმაყოფილი მიაშურებდა სამზარეულოს, გეგონებოდათ, უხარია რომ ატირესო.

მამუჩარი დედის გასახარად სტუმრებს დიდი პატივით ხვდებოდა; ყველას ისე გულმოდგინედ უსმენდა, თითქოს ძალიან აინტერესებდა, სიმამრის ძმამ ბატონმა ვანო თარხნიშვილმა როგორ გადაცვალა ბინა, მისმა ქალიშვილმა როგორ გაიკეთა ცხვირის ოპერაცია.

ასე იყო ყოველთვის, მაგრამ ერთ საღამოს საკუთარ დაბადების დღეზე დაავიანა. სტუმრებს ქალბატონი ლიზა, მეუღლე მზია და მათი შვილი ოთხი წლის გია შეხვდნენ.

უცხო არავინ მოსულა, სულ შინაურები, ნათესავები და ახლობლები შეიკრიბნენ.



— მამუჩარი სად არის? — შემოსვლისთანავე იკითხა მზიამ მამამ ბატონმა ეფრემ თარხნიშვილმა.

— უცხოელ სტუმრებს ელოდებოდნენ, ალბათ <sup>ჩინების</sup> მამა-ტყუილი დამაჯერებლად ვერ თქვა მზიამ, მისი ქმარი <sup>მცხეთის</sup> ტელეგრაფის მუშაობდა რეჟისორად, სტუმრები მართლაც ხშირად ჩამოუდიოდა, მაგრამ დღეს უმიზეზოდ გაუჩინარებულყო. მზიამ გაუჩინარების ნამდვილი მიზეზი არ იცოდა და მიედ-მოედებოდა.

ეფრემმა ნარდი მომიტანეთო, გამოაცხადა და კამათლის გასაგორებლად საგულდაგულოდ მოემზადა. ეფრემის მეუღლემ ქალბატონმა ელისაბედმა სტუმრები მიატოვა და სამზარეულოში ქალბატონ ლიზას მიუჩოჩა.

დარბაზში სტუმრები ჯგუფ-ჯგუფად ისხდნენ, თამაშობდნენ ნარდს, კარტს. ერთი ქალი პიანინოს მიუჯდა. იგი მათემატიკოსი იყო, მაგრამ რატომღაც ეგონა, ბედმა არ გაუმართლა, თორემ კომპოზიტორი გამოვიდოდა. როგორც კი პიანინოს ან როიალს თვალს მოჰკრავდა, გულისგამწყვალბებელ არტისტობას მოჰყვებოდა. ეს აქ ყველამ იცოდა და ყურადღებას არ აქცევდნენ.

სუფრა მალე გაიშალა. ეფრემმა ერთხელ კიდევ იკითხა:

— სად წავიდა ის ბიჭი?

მზიამ მამამისის დასანახავად ყურმილი აიღო, საღდაც დარეკა, რეკა, რეკა, მაგრამ ვერ გააგონა და ბოლოს თავი მიანება.

ეფრემმა გიას დაუძახა და უთხრა:

— ხომ ხედავ, ბიჭო, მამაშენი არ მოდის, ამ ოჯახში ვაჟკაცი შენლა დარჩი, მოდი, გვითამადე, აბა, ვნახოთ, რა ბიჭი ხარ!

ეფრემი მაგიდასთან პირველი დაჯდა, სტუმრებს მაგალითი უჩვენა. ხმაურით შემოუსხდნენ სუფრას. ნელ-ნელა დაწყნარდნენ, დალაგდნენ და, როგორც წესი და რიგია, საქმეს შეუდგნენ: თამადა აირჩიეს, პირველი სადღეგრძელოები პატარა ყანწებით შესვეს. გამხიარულდნენ. ვის როგორც შეეძლო, ისე ატარებდა დროს. თამადაობდა მინისტრის შვილი; ივერებისა და თარხნიშვილების ოჯახებში თამადად ყოველთვის მას ირჩევდნენ — მინისტრის შვილს, პატივცემულ თოდის. კაცმა არ იცის, რატომ ეძახდნენ „მინისტრის შვილს“, მაშინ როდესაც სინამდვილეში მინისტრის მოადგილის შვილი იყო. იქნებ იმიტომ, რომ თოდის სიამოვნებდა, იქნებ იმიტომაც, რომ გრძელი სახელწოდება „მინისტრის მოადგილის შვილი“ შეემოკლებინათ და მოკლედ მოეჭრათ — „მინისტრის შვილი“, იქნებ იმიტომაც, რომ ივერებსა და თარხნიშვილებს ერთადერთი „დიდი“ კაცი ჰყავდათ.

ასე იყო თუ ისე, თოდის „მინისტრის შვილს“ ეძახდნენ. მინისტრის შვილს მთელი ქალაქი იცნობდა. ივერები და თარხნიშვილები ამით ამაყოფნდნენ. თოდის მამა, მინისტრის მოადგილე, პატივცემული იოსები, ერთი პატიოსანი, მშრომელი კაცი გახლდათ; საინტერესო ყველა „შავი საქმე“ მის კისერზე გადადიოდა. მინისტრს მხოლოდ ხელმოწერა, დელეგაციებთან შეხვედრა და საზღვარგარეთ მოგზაურობა ევალებოდა.

ყველამ იცოდა, ვინ იყო და როგორი იყო მინისტრი. მინისტრის მოადგილეს კი არავინ იცნობდა. სამაგიეროდ თოდის იცნობდნენ. იგი ნამდვილი მინისტრის შვილივით იქცეოდა. პროფესიით ექიმი იყო, მაგრამ ყოველგვარი საქმის „მოკვარახჭინება“ შეეძლო. ქალები უყვარდა და პურ-მარილი. სუფრაზე სიტყვა „წუთისოფელს“ ხშირ-ხშირად გაიძახოდა.

იმ საღამოს ივერების სუფრას ამშვენებდა „მინისტრის შვილი“, თვითონ თოდი, თავისი მეუღლით, იგი ეფრემის ძმის სიძე იყო. მზია თავს დასტრიალებდა სუფრას, განსაკუთრებით თავის „დიდ“ ნათესავს — „მინისტრის შვილს“.

„ეს თამადა ჩანჩალო“, — წამოიწყო უეცრად ვილაცამ. სუფრა ახმაურდა. ზოგი აპყვა მომღერალს, ზოგმა გაიციინა და თამადას გადახედა.

მზიამ, ქალბატონმა ლიზამ და ქალბატონმა ელისაბედმა, რაც ჰქონდათ, ყველაფერი მოზიდეს სუფრაზე, დარბაზში შემოვიდნენ და ერთმანეთის გვერდით დასხდნენ. მზიამ მალე დატოვა სუფრა. უკვე გვიან იყო. ვიას ეძინებოდა და მიზეზობდა. მზიამ ბავშვი თავის ოთახში გაიყვანა და დააძინა. სუფრაზე ღხინი გრძელდებოდა. წამოიწყეს სიმღერა „ქალი ვნახე მოხვეულში“ თუ რაღაც ამგვარი. სიმღერას ტუში მოაყოლეს, ამგვარი ცეკვა ახალგაზრდებმა არ ინდომეს, — პროვინციალობააო, მაგნიტოფონი მოითხოვეს. ამ დროს გაისმა ზარის წკრიალი. ზარის ხმა არავის გაუგონია. მხოლოდ ქალბატონმა ლიზამ გაიგონა. ჩუმად გავიდა დარბაზიდან და კარი გააღო. მამუჩარი მოვიდა.

— სადა ხარ, შვილო, რა მოგივიდა... უიმე, ღმერთო მომკალი! მთერალი ხარ?!

მამუჩარმა პალტო გაიხადა და დარბაზში შემოვიდა.

— მოვიდა, მოვიდა, აი, ყოჩაღ!..

— აკი ვამბობდი!..

გაისმა აქეთ-იქიდან.

მამუჩარმა დაგვიანებისათვის ბოდიში მოიხადა და სუფრის მი-  
უჯდა.

— დაგვიანებულს ჯარიმა! — შესძახა თოდიმ და მამუჩარს შეუესო.

— თოდი, მთვრალი ვარ, ნუ დამაძალებ, ზომ იცი ჩემი ამბავი...

— ნუ დაეძალებთ, იუბილარია! — წამოიძახა ვილაკამ.

— ნუ დააძალებ, მთვრალია, — უჩურჩულა თოდის ეფრემმა.

— მაშინ მე დავლევ!

ამაყად თქვა თოდიმ. მამუჩარმა დიდი თეფშიდან ყველაზე პატარა თევზი გადმოიღო, ზედ ქინძმარი მოასხა და თევზს პურის ნატეხი მიაღო. თოდი მამუჩარის თეფშს დააცქერდა და, ესაა საოხუნჯო ვიპოვეო, შესძახა:

— შეხედეთ ამ ნატურმორტს!..

მამუჩარის თეფში აიღო და სუფრის წვერებს უჩვენა.

— იმიტომაც ჰგავხარ ოსვენციმიდან ახალ გამოსულს, — უთხრა მან მამუჩარს.

მამუჩარმა ჩაიციხა, არაფერი უთქვამს. იცოდა, შინ რა ამბავიც დახვდებოდა. ისიც იცოდა, თამადა იქნებოდა თოდი. გულისამრევი ოხუნჯობებით და მთვრალების ღრიანცელით აივსებოდა მისი წყნარი ბინა. ასე იყო ყოველ წელს, ყოველ თხუთმეტ-მარტს. სხვა დროს ყველაფერ ამას უფრო ადვილად იტანდა, დღეს კი ძალიან ცუდ გუნებაზე იდგა: ოცდაათი წელი შეუსრულდა. გაიარა ბავშვობამ, სიჭაბუქემ... მაგრამ ეს არ იყო მთავარი. ამაღმდელი ღამისა ეშინოდა: აგერ, ერთი კვირა გადიოდა, ღამ-ღამობით საოცარი, ჯადოსნური თავი ელანდებოდა. თვალს არ უჩერებდა, წამოხტებოდა და გოცმებული აკვირდებოდა, მართლა თავი იყო თუ არა.

„ამათ ეს ამბავი რომ ვუთხრა, სასაცილოდ არ ეყოფათ“. — გაიფიქრა მამუჩარმა და სუფრას თვალი მოავლო. მათ არ იციან, რა არის თავი, ჰგონიათ, რომ თავი სოროში ცხოვრობს, ადამიანს, თუ ძალიან არ გამრავლდა, მაინცდამაინც დიდ ზიანს ვერ მიაყენებს, ბოლოს და ბოლოს, ათასი საშუალებაა თავის მოსასპობად... განა დღეს თავი პრობლემაა?!“

თოდი კი ანეგლოტს ჰყვებოდა.

— ამერიკის კინტომ უთხრა საბჭოთა კავშირის კინტოს... — ვინ აცალა ანეგლოტის დამთავრება. ეს რა ძველ ანეგლოტს ამბობსო, ხალხი სიცილით გაიგუდა.

გამარჯვებული, ღვინისაგან გაჭარხლებული თოდი იდგა სუფრის  
თავთან და კმაყოფილი შესცქეროდა სუფრასთან მსხდომთ.

მამუჩარი ბურანში გახვეული იჯდა. წამით თავზე ფეხის მსხვერპლ  
მიანება და თვალწინ დღევანდელი დღე წარმოუდგა. დღის  
თუ არა, მზიამ დავალებები ჩამოუწერა: სინათლე არ იყო, თელასში  
უნდა დაერეკა, ტელეფონის ქირა უნდა გადაეხადა, სახლმმართვე-  
ლობაში უნდა გაეცლო, მილი დაზიანდა და მაინცდამაინც მათ სარ-  
დაფში ჩამოდიოდა წყალი, ელექტრონათურები უნდა ეყიდა და მინ  
დროზე მოსულიყო. ვერც ერთი დავალება ვერ შეასრულა, ყველა-  
ფერი სახვალიოდ გადადო.

თოდიმ როგორც იქნა ჩამოათავა სადღეგრძელოები. ქალბატონი  
ლიზა სამჯერ ატირა: როცა იუბილარის მშობლებს ადღეგრძელებდა,  
როცა უდროოდ დაღუპული ნიკო ივერის შესანდობრად პურის ნა-  
ტეხზე ღვინო დააწვეთა და ბოლოს, როცა ოჯახის სადღეგრძელო  
წარმოთქვა.

როგორც იქნა დატოვა სუფრა. სათითაოდ ყველა გადაკოცნა,  
მამუჩარს კი ლექცია წაუკითხა, თუ როგორ უნდა მოიქცეს ცხოვრე-  
ბაში.

მამუჩარმა მთვრალი სტუმრები ჩააცილა, გარეთ წვიმდა და ციო-  
და. სადარბაზოში ნათურა გადამწვარიყო და ბნელოდა. სტუმრები  
ქუჩაში ხმაურით გამოვიდნენ, ჩაბნელებულ სადარბაზოში მამუჩარი  
მარტო დარჩა და მოეჩვენა, რომ გული დასწყდა, თუ მოიწყინა, ეს  
არ იყო წამიერი მარტოობით გამოწვეული სევდა. მან იგრძნო, რომ  
მარტო დარჩენა უჭირდა. საოცარ ღამეს მარტო უნდა შეხვედროდა.  
ვერც დედას, ვერც მზიას ვერ გაუმხელდა ჯადოსნური თავის აზ-  
რებს.

• •

ქალბატონმა ლიზამ დარბაზში სინათლე ჩააქრო, მამუჩარიც  
ჩაწვა. ღამის შუქი აინთო. ოთახში ცისფერი სინათლე დაიდგარა.

— რად გინდა სინათლე, დაიძინე — ჩაიბუზღუნა მზიამ და სინათ-  
ლეს ზურგი აქცია.

— არ მეძინება, უნდა ვიკითხო, — მამუჩარმა სასთუმალი აიწია,  
ქათქათა ბალიშს ზურგით მიეყრდნო. გადაშლილი წიგნი მუცელზე  
დაიდო და ოთახის ერთ კუთხეს მიაშტერდა, — თავი ხომ არ დგასო.  
თავი არ იყო. მამუჩარი ფეხს მიეცა. ღამე, მარტოობაში ფეხი  
უყვარდა, გონება ყოველდღიური წვრილმანი საზრუნავისაგან თავი-

სუფლდებოდა და ლაღად, ძალდაუტანებლად აზროვნებდა. თავის ბინაში მარტოს ფიქრს ვერაფერს აუკრძალავდა, ვერც უკარნახებდა, სიამოვნებას ჰგვრიდა ამგვარი ყოფა. ახლა მას შეეძინა მისი პირველი ხალხზე, ქვეყნის ბედ-იღბალზე, მომავალზე. დღისით კი, ათას წერილ-მანში ჩაფლულს, ამგვარი ფიქრი არ შეეძლო, არც ეცალა და საჭიროც არ იყო.

მაგრამ ეს თავი!.. როგორც კი თავის საყვარელ ფიქრს მიეცემოდა, საიდანღაც, როგორღაც შემოდგებოდა ოთახში... თითქოს დღეს გამოეგზავნა მოციქულად, გამოეცხადებოდა და ფიქრის ნებას არ აძლევდა. როგორც კი მოჩვენება-თავის დაინახავდა, მამუჩარო იძულებული იყო თავზე ეფიქრა და არა წუთისოფლის რაობაზე. თავის დანახვა კვლავ გულისგამაწყალებელ წერილმან ფიქრს აუშლიდა: ავად ხომ არ იყო, რატომ ეჩვენებოდა თავი?..

ამ ფიქრებში ჩაეძინა, წამით მიღულა თვალი, საზარელი სიზმარი ნახა და გულგანთქილს გამოეღვიძა, — მოჩვენება მისი ლოგინის წინ იდგა, თითქოს მამუჩაროს გაღვიძებას ელოდებოდა, „თავი!“ — შესაძახა და წამოხტა. შეშფოთებულმა საკუთარი თვალით ნახა, როგორ გასრიალდა და ოთახის კუთხეში როგორ ჩაძვრა მოჩვენება-თავი.

„ნამდვილი თავია, თუ მოჩვენება?“ — ჰკითხა თავისთავს.

— რა მოგივიდა, მამუჩარო? — გამოეღვიძა მზიას. ქმარი საცვლების ამარა წამომდგარიყო და გაბოროტებული დასჩერებოდა იატაკს.

— რა მოგივიდა, ადამიანო, არ იტყვი?!

— საიდანღაც ხოჭო შემომიძვრა ლოგინში, — იცრუა მამუჩარმა და ხელის გული ისე გადაუსვა თეთრ ზეწარს, თითქოს მართლა ხოჭო გამოაგდო ლოგინიდანო.

— გასაოცარია შენი საქმე, უნდა გაათენო? ჩააქრე სინათლე! — აბუზღუნდა მზია, საბანში გაეხვია და ძილს მისცა თავი. მამუჩარმა სინათლე ჩააქრო. „ნუთუ მოჩვენებაა?..“ გაიფიქრა მან და საბანი თავზე გადაიხურა. „უნდა დავიძინო, თორემ გათენდება... ხვალ სამსახურში ვეღარ წავალ, ნუთუ მოჩვენებაა?“ — ეკითხებოდა საკუთარ თავს და საბნის ქვეშ საცოდავად მოკუნტული თავზე ფიქრობდა.

• •

მამუჩარმა თავისი საწოლი ლოჯში გადაიტანა. ივერებს სამოთახიან ბინაში, ორი ოთახი ეკავათ. ერთ ოთახში შესახლებული იყო ვინმე გარსევანიშვილი. გარსევანიშვილი იმ ოთახში არ ცხოვრობდა,

პლენარის გამზირზე ჰქონდა ნამდვილი ბინა მართალია, ხშირად უჩიოდნენ, იბარებდნენ მილიციაში, სასამართლოში, მაგრამ ფაქტად რჩებოდა: ივერების ბინაში ცხოვრობდა გარსევანიძე არა, სტუდენტი ოდილაეაძე. მამუჩარი ამ ამბავს შეჩვეული ოთახისაკენ აღარც კი იყურებოდა. ლოჯი აქცია ოთახად, სამუშაო კაბინეტი და საწოლიც აქ გადმოიტანა და თავს ბედნიერად გრძნობდა.

ხომ ხედავ დრო არა მაქვს. ღამე უნდა ვიკითხო, ვიმუშაო, — უთხრა მან მზიას, — აქ ვიქნები, ჩემთვის, მიჩვენე.

— რაღაცას მიმალავ, მამუჩარ, ხომ იცი, არაფერი გამომეპარება.

მამუჩარს დაეკვებულნი ცოლის დარწმუნება ეძნელებოდა, ცდილობდა ყველაფერი უბრალოდ, ჩვეულებრივად გაეკეთებინა.

ასე იყო თუ ისე, მზიაც და ქალბატონი ლიზაც მან დააჯერა, რომ შემოქმედებითი მუშაობისათვის მარტოობა უკეთესი იყო.

• •

მამუჩარი თავს ყოველ ღამე სამუშაო ოთახში მარტოკა ხვდებოდა, ახლა აღარ ერიდებოდა, საცვლების ამარა წამოვარდნილიყო. საწოლზე შემდგარიყო, ან სავარძელში მოკალათებული დალოდებოდა საოცარ მოჩვენებას. მთელი ერთი თვე იწვალა, მაგრამ ვერ დაადგინა, მოჩვენება იყო თუ სინამდვილე. ერთხელ ჩვეულებრივზე ადრე ჩაწვა. სინათლე ჩააქრო. მაგიდის ლამპის შუქზე კითხვას შეუდგა, მაგრამ ფიქრმა კითხვა შეაწყვეტინა.

ღილით სოხუმის მატარებელს დახვდა. ქალბატონ ლიზას ერთმა ნათესაებმა ორი ყუთი ფორთოხალი გამოუგზავნა. მამუჩარმა ნომრიან მუშას აპყიდა ორი ტყვიასავით ყუთი და ტაქსის გაჩერებისაკენ ზღვა ხალხს გამოჰყვა. სადგურის მოედანი ჩამოსულ მგზავრებს აეგსო. ტაქსის რიგში მგზავრები ჯგუფ-ჯგუფად იდგნენ. „როდის მოვა ჩემი რიგი, დამავიანდება სამსახურში“, — გაიფიქრა მამუჩარმა. უცებ ერთი მოხუცი კაცი მოადგა და მორიდებით ჰკითხა:

— ღვთისკაცო, თუ არ გეჩქარება, წამოგიღებ, ტროლეიბუსით წავიდე...

მამუჩარს ძალიან გაუკვირდა, მოსული აათვალ-ჩაათვალიერა, საოცრად კეთილად განეწყო მოხუცისადმი. „ღვთისკაცო“, იქ, სადაც დღენიდაგ გაისმის გულისამრევი სიტყვები, სადაც შემზარავად მოგმართავენ: „ჩვენი ძმა“, „ამხანაგო“, „გრაჟდანი“, „ტო“, „ბიჭო“, — მამუჩარმა გაიგონა წმინდა სიტყვა!..

შოწონა ოქროპირი, კახელი გლეხკაცი იყო, გაქალაქებული გზა-  
ში ცისა და ბრის ამბები უამბო, მამუჩარმა მანეთის წყველულზე  
მანეთი აჩუქა, იმ ოქროპირმა კი გამომშვიდობებისას წყველულზე  
ქართული სიტყვა უთხრა: „გულქართლი“. შენო გულქართლი ადამი-  
ანი ყოფილხარო.

მამუჩარი ამ მოხუცზე ფიქრობდა, წუხდა, რომ ხეირიანად არ გა-  
მოჰკითხა, სად ცხოვრობდა, რატომ ჩამოვიდა თბილისში, რატომ მუ-  
შაობდა მტვირთავად... ებრალებოდა ბერიკაცი...

შემდეგ დაიწყო ის ფიქრი, რაც მხოლოდ ფიქრი იყო და მეტი  
არაფერი. ადგა და იმ ოქროპირს თავისი ხელფასის ნახევარი მისცა  
ყოველთვიურად, შინ მიიყვანა და ერთი ოთახი დაუთმო... შეტოპა,  
შეტოპა და... იქ, სადაც კედელი იატაკს უერთდება, ერთ კუთხეში  
ჯადოსანი თავგის ჩრდილი შეამჩნია. „აჰა, მოდის“, — ჩაიღუღუნა,  
ფიქრიც გაუწყდა და გული ეტკინა.

თავი მოძვრებოდა იმ კედლიდან, სადაც თაროები ელაგა. სულ  
ქვედა თაროსა, იატაკსა და კედელს შორის ერთი ბეწო კუთხე იქმნე-  
ბოდა. საიდანაც, როგორღაც ამ კუთხეში გაჩნდებოდა თავგის ჩრდი-  
ლი, გეგონებოდათ კედელზე შავი ლაქაო, ათიოდე წუთი გაივლიდა  
და მიხვდებოდით, რომ თავგისებური ლაქა მოძრაობდა, კედელ-კედელ  
შეუმჩნევლად უახლოვდებოდა ტახტს. ნახევარ საათს გრძელდებოდა  
საოცარი მოგზაურობა ოთახის ერთი კუთხიდან ტახტისაკენ. ლოდინი  
მამუჩარს ეძნელებოდა და ნერვიულობდა. თუ გაინძრეოდა, ან ჩაახვე-  
ლებდა, თავგი დროებით გაუჩინარდებოდა და ცოტა ხნის შემდეგ თა-  
ვიდან იწყებდა გულისგამაწყვალებელ, ნერვებისმომშლელ ჩოჩიალს  
კედელ-კედელ.

წუხელ თავი სხვაგვარი ეჩვენა. თავგის ჩრდილი საბნიდან ისა-  
რივით გამოვარდა და იატაკზე გასრიალდა. თავგი თითქოს შეცვლი-  
ლიყო — ნამდვილი კუდი გამობმოდა! ამ ცვლილებამ გააოცა და ჩა-  
აფიქრა. უნდა შეემოწმებინა, კარგად უნდა დაჰკვირვებოდა, წამიერ  
ხილვას აღარ ენდობოდა.

მამუჩარი გულაღმა იწვა და თვალს არ აშორებდა თავგის ჩრდილს.  
თითქოს არ იყო მოჩვენება, ნამდვილი თავი ჰქონდა, ნამდვილი კუდი,  
ნამდვილი ფეხები და მაინც არ იყო ნამდვილი.

თავგის ჩრდილი საწოლს გაუსწორდა. კედლიდან იატაკზე ჩამო-  
ვიდა. შეყვნდა. „ახლა თავი თუ არ მოვიმძინარე, დილამდე ასე იქ-  
ნება გაჩერებულ“ — მამუჩარმა თვალები მაგრად დახუჭა და რიტმულ  
ფშვინვას მოჰყვა. თავგი ლოგინში შეუძვრა. მამუჩარი პერანგისამარა

წამოვარდა. თავგმა ისკუბა, ჰაერში ნახევარი წრე მოხაზა და თარო  
ებს უკან სადღაც ჩაძვრა.

ეროვნული  
ბიბლიოთეკა

ვერ იქნა და ვერ მივიდა ექიმთან, ვერ მოიცალა. ჯერ იყო და  
ქალბატონი ლიზა ავად გახდა. ექიმებმა თქვეს, ხანგრძლივი მკურ-  
ნალობა სჭირდებათ. საავადმყოფოში დააწვინეს. მზია მოსკოვში წა-  
ვიდა მუსიკოსთა საკავშირო კონკურსზე. მზია მუსიკის მასწავლებე-  
ლი იყო, მაგრამ კარგ შემსრულებლად ითვლებოდა და ხშირად იწ-  
ვევდნენ კონცერტებზე. საკავშირო კონკურსში მონაწილეობა დიდი  
მოვლენაა მუსიკოსისათვის. მზია სიხარულით ცას ეწვია. მამუჩარმა ხე-  
ლი ვერ შეუშალა. შინ ბავშვთან მარტოკა დარჩა. დილით საბავშვო  
ბაღში ვიასთან ერთად გარბოდა, საბავშვო ბაღიდან სამსახურში, სამსა-  
ხურიდან საავადმყოფოში, საავადმყოფოდან შინ ბრუნდებოდა დაღ-  
ლილ-დაქანცული. და აი, ამ დროს მამუჩარი სამხატვრო საბჭოზე გა-  
მოიძახეს და ერთი მოთხრობის ინსცენირება დაავალეს. მამუჩარი იც-  
ნობდა ამ მოთხრობას. სულით და გულით უნდოდა მისი დაღგმა. მაშინ-  
ვე ჩაუჭდა, დანიშნა რეპეტიციები და მუშაობას გატაცებით შეუდგა.  
ახალ სამყაროში გადავიდა, ფუნთუშებით, მწვანელითა და ხილით დატ-  
ვირთული გარბოდა საავადმყოფოში და ფიქრობდა, მოთხრობის მთა-  
ვარი მოქმედი გმირი კიბეზე როგორ ასულიყო. საღამოს ვიას ფაფას  
უხარშავდა და თან მსახიობს ამოცანას აძლევდა. შუალამისას თავის  
მოლოდინში მიზანსცენებს სცვლიდა, სიტუაციებს ძაბავდა, დიალოგს  
ხვეწდა.

უამრავ საქმეში მამუჩარი ობობასავით გაებლანდა. საავადმყოფო-  
ში მივიდოდა თუ არა, ქალბატონი ლიზა შვილს შემფოთებული ეკი-  
თხებოდა:

— რატომ ხარ გამხდარი, შვილო, სულ არაფერს ჭამ?...

მამუჩარი იცინოდა, ქალბატონ ლიზას ამშვიდებდა, ჯიშინი მამა-  
კაცი გამხდარი და რკინასავით მაგარი უნდა იყოსო.

მამუჩარი არ იყო ცხოვრებით უკმაყოფილო ტიპი. ზოგი კაცი თა-  
ვის ხელმოცარვას სხვას აბრალებს. დღე და ღამე წუწუნებს, ტირის,  
წუხს, შურს ამხანაგების, ნათესავების. მამუჩარს არასოდეს არ წამოს-  
ცდებოდა, რომ ფული არ ჰქონდა, რომ რაიმე გასაჭირი ადგა. მხო-  
ლოდ ერთხელ შეცდა — თავის გულის დარდი კინალამ სხვას გადაუ-  
შალა.

კვირა დღე იყო. დილით ძალიან ცუდ გუნებაზე ადგა. გაუბარსა-



ვი, უხეიროდ ჩაცმული გამოვიდა ქალაქში. თბილისის ანმატორებულ ქუჩებში იხეტიალა და მერე ერთ ნათესავთან შეიარა, ნათესავი კემი ცხოვრობდა. მოხერხებული კაცი იყო ვალერიან ხონიძისძე. ნათესავები შინაურულად ვალიკოს ეძახდნენ, ტოლ-ამხანაგები — ხოსიტას.

ამგვარი ცვლილებები ვალიკოს სახელმა და გვარმა სწორედ იმატომ განიცადა, რომ მოხერხებული კაცი იყო, ფულიანი კაცი, „საყვარელი“ კაცი.

მამუჩარს კარი ვალიკოს მეუღლემ გაუღო.

ვალიკო გრძელ მაგიდასთან იჯდა და სადილობდა, თან გაზეთს ათვალეირებდა. ერთი ბოთლი წითელი ღვინო დაედგა, შიგა და შიგწრუპავდა. ოთახში ცხელოდა.

— მდაა, — თქვა ვალიკომ, გაზეთი გადასდო და მამუჩარს შეხედდა. — ასე უნდა ბიჭო?... მთლად უნდა დავივიწყოთ ერთმანეთი? არ გრცხვენია? როგორ არის დედაშენი?

ვალიკო პასუხს არ დაელოდა, მამუჩარი მაგიდასთან მიიპატიჟა და ჭამა განაგრძო.

— არა, ძმაო, — დაიწყო მან — შეიძლება, გოლდუოტერმა გაიმარჯვოს, მილიონერები მხარს უჭერენ, ა ნახე...

მამუჩარმა გაზეთი აიღო. გადაათვალეირა და ისევ მაგიდაზე დადო.

— ვის მხარესაც ფულია, გამარჯვებაც მისია, — ასეთია ცხოვრების კანონი. — თუ გოლდუოტერმა ასე განაგრძო და წინასაარჩევნო კომპანიიში გაიმარჯვა, მორჩა, არჩევნებიც მისია: სულ არაფერს არ შექამ? ეს ერთი ჭიქა მაინც დალიე...

— არა, მე არა... — ჩაილულულა მამუჩარმა.

— ჰო, შენ არ სევამ... მე არ მომწონს გოლდუოტერი, ომი მინდა ახლა მე? შენ როგორ ფიქრობ, ვინ გაიმარჯვებს?

— ეჰ, რა ვიცი, — უნებლიეთ წამოსცდა მამუჩარს. „ეჰ“ არ უნდა მეთქვა — გაიფიქრა მან და ნაძალადევად გაიცინა. სიცილი უფრო უადგილო ეჩვენა და რალაც სულელური პოზა მიიღო.

ვალიკო მამუჩარის ნაღვლიანმა „ეჰ რა ვიციმ“ გამოაფხიზლა, მხოლოდ ახლა შეამჩნია, რომ დეიდაშვილი მოწყენილი იყო, გაუპარსავი, ცუდად ჩაცმული, იფიქრა, ფულის სასესხებლად მოსულაო და საუბარი სწრაფად შეცვალა.

— ძნელია ცხოვრება, ძველებურად აღარ არის, გაფუჭდა ქვეყანა, ყველა ხელში გიყურებს. მერე ეს ბაზარი! ბაზარმა ჭლექი გამიჩინა,

ყველაფერს ცეცხლი ეკიდება. დღეში ათი მანეთი არ გვეყოფნის, თქვენ გყოფნით?

— ჩვენც არ გვეყოფნის, — მიუგო მამუჩარმა, — წუხდა და დაიმცირა და რად ეჩვენა ნაღვლიანი.

— ახლა ჩაცმა გინდა, დახურვა, მისვლა-მოსვლა, შენ არ დამიჯერებ და დილიდან დავრბივარ ფულის საშოვნელად, ბევრი კი არ მინდა, — ასი მანეთი.

— შენც ვერ იშოვე? — გაიცინა მამუჩარმა ნაღვლიანად.

— სად იშოვი, ყველას თავისი გასაჭირი აქვს.

— წავალ და მოგიტან, — უთხრა უცებ მამუჩარმა და მტკიცედ გადაწყვიტა, ფული ესესხა და მოეტანა.

— არა, არა, რას ლაპარაკობ, შენ ფულს როგორ გამოგვართმევ!.. ვალიკო წამოხტა და მამუჩარი ძალით დასვა სკამზე, არ გაუშვა. ვალიკო დიდხანს ლაპარაკობდა ფულის ენაზე: ხშირად ხმარობდა შესაფერის სიტყვებსა და გამოთქმებს. მამუჩარი გაჩუმებული იჯდა, აღარ უსმენდა, იმაზე ფიქრობდა ვისთან მისულიყო ფულის სასესხებლად.

სალამოს მამუჩარი გახარებული მივიდა ვალიკოსთან, თითქოს ფული კი არა, სასჯელი მოუტანა, სიხარბე და გაუმადლობა დავამარცხეთ. სულ არ მოელოდა, თუ ასე ჩვეულებრივად შეხვდებოდა ვალიკო ფულს, თითქოს რაც დღეს მის სახლში ხდებოდა, კანონზომიერი მოვლენა იყო, თითქოს მართლა ვალიკოს არ ჰქონდა ფული და მამუჩარს ჰქონდა. „მომერია“, — გაიფიქრა მამუჩარმა.

— ბავშვებს გეფიცები ერთ კვირაში ორმაგად გადაგიხდი, — უთხრა ვალიკომ, ფული გამოართვა და უტიფრად მხარზე ხელი დაჰკრა, ვითომ ყოჩაღ, რომ გასაჭირიდან მიხსენიო.

ვალიკოს სახლიდან მამუჩარი საავადმყოფოში წავიდა, მთელი დღე უაზროდ დაკვარგე, დედას მაინც ვინახულვებო.

ლიზა უკეთ იყო, მამუჩარის დანახვა გაუხარდა, ლოგინზე წამოჯდა, ხმადაბლა ისაუბრეს შინაურ ამბებზე, შემდეგ დედამ შვილს დავალემა მისცა:

— შენ შემოგველე, თუ ჩემი ხათრი გაქვს, ჩემი ნატუსიას ბიჭს მიმიხედე, ხომ გახსოვს, შვილო, ნატუსია! ჰოდა, იმის ბიჭს სოფელში ძროხა დაუკლავს, ხორცი ექიმისაგან მალულად სასადილოსთვის მიუყიდია, თურმე საცოდავ ნატუსიას მეორე ძროხა ავად ჰყოლია, ექიმი ამიტომ არ აძლევდა გაყიდვის ნებას. ნატუსიას ბიჭს უფიქრია მეო-

რეც არ მეზარალოსო, დაუკლავს და სასადილონათვის მიუ-  
ყიდა.

— მერე მე რა ვქნა, დედა?..

— თურმე ის ავადმყოფი ძროხა ცოფიანი ყოფილა.

— უჰ!..

— აბა, შვილო, დაიღუპა საცოდავი ნატუსია!

— გადაედო?

— გითხრა, სასაწაული! ვაი, დედა, ვაი, შვილო!.. თურმე ავერ  
რომ არიან სასადილოში კაცები და რომ ჭამენ ამ ხარჩოს, შემოვარ-  
დნილა ბედშავი კოლია და უყვირია: შეჩერდით, ცოფიანიაო!..

— კოლია ვინაა?

— იმ უბედური ნატუსიას შვილი, არ გახსოვს, შვილო?

— კი მახსოვს, მერე?

— მერე, შექმნილა ერთი ამბავი, გაუგია რაიონს, დაწყებულა ვა-  
მოძიება, ვინ ჭამა პარასკევს სასადილოში ხარჩოო... მთელი ექიმები,  
მთელი მილიცია — მთავრობა აწრიალებულა, საწყალი ნატუსიას ბი-  
ჭი დაუჭერიათ, და ციხეში ჩაუგდიათ.

— მარცხი მოჰყვაო?

— არაო, მთელ სოფელს დიდსა და პატარას ნემსებს უკეთებენო.

— საიდან იგებ ამ ამბებს, დედა, ქალაქში მე დავდივარ და ქვეყ-  
ნის ამბები შენ იცი.

— აი, შვილო, წერილი გამომიგზავნა უბედურ დღეზე გაჩენილმა  
ნატუსიამ.

— თოდისთან მიდი, შენ შემოგველე, თოდი ჩვენთვის ყველაფერს  
გააკეთებს. საქმე უზენაესშიაო, იქ გვინდა კაცი. ნატუსია მწერს, სულ  
არ არის ძნელი საქმეო, ყველაფერი მშვიდობიანად დამთავრდა და  
არავინ არ გვიჩივისო, საკმარისია ვინმემ დარეკოს იქიდან, საქმე  
მოისპობაო. ჩემი სახელით უთხარი თოდის. შენ და თოდი მიდით  
ხელაძესთან.

— ხელაძე ვინლაა?

— მამაშენის ამხანაგია, თოდიმ იცის, უთხარი, ვინცა ხარ და, თუ  
რამე შეიძლება, უარს არ გეტყვის... ნატუსიას ჩვენს მეტი არავინ არ  
ჰყავს, შვილო, აბა, შენ იცი, — ხმადაბლა საუბარს განაგრძობდა  
ქალბატონი ლიზა. პალატაში ოთხი საწოლი იდგა. ყველა საწოლთან  
ახლოს მოჩოჩებულ ჭირისუფლებს ავადმყოფების გამოკითხვა დაეძ-  
თავრებიანთ და ამბებს ჰყეებოდნენ.

— წავალ ახლა, დედა, გვიანაა, გია უნდა წამოვიყვანო საბავშვო

ბალიდან, — თქვა ბოლოს მამუჩარმა და წამოდგა. დედას ვერაფერი უთხრა. მოისმინა ახალი დავალება და წამოვიდა.

„ნატუსიას შვილი, ხელაძე, თოდი“, — ჩურჩულებდნენ მამუჩარის ქუჩაში.

\* \*

მამუჩარმა როგორც იქნა მოაბა თავი და თავისი რეჟისორული ნამუშევარი ამხანაგებს უჩვენა. „გამოვიდაო,“ ერთხმად აღიარა ყველამ. უფროსმაც ნახა და სარედაქციო თათბირზე შეაქო მამუჩარ ივერის ახალი ნაწარმოები. ბოლოს მთელი დადგმა კინოფირზე გადაიღეს, ტელევიზიით აჩვენეს და მოსკოვშიც კი გაგზავნეს.

ამასობაში ქალბატონი ლიზაც გამოწერეს საავადმყოფოდან და მზიაც დაბრუნდა მოსკოვიდან. თავი რომ არა, ახლა მასზე ბედნიერი არავინ იქნებოდა ქვეყანაზე.

გადაწყვიტა, საერთოდ არაფერზე ეფიქრა, რომ დაწვებოდა, მხოლოდ ძილზე ეფიქრა და დაეძინა. მართლაც, ერთი ორი ღამე თავი არ გამოჩენილა. ერთ მშვენიერ დღეს თავი ავტობუსში ეახლა. რაკი შინ ფიქრი აუკრძალა თავისთვის, მამუჩარმა ხერხს მიმართა: ავტობუსში, ქუჩაში, ბაზარში, სამსახურში, თავის ოთახში, მიაშტერდებოდა ფანჯარას ან მაგიდას დააჩერდებოდა და ფიქრობდა. მამუჩარი შემოქმედი კაცი იყო, არ შეეძლო უფიქროდ ცხოვრება. თავისუფალი ფიქრი ჰაერივით სჭირდებოდა, შემოქმედება შეუძლებელი იყო თავაწყვეტილი ფანტაზიის გარეშე. თავგმაც არ დააყოვნა, ავტობუსშიც მოელანდა, რუსთაველის გამზირზე ჩაფიქრებით მიმავალს ცხვირწინ გაუელვა, თითქოს ასფალტიდან ამოძვრაო.

მამუჩარმა დაადო თავი და ექიმთან მივიდა. ვერ უთხრა, თავი რომ ეჩვენებოდა, ჩემს ნათესავს ეჩვენებო, იცრუა.

ექიმმა დაწვრილებით გამოჰკითხა, თუ რა სჭირდა მის ნათესავს, თავი როგორ ეჩვენებოდა, რატომ ეჩვენებოდა. არაფერია, ალბათ გადაიღალაო, დაასკვნა და დასამშვიდებელი წვეთები გამოუწერა. ექიმსაც რა ექნა, სად იყო ისეთი წამალი, მამუჩარს საკვირველ თავს რომ მოაშორებდა.

ცხოვრება თავისი გზით მიდიოდა, რაკი მამუჩარსაც გაუმართლა და მზიასაც, ლიზაც ცოცხალი გადარჩა, ბედი უნდა ეცადათ, ივერებისათვის ხომ მთავარი იყო, სტუდენტი ოდილაგაძის გაყვანა ბინიდან და სამი ოთახის შენარჩუნება. როგორც კი მილაგ-მოლაგდნენ და ცოტა ამოისუნთქეს, მზიამ კვლავ წამოკრა თავსატეხი ამოცანა:

— სცადე, შენ უკვე გიცნობენ, — ხალხი ტელევიზორს უყურებს, მეტს არაფერს, იქნებ თავმჯდომარის ყურამდეც მიადწია! შენმა სახელმა, შედი, გვარი შეიღობას არავინ ჩამოგართმევს.

— ჰო, შეილო, შენ შემოგველე, — შეიხვეწა დედამისს, მისი მხარე გვეკირდება, ბიჭი გვეზრდება, შედი და აუხსენი შენი მდგომარეობა.

— სხვა არა იყოს რა, ოჯახში უცხო მამაკაცი გაგონილა?! მეზობლების მრცხვენი!

მზიამ მამუჩარს აქილევის ქუსლი მოუძებნა. მამუჩარი ჩუმად დარდობდა, როცა მის ცოლს დღეში ხუთჯერ აათვალ-ჩაათვალ-ერებდა სტუდენტი ოდილაჲაძე, მაგრამ რა ექნა? ადამიანს ცქერას ხომ ვერ დაუშლიდა? ოდილაჲაძე უცოლო ყმაწვილი იყო და თვალი სულ ქალებისაკენ გაუბრუნდა.

„შევალ“, გადაწყვიტა მამუჩარმა და აღმასკომში წავიდა!

\* \* \*

ეს იყო დაუვიწყარი, გაუმეორებელი დღე. სიაში ოცდამეათე ეწერა. შავ კართან ახლოს იჯდა და ელოდებოდა. ოცდამეათე საეჭვო ციფრი იყო, მაგრამ მდივანმა დააიმედა, სიით ოცდაათ კაცს მიიღებსო.

მისაღებ ოთახში ხალხი ირეოდა, ზოგი შავ კარებში შედიოდა, ზოგი გამოდიოდა. ვიღაც რეკავდა, ვიღაც ბრაზობდა. ერთი კაცი მთელი სამი საათი გაუნძრევლად იჯდა, კედელს აკრული მეორე კედელს მისჩერებოდა, გეგონებოდათ, არ სუნთქავდა. მხოლოდ ის იყო, რომ ყოველ ათ წუთში საათს ამოწმებდა. საოცარი მონდომებით, და ოსტატობით დასცქეროდა საათს: მკლავს მალლა ასწევდა, სწრაფად და მოხდენილად მოხრიდა, მეორე ხელის დაუხმარებლად გადაიწევდა კოსტუმსაც, თეთრ პერანგსაც, გამოიჩენდა საათს, დახედავდა და გასწორებოდა. გასაკვირი ის იყო, რომ იმ კედელზე, რომელსაც იგი მიშტერებოდა, ეკიდა კედლის დიდი საათი. ალბათ იმ საათს არ უჯერებდა.

მამუჩარმა სიგარეტი გააბოლა, დერეფანში გაიარ-გამოიარა, შემოვიდა და კვლავ შავ კარს მიუჯდა. „პატივცემულო თავმჯდომარე, გაიყვანეთ ჩემი ბინიდან ოდილაჲაძე. ახალგაზრდა კაცი ვარ, ცოლ-შვილი მყავს, მეორე შვილსაც ველოდები, იქნებ მესამეც გაჩნდეს, ბინა მჭირდება“... მამუჩარმა დიდხანს იფიქრა, თუ რას ეტყოდა თავმჯდომარე. პასუხი ძლივძლივობით შეთხზა: „მოქალაქე, ივერო, გე-

ტყობათ, შეგნებული კაცი ბრძანდებით, თქვენ ბინა მიგიღოთ, რომითხოვთ უკეთეს ბინას. ჯერჯერობით ჩვენ ამისი საშუალება არა გვაქვს“.

„ამხანაგო თავმჯდომარევე, იცით რა?..“ მამუჩარმა სათქმელის ჩამოყალიბება დაიწყო, მაგრამ ისე იყო დაღლილი, ისე სტკიოდა კისრის ძარღვები, თავმჯდომარესთან ჩხუბი ფიქრშიაც კი არ შეეძლო. „ამხანაგო თავმჯდომარევე, იცით რას...“ ერთი სიტყვაც ვერ მიუმატა. წამოდგა, იფიქრა, გავივლ-გამოვივლიო და ამ დროს გაიგონა მდივნის სანატრელი ხმა:

— ივერი და „დუნდუას ხალხი!“ — შემობრძანდით...

მამუჩარმა თავისი გვარი გაიგონა თუ არა, ცხელმა ჟრუანტელმა ჟრიალ-ჟრიალით დაუარა ძარღვებში და „დუნდუას ხალხთან“ ერთად გაოგნებულმა შეაღო შავი კარი.

მამუჩარმა არ იცოდა, ვინ იყო „დუნდუას ხალხი“ — სამი ახალგაზრდა შევიდა მასთან ერთად, არ აინტერესებდა მათი ვინაობა.

თავმჯდომარე მათ გაღიმებული შეხვდა. მამუჩარმა თავმჯდომარეს რომ შეხვდა, მთელი გეგმა დაენგრა. „ამ კაცს ვერაფერს ვთხოვ“, — გაიფიქრა მან და დაჯდა. თითქოს მოისვენა, თითქოს მასთვის ყველაფერი გაირკვა.

ასეთი უცნაური ახირება იცოდა: კაცს შეხედავდა, თუ არ მოეწონებოდა, იმ კაცს სულ წითელი კვერცხი რომ ეგორებინა, ახლოს არ მიიკარებდა.

თავმჯდომარე თავაზიანად ესაუბრებოდა „დუნდუას ხალხს“, ზოგს უთხრა, ამ დღეებში გამოიარეო, ზოგს შეჰპირდა, აღრიცხვაზე აგიყვანთო, ზოგს კი... რა ვქნათ, საშუალება არა გვაქვსო.

— რა გნებავთ, გისმენთ... — მიუბრუნდა თავმჯდომარე მამუჩარს, როცა „დუნდუას ხალხთან“ საუბარი დაამთავრა და გაისტუმრა. მამუჩარმა ახლალა შეამჩნია, რომ თავმჯდომარესთან მარტოკა დარჩა.

— მე? — არეულად იკითხა მან. — არაფერი.

თავმჯდომარე შეცბა.

— რა გნებავთ, მოქალაქევე? გისმენთ... — მშვიდად გაუმეორა შეკითხვა თავმჯდომარემ.

— არაფერი, ისე შემოვედი, — უთხრა მამუჩარმა.

„ალბათ აღელვებულია და აყალმაყალის ატეხვას აპირებს“, — გაიფიქრა თავმჯდომარემ.

— ბრძანეთ, მე მზადა ვარ, თუ რამე შემიძლია, — ახლა უკვე დაუყვავა თავმჯდომარემ.



— გეფიცებით, ისე შემოვედი, არაფერი არ მინდა...

— მე ხუმრობისთვის არ მცალია, ამხანაგო! — გაბრაზდა უკლებ  
თავმჯდომარე.

— განა მე ვიხუმრე, პატივცემულო თავმჯდომარე, — მშვიდად  
უთხრა მამუხარმა.

თავმჯდომარემ მოწოლილი ბრაზი და ბოღმა სიგარეტის ბოლით  
ჩაიკლა და გაჩუმება არჩია.

— რისთვის მოსულხართ, არ იტყვი? — ხანგრძლივი დუმისის  
შემდეგ იკითხა თავმჯდომარემ. მამუხარი ხმას არ იღებდა, თავმჯდო-  
მარეს შესცქეროდა ბრიყვულად.

— მიბრძანდით, მოქალაქე, მე თქვენთვის არა მცალია! — საქმიან-  
ნად თქვა თავმჯდომარემ და ზარს თითი დააჭირა. მდივანმა შემოი-  
ხედა.

მამუხარი აღმასკომიდან გამოვიდა, ცოცხალ-მკვდარი გაუდგა  
გზას შინისაკენ.



— კმარა, დევჯრდეთ იმას, რაც გვაქვს... — გამოუცხადა მამუ-  
ხარმა ცოლსა და დედას, — გაივლის დრო და იქნება რაღაცა... მთე-  
ლი ჩვენი სიცოცხლე იმისათვის ხომ არ უნდა ვიბრძოლოთ, ორ  
ოთახს ერთი მიუშვამათ. ზოგს ეს ორი ოთახიც არა აქვს, ის ხელფა-  
სი, რაც ჩვენ გვეძლევა, ზოგს ენატრება. ...ძველ დროში თურმე ხალ-  
ხი კლდეში გამოკვეთილ საკნებში ცხოვრობდა, ფხალსა და მწვანის  
ჭამდა, მაგრამ შედეგებს ქმნიდა. ვიყოფინოთ ის, რაც გვაქვს და  
უარესის მოლოდინში ვიყოთ... — მღელვარებით ლაპარაკობდა მამუ-  
ხარი, ახლობლებს დიდხანს უმტკიცებდა თავის სიმართლეს. სხვა რა  
გზა ჰქონდათ, ბედს უნდა შერიგებოდნენ. შემოქმედი კაცია, მიდგომ-  
მოდგომა არ ეხერხებათ, გუნებაში ამართლებდნენ ქალები და შინ და  
გარეთ სამამაკაცო საქმეებსაც თვითონ უძღვებოდნენ.

მამუხარი კი დროს იშოვიდა თუ არა, თავის ლოჯში ჩაიკეტე-  
ბოდა და ფიქრობდა. შეეძლო მთელ დღე გულაღმა წოლილიყო და  
ნაცარქექიასავით ეფიქრა. მაგრამ თავი, წყეული ჯაღოსანი თავი,  
ფიქრის ნებას არ აძლევდა.

ადამიანი ყველაფერს ეჩვევა, მამუხარიც ნელ-ნელა ეჩვეოდა  
თავს. კაცმა რომ თქვას, თავი არც არაფერს უშავებდა, მოელანდე-  
ბოდა, ხანდახან მიძინარეს ლოგინშიც შეუძვრებოდა, ფიქრს გაუკრ-

თობდა და თავისი გზით მიდიოდა. ყოველდღიურ საქიროებაზე ფიქრის დროს კი არ ეჩვენებოდა, როცა ფიქრს არ ჰქონდა საზღვარ-მანი, იმდენად თავისუფალი იყო, უფრო ოცნებას ჰგავდა, ვიდრე ფიქრს, მაშინ გამოეცხადებოდა. ფიქრის თავისუფლებას კი ვერც ელტვოდა, რა ექნა? არ ეფიქრა?

თავი კი არა, პირგამეხებული ვეფხვი რომ შევარდნოდა ოთახში, ფიქრს ვერ მოიშლიდა. ვერც ოჯახური ტკბილი ცხოვრება, ვერც შემოქმედება, ვერც სხვა რამ მიწიერი სიკეთე იმდენ სიხარულსა და ბედნიერებას ვერ მიანიჭებდა, რამდენსაც სულ უბრალო რამ — ეს თავისუფალი ფიქრი ჰგვრიდა. ამ დროს მამუჩარი ხან გმირი იყო სამშობლოსათვის დაცემული ბრძოლის ველზე, ხანაც კეთილშობილი რაინდი, ხანაც ხალხის კეთილდღეობისათვის თავგანწირული მებრძოლი; ხან კრწანისის ველზე კვდებოდა, ხან — ბარიკადებზე, ხანაც გამარჯვებული წინ მიუძღოდა ლაშქარსა და არმიებს. ამგვარ ყოფას შესჩვეოდა, თავი ვერ შესცვლიდა ვერაფერს. „რამდენიც უნდა, იმდენი მეჩვენოს, ფიქრს ვერ მოვიშლი“, — ფიქრობდა მამუჩარი და თავის ლამაზ სამყაროში, როგორც ზღაპარში, ისე ცხოვრობდა.



## ოზოლი ბიჭი ქიტუა

თბილისიდან ნაცრისფერი მთები რომ მოჩანს, იმ მთებს შორის ერთი სოფელია. მთები მაღალი არ არის, მოტიტვლებულია, ხრიოკი, უნაყოფო. სოფლის მიწა თითქოს ამ მთების გაგრძელებააო, მარცვალს გაჭირვებით ამწიფებს. სოფელი ჰქვია, თორემ სულ ათიოდე კომლი სახლობს და რამდენიმე ჰექტარი მიწაა. ძველთაგანვე ამ ადგილს „ნაბადას“ ეძახდნენ და იქაურებს ნაბადელებს. შერჩა ძველი სახელი და აქაურები ახლაც ამბობენ ნაბადელები ვართო. ამ სოფელში ხრიოკი მთის ძირას, დაბლა სახლში ცხოვრობს ობოლი ბიჭის ქიტუას ოჯახი. დაბლა სახლი მან სახელდახლოდ აიშენა. ცოლი ახალი მოყვანილი ჰყავდა და სადღაც ხომ უნდა ეცხოვრათ! შვილები რომ შეეძინა, იატაკი მაშინ დააგო, თორემ მიწაზედაც შესანიშნავად გრძნობდა თავს. სიღარიბე არც გულოს აწუხებდა, ცოტაც და ყველაფერი იქნებოდა, მე და ქიტუა დიდ სახლს ავაშენებთო.

დღე და ღამეს ასწორებდნენ. კოლმეურნეობაში იმდენი სამუშაო იყო, შინ იმდენი საქმე ჰქონდათ, უქმად ყოფნისთვის ვის ეცალა! გათენდებოდა თუ არა, ქიტუა ფეხზე იდგა, გულოც. ქიტუა სამუშაოდ მიდიოდა, გულო შინ რჩებოდა, პატარას მარტო ვერ დატოვებდა. როცა მეორე და მესამეც ეყოლა, გულოს უფრო გაუძნელდა. გაუძნელდა იმიტომ, რომ ბავშვების მოვლის გარდა, უამრავი საოჯახო საქმე ჰქონდა. ყოველ წელიწადს პირველად ტარხუნა მის ბოსტანში უნდა მოკრეფილიყო, კიტრი და პამიდორი პირველად ქიტუას უნდა წაეღო ბაზარში, როცა ნაბადელი გლეხები ერთმანეთს რაიმე ძნელად საშოვნ ნივთს თხოვენ, ახლაც ამბობენ, გულოს ბოსტანი ხომ არ მაქვსო. გულოს ბოსტანში მართლა ყველაფერი იყო. საღამოს როცა ქიტუა დაბრუნდებოდა, გულო ამბავს დაახვედრებდა, ეს გავაკეთე და ეს გავაკეთეო. ქიტუა ღრძილებს გამოაჩენდა და ცოლს თეძოზე ხელს მოუთათუნებდა. ღამის უქუზე ცოტა ხანს ისაუბრებდნენ და წვებოდნენ.

გულო გამხდარი ქალი იყო, შეუხედავი. ერთი ჩითის კაბა ჰქონდა, რომელიც ყოველდღე ეცვა და თვეში ერთხელ რეცხავდა. მზისგან და ქუჭყისაგან მის თავსაფარს ფერი დაჰკარგოდა, შეესაღწა ვისფერს შორის რაღაც გარდამავალი ფერი დაჰკრავდა. ფეხშიშველა, მკლავებდაკაპიწებული ბოსტანში აღამებდა და ყოველთვის ის გაურეცხავი ჩითის კაბა ეცვა.

— გულო! ჰაი, გულო! როგორა ხარ, როდის იქნება ბეწწიკურები დაგეზრდებიან და ჩვენთან წამოხვალ, შენი ბრიგადირი არ მოგენატრა? — ხუმრობდა ფოლადისკბილებიანი ბრიგადირი. ბრიგადირს ჩაუანგული ფოლადის კბილები ჰქონდა. ერთხელ ამ კბილებმა მოწამლა და სიკვდილს ძლივს გადაურჩა. მაშინ გადაწყვიტა ოქროთი შეეცვალა, მაგრამ რომ გამოჯანმრთელდა, გადავიწყდა. ფოლადისკბილებიანი ბრიგადირი ყველა ქალს ეარშიყებოდა. ეგონა, ქალს თუ გაუცინებდა, „საქმეს მოაკვარახჭინებდა“. „მიწა ჩაგაყარე მაგ ჩაშაიეებულ კბილებშიო, შენ გაქრი, შენ მოისპეო“. — ეჯაჯღანებოდა გულო.

ქიტუამ ბელეშა ძროხა მაშინ იყიდა, როცა მესამე ვაჟი შეეძინა, ძროხას ხბო მოჰყვა. გულოს საზრუნავი მოემატა. ახლა გულო უვლიდა ძროხას, ხბოს, სამ პატარა ქიტუას და ბოსტანს. ქიტუა ძველებურად დადიოდა კოლექტივში, ქალაქში კვირაში ერთხელ ჩამოდიოდა. ბაზარში ყიდდა მაწონსაც, რძესაც და მწვანილსაც. ქუჩა-ქუჩა წანწალი არ მოსწონდა, კარდაკარ „მაწონის“ ძახილი რა ვაქკაცის საქმეაო. მაგრამ გულო შეუჩნდა: არაფერი გიჰირს პატარა „ხელი გაკარი“, ხომ ხედავ, სახლი ასაშენებელი გვაქვსო.

ქიტუა ადგა და ერთ დილა-ბნელზე, გადაიკიდა მაწენითა და მწვანილით გამოტენილი ხურჩინი და თბილისისაკენ გზას გაუდგა. როგორც კი თეთრი კორპუსები გამოჩნდა, ერთ ოთხსართულიან სახლთან გაჩერდა და სართულებს შესძახა:

— მაწ-ო-ო-ონი!.. მაწ-ო-ო-ონი!.. შერცხვა, ქალაქში სხვაგვარად გაისმა მისი ხმა. გაიხედ-გამოიხედა, ხურჩინი ფრთხილად დაღო მიწაზე, წაქცეულ სანაგვე ყუთზე ჩამოჯდა. ქალაქს ეძინა, ქუჩაში მეეზოვე მტვერს აყენებდა, შორიახლოს ვიღაცა გაწიწმატებული გაჰკიოდა „მაც-ო-ონი“, „თარხუნას“... „ეს ჩვენი ჰასანაა“, — იცნო ქიტუამ აზერბაიჯანელი ცალთვალა ბიჭი. ჰასანა მეზობელ სოფელში ცხოვრობდა. სულ პატარას მოზვერმა ურქინა და ცალი თვალი გაუფუჭა. მას შემდეგ რეზინის ნაჭერი აქვს აფარებული. მამამისი ამბობდა, ინვალიდი შვილი მყავსო. არც ასწავლიდა, არც კოლექტივში ამუშავებდა — არ შეუძლიაო.



— „მაცო-ო-ო-ონი“ — გაკვიოდა ჰასანა. მუშტრები ბევრი ახლადგამოღვიძებულნი, პერანგისამარა გამოდიოდნენ აივნებზე, ცეხები, პირდაუბანელი ქალები ფანჯრებიდან ხელებს სანა ფეხისწვერებზე დგებოდა და მაწონს აწოდებდა.

— „ამან როგორ უნდა მაჯობოსო“, — გაიფიქრა ქიტუამ. წამოდგა და ხმამალა დაიძახა: „მაწო-ო-ო-ონი!.. მაწო-ო-ო-ონი!“, თითქოს გამოფხიზლდო, ამოძრავდა, მთელი საბურთალო მოიარა და ხელი გაინთავისუფლა. ცარიელი ხურჯინი ილიაში ამოიჩარა, ბავშვებს კანფეტები უყიდა და სოფლისკენ მოუსვა. ბავშვები სიხარულით ცას ეწიენ, ქიტუა იმ დღეს კმაყოფილი წავიდა კოლექტივში, დაავიანა მაგრამ ბრიგადირმა არაფერი უთხრა, რადგანაც ეს პირველი შემთხვევა იყო. მეორეჯერ და მესამეჯერაც რომ დაავიანა, ბრიგადირმა შეუღღრინა, ქიტუამაც შეუღღრინა — შენი პატრონიცო... ბრიგადირმა უთხრა ამას გიზამ, იმას გიზამო. ქიტუამ უთხრა, არ მომხსნა სამსახურიდანო. გაუტკბა ქუჩა-ქუჩა წანწალი, გულომ ერთხელ ვარიებიც გაატანა, შემდეგ მოილაპარაკეს და დეკეული დაკლეს, ნაჭერ-ნაჭერ ჩაალაგა ხურჯინში და თბილისში წაიღო. ოფლში გაღვრილი, ენაგადმოვარდნილი დაბრუნდა შინ და ბევრი ფული მოიტანა.

მაღე ქიტუამ თბილისში მუღმივი მუშტრები გაიჩინა.

მიდიოდა და მუშტარს პირდაპირ უკაკუნებდა კარზე. ამოალაგებდა მაწონის ქილებს, რძით სავსე ბოთლებს, ტარხუნას, ნიახურს, ოხრახურს, ჭინძს. ყველა კარს ქალი აღებდა, თეთრი ხელი ქიტუას ფულს მიაწოდებდა და კარი იხურებოდა. უკვე აღარავინ ეკითხებოდა, მაწონი ახალი იყო თუ არა, რძეში წყალი იყო გარეული თუ არა — იცოდნენ, რომ ქიტუას კარგი რძე და მაწონი მოჰქონდა. სოლო როცა ვარიებს ჩამოიყვანდა, მაშინ თეთრი ქალები ქიტუას საუბარს გაუბამდნენ, იდგა და გაშტერებული შესცქეროდა სუფთად ჩაცმულ ლამაზ ქალს. უკვირდა, ნუთუ თბილისში ყველა ქალი ლამაზიაო. როცა ქალს ხალათი გადაეხსნებოდა და თეთრი სიფრიფანა პერანგი გამოუჩნდებოდა, ქიტუა თვალებს ხუჭავდა. ქიტუას ასეთი პერანგი არასოდეს ენახა. ერთი დღე ამ პერანგის ძებნაში დააღამა — გულოს უნდა ჩავაცვაო. თბილისის ყველა მაღაზია შემოიარა. ყველა გამყიდველს ეხვეწებოდა, ევედრებოდა, სახელი დამავიწყდაო. აიო, პეპელას ფრთასავით სიფრიფანა პერანგი რომ არის, ის მინდაო. ბოლოს და ბოლოს დეზერტირების ბაზარში, იქ სადაც ერთმანეთის მიყოლებით სამრეწველო სავაჭრობია ჩამწკრივებული, იყიდა სიფრიფანა პერანგი. თეთრი ვერ იშოვა, ვარდისფერი იყიდა. დიდხანს

ატრიალა ხელში, იმისთანა მაინც არ იყო; თავისივე ფერის ზოლი მიკ-  
ყვებოდა, რაღაც უშნოდ იწელებოდა. გულოს ძალიან გაუხარდა.  
ჩაიცვა და მერე სულ ის ეცვა. ქიტუა პერანგისამარა ცოცხალი მკვრივ  
ბოდა და შეეცდით — ფიქრობდა. ერთხელ თავისი უცხო მკვრივ მკვრივ  
ლი კინალამ გადარია. ქალაქიდან დაბრუნებულმა უთხრა:

„გულო, მიდი ხალათი გადაიცვი“.

„ვითომ რაღაო?“

„გთხოვ, გადაიცვი“.

გულომ ხალათი გადაიცვა. ქიტუა კართან დადგა და ცოლს დაუ-  
ძახა:

„აბა, დაიხარეო“.

გულოს სიცილი აუვარდა.

„რა გაციენებს, დაიხარეო“.

გულო დაიხარა. ხალათი გადაეხსნა და პერანგი გამოუჩნდა. პე-  
რანგს უკვე აღარ ჰქონდა ვარდისფერი, თითქოს გახუნებულიყო. გუ-  
ლოს გამხდარ მუხლებს ჩვარივით მიეტყუვა პერანგი. ქიტუს ახლა  
იგი ხორკლიანიც კი მოეჩვენა, თითქოს ზედ ნაძვის გირჩებივით, ვაი-  
ლისფერი გირჩები ეყარა და უხეში უღაზათო იყო. გულო დაბნე-  
ული შესცქეროდა ქმარს და იცინოდა. ქიტუამ ცოლს თავი მიანება  
და გულადმა წამოწვა. გულო ტახტზე ჩამოუჯდა.

— რა მოგივიდა, ქიტუა!

— არაფერი!

— ავად ხომ არა ხარ?

— არა!

ქიტუა ისე ცივად პასუხობდა, ისეთი გაშეშებული და გაყინული  
სახე ჰქონდა, გულოს შეეშინდა. გაჩუმდა. „ნეტავ რა მოხდა?“.. გუ-  
ლომ ვერ უპასუხა ამ კითხვას. დაფიქრებული წამოდგა, გარეთ გამო-  
ვიდა, ალბათ დაიღალაო, დაასკვნა.

ქიტუა დიდხანს იწვა და ფიქრობდა. ფიქრში ჩაეძინა, როცა გამო-  
ეღვიძა, მზე უკვე ჩადიოდა. ზაფხულის საღამო იყო, ნუშისა და ატ-  
მის ხეების ქვეშ ბიჭები თამაშობდნენ. უფროსები ერთმანეთს ქვის  
სროლაში ეჯიბრებოდნენ, უმცროსს ცალი ხელით შარვალი ეკავა და  
ცალში ქვა. დიტო და დათო ერთმანეთს ედავებოდნენ ქვა მე უფრო  
შორს გადავაგდეო, გიგა კი შარვალს ხელს არ ამორებდა და ძმებს  
შესცქეროდა. ძმები მას ყურადღებას არ აქცევდნენ, ხოლო როცა ის-  
ინი ქვას შორს გადააგდებდნენ, გიგაც შეეცდებოდა, რაც ძალი და  
ღონე ჰქონდა მოიქნევდა, თავს ვერ შეიმაგრებდა და ეცემოდა. რომ

წამოდგებოდა შარვალი უკვე კოჭებში ჰქონდა გაბლანდული და ბათ ამაზე გაბრაზებული თავის ენაზე რალაცას ბურტყუნებდა.

ქიტუა კარგ გუნებაზე დადგა. გიგას დაუძახა და გულში ჩაუნკნა. გულში ჩაუნკნა. ქიტუა რომ ნახა, გაუხარდა. ქიტუამ უთხრა: გიგას შარვალი გამოუცვალე, ბევში იტანჯებაო. გულში ბავშვს სამოსი გამოუტანა. კალთაში ჩაისვა, ჭუჭყიან ნიკაპზე და ცხვირზე აკოცა და ჩააცვა. გიგა ბაჯბაჯით გაიქცა ძმებისაკენ. იმ საღამოს ტკბილად ივანშემს და ტკბილად დაიძინეს.

მეორე დღეს კვლავ დაფიქრებული დაბრუნდა ქიტუა ქალაქიდან. კვლავ აღარ წავიდა სამუშაოდ, იწვა და გაშეშებული შესიკეროდა ჭერს...

დააკაკუნა კარზე. რუსიკომ კარი გაუღო. დღეს მას ჭრელი ხალათი აცვია, როგორც კი რუსიკო გაინძრევა, ფართოფოთლებიანი აბრეშუმის ხალათი შრიალეხს.

— მობრძანდი, ქიტუა! მობრძანდი!..

ქიტუას თვალები გაუბრწყინდება, იატაკს დახედავს, — ისე პრიალებს, ფეხი სად დაადგას არ იცის. სასწრაფოდ იხდის ფეხზე და... ყურებამდე გაწითლდება. რუსიკო ფეხზე უყურებს, ქიტუას დახეული წინდები აცვია. სად დადგას ახლა ეს ფეხები, რა უყოს, სად წაიღოს?..

— მოდი, ქიტუა, ნუ იხდი ფეხზე, ხომ ხედავ რა დასვრილია იატაკი...

ქიტუა ვერ ხედავს დასვრილია თუ არა, რადგან რუსიკომ თეთრი ხელი მოჰკიდა და სახლში შეიყვანა. ასეთი ნაზი ხელი ქიტუას სიზმარშიაც არ უნახავს. რუსიკო მეორე ოთახში შედის და რძისთვის ბოთლები მოაქვს. ქიტუა ხედავს, რომ ამ ოთახში რალაც სხვაგვარი სინათლეა, ყველაფერი ისე პრიალებს, თითქოს აღამიანი არ ცხოვრობდეს იქ. ქიტუას ახსენდება სადღაც მთაში ნანახი წყარო, რომელიც ისეთი ანკარა და სუფთაა, შეგიძლია ფსკერზე კენჭები დაითვალო. დგას გაოგნებული ქიტუა და ოთახში იკეპირება, მხოლოდ მაშინ გამოიერკვევა, როცა რუსიკო ფულს ჩაუთვლის. ფულს დაინახავს თუ არა, ქიტუას სახეზე დაბნეულობის კვალიც არ არის. სწრაფად დათვლის ფულს და მიდის.

— ვედროში აღარ ეტევა, წაიღე ქიტუა, დღეს აუცილებლად წაიღე — ეს ფატია, ლამაზი და კეთილი ფატი.

— ახლავე წავიღებ, ქალბატონო!

ქიტუა ფატის მაწონს და რძეს უტოვებს. მერე ფრთხილად შედის სამზარეულოში და პურის ნატეხებით სავსე სათლი მიაქვს. ფატი ნარჩენებს ქიტუას ძროხისა და ღორისთვის ინახავს, კეთილად თუ... რემ ქალაქელ ქალს ვიღაც ქიტუას ძროხა და ღორი რად გაანსებდებოდა?.. ქიტუა როცა ფატის ელაპარაკება, ცერცვისოდენა ყვითელი კბილები მუდამ გადმოყრილი აქვს, ასე ჰგონია, თუ არ გაიცინა, ფატის ეწყინება. იცინის ქიტუა უაზროდ, უმიზეზოდ და ყველაფერზე „კი, ქალბატონოს“ ეუბნება, აბა, სხვანაირად როგორ უნდა მოიქცეს? — ხატივით ქალს სხვა რა უნდა უთხრას?

წევს ქიტუა გულაღმა და თბილისელ ქალებს ელაპარაკება. თბილისელთა გაკრიალებულ ოთახებში ფრთხილად დააბიჯებს. მის სახლში კი ფუნის სუნი ტრიალებს. ბაგა დედაბოძს იქითა აქვს, ძროხა იქ არის, მაგრამ ქიტუას საიდანლაც ფუნის სუნი სცემს. მანამდე არ სცემდა ფუნის სუნი, ალბათ, იმიტომ რომ ახლა მანდ ორი ძროხაა. დამაკდა ქიტუას ფური, გაიზარდა, დასრულდა — ძროხა აბა რაა!

ღრო გადის და ქიტუა ხედავს, რომ მისი ეზო-კარი თვალდახელშეუა იცვლება, აუტანელი ხდება, ნალოლიაეები სახლ-კარი თვალისდასანახავად ეჯავრება.

— გულო, მოდი ჩემთან, გულო!

— რა იყო ქიტუა?

— რა იყო და ქალაქში წავიდეთ საცხოვრებლად, სახლს აქ ნუ ავაშენებთ.

— რათა, კაცო?

— რათა და... რა ვიცი, აბა, რათა!

— ქალაქში რა გავაკეთოთ? მიწას ქალაქში ვინ მოგვცემს?

— მიწა არ მინდა.

— უიმე, უიმე! რა თქვა?!

— შენისთანები ცხოვრობენ ქალაქში!

— ქიტუა, შენ გენაცვალე, გულს ნუ გამიხეთქავ...

— გაგიხეთქავ და უარესსაც გიზამ, თუ არ დამიჯერებ, თუ ჰკუთით არ იქნები!

ქიტუას მშვიდ და წყნარ ქოხში, საიდანაც არასოდეს გამოდიოდა მაღალი ხმა, ახლა ამგვარ საუბარს ყოველ საღამოს გაიგონებთ, საკმაოა სულ უბრალო, უმნიშვნელო მიზეზი, ქიტუა თოფისწამალივით იფეთქებს და ცოლს ეჯავრანება.



- რად გატეხე ეს ქოთანო!
- მე არ გამიტეხია.
- აბა, მეზობელი მოვიდოდა ამის გასატეხად!
- ბავშვებმა გატეხეს, ქა!..
- მერე, შენ სად დაეთროდი!
- ბოსტანში დავეთროდი. ეე!..
- ბოსტანი, ბოსტანი! ბოსტნის გარდა ოჯახიც ხომ უნდა გახსოვ-

დეს!

— ბოსტანი ჩვენი მარჩენალია, ეშმაკის კერძო!

— ჰო, კარგი, კარგი!.. აბა, დედაკაცი შენა ხარ — ბოსტანს თავს დასტრიალებ და სახლი სანაგვესა ჰგავს!.. წავიდეთ და ბარემ ბოსტანში ვიცხოვროთ!

გულო გაოცებული, გაბრუებული დადის, ქმრის მოსაწონს ველარაფერს აკეთებს, ეს რანაირად გაგირეცხიაო, ეს რა შეჭამადი გაგივეთებიაო. აღარ იცის როგორ მოიქცეს და ძალიან ხშირად ტირის ჩუმად, თავისთვის. ახსენდება ის ტკბილი დრო, ის ტკბილი ექვსი წელიწადი და გული წყდება, ნუთუ ასე მოკლე გამოდგა ჩემი ბედნიერებაო.

მერე ქიტუა ქალაქშია, რუსიკოს, ფატისა, თუ პროფესორის მეუღლის ბინებში, როგორც ეკლესიაში, ისე შედის მოწიწებითა და თაყვანისცემით. რუსიკოს უღიმის, ფატის უღიმის, ქუჩაში მიმავალ ლამაზ ქალებს დიდხანს აკვირდება. დალილ-დაქანცული მეპაპიროსე ილოსთან ცოტა ხანს ჩამოჯდება და ისაუბრებს. მეპაპიროსე ილომ ქვეყნის ამბები იცის, ქალაქური ამბები — გასაოცარი და გასაკვირველი... პაპიროსის ჯიხურის წინ რამდენი კაციც გაივლის, ყველას გაჭორავს, ეს კაცი მანდ, მეოთხე სართულზე ცხოვრობსო და მოყვება მის ბიოგრაფიას.

შემდეგ ქიტუა შინ ბრუნდება, წამოწევა ტახტზე, ფიქრობს და ფიქრობს... ნაბადაზე, ფოლადისკბილებიან ბრიკადირზე, მეპაპიროსე ილოზე, მაგრამ მისი ყველაზე საუკეთესო ფიქრი რუსიკოა, თეთრი, სიფრიფანა პერანგიანი ლამაზი რუსიკო...

ქონში უკვე ბნელა. ბავშვები ჯერ კიდევ ეზოში დარბიან. გულოს ლამაზ კართან მიუტანია და სინათლეში ნავთს ასხამს. ქიტუა სიბნელიდან ღია კარში იტკირება, საიდანაც ჯერ კიდევ სინათლე შემოდის. გულო ჩაცუცქულა, მუხლებზე გრძლად ჩამოუფარებია კაბა და ლამფას უკირიკტებს. გულო აღარ არის ძველებურად ხალისიანი. ქიტუა ხედავს, რომ მის ცოლს ნიჯვეა ცხვირი აქვს, დანაოჭებული ლოყები,

ისეთი მორთხმული ტუჩები, ბაყაყსა ჰგავს. ქიტუას გაოცებას საზღვარი არა აქვს. წამოჯდება და ცოლს აკვირდება, თვალი ხომ არ მატყუებსო, რამე ხომ არ მელანდებო, ჰკუთხა ხომ არ დევერევე... გულო ისეა ჩაცუცქული, თითქოს გადასახტომად ემზადებო... ქვეყნის ქვეყნიდან შიშველი ტერფები მოუჩანს. გაფარჩხული რომ უდგას იატაკზე, „ბაყაყსა ჰგავს, ნამდვილ ბაყაყსა! უკანა ფეხებზე შემდგარს, გადასახტომად მომზადებულს... ქიტუა, ვაი, შე უბედურო... იქნებ იმისი ბრალია, რომ ჩაცუცქულია, ჩაცუცქული გულო, ალბათ, არ გინახავს“...

— ადექ, ქალო, რას ჩაცუცქულხარ, მანდ ბაყაყივით!

ისე დაიყვირა ქიტუამ, თავისი ხმის თვითონ შეეშინდა. ასე ხმა-მალლა კი არ უნდოდა, ვერ გამოზომა...

— რა იყო, კაცო. გული გამიხეთქე!

— ფეხზე ადექი, ფეხზე!

— რა მოგივიდა, შენ ჩემი ცოდვით სავსეც.

— ფეხზე ადექი-მეთქი, მე შენ გეუბნები! ახლა მთელი ხმით იყვირა ქიტუამ და წამოდგა. გულოც წამოდგა.

— რატომ არ გაცვია ფეხზე!

გულომ გულამოსკვნილი ტირილი მორთო. იგი ხედავდა, რომ ქიტუა გამოიცვალა, რალაც აწუხებდა, რალაც ტანჯავდა, ხედავდა, რომ ქმარს შეძულდა, მაგრამ ამ აზრს ვერ ეგუებოდა. ვითომ ვერ ამჩნევდა, ვითომ ვერაფერს ხედავდა, დადიოდა ჩუმად, თავისთვის, ძველებურად ტრიალებდა შინ და გარეთ. მხოლოდ გული ცრემლით ჰქონდა სავსე. სულ პატარა მიზეზი იყო საჭირო დილიდან საღამომდე ეტირა. და აი, თითქოს ტყვია ესროლესო, მოცელილივით დაეშვა იატაკზე, თავი მუხლებში ჩარგო, საოცრად მოიკრუნჩხა, ისედაც ჩია ტანის, მთლად დაპატარავდა და ქვითინით იჭერა გული.

— ფუ, შენი! — მიაძახა ქიტუამ და განერვიულებული გარეთ გამოვარდა. ეზოში ბავშვები თამაშობდნენ, გიგა ცალკე იდგა და მწიფე ატამს ჰკამდა. ატმის წვენი წურწურით ჩამოსდიოდა ნიკაპზე, მკერდზე და მუცელზე. ტიტველი გამობერილი მუცელი ისეთი ჭუჭყიანი ჰქონდა, თითქოს ტლაპოში ამოველოო.

— დიტო, დათო, გიგა, მოდით აქ, ჩქარა! — დაუძახა ქიტუამ ბავშვებს. — ჩქარა-მეთქი! დაუყვირა მან დიტოს და თითი დაუქნია, რადგანაც თამაში აღარ შეწყვიტა. ქიტუამ დიდი სათლით წყალი მოიტანა, ბავშვები ატყობდნენ, რომ მამა გაბრაზებული იყო და მორჩილად თავჩაქინდრულები იდგნენ.



— გაიხადეთ, სულ გატიტვლდით! — უბრძანა მან ბავშვებს, —  
ლა თავები მიადეთ ერთმანეთს!  
დიტომ სიცილი დაიწყო.

— რა გაცინებს, დედაძალო! ჭუჭყმა რომ შეგჭამოს  
უნდა მიხვდე? ხომ ხედავთ დედა მკვდარი გყავთ! მიადეთ კარგად  
პო, ერთმანეთს თავები! ეგრე, პო, ეგრე ღორის გაგდებულებო!

ბავშვებმა ერთმანეთს თავები მიადეს და ხორუმის მოცეკვავეები-  
ვით გაშეშდნენ, რადგანაც მამამ ურჩობისათვის დიტოს თავში წამო-  
არტყა. ჭიტუამ ბავშვებს წყალი გადაასხა. ცივი წყალი მიეკარათ თუ  
არა, დიტო და დათო შეხტნენ. „ცივია, ცივიას“ ძახილით მკერდზე  
და მუცელზე ხელები დაიტყაბუნეს. გიგას შეეშინდა და ატირდა. ჭი-  
ტუამ ცემა-ტყეპით დაბანა ბავშვები და მიწურში შერეკა.

— გადაირია, შვილებო, მამათქვენი, ნუ ტირით, ჩაწეჭით და დაი-  
ძინეთ, უთხრა მათ თვალცრემლიანმა გულმომ და გიგას მიუწვა. მოე-  
ფერა, ზღაპრებს მოუყვა და გაჭირვებით დააძინა.

იმ საღამოს გულოს და ჭიტუას გვიან ღამემდე არ დაუძინიათ.  
მთვარიანი ღამე იყო. ნაცრისფერ მთებს შორის ლაღობდა მთვარე,  
ჭიტუას ქოხის სამკუთხა სახურავს დასტკეპროდა განათებული ცა.  
დიდებულ სიჩუმეში გაისმოდა ცოლ-ქმრის კამათი. ჩაბნელებული  
მიწურიდან კამათის ხმა ისე გამოდიოდა, თითქოს სიბნელე გარეთ  
გამოაქვსო. განათებული ღამე ამ სიბნელეს უმალ აქრობდა, როგორც  
კი ლაფაროს გამოსცდებოდა.

მეორე დღეს, დილით, გულო ბევრი ემუდარა ქმარს, არ წახვიდე  
თბილისში, არაფერი გეჭირდება, ყველაფერი ყელამდე გვაქვსო,  
მაგრამ ჭიტუამ ცივად მოიშორა ცოლი, ხურჩინი მხარზე გადაიკიდა  
და წავიდა.

გულო ტახტზე დაემხო და ტირილით გული იჯერა. მერე თმაგაჩე-  
ხილი, თვალმდასიებული წამოდგა. იბორიალა, იბორიალა, უნდოდა  
რალაც გაეკეთებინა და თავს ვერ აბამდა, დაფათურობდა, ბავშვებს  
ეფერებოდა, გაშტერდებოდა, ფიქრობდა, ფიქრობდა... ბოლოს დი-  
ტოს და დათოს უთხრა; თქვენ მამას დაელოდეთ, მე და გიგა მალე მო-  
ვალთო და წავიდა. დიტო და დათო ჯერ აბუზლუნდნენ, ჩვენც გვინდა წაი-  
ვლაო, მერე თვალცრემლიანებმა ვააცილეს დედა და გიგა, გამოიტანეს  
გრძელი ჯირკო, ქოხის წინ დაიდგეს, გუგულებივით დასკუბდნენ და  
მიაჩერდნენ თბილისისაკენ მიმავალ შარავზას, რომელიც მათ ჭიშკარ-  
თან გადიოდა. ასე გულდაგულ ისინი მამას არასოდეს დალოდებინა,

ისინი ხვდებოდნენ, რომ მათ თავს რაღაც ხდებოდა, შეშინებულნი ერთმანეთს ეკვროდნენ და შარავზას გასცქეროდნენ.

ქიტუა გულოსაგან ამდენს არ მოელოდა. მიტოვებულნი შეებრალა, მოეფერა. ატირდნენ ბავშვები...

ქიტუსას გული მოეწვა, თვალი ცრემლით აევსო. აქეთ ეცა, იქით ეცა. მეო, აი, რა მოგიტანეთო, ხვალ რომ წავალ თბილისში, წითელ ფეხსაცმელებს გიყიდითო. მაგიდასთან დასხა და დააპურა. თვალხურობანა ეთამაშა. მერე ჯოხის ცხენებზე შესვა და ეზოში გაუშვა. დიტოს და დათოს ასეთი მამა არასოდეს ენახათ. დედა გადააფიწყდათ, მთელი დღე თამაშობდნენ. დაღლილ-დაჭანცული ქიტუა ეზოში თუთის კუნძულზე ჩამოჯდა. ჭიშკარი კბილებჩაუანგებულმა ბრივადირმა, სესიანათ ვანომ და დეიდა კატომ შემოაღეს. ქიტუსას შეეშინდა, რამე უბედურება ხომ არ არის ჩემს თავსო. როცა გაივო რისთვის მოსულიყვენ, გადააპურჭყა და მეზობლებს მკაცრად უთხრა: ჩემი საქმე მე ვიცი, ვისაც არ უნდა, მე არავის ვიჭერო, თელავში წავიდა თუ არა, დამთხვეული მამამისი ქარვასლებს აუშენებსო. ეს ისე ზიზღით თქვა, მეზობლებმა ერთმანეთს გადახედეს. მეზობლებისა და ახლობლების შემოტევა ამით არ დამთავრებულა. ყოველ საღამოს ქიტუსას ქოზი ხალხით ივსებოდა, იყო ყაყანი, დავა, პაპიროსის წევა და პურჭყება. თელავიდანაც ჩამოვიდნენ გულოს ნათესაეები. ქიტუამ ენა ჩაიგდო. თქვენ მაინც თქვენსას ამბობთ, მე ჩემსას და რა აზრი აქვს დავა-კამათსო. გაგიყებულა ჩვენი ქიტუა, უკმაყოფილოდ აქნევდნენ თავს მეზობლები და მიდიოდნენ. რა სხვანაირი ცხოვრება, რის სხვანაირი ცხოვრება, ჩვენ პაპებს ასე უცხოვრიათ, ჩვენც ასე ვცხოვრობთ და ეს ვინდაა, მეზობლებს მაინც ვერ შეხედავსო?.. დაღვინდება და ჭკუაზე მოვაო, ამბობდნენ უფრო წინდახედულები. ეშმაკი შეაჯდა მხრებზეო, ამბობდნენ ქალები. ქიტუა არავის ყურადღებას არ აქცევდა და დაფიქრებული განზე იყურებოდა. მის თავში იბადებოდა უამრავი კითხვა, უამრავი ამოცანა, და გამოცანა. ყველა მათგანისათვის პასუხი უნდა გაეცა, უნდა ამოეხსნა, უნდა გამოეცნო. ქიტუსას გონებას ასე არასოდეს უმუშავია, ამდენი არასოდეს უფიქრია, რა ჭკონდა საფიქრალი უნდა გაეყიდა მაწონი, მწვანელი და კოლექტივიშიც არ უნდა დაეგვიანებია, ახლა კი... ახლა მის თავში თითქოს სველი ჩალის ღეროები ჩაელაგებინათ, რაც ბალღამისფერ კვამლში იყო გახვეული და ბოლავდა — არ ეკიდებოდა. ბალღამისფერი კვამლი აწყდებოდა საფეთქლებს, შუბლს, კეფას, თავი თითქოს იბერებოდა და მიძიდებოდა. კოშმარული სიზმრები მის თავს ხან უზარმაზარ ღრუბლად

აქცევდა, ხან კიდევ დიდ თეთრ გოგრადა, რომელსაც ნაჯახით ჩეხავდნენ. ქიტუას ყოველ დილით თავი ტკიოდა. ბავშვებს არ უნდა ეგრძნოთ, რომ ქიტუას თავი ტკიოდა, რომ ქიტუა დაფიქრებულს მსგავს თორემ ყურებს ჩამოყრდნენ, დედას მოიკითხავდნენ, უკმარისობის ტოს და დათოს ქიტუა არ აგრძნობინებდა! ის კი არა, გულოს შეუთვალა, გიგაც გამომიგზავნე და მე მოვუვლიო.

— რა ქვეყნის ჯავრი გაწუხებს, ქიტა ბიჭო? — რამდენს შეზღებოდა ეკითხებოდა პაპა სესე და პაპიროსს თხოვდა. ქიტუას უნდოდა ეთქვა თავისი ღარდი, მაგრამ იცოდა, პაპა სესე რასაც ეტყოდა. გაიცინებდა — მე შენ ჰქვიანი ბიჭი მეგონეო. მისი დამცინავი ჭირჭილი ქიტუას გაახლებდა, გაღიზიანებდა. ამიტომ დუმოილს არ ჩეხდა.

თურმე შენი პირადი ცხოვრების შეცვლაც კი ასე ძნელი ყოფილა! აბა, ახლა პაპა სესესთვის ან თედისთვის რომ ეთქვა: შეიცვალეთო — იმას მაინც ვერ ხედავთ, გველი რომ გველია, წელიწადში ერთხელ კანს იცვლისო, ჯოხით არ გამოეკიდებოდნენ?..

დადიოდა დაფიქრებული ქიტუა. მის ირგვლივ ირეოდნენ ადამიანები, უმოწყალოდ ჭორავდნენ, ლანძღავდნენ. ქიტუა ყურებსაც არ აბარტყუნებდა.

თბილისში კვლავ ძველებურად ხვდებოდნენ. ქიტუაც ძველებურად უღიმოდა ქალაქელ ქალებს. დიტო და დათო უკვე გუგულებით აღარ ისხდნენ საჩხების წინ — ეზოში და ეზოს გადაღმა ტოლბიჭებთან დანავარდობდნენ. ფოლადისკბილებიანი ბრიგადირი აღარ იყო უკმაყოფილო. ქიტუა ახლა უკეთ მუშაობდა. თბილისში წასვლასაც ასწრებდა და კოლექტივში მუშაობასაც. ქიტუა არავის არ ათქმევინებდა, რომ მას ეშმაკი შეაქდა მხრებზე და ამიტომ საქმეს უღალატა, ან გალოთდა, ან ოჯახზე გული აიყარა, არა, ქიტუა არ გალოთდება, არც სხვაზე ნაკლებ შრომადღეს გამოიმუშავებს, არც სხვაზე ნაკლებ ფულს მოიტანს ოჯახში. ილაპარკონ რამდენიც უნდათ — თბოლი ბიჭი ქიტუა გზას არ აცდებია!..

ერთ დღეს შინ გვიან დაბრუნდა. ეს იყო ყველაზე ცუდი დღე მის ცხოვრებაში. დილით ადრე ადგა. თავისი ძველთაძველი ხურჩინი გატენა მაწვნით, კიტრით, პამიდვრით, მწვანელით, ვარიები ერთმანეთზე გადააბა და კრიახით, ხვნეშით დაადგა გზას თბილისისაკენ.

ახალგაღვიძებული თბილისი მთქნარებით, ვარჯიშით, პირისბანითა და ჩვეულებრივი ქალაქური ფაცა-ფუცით შეხვდა. ქიტუამ იცოდა თავისი მუშტრებიდან ვინ რა დროს მიდიოდა სამსახურში. პირველი

იმას ესტუმრებოდა, ვინც ადრე ტოვებდა ბინას. ერთგან ჰყავდა მარტოხელა მამაკაცი, რომელიც სამსახურში ჩანთით მიდიოდა. იგი ბრაზდებოდა, თუ რაიმე შემთხვევის გამო ქიტუა მაწონს ნებდა. ამიტომ კარზე კაკუნს ჩანთიანი მამაკაცის ბინიდან შემდეგ კი კარს უღებდნენ ერთმანეთზე უკეთესი ქალები. ქიტუა მათ „კი ქალბატონს“ ეუბნებოდა და ცერცვისოდენა ყვითელ კბილებს უჩვენებდა.

პროფესორის მეუღლემ დღეს ძალიან ბევრი კიტრი და პამიდორი იყიდა, ფატიმ ვარიები. ფატი კვლავ მარტო იყო, მობრძანდით უთხრა ქიტუსას, მაგრამ ეს ზრდილობისათვის, თორემ ვარიების მეტი არაფერი უყიდა. რუსიკოს კარზე რომ დააკაკუნა, ისიც გაღიმებული შეხვდა. ეს ანგელოზივით ქალი მუდამ მეგრდს იფარავდა, იმას კი ვერ ამჩნევდა, ტარხუნის ამოსარჩევად როცა დაიხრებოდა, მუხლებთან ხალათი გადაეხსნებოდა და თეთრი პერანგი გამოუჩნდებოდა. მერე ქიტუა დიდხანს ფიქრობდა მის თეთრ მუხლებზე, ბამბასავით თეთრ ხელებსა და შოლტივით ტანზე. რუსიკომ იმ დილით რძე იყიდა და ცოტა მწვანელი. უთხრა, იმდენი ძველმანები მაქვს, რალა სხვამ, შენ წაიღე, კარადაში არ მეტევაო.

რუსიკო შეტრიალდა, კარადა გამოაღო და ქიტუსას დაუძახა:

— შემოდი, ქიტუა, ნახე, თუ მოგეწონება, წაიღე!

ქიტუა ფეხაკრფით შევიდა ოთახში, თითქოს ფეხს თუ ფრთხილად დადგამდა, იატაკი არ დაისვრებოდა. ქიტუამ გაიხედ-გამოიხედა და ერთ კედელზე სამი ქიტუა დაინახა. „რა ლამაზი სარკეებია“, — გაიფიქრა და სასწრაფოდ მოარიდა თვალი სარკეებს. რუსიკომ პალტოები, კოსტუმები, კაბები, შარვლები, ბავშვის ტანსაცმელი იატაკზე დაყარა. ქიტუსას თვალები გაუბრწყინდა. პალტო აიღო, შეათვალიერა და გოცებულმა ჰკითხა:

— ეს თქვენ არ გჭირდებათ, ქალბატონო?

— არა, ქიტუა, ჩემს ქმარს ორი პალტო აქვს, ამას უკვე აღარ იცვამს.


— ძალიან ბევრი არ არის, ქალბატონო?

— რამდენიც გჭირდება, იმდენი წაიღე.

— მე ყველაფერი მჭირდება, მაგრამ ძვირი არ იქნება, ქალბატონო?

— რამდენიც გეჩნება, იმდენი მომეცი, ქიტუა, მე რა, ვაჭარი ხომ არა ვარ!

ქიტუამ ჯიბეში ხელი ჩაიყო და ათმანეთიანი ამოიღო.



— ახლა ათ მანეთს დაგიტოვებთ, ქალბატონო, დღეს ბევრი ფული უნდა ავიღო და როცა ხელს გავინთავისუფლებ, ფულიც კმარა ტანთ და ამასაც წავიღებ.

— როგორც გენებოს, ქიტუა, — თქვა რუსიკომ და ღიმილით გააცილა.

ქიტუა სახლებს შორის ენაგადმოვარდნილი დარბოდა. ოფლი წურ-წურით ჩამოსდიოდა. როგორმე ხელი უნდა გაენთავისუფლებინა, ჩქარა უნდა ემოქმედა, რადგანაც მერე ბავშვი სკოლიდან დაბრუნდებოდა, მერე იქნებ რუსიკო შინ მარტო არ დახვედროდა. ახლა კი, ახლა რუსიკო სრულიად მარტო იყო. ქიტუა სამარცხვინოს არაფერს აპირებდა, მას უნდოდა ქალაქელი ქალისათვის სხვა რამ ეთქვა გარდა „კი ქალბატონისი“. ასჯერ ააწყო ასე მოვიქცევი, საუბარს ასე დავიწყებო და ასჯერვე არ მოეწონა, დაფეთებული, დაბნეული დარბოდა და მხოლოდ მაშინ გამოფხიზლდებოდა, როცა მუშტარი დასახურდავებლად ფულს გაუწოდებდა. ფულის დანახვა მასზე ნიშადღურივით მოქმედებდა... როგორც იქნა გაყიდა რძე-მაწონი, ვარიები, მწვანილი, ხელი გაინთავისუფლა, დამშვიდდა, დაწყნარდა. ახლა შეიძლებოდა მისულოყო რუსიკოსთან, მაგრამ ერთმა აზრმა გაუელვა... ადგა და რუსთაველის გამზირს დაუყვა, ყველა მაღაზია შემოიარა. მაღაზიის მუშაკები ერთმანეთს გაკვირვებული უყურებდნენ, ვიღაც სატინის ბლუზიანი, ხურჯინიანი მემწვანილე, ყველა კოსტუმს იწუნებდა. ბოლოს საკომისიო მაღაზიაში ქიტუამ იპოვა შავი, პრიალა კოსტუმი, ჩაიცვა და გახარებული წამოვიდა.

ცარიელი ბოთლებითა და ქილებით სავსე ხურჯინი, რუსიკოს სახლისკენ გადასახვევთან მეპაპიროსეს დაუტოვა და მესამე სართულზე შეუსვენებლად აირბინა. ისე ჩქარა სუნთქავდა, ვერ დააკაუნა, უცბად კარი რომ გამიღოს, ხმას ვერ ამოვიღებო. სული მოითქვა, კარგად მოიფიქრა და ჩვეულებრივად ფრთხილად დააკაუნა.

— მობრძანდი, ქიტუა, — კვლავ გაღიმებული შეხვდა რუსიკო. ქიტუა ოთახში შევიდა. ძველმანები ისევ იმ ადგილას ეყარა იატაკზე. ქიტუა ძველმანებს დააჩერდა და გაშტერდა.

— რა იყო, ქიტუა, იქნებ არ მოგწონს, თუ არ მოგწონს, კი არ გაძალბებ, — უთხრა რუსიკომ.

— არა, ქალბატონო, ძალიან დავიღალე, თუ შეიძლება ცოტას შევისვენებ, — თქვა მან და იქვე სავარძლის კიდებზე ჩამოჯდა. სასაცილოდ და გაწვალბებულად იჯდა.

— კარგად დაჯექი ქიტუა, თორემ სავარძელი პარკეტზე გასრულდება და დაეცევი.

— არა უშავს, ქალბატონო, მე ახლა წავალ...

ეს ისე ნაღვლიანად თქვა, ისეთი არეული და დატანჯული მსახურით ჰქონდა, რუსიკომ გაიფიქრა, ამ უბედურს რამე ხომ არ შეემთხვაო. რუსიკო ტახტზე იჯდა, ხელები მუხლებზე შემოეწყო და ქიტუას შესცქეროდა. ქიტუა ვერაფერს ხედავდა, ვერც რუსიკოს, ვერც კედლებს, ვერც იატაკს, თითქოს თვალთა სინათლე წაერთვა.

— რამე ხომ არ შეგემთხვა, ქიტუა? — ჰკითხა რუსიკომ.

— არაფერი, ქალბატონო, მე ახლა წავალ...

— ძველმანებს რამეში ჩააწყობ?

— მე არ მინდა ძველმანები, ქალბატონო!..

ქიტუამ ეს სიტყვები ხმამაღლა თქვა, თითქოს მიაგნო, რაც უნდა ეთქვა:

— მე ის ფული ისე მოგეცით!..

— ისე მომეცი?.. ისე?.. რუსიკომ გაიცინა, — მე რაში მჭირდება შენი ფული?..

— თქვენ ბევრი ფული გაქვთ, ქალბატონო?

— დაგროვებული ფული არა მაქვს, მაგრამ რამდენიც მჭირდება, ყოველთვის მაქვს.

ქიტუა უკვე ფეხზე იდგა და აკანკალებული, სახეშეცვლილი, გაფართოებული თვალებით მიჩერებოდა რუსიკოს და შეკითხვებს აძლევდა. რუსიკო ქიტუას უცნაური ქცევით დაბნეული, პასუხობდა.

— ჰოდა, მე, ქალბატონო, შვიდი ათასი მანეთი მაქვს, ცოლი გავუშვი, ერთი თვეა ქალი არ მინახავს, თუ ვინმე გეგულემათ, თქვენ გენაცვალეთ, თბილისელი ქალი...

ქიტუამ ამ სიტყვებს გული თან ამოაყოლა და მუხლებზე დაეცა. თავი ხელებში ჩამალა და ძნელი მისახვედრი იყო, ტიროდა თუ განგებ გაყურდა, აბა, რუსიკო რას იტყვისო. რუსიკომ თავი უხერხულად იგრძნო და წამოდგა — ქიტუა ზედ მის ფეხებთან იყო დამხობილი. სიცილს ვერ იკავებდა და ამიტომ ხმა ვერ ამოეღო. სიცილი ახლა ქიტუას უფრო დაამცირებდა, რუსიკოს რცხვენოდა რომ ეცინებოდა. როცა ქიტუამ თავი ასწია, რუსიკომ როგორც იქნა ამოიღო ხმა:

— წაიღე ახლა ეს ძველმანები, ცოლს შეურიგდი... ბავშვები არ გებრალემა?..

ქიტუამ წინასწარ იცოდა, რუსიკო რასაც ეტყოდა, მაგრამ, სად-

ლაც შორს, გულის კუნჭულში ეგულებოდა ერთი სიტყვა „იქნება“ და როცა ხანგრძლივი სიჩუმის შემდეგ გაიგონა რუსიკოს ხმა და ის „იქნება“ ცარციტ დაწერილივით ერთ წამში წაიშალა, შეჩქარებულად მოვიდა, თითქოს არაფერი მომხდარიყოს, მუნჯად წაშლიდა კოსთვის არც შეუხედავს, ძველმანები შეაქუჩა, თოკით შეკრა, იდლი-აში ამოიჩარა და კარისაკენ გაემართა. კართან ხუთმანეთიანი ამოი-ლო და რუსიკოს გაუწოდა. რუსიკომ ახლა უკვე ვეღარ შეიკავა თავი და ხმამაღლა გაიცინა, ქიტუა გაშრა.

— თხუთმეტ მანეთზე მეტი არ ღირს, ქალბატონო, შვილებს გე-ფიცები, მეტი არ ღირს... ეს ისე თქვა, რუსიკოს გაუკვირდა და სი-ცილი შეწყვიტა, — ახლა უკვე მის წინ სულ სხვა კაცი იდგა. „რამ გამოცვალა — გაიფიქრა მან, — შვიდიათას მანეთს მპირდებოდა და ახლა მევაჭრება. ამ ჩანჩურა კაცში ორი კაცია? ერთი რაღაა და ორი რა იქნება?“

— მეტი არ ღირს, ქალბატონო, აი, თქვენ მეძველმანისთვის რომ მიგეცათ, ხუთ მანეთსაც არ მოგცემდათ.

რუსიკომ ქიტუას ადრე დატოვებული ათმანეთიანი უკან გაუწო-და. ქიტუა აირია. ჯიბეში ხელი ჩაიყო და ლულუღი დაიწყო:

— მაშინ... კარგი, ოც მანეთს მოგცემთ!..

— არც ერთი კაპიკი არ მინდა, ისე წაიღე, — უთხრა მტკიცედ რუსიკომ. ათმანეთიანი ფეხებთან დაუგდო და კარი მიუხურა.

— ქალბატონო!.. ქალბატონო!.. შესძახა მოხურულ კარს ქიტუამ და უმწეოდ თავი ჩაქიდა. იდგა და იატაკზე დაგდებულ, დაჭმუჭნულ ათმანეთიანს დასცქეროდა. „ეს რა გავაკეთე, როგორ შევირცხვინე თავი, აწი მე ამ კარებზე ვერ დაეკაკუნებ“, — გაიფიქრა მან და თავი შეეზიზნა. მან თითქოს ამ წუთებში გაიგო საკუთარი ვინაობა, სა-კუთარი თავი ჯადოსნურ სარკეში დაინახა.

ქიტუამ ძველმანები კარებთან დაყარა და სადარბაზო შესასვ-ლელიდან დარეტიანებული გამოვარდა. შუბლიდან სიმწრის ოფლი მოიწმინდა, სული ეხუთებოდა და ტირილი უნდოდა, უაზრო თვალე-ბით სივრცეს მიშტერებოდა. წამწამი რომ დაეხამხამებია, ცრემლი წასკდებოდა, ცრემლის რცხვენოდა და ჩუმად ყლაპავდა. გამგლელები აკვირდებოდნენ და იქვე ასკვნიდნენ, ეს კაცი ან მთვრალია ან გადა-რეულიაო. ქუჩაში გამოვიდა, ფართო ქუჩა ხალხით იყო სავსე, ვაკე-საბურთალოს გზით ფეხბურთიდან ბრუნდებოდა ხალხი, ტროლეიბუ-სებსა და ავტობუსებში სუნთქვა ჭირდა, ტროტუარზე ერთმანეთს მხარს ვერ უჭკევდნენ ადამიანები. იქ ახლოს ტროლეიბუსების ბოლო

გაჩერება იყო, ყველა იქითვე მიეშურებოდა. ქიტუა, პირიქით, მთ  
საპირისპიროდ მიდიოდა, გავლა უჭირდა, ის ახლა ხალხს კი ვერ ხე-  
დავდა, გაბრუებული მიდიოდა — ვილაცას ეჯახებოდა, ვილაცას ხელი  
ხედებოდა, ვილაცა ავინებდა, ლანძღავდა, ემუქრებოდა. ქმტკქქქმმმმ  
ოდა ჩქარა, ნერვებაშლილი, გაბოროტებული და სულ წმტკქქქმმმმ  
რომ ავინებდნენ, ლანძღავდნენ, ეჯახებოდნენ. ხალხს მიაჩნდებოდა და  
მიდიოდა. თითქოს გარბოდა, თითქოს თბილისი უკან მისდევდა და  
ასფალტ-ბეტონის ყბებით ხარხარებდა. თითქოს ამ ხალხში ერია პა-  
პა სესე, თეღია, ილო, ფოლადისკბილებიანი ბრიგადირი, დეიდა კა-  
ტო, გულოს ბიძა, ბიძაშვილები და სიცილს აყრიდნენ.

გარბოდა ქალაქიდან ობოლი ბიჭი ქიტუა, რომელსაც მხრებზე ეშ-  
მაკი შეაჯდა და მიაკუნებდა. აჰენა, დიდხანს აჰენა ქიტუა ეშმაკმა და  
ერთ ტრიალ მინდორზე გამოიყვანა.

ქიტუა შარავზიდან გადავიდა, ამ მინდორში ცოტას შევისვენებო,  
სახლამდე ცოტა დარჩაო, ბავშვებს დეიდა — კატო არაფერს გაუჭირ-  
ვებსო. ისეთი დაღლილი იყო, ფეხს ძლივს მიათრევდა, შუა მინდორ-  
ში მწვანეზე წამოგორდა, გულალმა გაიშხლართა, ხელები როგორც  
ჯვარცმულმა გაშალა და ცას მიაჩერდა.

სალამო ხანი იყო. ნაცრისფერ მთებს უკან მზე ლამაზად ჩადიო-  
და.

ქიტუა იწვა და უდიდესი ნეტარებით შესცქეროდა ცას. ცა იყო  
სუფთა. ირგვლივ ღვთიური სიმშვიდე სუფევდა.

მზე მთებს მოეფარა. ცა თითქოს უფრო მაღლა აიწია. იგი გაუნ-  
ძრევლად იწვა. ძნელი მისახვედრი იყო ეძინა თუ არ ეძინა. მას ახლა  
ალარ უნდოდა უკან მოეხედა, არაფრის გახსენება არ უნდოდა. ფიქ-  
რობდა მხოლოდ კრიალა ცაზე, მწვანე მინდორზე და ლურჯ  
მთებზე...



## ს ი ს ა ტ უ რ ა

ჭურგუს თურებს თავს დიდი უბედურება დაატყდათ — გარდა-  
ეცვალათ ექვსი თვის ბავშვი. თოლისქვამის ერთადერთი შვილი, პა-  
ტარა ბონდო.

მეთხალე\* ჭურგუს შვიდი ვაჟი ჰყავდა, შვიდივე დაცოლშვი-  
ლებული, დაბინავებული, ღმერთმა ერთადერთი ქალიშვილი მის-  
ცა — თოლისქვამი და ნეტავ ის ერთიც არ გაეჩინა!

დილიდანვე გაკავებული ჰყავდათ ძმებს თოლისქვამი, მის დაწყნა-  
რებას საშველი არ დაადგა. თითისტოლა ბავშვს თავს აკლავდა, ისე  
შემზარავად მოთქვამდა, მკვდარს ისე ეფერებოდა და ეალერსებოდა,  
მთელ სოფელს ატირებდა, შინაურებსაც კი უჭირდათ დიდხანს თო-  
ლისქვამის და მისი მკვდარი შვილის ყურება. კარგი, გეყოფა, გაათავეო,  
ბლოდნენ ძმები და გარეთ გარბოდნენ, რათა სული მოეთქვათ, გული  
დაეწყნარებინათ, აღარ შეეძლოთ ამდენი ტირილი.

ბავშვის ცხედარი ჯარგვალში, შუა ადგილას ესვენა. სახელდახე-  
ლოდ დაექედათ პატარა ტაბაკის მსგავსი ტახტი, თეთრი ზეწარი გა-  
დაეფარებინათ, კერიის თავთან დაედგათ და თმახუჭუჭა ბონდო ზედ  
დაესვენებინათ, წითელი ვარდები დაეკრიფათ და მკვდრისთვის  
მკერდზე გადაეყარათ. ბავშვს თითქოს ეძინა, ლამაზ ტუჩებზე ღიმილი  
გაჰქვავებოდა.

ცხედარს თავზე ადგა თოლისქვამი და მოსთქვამდა. ხან კიოდა,  
ხანაც სიტყვებს უაზროდ ისროდა, ხან კიდევ მუშტებს იცემდა  
მკერდსა და თავზე.

— კარგი, შვილო, კარგი! დაწყნარდი, ვაშინერს!\*\* რამდენჯერ  
გითხარი, ვაშინერს-მეთქი! ანგელოზია, ვერა ხედავ, ღმერთმა ივი  
თავისთან წაიყვანა, ამდენი წივილ-კივილი და თავში ცემა გაგო-

\* მეთხალე — თხის მწყემსი.

\*\* ვაშინერს — აკრძალულია, ტაბუ ადევს.

ნილა? ღმერთი გვიწყენს, — ეჭურჩულებოდა თოლისქვამს დედა.  
თოლისქვამის დედა — ბედიშა ადათ-წესების მცოდნე, ქეშმარი-  
ტი მორწმუნე ქალი იყო, მას ყველა უჭერებდა შინ და ჭარბად უყვარ-  
რამ თოლისქვამი ახლა ადათ-წესებს არ დაგიდევდათ. შიგლისი მოთქმა

— ჩემი ანგელოზი ბიჭი, გოლუაფირო! ჩემი პატარა მერცხალი,  
გოლუაფირო! — მოსთქვამდა თოლისქვამი, ბავშვს თავზე ადგა და  
ნიკაჰსა და შუბლზე ეფერებოდა.

— მე შენს შემდეგ არ ვიცოცხლებ, გოლუაფირო! მიწაში ჩავ-  
ყვები, გოლუაფირო! — ისე გულსიმომკვლელად ტიროდა, დიდი და  
პატარა ზღუქუნებდა.

ბედიშა ქალიშვილს მოთქმას არ უშლიდა — გულს მოიოხებდნენ,  
ფიქრობდა, ოღონდ ზომაგადასული კივილი და თავში ცემა აშინებდა.

მოთქმასაც ხომ აქვს საზღვარი, მწუხარებასაც ხომ აქვს საზღვა-  
რი! თოლისქვამმა საზღვარი არ იცოდა — დილით რომ დაიწყო ვო-  
დება, საღამომდე არ გაჩუმებულა.

— შეხედე, რა ამბავშია ეს შობელძალი! — წუხდა ჯურგუ, —  
მაგან გამიმწარა სიცოცხლე! დააკვდება ახლა ზედ! — ეუბნებოდა  
ცოლს.

— შენ უთხარი და გაჩერდება, შენი ერიდება. — ურჩევდა ქმარს  
ბედიშა.

მაგრამ თოლისქვამი მამამისსაც არ ერიდებოდა. მრისხანედ შე-  
ხედავდა ჯარგვალში შემოსულს — ჭკუის სწავლება არ დამიწყოო,  
თვალებით ეტყოდა და მოთქმას უმატებდა. ჯურგუ ვერ უძლებდა  
შვილის გულდათუთქულ ტირილს, თვითონაც გული ამოუჭდებოდა  
და ეხოში გარბოდა, თოლისქვამის ხმას გაუბოდა. იქ მეზობლებში  
გაერეოდა და ბედს უჩიოდა.

ჯურგუ, მართალია, ღარიბი კაცი იყო, მაგრამ, როგორც თვითონ  
ამბობდა, სინდის-წამუსით იყო მდიდარი, შვილებიც არ ჰყავდა ური-  
გო, ყველა ბედს ეწია, ყველამ თავისი ბუდე გაიჩინა, ჯურგუ ბიჭებს  
ემადლიერებოდა, მშობლების დამჯერე, მშრომელი, ოჯახისმოყვა-  
რე შვილები ესახელებოდა, თოლისქვამი კი, თოლისქვამი თავისი  
ჭკუით ცხოვრობდა. პატარაობიდანვე ასე იყო — მშობლების ურჩი და  
თავნება გაჩნდა ქვეყანაზე. არც არაფერი ეშველა, ჯურგუმ ვერც  
მუქარით, ვერც შეგონებით ქალიშვილთან ვერაფერი გააწყო. ახტა-  
ჯანას ერთი იყო, ეშმაკის ფეხი, კაჭინეს სული. ტანიც ადრე აიყარა,  
ადრე მომწიფდა.

მომწიფდა და ბოჩიას გადაეყარა. მართალია, ბოჩია აღმასივით ბი-

ჭი იყო, სოფლის თვალი, უკეთეს სიძეს ჯურგუ ვერც მავრამ... ბოჩია ომში წავიდა და უკან აღარ მობრუნებულა.

თოლისქვამმა კი მამისეული სახლი მიატოვა და ბოჩიას გამოუცხადა, თქვენი რძალი ვარო.

ეს ამბავი სოფელში მაინცდამაინც არ გაჰყვირებიათ, ბოჩიასა და თოლისქვამის სიყვარულის ამბავი სოფელმა დიდი ხანია იცოდა.

„ეს რა თავსლაფი დამასხა, მოვკლავ!“ — ბობოქრობდა ჯურგუ, მავრამ თოლისქვამმა ფიცი არ გატეხა, — ბოჩიას, რასაც შეჰპირდა, შეესრულა.

ბოჩია და თოლისქვამი სწორედ ომში წასვლის წინა დღეს შეხვდნენ ერთმანეთს და სამუდამო ერთგულება შეჰფიცეს; დილით, ადრე, თოლისქვამი ბოჩიას სახლის უკან, მინდორში, თხებს მიერეკებოდა. უცებ გოგონას ბალიდან ხლეჩისა და კბეჩის ხმა შემოესმა. ეზოს წნულის ღობე ერტყა. თოლისქვამი შეჩერდა და ბაღში შეიხედა. ბაღის სიღრმეში ერთი ბებერი კომშის ძირას ბოჩია იდგა. იგი წელზევით ტიტველი იყო, ტოტებმოგლეჩილი ძველი შარვალი ჩაეცვა და ფეხშიშველა გადმოსულიყო ბაღში. კომშს ბებერი ესხა, ტოტებდაზნექილი ქოლგასავით იდგა შუა ბაღში. მზეში გარუჯული ბრინჯაოსფერი, ძვალმსხვილი ბოჩია კვანის სიმსხო სამურაბე ყვითელ კომშს ვაშლივით ჭამდა. თოლისქვამი ელდნაკრავი შესცქეროდა ბოჩიას შიშველ, ძლიერ მკერდს, მსხვილ მკლავებს, და ფართო ხელებს. ბოჩიამ თითქოს ქალიშვილის მზერა იგრძნო, უკან მიიხედა და ახლა ის გაოგნდა. ღობის გადაღმა მოჩადოებულებით იდგა ჯურგუს ლამაზი ცირა — თოლისქვამი. მას თხების გასადენი წკნელი მხარზე გაედო, ყელი მოედრებინა და ბაღში გაკვირვებული იყურებოდა.

იმ წუთას თოლისქვამი ტყიდან გამოსულ ოქროსთმიან დალის ჰგავდა. ბოჩია კი რომელიღაც კოლხური ტყის ღმერთს, ოქროსთმიან ქალღმერთზე თავდავიწყებით შეყვარებულს. მათი თვალები ერთმანეთს შეხვდნენ და როგორც ნამდვილ დალის მიჰყავდა მოჩადოებული მონადირე უღრანი ტყისაკენ, ბოჩიაც ისე გადაიყვანა თოლისქვამმა თავისი ეზოდან. ვაჟმა მონაკბეჩი კომში გადააგდო, თვალისდახამხამებაში გადაეგლო ღობეს, მავრამ თოლისქვამი უკვე იქ აღარ იყო. გოგონა დაფეთებულ თხებს მარჯვედ მიერეკებოდა და ტყისკენ უკანმოუხედავად გარბოდა. ბოჩია თოლისქვამს გამოუდგა.

ზედ ტყის პირას დაიჭირა და ჩიტვიით აფრთხილებული გულში ჩაიკრა.

— რად გამირბიხარ, თოლი?!



— ხელი გამიშვი, მოგკლავს მამაჩემი! — უთხრა თოლისქვამმა.

— ის მაინც მითხარი, ხომ გიყვარვარ? — ჰკითხა ბოჩიამ, — ნიმი იცი, რომ ხვალ ომში მივდივარ, შენი სიტყვა თან იმედად გამყვანდეს, მითხარი, ხომ გიყვარვარ?..

— აქ მინდორია, დაგვინახვენ, ტყეში შევიდეთ, — უჩურჩულა. თოლისქვამმა.

ბოჩია აიძვრა, თოლისქვამი ბავშვივით ხელში აიტაცა და ტყისკენ გააქანა.

— მიყვარხარ, მზეო...

— მიყვარხარ, თვალისჩინო...

დიდხანს გაისმოდა ტყეში ქალ-ვაჟის ვნებიანი ჩურჩული.

— მე შენი ცოლი ვარ...

— მე შენი ქმარი ვარ...

გაკვირვებულები, აღტაცებულები ეკვროდნენ ერთმანეთს და უხაროდათ, რომ ბოლოს და ბოლოს გაბედეს და გადაწყვიტეს ცოლ-ქმრობა.

— ჯვარისწერას რომ ვერ მოვასწრებთ?..

— არაფერია, დაგელოდები...



ბოჩია ომიდან აღარ დაბრუნდა. სამშობლოსათვის გამირულად დაეცა ბრძოლის ველზე. თოლისქვამმა დანაპირები შეასრულა, როგორც კი ბოჩიას სისხლი და ხორცი მუცელში ენძრა, მამისეული სახლი მიატოვა და ბოჩიას ჯარგვალში შინაურივით შევიდა, ბოჩიას მშობლებმა და და-ძმებმა უკანონო რძალს ექვით შეხედეს. სოფელში მითქმა-მოთქმა შეიქნა. ამყმა თოლისქვამმა ეს იუკადრისა და ისევ უკან დაბრუნდა, მამისეულ სახლში, აქ, მშობლიურ ჯარგვალში გამოიგლოვა ცხარე ცრემლით თავისი პირველი და უკანასკნელი სიყვარული.

— გათხოვება ხომ არ გიკითხავს ჩვენთვის? — უთხრა დედამ თოლისქვამს, — არც გამოთხოვების დროს გაგხსენებია მშობლები — ახლა მაინც დაგვიჩერე, მოიშორე ის ბავშვი, ჩვენმა ორლამ იცის წამალი, ორლასთან მივიყვან. შენ ჯერ ბავშვი ხარ, კიდევ გათხოვდები, შვილებიც ბლომად გეყოლება, რად გინდა, მოიშორე, შენც მოისვენებ და ჩვენც მოგვასვენებ.

თოლისქვამმა ქვა ააგდო და თავი შეუშვირა. არაფრისდიდებით

არ წაჰყვა დედას ბებიაქალთან, ბავშვი შეირჩინა. ბიჭი ჩუქოლა, უფროსი ძმის სახელი დაარქვა — ბონდო და შვილის აღზრდას გამოცდილი ქალივით შეუღდა.

დაიჩაგრება, ცოდვია, ნამეტანი ახალგაზრდააო, — წამტყუნებენ მისი ღლები და თოლისქვამს ეხმარებოდნენ, ხელს უწყობდნენ. რას იფიქრებდნენ, თუ სიკვდილი ასე უეცრად გამოსტაცებდათ ხელიდან აღმასივით ბიჭს.

მთვარის მოქცევისას ბავშვს კრუნჩხვა და პირღებინება აუვარდა, ეს თუთაშიაო, დაასკვნა ბედიშამ, ავადმყოფი აკვნიდან ამოიყვანა, თეთრი პერანგი გახადა და მის თვალწინ ცეცხლი მოუქიდა. ბავშვი გაკვირვებული დააცქერდა სოხანეზე აბრიალებულ პატარა პერანგს და პირღებინება და კრუნჩხვა ხელად შეუწყდა. საღამო ხანს თუთაშმა მაინც თავისი გაიტანა — ბავშვი სულ მთლად გალურჯდა, ცახცახი აუვარდა და ხაშში ამოანთხია, ხოლო ნაშუალამეგს, როცა დამთავრდა „თუთაშ გეტახუა“\* და ცახე თხის რქისხელა მჭლე მთვარე გამოჩნდა, ვარსკვლავებმა ზეცაში წაიყვანეს ანგელოზი.

თოლისქვამს შვილი რომ არ ჰყოლოდა, ვერც იფიქრებდით, თუ გათხოვილი ქალი იყო. ქალობა ისე მოუხდა, მშობიარობის მერე ისე გაივსო და დამშვენდა, სოფელში ამბობდნენ: ახლა უკეთეს კაცს გაჰყვებაო. სასიძოვებიც მალე გამოუჩნდნენ და ამ დროს მოხდა ეს საშინელება. ჩემს თოლისქვამს მართლა ბედი არ ჰქონიაო, დაბუტბუტებდა ჯურგუ.

თოლისქვამმა მთელი ღამე ხომ გაათია ავადმყოფი ბავშვის თავსასთუმალთან, დღეც არ მოშორებია ცხედარს, არც უჭამია, წყალიც არ დაუღევია, არც დამჭდარა; ცრემლის ზღვა დაადინა ჯარგვალში. საღამო ხანს, როცა ჯარგვალის მეორე თვალში შეიკრიბნენ ჭირის მოზიარენი და დასაფლავების თადარიგზე ჩამოავდეს სიტყვა, მაშინღა გაჩუმდა და უფროსებს ყური მიუგდო: თოლისქვამმა იცოდა, რომ უსაკოს მოზრდილივით არ დასაფლავებდნენ და ეს აწუხებდა.

თოლისქვამმა განისკარი გამოალო და მიაყურა:

— კუბო ხვალ იქნება, საღამოხანს გავიდეთ სასაფლაოზე და ღვასაფლაოთ, — თქვა ერთმა მოხუცმა და გაჩუმდა. სამარისებური სიჩუმე ჩამოვარდა ჯარგვალში.

— უსაკოა, მეტი არაფერია საჭირო, ჯურგუ, დამიჩერე, — უთხრა მეორემ.

\* სიტყვასიტყვით: მთვარის დამტყრევა, მთვარის მოქცევა.



— შესანდობარიც არ ავიღოთ თითო ჭიქა? — იკითხა ჯურჯუმ.

— თქვენ, ჭირისუფლებმა, სასაფლაოდან რომ დამტყუნებდნენ, ჭირის სუფრა გაიშალებოდა თქვენთვის, ეს საკმარისია, ნამდებლად ჭირის ლი აქ ვაშინერს, ჯურჯუ...

უცებ განისკარს თოლისქვამი მოადგა. ლამპის შუქზე მისი გრძელი ლანდი თავზე დაადგა მოხუცებს.

— აგიჩემებიათ ეს ვაშინერს! — მრისხანედ დააბრიალა თვალები. — ვინ აგვიკრძალა ბავშვის დატირება! ბავშვი არ ვიტყვით და თქვენისთანა გადაყრუებული ბებრები ვიტყვით? ჯერ მკვდარი არ გაცივებულა და თქვენ გინდათ საფლავში ჩაავლოთ? არ მოგცემთ ამის ნებას, მე დედა ვარ და რამდენ ხანსაც მინდა, აქ მეყოლება ჩემი შვილი!..

— თოლი! — გაბრაზდა ჯურჯუ, — მწუხარებას შენთვის სულ მთლად დაუბნელებია გონება! არ გესმის, რას ტატყანებ დედაკაცი!

— ძალიან კარგად მესმის, თქვენ არ გესმით, რასაც ამბობთ! — გაფთრებით ეკვეთა მამას, — ჯერ ჩვენ არ გვიტყვიან ჩვენი მკვდარი, ჯერ შავებიც არ შეგვიკერავს, ასე უგულოდ არ დაგამარხვინებთ, არა! ჩემს ბონლოს არ დაგანებებთ, არ გქონდეთ მაგის იმედი!

ჯურჯუმ ბიჭებს გადახედა.

— წაიყვანეთ, ხომ ხედავთ, სულ მთლად გაგიყდა!

ძმებმა თოლისქვამი მეორე თვალში გაიყვანეს, ცხედართან დასვეს.

ჯურჯუმ განისკარი ჩაქეტა.

— ეს გოგო იმ ბავშვს დააკვდება, როგორმე სწრაფად უნდა მივაბაროთ მიწას.

— რას ვიზამთ, დედა და არ გაემტყუნება. ჩვენ ჩვენი გავაყეთოთ. — თქვეს მოხუცებმა.

ბედიშა თოლისქვამს გვერდით მიუჯდა და დამშვიდება დაუწყაო.

— კარგი, დედა, დაიწყნარე გული, ხომ ხედავ, მკვდარს მაინც ვერაფერს შევლი, შენ ჯერ სულ ახალგაზრდა ხარ, ცხოვრება წინა გაქვს. მეც ხომ მომიკვდა შვილი, მეც შენსავით ახალგაზრდა ვიყავი მაშინ, მეც მეგონა, რომ ჩავყვებოდი საფლავში, მაგრამ ვერ ჩავყვევი, სული ტკბილია...

— ზეგ დავმარხოთ, დედა, უთხარი მამას, რომ ზეგ დავმარხოთ, — შეეხვეწა დედას თოლისქვამი, — ერთი დღე ვიქნები ჩემს შვილთან.

— კი, შვილო, ვეტყვი, მაგრამ ისეთ რამეს ნუ გააკეთებ, რაც არავის გაუკეთებია სოფელში. ასეთ ჩვილს მისდღემში მეორე, მესამე

დღეს ვმარხავთ, არც ღმერთი და არც კაცი არ მოგვიწონებს ანგელოზის გაწვალებას.

— უთხარი შენ, თორემ არ ვიცი, რას ვიზამ!..

თოლისქვამმა თავისი მსხვილი შავი თვალები ბოროტად დააკვესა. დედას შეეშინდა, წამოდგა და განისკარზე დააკაჯუნა.

— გამიღეთ კარი, საქმე მაქვს...

კარი გაუღეს, ბედიშა მეორე თვალში გავიდა.

— თავს იკლავს ის ბავშვი, ხვალ არაო... — ჩაიდუღუნა ბედიშამ დამნაშავესავით, — ზეგ დავმარხოთ, ჭურგუ, რა უჭირს, ზეგ დავმარხოთ! — ქმარს შეეხვეწა.

— არა! მავას ეყოფა, რაც თავის ჭკუით გვატარა!.. ყველაფერსა აქვს საზღვარი! რა ამბავში ვართ, ვითომ? — ჭურგუმ ხმას აუწია, თოლისქვამის გასაგონად ამბობდა: — თითისხელა ბავშვს კი არა, ტარიელივით ევაკაცებს აწვევენ მიწაში, მაგრამ თავი არავის მოუკლავს. სირცხვილია, სხვა არა იყოს რა!

ბედიშამ კაცებთან ვერაფერი გააწყო.

როცა ჭირის მოზიარენი წავიდ-წამოვიდნენ, თოლისქვამმა მკვდართან ღამისმთევლები არ შემოუშვა: რახან სხვა წესებს არ ვასრულებთ, არც ღამისთევია საჭირო, ამ ერთ ღამეს მე დავრჩებო ჩემს შვილთან, უცხო არავინ მჭირდებაო.

ბედიშამ კაცებს მეორე თვალში გაუშალა საწოლი. თვითონ კი თოლისქვამთან ერთად იქ დაწვა, საცა მკვდარი ესვენა.

თოლისქვამი დაწოლას არ აპირებდა, მაგრამ ბედიშამ ძალით დააწვინა. ტანთ არ გაუხდია. საბანს თეთრი საბნისპირი გადააღლიტა. ზეწარიც გადააძრო, კუთხეში მიაგდო და ჩაცმული ჩაწვა. ჯანდაბას, ოღონდ დაწვეს და უთეთრეულოდაც დაისვენებსო, — ფიქრობდა ბედიშა.

თოლისქვამი გაიტრუნა, თავი მოიმძინარა, რადგან შეამჩნია, რომ დედა ფხიზლობდა, მას დარაჯობდა. ბედიშა დიდხანს ებრძოდა ძილს, თვალი და ყური შვილის საწოლისკენ ეჭირა, მაგრამ დაღლილ-დაქანცულმა ძილს თავი ვერ წაართვა, მალე ჩაეძინა. თოლისქვამი თვალგახელილი იწვა და მალლა ჭერში ჯარგვალის გაქვარტლულ კაკუტებსა და ლარტყებს შესცქეროდა.

მამლებმა ნაშუალამევეს იყიველეს. თოლისქვამი წამოდგა, კატის სიფრთხილით მივიდა კართან, ურდული გამოაძრო, კარი გამოაღო, წინასწარ მოიშადა გასასვლელი. ცხედრის თავთან და ფეხებთან თითო სანთელი ენთო და ჯარგვალი ოდნავ იყო განათებული, კარი რომ

გამოადო, ოთახში სიბნელემ შემოიხედა. თოლისქვამს გაუხარდა ბნელი ღამე... თვალისდახამხამებაში ხელში აიტაცა ბავშვის ცხელი და ელვასავით გავარდა გარეთ, სიბნელეში ხელების ფათურმა მძვინვარებაში ვია, შემოაბურა თეთრი ზეწარი და თავქუდმოვლევით გაიქცა.

სოფელს ერთ მხარეს უღრანი ტყე ერტყა, — ჭინკეშს ეძახდნენ, ეს ტყე სოფლიდან შორს იყო, ვინმე თავზეხელაღებული მონადირე თუ შევიდოდა, თორემ აქაურები ჭინკეშს არ ეკარებოდნენ: ამბობდნენ, ჭინკეში იმიტომ ჰქვია, ტყე ჭინკებისააო, ჭინკა და ოჩოკოჩი ადამიანს ტყეში გზას უბნევს და თავის ნებაზე დაატარებსო.

თოლისქვამი ამ ტყისკენ გარბოდა. უნდოდა სოფელს გასცლოდა, თავის პირმშოსთან მარტო დარჩენილიყო, მარტოს დაეტირა და გულს რომ იჯერებდა, სოფელში შემდეგ დაბრუნებულიყო, თოლისქვამი ტყეში შესვლას არც აპირებდა. ტყის პირას, თვალუწვდენ ჭალებში, აქაურებს საძოვრები ჰქონდათ, იქ საღმე, მყუდრო ადგილს ამოირჩევდა, ხის ძირას დაჯდებოდა, ჩაიხუტებდა თავის პატარას და მოიქმითა და ტირილით გულს მოიოხებდა. ასე ფიქრობდა თოლისქვამი და ბნელ ღამეში ჭაჭივით გარბოდა, ჯერ შუკა-შუკა ირბინა, შემდეგ კაცის სიმაღლე გვიმრებში შევარდა, სულ დაიკაწრა და დაიტყავა შიშველი ფეხები, შემდეგ ღელეს ჩასდია, შეისვენა, სული მოითქვა, ღამეს დააყურა — ხომ არ მომდევნო, და კვლავ განაგრძო გზა. ცა ვარსკვლავებით იყო მოჭედილი, მაგრამ მაინც ბნელოდა, ვარსკვლავების სუსტი ციალი ღუსკუმ ღამეს ვერას აკლებდა, საღაღაც ტურა კიოდა, პასუხად ძაღლები ყუფდნენ სოფელში. თოლისქვამი ჩქარობდა, აქ მისთვის ყოველი კუთხე-კუნჭული ნაცნობი იყო და ხევსა და ღრანტეში ფოცხვერივით მიიკვლევდა გზას, ჯაგებსა და ბარდებში მიძვრებოდა.

ქალაში გამოვიდა. მთელი თავისი ბავშვობა ამ ქალაში თხებს დასდევდა, ვაღმა და გამოღმა სოფლებში ყველა იცნობდა მეთხალე ჯურგუს გოგოს — თოლისქვამს.

ჯურგუ ამ მხარეში განთქმული თხის მწყემსი იყო, თხების დიდი არვე ჰყავდა, პატარა თოლისქვამი მამას და ძმებს ეხმარებოდა თხების მწყემსვაში, თორმეტი წლის რომ გახდა, მამამ სამწყემსურში აღარ წაიყვანა: ბავშვი აღარა ხარ, თხების დევნა ქალიშვილის საქმე არ არის, შინ დედას მიეხმარეო. იმის შემდეგ თოლისქვამი აქეთ მხოლოდ ერთხელ იყო ბოჩიასთან ერთად... შემდეგ შინიდან არ გამოსულა, თავისი დარდი და მწუხარება ძაძებში გაახვია და ვიდრე პატარა ბონდო არ ეყოლა, სიხარული გულს არ მიაკარა. რატომღაც ამ





ლამით გაახსენდა ძველი მეგობრები და გულდათუთქული გამოცხადდა მათთან: ტრიალ მინდვრებთან, ლელებთან, ხეებთან, ტუჩებთან და ჭინკების ტყესთან, — თითქოს მოკლულ გულზე დაუბრუნებდნენ, ბავშვობის ბედნიერ დღეებს დაუბრუნებდნენ.

ჭინკეშიდან მონაბერი ტყის ნიაღვი მართლაც მეგობარივით შემოხვდა, შუბლზე მიელამუნა, ყელზე მოეხვია, თმაზე მოეფერა. თოლისქვამმა მინდორში ჩარუმებული ადგილი შეამჩნია, მართალია, ირგვლივ სიბნელე იყო, მაგრამ ერთგან სულ მთლად ჩამუქებულ-ჩაყურუმებულიყო, იქ ბებერი მუხა იდგა. თოლისქვამმა იცნო თხების ჭალა, იმ მუხის ძირას კამკამა წყურგილე დიოდა, მოშორებით იწყებოდა თხების იშვიათი საბალახო — პატარ-პატარა გორაკებზე გადაფენილი ჩირგვნარი, გორაკებს იქით კი ჭინკების ტყე იყო გადაშლილი.

ამ მუხის ძირას შეჩერდა. დასაჯდომი ადგილი ფეხით მოსინჯა, ბავშვის ცხედარი მაგრად მიიკრა გულში და პირდაპირ მიწაზე დაჯდა. მუხის ძირას მიწა მშრალი იყო, ცვარს ძირს ვერ ჩამოეწვეთა. ჩაჯდა თუ არა, მაშინვე გამოუჩინა ბავშვის ცხვირ-პირი, გაშმაგებით დაუწყო კოცნა და ფერება, სულ უფრო და უფრო იხუტებდა გულში, თან კოცნიდა, გულამოსკვნილი, ათრთოლებული ტროდა.

ჭინკების ტყიდან ტურების კივილი მოისმოდა. თანდათან კივილი გაძლიერდა და მოახლოვდა. თოლისქვამს ეჩვენებოდა, რომ ტურები ტყიდან გამოდიოდნენ. სულ ახლოს გაისმა ტურის ჩხაკილი, თოლისქვამმა ერთი მოიხედა უკან და ბავშვის ცხედარს ნანაობა დაუწყო, თითქოს შეეშინდა, ტურამ არ გამიღვიძოსო.

სისა, ტურა მუურსია,  
ბონდო ბოშის ლუურსია.

(ჩუ, ტურა მოდისო,  
ბონდო ბიჭს სძინავსო).

ხმადაბლა დაიწყო სიმღერა, ბავშვს ცოცხალივით უნანავებდა და უმღეროდა.

ბონდო ბოში მუში ნანას  
ოხუტოლუ გუურსია.

(ბონდო ბიჭი თავის დედას  
გულში ეხუტებაო).

თანდათან აუწია ხმას, შიგ განუზომელი სევდა და მწუხარება ჩააქსოვა.

თოლისქვამმა არ იცოდა, ახალ სიმღერას რომ მღეროდა, მას სადღაც გაეგონა ეს მელოდია, დედა თუ უმღეროდა მსგავს ნანას... სიმღერა გულის სიღრმიდან მოედინებოდა, სიტყვებიც იქიდან მოჰყვებოდა.

ბრუია, ბონდო, ბრუია, სქუა,  
ბრუია, ჭირიმა...  
არკვანიშა აშამჯანუ  
ვარდში პირი მა...

(ბრუია, ბონდო, ბრუია, შვილო,  
ბრუია, ჭირიმა...  
აკვანში ვარდის კოკორე  
მიწეეს მე...).



ქართული ენციკლოპედია

ტურების კვილი შეწყდა. სამარისებური სიჩუმე ჩამოვარდა ქალაში, თითქოს ყოველი ხე და ბუჩქი თოლსქვამის სიმღერას უგდებდა ყურს.

გამნუონწყი შქართუნი ღო  
აშუოჯინი მა, —  
ბჟა ღო თუთას ქოგურაფუ  
მუში ჭირიმა,

(საბანი გადავადრე და  
შეეხედე მე, —  
მზეს და მთვარეს დამგვანება  
მისი ჭირიმა).

როცა ამ სიტყვებს მღეროდა, თოლისქვამს ქვეთინი აუვარდა და სიმღერა შეწყვეტა, ბავშვს ნიკაპზე დაუწყო კოცნა, თვალწინ წარმოუდგა აკვანში მწოლი, მართლაც მზისა და მთვარის დარი თავისი ვაჟი და მოთქმასავით განაგრძო:

ცაშე დუნაბადი რექუ,  
ბჟა ღო თუთაშ ნარდი რექუ,  
შირდუდენ მარდი რექუ,  
გოფაილა ვარდი რექუ.

(ცით დანაბადი ხარ,  
მზემ და მთვარემ გავზარდა,  
მადლია, რომ გაიზრდებოდე,  
გაშლილი ვარდი ხარ).

ტრემლი ღვარივით ჩამოსდიოდა ლოყებზე. ნიკაპთან ეფსკენებოდა და ბავშვის ცხედარს წვეთ-წვეთად ედინებოდა.

სისა, ტურა მუურსია,  
ბონდო ბოშის ლუურსია,  
ბონდო ბოში მუში ნანას  
ოხუტოლუ გუურსია.

(ჩუ, ტურა მოდისო,  
ბონდო ბიჟს სძინავსო.  
ბონდო ბიჟი თავის  
გულში ეხუტებო).

სიბნელეში ტურამ გაიშლივინა. თოლისქვამი დაფრთხა, მაგრამ ლანდი სიბნელეში სწრაფად გაუჩინარდა, ფაჩუნ-შლივინიც სწრაფადვე მიწყდა...

თოლისქვამმა კვლავ თავიდან დიწყო სიმღერა. ახლა უფრო მშვიდად მღეროდა. უფრო ტკბილად და ნაზად ვალერსებოდა ბავშვის ცხედარს, უფრო და უფრო მაგრად ეხუტებოდა.

ღამე ნელ-ნელა გაიპარა, ჯერ ცისკრის ჭყიტა ვარსკვლავი ამობრწყინდა ცაზე, შემდეგ მამლებს ყივილი მოისმა სოფლიდან, აღმოსავლეთით ცა ოდნავ აცივდა, მზემ პირველი სხივები სტყორცნა ჭირანოს, ტურების კვილი მიწყდა და მინდვრებიდან ტოროლა ავარდა ზეცაში, გათენება გალობით მიახარა მთებსა და ველებს.



— გათენდა, — შეშფოთებით ჩაიდუღუნა თოლისქვამმა და წამოდგა, — აქ დამინახვენ, — შეშინებული თვალებით გახედოთ ჩემს და უკან-უკან ყურებით ტყისკენ წავიდა.

ქერ ტყის პირას იწრიალა, შიგ შესვლა არ უნდოდა. კალაში ჯაგლაგ ცხენზე ამხედრებული უცნობი შეამჩნია. მას რამდენიმე ცხენოსანი მოჰყვა, ვილაცას ეძებდნენ. ჩემს საძებნელად წამოსულანო, იფიქრა და წაბლის კორომებში მიიმალა.

ახალგამოღვიძებული ტყე მხიარული ყრიაშლით შეხვდა თოლისქვამს.

გაზაფხულის დილა თენდებოდა. ზურმუხტისფრად ახასხასებული ტყე ისე აფუთფუთებულ-ამოძრავებელიყო, თითქოს სადღაც წასასვლელად უნდა აიყაროსო; ყოველი ხიდან, ბუჩქიდან, ყოველი კუთხე-კუნჭულიდან ისმოდა ფაჩუნი, შრიალი, ყლურტული, წიგწივი, ჭიკჭიკი, კაკუნი, ჭყივილი, ბუყბუყი, კრული, შლიგინი...

აქ ახლა არავის ეცალა სევდა-დარდისათვის, დღე იწყებოდა, მზე უნდა ამოსულიყო და ტყის ბინადარნი მის შესახვედრად ემზადებოდნენ.

წაბლის კორომიდან თოლისქვამი წიფლნარში შევიდა, მოფარებულ ადგილს ეძებდა, რომ მარტო დარჩენილიყო თავის თავთან და მკვდარ ბავშვთან, ეკალბარდებით ჩაბურულ ხევში ჩავიდა.

იქ ტყის ნაკადული მოწანწკარებდა, უზარმაზარ ლოდებს შორის ძლივს მიიკვლევდა გზას წყალი. თხმელის შორდები იფარა და წყლის პირას ჩამოჯდა. ეშმაკიც ვერ მოაგნებდა აქ. შემთხვევით მონადირეს რომ ენახა წყლის პირას მკდარი თმაგაშლილი თოლისქვამი, იფიქრებდა, ტყაშმაფააო და ახლოს ვერ მიბედავდა.

ტყეში ისეთი მხიარული ყრიაშლი იდგა, თოლისქვამს ტირილა გაუჭირდა, ხმადაბლა, თითქოს ჩურჩულით მოთქვამდა, ტირილით რომ კიდევ ერთხელ იჯერა გული, თავისი სისატურა წამოიწყო. რა ნადვლიანადაც უნდა ემღერა, სიმღერა მაინც სიმღერა იყო, ტყის ხმებს შეერწყა, შეეხმატკბილა, შორიდან მსმენელს ტყის სიმღერა ეგონებოდა.

ტყეში გრილოდა, მოეჩვენა, რომ ბავშვის ცხედარი აქ უფრო გაცივდა, მკერდი შეიხსნა და მკვდარი ბავშვის პაწაწინა თავბირა ძუძუებში ჩამალა; ძუძუები უხურდა, რძე მოსძალებოდა, დასიებოდა და გასკდომამდე სტკიოდა, ბავშვის ცივი ლოყები ესიამოვნა, ზეწარი შეხსნა და გათქვირული დიდი ძუძუებით ზედ გადაეხმო.

სისა, ტურა მუურსია...

ხმადაბლა, ტყბილად მღეროდა თოლისქვამი და ბავშვს მთელი თავისი სხეულით, რძით სავესე ძუძუებით, აფუებელი ახალგაზრდული მუცლით და გრძელი მკლავებით ეხვეოდა, საკუთარი სხეულის მსგავსად ბოს აძლევდა.

უცებ ქალმა იგრძნო, რომ ძუძუები დაუსველდა. გადახურებულ ძუძუებს როგორც კი ბავშვის სხეული მიეკრა, მაშინვე რძემ დაიწყო დენა. თოლისქვამმა წამით მოიშორა ბავშვი და ძუძუები გაისინჯა, — რძე მართლაც თავისით მოედინებოდა. ახლა კი მომეშვებაო, — გაიფიქრა უნებლიეთ, თვითონაც არ ახსოვდა რატომ, რისთვის — ძუძუსთავი ბავშვს ტუჩებზე დაადო. ბავშვის ტუჩი ძუძუსთავს მიეკრა თუ არა, რძემ უფრო ბარაქიანად იწყო დენა.

და ამ დროს მოხდა სასწაული: როცა ბავშვს ცხელი რძე ჩაედვარა პირში, ტუჩები ოდნავ, ოდნავ აუმოძრავდნენ. თოლისქვამმა თვალებს არ დაუქერა, ხელით მოუსინჯა მკერდი, გულზე ყური დაადო, ლოყვები მოუსრისა, თვალები ძალით გაუღო, მაგრამ ბავშვს სიცოცხლის ნიშან-წყალი არ ეტყობოდა. თოლისქვამს მაინც არ ასვენებდა წინათგრძნობა, კვლავ ჩაუღო ძუძუ პირში, კვლავ ჩაიხუტა გულში და კვლავ გააბა სევდიანი სისატურა. თოლისქვამმა ძუძუსთავზე ბავშვის ტუჩები იგრძნო, გაირინდა, ბავშვი ძუძუს ტუჩებს უცაცუნებდა. თოლისქვამი გაშრა, სულ მთლად მოეშვა, სულ მთლად დაეშალა სხეული, აერია გონება და საცაა გულშეღონებული მიესვენებოდა, — ბავშვი ძუძუს წოვდა!

თოლისქვამი გაბრუნებული იჯდა და განძრევისა ეშინოდა.

სადღაც სულ ახლოს ჩხაოდა ჯაფარა...

— კიდ, კიდ, კიდ! — წიფლის ხიდან თოლისქვამს ამხნევებდა კოდალა.

— წრუტუ! წრუტუ! კრუპა! კრუპა! კრუპა!.. — წრიბინებდა, კრუალებდა ტყე, მოშრიალებდა, მოჩხრიალებდა ნაკადული, თითქოს მიწა, წყალი, ხე, ბუჩქი, ჩიტბი, ტყიური, ცა და მიწა იმის ცდაში იყვნენ, იმის მოლოდინში, როდის გაახელდა ბონდო-ბიჭი თვალს და დედას როდის გაუღიმებდა.

ბავშვმა ძუძუს წოვა შეწყვიტა. ჩაეძინა. ძუძუსთავი პირში ედო და ისე ეძინა, თოლისქვამმა ბავშვის სუნთქვას მოუსმინა, გულის ცემასაც, რაკი დარწმუნდა, რომ მისი ბონდო მართლა გაცოცხლდა, და ეს სიზმარი არ იყო, მკერდიდან არ მოუწყვეტია, ისე წამოდგა და ტყიდან ჩქარი ნაბიჯით გამოვიდა, გამოვიდა თუ არა, წინ

მზე შემოეფეთა, დიდი, მცხუნვარე მზე ამოდოდა და მნღღვრებსა და  
ქალებს დაჰქათქათებდა. თოლისქვამს პირდაპირ სახეში სკვებდა მზის  
სხივები.

სკვებდა მზის  
სხივები

\* \*

ბედიშა დილით ქათმის კრიახმა გამოაღვიძა. წამოდგა, ლოყაზე  
იტკიცა ხელი და შეჰკივლა:

დიდუჰ! სად არის მკვდარი?..

პერანგისამარა გამოვარდა საჩხეხში.

— თოლი! დედა, თოლი! — შვილს დაუძახა, შეშფოთებული ექ-  
ახდა.

— რა ამბავია, რა მოხდა! — მეორე თვალიდან გამოიხედა ჭურ-  
გუმ.

— ჭურგუ, სად წავიდა ის გოგო ნეტავი?..

— სად წავიდოდა, ქალო! რას წამომავდე ამ ალიონზე!

ბედიშამ კაბა გადაიცვა და ეზოში გაეარდა. აქეთ ეცა, იქით ეცა:  
თოლი, თოლიო, დიდხანს იძახდა, მაგრამ, როცა ხმა არავინ გასცა,  
შიშმა შეიპყრო, კვლავ შებრუნდა ჯარგვალში და ქმარს თავზე და-  
ადგა.

— მოუხერხა ალბათ თავს რაღაცა, — ბედიშამ ტირილი დაიწყო.

— მოუხერხა კი არა, ის არ გინდა!.. მოვა, სად წავა, — თქვა ჭურ-  
გუმ.

— ადექით ზევით! არც მკვდარი გვყავს და არც ცოცხალი! ეს კი-  
დევე მოვო, გაიძახის! — შვილებს დაუცაცხანა ბედიშამ.

— მკვდარიო? — შეშფოთდა ჭურგუ.

— ჰო, მიცვალებულიც არ არის, წაუყვანია...

ყველანი იმ თვალში შეცვივდნენ, სადაც მკვდარი ესვენა. ბედიშა  
ჯერ ქმარს ელოდებოდა, რას იტყვისო, როცა სანუგეშო ვერაფერი  
უთხრა, კივილი ასტენა და მეზობლები შეყარა.

თოლისქვამის ქმებმა სოფელი ხელად შემოირბინეს, თუ სადმე  
ნათესავი და მოყვარე ჰყავდათ, ყველანი დილაადრიან ფეხზე წაო-  
ყარეს.

ბედიშა ამტკიცებდა, ენგურში დაიხრჩო ალბათ თავი და ბავშვიც  
თან გაიყოლაო.

ჭურგუს ბედიშას მოსმენაც არ უნდოდა, არ სჯეროდა თოლის-  
ქვამის სიკვდილი, მაგრამ ენგურის ნაპირების მოსაჩხრეკად მიინც  
გაგზავნა კაცები.



ამ გაწამაწიაში რომ იყვნენ, სოფელში თოლისქვამი შემოვარდა. ჯერ მზაკვარი და ავი სული ეგონათ. როცა გახარებულმა ქვამმა ხმა გაიღო: ნუ გეშინიათ, ხალხო, მე ვარო, მახარებელი ქუდმოვლეჯილი გაიქცა ჯურგუს სახლისაკენ.

სოფელი შარაზე იყო გამოფენილი, ჯურგუს ჭიშკართან იდგნენ და გაოცებული შეჰყურებდნენ ჯურგუს უბედურ ცირას, რომელსაც მკერდზე მაგრად მიეკრა ბავში.

— რა ამბავია, რა მოხდა! ცოცხალი ხარ?! — მიცვიდნენ თოლისქვამს ძმები, ხალხიც ვარს შემოერთყა.

თოლისქვამს გული ამოვარდნილი ჰქონდა, ნარბენი სულს ძლივს იბრუნებდა.

— ცოცხალი ყოფილა!.. — ნაწყვეტ-ნაწყვეტ ამბობდა, — გაცოცხლდა! ბავში ცოცხალია!..

ცოცხალიაო!.. — ხალხს პირკატა ეცა, საწყალი გოგო გაგიებულაო, იფიქრეს. მკვდრის გაცოცხლებას ვინ დაიჯერებდა!

— სახლში შევიყვანოთ, ხომ ხედავთ, გათავებულა ქალი... — თქვა საქმიანად ვიღაცამ და თოლისქვამს მზრუნველად მოჰკიდა მკლავში ხელი.

— დავლუბლვარ, — ჩაიდუდუნა ჯურგუმ, როგორც კი თოლისქვამის არეულ სახეს მოჰკრა თვალი. ძმებმა, ახლობლებმა და ნათესავებმა თოლისქვამი ჯარგვალში შეიყვანეს.

ჯარგვალში ტახტზე მისვენებული ბედიშა შეილის შემოსვლას ელოდებოდა, როგორც კი თოლისქვამი დაინახა, ცოცხალი ხარო, ერთი შეჰკივლა და ისევ მიესვენა ბალიშზე.

ამ დროს ბავშვმა ტირილი დაიწყო...

თოლისქვამმა პატარა ბონდო კალთაში ჩაისვა და პირში ძუძუ ჩაუდო. ეს მართლაც სასწაულს ჰგავდა. ჯარგვალს ყოველი მხრიდან მოაწყდა ხალხი.

ბედიშას ყოველივე სიზმარი ეგონა, თოლისქვამის ნამბობი რომ მოისმინა, ღმერთო, შენს სახელს შემოვევლეო, ერთი შესძახა ჯარგვალის გაჭვარტლულ ჰერს, მუხლებზე დავარდა, ბავშვს ხელები და ფეხისგულები დაუკოცა, ჯარგვალიდან ჩოქვით გამოვიდა და ჭიმკრისაკენ გაემართა. როცა ჭიშკარში გადავიდა და საურმე გზასაც ჩოქვით დაადგა, სახლეულები, ნათესავები და ახლობლები უკან მიჰყვნენ, მაგრამ ვერავენ გაუბედა იმის თქმა, სალოცავამდე შორს არის, ვერ გაუძღებო.



ბედიშა ფორთხვით, ოთხით, მუხლების ხოკვით მიდიოდა, თან ში-  
წას იყრიდა თავზე, მკერდზე... მიბუტბუტებდა, მიდუღუღებდა, ში-  
ლა ღმერთს ევედრებოდა, დაბლა მიწას კოცნიდა.

სალოცავიც მალე გამოჩნდა. ტაძარს ჩოქვით გარშემო სამჯერ  
შემოუარა, შიგ შევიდა და საღამომდე მხურვალედ ლოცულობდა.

თოლისქვამს თავისი ბონდოს გარდა არავინ ახსოვდა — აკვანი  
გამოაწყო, შიგ ბავშვი ფრთხილად ჩააწვინა, გვერდით მიუჯდა და  
ტკბილად გააბა თავისი იავნანა-სისატურა.

ჯურგუს კი ჭარგვალის წინ, ბელოს ძირას გამოეტანა ტაბაკი,  
სახელდახელოდ ღარიბული სუფრა გაეშალა, ქალსა და კაცს ეპატი-  
ებოდა, ჩემი ბონდო დამილოცეთო!

## წვეულება

ქალბატონი მიმოხა სტუმრებს გაღიმებული შეხვდა. ქალბატონმა ბულბულომ მიმოხას კარებშივე აკოცა, არც პალტო გაუხდია, არც ქუდი მოუხდია, არც მოკითხვა უთქვამს, არც არაფერი, საპირფარეშოსკენ ისარივით გაიჭრა. ლენტო ტალანში მარტო დარჩა, მაგრამ ეს არ გაკვირვებია, დღეს ბულბულოს არც ქმარი ახსოვდა და არც შვილი, მიმოხას საპირფარეშომ თავგზა აუბნია.

— სოგრა არ მოსულა? — მიამახა მიმოხას ლენტომ.

სოგრა მიმოხას მეუღლეს ერქვა. ნამდვილი სახელი, სოკრატე, მიმოხამ შეუცვალა, თანამედროვე კაცს სოკრატეს ხომ არ დაგიძახებო? — შეუმოკლა და გაუთანამედროვეა ქმარს სახელი.

— დარეკა, მალე მოვალო, — მიუგო ლენტოს სხაპასხუპით მიმოხამ. საპირფარეშოში შესვლა მასაც ეჩქარებოდა, აინტერესებდა, როგორ მოუწონებდა ბულბულო ამდენი ხნის ნაშრომ-ნაჯაფარს.

ლენტომ პალტოს გულისხიბიდან საჩუქარი — ასანთის კოლოფისხელა ყუთი ამოიღო, მაგიდაზე, გამოსაჩენ ადგილას დადო, პალტო გაიძრო, სარკეში ჩაიხედა, გამელოტებული თმა ღერ-ღერად გვერდით გადაილაგა, კოსტუმი გაისწორა, ზურგზე ხელები დაიწყო და საპირფარეშოსაკენ გაემართა. მართალია, საპირფარეშოს ნახვა ბულბულოზე ნაკლებად ლენტოს არ აინტერესებდა, მაგრამ ქალივით ხომ არ ამჩატდებოდა? ზურგზე ხელებდაწყობილი, ვითომც აქ არაფერიაო, მშვიდი ნაბიჯით უახლოვდებოდა საპირფარეშოს.

ამ სახლში, ბუნებრივია, ყველაფერი ძვირფასი და იშვიათი იყო, მაგრამ საპირფარეშო, რომლის გამოც ჩუმ-ჩუმად ამდენს ლაპარაკობდნენ, გასაკვირი უნდა ყოფილიყო. ასე ვარაუდობდა ლენტო, ასე ვარაუდობდა ბულბულო.

— პრელესტი! როგორ ღაღღადებს! — შემოესმა ლენტოს ბულბულოს ხმა. ლენტო საპირფარეშოს კართან შეჩერდა. კარი ფრთხილად შეაღო და... გაოგნებული შედგა. ამას კი აღარ მოელოდა; თვალეზი



დახუჭა, შიგ შესვლა ველარ გაბედა. საპირფარეო ზღაპრულ სიზან-  
ძურს ჰგავდა... როცა ლენტომ საპირფარეოს კარი შეაღო, იქიდან  
ოქროსფერი ალი გამოვარდა, მიმოზა და ბულბულო ჯქნქნქნქნქნქნ-  
მომპრელ, ოქროსფერ ალში ალივლივდნენ. „ნუთუ შენცაა ოქროს-  
სია“, — გაუელვა ლენტოს და თვალები ნელ-ნელა გაახილა.

— შემოდი, კარი მიეხუროთ, დღის სინათლე სილამაზეს უკარ-  
გავს, — უთხრა ბულბულომ ჯმარს, ხელი მოჰკიდა და შიგ შეიყვანა.

— ყველას ოქროსი ჰგონია, — თავის მართლებას მოჰყვა მიმო-  
ზა. — სინამდვილეში კი ოქროს წყალში ამოვლებული ვერცხლითაა  
მოპირკეთებული.

ლენტოს გულზე მოეშვა. რატომღაც უცებ დაიჭერა და გაუხარდა,  
სულ მთლად ოქროსი რომ არ იყო საპირფარეო.

— ოქროსი არ არის? — გაიკვირვა ბულბულომ.

— ჩემს ერთადერთ ბავშვს გეფიცები, ოქროსი არ არის, შენ რო-  
გორ დაგიმალავ, — უთხრა მიმოზამ ბულბულოს.

— კი, ასე უნდა ვთქვათ, ასე უნდა ვთქვათ, არ არის ოქროსი, —  
ბულბულომ კედელს, თითქოს სუნავსო, ისე ჩამოუარა.

ტალანში ზარის წყრიალი გაისმა. მიმოზა სტუმრების შესახვედ-  
რად გაემართა. საპირფარეოში ბულბულო და ლენტო მარტო დარჩ-  
ნენ.

— წადი, პალტო გაიხადე, სირცხვილია, — უთხრა ლენტომ ცოდს.  
ბულბულო საპირფარეოდან გავიდა. „ამდენ ოქროს ვერ იშოვი-  
და“, — ჩაიბუტბუტა ლენტომ, როცა საპირფარეოში მარტოკა დარ-  
ჩა. მიმოზა ახალმოსულ სტუმრებს საპირფარეოში შემოუძღვა,  
ბულბულოც მათ შემოჰყვა. დები ვეზირიშვილები თავიანთი ქმრებით  
შემოლაგდნენ საპირფარეოში. მართალია, დღეს მიმოზა და სოგრა  
ახალმოსახლეობას ზეიმობდნენ, მაგრამ მთავარი საპირფარეო იყო.  
სოგრას ახალი, დიდი დარბაზიანი ბინა არავის აინტერესებდა. ვეზი-  
რიშვილებს დიდი ბინით ვერ გააკვირვებდით: უფროს დას — თამრი-  
კოს ორი სართული ჰქონდა გაერთიანებული, რამდენიმე ბინიდან გა-  
ასახლა მეზობლები, ზედა და ქვედა სართულები შიდა დახვეული  
კიბეებით ერთმანეთს გადააბა. გადატიხრა, გადმოტიხრა, მიაშენა, მოა-  
შენა და კარგი ბინა გამოუვიდა. უმცროს დას — ეკას ორსართული-  
ანი საკუთარი სახლი ჰქონდა დიდი ეზოთი და გარაყით. ვეზირაშვილებს  
კეთილმოწყობილი ბინებით, აგარაკებით, ავტომანქანებით და სხვა  
ჩვეულებრივი ქონებით ვერ მოხიზლავდით, ოქროს საპირფარეომ კი  
ყველა შეაფიქრიანა და სულმოუთქმელად გაჰოეშურნენ მიმოზასა-  
კენ.

— სკაზჯა, რაი! — შესძახა თამრიკომ როგორც კი საპირფარეოში ფეხი შემოდგა.

— ბაჯალლოა? — აღტაცება ვერ დამალა ეკამ <sup>დსრჩხმდქჭჭტტს</sup> <sup>მინგლნიქთქქა</sup> ჰკითხა მიმოზას.

— აჰ, ოქროც არ რის, თქვენს თავს ვფიცავარ, — აწრიალდა მიმოზა, — ხელოსანი შეგვხვდა კარგი და ოქროს ილუზია შექმნა.

— მშვიდობაში, ბედნიერებაში, — დაიწყო ბულბულომ, — სოგრას ჯანმრთელობაში... ქმარი ვარო, სოგრამ უნდა დაიტრაბახოს.

თამრიკომ თავის ქმარს ალექსის ნიშნის მოგებით ახვდა, ბულბულომაც გააპარა თვალი ქმრისკენ, რომელიც ოქროს კედელს ცოცხალ-მკვდარი აპკროდა და გაოცებისაგან რა ეთქვა, არ იცოდა.

ტალანში კვლავ აწკრიალდა ზარი. მიმოზა კვლავ გავიდა საპირფარეოდან. მიმოზა გავიდა თუ არა, ბულბულომ მტკიცედ თქვა:

— ეს ოქროა, ხალხო!

— ეჭვი არ მეპარება. — დაუდასტურა ეკამ. ლენტომ ბულბულოს თვალეები გადაუტრიალა, — შენ ვინ გკითხავსო.

— ნუთუ მართლა ოქროა? — თამრიკომ კედელს ლოყა მიადო, — რა სხვანაირი ცივია?! ალბათ ეს ოქროს სივრილეა!

მიმოზამ სტუმრები საპირფარეოში შემოიყვანა. მობრძანდა სოგრას ბავშვობის მეგობარი კუჭუ თავისი მეუღლით, ხათუნათი და ქალიშვილით, ინგათი. საპირფარეოში ათამდე ადამიანმა მოიყარა თავი და კუდის მობრუნება გაპირდა. კუჭუმ აღტაცება ვერ დამალა, ხალხი მისწი-მოსწია და მიმოზას კოცნა მოუწოდომა.

— ყოჩაღ, მიმოზა, უნდა გაკოცო! ვიცი, რომ ეს საპირფარეო შენი გაკეთებულია, სოგრა ამას ვერ შეძლებდა.

კუჭუ ტანსრული, ღიბიანი კაცი იყო, მიმოზა ტანმორჩილი, ჩაკუბატებული ქალი კორსეტში ჩამწყვდეული ჩუმპით, დიდი ღიბი კოცნისას ორივეს ხელს უშლიდა. კუჭუ ქალს ზევიდან გადაემხო, მიმოზამ კი ქვევიდან შეაგება ტუჩები. რა თქმა უნდა, რაიმე ქვენა გრძნობა არც ერთს არ ამოძრავებდა, მაგრამ თავიანთი დიდი მუცლებით როცა ერთმანეთს მიაწვნენ, კუჭუს მეუღლე აიმრიაზა.

— მაინც რამდენი დაგიჯდათ? — მოულოდნელად იკითხა ეკამ. შეკითხვა იმდენად უზნერხული იყო, ეკას მეუღლეს ხველება აუვარდა, შერცხვა ამ ხველების და საპირფარეოდან გაიძურწა.

— ძვირი დაჯდებოდა, რასაკვირველია, — გამოასწორა დის შეცდომა თამრიკომ. ჩვენ ფერადი ფილა დაგვიჯდა ძვირი.

— მაინც, კაცო, რა არის, რომ ასე ანათებს? — გაიკვირვა კედელები და კედელს მიაშტერდა.

— თქვენ გგონიათ, ოქროა? — მიმოხას სახეზე ბრწყინვალე ნივთი აუკიაფდა. — კედელში ნათურებია დატანებული, ხარკი — ხარკი დაკრულია ოქროს წყალში ამოვლებული ვერცხლის სიფრიფანა ფურცლები.

— არა, რა ვუყოთ მერე, — დაიწყო ბულბულომ, — დიდი ამბავი, ერთი ოქროს საპირფარეშო! საწყალი სოგრა დღე და ღამე მუშაობს. რა გასაკვირია, ერთი ოქროს საპირფარეშო გაეკეთებინა.

— კი მაგრამ, რომ არ არის ოქროსი? — გაიოცა მიმოზამ.

— არ არის, მართალია, — უკან დაიხია ბულბულომ, — მაგრამ სოგრას ეკუთვნის ოქროს საპირფარეშო. — მლიქვნელურად გაუღიმა მიმოზას ბულბულომ.

— ეჰ, ვის რა ეკუთვნის, იმაზე თუ ვილაპარაკებთ, შორს წაგვიყვანს, — ნადვლიანად თქვა მიმოზამ, — მთელ ჩვენს სიცოცხლეში ერთი ეს საპირფარეშო გავიკეთეთ და იმაზეც ამდენი მითქმა-მოთქმა შეიქმნა, ბედი უნდა, ჩემო ბულბულო, ყველაფერს.

— ეს რა არის? — იკითხა თამრიკოს მეუღლემ, ალექსიმ და უნიტაზს დააშტერდა.

— რა იქნება ახლა ეს! რანაირი შეკითხვა იცი? — დატუქსა ქმარი თამრიკომ.

— რაიმე უსიამოვნება ხომ არ შეგემთხვათ? — ჰკითხა მიმოზას ლენტომ, — სევდიანი მეჩვენებით.

— არაფერი, მაგრამ, რა ვიცი, ეს დაწყობილი ქვეყანა აირია და მეშინია...

— საშიში არაფერია, — ჩაერია საუბარში აქამდე გაჩუმებული ლენტო, — სიფრთხილეს კი მაინც თავი არ სტკივა.

— იმიტომაც არ გავაგებინეთ ხალხს, თქვენ, შინაურებს შეგატყობინეთ. სოგრას უნდა ახლობლებმა და მეგობრებმა თავიანთი თვალთ ნახონ საპირფარეშო, დარწმუნდნენ, რომ ის ოქროსი არ არის.

— ოქროსი რომ არ არის, ეს ცხადია, — დაუდასტურა ალექსიმ, — მაგრამ, თუ არ ვცდები, მთლად უბრალო თუნუქიც არ უნდა იყოს, — ალექსიმ კედელზე დააკაკუნა.

— რა ხუმარა ხარ, ალექსი! — გაიცინა თამრიკომ. სხვას არავის გაუცინია.

— ვილაცა მოვიდა, — თქვა ლენტომ და საპირფარეშოდან თავი გამოყო.

— ალბათ, სოგრაა, — მიუგო მიმოზამ და იმნაც გამოსო თავი  
საპირფარეშოდან.

სოგრა მართლაც მოსულიყო, გასაღებს ჯიბით დაატარებდა, არ დაურეკავს, ისე შემოვიდა და საპირფარეშოში მყოფთ თავზე დაადგა. ისე იცოდა, როგორც თვითონ ამბობდა, „უცებ მოვარდნა უყვარდა“.

— აი, ეს არის, მოგწონთ? — შემოვიდა თუ არა, ჰკითხა სტუმრებს სოგრამ. პასუხს, რაღა თქმა უნდა, არ დაელოდა და განაგრძო:

— სად არის, თუ ძმა ხარ, აქ ოქროს საპირფარეშო! მტრებმა დამიყარეს ხმა, ოქროს საპირფარეშო აქვსო, თურმე რამდენი მტერი მყოლია!.. ნახეთ ძმაო, დაათვალიერეთ, დააკვირდით, რა ოქრო-ვერცხლის პატრონი მე მნახეს, რამ გადარია ეს ხალხი, გასაკვირია, პირდაპირ! ყველაფერს თავი დავანებოთ, სირცხვილი არ არის, საპირფარეშოსთვის სადმე „დამიბარონ?“

— აჰ, ღმერთმა დაგიფაროს! — შეიცხადა კუქუმი.

— თუ ასე იყაყანა მთელმა ქალაქმა, დამიბარებენ, აბა, რას იზამენ! წარმოგიდგენიათ, ჩვენს დროში ოქროს საპირფარეშო, კაცო?.. როგორ, მე, ახლა, ამდენი არ მესმის!..

— არა, ეს საპირფარეშო ოქროსი რომ არ არის, ეს ცხადია... რატომ უნდა დაგიბარონ? — გაიკვირვა ალექსიმე.

— საპირფარეშო თქვენს მეტს არავის უნახავს, თქვენ ხომ ხედავთ, რომ ოქროსი არ არის, საკუთარი თვალების ხომ გჯერათ?

— მე მჯერა ჩემი თვალების, მაგალითად! — თქვა ბულბულოკი.

— მეც მჯერა. — თქვა თამრიკომ.

— მეც. — ჩაიდუღუნა ეკამ.

— ეს საპირფარეშო ოქროსი რომ არ არის, ეს ცხადია... მაგრამ...

— რა მაგრამ! — ცხვირ-პირში ეცა სოგრა ალექსის.

— არა, არაფერი... — დაიბნა ალექსი, — არ არის ოქროსი, რატომ უნდა იყოს ოქროსი?.. — ალექსიმე განრისხებულ სოგრას თვალი მოარიდა და ლენტის შეხედა.

— არ არის ოქროსი, არა! — დაუდასტურა ლენტომ.

— გავიდეთ ამ დასაწვავიდან! — ჩაიდუღუნა უკმაყოფილოდ მიმოზამ, ხედავდა, რომ სტუმრებს მათი არ სჯეროდათ და წუხდა. — სუფრა გელოდებათ, არ დასხდებით? — საყვედურის კილოთი მიმართა ქმარს.

— წავიდეთ, წავიდეთ!



— ბატონებო, ერთი წუთით, თუ შეიძლება! — შეაჩერა სტუმრები/შაქრომ, ეკას მეუღლემ, — ეს საპირფარეშო ოქროსი არ ღირს, მაგრამ მე მაინტერესებს, როგორ უნდა გამოვიყენოთ იგი? *სტუმრები*

— რა სასწაული ხარ, შაქრო! — თქვა ბუღბუღლომ.  
— ახლავე.

სოგრამ უნიტაზთან ახლოს, ოქროსფერ იატაკზე დიღს დააქირა ფეხის წვერი და წყალი ჩხრიალით წამოვიდა. უნიტაზში ოქროსფერი წყალი ისე აჩუხჩუხდა, ყველას მოუნდა შიგ ჩახედვა, როცა ხორუმის მოცეკვავეებით წელში მოხრილები ჩააჩერდნენ უნიტაზს, მიმოზამ მათ დასამშვიდებლად თქვა:

— გარშემო ყველაფერი ოქროსფერია და, ამიტომ, წყალიც ოქროსფერი ჩანს, ეს ოხერი!..

— რა სილამაზეა, ღმერთო ჩემო, ასეთი არაფერი მინახავს ქვეყანაზე, — შესძახა ეკამ.

— შეხედეთ, ფირუზისფერი გადაჰკრავს! — თქვა კუჭუს ქალიშვილმა ინგამ.

— განა მარტო ფირუზისფერი, წყალი ზურმუხტისფერადაც ბრწყინავს. — შეუსწორა ქალიშვილს დედამისმა, ქალბატონმა ხათუნამ.

— ჰო, მართალი ხარ, ხათუნი, აქ ფერების გამაა! — მრავალმნიშვნელოვნად თქვა ბუღბუღლომ.

— გვეყოფა, წავიდეთ! — თქვა სოგრამ და საპირფარეშოდან გამოვიდა. სოგრას შაქრო მიჰყვა, შაქროს — ალექსი და ლენტო, ლენტოს — კუჭუ. ქალებს უჭირდათ საპირფარეშოს გამოსთხოვბოდნენ, მაგრამ, ბოლოს და ბოლოს, მათაც დატოვეს და ხმადაბლა რუსულ-ქართული ბაასით გაემართნენ დიდი დარბაზისაკენ, რომელიც უხარმაზარი ჭაღით ისე იყო განათებული, საკონცერტო დარბაზი ვეგონებოდათ. გაოგნებულები ჩანდნენ, შეფიქრიანებულები.

— ახლა იწყება დიდი მუცლაობა! — არტისტულად შესძახა შაქრომ და კუჭუს დიდ ფაშვს თავისი შედარებით მომცრო ღიბი მიაბჯინა. კუჭუმ შაქროს მუცელი მოუსინჯა, თითქოს წონისო, და უთხრა:

— ყოჩაღ, რამდენი ჩადის?

— გააჩნია, შაქარზე დაყენებული, ხუთამდე, ჭაჭაზე — მეტი. — შაქრომ გადაიხარხარა, იფიქრა ფსონს ხუმრობით გამოვაცოცხლებო, მაგრამ ღიმილიც კი არ გაჰკარებია არავის სახეზე, დანა პირს არ უხსნიდათ. გრძელ მავიდას უხალისოდ შემოუსხდნენ.

— თამადა, რა თქმა უნდა, მე ვარ, — გამოაცხადა სოგრამ, — მო-  
ადგილე — კუჭუ; მერიქიფეები: ლენტო, ალექსი და შაქრო.

— ყოჩაღ. კარგად გაინაწილეთ თანამდებობები! — იხუმრებოდა ლენტომ შაქრომ.

— არ არის ჩემი საშველი, აქაც უნდა ვემსახურო. — თქვა ვითომ-  
და სევდიანად ალექსიმ.

— სხვათაშორის, სუფრაზეც ის არის უფროსი, ვინც ცხოვრებაში  
უფროსია, ეს ბუნების კანონია. — უთხრა ქმარს თამრიკომ.

— ხედავთ, ამ საპირფარეშომ ცოლი გამოიორგულა, — თავის ხეძ-  
რობაზე თვითონ გაიცინა ალექსიმ.

— ჯერ სადა ხარ, ეს საპირფარეშო ნახე რას იზამს. — უთხრა  
კუჭუმ ალექსის.

ლენტო გაჩუმებული იჯდა. მისი გონება დაძაბულად მუშაობდა  
და სალაზლანდაროდ არ ეცალა, შაქროს და ალექსის გუნებაში „ლა-  
ზლანდარებს“ ეძახდა და მათ ხუმრობაზე სულ არ ეცინებოდა. მისი  
გონება საპირფარეშოს დასტრიალებდა თავს და იმ ერთ სიტყვას, რო-  
მელიც სოგრას წამოცდა. ეს სიტყვა „დაბარება“ იყო, ტყვისასვით  
ეშინოდა მისი. როგორც კი სუფრაზე სიჩუმე ჩამოწვა, ლენტო სოგ-  
რასკენ გადაიხარა და ხმადებლა ჰკითხა:

— მართლა დაგიბარეს სადმე?

— არა, ძმაო, არსად დაეუბარებიათ, ღმერთმა დაგვიფაროს! —  
თქვა სოგრამ, წამოდგა, ხელში ყანწი აიღო და დაიწყო.

— ეს გაუმარჯოს ამ ჰერს, — სოგრამ ყანწი ჰერს მიუშვირა, —  
ყოფილიყოს იგი ერთი საწყალი ოჯახის კეთილი მფარველი.

— გაუმარჯოს! გაუმარჯოს! — გაისმა აქეთ-იქიდან.

სოგრამ ყანწი სულმოუთქმელად დალია და კუჭუს ესროლა.

— მე მინანქარს ვარჩევდი ოქროს წყალში ამოვლებულ ფურც-  
ლებს, — გადაულაპარაკა თამრიკომ ბულბულოს.

— მე მოზაიკით უნდა გავაწყო აბაზანა, მოზაიკა გადასარევია, —  
უპასუხა ბულბულომ.

— ნუთუ მართლა ოქროსია? — უჩურჩულა ლენტომ თავის  
ცოლს.

— ეჭვი არ მეპარება, საპირფარეშო ოქროსია. — მტკიცედ უთხრა  
ბულბულომ.

— ამდენ ოქროს სოგრა ვერ იშოვიდა, — კიდევ უფრო ხმადებლა  
უთხრა ლენტომ ცოლს.

— „ვერ იშოვიდა“, საკუთარი თვალით ხომ ნახე, რომ ოქროსია და მაინც „ვერ იშოვიდას“ გაიძახი.

— რაც ვნახე, ის ოქრო არ არის. — ახლა ლენტომეფობის ცენტრში, თუმცა თავის სიტყვების სიმართლეში ეჭვი ეპარება.

— საქართველო ძველთაგანვე ოქროს ქვეყანა ყოფილა თურმე, ძველი კოლხები მთვარიან ღამით რიონში ცხვრის ტყავს ჩაუშვებდნენ და დილით ოქროთი დაწინწკლული ამოჰქონდათ, — სადღეგრძელოს დიდი მონდომებით წარმოთქვამდა კუჭუ, — თურმე რაღაცა ოქროს საწმისიც გექონია, რომელიც სადღაც გაუტაცინიათ.

ლენტო კუჭუს შესცქეროდა, მაგრამ არ უსმენდა, დაძაბული ფიქრობდა იმაზე, საპირფარეშო ოქროსი იყო თუ არა, თან მოუთმენლად ელოდა იმ წამს, როცა ბახუსი თავისას იზამდა და სუფრა აირეოდა. საპირფარეშოში გაპარვას აპირებდა, მან იცოდა, რომ აქ ახლა ყველას საპირფარეშოსკენ ეჭირა თვალი, ამიტომ პირველი ვერ შევიდოდა, ამას ყველა შეამჩნევდა, მეორედ ან მესამედ უნდა შესულიყო.

— როგორ არის თქვენი საქმე? — ჰკითხა ალექსიმ მოულოდნელად და ფიქრი შეაწყვეტინა.

— გმადლობთ, არა უშავს... — მიუგო ლენტომ.

— ეკ, ახლა ფული პურშია, — თანაგრძნობით უთხრა ალექსიმ. ლენტო დაიბნა, ალექსის გაკვირვებულმა მოხედა და გაუღიმა. ლენტოს არ ესიამოვნა ალექსის პაროლივით ნათქვამი სიტყვები, „იქნება მართლა პაროლი მითხრა, იქნება ახალია რამე და მე ჩამოვრჩი“. აწერიალდა უცებ ლენტო.

— თქვენ საქმეს მახათაძე გაძლევა? — ისე მოულოდნელად და პაროლივით ჰკითხა ლენტომ ალექსის, როგორც წელან ალექსიმ ჰკითხა.

— ვინ არის მახათაძე? — იკითხა ალექსიმ და ლენტომ ამოისუნთქა. „არაფერი შეცვლილა, მომეჩვენა“.

ცარიელი ყანწი ალექსის ესროლეს და საუბარი შეაწყვეტინეს.

ლენტო თავის მეგობრებში ყოველთვის გრძნობდა უპირატესობას, ახალგაზრდები ლენტოს ჯერ ვერ გაუტოლდებოდნენ, მაგრამ ამ საპირფარეშომ დააბნია, ამ საპირფარეშომ აურია გონება. ლენტომ მაგიდაზე ქაღალდის ხელსახოცი მოძებნა, გულისჩიბიდან ფანქარი ამოიღო და ჩუმად, თავისთვის ანგარიშს მოჰყვა.

ალექსიმ ყანწი დალია თუ არა, შაქროსთან გადავიდა ალავერდს, მაგრამ შაქრო მაგიდასთან არ იჯდა, მისი სკამი ცარიელი იყო.

— სად წავიდა? — ჰკითხა ეკას ალექსიმ.

— ახლავე მოვა. — გაიღიმა ეკამ.

ლენტომ მათ საუბარს ყური მოჰკრა, მაშინვე მიანება წერას თავი და საპირფარეოსკენ გაიხედა. წამით მაგიდასთან დუმით ~~ჩქარა~~ და მოხდა ის, რაც ლენტომ წინასწარ ივარაუდა. სად უნდა ~~მეტი~~ ყო შაქრო? ყველამ საპირფარეოსკენ გაიხედა. შაქრო მართლაც იქ იყო. ქალებს სახეზე ღიმილმა გადაურბინა.

— რა მოხდა, კაცი საპირფარეოში შევიდა! — გაიკვირვა კუჭუმ და წამოდგა. თამადას ანიშნა, ახალი სადღეგრძელო ვთქვათო.

— ვინ თქვა, რამე მოხდაო, რანაირი ხარ, კუჭუ, — გაიცინა ბულბულომ.

— ეს გაუმარჯოს სიმართლეს და პატიოსნებას, — დაიწყო სოგრამ, — პატიოსანი კაცი სანთლით საძებარია. ძმა ძმას არ ინდობს, მეგობარი — მეგობარს. ეს ოჯახი კი, — სოგრამ თითი ჭერს დაუმიზნა, — ტრადიციულად პატიოსნების მქადაგებელია, მამაჩემი პატიოსანი მშრომელი კაცი იყო, ბაბუაჩემი — სულ მთლად საწყალი, პატიოსანი, მე ვინა ვარ და რა ვარ, თქვენ კარგად მოგეხსენებათ, ამიტომ მინდა ამ ჭერქვეშ, ისე, როგორც მამაჩემი იტყოდა, სიმართლისა და პატიოსნების სადღეგრძელო ავიღო.

— სადღეგრძელოს გაუმარჯოს! — თქვა კუჭუმ და ცარიელი ყანწის მისაღებად მოემზადა. სოგრამ ყანწი მოიყუდა. სუფრაზე სიჩუმე ჩამოვარდა. მხოლოდ ეკა ჭამდა ნაზად ხაჭაპურს. დანარჩენები ყანწის ჩამოვლას ელოდებოდნენ. სიჩუმემ უნებლიეთ ყურადღება საპირფარეოსკენ გადაიტანა. შაქროს გამოჩენას ელოდებოდნენ. სოგრამ ცარიელი ყანწი წესისამებრ კუჭუს გადაულოცა და ამ დროს დარბაზში ჩუმად შემოვიდა შაქრო. უცებ ტაშმა იგრიალა, — ქალებმა დაუკრეს ტაში, ქალებს მამაკაცებიც აჰყენენ, გვიან მიხვდნენ ტაშის აზრს. შაქრო დაიბნა, იგი საპირფარეოში იმიტომ არ შესულა, რისთვისაც საერთოდ შედიან. მას, როგორც ყველა აქ დამსწრე სტუმარს ერთი სული ჰქონდა, მარტოკა შესულიყო საპირფარეოში, კარგად დაჰკვირვებოდა, გაესინჯა, მართლა ოქროსი იყო თუ არა. მასპინძელიცა და სტუმარიც — ყველა მიხვდა, შაქრო საპირფარეოში რისთვისაც შევიდა, მაგრამ ეს არ შეიმჩნიეს, შაქროს ტაში სულ სხვა აზრით დაუკრეს, — ვითომ საპირფარეოს პირველი სტუმარი ხარო. შაქრომაც არ დააყოვნა, იმ წამს „გაიგო“ ეს უხერხული ხუმრობა, მეგობრებს მხარი აუბა, თვითონაც შემოჰკრა ტაში, შემდეგ ტაში ტუშში გადაიყვანა, ხელები გაშალა და „წყალს ნათოტი ჩამოჰქონდას“ მელოდიაზე „განდაგანა“ ჩამოუარა. ისე მოულოდნელად, მოხ-





დენილად და ლამაზად გადაზარდა ყალბი ხუმრობა ნამდვილ თამაშში, სუფრასთან მსხდომნი სიცილით გაიგუდნენ. შაქრომ ვაოდ ბულბულო გაიწვია. მოჭიფებები წამოიშალნენ და ბულბულოს გარშემო წრე შეკრეს. არეულობით თამრიკომ ისარგებლა, საპირფარეოში ახლა ის შევარდა. თამრიკოს გაპარვა არავის გაუგია, მხოლოდ ლენტომ გააყოლა თვალი. მოცეკვავეები უცებ დაილაღნენ, სხვამ არავინ ისურვა ცეკვა. სოგრამ სტუმრები მაგიდასთან მიიწვია.

— ერთიც დავლიოთ და ყველა აცეკვდება, — უთხრა კუჭუმ სოგრას და ყანწი შეუვსო.

— ამ ყანწით მე ვსვამ მშობლების სადღეგრძელოს. გაუმარჯოს ჩვენს გამჩენებს, ჩვენს შემქმნელებს, ცოცხლებს — დღეგრძელობა, გარდაცვლილებს — სამარადისო ხსოვნა! — სოგრამ მშობლების სადღეგრძელო მოკლედ მოჭრა.

— ამ მაგიდასთან ჩემზე მდიდარი არავინ ზის, — ამაყად თქვა ლენტომ და ცოლს ქაღალდის ხელსახოცი წინ დაუდო. ხელსახოცი რამდენიმე სვეტად იყო გაყოფილი, სვეტის თავში ეწერა ოჯახის თავკაცის სახელი, ქვევით კი გამოანგარიშებული იყო მისი უძრავ-მოძრავი ქონება.

„სოგრა“, „კუჭუ“, „ალექსი“, „შაქრო“, „ლენტო“, ჩუმად გადავლო თვალი ბულბულომ ქაღალდის ნაგლეჯს, შემდეგ თითოეულ სვეტს ქვევით ჩაჰყვა.

— ოქროს საპირფარეოს ქონებად არ თვლი, არა? — ბულბულომ ქმარს დამცინავად შეხედა.

- არ ვთვლი.
- რატომ?
- არ არის ოქროსი და იმიტომ.

— უჰ, შენ გავისკდეს მიწა, რა ლოყოყინა შენა ხარ! — აფეთქდა უცებ ბულბულო.

- ჩუმად, რა გაყვირებს, ქალო!
- შენი სიკვდილი მაყვირებს და შენი თვალების დავსება! ვერა ხედავ, რომ ოქროსია!

— ჰო, კარგი, კარგი! — ჩაიდუდუნა ლენტომ და გაჩუმდა. კუჭუმ ქალებს ღვინოს აძალბებდა, შაქრო სადღეგრძელოს ამბობდა, მაგრამ არავინ უსმენდა, ღვინო უკვე ქალებსაც მოჰკიდებოდათ და ხმამაღლა ტკარცალებდნენ. „თუ ეს საპირფარეო მართლა ოქროსია, მაშინ...“ განაგრძობდა ანგარიშს ლენტო. მაშინ... ლენტოს სათვალავი

აერია... მაშინ... ლენტოს თავბრუ დაესხა. თავი მიანება ანგარიშს, ხელსახოცი ნაკუწებად აქცია და საპირფარეშოსაკენ გაიხედა. ხელსახოცი ჩემი ჯერია, გავიპარებო, გაიფიქრა, მაგრამ ალექსი ვერც დაელოდა. „დამასწრო“, ლენტომ ნაღვლიანად გადახედა სუფრის წვერებს, ჩემი ჯერი, ბოლოს და ბოლოს, დადგება თუ არაო.

— ლენტო, ალავერდს შენთან არიან, — დაუძახა ფიქრებში წასულ ლენტოს სოგრამ. შაქროს ცარიელი ყანწი ცალი ხელით ლენტოსკენ გაეშვირა, ლენტომ შაქროს ყანწი ჩამოართვა, ფეხზე წამოდგა. აღარც კი ახსოვდა, ვის სადღეგრძელოს სვამდნენ, „გაუმარჯოს სადღეგრძელოსო“ ჩაიდუღუნა და უგემურად გამოცალა ყანწი. არ უნდოდა დალევა. ცოლმა ხასიათი გაუფუჭა.

სოგრამ ორი ყანწი ერთად მოითხოვა.

— ეს უკვე ნამეტანია, — ლენტომ ამღვრეული თვალებით შეხედა თამადას.

— ახლა იწყება ნამდვილი ქეიფი! — თქვა კუჭუმ და წამოდგა.

სოგრამ დედმამიშვილების სადღეგრძელო თქვა.

— თუ არ გინდა, არ დალიო. — უჩურჩულა ბუღბუღლომ ლენტოს.

— როდის გითხარი, არ მინდა-მეთქი. — ლენტომ ცოლს შეუბღვირა.

— ვიმღეროთ ახლა. სულ ღვინო ხომ არ უნდა ვსვათ. — თქვა ეკამ და სიმღერა წამოიწყო. ეკას თამრიკო აპყვა, თამრიკოს — სოგრა, ყანწი ახალი დაღეული ჰქონდა და სიმღერა პირდაპირ მისწრება იყო. თამადას სიმღერაზე შეეტყო. სუფრა ახმაურდა, ზოგი მღეროდა, ზოგს სადღეგრძელო არ დაემთავრებინა და მაცალეთო, გაიძახოდა.

— რა მაგარი ღვინოა, როგორ დაგვცოფა, — გადაულაპარაკა ბუღბუღლომ თამრიკოს. ბუღბუღლომ სიმღერა არ იცოდა და მომღერლებს თავისი გაუთავებელი საუბრით ხელს უშლიდა.

— ვის უნდა ერქვას ბუღბუღლო და ვის ჰქვია, — თქვა თამრიკომ და ბუღბუღლოს გაუღიმა, არ გეწყინოსო.

— აბა ბანი, ჯგირი ბანი! — შესძახა უცებ კუჭუმ და დარბაისლური „ზამთაროდან“ „ოტლარჩობაზე“ გადახტა.

„ახლა კი წავედი“, — ჩაიდუღუნა ლენტომ და წამოდგა, საპირფარეშოსაკენ გაემართა, სად იყო და სად არა, თითქოს იატაკიდან ამოძვარო, ხათუნამ, კუჭუს ცოლმა, შეასწრო. ლენტო ისევ დაუბრუნდა მაგიდას.

სოგრამ, ამ ტემპით სმას ვერ გავუძლებო, იფიქრა და პატარა ჭინჭილით აიღო ქალების სადღეგრძელო. ჭინჭილა ისეთი ლამაზი

იყო, ისე რაკრაკით ისმებოდა ღვინო, ქალებმაც დიდი საამოვნებით დალაღეს სამადლობელი.

— ინგა! — უცებ აყვირდა კუჭუ. იგი რატომღაც თვალეზი დაეხუტა და ხმადაბლა, თავისთვის ღიღინებდა.

— ინგა! — კვლავ იყვირა კუჭუმ. ინგა გვერდით ედგა, მაგრამ ვერ ხედავდა, თვალეზიდახუჭული რას დაინახავდა?

— აგერ ვარ, მამა, რა იყო? — კუჭუმ თვალეზი გაახილა, ქალიშვილს შეხედა, შეამოწმა მართლა აქ იყო თუ არა. შემდეგ ენის ბორძიკით უთხრა:

— ადანდალი დამიკარი.

ინგა როილს მიუჯდა. ქალაქურმა ჰანგებმა მთლად გადარია მთვრალეზი. კუჭუ საცეკვაოდ დათვით გაბაჯბაჯდა. შაქრო რატომღაც მაგიდის ქვეშ შევარდა და იქ ჩაცუცქულმა მოინდომა ბუქნაობა.

ლენტო საპირფარეშოსთან ტრიალებდა, კიდევ ვინმემ არ შემასწროსო.

სოგრამ ხანჯლურის ცეკვა დანებოთა და ჩანგლებით ისურვა. ინგას დაკვრას წარამარა აწყვეტინებდა, კუჭუს კინტაურის ცეკვა უნდოდა, სოგრას — ხანჯლურის, შაქრო რუსულ ცეკვას მოითხოვდა. მარტო ალექსი და ქალები ისხდნენ სუფრასთან. ალექსი მიმოზას და მომსახურე ქალებს ღვინოს აძალებდა, თქვენც უნდა დათვრეთო.

როგორც იქნა, გამოვიდა ხათუნა, ლენტო საპირფარეშოსაკენ გაიძურწა; თან ერიდებოდა, ნამეტანი აჩქარება არ შემამჩნიონო, ცალი თვალი მოცეკვავეებისკენ ეჭირა, ცალი თვალი — სუფრასთან მსხდომებისაკენ, თანაც მთვრალი იყო და ვერ ატყობდა ამას, უკან-უკან იხედებოდა და სასაცილოდ მიხუხუხებდა.

საპირფარეშოში რომ შევიდა, კარი შიგნიდან მაგრად ჩაკეტა. ამოისუნთქა, შუბლიდან ოფლი მოიწმინდა და გულმოდგინედ შეუდგა საპირფარეშოს დათვლიერებას. აფათურა ხელები კედელზე, იატაკზე, ხელსაბანიც დიდხანს ათვლიერა, ფეხი იმ ღილსაც დააჭირა, სოგრამ რომ დააჭირა. ყოველი კუთხე, ყოველი კუნჭული გოჯგოჯობით გადაჩხრიკა, ეწვალა, დიდხანს ეწვალა, იქნება როგორმე სადმე ფრჩხილისოდენა „ოქრო“ ავატყავოო, მაგრამ ვერ შეძლო. „ოქროს“ ფურცლები კედელზე, იატაკზე, სასაქმებელზე, ხელსაბანზე, ონკანზეც კი ისე მიეკრათ, მიღუღებული გეგონებოდათ.

ბოლოს ლენტო თავდახურულ სასაქმებელს დააჯდა და ღრმად ჩაფიქრდა, სანუგეშო მაინცდამაინც ვერაფერი მოიფიქრა. წამოდგა, ხელები გადაიბანა, გაალო საპირფარეშო და ის იყო, უნდა გასულიყო,

რომ ერთგან, იქ სადაც კარის წირთხლი ზღურბლს ეხებუნება, ოქროს ფურცელი გამოწეული ეჩვენა. ჯერ ფრჩხილით მოსინჯა, შემდეგ ჯიბეში ინგლისური გასაღები ეგულებოდა და იმ გასაღებით შეუძლოდ ხანს უჩხიკინა, მართლაც ფრჩხილისოდენა ოქრო აატყებდა...  
თუ არა, მაშინვე პირში იტაცა და კბილი დააჭირა.

ლენტო ოქროს გამოცნობის ოსტატი გახლდათ, ოღონდ კბილი დაედგა და იმ წამს გეტყოდათ, ოქრო იყო თუ ბაჯაღლო, ოქროცურვილი თუ ოქრონარევი...

მოულოდნელად მოხდა ის, რასაც იმ საღამოს არავინ მოელოდა, როცა ლენტომ კარის წირთხლს ფრჩხილისოდენა „ოქრო“ ატყებდა, ერთი კი გაიფიქრა, კარი უნდა ჩავეკეტოთ, მაგრამ იმდენად დიდი იყო სიპართლის გავების სურვილი, იმდენად სწრაფად მუშაობდა ლენტოს გონება, დაავიწყდა ის, რაც მთავარი იყო — კარის ჩაკეტვა. ამ დროს კი საპირფარეშოსაკენ მობორიალობდა მთვრალი კუჭუ. კაცმა არ იცის, კუჭუს რა უნდოდა, მართლა საპირფარეშო უნდოდა, თუ ისიც ოქროს ეშხით მობანდალვდა. ასე იყო თუ ისე, კუჭუმ საპირფარეშოს კარი მაშინ შეაღო, როცა ლენტომ ფრჩხილისოდენა ოქროს კბილი დაადგა. თითქოს ოქროს ქურდობაში დაიჭირესო, ლენტოს ელდა ეცა.

ელდა ეცა და... საბედისწერო გამოდგა ეს ელდა. ფრჩხილისოდენა ოქრო სასულეში გადასცდა.

— ოჰ, ლენტოსთანა ვარ ალავერდს ოქროს საპირფარეშოში! — შესძახა მთვრალმა კუჭუმ, მაგრამ ამ დროს ლენტომ საზარლად დაიხრიალა, გადმოკარკლული თვალებით და ხელების აქნევ-დაქნევით კუჭუს შველა სთხოვა. კუჭუმ თვალები მოიფშვინტა, მაგრამ გვიანლა იყო, ლენტო სულ მთლად გალურჯდა, ერთი-ორჯერ კიდევ დაიხრიალა, რატომღაც ხელსაბანის ავზში თავი ჩაპყო და ჩაიკეცა, ჩაიკეცა და ოქროსფერ იატაკზე გაიშხლართა. კუჭუ მომაკვდავთან მივარდა და წამოყენება მოუნდომა.

— არ გრცხვენია, ბიჭო! რა დავლიეთ ამდენი, დადექი ფეხზე!

კუჭუს ლენტო მთვრალი ეგონა და გაუწყრა.

— ბუღბუღლო, მიშველე, შენი ქმარი მიიღო უფალმა! — გამოსძახა კუჭუმ ბუღბუღლოს, რადგან ვერაფრით ვერ დააყენა ფეხზე ლენტო.

საპირფარეშოში პირველი მიმოზა შემოკარდა.

— არიქა, წყალი! — შეტკივლა ქალმა და მთვრალ კუჭუს მომაკვდავი ხელიდან გამოჰკლიჯა.

მიმოზას შეკვივლებამ ყველა ფეხზე დააყენა.

— რა ამბავია, რა მოხდა! — შემოცვივდნენ საპირფარეოში მთვრალეები.

— დაურეკეთ სასწრაფოს, ლენტო ცუდადაა! — შაქრომ ზამ და გალურჯებულ ლენტოს წყალი შეასხურა.

— ლენტო? — ბუღბუღლომ ხალხი მისწი-მოსწია და იატაკზე გამწლართულ ქმარს გადაემხო. ხელად საკინძე შეუხსნა, თავი აუწია, შეანჯღრია, „ლენტო, ლენტო“, — სასოწარკვეთილმა ჩასძახა, ნერვიულობამ აიტანა და კივილი მორთო. ქალებმა ბუღბუღლოს პირზე მიადარეს ხელი და საპირფარეოდან გაიყვანეს.

— ნუ გეშინიათ, ღვინის ბრალია, საშიში არაფერია! — შაქრომ პანიკით შეპყრობილი თანამესუფრეების დაწყნარება სცადა.

ინგამ სასწრაფოს, როგორც იქნა, დაურეკა.

— გამოვიყვანოთ საპირფარეოდან! — აწრიალდა სოგრა, თავქაჯშეყრილი აქეთ ეცა, იქით ეცა. ისევ მთვრალმა შაქრომ იყოჩაღა, მომაკვდავს პირველი დახმარება აღმოუჩინა, ხელები და ფეხები აუმოძრავა, შემდეგ ზეწრები ცივი წყლით დაასველა და შიგ გაახვია. ცივი საფენები ქალებს მოეწონათ, ლენტოს გალურჯებას სიმთვრალეს აბრალებდნენ.

— გამოვიყვანოთ საპირფარეოდან, საპირფარეოში არ მოგვიკვდეს კაცი, თავი არ მოგვეჭრას! — უჩურჩულა შაქროს სოგრამ. შაქროს ჭკუაში დაუჯდა მასპინძლის რჩევა.

ლენტო საპირფარეოდან გამოიყვანეს და ტახტზე რომ დააწვინეს, სასწრაფოც მოვიდა. ექიმს ერთი ექთანის მოპყვებოდა ჩანთა-აფთიაქით ხელში. ექთანმა ხელად გახსნა ის ჩანთა, საექიმო ხელსაწყოები ამოალაგა და თვალისდახამხამებაში გაუკეთა გულის ნემსი. ექიმმა ავადმყოფს მაჯა გაუსინჯა, შემდეგ გულზე დაადო ყური, ექთანარაღაც უჩურჩულა ყურში, ბოლოს უსიტყვოდ გადახედა მთვრალეებს.

ერთ ოთახში ლენტო ესვენა, მეორეში კი ბუღბუღლო კიოდა. დარბაზის შუაგულში მიტოვებულ სუფრას უზარმაზარი ქალი დაჰკაშკაშებდა.

ლენტოს თავზე ადგნენ მთვრალეები. როგორც ნახირი დასცქერის ყელგამოჭრილ პირუტყვს, იმდაგვარი შიშითა და გაკვირვებით უყურებდნენ ლენტოს, ექიმს, ექთანს, ერთმანეთს და ხმის ამოღებას ვერავენ ბედავდა.

## აბრაგიას სიკვდილი

დომეს ხუთი ბატი ჰყავდა. ერთ მათგანს აბრაგია ერქვა. მართალია, ბატს სახელს იშვიათად არქმევენ, მაგრამ დომეს ბატი ჩვეულებრივი ღერღეტი არ გახლდათ.

დილით ადრე, ჭიშკარში ბატებს გადადენიდნენ თუ არა, აბრაგია სარდალივით გამოვიდოდა თეთრად მოხრეშილ შარავზაზე, ყიპ-ყიო — ერთს დასჭყვივლებდა თანამომეტ და ყელმოღერებული წინ გაუძღვებოდა. მანქანების შიშით ბატებს შარა-გზიდან სწრაფად გადაიყვანდა და ტრიფოლიატის ღობის ძირას თავისი კაჭა ფეხების ტყაპატყუპით მიღერღეტობდა. იქ გამხმარი ეკლების, ასკერ გადაძოვილი ბალახის ძირებისა და ათასი ხარახურის მეტი არაფერი იყო, მაგრამ აბრაგია ხომ გაუჩენელს გააჩენდა, შეუძლებელს შესძლებდა, ამიტომაც ეძახდნენ აბრაგიას.

სულ მთლად ამოქოლილი რომ ყოფილიყო ღობის ძირები, გასაძრომები განგებ გამოლობილ-მესერჩასობილი, აბრაგია გასაძრომს მაინც იპოვიდა. ხოლო ვის ყანაშიც შეიპარებოდა, ვის ბოსტანსაც ესტუმრებოდა, ვაი, მისი ბრალი! ყანას ნაყანევად აქცევდა, ბოსტანს — ნაბოსტნევად.

კარდაკარ ბატივით კი არ დაჩენჩერობდა, მზვერავის თვალითა და გუშავის ყურით მიუძლოდა წინ თავის რაზმს და წუთისოფლის გზაზე მარჯვედ დაატარებდა. ამიტომ უყვარდათ ბატებს აბრაგია, მას ენდობოდნენ, მისი სიტყვა კანონად იყო ქცეული. მეგობრებს ჩუმიად რომ ჩაუსისინებდა: ამ ყანაში ნუ შეხვალთ, საშიშიაო, ბატები იმ ყანისაკენ არც გაიხედავდნენ.

მეზობლებს კარგად შემოლობილი სიმინდის ყანები და ბოსტნები ჰქონდათ. იქ გასაძრომების პოვნა ჭირდა, აბრაგიას თავისი რაზმი შორს, მეურნეობის ყანებისკენ მიჰყავდა. მეურნეობის სიმინდის ყანები ათობით ჰექტარზე იყო გადაჭიმული. ვიდრე იმ ყანებამდე მივიდოდნენ, საბოსტნე ნაკვეთებისათვის უნდა ჩაეკლოთ.

კიტრის, ნესვისა და საზამთროს თვალუწვდენელი ბაღები გამკლავლებს თვალს სტაცებდა, გოგრის ლერწები ღობესთან სულ ახლოს ხელიკებივით გაწოლილიყვნენ და ბატებს პანტისოდენ მარტყმარტყმანასკულ კვახუნებს მადისაღმძვრელად უჩვენებდნენ. ჩვენს ბატებს თითისხელა კიტრები და ნესვები ბზინავდნენ მზუზე. ჩვენს ბატებს ბოსტნეული ანდამატივით იზიდავდა, მაგრამ ბოსტანთან ახლოს თოფიანი მეველე ცხოვრობდა, მეველეს შორს წასვლა ეზარებოდა და სულ ამ ბოსტანს დასტრიალებდა თავს. თანაც ისეთი დაუნდობელი და საშიში კაცი იყო ეს მეველე, აბრაგიას მის გახსენებაზე ტანში აზრიალებდა.

ერთხელ, როცა მთელი დღე ღობე-ღობე, შარა-შარა წანწალით დაიღალნენ ბატები და საკბილო ვერაფერი იშოვეს, იფიქრეს: რაც იქნება, იქნება, ბოსტანში შევიპაროთო. აბრაგიამ, როგორც იცოდა ხოლმე, წინასწარ კარგად დაზვერა, მეველე ხომ არსად არისო და... გასაძრომი ხელათ იპოვა, თვითონ პირველი გაძვრა და ბატებიც გაიყოლა.

ბატები ნევისხელა კვახუნებსა და კიტრუნებს კისერწაგრქელებულები ნეტარებით აყლაპუნებდნენ და თავიანთ ენაზე ერთმანეთს ტკბილად ეყოყინებოდნენ. უცებ აბრაგიამ თანკი აიღო, შეშფოთებით შეჰკივლა ყიიპ, ყიიპო და თავქუდმოგლეჯილი გაიქცა, მოუსვა და მოუსვა, ფეხებს ფრთებიც მიაშველა და ღობეს მიასკდა. გაოცებული ბატები, რა თქმა უნდა, აბრაგიას მიჰყვნენ, თუმცა უკვირდათ, რამ დააფრთხო წინამძღოლი, მეველე არსად ჩანდა, არც ძაღლის ყეფა ისმოდა, რა მოხდა, რა იყოო, თავიანთ ენაზე აყოყინდნენ და ისინიც მიასკდნენ გასაძრომს.

აბრაგია სწორედ იმით განსხვავდებოდა სხვა ღერღეტებისაგან, წინათგრძნობის უნარი ჰქონდა, მან წინასწარ იგრძნო მეველის მოახლოება: ყანების მცველი თოფშემართული გამოობოდა. აბრაგია პირველი გაძვრა ღობეში და შარა-გზაზე გამოვარდა. მოხდა სასწაული, მეველე ღობესთან მიიქრა, თოფი ზედ დადო და აბრაგიას დაუმინა. აბრაგიამ იფიქრა, მაშინებსო, გუნებაში გაელიმა კიდევ, შინაურ ფრინველს თოფს ვინ ესვრისო, მაგრამ... ისეთი დაიქუხა, აბრაგიას ეგონა, მიწა გასკდა, ფრთები გაშალა და, რაც ძალი და ღონე ჰქონდა, მოცოცხა. სხვა ბატებიც კვივლ-ყვივლით, სისინითა და ფრთების ფათქაფუთქით გამოცვივდნენ შარა-გზაზე. ბატებმა პირველად ნაბებს საკუთარი თვალთ მათკენ გამოშვერილი საზარელი შავი ლულა, იქი-

დან საშინელი სისწრაფით გამოვარდნილი ცეცხლის ჭკელი, თითქოს აბრაგიას თოფი კი არა, მაღალმა ღმერთმა მეხი სტყორცნა.

დაწიოკებული ბატები დიდხანს გარბოდნენ შარა-გზაზე, უკან იყურებოდნენ, მეველე ხომ არ მოგვდევსო. თავი სამშვიდობოა რომ დაიგულეს, მაშინლა გაახსენდათ ერთმანეთი, შარა-გზაზე თავაღერილები დადგნენ — მეწინავენი ჩამორჩენილებს დაელოდნენ. როცა დარწმუნდნენ, რომ ყველანი ცოცხალნი და უვნებელნი იყვნენ — წესისამებრ აბრაგია წინ, დანარჩენები უკან — შინისაკენ გზას გაუდგნენ, თან თავიანთ ენაზე შარა-შარა დიდხანს მოყაყანებდნენ, უღლიანი ღორების, თხებისა და ხბოების გასაგონად, თუ რა საზარელი მეველე ჰყავდა მეურნეობას.

სალამო ხანს ბატები საქათმეში შერევეს. დომეს საბატე არ ჰქონდა, ბატებს საქათმე ეკავათ, ქათმები კი ლედვის ხეზე ბულობდნენ.

ჭერ ძროხა არ მოეწველათ, მზე ახალი ჩასული იყო, ქათმები ნელნელა იყრიდნენ თავს ლედვის ტოტებზე. სად იყო და სად არა, ჭიშკარს მეველე მოადგა.

— ვო, დომე! — გაისმა ეზოში მისი ხმა. დომემ ხელი მოიჩრდილა და ჭიშკარს გახედა. წინასწარ იცოდა, რისთვისაც მოვიდოდა მეველე.

— დომე, ბატებს მოუარე, თორემ მოგიკლავ, იცოდე, ამოაგდეს ბოსტანი!

— რა ვუყო? დავაბა?... ისე ყოველ დილით ვეუბნები, სხვის ყანაში არ შეხვიდეთ-მეთქი, მაგრამ არ სჭერათ...

— ასე, ხომ? — გაბრაზდა მეველე. — დამცინი ხომ?..

მეველე სწრაფად გაშორდა ჭიშკარს, თითქოს ვინმე უკან მისდევდა.

— გაბრაზდი, თორემ არ წამართვა დადიანობა! — მიამახა.

ეს იყო და ეს. მეტი არაფერი უთქვამთ. დომე კარგა ხანს იჭდა ჩაფიქრებული სამზადის წინ, შემდეგ წამოდგა, ეტყობოდა, რალაც გადაწყვიტა, თაროდან წალდი ჩამოიღო, საქათმესთან აკაციის გამზმარი ჩხვერკი ეყარა, მოგზძო, სწორი ტოტი გამოათრია, შტოები და ეკლები წალდით ჩამოასხიბა, თვალით გადაზომა, გადაჭრა, საქათმის კარი გამოაღო და აბრაგიას დაუწყო ძებნა — აბრაგია შიშმა აიტანა, მან ჭერ არ იცოდა, რისთვის ეძებდა პატრონი.

შეშინებული საქათმის კედელს აეკრა და შეშფოთებით შესძახა, ყიიპ!..

დომემ თავი შეჰყო საქათმეში, აბრაგია ჯოხით თავისკენ გამოდენა, სტაცა კუდში ხელი და დაიჭირა.



— ყიპ! ყიპ! ყიპ! — სასოწარკვეთით აკივლდა აბრაგია, გგონა, კლავდნენ და განწირულივით აფართხალდა.

სამზადის გვერდით ბეოლის კუნძი ეგდო, დომე იმუკუნებოდა და, ბატი კალთაში ჩაისვა. აფართხალებული ბატის ტანი ლაჭებში მოიქცია, ორივე ხელით ფრთები აუწია, ფრთების ქვეშ ის გამხმარი ჯოხი გაუყარა და ზედ შეაბა. „ღარ მკლავენ“, მიხვდა აბრაგია და დამშვიდდა — სიკვდილს ყველაფერი ერჩია.

— კიდევ არ მოიშლი სხვის ეზოში წანწალს?.. — თქვა დომემ და აბრაგიას ხელი ჰკრა, თავისუფალი ხარო. აბრაგია საქათმისაკენ გაიქცა. ბატს ფრთებში ჯოხი ჰქონდა გაჩრილი და საქათმის კარში ვერ შეეცია. დომემ კვლავ დაიჭირა ბატი, „უღელი“ დაუმოკლა და საქათმეში შეაგდო.

აბრაგიამ ბატებში თავი ისე დაიჭირა, ვითომ არაფერი მომხდარაო, შუა საქათმეში დადგა, თავისი თეთრი ქათიბი გაპირვებით შეიბერტყა, თავი მალლა აიღო და ამაყად აყიყინდა:

— ყი, ყი, უღელი დამადგეს, მაგრამ არაფერია... ყიპ!..

შეშინებული ბატები კედელს ეკვროდნენ, კისერწაგრძელებულები შორიდან აკვირდებოდნენ წინამძღოლს.

— სი, სი, ეს რანაირი უღელია. სიპ! — ჩუმად სისინებდნენ ბატები და თავიანთი ნისკარტებით მეთაურს უღელს უსინჯავდნენ. აბრაგია გაშეშებული იდგა ერთ ადგილას, თვითონაც აკვირდებოდა თავის უღელს: ჯოხზე წვრილი თოკით ორივე ფრთა ისე მაგრად დაეკრა დომეს, განძრევა უჭირდა.

მართალია, აბრაგია ჭირს არ იმჩნევდა, დარდს არ ამხელდა, ძველებურად მედიდურად „დაწვა“ დასაძინებლად, მაგრამ მთელი ღამე თვალი არ მოუხუჭავს. უღელმა სევდა მოჰკვარა, რალაც შეცვალა მის ცხოვრებაში, რაც უნდა რიხიანად ეყიყინა, უღლიანი მეთაური მაინც უღლიანი იყო, რიხი უღელს ვერაფერს დააკლებდა. მთელი ღამე უღელზე ფიქრობდა, როგორმე უნდა მოეშორებინა, მაგრამ როგორ? საქათმეში ბატებმა რომ დაიძინეს, აბრაგიამ ილღიის ქვეშ შეიყო თავისი ბრტყელი ყვითელი ნისკარტი და შემოჭერილ თოკებს შეხსნა დაუწყო, დიდხანს იქეჭა, ვერას გახდა, ცალ ფეხზე შედგა და ცალით ჯოხს დაებლაუჭა. ფრთები იტკინა, ჯოხს კი ვერაფერი დააკლო. მთელი ღამე იწვალა, იფხოკიალა, ერთი-ორჯერ ბატებიც კი გამოაღვიძა, ბოლოს იმედი დაკარგა და კვლავ სევდამ შეიპყრო. გამთენიის ხანს წამით ჩასთვლიმა, ჩასთვლიმა თუ არა, ყიყლიყო, ზედ მის თავს ზემოთ დასტეჭა მამალმა და გამოაღვიძა. მამალი ლელვის ხიდან ჩა-

მოფრენილიყო და საქათმის სახურავზე დეზების წყარუნით დაბრძანდებოდა. თან ყო! ყო! ყოვო! — გოცელები თავისიანებს, ხმაობდა აბრაგიამ მაღლა აიხედა. შიფერის ფილა ჩატეხილიყო, მღეროდა გამოეტეოდა. რიურაზე აქედან ცის პატარა ნაჭერი ჩანდა, ხანდახან წვიმაც ჩამოდიოდა, ახლა იქ წითელბიბილოიანი მამალი იდგა და საქათმეში გაკვირვებული იჭვრიტებოდა, გოცელებს ხმამაღლა გამო-თქვამდა:

— ყო, ყო, ყო! ქათმებო, მოდით, რა განახოთ, აბრაგიასთვის უღელი დაუდგამთ! ყო!

ქათმები ლელვის ხიდან პირდაპირ საქათმისკენ მოფრინავდნენ. შიფერის სახურავზე ფეხს რომ დადგამდნენ, ხმამაღლა აკაკანდებოდნენ და შემდეგ ჩატეხილი სახურავიდან აბრაგიას ცნობისმოყვარეობით აკვირდებოდნენ, თან მღეროდნენ თავიანთ ენაზე: კა, კა, კა, კა...

როგორც იქნა, გააღეს საქათმის კარი, აბრაგია პირველი გამოვარდა, ეზოში გაიქცა, ჭისთავზე ცივი წყალი დალია და გულზე მოეშვა.

დომეს მეუღლემ სამზადიდან კალთით გამოიტანა საკენკი და ქათმებს დაუყარა. ბატები საკენკისკენ გაქანდნენ და ქათმებს შეეროვნენ. დომეს მეუღლე მათ წკნელით გამოუდგა და ჭიშკარში გადენა. საკენკი ქათმებისთვის იყო განკუთვნილი. ბატის ხორცს დომეს ოჯახში არავინ ჭამდა, ბატები ბუმბულისთვის ჰყავდათ, საკენკს მათთვის ხანდახან თუ გაიმეტებდნენ. ბატი ყველაფერს ჭამს, საკეებს თვითონ იშოვისო, ფიქრობდნენ.

აბრაგია ბატებს ძველებურად გაუძღვა წინ და სოფლის შარა-გზას დაადგა.

მზიანი დილა იყო, უღლიანი აბრაგია წინ, სხვა ბატები უკან, ნელა მიუყვებოდნენ სოფლის შარას.

ბატებს, იხვებს, ლორებსა და ხბორებს სხვა ეზოებიდანაც ერეკებოდნენ, ისინი შარა-გზაზე იდგნენ და გაკვირვებულნი უყურებდნენ უღლიან აბრაგიას. ინდაურებსა და ქათმებს არ ერეკებოდნენ ეზოებიდან. ისინი თავიანთი სურვილით მოსდგომოდნენ ლობებსა და ჭიშკარებს და ცნობისმოყვარეობით ჭორაობდნენ აბრაგიაზე. აბრაგიას უღელი ვერ შეაჩერებს. ის თავისას მაინც იზამსო, ერთმანეთს ეჩურჩულე-ბოდნენ.

აბრაგია გრძნობდა, რომ მასზე ჭუჭყულებდნენ და ამაყად მიაბიჯებდა.



ბატებში, იხეებსა და ინდაურებში აბრაგია სწორუპოვარ რაინდს იყო შერაცხული და ამიტომ უკვირდათ მისი უღელი, ვერ ეჩვეოდნენ უღლიან აბრაგიას. თორემ უღელთა ხბორებით და თხებით საესე იყო შარავზა.

— შეეჩვევა, არა უშავს, მასზე უკეთესი ვაჟაკები გვინახავს უღლიანები — ღრუტ, ღრუტ, — ღრუტუნებდნენ ღორები და ირონიულად უყურებდნენ იხეებსა და ინდაურებს, რომლებიც აბრაგიას ვაჟაკობას აზვიადებდნენ.

აბრაგია ღორებს არაფრად აგდებდა, ზედაც არ უყურებდა, ნაჩევვი გზითა და ბილიკით მიჰყავდა ბატები.

სოფელს გასცდნენ, ბოსტანსაც ისე ჩაუარეს, იქითკენ არც გაუხედავთ, გუშინდელი სიმწარე ახსოვდათ. უცებ აბრაგია შეჩერდა და ერთ ქვას დაასო თვალი.

— ტყვია ამ ქვას მოხვდა, სი, სი, — ჩუმად უთხრა ბატებს და ქვას ბატურად, ცალგვერდულად დააცქერდა. სხვა ბატებიც გარს შემოეხვივნენ ქვას, კისერი წაიგრძელეს და სისინი ასტეხეს, თოფიანი მევლე და ის საზარელი ბათქი გაიხსენეს.

— უკან ხომ არ გავბრუნდეთ, სი, სი... — დაფრთხა ერთი ბატი და შეშინებული მიაჩერდა აბრაგიას.

— ნუ გეშინიათ, მომყევით, ყი, ყი! — ძველებურად რიხიანად თქვა აბრაგიამ და ღერღეტებს წინ გაუძღვა.

სიმიდის ყანები გამოჩნდა. ერთგან ნაკვიანევი ყანა ეგულებოდა და იქითკენ მიეშურებოდა, იქ სიმიინდი ახალგამარგლული იყო.

დატაროებულ სიმიინდებს ბატები ვერაფერს დააკლებდნენ, ამიტომ მიიწვედნენ ოდოქლერ ყანისაკენ. აბრაგია შეჩერდა, ფრთხილად გაიხედ-გამოიხედა და გასაძრომისკენ გაემართა, პირველმა ცდამ ამაოდ ჩაიარა, უღელმა არ გაუშვა. განზე დადგა და ბატებს ანიშნა. თქვენ მაინც შედითო. ბატებმა სათითაოდ შეყვეს თავი ღობეში, მაგრამ შიგ შესვლა ვერ გაბედეს. მაშინ აბრაგიამ ხელმეორედ სცადა ბედი, უღელი ღობეს უგანა, მესერსა და მესერს შორის ადამიანისვით შეჰყო უღლის ცალი ყური. შემდეგ მეორე მიუმარჯვა და გაჭირვებით გაძვრა. ბატებმა აღტაცება ვერ დამალეს და სიხარულისაგან ფრთები აფრებოვით გაშალეს — ეს რა სასწაული მოიმოქმედა ჩვენმა მეთაურმაო. შემდეგ სათითაოდ უკან მიჰყვნენ წინამძღოლს, სიმიინდის ყანას მოედევნენ და თვალის დახამხამებაში გადაძოვეს.

სად იყო და სად არა, საიდანაც მევლე გამოჩნდა, ისეთი ყვირილითა და ერთი ამბით მოვარდა, ბატებს შიშის ზარი დაეცათ, დაფეთებულები ერთმანეთს მიაწყდნენ და თავის საშველად ზოგი საით

გაიქცა, ზოგი საით. მეველე აბრაგიას გამოუდგა, თოფი დაუმიზნა და დაუმიზნა, აბრაგიამ ლობისკენ მოკურცხლა. ერთგან მეორეგან, ვერსად ვერ გაეტია, ღობეს გასდია, ყანის ბოლოზე ბუჩქებისკენ მოკურცხლა, იქ უკეთ ვიპოვი გასაძრომსო. მაყვალი და ღიჭი ღობეს კარგა მანძილზე ჩასდევდა, ეკლის ბარდებში უღელა გაიხლართა და აბრაგია წამით გაყურდა. მიაყურა, მეველე მომსდევს თუ არაო. მეველის ღუხის ხმა ახლოს ისმოდა. აბრაგიას გული ბაგაბუვით უცემდა, ცდის დრო აღარ იყო. მესერსა და მესერს შორის გაყო თავი და უღლის გაძვრენაც სცადა, მაგრამ ამოდ, ვერ გააძვრინა. ეკლიანმა ბარდმა სულ დაკაწრა. აბრაგიას მოეჩვენა, რომ მეველემ თოფი დაუმიზნა, რაც ძალი და ღონე ჰქონდა გაიწია და ცალი ფრთა დაეღეწა, სისხლმა შადრევანივით იფეთქა. „დავიღუპე“, — გაიფიქრა, და კიდევ ერთხელ გაიბრძოლა. რაც უფრო მეტს ფართხალეზდა, მით უფრო ეკაწრებოდა ფრთები, ჩიჩახვი, ზურგი, კისერი. ეკალბარდებსა და მესრებს შორის ისე იყო გახიდული, სუნთქვა უჭირდა, ფეხებს უსასოოდ ასხმარტალეზდა და თავს აქიციწენებდა, მესრებისა და ეკალბარდების ტყვეობაში სულს ლაფავდა.

თანდათან ფეხისხმა მიწყდა. აბრაგია სულ მარტო დარჩა ღობეში გაჩხირული, ბატებს ეგანათ. რომ აბრაგია პირველი გაიჭრა შარაგზაზე. როცა მეთაური შარაგზაზეც ვერ იპოვეს, ძალიან გაუტკვირდათ შინისაკენ წავიდოდნო, იფიქრეს და სოფლის შარას დაადგნენ. აბრაგია შინაც რომ არ დახვდათ, ბატები საგონებელში ჩავარდნენ, დომე მოძებნის და მოიყვანსო, ფიქრობდნენ, მაგრამ აბრაგია არ გამოჩნდა, უგზო-უკვლოდ დაიკარგა. არავის უფიქრია აბრაგიას სიკვდილი, ვიღაცამ თქვა, როდესაც აბრაგიას მეველე გამოუდგა, მან ფრთები გაშალა და გაფრინდაო, ისარივით აიჭრა ცის ლაფვარდში. გადაუფრინა სოფელს და ზეცაში გაუჩინარდაო. აბრაგიას გაფრენის ამბავი სოფელში სწრაფად გავრცელდა. ბატები, ინდაურები, იხვები და ქათმები თავიანთ შვილებსა და შვილიშვილებს გაოცებულნი უყვებოდნენ. თუ როგორ იმარდა აბრაგიამ, როგორ მოსწყვიტა თავისი მძიმე ტანი დედამიწას, როგორ გაექცა მეველის ტყვიას, აფრინდა მაღლა ცაში, გადაუფრინა სოფელს, მთებს და უღრან ტყეში წავიდა.

...სინამდვილეში კი აბრაგია ღობისძირას, ეკალბარდებსა და მესრებში გახიდული მოკვდა. დომე დიდხანს დაეძებდა თავის ყაჩაღანა ბატს, მაგრამ ვერსად იპოვა, რას იფიქრებდა, თუ ამ სიშორეს წავიდოდა! სიკვდილი კი, აბრაგიას სიკვდილი დომესაც არ სჭეროდა, ან იმ შარახვეტია მეველემ მომიკლა, ან ვინმემ მომპარაო, ამბობდა.



აბრაგია ორი დღე და ღამე ებრძოდა სიკვდილს, ორი დღე-ღამე ფართხალებდა, მშველელს ამაოდ უხმობდა, არავის ესტუმრებოდა, აქედან სოფელი შორს იყო, ვინმე შემთხვევით თუ გამოვიდნენ, არემ არე აქ ხომ არც ყანა იყო და არც ბოსტანი, ეკალბარდებით გადებურდულ, მიტოვებულ ხურგს ადამიანი რისთვის მიაკითხავდა?!

ორი დღე-ღამე ებრძოდა მშვიერი, სისხლისაგან დაცლილი ბატი სიკვდილს, ბოლოს ძალა სულმთლად გამოეღია, გაყუჩდა და სიკვდილი ძილივით მოეპარა.

## ტელეკომუნიკაციები

ბატონი ალექსანდრე სამსახურიდან რომ დაბრუნდა, საქმელ-სას-მელს ნამეტანი მიეძალა. მართალია, დიეტას იცავდა, მაგრამ ისეთი კარგი სადილი მოემზადებინა ტასიას, დღის რეჟიმში დაარღვია, ქალბატონ ლელას არ დაუჯერა და მაგრად გამოძღა.

დიეტის საიდუმლოება ქალბატონმა ლელამ თბილისში გაიგო. ქალბატონმა მარიამმა ჩამოუწერა რვეულის ფურცელზე და გააფრთხილა, მთელ საქართველოში ჩვენ სამმა ვიცითო. მესამე გახლდათ ბატონი ევგენის მეუღლე. ქალბატონი ლუსა. ბატონ ევგენის მსოფლიო აქვს შემოვლილი და ყოველივე კარგი და ლამაზი საზღვარგარეთიდან მოაქვს. „დიეტა“ ევგენის ლუსასთვის ამერიკიდან ჩამოუტანია. ლუსას თავისი მეგობრისთვის მარიამისთვის მიუცია რეცეპტი, მარიამმა კი ლელას გაანდო ეს საიდუმლო. ლელამ იგი სანარტიაში ჩამოიტანა.

სანარტია პატარა ქალაქია. ადრე სოფელი იყო, შემდეგ დაბად გადაკეთდა, და რაიონულ ცენტრად, ბოლოს — ქალაქად. ამ პატარა ქალაქში არის ერთი ახალი სახლი, რომლის მესამე სართული ალექსანდრეს ოჯახს უკავია. ალექსანდრეს არ აქვს დიდი ოჯახი, ერთგული მეუღლე ჰყავს ქალბატონი ლელა და მამამისის დედაშვილის შვილი, როგორც ხალხში ამბობს ხოლმე, მისი „გამზრდელი“, საცოდავი მოხუცი ქალი ტასია. ისიც გასაგებია, რად არქმევენ ტასიასთანა მოხუცი ქალებს „გამზრდელებს“. ტასიას ურჩევნია „გამზრდელი“ ერქვას, ალექსანდრეს კი უფლებაც არა აქვს, სხვა რამ დაუძახოს მისი ოჯახის უცხო წევრს. ერთი სიტყვით, შეთანხმებულად ცხოვრობენ, ტკბილად, უზრუნველად და უდრტვინველად ეწევიან წუთისოფლის ჭაპანს.

იმ საღამოს, როცა ალექსანდრემ დღის რეჟიმში დაარღვია და მაგრად გამოძღა, მშვიდი ცხოვრება დაინგრა. ეს მოხდა უეცრად, მოულოდნელად, საღამოს ათ საათზე.

გემრიელი, ნოყიერი, ნაირ-ნაირი სადილის შემდეგ ალექსანდრე დარბაზში ბილიარდის სათამაშოდ ვავიდა. ალექსანდრეს დარბაზში მთელ სანარტიოში ცნობილია, თუმცა იგი არავის უნახავს. მსუბუქად მხოლოდ ჩამოსული საპატიო სტუმრები შემოდინებოდა. დარბაზში, საერთოდ, ალექსანდრეს ბინაში არც ერთ სანარტიელს ფეხი არ შეუდგამს, მაგრამ მთელმა ქალაქმა იცის ქალბატონი ლელას ავეჯისა და ჯამ-პურქლის ამბავი.

მოსაწყენია ბილიარდის მარტო თამაში. ალექსანდრემ ცოლს თხოვა, ვითამაშოთო, მაგრამ ლელამ უარი სტკიცა, არ მცალიაო. მართლაც არ ეცალა, დაბალ ტახტზე იწვა და თბილისიდან საგანგებოდ ჩამოსული, ცნობილი კოსმეტოკოსი თინიკო ვეშაპის ტვინის ნიღაბს უკეთებდა. თინიკო აღრეც უნახავს ალექსანდრეს თავის ოჯახში, ამ ბოლო ხანს ძალიან მოშინაურდა, ლელას „დას“ ეძახის და დღე და ღამე თავს ევლებს.

ალექსანდრე მარტოკა მიადგა თავის ბილიარდს. მეტოქე წარმოიდგინა და თამაშს შეუდგა. მუცელი აწუხებდა, იქნებ თამაშმა ცოტა დაფერთხოსო. უცებ გაოფლიანდა. თამაშიც მოგებურდა და სავარძელში ჩაეშვა. ტანთ გაიძრო, წელს ზევით სულ გაშიშვლდა და ტრუსის ამარა წამოწვა შეზღონგზე. მუცელი თითქოს აყირავდა და გულზე მიაწვა, სუნთქვა შეუერა. წოლა არ ივარგებსო და წამოდგა, დარბაზში გაიარ-გამოიარა, პალმებს დაუწყო თვალღერება. ხის დიდ ქოთნებში პალმები და ლიმონები ხარობდნენ. ალექსანდრემ მცენარეებს მიუაღერსა, ქოთანში თითიც კი ჩაჰყო, მოსინჯა — ტასიამ მორწყა თუ არაო. ბოლოს ადგა და სასტუმრო ოთახში შევიდა. იქ თეთრი სავარძლები და დიდი ტელევიზორი იდგა. ისევ ტელევიზორი თუ გაართობდა! ოთახში ცხელოდა, ფანჯრები გამოაღო, ჰაერმწმენდი ჩართო და შევბით ამოისუნთქა. ტელევიზორის ეკრანი როგორც კი აინთო, ალექსანდრემ გაიფიქრა:

„კარგი რამეა ტელევიზორი, აგაშენათ ღმერთმა, კარგი გამოგონებაა; იჯექი და უყურე. კინო გინდა, თეატრი გინდა, ფეხბურთი გინდა... მოგებურდება — გამორთე, მოგენატრება — ჩართე... გინდა წამოწექი და ისე უყურე, გინდა სულ ნუ უყურებ“. ალექსანდრეს ტელევიზორის ღმერთმა ტკბილი ფიქრები მოჰგვარა. სავარძელში იწვა, შიშველ ღიბზე ხელს ითათუნებდა, თავისი მოკლე, მსუქანი ფეხები წინ დაეწყო და არხეინად უყურებდა ტელევიზორს.

ალექსანდრე შუახანის კაცი იყო. ამ ათ წელიწადში ისე გასუქდა, კანში აღარ ეტეოდა. კარგად წაუვიდა საქმე, ჰკვიანი კაცი გამოდგა.

ალექსანდრეს დიდ და ნათელ დარბაზებში სრული სიჩუმე სრულდებოდა. ლელა და თინიკო ცალკე ოთახში თავიანთი საქმიანობით გაართულებულნი იყვნენ. ტასია პატარა ელზას აძინებდა. ალექსანდრეს ქალიშვილი ჰყავდა და ისიც უძღვებოდა. ბაიასავით ყვითე ტანისა და ტასიამ იყოჩაღა და გამოზარდა, თანდათან გამოკეთდა ბავშვი.

ნელ-ნელა ფანჯრებში სიბნელე ჩამოწვა. ტასია ფეხაყრევით გამოვიდა ელზას ოთახიდან და სინათლე ყველგან აანთო. ბრიალა ქალის შუქმა ალექსანდრე ცოტათი გამოაფხიზლა. ტელევიზორს როცა უყურებდა, ხანდახან თვლემდა, ძილ-ღვიძილში, ტბილ ფიქრებში გართული შესცქეროდა ლამაზ დიქტორებს, ვაჟი დიქტორი ჭირის დღესავით სძულდა.

როცა ტასიამ ოთახში სინათლე აანთო, მაშინ იგრძნო, რომ ეძინებოდა, მუცელი საფუარნაქამივით აფუებოდა. შორიდან გეგონებოდათ, სავარძელში კაცი კი არა, დიდი თეთრი მუცელი იწვა. გამძღარმა მუცელმა და ვაჟი დიქტორის ლაყლაყმა ალექსანდრეს ძილი მოკვარა, ერთი ლაზათიანად გაიზმორა, ფეხები წინ გაჭიმა, ხელები მძლავრად აღმართა და ძვლებს ჭახა-ჭუხი აუტეხა. მერე თავი უკან გადააგდო, რაც ძალი და ღონე ჰქონდა დაამტენარა, ზედ საამისო მოძახილიც მოაყოლა — ააა — ჰაჰაო, მაგრამ აქ მოხდა ის, რაზეც მთელი სანარტია დღესაც ლაპარაკობს. ბოლო „ჰაოს“ ამოძახილი აღარ დასცალდა...

ალექსანდრემ იშვიათი მთქნარება იცოდა. ნელ-ნელა, შეუმჩნევლად იწყებდა, ნელი მთქნარება ზმორებას ჰბადებდა, ხოლო ზმორება იწვევდა ძვლების ჭახჭახსა და ტკაცანს, ძარღვებისა და ფილტვების დაბერვას, კუნთების დაჭიმვას, გაწითლებას, თვალების გადმოკარგვლას და ცრემლის ღვრას. ამ ზმორება-მთქნარებაში მონაწილეობდა ალექსანდრეს მთელი სხეული. ნელი მთქნარება გადადიოდა ნელ ზმორებაში, მთქნარება-ზმორება თანდათან აღმავალი ტემპით ვითარდებოდა, ალექსანდრეს ისეთი გრძნობა დაეუფლებოდა, თითქოს სხეულის ყოველი ნაწილი ფეხზე წამოდგა და საღდაც ზევით მიილტვისო. ალექსანდრე „ზევით ლტოლვას“ აწყებებოდა და, როცა თავისი ნონჩო ცხვირ-პირი სულ მსრლად გაუჭარხლდებოდა, ნელ-ნელა ღიღადიან ქვედა ყბას ზედას მოაშორებდა და პირს გახსნიდა, დაბერილი ფილტვებიდან ნაწყვეტ-ნაწყვეტად ამოსკდებოდა ჰაერის ჭავლი, რაც საზმორება-სამთქნარებო ბგერებსა და მელოდიასაც კი წარმოშობდა. ამ იშვიათ მთქნარება-ზმორებას თან სდევდა სხვადასხვაგვარი მოძახილი, შეძახილი, შეკვივლებაც კი: „ააა-ჰა-ჰაო! ოოო-ჰო, -ჰო-ჰოჰო! ააა-ეუჰ! უუუუ-უუუუ, დედა! ააა-აჰა-აჰაი, დედა! ვაი, ვაი-აჰა-ჰა-“





ბუნებრივია, ამ რთულ ფიზიოლოგიურ ქმედებას ალექსანდრე ზალსში ვერ შეასრულებდა, ყოველთვის იომენდა დაეგეგმებოდა ელოდებოდა. კაბინეტში, როცა „სამუშაოდ“ ჩაიკეტებოდა, იჭერებდა გულს. შინ კი სრული თავისუფლება ჰქონდა, ზოგჯერ ისეთ „ავაი, ვაი, აჰა-ოჰოს“ ასტეხდა, ქუჩაში გამვლელი ჩერდებოდა და მესამე სართულისაკენ იტკივრებოდა. რა თქმა უნდა, არც ერთი სანარტიელი არ იფიქრებდა, რომ ამ უცნაური რეჩიტატივის ავტორი ალექსანდრე იყო.

იმ საღამოს, როცა ტელევიზორმა მთქნარება მოჰგვარა და მთელი მონდომებით, მთელი გულით ასრულებდა თავის საყვარელ მთქნარება-ზმორებას, ბედად, რალაც ეშმაკად, ნამეტანი მოუვიდა თუ რა იყო, ბოლო „პაოს“ ამოძახილი აღარ დასცალდა, საფეთქელთან რალაც გაწყდა, თვალებიდან ნაკვერცხლები გადმოსცივდა და... პირლია დარჩა კაცი!.. „დავიღუპე, — გაიფიქრა ალექსანდრემ, — ყბა ამომივარდა“. ნელ-ნელა ხელი შეახო ქვედა ყბას. შეახო და ტვინში დენით დაჰკრა რალაცამ. „ვაიმე როგორ მტკივა, რა მეშველება, — ელვის უსწრაფესად ამუშავდა ალექსანდრეს გონება, როგორმე ლელას უნდა გავაგებინო ჩემი უბედურება“, — იფიქრა, დავიყვირობო, მაგრამ ვეღარ შეძლო, ენა სასას ვეღარ მიწვდა და ხრიალი, ხავილი თუ ბლავილი აღმოხდა ღია ხახიდან. შიშმა და ტკივილმა წამოახტუნა, პირდაღებული, რატომღაც ბრმასავით წინ ხელებგაშვერილი, გაემართა ლელას ოთახისაკენ. კარს ხელი ჰკრა და ოთახში გიჟივით შევარდა, მიშველეთო.

ლელა ტახტზე გულაღმა იწვა, სახეზე ვეშაპის ტვინი წაეცხო, თვალები ძლივს უჩანდა. ვეშაპის ტვინი გამაგრებულიყო, გატყიცინებულიყო, აპრიალებულიყო და ქალი კირით შეგოზილსა ჰვავდა. ერთ საათს წარბსაც კი ვერ შეარხევდა; თუ ვერ მოითმენდა, გამაგრებული ცვილი ჩამოსცივდებოდა და თინიკოს წყალში ჩაეყრებოდა შრომა. ამიტომ თინიკო გვერდით ეჯდა და ამბავს უყვებოდა. ქალები ქორაობაში გართული რომ იყვნენ, შიშველ-ტიტველი ალექსანდრე სწორედ მაშინ შემოვარდა ოთახში, თინიკოს არასოდეს ენახა ალექსანდრე საცვლის ამარა, ჯერ ვერ იცნო, უცხო ეგონა, „ვაიმეო“ შეჰკივლა და თვალებზე ხელები აიფარა. ლელა ქმარს ვერ ხედავდა, რადვან კარისკენ ზურგშექცევით იწვა. თინიკომ რომ შეჰკივლა, ლელამ რა ამბავიაო, ხელის ქნევით იკითხა. გაკვირვებული თინიკო ფხვზე წამოიჭრა და შესძახა:

— ეს თქვენა ხართ, ბატონო ალექსანდრე?!



ლელამ გაფითრებული ქმარი რომ დაინახა, ვეშაპის ტყინის წი-  
ლაბი არად ჩააგდო და წამოხტა.

— რა მოგვივინა, რა მოგვივინა, ადამიანო, არ იტყვი? — უკმა უნდა, არ შეეძლო, ერთი ამოიხრიალა, ცოლს მხარზე დაეყრდნო და ამით აგრძობინა, ვკვდებიო. ქალებმა ალექსანდრე ტახტზე დასვეს. ქმარი ლელას თითით ანიშნებდა, ყურმილი აიღე და დარეკეო.

— ვაიჰე, რა ვქნა! — შესძახა ლელამ და ყურმილს დასწვდა.  
— ორთოპედი თუ გყავთ ქალაქში? — იკითხა თინიკომ.  
— ორთოპედი? — დაიბნა ლელა. — მიხეილ ვასილიჩს დაუურეკავ და ყველაფერს მოაგვარებს.

ლელამ ნომერი აკრიფა.  
— წამოწეკით, წამოწეკით, — უთხრა თინიკომ ალექსანდრეს. ავადმყოფმა ხელები გაასავსავა.

— მიხეილ ვასილიჩ, ვიღუპებით, ალექსანდრე ცუდადაა! — ჩასძახა ლელამ ყურმილში და ყურმილი სწრაფად დადო. ალექსანდრეს გვერდით მიუჯდა და სახეში ჩააშტერდა.

— აბა, მაჩვენე, იქნებ ჩვენ თვითონ გიშველოთ. — უთხრა ქმარს ლელამ და ნიკაპზე წაეტანა. ალექსანდრე ფეხზე წამოვარდა და თვალები ისე გადმოკარკლა, ლელა დაფრთხა:

— ჰო, კარგი, კარგი, ხელს არ ვახლებ, ნუ გეშინია, დაწყნარდი... ქმარს ხელი მოჰკიდა და ტახტზე დასვა.

— წამოწეკი ალექსანდრე, წამოწეკი, ნუ გეშინია... აი, ასე... ნელ-ნელა... — ტახტზე რაც ყურთბალიშები იდო, ერთმანეთზე შემოდო და ქმარი გაჭირვებით დააწვინა.

— ტასია, ტასია, ტასია! — ატეხა უცებ კვილი. შემდეგ ისევ ალექსანდრეს მიუბრუნდა:

— ნუ გეშინია, ახლავე, ახლავე... — გაიძახოდა დაბნეული ლელა და ქმარს თვალებში შესცქეროდა, — მიხეილ ვასილიჩი ახლავე მოვა...

ალექსანდრე ხელებით რაღაცას ანიშნებდა, ლელა ვერ იგებდა და წუხდა.

— გინდა რამე? სასწრაფოს დაუურეკო? აბა, რა ვქნა? დედა, დედა, ეს რა მოგვივინა? თინიკო, მიშველე რამე?

— რა მოუვიდა, ნეტავი, დაეცა? — ჰკითხა თინიკომ ლელას.  
— ალექსანდრე, დაეცი? — რატომღაც გაჰყვიროდა ლელა.  
როცა მუნჯს ელაპარაკებოან, ქვეშეცნულად გაჰყვირიან ხოლმე,



ყოფის აკლდა, მაგრამ კიდევ რომ გავგო ნაუბარი, უსათუოდ იკითხავ-  
და „რაო, რაო, დედა, რა მინდაო?“ — ასეთი ჩვევა ჰქონდა.

— ტასია, არ გეცალია შენთვის! — დაუყვირა ლელამ ტასიას.  
თინიკო, მომეხმარე!..

ლელა ალექსანდრეს პერანგს აცმევდა, საცაა ექიმები მოვიდოდ-  
ნენ და ბატონი ალექსანდრე ამ ყოფაში სანარტიელ ექიმებს არ უნდა  
ენახათ. ალექსანდრე კენესოდა, ძალზე ხმამაღლა კენესოდა, ზოგჯერ  
შეპყვირებდა ხოლმე, მაგრამ მისი ხახიდან ახლა ამოდიოდა ძირითა-  
დად ერთი ბგერა „ა“. ხან გაგრძელებულად „ააა“, ხანაც ნაწყვეტ-  
ნაწყვეტად. როცა კენესას ნაწყვეტ-ნაწყვეტად ამოუშვებდა, მაშინ  
„ა“-ს მიუმატებდა „პ“-ს, იშვიათად „ხ“-საც და მთელ სახლში მონო-  
ტონურად გაისმოდა ალექსანდრეს „ააა! აააპ, ააახ!“

ლელამ ვერ მოასწრო თავისი ჩანაფიქრის განხორციელება — ექი-  
მებს მომზადებული ვერ შეხვდა. ალექსანდრეს პერანგი ჩააცვა თუ  
არა, ზარმა დაიწკრიალა და ტასიამ სტუმრებს კარი გაუღო.

სანარტიელი ექიმები უკლებლივ ეახლნენ ბატონ ალექსანდრეს  
და დიდი რიდითა და კრძალვით თავზე დაადგნენ.

— მობრძანდით, ბატონო, მობრძანდით! ღმერთო ჩემო, რა არე-  
ულად გხვდებით, — შესძახა ლელამ.

დაბნეული ექიმები ერთმანეთს ეფარებოდნენ, ვერც ლელას, ვერც  
ალექსანდრეს სახეში ვერ უყურებდნენ, ოთახში ადგილს ვერ პო-  
ულობდნენ. ბატონ ალექსანდრეს ამ ყოფაში ვერც ერთი  
სანარტიელი ვერ წარმოიდგენდა, ზოგ ექიმს თვალითაც კი  
არ ენახა იგი. ალექსანდრე ქალაქში შავი ვოლგით თუ  
ჩაიქროლებდა და სანარტიელები ერთმანეთს ეუბნებოდნენ...  
„შეხედე, ალექსანდრეს ვოლგაა“. ექიმებიდან მხოლოდ მიხეილ  
ვასილის ძე — სანარტიის მთავარი ქირურგი იცნობდა ალექსანდრეს.  
მიხეილ ვასილის ძის დაბნევამ დანარჩენები კიდევ უფრო დააბნია. მი-  
ხეილი ველარც კი მიესალმა ლელას და ალექსანდრეს. ნილბიანმა  
სახემ დააბნია კაცი. ლელას ამ სიჩქარესა და ჰაწიაწიაობაში სულ  
დავიწყნოდა ვეშაპის ტვინის შემხმარი ნილაბი. თეთრი, ქათქათა ნი-  
ლაბი დამსკდარიყო, ზოგან ამქვრალიყო, პირის კილოებზე დაჰქვქი-  
ლიყო, შუბლზე, ცხვირზე და ღაწვებზე ალაგ-ალაგ შერჩენოდა.

ალექსანდრემ საწყალობელი თვალი შეავლო ექიმებს და კენესას  
მოუმატა.

— რა მოვივიდათ, ბატონო ალექსანდრე, — როგორც იქნა, ხმა  
ამოიღო მიხეილ ვასილის ძემ და ავადმყოფს მიუჯდა. ყველამ შვებით  
ამოისუნთქა. ალექსანდრემ ხელების ქნევით რალაც უბასუხა:

— რა მოუვიდა? — ჰკითხა მიხეილ ვასილის ძემ ლელას.

— არ ვიცი, ბატონო, რა მოუვიდა. ჩვენ აქ, ამ ოთახში ვიყავით, უცებ შემოალო კარები და, აი...

— ერთი ფურცელი ქალაქი მოგვიტანეთ, თუ შეიძლება, — უთხრა მიხეილ ვასილის ძემ თინიკოს.

თინიკო ქალაქის მოსატანად გავიდა.

— ხომ არ დაცემულხართ?

ალექსანდრემ ხელი გააქნია, არაო.

— ხომ არ მიართყით, ან ხომ არ მოგზავდათ რამე.

ალექსანდრემ ხელი გააქნია, არაო.

მიხეილ ვასილის ძემ ეჭიმებს გადახედა. ეჭიმებმა მხრები აიჩეჩეს.

— აბა, ერთი... — მიხეილ ვასილის ძემ ალექსანდრეს ნიკაპზე შეახო ხელი.

ალექსანდრემ ეჭიმს ხელი დაუჭირა.

— ნუ გეშინიათ, არ გატყენთ!..

მიხეილ ვასილის ძემ ქვედა ყბა მოუსინჯა, ალექსანდრემ ამოიგმინა.

— მდაა!.. — თქვა ეჭიმმა, — წერა ხომ შეგიძლიათ, ბატონო ალექსანდრე? — ჰკითხა ეჭიმმა ალექსანდრეს, — დამიწერეთ რა შეგემთხვათ, რა მოგივიდათ.

ალექსანდრემ დაწერა, რაც შეემთხვა და ქალაქის ფურცელი მიხეილს გაუწოდა.

— „ჩემო მიშა, — ეწერა წერილში — ტელევიზორთან ვიჯექი და დავამტნარე. ეს იყო და ეს, რაღაც საფეთქელთან გაწყდა. ნურავის ეტყვიო ჩემს ამბავს, უხერხულია“.

ეჭიმებმა წერილში თავი ჩარგეს და წაიკითხეს.

— ალბათ ამოვარდნილი აქვს, — თქვა ერთმა.

— რატომ ამოვარდნილი, იქნებ სახსარი დაეჭიმა, — ჩაილაპარაკა გიორგი ანდრიას ძემ.

— ასეთი მწვავე ტკივილი ექნებოდა? — იკითხა სხვამ.

— იქნებ გაუწყდა სახსარი, — უჩურობდა თინიკომ გიორგი ანდრიას ძეს.

— როგორ გეკადრებათ, — გაიღიმა მან.

— დამბლის მეშინია, — ახლა ლელამ მოიხელთა გიორგი ანდრიას ძე.

— რა შუაშია დამბლა?! — გაჯავრდა ეჭიმი და ამ გაჯავრებით საბოლოოდ დაამშვიდა ლელა.

— სურათი უნდა გადავუღოთ, — თქვა მიხეილ ვასილის ძემ და ალექსანდრეს საფეთქელზე თითი დაადო.

ალექსანდრე შეხტა.

— იქნებ ამოვარდნილია, მიხეილ ვასილიჩ, — თქვა ბიჭობის ერთმა ექიმმა, — ნულარ ვაწვალებთ, ახლავე ვცადოთ.

— ვცადოთ, მაგრამ მეექვება, — თავი გადააქნია მიხეილ ვასილის ძემ. ექიმები ალექსანდრეს მიუახლოვდნენ. მიხეილ ვასილის ძემ ალექსანდრეს თავქვეშ ცალი ხელი შეუტყურა, მეორე კი ქვედა ყბას ფრთხილად შეახო.

— ნუ გეშინიათ, ბატონო ალექსანდრე, ცოტა, სულ ცოტა მოითმინეთ და მორჩებით.

ალექსანდრემ დაიღმუვლა, კიდევ დაიღმუვლა, კიდევ დაიღმუვლა და მიხეილ ვასილის ძეს შუბლზე ცივმა ოფლმა დაასხა.

ალექსანდრემ, როგორც იქნა, მოიშორა ექიმის ხელები და თვალბდახუჭული მიეგდო ბალიშზე.

— აბა, ახლა თქვენ თვითონ სცადეთ მოკუმეთ პირი...

ალექსანდრემ თვალებით ლელა მოძებნა და გაჭირვებით ანიშნა, ცხვირსახოცი მომეციო.

ლელამ ცხვირსახოცი მიაწოდა.

— სცადეთ, ნუ გეშინიათ, სცადეთ...

— ხედავთ, გასივდა, — უჩუჩუღლა თინიკომ ერთ ექიმს.

— გასივდა, — იმ ექიმმა მეორეს უჩუჩუღლა.

— უნდა წავიყვანოთ სტაციონარში, — თქვა მიხეილ ვასილის ძემ და წამოდგა, — გიორგი ანდრეიჩ, სასწრაფოს დაურეკეთ, საკაცე დაგვჭირდება.

ალექსანდრემ ხელები გაასავსავა, სასწრაფო არ მჭირდებაო.

— კარგით, აღარ გვინდა სასწრაფო, ჩვენი მანქანით წავიდეთ, მე წავიყვანთ, საშიში არაფერია. — მიხეილ ვასილის ძემ ალექსანდრეს ბავშვივით დაუყვავა. ალექსანდრეს ცრემლი მოერია.

— ჩავაცვათ და წავიდეთ, ნულარ ვაყოვნებთ. — უთხრა მიხეილ ვასილის ძემ ლელას და ოთახიდან გავიდა. ექიმები უკან მიჰყვნენ.

ლელამ და თინიკომ გაჭირვებით ჩააცვეს ალექსანდრეს ძვირფასი შარვალ-კოსტუმი, ფრანგული ჰალსტუხიც კი გაუკეთეს, ხელში ცხვირსახოცი მისცეს, პირზე რომ აეფარებინა, და ოთახიდან გამოვიდნენ. ექიმები ავადმყოფს მხრებში შეუღდგნენ და ნელ-ნელა გამოიყვანეს სასახლიდან.

ამბობენ, ალექსანდრეს ძალზე გაურთულდა ავადმყოფობა/—  
სულ დასივდა-დაიბერა, თბილისში საავადმყოფოში წევს. თანერაცია  
უნდა გაუკეთონო. თურმე მთელი თბილისი თავს ახვეწს და თურმე  
საშველია, არ მოკლავენო.

სანარტია კი განაგრძობს არხეინ ცხოვრებას; ალექსანდრეს უცნა-  
ური თავგადასავალი დიდმა და პატარამ იცის, იცის არა მარტო ის,  
რომ ალექსანდრეს მთავარი სახსარი ჩაუწყდა და თბილისში წევს სა-  
ავადმყოფოში, არამედ ისიც, თუ რა გადაცემას უყურებდა ტელევი-  
ზორში, როცა ასე გულიანად დაამთქნარა.

## ბებია ელპიტეს თვითგვლელობის აზრები

შუა ოთახში კუბო ასვენია, კუბოში ქაბუჯი წევს, იქვე დედა დგას თმაგაჩეჩილი და მოთქვამს, ზოგჯერ თავს ზევით ასწევს, ხალხს გადახედავს, უეცრად მკერდს გადაიღელავს — სულ გასისხლიანებული აქვს მკერდი, გაუშტერდება თვალები, ფერი ეცვლება, გვერდით მდგარი შავოსანი მიეშველება. დედა შავოსანს დაეყრდნობა, თავს უკან გადასწევს, გაშლილ ხელს იცემს გასისხლიანებულ მკერდზე და აიჩემებს: „ვაი, ნანა! ვაი, ნანა! ვაი, ნანა!“

კუბოსთან მდგარნი აწრიალდებიან. აზრიალდება ოთახი, აივანი, დედის ხმა ეზოშიც გაღწევს, ეზოც გაიტრუნება.

კუბოს თავთან დედა გოდებს, კუბოს ბოლოში კი ორ ქალს გაუკავებია ბებია ელპიტე. მას უკვე ტირილი არ შეუძლია, არც მოთქმა, საბრალოს ხმა სულ ჩასწყვეტია. ცდილობს იკივლოს, მაგრამ მისი ხმა არავის ესმის. მთელი კვირაა ასე გაკავებული ჰყავთ. სამი დღე იკივლა, იწივლა, ხმა ჩაუწყდა და ახლა სუსტი ხრიალი ამოსდის პირიდან, არავის ესმის მისი ხივილი. დგას ასე პირგაღებული და, როცა გამკავებელი ქალები ოდნავ ხელს დაანებებენ, მაშინვე საკუთარ დამკვანარ ლოყებს ჩააფრინდება და დაიხოკავს. ქალები ტუქსავენ ელპიტეს და ისევ მაგრად გაუკავებენ მკლავებს.

დგას ბებია ელპიტე კუთხეში და გაღებული აქვს პირი.

შემოდინან დამტირებლები, მიატირებენ დედას, დებს, დეიდებსა და მამიდებს, შემოჟვლიან კუბოს, ბებია ელპიტეს რომ დაინახვენ, სულ დაჩიავებულს, პირდაღებულ დაღეულ მოხუცს, შეჰკივლებენ: „ელპიტე, შენ ცოცხალი ხარ?!“

„მიუშვან ერთი წუთით კუბოსთან, დაჰკრავს თავს და გათავდება, არ იქნება ცოცხალი, მაგრამ ეს უღმერთობები არ უშვებენ, სულ ერ-





თია, თავს მაინც არ იცოცხლებს ბებია ელპიტე, ზურიკოს შემდეგ რად უნდა სიცოცხლე. ოდესმე ხომ გაუშვებენ ხელს...“

ჭიშკართან კივილი ატყდა, ელპიტეს ნათესავები ჩამოვიდნენ ერთ-ერთე ქალი და კაცი დაწყობილი შემოდის ეზოში, წინ თმავაშლილი ქალი მოუძღვით. ქალს კივილით ცის ნატეხი ჩამოაქვს, მამაკაცებმა ქუდები მოიხადეს. კიბესთან ქალმა კივილს უმატა, აივანზე კი ოთხმა კაცმა ვერ დაამაგრა. ხრიალებს ბებია ელპიტე, დამკვნარ ყელზე ძარღვები დასკდომამდე ებერება, ზევით-ზევით აპყვება თავის ხმას, ფეხის წვერებზე აიწევა, მერე ერთბაშად ძირს ჩამოეშვება, ქალებს ხელებზე ჩამოეკიდება, ისევ აპყვება ხრიალს და ხელებგაშლილი ეგებება ნათესავებს. ბებია ელპიტეს არავინ აქცევს ყურადღებას. „ვის სატირლად უნდა მოვსულიყავით და ვის ვტირითო“, — ჩასძახებენ კუბოს.

ხალხის დენა არ ნელდება, ჭიშკართან უამრავი მანქანა დგას, ეზო, აივანი და მთელი ოდა ხალხს ვეღარ იტევს. თავკაცი თავქუდმოგლეჯით დარბის და ხალხს ეხვეწება როგორმე გაიწე-გამოიწიონ, სტუმრებს გზა მისცენ, ტირილითა და გოდებით შემოდიან ქალები, გადაეხვევიან დედას, ბებია ელპიტეს, კუბოსთან მდგარ ყველა ჭირისუფალს, ეუბნებიან: „ეს რა მოგივიდათ, ეს რას შეესწარით, გამოიკეტა ოჯახი! ბებია ელპიტეს კი მოშხამავენ, მოწამლავენ: ზურიკოს უნდა დაემარხე და როგორ ხარ ცოცხალიო. ელპიტეს ძალა არ ყოფნის თორემ იკივლებდა, იყვირებდა, მთელ ქვეყანას გააგებინებდა, რომ სიცოცხლე არ უნდა. ყველა ერთად ჰგოდებს, ყველა ერთად მოთქვამს და მისი ხმა იკარგება, როგორც ზღვაში წვეთი. რა ვუყოთ რომ ხმა დაეკარგა, ხომ ცდილობს იკივლოს, ხომ იჭაჭება, ხომ ებერება კისრის ძარღვები, ხომ არ დამჯდარა, ეს ერთი კვირა პირში ლუკმა ხომ არ გადასცდენია, ხომ არ მოუხუჭავს თვალი და მაინც, რომ ცოცხალია?!“

მზე ჩავიდა. კუბო გამოასვენეს. სამგლოვიარო პროცესია სასაფლაოსაკენ გზას გაუდგა. ჭირისუფლები სამარეში ჩაყოლას აპირებდნენ, მაგრამ გაჭირდა ჩაყოლა. როცა შინ დაბრუნდნენ, გაშლილ სუფრას მოუსხდნენ. რა ექნათ, სტუმრებს პატივისცემა სჭირდებოდა. მხოლოდ ბებია ელპიტე არ დაჯდა სუფრასთან. ავადმყოფობა მოიმიზეზა, გულში კი გადაწყვიტა: როგორც კი მარტო დარჩებოდა, თავი მოეკლა. მოასვენეს ბებია ელპიტე თავის ოთახში, თბილად ჩააწვი-

ნეს, არ დავიძინებო ფიქრობდა, მაგრამ დაღლილ--დაქანცულს რად მოეპარა ძილი...

გარეთ ღამეა. მოფარდაჯულში სუფრაა გაშლილი, ბულ სუფრის თავზე თამადა სადღეგრძელოებს ამბობს: ღმერთმა სიმწარე გაკმაროთ, ერთმანეთს ქორწილსა და ღბინში შევხვედროდეთო.

ბებია ელპიტეს კი ესიზმრება: ერთ ბნელ ოთახში წევს, სრულიად მარტოა, რა კარგია, რომ მარტოა. წამოდგა, თავი უნდა მოიკლას, მაგიდაზე დანა დევს, გაღესილი, ცივი დანა, აიღებს დანას, ჩაიციმს გულში და გათავდა, მოისვენებს, მერე ალბათ მეზობლები მოვლენ და ეტყვიან, ადრე უნდა მომკვდარიყავიო. დგას ელპიტე და დანას დაშტერებია... აჰა, დაწვდა კიდეც... მაგრამ... ელპიტე თვალს არ უჯერებს დანა პურის ნატეხად იქცა. საოცარია!.. სად დანა და სად პური! ოთახში პურის სუნი სცემს. სიბერემდე სიჭაჩლეს მოელოდეთო; ვითომ შავებში ჩაცმული ელპიტე კატაა და პურის ნატეხი თავკვი, უფრო გასაკვირი ის არის, რომ დედაბერი სხვა ელპიტეა. ელპიტე სიზმარში ფიქრობს: ნუთუ ეს მე ვარ, თუ კატაა? თუ სხვა ელპიტეა?.. დედაბერი პურის ნატეხს დაწვდა და პური გვერდით არ გაცოცდა!.. ბებია ელპიტე ხელს უპოტინებს, მაგრამ პურის ნატეხი თავკვივით გაუჩრბის, ელპიტე მაგიდაზე გადაწვება, ცალ ხელს დაიგრძელებს, საცა მიწვდება პურის ნატეხს, ჯადოსნური პური კი მიცოცავს, ხელიდან თევზივით უსხლტება. მოხუცი მაგიდას მეორე მხრიდან შემოაუვლის. ახლა აქედან ცდის ბედს, მაგრამ ამაოდ, რა ფართოა ეს მაგიდა, სკამს მოიტანს, ერთი ვაი-ვაგლახით აძვრება სკამზე, მაინც ველარ წვდება, მაინც შორსაა პური. შემდეგ ცალ მუხლს დაადებს მაგიდას, მეორეხაც და დაოთხილი გამოეკიდება პურის ნატეხს. ღმერთო, ნუთუ შენ მოიგონე ეს საოცარი თამაში! მიბობლავს ბებია ელპიტე მაგიდაზე. და... ოთახში შემოდის ვილაცა, მეორე, მესამე, ვილაცა კი არა, ელპიტეს შვილები, შვილიშვილები, მეზობლები, დაინახეს მოხუცი პურის ნატეხისთვის ბავშვივით მაგიდაზე რომ ამძვრალა, მოეჭრა თავი. ელპიტე მაგიდაზე დაემხო, სირცხვილისაგან თავი ვერ აუწვია, წევს ასე გაუნძრევლად და ჩატყდა მაგიდა...

ელპიტემ თვალეები გაახილა, სიწყნარეა. აგერ მის გვერდით ვილაცა წევს, ეს მისი შვილია, იქით, მეორე ოთახში რომ ხვრინავენ, ალბათ სტუმრებია. დალაგებულან. ეს რამდენი ქურჭლები და ქვაბები შემოუტანიათ ელპიტეს ოთახში, არაფერი, რომ არ გაუგია? რა ფხინელი ძილი იცოდა და რა მოუვიდა, მკვდარივით ჩასძინებია. ხელ-

ფეხი დამძიმებული აქვს, თავი ტკივა, ეს რა სიზმარი ჰქონდა, ეს რა  
აზრები უტრიალებს თავში, რა მძიმეა აქ ჰაერი, როგორ უჭირს სუნ-  
თქვა... დაწყევლოს ღმერთმა! გაუსკდება ალბათ თავი მანქანაში  
არ გაღვიძებოდა, რა ძნელია ახლა თვალღია იწვე. ბუნება ქლასტის  
თვალეები ცრემლით ევსება, გადაბრუნდება, ჩაემხოზა ბალიშებში და  
გულდამწვარი, გულდათუთქული იცრემლება, სველდება ბალიში.  
ოთახებში ისმის ადამიანების ზვრინვა, მიიზლაზნება ღამე. ბებია ელ-  
პიტე ცხარედ ტირის. მისი საყვარელი შვილიშვილი ამქვეყნად აღარ  
არის...

ღვთაობა  
და  
წამება  
აბოხობა  
და  
მოახერხება





ნიკოლოზი  
გრიგოლ ხანძთელი

„და აუ შვეიდრ ხარ ნათელსა“  
გრიგოლ ხანძთელი

### წიგნათქმისა

„მ იანვარს ხარფუხის წმ. ნიკოლოზის ეკლესიაში მწირველად ბრძანდებოდა ალავერდის ეპისკოპოსი, ყოვლად უსამღვდელოესი კირიონი...“

წირვაზედ სასიამოვნოდ გალობდა ბ-ნ ალ. კაცსაძის მიერ ახლად შედგენილი გუნდი ქართველ მგალობელთა.

წირვის დამთავრების შემდეგ სამღვდელოება ყოვლად უსამღვდელოეს კირიონის მეთაურობით ლიტანიით გამოემგზავრთა ეკლესიიდან ვარანცოვის ქუჩით წმ. აბოს სამარტვილისაკენ. ლიტანიაში მრავალი ხალხი იღებდა მონაწილეობას.

წმ. აბოს სამარტვილესთან გადახდილ იქნა პარაკლისი ამ წმიდისა მიმართ. პარაკლისს დაესწრნენ სომხები და თათრებიც, რუსებსა და ქართველებს გარდა.

საპარაკლისო სახარების წაკითხვის შემდეგ დღის შესაფერი სიტყვა წარმოსთქვა ქართულს ენაზედ ტფილისის სემინარიის მასწავლებელმა ი. ფერაქემ...“

მალე წმიდა აბოს სამარტვილესთან დაარსებულ იქნება საეკლე-

სიო სამრევლო სკოლა ამ წმიდის სახელზედ ქართლ-კახეთის საეპარქიო სასწავლებელთა საბჭოს ხარჯით.

ასეთი დღესასწაული და ასეთი სკოლის დაარსება დღემდე უწყვეტად წმ. აბოს ხსოვნას. ის, როგორც ვიცით, იწოდება ტფილელად და ითვლება ამ ქალაქის მფარველ ანგელოზად<sup>1</sup>.

დღეს აღარსად არის აბოს სამარტვილე, არც წმ. ნიკოლოზის ეკლესიაში წირავს ალავერდელი ეპისკოპოსი, არც არავინ წავა ლიტანიით მეტეხისაკენ აბოს მიმართ პარაკლისის გადასახდელად.

სხვა ქაში დადგა. სხვას ვცემთ თაყვანს, სხვაგან მივდივართ ლიტანიით, სხვა სამარტვილესთან ვიკრიბებით.

მაგრამ ჯერ ერთი საუკუნეც არ გასულა, რაც ასე ვირჯებით, თორმეტი საუკუნე კი ქართველი ერი პატივს მიაგებდა არაბ ყმაწვილს ისე, როგორც ეს დიდი ილიას გაზეთშია აღწერილი: ეკლესიაში მისთვის ლოცულობდნენ, მასზე საგალობლებსა და დასდებლებს წერდნენ, წმინდანად რაცხდნენ. დედაქალაქის მფარველ ანგელოზად მიიჩნევდნენ. სამკაულსა და სიქადულს ეკლესიისას ეძახდნენ. ხოლო იოანე საბანიძემ „პირველმა ქართველმა, ვინც მკვეთრად გამოთქმული ეროვნული ლოზუნგით გამოვიდა მწერლობაში“. (კ. კეკელიძე) საბოლოოდ უკვდავყო აბო-მენელსაცხებლე, უწოდა მას „ვარსკულავი მოტყინარე“ თბილისის ცაზე და შექმნა ძვირფასი ქართული წიგნი „წამები წმიდისა და ნეტარისა მოწამისა ქრისტეისისა ჰაბოისი“.

რისთვის მიაგებდნენ ასეთ პატივს მონადშობილს.

რისთვის იყრიდნენ მუხლს მის სამარტვილეში, ქართველთა გარდა რუსები, სომხები, თათრები...

საქართველოს სულიერი მამები, სამოელ ქართლის კათალიკოსი და იოანე საბანიძე რისთვის ამოუდგნენ მხარში ქართლის ერისმთავრის უბრალო მსახურს.

რა მოხდა 786 წ. ნათლისღების დღეს ტფილის-ქალაქში?..

## ს ტ ე შ ა ნ ო ზ ი

ქართლის ერისმთავარს, სტეფანოზს, ამიღმა დაუჯერებელი ამბავი აუწყა: ბიძათქვენის მსახურმა, მენელსაცხებლე არაბმა, მამული, სჯული უარპყო და ქრისტე ღმერთს შეუდგაო.

<sup>1</sup> „ივერია“ № 8, 12 იანვარი, 1900 წ., რედაქტორ-გამომცემელი ილ. ჭავჭავაძე.

ამიდი თვალებს აპარბალებდა და ქვევით-ქვევით იყურებოდა. სტეფანოზი გაოგნებული შესცქეროდა ამირას მდივანმწიგნობარს და ყურებს არ უჭერებდა, ბავშვით გაწითლდა, გაყვითლდა, ჩემქმეულნი ოფლმა დაუცვარა შუბლი. რაც მთავარია, ამიდი ბიძამისი „ნერსეს“ არაბულ წინადადებებში უპატიოდ ატრიალებდა წინ და უკან, ბოლოს სამხილიც დაუდო წინ, თან კეთილის მსურველივით უჩურჩულა: დავალებული გვაქვს ამის თაობაზე ხალიფას წერილი მივართვათო.

სტეფანოზმა ამ დილით ამირას სასახლეში ფეხი შემოდგა თუ არა, მოეჩვენა რომ მოხელენი, მსახურნი, მეკარენიც კი სხვაგვარად მიესალმნენ. ამიდთან შეხვედრაც არ მოეწონა, გამოცვლილი ეჩვენა, ცივად, ზომამზე მეტად საქმიანად შეეგება მდივანმწიგნობარი, საზარელმა ამბავმა ხომ სულ მთლად აღმღვრია გონება, ესეც არ აკმარეს, ბიძამისის ნერსეს სამხილიც წინ დაუდეს, თან კეთილის მსურველივით უჩურჩულეს: დავალებული გვაქვს ამის თაობაზე ხალიფას წერილი მივართვათო. ეს უკვე მეტისმეტი იყო. ხალიფასაო?! — შესძახა თავზარდაცემულმა, დაავლო სამხილს ხელი. გულდაგულ, სულმოუთქმელად ჩაიკითხა ჭილზე ნაწერი — ერისთავების მსახური მენელსაცხებლე მუსლიმი გაქრისტიანებულიყო და ამას ნერსე ერისთავს აბრალებდნენ.

ბრალდების შურტათმთავარი, დივან აშ-შურტას გამგებელი აწერდა ხელს. „დაილუბა“, — ზარივით დარეკა გონებაში, შიშმა შეიპყრო, ქურდივით მიიხედ-მოიხედა ირგვლივ უნებურად და შერცხვა თავისი თავის...

მენელსაცხებლე ამო შურტებს ენახათ სიონში ლოცვის ქამს. „შურტებს სიონში, — კვლავ დარეკა შიშის ზარმა, — მაშ, ლოცვის დროსაც შურტები გვითვალთვალებენ, აღსარებას ღმერთსაც ვერ ეტყვი...“

სამხილს ატრიალებდა ხელში გონებაამღვრელი და რა ეთქვა, რა ელონა არ იცოდა, უაზროდ ჩახედა რამდენიმეჯერ, გადაატრიალა, გადმოატრიალა, „აბო“, — ჩაიბუტბუტა თავისთვის, შემდეგ კვლავ ჩააშტერდა ნაწერს, არაბული ჰე და ბანი ამიდსაც უჩვენა თითით, — თვალი ხომ არ მატყუებსო. ჰაბო წერიაო. დაუდასტურა ამიდმაც. დაჯერება არ უნდოდა, იღუპებოდა მარტო ამო კი არა, ბიძამისი ნერსეც, რაც მთავარია, წყალი მასაც შეუდგებოდა და მთელ მის საგვარეულოსაც. ხელში თითქოს ნაწერი კი არა, ნაკვერცხალი ეყარა და უდაგავდა. მაჰმადიანი, ტომით არაბი ჰაბო უარს ამბობდა თავისი





ხალხის უძლეველ ღმერთზე და დაპყრობილ-დამონებული ქართლელების ღმერთს მიელტვოდა, განა ეს საოცრებას არ ჰგავდა?

სახალიფო გადაქმნილი იყო თითქმის მთელს დედამიწაზე მსგავსი რამ არავის გაეგონა და რაღა მაინცდამაინც მის პატარა სამთავროში უნდა დატრიალებულიყო სასწაული?..

„ეს არ არის მართალი, ცილისწამებააო!“ — შესძახა სტეფანოზმა და წამოდგა.

ამიდიც წამოდგა და ერისმთავარს ხელმოწერა მოთხოვა.

— წესს ნუ დავარღვევთ, გთხოვთ! — უთხრა ამიღმა თვალების პარპალით და სამხილი ხელში შეაჩეჩა. — აღნიშნეთ, რომ გაეცანით... სტფ...

— ხელი მოვაწერო? — გაიკვირვა სტეფანოზმა.

— დიახ, სტფ... — გაუღიმა ამიღმა.

„სტფ“ მისი სახელის არაბული დაწერილობა იყო, ასე აწერდა ხელს სტეფანოზი, ამიდის ასეთი გაშინაურებაც შიშის მომგვრელი ეჩვენა, მაგრამ არ შეიმჩნია, ვითომც აქ არაფერიყო, ხელი მოაწერა და ერთხელაც შეხედა მოხელეს გამომცდელად.

ამიდი ქართლის ერისმთავარს ამგვარ კადნიერ საქციელს ვერ გაუბედავდა. სტეფანოზი თვით ხალიფა მაჰდის გამოგზავნილი გახლდათ ქართლში. საამიროს უბრალო მოხელე თავისთავს ამდენის უფლებას ვერ მისცემდა, თუ ამირასაგან არ ექნებოდა ნებართვა.

— ეს ყველაფერი იცის ამირამ? — იკითხა შეშინებულმა.

— დიახ, იცის, — მიუგო ამიღმა.

— თვითონ უნდა ვნახო. — თქვა სტეფანოზმა.

— არ სცალია. — უთხრა ცივად მოხელემ.

— არ სცალია? — გაოცდა სტეფანოზი, „არ სცალია კიდევ?“ — ჩაიდუღუნა თავისთვის, გატრიალდა და დაბნეული, არეულ-დარეული გამოვარდა სასახლიდან.

სასახლიდან რომ გამოვიდა, საეჭვოდ ადევნებული პირიც გამოჰყვა. სტეფანოზს შემასმენელი და ჯამუში ვერც გააკვირვებდა და ვერც შეაკრთობდა. მთელ საამიროში თანამდებობის ყოველ პირს თითო შურტა ჰყავდა მიჩენილი. თავის შურტას პირადადაც კი იცნობდა. მას აოცებდა ასეთი უეცარი ცვლილება ამირას სასახლისა და კარისკაცებისა, თითქოს ყველამ ყველაფერი იცოდა, თითქოს დანაშაული ჩაედინა ერისთავთ-ერისთავს ხალიფას წინაშე, ვილაც აბოს გაქრისტიანება ასე უცებ, ასე ერთბაშად ვერ შეძრავდა სასახლეს. ნერსესი

ეშინათ, ძველი შიში ჯერაც ვერ განელებიათო, გაიფიქრა სტეფანოზმა.



სასახლიდან გამოსულს უცხო პირი რომ აედევნა, აღუჩინებულა ტას შურტააო დაასკვნა, სწრაფად ჩაჭდა ეტლში, რამდენსაც უნდა დასწრებოდა სანი მხლებელი გაიყოლა და ბიძამისის სასახლისაკენ გასწია.

„ამირას არ სცალიაო“, — ბუზღუნებდა გუნებაში, რა იმალებოდა ამ სიტყვებს უკან? შესულიყო ამირასთან და პასუხი მოეთხოვა ქართლის ერისმთავრის აბუჩად აგდებისათვის? წრიალებდა, ბობოქრობდა, მრისხანებდა ერისთავთ-ერისთავი, მაგრამ არ ამქლავებდა, თავ-შეკავებას არჩევდა, ჯერ უნდა გაეგო რა შეემთხვა ბიძამისს, მართლა უარპყო სჯული მისმა მსახურმა, თუ ენაოწამლულმა პირფერებმა ცილი დასწამეს. ეგებ მოუსვენარი ბიძა ახალ ხაფანგს უგებდა მტრებს, შეთქმულებას ამზადებდა და აბოს გაქრისტიანებით წყალს ამღვრევდა. ნერსეს პოლიტიკური ხრიკები შიშის ზარს სცემდა ამირას სასახლეს, ბაღდადიც კი ძრწოლით ელოდა ნერსეს ქვეყნიდან მოსულ ახალ ამბებს.

მართალია, ხალიფა მანსურთან შეჯახების შემდეგ ნერსეს პოლიტიკური ძალაუფლება ქართლში არ ჰქონია, მტკვრის პირას, თავის სასახლეში იჯდა და ქალაქშიც კი იშვიათად გამოდიოდა, მაგრამ მთელი საამიროს და სახალიფოს ყურადღება რატომღაც ამ პატარა სასახლისაკენ იყო მიპყრობილი. იქ ნერსე ერისთავი იჯდა და რა ჰქონდა გუნებაში, კაცი ვერ გაიგებდა. სულ იბრძოდა, ზედამდგომელთა აზრით, სულ შეთქმულებას აწყობდა. სტეფანოზს რაც თავი ახსოვს, მისი დედაწული მუდამ შიშის ქვეშ ცხოვრობდა, დიდი ბიძის შეპყრობას და დილეგში ჩაგდებას, თვალის დათხრას, ბაღდადში გაწვევას, იქ თავის მოკვეთას ბაღდადიდანვე მოელოდა. ბოლოს და ბოლოს ეს დღეც დადგა: ნერსემ სამი წელიწადი დაპყო ბაღდადის დილეგებში, ჯოჯოხეთურ წამებას გაუძლო, არც სჯული უარყო, არც შეთქმულების მონაწილენი გასცა და გადარჩა კიდევ ალაღბედზე. ამბობენ, ხალიფა მანსური ნერსესთან ჭიდილს გადაჰყვა. გული გაუსკდა და მოკვდაო. ახალმა ხალიფამ, მაჰდიმ, საჭიროდ არ სცნო ნერსე ერისთავის სიკვდილით დასჯა. ჭკუა იხმარა და ქართლისიანთა გული მოინადარა.

ნერსე ერისთავი სამშობლოში გამოუშვა. ამით ქართველებს უთხრა, ახალი ხალიფა მოწყალე და დიდბუნებოვანი გყავთო. ნერსეს სიცოცხლე შეუნარჩუნა, მაგრამ ამირას გადასცა მთელი ძალაუფლება, თითქმის საბოლოოდ გააუქმა ქართლის სამთავრო. ერისთავები მაინც

კმაყოფილი დარჩნენ, რაკი წიოკობას, ცეცხლსა და მახვილს გადმოი-  
ჩა ქართლი, ნერსეც ცოცხალი დაუბრუნდათ, ძალაუფლებას აღაოაინ  
დაეძებდა. ხალიფა მაჰდის მშვიდობიანი მოსპობის პოლიტიკის შედეგად  
ნერსე აღუდგა წინ, საქრისტიანოში ფეხი რომ დაადგამს, აქედან  
თქმულებებისათვის მზადებას შეუდგა. ამჟერად ნერსე ჯუანშერ ერის-  
თავმა დაასმინა. ჯუანშერი ნერსეს მამას ადარნასე კუროპალატს  
მტრობდა, სარკინოზებთან ბრძოლაში ნერსეს წარმატებაც არ მოსწონ-  
და და ამირას ჩააგონა, კუროპალატებს — ადარნასესა და მის შვილს  
თვალი იონთა ქვეყნისკენ უჭირავთო, ბერძნები კუროპალატობას  
ტყუილ-უბრალოდ არავის აძლევენო. ამირამ ნერსეს შურტები მიუსია  
და შეპყრობა მოუნდომა. ნერსე ხაზარეთს გაიქცა და ახლა იქიდან  
ხაზართა ჯარით დაემუქრა არაბებს. ხალიფამ ნერსესთან საბრძოლვე-  
ლად კვლავ მშვიდობიანი გზა აირჩია და ერისმთავრობა ნერსეს დის-  
წულს, ახალგაზრდა სტეფანოზს უბოძა.

სტეფანოზმა მუცელზე ხოხვით, ლიქნითა და ასპირობით, წელში  
წყდომითა და ნემსის ყუნწში ძრომით შეარიგა დიდგულა ბიძა და ზე-  
დამდგომელნი, ქართლში ბოლოსა და ბოლოს მშვიდობა და წესრიგი  
დაამყარა: ხარაჯისა და ჯიზიას გადახდა დროზე შეძლო, შეთქმული  
ქართველობა ვინ ძალით ვინ ნებით დაამოშმინა, ხალიფას ერთგული  
მსახურის სახელი დაიგდო მთელ სამაჰმადიანოში და ამ დროს აბოს  
გაქრისტიანება ზურგში ლახვარის ჩაცემას უდრიდა. ნუთუ მართლა  
ღვიძლი ბიძა არ ინდობდა დისწულს და კვლავ უგზურ შფოთს ტეხ-  
და? ნუთუ კვლავ შურტების ხელში უნდა ჩავარდნილიყო ერისთავთა  
დიდი სახლეული?.. მართალია, სტეფანოზს ერისმთავრობა სწორედ ნერ-  
სეს ურჩობის შედეგად უწყალობეს, მაგრამ კოკა ყოველთვის წყალს  
ვერ მოიტანდა. ხალიფა მაჰდი არ აპატიებდა ერისთავებს გაუთავე-  
ბელ ორგულობას, ცოდვა-ბრალს დაატრიალებდა ქართლის მიწაზე.  
დედაბუდიანად გადაწვავდა, გადაბუგავდა მთელ საქართველოს. სტე-  
ფანოზმა იცოდა, ბიძამისს გულში ავი ზრახვა რომ ედო, მაგრამ რაკი  
ახალმა ხალიფამ მათ საგვარეულოს ერისთავთ-ერისთავობის ხელი არ  
წაართვა, რაკი ძველი ცოდვები ყველას აპატია, მორჩილება მართებ-  
დათ.

საგონებელში ჩავარდნილ სტეფანოზს ეტლი მტკვარს გაღმა მიაქ-  
როლებდა. ნერსეს სასახლე მტკვარს გაღმა ედგა. როცა ცხენებმა ეტ-  
ლი ხიდზე შეაგდეს და ახლადდაჭედილი ნალებით ხიდს ბრაგუნ-ბრა-  
გუნი აუტეხეს, სტეფანოზი მაშინლა გამოერკვა, მაშინლა გახედა ქა-  
ლაქს, ხიდის მოაჯირს თვალი გააყოლა და ხიდის თავში მდგარი ძელი

ჯვარისა ვერ იბოვა, გაუკვირდა, მეეტლეს ცხენების სროლა შეაჩვენებინა და ჯვარს თვალით დაუწყო ძებნა.

ხიდის თავში კაცის სიმაღლე ხის ჯვარი იდგა. უცხო, უცხო, თბილის-ქალაქის ჭიშკარში რომ შემოვიდოდა, ჯვარი ამცნობდა ქრისტიანთა ქალაქში ჩამოსვლას. ეს ჯვარი აღარსად იყო.

სტეფანოზმა ეტლის შეჩერება ბრძანა. მეეტლემ სადავეები მოზიდა და კისერმოგრეხილი ცხენები ხიდის ყურთან შეაყენა. მსლებლებმაც მოაგდეს ოთხხმით მომავალი ცხენები, თვალისდახამხამებაში ჩამოქვეითდნენ და ბრძანებას დაელოდნენ. სტეფანოზი ეტლში იჯდა და მიწაზე გართხმულ ჯვარს შემოფოთებით გასცქეროდა. ძელი მოეთხარათ, იქვე დაეგდოთ და ზედ ლაფი დაესხათ. წმიდა ჯვრის ასეთი შებილწვა ავის მომასწავებელი იყო. ჯვარსა და საყდარს სარკინოები თითქოს არ ერჩოდნენ, ჰაბიბ იბნ მასლამას „დაცვის სიგელით“ არაბები ქართველთა სალოცავენს არ ხელყოფდნენ. ვინც ხარაჯსა და ჯიზიას შორჩილად გადაიხდიდა, მას ნება ჰქონდა თავისი ღმერთი ჰყოლოდა და თავის სალოცავეში ელოცა, ასეთი იყო შეპირება, მაგრამ ეს შეპირება არ სრულდებოდა. ერთი საუკუნის წინ დაედგათ აქ ძელიცხოველი ქართველ ქრისტიანებს. „არც ჰაბიბ იბნ მასლამას, არც ჯარაჰს, არც სხვა რომელიმე „მახვილს ალაპისას“ თბილისის დაპყრობის ეამს ჯვარისთვის ხელი არ უხლიათ. — ფიქრობდა სტეფანოზი, — ახლა, როცა მშვიდობიანად ვცხოვრობთ, როცა მტრებისაგან ხალიფა გვიცავს, არამზადები წყალს ამღვრევენ“...

სტეფანოზმა მეეტლეს და მსლებლებს ანიშნა, წავიდეთო.

ეტლი ნელა გადავიდა ხიდზე. მტკვრის სანაპიროს ჩაუყვა ნერსეს სასახლისაკენ.

სტეფანოზი ახლა ჯვარზე ფიქრობდა, ჯვრის გადაჯეგვას, აბოს გაქრისტიანებას, ამირას სასახლეში ცივად მიღებას ვილაცას და რაღაცას აბრალეზდა დაქვევებული, საერთოს ეძებდა მოვლენათა შორის. გული წყდებოდა, ჯვარს რომ ჩუმად ჩაუარა, აღდგენა არ უბრძანა მსლებლებს. უკან შურტები მოსდევდნენ. ყოველ ჩემს ნაბიჯს აკვირდებიანო, ფიქრობდა და გაჩუმება ამჯობინა, თორემ როგორც ერისმთავარს, როგორც ქვეყნის პატრონს, ევალეზოდა თუ თვითონ არ დაყენებდა ფეხზე ჯვარს, კათალიკოსისათვის მაინც ეცნობებინა ეს ამბავი.

ნერსეს სასახლე მტკვარს გადაჰყურებდა. უფრო ციხე-სიმაგრეს ჰგავდა, ვიდრე სასახლეს. ქართველ ერისმთავრებს საუფლისწულო

მამულებიც და სასახლეს მტკვარს გაღმა ჰქონდათ. სამეფო სასახლე  
კი მტკვარს გამოღმა.

დიდმა ვახტანგმა და მისმა შვილმა დაჩი უჯარმელმა მთელი ტფილის-ქალაქში ფარნავაზიან-ბაგრატიონთა საბრძანებელი. მტკვარის გაღმა-გამოღმა აიგეს სასახლეები. შემოზღუდეს ქალაქი. სატახტოს ტფილისში დაუდეს ფუძე.

როცა ხალიფამ ქართლის ერისმთავრად სტეფანოზი გამოგზავნა, ხაზარეთიდან დაბრუნებულმა ნერსემ სამეფო სასახლეში დაბრუნება არ ისურვა, აქ გადმოხარგდა საუფლისწულო მამულში, მარტოცა ყოფნა არჩია.

ტფილისში სამი სასახლე იდგა გალავანშემოზღუდული.

კალას უბანში, მთის ფერდობზე წამოჭიმული ამირას სასახლე, სიონის უბანში ერისმთავართა საგვარეულო დარბაზები და მტკვარის პირას ნერსე ერისთავის საყოფელი. ამ სამ სახლში წყდებოდა ქვეყნისა და ხალხის ბედი. სიკეთეცა და სიავეც ამ სახლებიდან გამოდიოდა.

ნერსეს უბანში ერისმთავართა ლერბიანი ეტლი გამოჩნდა. კარისკაცებმა ბჰისკარი ფართოდ გახსნეს და ქართლის ერისთავთ-ერისთავს მოწიწებით შეეგებნენ. აქ მხოლოდ სტეფანოზს ხვდებოდნენ ასეთი პატივით. ნერსეს თქმით, სტეფანოზი დედით იყო ქართველ მეფეთა შთამომავალი, მაგრამ რაკი ხალიფამ მას ერისმთავრობა უბოძა, რაკი სახელგანთქმულ ქართველ ფარნავაზიანთა სისხლი მის ძარღვებშიც ჩქეფდა, ხალხი მას როგორც ნამდვილ მეფეს, იმედითა და კრძალვით შესცქეროდა. რაც მთავარია, ნერსეც დისწულს აკისრებდა დაქცეული საქართველოს ძველი დიდების აღდგენას.

ნერსემ ერისმთავარი დარბაზში შეიპატიჟა სათათბიროდ.

ძველი დრო რომ ყოფილიყო, ქართლის ერისთავი — ნერსე, ყოველი საქართველოს მეფეს — სტეფანოზს სწორედ დარბაზში სეფეწულთა თანდასწრებით გაუმართავდა ბუობას. ნერსეს კარგა ხანია დავიწყნოდა ბიძა-დისწულობა, სტეფანოზთან ყოველი შეხვედრა პაექრობად ქცეოდა, საპაექრო საგანი კი მუდამეამ საქართველოს ბედი იყო.

საქართველოს ბედზე საუბარსა და კამათს უნდა დასწრებოდნენ სეფეწულნი, ასე იყო ოდითგანვე და ასე უნდა გაგრძელებულიყო, მაგრამ სადღა იყვნენ სეფეწულები! სადღა იყო საქართველოს მეფის კარი, თვით საქართველოც სადღა იყო!..

და მაინც არ ტყდებოდა ჯიში, არ იხრიდა ქედს ზედამდგომელ-

თა წინაშე და ფარნავაზიანთა კუდი და რიკი კუდს იმათებურად იჭრება ვდა. ამიტომ მიიწვია ნერსემ სტეფანოზი დარბაზში საათბიროდ, რომ თომ ბიძა-დისწული კი არა, ერთმანეთს უნდა შეხვედროდა, ლეთისა და დასავლეთის ორი დიდი მეუფე და ქვეყნიეფე გადაეწყვიტა. მოულოდნელი რამ მოხდა: სტეფანოზმა ბიძამისს ჩურჩული დაუწყო.

ნერსეს თავზარი დაეცა. თავისი ბრწყინვალე დისწულის სტუმრობით გამოწვეული სიხარული ერთ წამში გაუქრა, თანდათან ელდა და ზარი მრისხანებამ შეუცვალა, არ გაუგონია რა უთხრა დისწულმა, გაცეცხლებული თვალები მოარიდა და თავისთვის ჩაიდუღუნა უკმაყოფილოდ.

— ნუთუ ქვეყანა ისე დაიქცა, წელში მოხრილ, დერეფანში მოჩურჩულე ერისთავთ-ერისთავს ვხედავ ჩემს სახლში!

გატრიალდა და წავიდა. სტეფანოზი უკან გამოუდგა. ბიძა შეაჩერა და თითქოს განგებ, კვლავ უჩურჩულა:

— დაიქცა სწორედ, უფალო!

ნერსემ დისწულს მოხედა, ასე რამ გატეხა ვაჟკაცი, ალბათ მართლაც საშინელი ამბავი უნდა მაუწყოსო, იფიქრა, სასახლის გრძელი დერეფანი უბრად გაიარა და სტუმარი აივანზე გაიყვანა. ნერსეს სასახლის უკანა აივანი ზედ მტკვარზე ეკიდა. ამ აივანზე მაშინ გამოდიოდა, როცა პირადი თათბირი ჰქონდა — საქვეყნო საქმე დარბაზში ირჩეოდა.

მსახურები და მსლებლები დაითხოვეს, საკარცხულებში ჩასხდნენ პირგამეხებულნი, დაქვევებულებმა დაუწყეს ცქერა ერთმანეთს.

— მიბრძანეთ, ვინ არის ეს აბო? — დაიწყო სტეფანოზმა პირდაპირ.

— ჩვენი აბო? მენელსაცხებლე?.. უნდა იცოდე, ჭაბუკო!..

— მაჰმადიანია თუ ქრისტიანი?

— მაჰმადიანი...

— ქრისტიანობა მიუღია, — თქვა სტეფანოზმა, წამოდგა და მტკვარს გახედა.

— ქრისტიანობა? — ჩაფიქრდა ნერსე, — შეიძლება... — ჩაიდუღუნა ბოლოს.

— როგორ თუ შეიძლება! — ძალის ნაკბენივით მოტრიალდა სტეფანოზი.

— რაღაცნაირი ღვთისნიერი ყმაწვილია. ბაღდადიდან გამომსდია, ხომ გახსოვს?

— „ღვთისნიერი“, — დაცინვით წარმოთქვა სტეფანოზმა, — თქვენ გდებენ ბრალს! ამიღი მელაპარაკა ამირას სახელით — ბოლღადს აგზავნიან წერილს. შებყრობას გიპირებენ! — თქვა სტეფანოზმა. გიმბ...ნი...ნი  
თის ცემას მოჰყვა აივანზე.

— გაშინებენ, — უთხრა დუმილის შემდეგ ნერსემ.

— სად არის ის აბო?! — მოჭრა უცებ სტეფანოზმა. — ახლავე უბრძანეთ, რომ თავის სჯულზე მიიქცეს!

ნერსემ ზარი დარეკა და მსახურს აბო ახმობინა. სტეფანოზმა ბიძას წვრილად უამბო, რაც გადახდა ამირას სასახლეში ამ დილით. ნერსეს წარბიც არ შეტოკებია. აფორიაქებული დისწული დაამშვიდა:

— არაფერია, ასე იციან ზედამდგომელი... დაშინება უნდათ ჩვენი, მუდმივი შიშის ქვეშ თუ ვეყოლებით, უფრო თავისუფლად იპარბაშებენ.

ნერსეს აივანს აივანი ეთქმოდა, თორემ ზედ ცხენი გაჭენდებოდა, სასახლეს მთელ სიგრძეზე ეკრა ხის მოჩუქურთმებული ბირკულებით დამშვენებული აივანი, აივნის ერთ კუთხეში საკარცხულში ფეხი ფეხზე გადადებული იჯდა ნერსე, კაკილას დინჯად მარცვლავდა, ხან დისწულს, ხანაც აივნიდან მტკვარსა და თბილისის რაბათს\* გადასცქეროდა, დამარწმუნებლად მსჯელობდა.

სტეფანოზს კი სიმშვიდე დაეკარგა. ვერ ისვენებდა, თითქოს ტანში ცხვანტი უზისო, ხან დაჯდებოდა, ხან ადგებოდა, ხან ბოლთას სცემდა. როცა ნერსე დაუფარავად მოჰყვა აგარიანთა ლანძღვას, შეაჩერა და ბიძას კუმტად უთხრა:

— მაშ, კვლავ ქვეყნის დაქცევა გიღვეთ გუნებაში!.. ნაცარტუტად აქცევენ აქაურობას, იცოდეთ! ცეცხლში დაწვავენ მთელ საქართველოს!

— კარგი, კარგი, ვიცით ეგ ყველაფერი! — უთხრა მკაცრად ნერსემ, — ჩემგან რა უნდათ, ის მიბრძანე.

— გითხარით მე თქვენ უკვე, უფალო, შებყრობა უნდათ... თავის მოკვე-თა!

— აჰ! — ჩაიცინა ნერსემ, — ჩემმა მსახურმა ქრისტიანობა მიიღო, მე რას მემართლებიან?

— ნერსემ შთააგონაო, ასე ამბობენ.

\* გარეუბანი.

— სიკრუეა! ამაში ახლავე დარწმუნდები. — შემოიყვანეთ! —  
გასძახა მსახურებს ნერსემ.

აბო შემოიყვანეს. ის იყო თერამეტ-ცხრამეტი წლის ჯანსაღი და  
თული კაბა ეცვა და შავი ნაბდის ქუდი ეხურა, ქართველს მანძილზე  
ჰკავდა, არაბიო ვერც იმას იტყოდით.

ეს ყმაწვილი სტეფანოზს აღრეც ენახა. როცა ნერსე ბაღდადიდან  
დაბრუნდა, თან ახლდა, მაშინ ყურადღება არ მიუქცევია. როცა ხაზა-  
რეთს გაიქცა, თანმხლებ ერისთავთა შორის კვლავ ამ ბიჭს მოჰკრა  
თვალი, ამჯერად იკითხა ჭაბუკის ვინაობა, ბაღდადიდან ჩამოჰყვა ნერ-  
სეს, კარგი მენელსაცხებლეო, უთხრეს. ეს იყო და ეს. შემდეგ სტე-  
ფანოზმა ქალებისაგან გაიგონა აბოს სასწაულმოქმედი საცხებლის ამ-  
ბავი. თანდათან აბოს საცხებელმა ერისთავების ორივე სასახლე და-  
იპყრო. სასახლეთა აბანოებში უამსაცხებლოდ არავინ შედიოდა. რაკი  
სურნელოვანი, მახალგაზრდავებელი ზეთი ერისთავთა ბანოვანებმა  
მოიწონეს, თბილისში ყველამ მოისურვა მისი წაცხება. საქმე იქამდეც  
მივიდა, ჯადოიან ბალზამს ამირასაც კი უგზავნიდნენ.

სტეფანოზის წინ იდგა ყმაწვილი, ვინც თავგადასავლითა და ში-  
ნაარსით უკვე ყურადღებას იპყრობდა. თითქოს მოეწონა კიდეც; აბო  
აივანზე რომ გამოჩნდა, ყურებამდე გაწითლდა ბავშვივით, შემდეგ  
ფეხებში ჩაუყარდა თავის პატრონს და პატიება ითხოვა.

— კმარა, მონავ, საქმე გვაქვს შენთან. — უთხრა ნერსემ.

აბო წამოდგა, თითქოს ხედებოდა რისთვისაც დაიბარეს, დამნაშა-  
ვესავით იდგა თავჩაქინდრული.

— დაჯექი, — უთხრა არაბულად სტეფანოზმა გულითადობისათვის.

— უფლება არა მაქვს, ღმერთი მიყურებს მაღლიდან, — მიუგო  
აბომ, ნამდვილი ქრისტიანებით თვალები ცაში აღაპყრო და პირჯვარი  
გადაისახა წესის სრული დაცვით „სახელითა მამისათა“... შუბლზე მი-  
იღო სამი თითი, „და ძისათა“ გულის ფიცარზე დაიბეჭდა. „და სული-  
სა წმინდისათა“... მარჯვენა მხარს შეახო თითები. — „ამინ“! — დაუ-  
დასტურა მარცხენა მხარმა.

ერისმთავარს თავზარი დაეცა. გაფითრებულმა შეხედა ბიძას. კარ-  
გად იცოდა, რომ მსახური მათ გვერდით დაჯდომას ვერ გაბედავდა—  
შორიდან აპირებდა მოვლას: ჯერ უნდა გამოერკვია, ვინ იყო ეს ყმაწ-  
ვილი, გაზრდილობა და ყოფა-ქცევა შეემოწმებინა, უნდა დაკვირვე-  
ბოდა მორჩილი ბუნებისა თუ იყო, ერთგულება და თავგანწირვა თუ  
შეექძლო პატრონისათვის, მთავარს ბოლოს ჰკითხავდა. ამიტომ შესთა-  
ვაზა, ჩვენთან დაჯექიო. აბომ უცებ რამდენიმე სიტყვით და, რაც მთა-



ვარია, პირველის გადასახვით ყველა მოსალოდნელ შეკითხვას წინასწარ უპასუხა: ვერც გაზრდილობას დაუწუნებდით, უხაზვლოდ ერთგული და მორჩილიც ჩანდა თავის პატრონისა. ეს შიშვენიერ და უფროს-უმცროსობა ღვთის მიერ არისო დაკანონებული უთხრა და, რაც მთავარია, უკითხავად აღიარა, რომ ქრისტიანი იყო და არა მაჰმადიანი.

— თვალის ჩინს ხომ უჯერებთ, უფალო! — ნიშნის მოგებით უთხრა სტეფანოზმა ნერსეს.

ნერსე დამუნჯებული იჯდა. მშვიდად, წარბშეუხრელად შესცქეროდა თავმოდრეკილ მუსლიმანს, პირველს რომ იწერდა. ბოლოს კაკილას ქნევით წამოდგა, მივიდა აბოსთან და ხმადაბლა, თითქოს პასუხისა ეშინიაო, ჰკითხა:

— აბო, შენ ხომ არაბი ხარ, ნამდვილი მუსლიმი, პირველი რად გადასახე? — ნერსეს არ ეგონა, თუ აბო ერისმთავარს არ მოერიდებოდა და პირში მიახლიდა ქრისტიანი ვარო.

— რათა ვიქმნე თანანერგ და თანაზიარ სიკუდილისა და აღდგომისა ქრისტეს, ღვთისა ჩუენისა, — მიუგო აბომ წიგნის ენაზე.

ნერსემ ჩაიცინა. სტეფანოზი ცოცხალ-მკვდარი იდგა. დანა პირს არ უხსნიდა.

— ნათელ იღე? — ჰკითხა სტეფანოზმა ხმადაბლა.

— მრწამს ერთი ღმერთი, მამა ყოვლისა მპყრობელი, შემოქმედი ცათა და ქვეყანისა, ხილულთა ყოველთა და არა ხილულთა; და ერთი უფალი იესო ქრისტე...

მხურვალედ შეჰლაღადა აბომ ზეცას.

— როდის მოხდა ეს? — შეაჩერა სტეფანოზმა მლოცველი.

— ხაზარეთში, წმინდა სამების ეკლესიაში...

— აქამდე რატომ არ მითხარი, — ჩაიღუღუნა ნერსემ დაბნეულად, უჭირდა სიცრუის თქმა.

— სიყვარულმა არ მათქმევინა, ღვთის სწორო, — გმინვასავით აღმოხდა ყრმას და თვალეზი სიკეთით აევსო, ბოლოს და ბოლოს მიუხვდა პატრონს მონა: ნერსეს არ უნდოდა ამ ამბის გამჟღავნება.

სამარისებური სიჩუმე ჩამოვარდა აივანზე. ნერსე გატრიალდა, ჩაჯდა თავის საკარცხულში და კვლავ შეუდგა კაკილას თამაშს. სტეფანოზიც ფიქრმა წაიღო. აბოსთან შეხვედრა სხვანაირად წარმოედგინა. რას იფიქრებდა თუ ატაცებულ ქრისტიანს გადაეყრებოდა. ყმაწვილი არაფერს მალავდა, პირიქით, მოსწონდა კიდევ, ამაყობდა კიდევ რომ ქრისტიანი იყო და წერილის ენა იცოდა.

— თუ იცი, ამისათვის რა მოგელის? — ხანგრძლივი დუმილის შემდეგ ჰკითხა სტეფანოზმა.

— უკეთუ მოგვუდეთ ქრისტესთანა, გურწამს, რამეთუ, <sup>მისთანადაა ქრისტესული</sup> ვჰსცხონდეთ, — მიუგო აბომ.

„სულ შეუსწავლია ქართული წიგნები, ნეტა მოძღვარი ვინ არის“, — გაუელვა თავში სტეფანოზს, კი იცოდა ვინც იყო, მაგრამ მაინც ჰკითხა:

— მოძღვარი ვინ არის?

— მოძღვარი? — დაფიქრდა მოყმე, — მოძღვარი საქართველოა! — თვალანთებულმა მიუგო ისე, როგორც წელან — მრწამს ერთი ღმერთით, ლოცულობდა.

„ნერსეა მოძღვარი, განა არ ვიცი, რომ ნერსეა, ხმითაც კი პატრონს ბაძავს, — გაიფიქრა სტეფანოზმა, — ასე უსინდისოდ რატომ თვალთმაქცობენ, რატომ მატყუებენ?!“

— როგორ თუ საქართველო! რა საქართველო!.. — შესძახა განრისხებულმა. აბოს კი არა, ნერსეს ეკითხებოდა, მიუბრუნდა კიდეც მას, პასუხს მისგან მოითხოვდა.

ნერსე ვითომ ვერ მიუხვდა დისწულს, ხმაგაკმენდილი იჯდა. მოპაექრეთ გაფანჩვეულ წარბებს ქვემოდან გეზად გამოხვდა.

— თქვენ მკითხეთ მოძღვარი ვინ არისო, ერისთავთ-ერისთავო, — მიუგო აბომ სტეფანოზს, — მოძღვარი საქართველოა. საქართველო ღვთის მშობლის წილხედომილი ქვეყანაა, აქ, ქართლის გულში, უფლისა ჩვენის კვართი მარხია, აქ წმინდა ნინო თვითონ ნეტარმა დედამ გამოგზავნა. სხვა მოძღვარი მე არ მყოლია.

— მოიცა, აბო, — კვლავ წამოდგა ნერსე და დაჩოქილს თავზე დაადგა, — მაშ, შენ უკვე ქრისტიანი ხარ და სალოცავად დადიხარ ჩვენს ეკლესიაში?.. — ახლა ნერსემ ჰკითხა არაბულად.

აბომ თავი დაუქნია თანხმობის ნიშნად.

— და ეს იციან უბანში?

აბომ ისევ დაუქნია თავი და საწყალობელი თვალებით ახედა პატრონს, დამნაშავესავით.

ბიძა-დისწული საგონებელში ჩავარდნენ. აბო თავდახრილი იდგა და ელოდა მათ ბრძანებას.

— თავის სჯულზე უნდა მიიქცეს, დღესვე, თორემ მერე გვიან იქნება! — უთხრა სტეფანოზმა ნერსეს, — ამირას უნდა დავუმტკიცოთ, რომ ეს შემთხვევით მოხდა, შეცდა ჭაბუკი!

ნერსემ არ უპასუხა. თავი ჩაკიდა. აბოც არ შერხეულა, თითქოს არც გაუგონია, რა თქვა ერისმთავარმა.

— ბავშვია, არ ესმის რას აკეთებს, გვლუპავს ჩვენზე, აქვს უკმაყოფილება... რას გაჩუმებულხართ, თქვით სათქმელი! — თითქმის უბრალოა ბიძას სტეფანოზმა.

— ჯერ აბომ გვითხრას, — ჩაიღუღუნა ნერსემ.

— ეგებ ვინმემ შეაცდინა, — ბიძამისს მიაჩერდა სტეფანოზი, აბოს გასაგონად ამბობდა. — ეგებ ვინმე დგას მის უკან, ეგებ უჭირს რამე, არა აქვს საჭმელ-სასმელი, სამოსელი, თავშესაფარი, სხვათა ღმერთს ამიტომ დაეძებს?..

— აბო, — ახლა აბოს მიუბრუნდა, — შენი ბედი უკვე შენს ხელთ არ არის, ქვეყნის კანონი ხომ იცი: ქრისტიანი თუ მაჰმადის სჯულზე მიიქცევა, მას ჯიზიას უხსნიან, როგორც ნამდვილ მუსლიმს პატივით ხედებიან და ხალიფას მეომრებში წერენ, მაგრამ თუ მაჰმადიანმა უარპყო თავისი ღმერთი, ერთადერთი სასჯელია — სიკვდილი. ვინდა სიკვდილი?

— მესიამ სიკვდილი სიკვდილით დათრგუნა! — შესძახა ალტაცებით ჭაბუკმა, თვალეები სიხარულით აენთო კვლავინდებურად. თითქოს გამოსავალი იპოვაო, კმაყოფილმა პირჯვარი გადაისახა და თავი ჩაღუნა. კვლავ ჭეშმარიტ ღვთის მონას დაემგვანა.

— აბო, ამცნე ერისმთავარს თუ რამე გასურს. ეგებ რამეს მოითხოვ ჩვენგან, — უთხრა არაბულად ნერსემ.

— არაფერს, უფალო! მაშინ ის ღმერთი გამიწყურეს, თუ ვინმესგან რამეს მოვითხოვდე, — მხოლოდ ახლა მიუგო არაბულად აბომ ერისთავებს.

— მაშინ ჭკვა დაგიკარგავს! — უთხრა სტეფანოზმა ქართულად.

— არა, ერისთავთ-ერისთავო, ჭკვა არ დამიკარგავს, — სულ მთლად იატაკზე დადო თავი აბომ, — აუგი ჩემზე არ იფიქროთ...

— მაშ, მოსყიდული ხარ? — კვლავ ფიცხად უთხრა სტეფანოზმა, — მოგისყიდეს ხაზარებმა! მაგათ უნდათ ჩვენი დაქცევა!

აბომ კვლავ აღაპყრო თვალეები ცისკენ და ლოცვას მოჰყვა: უფალო ყოვლისშპყრობელო, მომიტევენ ჩვენ ყოველნი შეცოდებანი ჩვენნი, საქმითნი, სიტყვითნი და გონებითნი, ცნობითნი და უმეცრებითნი...

— აბო, ჩვენ აქ სალოცავად კი არ დაგიძახეთ, — ბეჭზე ხელი მოუთათუნა ნერსემ, — ადექ და წვრილად გვიამბე, რაც შეგემოხვია.

აბო წამოდგა, მაგრამ მაინც არ დამჯდარა, შორი-ახლოს დადგა.

— დაუფარავად გვიამბე ყველაფერი, ვიცი, რომ გულწრფელი ყმაწვილი ხარ, — უთხრა მამაშვილურად ნერსემ, — ერისმთავარს შენთვის სიკეთე უნდა...  
გენ-  
ქრქენული  
ბიბლიოთეკა

აბო თავჩაქინდრული იდგა და არც ავს ამბობდა და არც კავს, თითქოს არ ესმოდა თავისი პატრონისა, ხან იატაკს ჩასცქეროდა და-ქინებით, ხან ჭერს მიაპყრობდა თვალს და თავისთვის ჩუმად ბუტ-ბუტებდა ლოცვებს.

— ამოიღე ხმა, თუ რამე გაქვს სათქმელი, თქვი! — უბრძანა სტეფანოზმა.

— ვინცა ურჯულო გახდეს მას შემდეგ, რაც ურწმუნებია, და ვინც ურჯულოება განავრცოს, მისი სინანული შეწყნარებული არ იქნეს... — მიუგო არაბულად ყურანიდან ამოკრეფილი სიტყვები აბომ.

— თუ ეს იცი, რად დაიღუპე თავი? — ჰკითხა სტეფანოზმა არა-ბულადვე.

— მახვილითა პყრობილი სჯული არ მინდა, — მიუგო ამაყად აბომ და თავისი აზრი სახარების სიტყვებით ქართულად დააბოლო-ვა, — რამეთუ ყოველთა, რომელთა აღიღონ მახვილი. მახვილთა წარ-წყმდენ.

სტეფანოზმა ნერსეს გადახედა, მიშველე, რამე უთხარიო, მაგრამ ამასობაში აბომ ამოიდგა ენა და თქვა, რაც აწუხებდა:

— მე ნამდვილი ისმაიტელი ვარ, ყურეიშის ტომიდან, — სტეფა-ნოზს უამბობდა თავის თავგადასავალს, — მრავალი უსამართლობა გა-დავიტანე, ადამიანთა გულღრძობა და ბოროტება ბალობაშივე ვი-გემე, მაგრამ ის, რაც თბილისში ვნახე, ზღაპარშიც კი არ გამიგონია.

აბო ამბის მოყოლას გულდაგულ შეუდგა, ქართული ენა კარგად შეესწავლა და საუბარი არ უქირდა.

## თაფლით მოვაპრა ხანის ენის მოკვეთის ამბავი

ხაზარეთს გამგზავრებამდე დიდი ხნით ადრე, შემოდგომის ერთ მზიან დილას, აბო ბაზარში წასულა დანამასტაქის საყიდლად. თურმე თავის განთქმულ ნელსაცხებელს დანამასტაქის ფოთლის გარეშე ვერ ამზადებდა. მენელსაცხებლეებში ბასრის დანამასტაქი ყოფილა ქებუ-ლი. ტფილისში ეს ბასრის დანამასტაქის ფოთოლი შირაზელ ვაჭრებს ჩამოჰქონდათ თურმე.

აბოს ბაზარში ბაღდადეგები უნახავს, გამოცნაურებია, იმათ იქა-

ური უთქვამთ, ამას აქაური. შეყოლიან, შეყოლიან და დანამასტაქის ვაჭრები. ერთი მექარავნისაგან უყიღია ჯადოსნური ფლანგისა და ნისაკენ გზას გასდგომია.

უცებ, ბაზარში ხალხი არეულა და აყაყანებულა. ხედავს, მოლაშქრენი შემოვიდნენ ბაზარში, შემოვიდნენ თუ არა, ატყდა გადაძახილ-გადმოძახილი, სირბილი, ტრიალი, წრიალი, ზოგი ხორავს მალავს თურმე, ზოგი სადღაც მიათრევს თავის ხურჯინებს, ზოგი სულ მთლად აყრას და წასვლას აპირებს. მოლაშქრეები კი არას დაგიდევენ ხალხის წიაქსა და ყაყანს, მოურიდებლად, აშკარად ძარცვავენ ვაჭრებსა და ხელოსნებს. ჩარსუბაზრიდან \* მოიწევენ ხმაურითა და აყალმაყალით, ჩაუარეს ქულბაქებსა და დუქნებს, მეხამლეებსა და მეთუნეებს. მელვინეთა რიგში კაცის სიმაღლე რუმბებთან შეჩერდნენ, თითქოს შეთქმულებას აპირებენო, ერთმანეთს რაღაც უჩუჩუხლეს და საქმეს შეუდგნენ: რაკი მუსლიმანს ღვინის სმა ეკრძალება, საჯაროდ ღვინის სმას მოერიდნენ. თავლით მოვაჭრე ჭანს ერთი კასრი თავლი წაართვეს, იმ კასრს შემოეხვივნენ ბუზებივით, თავლიც ჭამეს და ჩუმჩუმად ღვინოც ზედ დააყოლეს. უცებ დათვრნენ, რადგან ღვინოს თავლის საწყაოთი, კათხით სვამდნენ. მთვრალეები რატომღაც რუმბს მიესიენ და დარჩენილი ღვინო თავლის კასრში ჩაასხეს, ღვინოც გააფუჭეს და თავლიც. თავლით მოვაჭრე ჭანი აღშფოთდა და რუმბების პატრონს შეუძახა: რატომ არაფერს ამბობო; რუმბების პატრონს შეეშინდა და გაიქცა. სასოწარკვეთილმა ჭანმა თავისთვის დაიჩვილა ჭანურად, ღმერთო, დაილოცოს შენი სახელი, საკუთარ სახლში არ გვაყენებნო. ერთმა მთვრალმა მოლაშქრემ გაიგონა, რომ ჭანმა გაუგებარ ენაზე რაღაც თქვა.


— მუსლიმებო, გვაგინებენ! — გაახელა თანამეინახენი.

— გვაგინებენ? — იღრიალეს ერთად მთვრალეებმა, — ვინ გვაგინებს, ძალი გიაური? — მისცივიდნენ ჭანს წიხლებს ცემით.


ჭანი ბაზრის მტვერსა და ჭუჭყში თავდაღმა ჩაამხეს. ყველაზე ღონიერმა და მალალმა მოლაშქრემ ამხანაგებს მუშტის სიმსხო თვალეები დაუბრიალა, ვითომ გაუწყრა, ჭანს ხელი დასტაცა, ბავშვივით წამოაგდო ფეხზე და უბრძანა:

— გვითხარი, რა თქვი და გაპატიებ!

\* ბაზრის გადახურული კუთხე.

ქანმა ქართულად დაიწყო ლულული, თუმცა არ ეხმოდა,  თხოვდა მოლაშქრე.

— არაბულად! — დაუღრიალა მოლაშქრემ.

ქანმა სპარსულად თქვა ორი სიტყვა, სპარსული სიტყვები,  ნებ სპარსული შევასმინო. როცა სპარსულიც ვერ გააგებინა, ქანი გაოცდა, მას ეგონა, ყველა ურჯულო ერთ ენაზე ლაპარაკობდა, განწირულმა მის ირგვლივ შეკრებილ ხალხს შეხედა და ცრემლნარევი ხმით ჰკითხა:

— რა უნდათ ამ ურჯულოებს, მითხარით, ხალხო, ქრისტიანი არა ხართ?

აბო ქანის წვალებას შორიდან შესცქეროდა. თურმე როცა ქანმა ხალხს საწყალობელი თვალებით შევლა თხოვა, აბოს გულმა ველარ მოუთმინა და თანამემამულეებს არაბულად უთხრა:

— მუსლიმებო, ეს კაცი თქვენ თავლს გაჰმევედათ, ის მინც უთხარით, რას ემართლებით, არ ესმის თქვენი ენა.

— ჩვენ ანგარიშს არავის ვაბარებთ! — შესძახა მაღალ-მაღალმა მოლაშქრემ, — თუ ამ დამთხვეულმა მართლა შეაგინა ჩვენს ღმერთს, ენა უნდა მოვაჭრათ!

— არ შეუგინებია, ალაჰს გეფიცებით, — შესძახა აბომ და მთვრალეებსა და ქანს შორის ჩავარდა.

— აბა, რა თქვა, თქვას! — ბრძანა პირველმა მოლაშქრემ.

აბო ქანს მიუბრუნდა და ქართულად ჰკითხა: მე მითხარი, რა თქვი, ნუ გეშინიაო...

ქანმა გულწრფელად აღიარა დანაშაული. აბომ ქანის ნათქვამი ბოლომდე არ თარგმნა, მთვრალი თანამემამულეების შეეშინდა, საწყალ კაცს მოკლავენო, იფიქრა და „დაილოცოს ღმერთო შენი სახელი“ — ეს უთქვამს, მეტი არაფერიო, დაუწყო მტკიცება მთვრალეებს.

— ეს ბიჭი მუსლიმი არ არის! — დაიძახა ვილაცამ, — მოგზავნილია!

— ტყუის არამზადა! — დაიღრინა პირველმა მოლაშქრემ, — საკუთარი თვალებით ვნახე, როგორ შეხედა ცას და ალაჰს როგორ შეაგინა.

— მოაქერით ენა ძირში! მორჩა და გათავდა! — ბრძანა მაღალ-მაღალმა.

მთვრალეებმა ქანი თვალისდახამხამებაში წამოაქციეს, როგორც დასაკლავ პირუტყვს, დანით ხელში დაადგნენ თავზე, ერთმა ხელები

დაუჭირა, მეორემ ფეხები, მესამემ ხანჯლის წვერი კბილებში იჭერა და პირი გააღებინა.

ჭანი ღმუღოდა და პირიდან სისხლნარევი ლეხვი გადმოსდევდა. ზარელი სანახაობით თავზარდაცემულმა აბომ მოლაშქრე დაუწყო, ეს კაცი დამნაშავე არ არის, ენა ტყუილ-უბრალოდ არ მოაქრათო.

ერთმა მოლაშქრემ პასუხად აბოს პანლური ამოკრა. აბო მაინც არ დაცხრა. მაშინ ფეხქვეშ დაიდეს და დაუზოგავად სცემეს, გულმომოყრილი ბიჭი მკვდარივით წაათრიეს და ბაზრის ერთ კუთხეში მიქუჩებულ ნაგავთან და ხარახურასთან მიაგდეს.

ამასობაში ჭანს ენაც მოაჭრეს და ხალხს უჩვენეს, ყველას ასე მოუვა, ვინც ჭკუით არ იქნებაო.

სისხლში ამოსვრილი, გონწასული ჭანი დიდხანს ეგდო ბაზრის მტკერში უპატრონოდ. შეშინებული ხალხი მოლაშქრეთა წასვლის შემდეგაც ვერ ბედავდა მომაკვდავ ადამიანთან ახლოს მისვლას. ისევ აბომ იმარჯვა, გონს მოეგო თუ არა, ყვირილი ატეხა, ხალხო, ადამიანი მოკლეს, გამოდით ნუ იმალებითო. აბოს ყვირილზე საიდანღაც ბაზრის მუკთასიბი გამოჩნდა მებაყეებით გარშემორტყმული, მუკთასიბის იმედით ხალხიც ნელ-ნელა გამოიკრიფა საფარიდან. ჭანს დახმარება აღმოუჩინეს, მოიყვანეს სათრეველა ურემი, ფრთხილად დააწვინეს ზედ და აჭიმის სახლისაკენ გზას გაუყენეს.

დაღლილი, ნაცემ-ნაგვემი აბო შინ დაბრუნდა.

აბომ ამბის თხრობა დაამთავრა. თითქოს გული მოიოხაო, ერთი ამოსუნთქვით თქვა სათქმელი და მოისვენა. დაცხრა...

ნერსე და სტეფანოზი ხმაგაკმენდილნი უგდებდნენ ყურს ჭაბუკს.

— იმ დღეს, შინ რომ მივედი, აი, ეს კაბა ჩავიცვი, — ქართულ კაბაზე დაიხედა ყმაწვილმა, — ეს ქუდი დავიხურე და ქრისტე ღმერთი ვიწამე. — ნაბდის ქუდი მოიშვლიზა და ხელში ჩაიკუჭა, შეჩერდა, სიტყვა კბილით დაიჭირა, მეტი არაფერი წამომაცდინოსო, სტეფანოზს თვალი მოარიდა და თავჩალუნული დადგა წელანდებურად. ეს ამბავი კი იქ არ დამთავრებულა, სადაც აბომ დაამთავრა; როცა გასისხლიანებული ჭანი წაიყვანეს და ცოცხალმკვდარი აბო ბაზრის მოედანზე მარტო დარჩა, მასთან ერთი კაცი მივიდა, გაამხნევა, საქციელი შეუქო. იმ კაცის ვინაობა აბომ ერისთავეებს დაუმალა.

— ამ ყმაწვილმა ყურანი არ იცის, — უთხრა სტეფანოზმა ნერ-

სეს, — ურწმუნოთა ქონების მიტაცება მუსლიმის წმიდათაწმიდა მთავალეობაა.

— დიახ, უფალო, სურათ ალ-ლანიმათი! — არაბულად მუჟღანურად  
— „ებრძოლეთ იმათ, ვისაც არ სწამს ალაჰი“, — ესეც ხომ ყურანში წერია? — ჰკითხა სტეფანოზმა.

აბომ თავი დაუქნია.

— მაშ, რა გაწუხებს? ვილაც ჰანს მუსლიმებმა თავლი წაართვეს, ეს გასაკვირია? კარგადაც მოქცეულან!

— არა, უფალო, თავლის წართმევა არ არის გასაკვირი, გასაკვირი ის გახლავთ, როცა მშობლიურ ენაზე შენთვის დაიჩივლებ და ენას მოგაჭრიან. მსგავსი რამ სადმე წერია?.. ან გაგონილა?

ერისთავებმა ერთმანეთს გადახედეს. ნერსემ უხერხულობის დასაფარავად თავი ჩაღუნა.

„მახვილით მპყრობელი სჯული“. — აბოს მიერ წელან ნათქვამი სიტყვები გაახსენდა სტეფანოზს ახლა. ეს სიტყვები ადრეც გაეგონა. სხვის სიტყვებს ამბობდა ყმაწვილი. მსჯელობაც, წიგნების ცოდნაც ამტკიცებდა, რომ მის უკან მართლა ვილაც იდგა, მაგრამ ვინ?.. ენის მოჭრის ამბავიც არ იყო ახალი ერისმთავრისათვის. „ყველაფერს გამოიძიებენ, ყველაფერს ფარდა აეხდება, მაგრამ მერე გვიან იქნება“, — ფიქრობდა დაყინებით სტეფანოზი; შეთქმულების ეშინოდა, ყველა ქართველი შეთქმული ეგონა, სისხლით ნათესავსაც კი ვერ ენდობოდა. ბიძამისს თვალებში შესცქეროდა. ერთს ეუბნებოდა და სხვას კი ფიქრობდა მასზე. უნდოდა როგორმე თვითონ გაერკვია, რა ბრალი მიუძღოდა ბიძამისს აბოს გაჭრისტიანებაში.

ნერსეც ორ ცეცხლშუა ჩავარდნილიყო. ნერსეს აზრით აბოს ჯერ არ უნდა გაემხილა ქრისტიანობა — ხელს უშლიდა აბო ახლა. თან გულის სიღრმეში ყმაწვილს თანაუგრძნობდა. აღშფოთებასაც და თანაგრძნობასაც ერთნაირად მალავდა.

ბოლომდე გულწრფელი არავინ იყო.

— ხედავ? ჰკუთსაც გვასწავლის... გვედავება კიდევ!.. — უთხრა სტეფანოზმა ნერსეს. — უთხარი რაც საჭიროა და წავიდეს, მოშორდეს აქაურობას! — გაცხარდა ერისთავთ-ერისთავი.

აბო ადგილიდან მოწყდა და სტეფანოზს ფეხებზე მოეხვია. სტეფანოზი წამოდგა და დამხობილი მონა კეთროვანივით მოიცილა. იატაკზე დამხობილი აბო თავს მადლა ვერ წევდა შიშისაგან თუ სირცხვილისაგან.

— აბო ჰკვიანი ბიჭია, გააკეთებს იმას, რასაც გული უკარნა-





ხებს, — თქვა ნერსემ დინჯად, — ძალდატანება უსამართლობა იქნება...  
 ეპიკურული

აბო ახლა ნერსეს მოეხვია ფეხებზე. ნერსემ წამსკვნა-წამსკვნა, მხრებში ჩაავლო ხელი და გასამხნეველად შეანჯღრია. შემდეგ თვლით ანიშნა, დაგვეტოვეო. სტეფანოზი მათკენ ზურგით იდგა და მოდუღუნე მტკვარს გასცქეროდა. აბო ფეხაკრფით გაიპარა აივნიდან. გაფითრებული გამოვიდა სასახლიდან და სიონის გზას დაადგა იმ იმედით, რომ ახლა მხოლოდ გულმხურვალე ლოცვა უშველიდა.

### ჯ ა მ ა ა თ ი

აბოს წასვლის შემდეგ ბიძა-დისწული დიდხანს თათბირობდნენ, თუ რა ეთქვათ ამირასათვის.

სტეფანოზს ალაღბედზე ყოფნა არ შეეძლო, დღეს თუ ხვალ ამირას უნდა შეხვედროდა, თუ მარტო შეხვედრას არ ინებებდა, ჯამათის წინაშე უნდა დაემტკიცებინა, რომ მის საერისმთავროში არაფერი მომხდარა და არც არაფერი იყო მოსალოდნელი. ამიტომ სტეფანოზს საჭიროდ მიაჩნდა იმ თავხედი ყმაწვილისათვის ბიჭები მიეჩინათ, ძალით მოექციათ თავის სჯულზე, ან წაეყვანათ თავისსავე ქვეყანაში, ან რამე ელონათ ისეთი, შურტებს თვალში არ მოხვედროდა.

ნერსე სტეფანოზის ბრძანების შესრულებას არ აპირებდა, აბოს არაფერს დააძალებდა, არც არავის მიუჩენდა, მაგრამ იმას კი ფიქრობდა, დაებარებინა ყმაწვილი, მარტოკას ესაუბრა.

ნერსემ სტეფანოზი დააიმედა. ეს საქმე მე მომანდე, ამირასთან წელგამართული შედი, ყველაფერი ისე იქნება, როგორც საჭიროაო.

სტეფანოზმა ვერ შეძლო ამირასთან შესვლა. ხან არ სცალია, ხან შეუძლოდ არის, ხან სტუმრები ჰყავსო, უთხრეს.

ჯამათი კი ამირასთან თვეში ერთხელ იკრიბებოდა, თანაც ჯამათს ვერაფერს გააგებინებდა, ისინი ბევრნი იყვნენ და ერთად იყვნენ. სტეფანოზს კი მარტოკას უნდა ემტკიცებინა თავისი სიმართლე. ჯამათის გადაწყვეტილებას კანონის ძალა ჰქონდა. სტეფანოზს ჯამათის უფრო ეშინოდა, ვიდრე ამირასი. თუ ჯამათი დაადგენდა, რომ აბოს გაქრისტიანებაში ქართველების ხელი ერია, სტეფანოზი ხალიფა მაჰდისთან უნდა გაქცეულიყო და პატიება ეთხოვა. უშველიდა კი ხალიფა?

სხვა საამიროებში ჯამათი არც არსებობდა. ამირას კაცები იკრიბებო-

დნენ წელიწადში ერთხელ. ამირა საიდ იბნ-ალჰაისამ-იბნ-შუბაბი ამ მოკლედ, როგორც ტფილისელები ეძახდნენ, ამირა საიდამ ჯამაათი სტეფანოზის ძალაუფლების გასაუქმებლად გამოიგონაო, <sup>ქართლის ერისმთავრის</sup> <sup>ქართლის ერისმთავრის</sup> <sup>ქართლის ერისმთავრის</sup>

ნერსეს განდგომის შემდეგ მოსალოდნელი იყო, ქართლის ერისმთავრობა, ანუ ერისთავთ-ერისთავის ხელი ხალიფებს გაეუქმებინათ. ამირას ვარაუდი არ გამართლდა, არ გააუქმეს ერისმთავრობა.

ტფილისის ამირა განსაკუთრებული უფლებებით სარგებლობდა, დროთა განმავლობაში აღმოსავლეთ საქართველოს ფაქტიურ ხელმწიფედ სწორედ ამირა მოველინებოდა ხოლმე. ხალიფას ეს არ მოსწონდა და ერისმთავრობის ხელი ქართლში დატოვა ამირას უფლებების შესაზღუდავად.

სტეფანოზს, რაკი ხალიფა მაჰდის გამოგზავნილი იყო ქართლში, ამირა ექვის თვალთ უყურებდა. სტეფანოზსაც არ მოსწონდა ერთმმართველი ამირა. მეტოქეობის აღსაკვეთად ამირა საიდამ ჯამაათი გამოიგონა. სტეფანოზი ჯამაათის რიგითი წევრი გახდა. ამირას ქართლის ერისმთავრის წინააღმდეგ ბრძოლა არ გაუჭირდებოდა, ზურგს უკან ხალიფა რომ არ მდგარიყო. ამირას ხალიფასი ეშინოდა, ხალიფას კი ამირასიც ეშინოდა და ერისმთავრისაც. არც ერთი უნდა გაძლიერებულიყო და არც მეორე. ამირა როცა ჯამაათს აყალიბებდა, სტეფანოზს კი არ ებრძოდა, ხალიფასაგან იცავდა თავს.

ქართველებიდან ჯამაათის წევრობა მხოლოდ ქართლის ერისმთავარს ერგო, ამირამ გაიხსენა ძველი ქართული წესი: ქართლის ერისმთავარი იგივე ერისთავთ-ერისთავი ყველა ქართული თემისა და ტომის წინამძღოლი და მამაუფალი (მამფალი) იყო ოდითგანვე. ამ წესის თანახმად ქართველი ხალხის წარმომადგენელი ჯამაათში ქართლის ერისმთავარი უნდა ყოფილიყო და სტეფანოზს არგუნეს ეს პატივი. კახეთ-კუხეთის ქორეპისკოპოსი, ჰერეთისა და გუჯარეთის ერისთავებიც კი ფეხზე დგომის უფლებით უნდა დასწრებოდნენ ჯამაათის თავყრილობას.

ჯამაათის ნამდვილი წევრები კი ისხდნენ, მათ სიტყვას მეტი ძალა ჰქონდა, კენჭისყრის უფლებაც მათთვის ებოძათ. ესენი იყვნენ: ამირა, ვაზირი, შურტათმთავარი, ყადი და ერისმთავარი. ერისთავები, ბარიდები, ამიდები მუჰთასიბები და საამიროს სხვა მოხელენი ჯამაათს ესწრებოდნენ, მაგრამ მათ ხმის უფლება არ ჰქონდათ, ამიტომ არც ისხდნენ, ფეხზე მდგართ უნდა მოესმინათ ჯამაათის აზრი და კვერი დაეკრათ. ფეხზე დგომასაც თავისი ადგილი და წესი ჰქონდა. ვინ ვის უკან დადგებოდა, წინასწარ დაედგინათ. ქართლის კათალიკოსმა რო-

ცა შეიტყო, რომ ის ყადის უკან უნდა ატუხულიყო, აღმდგომი, მეორედ მოსვლის მოახლოებას მიაწერა ეს ამბავი და საამერიკოში წავიდა არ შედგა. რახან კათალიკოსმა უარი თქვა, ქართველები დასაქმებული ეკარგებოდნენ ჯამაათში, სტეფანოზმა ერთი ერისთავის დამატება მოითხოვა, გუნებაში ბიძამისის, ნერსეს მოყვანას აპირებდა.

ამირამ აღარც კი მოუსმინა, წესს ვერ დავარდვევო. ხომ ხედავ, ყადი ერთია ჯამაათში, შურტაც, ვაზირიც, თვით ამირაც, ერისმთავარყოფილი რა წითელი კვერცხიანო, გააკმენდინეს ხმა სტეფანოზს. ის იყო და ის, მხოლოდ სტეფანოზს მისცეს ხმის უფლება, დანარჩენებს არამცთუ კენჭის ყრა, საერთოდ ხმის ამოდების ნებასაც არ აღვევდნენ. თუ ამირა ჰკითხავდა რამეს, მხოლოდ მაშინ უნდა ამოდგათ ენა, თუ არა და სულ მუდამ დამუნჯებულები უნდა მდგარიყვნენ თავიანთი ერისმთავრის უკან.

ჯამაათი მხოლოდ და მხოლოდ ამირას ნების აღმსრულებელი იყო, თუ ამირა მოისურვებდა მთელი ქვეყანა ცეცხლში დაეწვათ, თვალის დაუხამხამებლად კვერს დაუკრავდნენ. ასეთი იყო ამირას ჯამაათი. სტეფანოზს ჯამაათისათვის თვეში ერთხელ უნდა მოეხსენებინა საერისთავოებში ხარკის აკრეფის ამბავი. სხვა თემებზე საუბარი ამირას არ უყვარდა. სტეფანოზს ფიქრისაგან ტვინი ტკიოდა, ამირას ეშმაკი ვერ გაუგებდა. მართალია, ჯამაათში საჯაროდ მხოლოდ საარაბო ხარკზე უნდა ემსჯელათ, მაგრამ აბოს გაქრისტიანება იმდენად შემაფოთებელი იყო, ვაითუ გაჩუმებას უფრო დაეფუგებინა მსაჯული ამირა. იქნებ ჯერ მზად არ იყო მოსახსენებლად, იქნებ ჯერ შურტათმთავართან მისულიყო და გაერკვია, თუ რაში ედებოდათ ბრალი ბიძა-დისწულს. წესით და რიგით შურტათმთავარი უნდა მისულიყო მასთან, მაგრამ ვინდა დაგიდევდათ წესს და რიგს! ერისმთავარს კი არა, დივან აშურტას გამგებელი თვითონ ამირას არ ემორჩილებოდა, ერთ მშვენიერ დღეს მას შეეძლო ამირა შეეპყრო და თავისი მოხელეებით ბაღდადს წაეყვანა ხალიფასთან. ამ უფლებას შურტას თვითონ ხალიფა აღვევდა, მაგრამ შურტათმთავარი ჰაჯიჯ იბნ-ალ-ბაბაქი ამირა საილას დაწინაურებული იყო ამ თანამდებობაზე, უფრო უკეთ, ხალიფა იძულებული შეიქნა ხალიფატში თავისი პირით ეთქვა, შურტათმთავარად ჰაჯიჯ იბნ-ალ-ბაბაქი ავირჩიოთო, წესი იყო ასეთი. ხალიფას კარზე, ამირას წარდგენით უნდა დაემტკიცებინათ ქართლის დივან-აშურტას გამგებელი.

ვეზირთან მისულიყო? ვეზირს არაფერი ეცოდინებოდა, ვერც ყადი ეტყოდა სანუგუმოს. ქართლის ერისმთავარი ვილაც აბოს გულის-

თვის ვერ იწანწალებდა კარდაკარ, ჯამაათის წევრები იფიქრებდნენ, რომ სტეფანოზს დანაშაული მიუძღოდა, სინამდვილე კი ღმერთმა უწყყოდა მხოლოდ. მოთმინება არჩია და ჯამაათის შეკრებულში  
სიბჭეში მოვიდა

ჯამაათი ყოველი თვის მესამე სამშაბათს იკრიბებოდა. დადგა ეს სამშაბათიც. სტეფანოზი პირველი მივიდა სასახლეში, თავისი ადგილი დაიკავა და ამირას შემოსვლას დაელოდა, ახლა მთავარი იყო როგორ შეხვდებოდა ამირა, მიესალმებოდა, გაუღიშებდა? ჯამაათის დაწყებამდე ჰკითხავდა რამეს?

დარბაზი ნელა ივსებოდა ფეხხედგომელა ხალხით, ჯამაათი კი აგვიანებდა, გარდა სტეფანოზისა, არავინ მოსულიყო.

ამირა, ვაზირი, ყადი და შურტათმთავარი ერთად შემოვიდნენ დარბაზში, შეკრებილნი ხალიჩით მოფენილ იატაკზე დაემხნენ, ამირას მიესალმნენ. ჯამაათმა თავისი ადგილი დაიკავა. ხალხმა — თავისი. სტეფანოზს ამირასი და ჯამაათის სხვა წევრების ერთად მოსვლა არ მოეწონა, ერთად სად ყოფილან, ჩემ წინააღმდეგ ხომ არ შეიკრნენო. სტეფანოზი ირგვლივ ყველას და ყველაფერს ეჭვით უყურებდა. მოულოდნელად ამირა კარგ გუნებაზე ეჩვენა, წინანდებურად მიესალმა, ოჯახის წევრები მოუკითხა და შემდეგ ყადის ანიშნა, დავიწყოთო. სტეფანოზს სიხარულისაგან ენა დაება, არ მოელოდა ასეთ შეხვედრას, გაკვირვებული იყო, „ნუთუ ამირამ არაფერი იცის, — გაუელვა თავში, — ნუთუ მხოლოდ მაშინებენ... ამიდი ალბათ შურტათმთავრის მოგზავნილი იყო“, — დაასკვნა გუნებაში და მოსახსენებლად მოემზადა.

ყადიმ ალაპისადმი ვედრება აღავლინა. შემდეგ ყურანი გადაშალა და რატომღაც ის სურა წაიკითხა, სადაც მცირედ მორწმუნეებზე იყო საუბარი: „თუ მორწმუნეთა შეხვდნენ, მორწმუნე ვართო იტყვიან, მაგრამ მაცდურებთან ფარულად თუ შეიყარნენ, ეტყვიან თქვენთან ვართ და მათ დავსციინითო“... ეს სიტყვები თქვა გარკვევით, გასაგებად, ბოლოს კვლავ ალაპის დიდება წამლერებით აღავლინა და ჯამაათი მუშაობას შეუდგა. სტეფანოზს გუნება წაუხდა. ყადის მიერ წაკითხულმა სურამ ახალი ეჭვები აღუძრა. რატომ მაინცდამაინც ეს სურა წაიკითხა ყადიმ, წინასწარ შეთანხმებულები ხომ არ არიან, მერყეობასა და ორპირობას ხომ არ მწყაიებენო. ამდენი ფიქრის დროც არ იყო. მისი ჯერი დგებოდა, სტეფანოზი წამოდგა, ჯამაათს ერთხელაც გადაავლო თვალი. ჩუმად, თავისთვის, ღმერთი ახსენა და საქმეს შეუდგა:

— კახეთმა, კუხეთმა და გუგარეთმა შეასრულა, მცხეთის თემმა მეტი მოგართვათ, ვიდრე შარშან ამ დროისათვის, კარგი ამბები გვყავს დმანისის თემში, იქ ხარაჯას ყოველთვის მგუსტაქოვებენ თბილისმა შეასრულა ჯიზია, ხარაჯის აკრეფა გრძელდება...

იმედს იძლევა პერეთი, წლის ბოლომდე ჯერ დრო გვაქვს...

ვენახებიდან და წისქვილებიდან ამოღებულია ორასი ღირპემი, შარშან აკრიფეთ ასი.

თბილისის საერისთავოდან ჩამორჩება ავარის და ტყაყამის თემი.

საერთო შემოსავალია ათი მილიონი, სამივე წლის ბოლოს გვექნება.

სტეფანოზმა მოკლედ და საქმიანად მოახსენა ჯამაათს საარაბო ხარკის აკრეფის ვითარება. სამარისებური სიჩუმე ჩამოვარდა. ამირას ელოდებოდნენ, წინასწარ იცოდნენ, უსათუოდ რაღაცას ჰკითხავდა წინაშემდგომელს და ეს შეკითხვა დააბნევდა, არევე-დარევედა არა მარტო სტეფანოზს, არამედ მთელ დასს ერისთავებისას, ფეხზე დგომის უფლებით ერისმთავრის უკან შეგჯუფულოთ.

ხალხს და ჯამაათს მოლოდინი არ გაუმართლდა. ამირა ვეზირს მიუბრუნდა და ჰკითხა:

— ოქრო რამდენია?

— 125532 დინარი, — დაუფიქრებლად მიუგო ვეზირმა.

სტეფანოზი ფეხზე იდგა და ამირას შეკითხვას ელოდებოდა. ეშინოდა ამ შეკითხვისა, ეშინოდა იმიტომ რომ საჯაროდ ტყუოდა, ამდენი ოქრო და ვერცხლი არ იყო აკრეფილი.

ხარაჯის ამკრეფი ამილები მამასახლისებს ატყუებდნენ, მამასახლისები ერისთავებს, ერისთავები ერისმთავარს, ერისმთავარი ამირას, ამირა ხალიფას. ასეთი იყო ტყუილის დიდი ჯაჭვი, ფოლადის სალტედ რომ შემოჭდობოდა უხარმაზარ ხალიფატს და ნელ-ნელა ამსხვრევდა.

სტეფანოზსაც რა ექნა, წესრიგი როგორ დაემყარებინა, რა სამართლისა და კანონის ძალით მოეთხოვა უკანონობა და უსამართლობა, მიწასა და მიწის მუშას შორის იმდენი ხალხი იყო ჩამდგარი, საწყალი კაცის ნაცოდვილარს მშვიერი მგლებივით მისეოდა იმდენი მოხელე: მამასახლისი, ამილი, მუშრები, შურტა, მუჰთასიბი, რეისი, ყადი, საარაბო ხარკის სახელით ვინ რამდენს იპარავდა, ვინ ვის ჰპარავდა, ვინ რა გზით, რა ხერხით ჩადიოდა დანაშაულს, ეშმაკი ვერ გაიგებდა.

სტეფანოზსაც ტყუილი უნდა ეთქვა, სიმართლის თქმა დიდი სიბრძნე იქნებოდა, ჯამაათის შეკრების წინ გულდაგულ ემზადებოდა,

თავისთავს არწმუნებდა, ამხნეებდა, შთაავონებდა, რომ ცოდვა არ იყო ასეთი ტყუილის თქმა. მაგრამ როცა ამირა კვიმატურ შეკითხვას დაუსვამდა, ღელავდა, ბრაზობდა და ეს სიბრაზე წონაწონადაა აკარგვინებდა, იბნეოდა, რას მიედ-მოედებოდა, კაცი ვერ გაიგებდა.

სტეფანოზი კარგა ხანს ელოდა გამგმირავ შეკითხვას. ამირამ ვეზირს ჰკითხა, თქრო რამდენიაო და გაჩუმდა. ეს იმას ნიშნავდა, სტეფანოზს უნდა დაემთავრებინა თავისი გამოსვლა ნაცნობი სიტყვებით: „სამთავროში მშვიდობა და კეთილგანწყობა სუფევს“, — იტყოდა ამ სიტყვებს და დაჯდებოდა. ჯამაათის ყველა წევრს ევალებოდა ეს, თუ მშვიდობა და კეთილგანწყობა მართლა სუფევდა სამთავროში, თუ არა და ხელს რა უშლიდათ, მოკლედ უნდა მოეხსენებინათ ამირასათვის.

აბოს ამბავს თუ იტყოდა, ახლა უნდა ეთქვა. „თვითონ მკითხონ, უკეთესია თვითონ მკითხონ“, — უკანასკნელ წამს შეცვალა გადაწყვეტილება.

სტეფანოზმა გამოცდილებით იცოდა, რაც უფრო ნაკლებ სიტყვებს იტყოდა აქ, მით უკეთესი იყო. ჯობდა, მათ ელაპარაკათ და სტეფანოზს ესმინა.

— სამთავროში მშვიდობა და კეთილგანწყობა სუფევს... — ამოიღუღლულა ბოლოს და ბოლოს.

სამარისებური სიჩუმე ჩამოვარდა. სტეფანოზი ამირას შესცქეროდა, თუ ჰკითხავდა აბოს ამბავს, პასუხიც მზად ჰქონდა: აბო ყმაწვილი კაცია, შეცდა ჰბაბუკი, მაგრამ კეთილ მრჩეველთა ბრძანებით კვლავ დაუბრუნდა თავის სჯულს, სამთავროში მშვიდობა და კეთილგანწყობა აღდგენილია, იმეორებდა გუნებაში.

ამირა დაბალი ტანის, შავ-შავი კაცი იყო, მის გვერდით ყინჩად მჯდომ ტანსრულ, წითურ შურტათმთავარს თითქოს ხელის გულზე ედო თავისი უფროსის სიშავე და სიცოტავე და გარშემო შემოკრებილ ხალხს აჩვენებდა. სტეფანოზს ახლა სწორედ ის პატარა შავი კაცი ეჩვენებოდა გოლიათად. ძორძოყინა წითელ შურტათმთავარს აღარც კი ამჩნევდა, შურტათმთავარი, ჯამაათის სხვა წევრები და ფეხზედგომელა ხალხი სიბნელეში ჩაძირულიყვნენ, დიდ ხალიჩაზე მხოლოდ ის ადგილი იყო განათებული, სადაც ამირა იჯდა. ამირა კი არა, ხალიჩაზე ტანმორჩილი გარუჯული ბედუინი ჩაყუნცულიყო, ხელში მათრახი ეჭირა. საცაა წამოხტებოდა, მოახტებოდა თავის არაბული სისხლის ბედაურს და საყაჩაღოდ უდაბნოში გაიჭრებოდა კვილით.

ბედუინს უნდა ეთქვა სიტყვა „შემდეგი“, მხოლოდ ამის შემდგომ შეეძლო სტეფანოზს დაჯდომა.

— იოანე სად არის? — მოულოდნელად, თითქოს ქვეყნისაგან ამოსძახესო, გაისმა ყრუ ხმა დარბაზში, შურტათმთავრის ხმა იყო. „იოანე?“ — შეშფოთდა სტეფანოზი, უცებ ვერ მიხვდა, სად იყო იოანე. უადგილო, უაზრო და უმიზნო მოეჩვენა შეკითხვა. გონება ელვისუსწრაფესად ამუშავდა, აქეთ მიაწყდა, იქით მიაწყდა, სიბნე-  
ლში ვერაფერი იპოვა, ვერაფერს მიაგნო.

სად ხარკის აკრეფა და სად იოანე!

— ვინ იოანე? მოძ... — სტეფანოზმა ენა კბილით დაიჭირა, კინა-  
ლამ წამოცდა „მოძღვართმოძღვარი“, გაახსენდა, რომ ეს სიტყვა ეჭავრებოდა ამირას.

იოანე საბანისძე ქართლის ერისმთავრის ნერსეს კარის მოძღ-  
ვართმოძღვარი იყო, ქართველთა დიდი შეთქმულების ერთ-ერთი მო-  
ნაწილე და მოთავეც. როცა ხალიფა ალ-მანსურმა ნერსე ბაღდადს  
გაიწვია და იქ შეიპყრო, ამირამ იოანეს აქ სიკვდილი გადაუწყვიტა,  
მაგრამ ხალიფას ნებართვის გარეშე ვერ გაბედა სიკვდილით დასჯა,  
ხალიფამ კი ნერსეს წამება გაახანგრძლივა, ამასობაში ალ-მანსური  
გარდაიცვალა. ახალმა ხალიფამ კი ნერსეს დანაშაული აპატია. ამირა  
იძულებული გახდა იოანეც გამოეშვა დილეგიდან. იმ დღიდან „მო-  
ძღვართმოძღვრობა“ გაუქმდა ერისმთავრის კარზე, თვით მოძღვართ-  
მოძღვარი აიძულეს მოღვაწეობას ჩამოსცილებოდა.

იოანე ბერად აღიკვეცა ჯვრის მონასტერში.

გააფთრებულმა ამირამ სამონასტრო სკოლები აკრძალა, ხოლო  
ერისმთავრის კარზე ერთხელ და სამუდამოდ მოძღვართმოძღვრის  
ნაცვლად მდივანმწიგნობრის ხელი დაამტკიცა.

სტეფანოზმა იმდენი იხერხა, იმდენი იმარჯვა, მდივანმწიგნობ-  
რად იოანეს შვილი — ყრმა მიქაელი მიიწვია, დანაშაული გამოისყიდა  
თავის ჭკუით.

მართალია, სტეფანოზმა თავისი აღმზრდელი და მასწავლებელი  
თვითონ გააძევა სასახლიდან, მაგრამ ხელი არ დაუკარგა. მდივან-  
მწიგნობრობა მის შვილს უბოძა.

იოანე საბანისძეს მრავალ ენაზე წურთილ კაცს ეძახდნენ. მას  
ანტიოქიაში შეესწავლა წიგნნი სულიერნი და ფილოსოფოსთაი, ასე-  
თი აღამიანი სანთლით საძებარი გახლდათ, თვით ქართლის კათალი-  
კოსი სამოელი თავის მოძღვრად იოანეს თვლიდა. მისი გაძევება სა-  
სახლიდან უგნურება იყო. მაგრამ ძალა აღმართს ხნავდა, სტეფანო-  
ზი უნდა დამორჩილებოდა ამ ძალას.

იმ ავად მოსაგონარი ამბების შემდეგ, იოანე თვალით არ ენახა

სტეფანოსს, თუ რჩევა დასჭირდებოდა, მიქაელის პირით შეუთქვო-  
და და იოანეც მიქაელის პირით შემოუთვლიდა პასუხს, რისთვის გა-  
ახსენდათ ნეტავ იოანე? — ფიქრობდა სტეფანოზი.

— იოანე რაც ბერად აღიკვეცა, არ მინახავს, — ჩაიღებოდა სტეფანოზმა.

— მე თქვენ შეგეკითხეთ, სად არის-მეთქი იოანე! — უთხრა მკაც-  
რად შურტათმთავარმა.

— ჯვრის მონასტერშია, — მიუგო უნებურად თამამად.

შურტათმთავრის ყოყოჩურმა კილომ სითამამე შესძინა და თვა-  
ლებში წყრომა ჩაუყენა. შურტათმთავარს ზიზლით გახედა, კიდევ  
ხომ არაფერს მკითხავო. შურტათმთავარმა ამირასკენ მიაბრუნა პირი.

— შემდეგი! — თქვა ამირამ.

ვეზირი წამოდგა.


სტეფანოზმა ამოისუნთქა, ლამის იყო პირჯვარი გადაისახა, დაჭდა  
და თვალები ჭერს მიაპყრო.

ვეზირი ენადაფუფქულივით წარმოთქვამდა არაბულ სიტყვებს.  
ტომით სპარსი იყო და სპარსულად უქცევდა, ჯამაათის წევრები შეჩ-  
ვეოდნენ ვეზირის არაბულს, სულგაკემენდილნი უსმენდნენ; ვეზირი  
გზის მშენებლობის დაჩქარებას მოითხოვდა, ფეხზე დგომის უფლე-  
ბით დამსწრე ერისთავებსა და მამასახლისებს უწყებოდა, სუხრას —  
შრომითს ბეგარას რატომ არ იხდითო.

სტეფანოზი შურტათმთავრის შეკითხვაზე ფიქრობდა. რატომ  
შურტათმთავარმა მოიკითხა იოანე და არა ამირამ? საიდუმლო ძაფი  
ხომ არ იბმებოდა აბოს გაქრისტიანებას და დღევანდელ უადგილო  
შეკითხვას შორის? „ცალკე უნდა ვესაუბრო ამირას, მეტის მოთმენა  
არ შეიძლება...“ — შურტათმთავარს უწყებოდა გუნებაში სტეფანო-  
ზი, — „ეს არის ბოროტების სათავე, ამას უნდა რომ დამასმინოს ხა-  
ლიფასთან“, — ფიქრობდა სტეფანოზი, — „ავდგები და მტკიცედ მოვი-  
თხოვ ამირასთან შეხვედრას, ბოლოს და ბოლოს ბაღდადში წასვლით  
დავემუქრები, ამიღები ვერ გამიბედავენ წინ გადადგომას“.

ზოგჯერ მაცდური ფიქრიც ჩაუძვრებოდა გულში, „ადექი, სტეფა-  
ნოზო, ახლავე დაამტკიცე შენი უდანაშაულობა, „ჯამაათს მოთხოვე,  
დაიცვან ქართლის ერისმთავრის უფლებები, მოითხოვე იმათი დასჯა,  
ვინც უდიერად გექცევა“. — თითქოს ვიღაც სხვა ჩასძახოდა ამ სიტყ-  
ვებს. — „აქ არ შეიძლება ამის მოთხოვნა“, — პასუხობდა უმაღლვე. —  
„მარტო უნდა ვესაუბრო ამირას, მარტო...“ — არწმუნებდა და ამშვი-  
დებდა თავისთავს.





ვეზირის შემდეგ ყადი ლაპარაკობდა დიდხანს, ყადი მოითხოვდა, მცხეთაში აეშენებინათ მეჩეთი. მართალია, იქ არ ცხოვრობდა მუსლიმანი, რამდენიც თბილისში, მაგრამ იქ იღვა ხალიფის მხედრობიონი — ჯურხანის დამპყროველი\*. ყადი მოლაშქრე მუსლიმებისთვის მოითხოვდა მეჩეთს.

სტეფანოზი კი თავის გასაჭირზე ფიქრობდა, ისე იყო აფორიაქებული, ყურის დაგდებაც კი უჭირდა. „იოანე უნდა ვახმობინო, თუ რამეს აპირებენ, ბარემ მეც მითხრან“, — უკვე მტკიცედ სჯეროდა, რომ ზურგს უკან სამარეს უთხრიდნენ და ამას გულდაგულ უმაღვდნენ. პირგამეხებული იჯდა და თმენით აპირებდა ორ მხრივ ხმლის ქნევას.

თავის სასახლეში დაბრუნებულმა სტეფანოზმა მიქაელი მოიხმო, იოანეს ამბავს ვკითხავო, იფიქრა. მიქაელი შინ არ დახვდათ, თითქოს მიწამ პირი უყოო, ვერსად იპოვეს, დილით გრიგოლმა მოაკითხა. მას შემდეგ აღარ გვინახავსო, თქვეს მსახურებმა.

მიქაელს ერთი უმრწემესი მეგობარი ჰყავდა — გრიგოლი, სტეფანოზი მას მოყვარედ და ნათესავად თვლიდა. ნერსეს ცოლის ძმისწული იყო, უწვერული ჭაბუკი, მაგრამ ჭკუა-გონებით გამორჩეული. მიქაელს ბალღობიდანვე ტოლებთან მეგობრობა უჭირდა, სულ მუდამ უსაკონი ეხვია გარს, უგერგილო, ნედლი ბიჭი იყო, მამას არ ჰგავდა, გრიგოლიც უცნაური ყმაწვილი ჩანდა სტეფანოზის აზრით. მიქაელი და გრიგოლი სამოძღვრო სკოლაში სწავლობდნენ ერთად, იქ დამეგობრდნენ. ამ სკოლას, მარიამ წმიდას ეკლესიაში, იოანე მესვეურობდა. სკოლაცა და ეკლესიაც ქართველ მეფეთა და ერისმთავართა კუთვნილება გახლდათ. მაგრამ რაკი იოანემ შექმნა სკოლა და თვით იყო მისი მოძღვარი, „იოანეს სამოძღვროს“ ეძახდნენ. სტეფანოზიც ამ სკოლაში სწავლობდა და თვით ნერსეს აქ გაეცნო ქართულ სულიერ წიგნებს.

მიქაელი და გრიგოლი იოანეს მოწაფეები იყვნენ. იოანემ შეაყვარა მათ ერთმანეთი, წერა, კითხვა და გალობაც მან შეასწავლა ჭაბუკებს.

ახლა არც ეს სკოლა არსებობდა, არც იოანე მოძღვრავდა თავის მრევლს, მაგრამ მოწაფეები მასწავლებელს არ ივიწყებდნენ, შეკრებას უკრძალავდნენ და მაინც აღიოდნენ მასთან. უთვალთვალავდნენ,

\* საოკუპაციო ჯარა.

ემუქრებოდნენ, თავიანთ ტკბილმოუბარ მონაზონს მაინც ვერ თქვამდნენ.

ზედამდგომელთა მძლავრობამ ბოლოს და ბოლოს ნაყარად დაიჭინა ილო. სიმტკიცე ყველას როდი ეყო, ნელ-ნელა დაიფანტნენ მათი სხეულები, ზოგი ზოგი ზაკულობით გადაიბირეს, სამსახურში ჩააყენეს, ზოგი შეაშინეს და სულ მთლად დაათმობინეს სჯული. იოანეს გრიგოლი და საკუთარი შვილი მიქაელი შერჩა ბოლომდე თანამდგომად და ჭირის მოზიარედ.

გრიგოლი თითქოს განგებას გაეჩინა ღვთისმოსავად. როგორც ყველა მორწმუნე, უშიშარიც იყო და მტკიცეც: არად აგდებდა აგარიანთა მძლავრობას, შურტების ფუთფუთს ზურგს უკან და თავის მოძღვართან თითქმის ყოველდღე მიდიოდა. მიქაელიც მამის მორჩილი და ერთგული შვილი იყო.

მიქაელს ბედმა მწარე ცხოვრება არგუნა. საბანისძეთა მყუდრო სახლეულს პირველი თავზარი თვითონ მამამ, იოანემ დასცა, ის შეიპყრეს და სამი წელიწადი დღის სინათლე არ უნახავს. ვიდრე მამა დილეგიდან გამოაღწევდა, დედას სახადი შეეყარა და გარდაიცვალა. პატარა მიქაელი სასახლეში სამადლოდ იზრდებოდა, თბოლს ერისთავთერისთავთა დედაწული თვალსა და ყურს არ აკლებდა, ებრალებოდათ ყმაწვილი.

თბლის კვერი გამოცხვა, ყრმა მიქაელმა განსაცდელს გაუძლო, ისწავლა ქართული და არაბული წერა-კითხვა, წმინდა წიგნები. ერისმთავარმა გზაზე დააყენა, მდივანმწიგნობრად აქცია. მადლიერი იყო ცხოვრების, ადამიანების, ღმერთის, სულ მთლად რომ არ გასწირეს, მამა ცოცხალი დაურჩინეს, თვითონაც ასაზრდოეს, გამოზარდეს და საქმეზეც დააყენეს.

მიქაელი ბეჯითი მოწაფე იყო თავისი მამისა, გრიგოლთან ერთად ისიც ხშირად დადიოდა საყდარში სულისა საწურთელად. ის რაც მარიამ წმიდას სამოძღვროში ისწავლეს, ჯვრის საყდარში უნდა განემტკიცებინათ.

სტეფანოზმა რაკი მიქაელის კვალს ვერ მიაგნო, რაკი უთხრეს დილით გრიგოლმა მოაკითხათ, იფიქრა, ალბათ მამა იოანესთან წავიდნენო და ლოდინი არჩია, ძებნას თავი მიანება.

მხოლოდ მეორე დღეს, საღამოს, მოიჭრნენ შეშინებული მიქაელი და გრიგოლი სასახლეში და ერისმთავარს მღელვარედ უამბეს თავიანთი თავგადასავალი:

— შურტებმა შეგვიპყრეს, წუხელ დილეგში ვისხედით...  
შინებული ჰყვებოდა გრიგოლი.

მიქაელი ხმას არ იღებდა. თვალები დასიებოდა, ნაწყვეტი ჩემს წინაშე.  
— გზად მივდიოდით, გვტაცეს ხელი და გაგვაქანეს. ცალ-ცალკე ჩაკვავდეს ბნელ დილეგებში. მთელი ღამე არ დაგვაძინეს, აბოს ამბავს გვეკითხებოდნენ, ვუთხარით, რაც ვიცოდით... არ დაგვიჯერეს.

უცებ გრიგოლი მუხლებზე მოეხვია სტეფანოზს და ცრემლგარეული ხმით შეჰლადადა:

— ერისმთავარო, იოანეს უპირებენ შეპყრობას!

— იოანეს? — სტეფანოზმა გრიგოლი წამოაყენა, მიქაელს შეხედა, — იოანეს რას ემართლებიან? — მიქაელს ჰკითხა სტეფანოზმა.

— აბოს გაქრისტიანებას აბრალებენ, — მიუგო მიქაელმა.

სტეფანოზს ელდა ეცა, ამას კი არ მოელოდა. უცებ მოეფინა ნათელი აბოს ამბავს, ახლალა მიხვდა, თუ რატომ მოიკითხა შურტათ-მთავარმა იოანე.

— აბოს გაქრისტიანებას? — დაეჭვდა ერისმთავარი, — მაინც როგორ, რანაირად?

— აბოც ხომ ჩვენთან სწავლობდა მარიამწმიდაში. — უთხრა გრიგოლმა. — ძველი ამბები გაგვიხსენეს.

— განა აბოც თქვენთან სწავლობდა? მონა კეთილშობილებთან? — გაოცდა სტეფანოზი.

— ერთი-ორჯერ მოიყვანა მამამ, — თავი იმართლა მიქაელმა.

— ეს დიდი ხნის ამბავია, ერისთავთ ერისთავო, — თითქმის ვედრებით უთხრა გრიგოლმა, — აგარიანები მიზეზს დაეძებენ, როგორმე ჩვენ დაგვაბრალონ აბოს მოქცევა, სინამდვილეში კი აბომ თვითონ დათმო სჯული, არავისთვის უკითხავს, არავის ურჩევია, მაღალი დმერთია მოწამე.

— მომიყვანეთ იოანე! — უთხრა ჭაბუკებს სტეფანოზმა.

მიქაელსა და გრიგოლს ერისმთავრის თავლიდან გამოუყვანეს ბედაურები, შეუკაზმეს როგორც სეფეწულებს და გაამგზავრეს.

ქართველებს ცხენზე ჯდომა ეკრძალებოდათ, ცხენზე არაბი უნდა მჯდარიყო, ქართველებისათვის სახედარი და ჯორი იყო განკუთვნილი. ცხენზე ჯდომის უფლება მხოლოდ სეფეწულებს და ერისმთავრის კარის მოხელეთ შეუწარჩუნეს.

მიქაელი და გრიგოლი, მართალია, ნამდვილი სეფეწულები არ

იყვნენ, მაგრამ რაკი ერისმთავრებს ემსახურებოდნენ, ეს უფლებად  
ჰქონდათ. ამაყად ისხდნენ არაბულ ტაიქებზე და ერისმთავრის და-  
ვლების შესასრულებლად მცხეთისაკენ მიეშურებოდნენ, მამარინაშვილი  
ტფილისს უნდა წაეგვარათ. გიგლიშვილი

მცხეთაში რომ შევიდნენ, მიქაელმა მცხეთის მამასახლისის სასახ-  
ლესთან შეაყენა ცხენი. აქ მას თავისი გულისსწორი ეგულეობდა. მამასახლისის ქალიშვილი ანო. გრიგოლმა ეს იცოდა და მეგობრისათ-  
ვის არც უკითხავს, თუ რატომ შეჩერდნენ უადგილო ადგილას. სა-  
სახლე მაღალი გალავნით იყო შემოზღუდული, უნებართვოდ შიგ ჩი-  
ტი ვერ შეფრინდებოდა. ცხენებიდან ჩამოხტნენ და ქვეითად მიადგ-  
ნენ გალავანს. მიქაელმა გრიგოლს უჩურჩულა:


— ბჰისკარი აქ არის.

დიდხანს იდგნენ საფარში ხმისამოუღებლად, არსაიდან ჩამი-ჩუმნი  
არ ისმოდა.

— რაც მამა გარდაეცვალა, არ შინახავს. — თქვა კვლავ მიქაელმა  
საიდუმლოსავით.

თითქოს სხვა დროს ნახულობდა. სულ ერთხელ მოეკრა თვალი  
მცხეთობაზე.

იმ მცხეთობამ სულის სიმშვიდე დაუკარგა. დღეცა და ღამეც ანო-  
ზე ფიქრობდა, ღამ-ღამობით თუ ესიზმრებოდა, დღით ელანდებოდა,  
ჩვენი ერთობა თურმე ჩვენს დაბადებამდე ყოფილა გადაწყვეტი-  
ლიო, ეუბნებოდა სიზმარში ანო. მიქაელსაც თვალი და ყური სულ  
მცხეთისკენ ეჭირა, როგორც კი დროს იხელთებდა, იქითკენ გარბო-  
და და თავის მზეთუნახავს გალავანს უკან მოფარებული ელოდებო-  
და. ანო, თითქოს მართლა მზეს ემაღლებო, სასახლიდან არ გამოდი-  
ოდა. მიქაელი იმედს არ ჰკარგავდა. დღეს თუ ხვალ ერისმთავრის  
კარზე დავწინაურდები, იქიდან ამირას სასახლეში გადავალ, შეიძლე-  
ბა ამიდიც კი გავხდეთ, ფიქრობდა თუკი ამირას სასახლეში ფეხს  
შედგამდა, მცხეთის მამასახლისს უფრო თამამად მიუგზავნიდა მამშ-  
ლებს. ახლა კი, ახლა მამამისის გამო წელგატეხილი იყო. მცხეთის მამასახლისი იოანეს შვილს ქალს ვერ გაატანდა, უბრალო ქართველმა  
მოხელემ ძლიერს ამირას ყურადღება დაიმსახურა — უფროსი ვაჟი,  
გუარამი დაუწინაურა, ჯერ მცხეთის უბანში ანდო ხარაჯის აკრეფა,  
შემდეგ მავლების უფროსობა დაავალა, ბოლოს სასახლეში წაიყვანა  
და მცირე ხაზინა ჩააბარა. მიქაელი გუარამის ბედს შენატროდა, რაკი  
ამირამ გუარამს მოწყალების თვალთ გადმოხედა, მცხეთის მამასახ-  
ლისის ძალა უცებ გაიზარდა ჯამათში, იმასაც ამბობდნენ მცხეთის



მამასახლისს ჯამაათის ნამდვილ წევრად აირჩევენო. სწორედ ამ დღის  
თავქედი \* შეეყარა და გარდაიცვალა. ამირამ მცხეთის მამასახლისად  
მისი მემკვიდრე გუარამი გამოგზავნა. გუარამს დიდ მოსახლეობა  
ნასწარმეტყველებდნენ, — ამირას სიძეობას უპირებდნენ. მიქაელი გუ-  
არამს კარგად იცნობდა, ისიც მამამისთან სწავლობდა მარიამწმიდამი,  
როცა ეს სკოლა დაშალეს, გუარამი ბაღდადს გაგზავნეს სწავლის გა-  
საგრძელებლად. ბაღდადიდან სულ სხვა გუარამი ჩამოვიდა, მიქაელ-  
სა და გრიგოლს ცალკეად ესალმებოდა, თავს მალლა სწევდა. ამირას  
სასახლეში პატივით მიღებულს, ყოფილი ნაცნობ-მეგობრები ბუზად  
ეჩვენებოდა. მიქაელი ამას ვერც ამჩნევდა. ოღონდ მისი დის ყურა-  
დღება დაემსახურებინა და სულ მთლად მოსამსახურედ დაუდგებო-  
და გუარამს.

გრიგოლს არ მოსწონდა არც გუარამის დაწინაურება ამირას კარ-  
ზე და არც მიქაელის ამჩატება სიყვარულის გამო. გრიგოლი სხვა  
გეზის აღებას აპირებდა ცხოვრებაში, მაგრამ ჯერ ვერ გადაწყვიტა,  
ჯერ მომზადებულად არ თვლიდა თავს.

ისინი გალავანს მოფარებულები იდგნენ და ელოდნენ, თვითონაც  
ვერ იტყოდნენ ვის ელოდნენ, რატომ ატუზულიყვნენ ზღუდე-გალა-  
ვანთან.

— წავიდეთ, უკან მიბრუნებას ვერ მოვასწრებთ, — უთხრა გრი-  
გოლმა მიქაელს.

— ცოტა კიდევ და წავიდეთ. — მიქაელი ჭიშკართან ტრიალებ-  
და და სამხერს ეძებდა. რამდენ ხერელს ნახავდა, ყველგან უნდა მო-  
ესინჯა, თვალი ზედ მიედო, იქნებ როგორმე ეზოში შეეჭვრიტა. ცხე-  
ნები გრიგოლს ეკავა სადავით.

თითქოს წინასწარ დაეთქვათო, ჭკისკარი სწორედ მაშინ გაიღო,  
როცა მიქაელი ზედ მიადგა. მსახურებმა კარი ფართოდ გააღეს. ძა-  
ძით მოსილი ქალები გამოვიდნენ იქიდან. ქალებს შავი თავსაბური  
სულ მთლად ჩამოეშვათ თავპირზე. მწუხარედ დაღუმებულნი, თავ-  
ჩაქინდრული მიდიოდნენ სადღაც, ალბათ სასაფლაოზე, როცა ძაძით  
მოსილებმა მიქაელს ჩაუარეს, უნებლიედ, თითქოს წამოცდაო, წაი-  
დუღუნა: ანო! შავით მოსილი გოგო შეჩერდა, თავსაფარი გადაიწია.  
პირისახე გამოაჩინა, თითქოს ბნელ ღამეში მზე ამოვიდაო, შუქიანი  
თვალები წამით მიაკყო მიქაელს და უმაღ დაიბურა ისევ სახე, შა-  
ვოსნებს შეერია.

\* ტინის ანთება.

მიქაელს ენა წაერთვა, გონება დაუბნელდა. გაქვავებული ირვა ერთ ადგილას და იქიდან იყურებოდა, საითაც შავოსნები თვალს მიუღწევდნენ, გრიგოლიც იქითვე იყურებოდა კარგა ხანს. გიგლინი

— წავიდეთ! — თქვა ბოლოს გრიგოლმა ხმადაბლა.

მიქაელს არაფერი ესმოდა ამ ქვეყნისა. ხელივით ატრიალებდა თვალებს, რაღაცას ლულულულებდა თავისთვის.

— მიქაელ! — ხელი მოჰკიდა და შეანჯღრია გრიგოლმა.

— გამიცინა, ხომ დაინახე, როგორ გამიცინა. მგონი რაღაც მი-  
თხრა კიდევ. მაგრამ მე ვერ გავიგონე. — პირი უცინოდა ჭაბუკს,  
გრიგოლმა თვალი მოარიდა. ანოს არც გაუცინია და არც არაფერი  
უთქვამს.

— ენახე კი, ენახე... — ჩაიღუღუნა, თან მისი ცხენის აღვირი მი-  
აჩეჩა ხელში.

მარჯვედ მოახტნენ ცხენებს.

მოულოდნელად მიქაელმა ცხენს მათრახი გადაუჭირა და გაქუს-  
ლა, გრიგოლიც მიჰყვა უკან, ხელად გაირბინეს მოგვთა უბანი და  
მტკვრის ნაპირებისაკენ დაეშვნენ. მიქაელი თავაწყვეტილი მიაჭენებ-  
და ცხენს, ხანდახან მოხედავდა მეგობარს, გრიგოლიც მისდევდა შო-  
რიანხლოს და შორიდანვე ეძახდა არაგვისკენო, არაგვზე უკეთესი ფო-  
ნი ეგულებოდა, მიქაელს არ ესმოდა გრიგოლის ხმა, ფონი არც უძებ-  
ნია, ყაჩაღივით შეაგდო ცხენი წყალში და გრიგოლს ხელი დაუქნია  
მომყევიო. მარჯვე ცხენოსანს უფონოდაც შეეძლო გასვლა, თუ მო-  
რევში არ ჩავარდებოდა, ზოგან წყალი ცხენს მუხლამდეც კი ვერ  
წვდებოდა.

მიქაელის ცხენი ერთი-ორჯერ მაინც ააცურა მდინარემ, გრი-  
გოლმა ფონი მოძებნა, ცხენიდან გადმოხტა, წულები გაიძრო, წესისა  
და რიგისამებრ ცხენს თვითონ შეუძღვა წყალში და შემდეგ მოახტა.  
ხელად გავიდნენ მეორე ნაპირზე და ჯვრის საყდრის გზას დაადგნენ.

შემოდგომის მზიანი დღე იწყებოდა. მზეს მცხუნვარება დაკარ-  
გოდა და მთვარეს უფრო ჰგავდა ვიდრე მზეს, ელვარება არ ჰყოფ-  
ნიდა, მაგრამ სიცხოველე შერჩენოდა. თბილი მზე ბიჭებს სიამოვნებ-  
დათ, დავიწყონდათ ერთდღიანი წამება შურტების დილეგში და ქვე-  
ყანა სამოთხედ ეჩვენებოდათ.

მიქაელს თვალწინ ანო ედგა და ანოს მზით იყო განათებული  
მთელი ქვეყანა, გრიგოლს კი ქართლის ცისა და მიწის ეშხი ატყვე-  
ვებდა, წმინდა მიწაზე ყოველ ხეს, ყოველ ბუჩქს სიყვარულით შეჰ-  
ფოფინებდა.



გაქაფული ცხენები საძოვარზე მიუშვეს, მოკლევადიანი მოქალაქეთა მოკლევადიანი სკოლისათვის იფიქრეს და მთის ბილიკს აუყვანენ ფეხით.

უკან თორმეტთა მოციქულთა ტაძარი რჩებოდა, წინ მთაზე დიდებულად აღმართულიყო ცხოველი ჯვრის საყუდარი.

მიქაელი წინ მიდიოდა, უკან აღარც კი იყურებოდა, გრიგოლს უნდოდა მეგობარი ამ ქვეყანაზე დაებრუნებინა და შეკითხვებს აძლევდა. მიქაელი „ჰო“, „არათი“ პასუხობდა.

— მიქაელ! — დაუძახა გრიგოლმა, გრიგოლი მცხეთას გასცქეროდა, მიქაელიც მობრუნდა, და გვერდში ამოუდგა. — იქ ძირს სიონია, — ხელს იშვერდა გრიგოლი თორმეტთა მოციქულთა სახელზე აგებულ სვეტიცხოველის ხის საყდრისაკენ, — ჩვენ მივდივართ გეთსიმანიის მტილით გოლგოთასაკენ. აგერ თაბორის მთაც, იქით ბეთანიაა, მცხეთა ქართველთა იერუსალიმია.

მიქაელი გატრიალდა და წავიდა, ყური აღარ დაუგდო მეგობარს. კარგა ხანს მიდიოდნენ მუნჯად. მათი გზები უნდა გაყარილიყო, გრიგოლს თუ სამშობლოს სიყვარული სწვავდა, მიქაელს ანოს სიყვარული არ ასვენებდა. მიქაელი ანოს გულისათვის ყველაფერს დათმობდა, გრიგოლი სამშობლოს გულისათვის იყო თავგადადებული. რაც მათ თიშავდათ, სწორედ იგივე აერთებდათ — სიყვარული. ორივეს გატაცებით უყვარდა.

— კაიაფას მხედრობა! — შესძახა უცებ გრიგოლმა. მიქაელმა მთის ფერდობზე შეფენილი ტყისაკენ გაიხედა. იქ არაბ მოლაშქრეებს დაეცათ კარავი.

— გეთსიმანიის მტილში იესო, მაცხოვარი ჩვენი, კაიაფას მხედრობამ შეიპყრო... — განაგრძობდა გრიგოლი, მაგრამ მიქაელი არ უსმენდა, მას თავისი საფიქრალი გასჩენოდა.

— მიქაელ, — კვლავ დაუძახა გრიგოლმა, მიქაელი შეჩერდა და მოიხედა, გრიგოლი მიეახლა, თითქოს საიდუმლო უნდა გაანდოსო, უთხრა:

— მე მინდა ჩვენ ერთად ვიყოთ...

— განა ერთად არა ვართ?..

მიქაელი ატყობდა, რომ გრიგოლს ენაზე მომდგარი სიტყვა აწუხებდა, თქმა ვერ გაეხედა.

— ერთად ვართ და მაინც არა ვართ ერთად.

— არ მესმის რას მეუბნები.

— მიქაელ! მე სხვანაირად არ შემიძლია... — კვლავ ყოყმანით თქვა გრიგოლმა.



— რაო, მოგაგზავნეს? — უცებ იკითხა მიქაელმა და <sup>ნახე ბირო?</sup>  
ტად მოღუშა.

— მომაგზავნეს? — შეცბა გრიგოლი, — შენ რა, <sup>მარტენუში</sup> იცნობს <sup>მარტენუში</sup> მარტენუშს?

— ყველამ ყველაფერი იცის, — თქვა მიქაელმა ცივად და <sup>წინ წა-</sup>  
ვიდა, — მე არ მსურს თქვენთან ვიყო. — მოაძახა მოულოდნელად.

— რა იცი შენ? ან საიდანც იცი? — გამოუდგა გრიგოლი.

— მე კი არა, უკვე მთელმა ტფილისმა იცის, ქართველი ხალხი  
არ მიიღებს მონაწილეობას თქვენს შეთქმულებაში, მე ჩემს ხალხთან  
და მის ერისმთავართან ვარ, ჩვენ არ გვჭერა თქვენი...

გრიგოლმა ყურებზე იტაცა ხელი. კარგა ხანს იდგა ერთ ადგილას  
გაოგნებული. მიქაელი რაღაცას ბურტყუნებდა თავისთვის. ბოლოს  
ისიც შედგა, გრიგოლს დაელოდა. მიქაელი გრიგოლს გამომცდელად  
უყურებდა. ბოლოს თვალები ეშმაკურად აუციმიციმდა და დამცინავად  
ჰკითხა:

— შენ რას გავალებენ, ლაშქრის რომელ ფრთას უნდა წარუ-  
ძღვე?! კუმ ფეხი გამოჰყო, მეც ნახირ-ნახირაო, — ჩაიცინა მიქაელმა,  
შემდეგ გრიგოლს ყურში ჩასჩურჩულა, — თუ შენ მართლა გინდა  
ჩვენ ერთად ვიყოთ, დაანებე ბიძაშენს თავი, სტეფანოზი მე ამირას  
სასახლეში მპირდება გადაყვანას, ჩემს ადგილას შენს თავს მივადე-  
ბინებ.

— არა! — თქვა მტკიცედ გრიგოლმა, მე ტაო-კლარჯეთს მივდი-  
ვარ...

— ესეც ახალი ამბავი! აკი შეთქმულების მონაწილე ვარო. რა  
გინდა ტაო-კლარჯეთს?

— იქიდან ვიწყებთ.

— რას იწყებთ იქიდან?

— ქართველთა აღდგენას, აი, ეს იწყებს. — გრიგოლმა უბიდან  
მოზრდილი ჯვარი ამოიღო და მიქაელს უჩვენა.

მიქაელმა გადაიხარხარა.

— რა გაცინებს, შენც უნდა წამოხვიდე, მამაშენი გვაგზავნის. —  
თქვა უცებ გრიგოლმა და მიქაელი ელდანაკრავივით შედგა.

— მამაჩემი?!

— მე და შენ, — უთხრა ამაყად გრიგოლმა. — კათალიკოსმა იცის.

— ჩემთვის არაფერი უთქვამს. — დაფრთხა მიქაელი.

მიქაელმა იცოდა, რომ ნერსეს სასახლეში საეჭვო ფაცაფუცი  
იყო ამტყდარი, მაგრამ დაჯერება არ უნდოდა, „მამაშენი გვაგზავნი-  
სო“, ავისმომასწავებელი იყო ეს ამბავი. თუკი გრიგოლს ჩააცივდე-



ბოდა, ყველაფერს ათქმევინებდა, მაგრამ არ უნდოდა მეტის გვეყიდა, რახან საკუთარი მამა უმაღლავდა, ეს იმას ნიშნავდა, რომ შეთქმულება ნამდვილად მზადდებოდა და საზარელი სისხლისღვრა დაიწყო. „ნეტა კლარჯეთში რისთვის მიდიან“, ფიქრობდა თქვენი თვის მიქაელი. „რის აღდგენას ვიწყებთო, რა უნდათ, რატომ არ ისვენებენ“, — დაყინებით ფიქრობდა ჭაბუკი და თავჩაღუნული მიდიოდა აღმართზე. ანოც გადავიწყნოდა, ის ბედნიერი წამებიც, წელიწადი რომ განიცადა და შეჭირვებული, შეწუხებული მამაზე ფიქრობდა.

აღმართი ამოათავეს.

მონასტრის გალავანს რომ მიუახლოვდნენ, ჯერ გაკვირვებულები შედგნენ, შემდეგ თავზარდაცემულები გაქანდნენ კარისაკენ. შუბოსნები დაეყენებინათ დარაჯად. თვალს არ უჯერებდნენ, ერთმანეთს შესცქეროდნენ გაცოცხლები და შეშინებულები: ჯაჭვის ეკლესია აეკლოთ, კარები ჩამოეგლიჯათ და ცხენები შიგ ფრუტუნით შედიოდნენ. მცირე საყდარიც გაეძარცვათ და ბერების სენაკებიც.

„სულ უარესის მოლოდინში უნდა ვიყოთ“, — გაიფიქრა მიქაელმა, მას ჯერ ის ვერ მოენელებინა, რაც გრიგოლმა შეატყობინა და უცებ ასეთი მეზი დაატეხეს თავზე!

„ეს კი მეორედ მოსვლის დაწყების ნიშანია“, — ფიქრობდა გრიგოლი და შეშინებული აქეთ-იქით იყურებოდა, უფრო საზარელი კიდევ ხომ არაფერი გამოჩნდებოდა.

შუბოსანს შიშით მიუახლოვდნენ, პირჯვარი გადაიწერეს და ეზოში შესვლა დააპირეს.

— უკან! — უთხრა მათ შუბოსანმა მკაცრად.

ყმაწვილები შედრკნენ. გაფითრებულები ლულულუს მოჰყვნენ არაბულად.

— მაინც რრრრა... დანაშაული მიგვიძღვის ღვთის წინაშე. — ენა დაება მიქაელს.

— ამირას ბრძანებაა, — მიუგო შუბოსანმა.

— ბერები სად არიან? — ჰკითხა გრიგოლმა.

— არ ვიცი, ამირას ბრძანებაა... — თქვა ყინჩად შუბოსანმა.

გრიგოლმა ერთხელაც შეიხედა გალავნის შიგნით. მთელი რემა შეერეკათ შიგ და თივა დაეყარათ. ჩონჩორიკისა და ცხენის ოფლის სუნი გამოდიოდა იქიდან, თივის ხრამუნის და ხეივანის მოისმოდა.

— როდის მოხდა ეს? — ჰკითხა გრიგოლმა შუბოსანს.

შუბოსანმა ხმა არ გასცა.

— გეკითხები, როდის მოხდა-მეთქი!

— არ ვიცი, ამირას ბრძანებაა! — დაიღრიალა შუბოსანმა და გრიგოლს შუბი მოუღირა, ბევრს ნუ ლაპარაკობო.

— შეიპყრეს! — აღმოხდა მიქაელს და სასოწარკვეთილად მიწაზე დაემხო. გრიგოლმა უკან დაიხია და შუბოსანთან დავა შეწყვიტა და დაძაბუნდა — იქნებ რამე შევასმინოო.

— რა ბრძანა ამირამ, გავგავებინეთ, ეს ხომ ჩვენი სალოცავია?!

— არ ვიცი, არ შეიძლება.

— ბერები სად არიან, ჩვენ სხვა არაფერი გვინდა, — შეეხვეწა გრიგოლი დარაჯს, — ამ მოყმის მამა იყო აქ, სად წაიყვანეთ, ეს მაინც გვითხარი, ვაუკაცი არა ხარ?

— აქ ბერები არ არიან, თავლაა! — ხმას აუწია შუბოსანმა.

— თქვენ მარტო ხართ აქ თუ სხვებიც არიან? — გრიგოლმა გაიხედ-გამოიხედა გარშემო, იქნებ სხვა ვინმემ გამცეს ხმა ადამიანურადო.

— გაიარე-მეთქი! — კვლავ წინ გადაუდგა შუბოსანი.

სენაკის კარმა გაიჭრიალა და იქიდან ტანსრულმა, თავმოტვლებილმა არაბმა გამოსძახა შუბოსანს:

— მოაშორე ეს ღლაპები აქაურობას, თორემ თავებს დავაყრევი-ნებ!

გრიგოლმა მიქაელს გახედა. მიქაელი თავდაღმა დამხობილიყო, ტიროდა და სიმწრისაგან თუ შიშისაგან მიწას ჭამდა.

უცებ გრიგოლი გაექცა შუბოსანს. გადადგა მთის თხემზე, მცხეთისკენ ქნა პირი და თითქოს მთელ საქართველოს საშველად ეძახისო, ჭაბუკური ხრინწიანი ხმით ყვირილი მორთო:

— ქრისტიანებო! ქართველებო!

კიდევ რაღაც სიტყვები ამოიხრიალა, მაგრამ აღარ დასცალდა, მონასტრის ეზოდან შუბოსნები გამოვარდნენ, მისცივიდნენ გრიგოლს, ხელები უკან გადაუგრიხეს, თვალისდახამხამებაში შეკრეს და ფერღობზე კუნძივით დააგდეს.

მიქაელმა ერთი გახედა მეგობარს, მიშველება არც კი უფიქრია. ტიროდა, მოთქვამდა, მიწას ჭამდა, და თავზე იყრიდა იობივით. ხელფეხშეკრული გრიგოლი პირაღმა იწვა მიწაზე და ხმას არ იღებდა, მხოლოდ მხრები უთახთახებდა, ისიც ტიროდა ჩუმად.

ბოლოს მიქაელი მისკენ გამოხოხდა და გვერდით მიუწვა. შუბოსანი გალავნის წინ იჯდა. შუბი კედელზე აეყუდებინა; უაზროდ იცქირებოდა სადღაც, ხანდახან გასცემდა ხმას მეორეს, ვინც წელან დაეხმარა გრიგოლის შეკვრაში და კვლავ გალავნის გადაღმა შეიძალა.

სენაკიდან ეძახდა. რაღაცას თხოვდა იქიდან. შუბოსანი წამოდგომას არ აპირებდა, დაღლილიყო გრიგოლთან ძიძგილაობაში.

მიქაელი წამოდგა. ბარბაკით მივიდა შუბოსანთან, ~~მხრინს უკერი~~ თი დინარი ამოიღო და გაუწოდა. შუბოსანმა გამოართვა, ~~მისთვის მისკან~~ იდო, კარგად აათვალიერა-ჩაათვალიერა მიქაელი, თითქოს მძიმე გადაწყვეტილება უნდა მიიღოსო, ღრმად ჩაფიქრდა. ბოლოს, როგორც იქნა, ხმა გაიღო:

— ფეხებს შეეუხსნი მხოლოდ.— თქვა და წამოდგა. დანა ამოიღო. თოკი ერთგან გადაჭრა, შეუხსნა ფეხები, ხელები ზურგს უკან შეკრული დაუტოვა და ორივე მკაცრად გააფრთხილა:

— გაიპარეთ, გზაში არ იყავანოთ! მიქაელმა გრიგოლს მკლავზე მოჰკიდა ხელი და ტუსალივით წაიყვანა. თავდაღმართზე დაეშენენ, უტევანზე გასცილდნენ თუ არა მონასტრის ეზოს, მიქაელმა გრიგოლს ხელებიც შეუხსნა და სულმოუთქმელად ჩაირბინეს თავდაღმართი. ხელათ მოახტნენ ცხენებს და მცხეთისაკენ გაქანდნენ, პირველ ყოვლისა, მღვდელმთავრისათვის უნდა მოეხსენებინათ საზარელი ამბავი და შემდეგ სტეფანოზისთვის.

სამოელ ქართლის კათალიკოსის კარზე მიქაელსა და გრიგოლს უთხრეს, რომ კათალიკოსმა იცის ჯვრის მონასტრის აკლესიის ამბავი და თბილისს არის წასული ამირასთან მოსათათბირებლადო.

— იოანე, იოანეს რა უყვეს? — ჰკითხეს ხსართან მღვდელს ბიჭებმა.

— სწორედ იოანეს ეძებენ ურჯულოები, იმიტომაც აიკლეს მონასტერი, — მიუთვო ხსართანმა.

— არ შეუბყრიათ? — გაიკვირვა მიქაელმა.

— არა, ვერ მოასწრეს.

ბოლოს ხსართან მღვდელმა მიქაელი გვერდით გაიხმო და საიდუმლოდ უჩუბრჩულა:

— ამბობენ, მამაშენი ნერსეს დავალებით ხაზარეთში წავიდაო.

მიქაელი გაფითრდა, ერთბაშად წარმოიდგინა, თუ რა მოჰყვებოდა ამ ამბავს და მიწისფერი დაედო. გაახსენდა რამდენი აწვალეს შურტებმა იმისათვის, რომ დაედგინათ, თუ როდის ნახა უკანასკნელად მამა. „თურმე წასული ყოფილა“, — ფიქრობდა მიქაელი. წანარებთან წასვლის ამბავიც წვრილად გამოჰკითხეს, მიქაელმა არაფერი იცოდა, გარდა იმისა, რომ მამა წანარეთს ეკლესიის დავალებით იყო წასული. შურტები კი ეკითხებოდნენ, ვინ არიან შეთქმულების მონა-

წილენი, გარდა წანარებისა, კიდევ ვისთან იყო მამაშენი მოსათაობი-  
რებლადო.

მიქაელი ამაზე ცხარობდა და შურტებს კანონით დამსჯილად  
ემუქრებოდა. მართალია, იოანე რაც ბერად შედგა, მთელი საქართველო  
შემოიარა, ტაო-კლარჯეთშიც იყო, კახეთ-კუხეთშიც, შავშეთსა  
და ჰერეთშიც, მაგრამ მიქაელს შეთქმულების თაობაზე, მართლაც,  
არაფერი გაეგონა.

როცა მღვდელმსახურმა უჩუროხულა: მამაშენი ნერსეს დავალებით  
ხაზარეთს წასულაო, ენიშნა, ვაითუ შურტების ეჭვი გამართლდესო.  
თვითონაც შეიპყრეს ეჭვებმა.

გაოგნებულსა და გაფითრებულს გრიგოლი მიუახლოვდა, შეანჯღ-  
რია და როგორც მომაცვდავს, ჩასძახა:

— რა მოგივიდა, მიქაელ?

— აბოს გამო კი არა, თურმე მამაჩემის გამო გვაწვალეს. — ყრუდ  
ამოიბუბუნა მიქაელმა, თითქოს სამარიდან ამოიძახაო. იქვე უთხრა  
გრიგოლს, რაც მღვდელმსახურმა უჩუროხულა და ცოცხალ-მკვდრები  
გამოვიდნენ საკათალიკოსოდან.

ჯვრის მონასტრის აკლემამ ცხვარევით მშვიდი და წყნარი კაცი  
სტეფანოზიც გაამძინვარა. დატოვა თავისი სასახლე და ამირასთან  
ჩიქურ, თითქმის უკითხავად შეიჭრა.

სამოელ კათალიკოსიც იქ დახვდა, ისიც გაგულსებული და აღშ-  
ფოთებული მოვარდნილიყო. ამირა მშვიდად იჯდა ტახტზე და იქედ-  
ნურად შესცქეროდა საომრად შემართულ ქართველებს.

— მაჰმადიან მსაჯულებს შორის ყველაზე სამართლიანო, დიდო  
მსაჯულო, შორიათისა და მაჰმადის სჯულის ცოდნით ამაღლებულო,  
მზე ხალიფასაგან უხვი წყალობით გამორჩეულო, ჩვენო ბატონო,  
მფარველო და მწყალობელო.

სამოელ ქართლის კათალიკოსი ფეხზე იდგა. ხელთ მღვდელმთავ-  
რის კვერთხი ეპყრა, ლიტონად შავი სამონაზონო მანტია მოესხა და  
ძვირფასი თვლებით შემკული ოქროს მიტრა ეხურა.

მართალია, ამირას ტიტულებს კათალიკოსი ქრისტიანული სიმ-  
შვიდითა და მორჩილებით წარმოთქვამდა, მაგრამ სახეზე აღბეჭდოდა  
სიამაყე და ღირსება მღვდელმთავრისა, ჩაცმულობა, სიტყვა-პასუხი  
და თვით გარეგნობაც რიდსა და კრძალვას იწვევდა.

სტეფანოზი გვერდით ედგა მღვდელმთავარს და ყოველ მის სიტყ-  
ვას გუნებაში სასწოროზე წონიდა, ხან ამირასაკენ ვადაიხრებოდა სას-  
წორო, ხანაც კათალიკოსისაკენ.

— სამწყსო ჩემი მორჩილია განგების ნებისა, — დინჯად ჰყვებოდა სამოელი. — რამეთუ უფალი ჩვენი გვასწავლის: „რომელმან გვესმენ ყურიმალსა შენსა მარჯუნესა, მიუპყარ მას ერთგულსა მისსა“.

სამწყსო ჩემი ერთგულია აღმოსავლეთისა და დასავლეთისა ბელი, მძლეოთა მძლე ხალიფასი, რამეთუ უფალი თქვენი გვასწავლის: „დაემორჩილეთ ალაჰს, დაემორჩილეთ მოციქულს მისას და იმათ თქვენ შორის, ვისაც აქვს ძალაუფლება“.

სამწყსო ჩემი უშფოთველია, გადამხდელი ხარაჯისა, ჯიზიასი, უმრისა, სადაქასი... ყველა საარაბო ხარკისა, რამეთუ მთელი დედამიწის მეუფე ხალიფა იცავს მას მტრებისაგან.

სტეფანოზი კმაყოფილი შესცქეროდა კათალიკოსს, იცოდა, რომ ჰქვიანი კაცი იყო. მაგრამ ამ საბედისწერო წუთებში მოქნილობა და გამჭირიანობა უნდა გამოეჩინა.

სამოელი აღშფოთებდასა და გულისწყრომას მოხერხებულად მალავდა. დამაჯერებელ სურათს ხატავდა იმისას, თუ რა ერთგული იყო ქართველი ხალხი თავისი მბრძანებლისა, მბრძანებელი კი, სამოელის სიტყვით, ზოგჯერ ზოგიერთთა უზნეობის გამო უსამართლოდ ექცეოდა ჰქვეშევრდომს.

— თქვენ უკეთ უწყით, მოწყალეო ხელმწიფევე, მრისხანე მურვან იბნ-მუჰამედი საქართველოში ასოციათასიანი ლაშქრით შემოიჭრა, შემუსრა ქალაქები და ციხეები, გაჟლიტა მოსახლეობა, უდაბნოდ აქცია სოფლები, სისასტიკის გამო ხალხი მას დღესაც „მურვან ყრუს“ ეძახის.

სწორედ ის, რაც მურვან ყრუმ არ იკადრა, იკადრა ზოგიერთმა ხალიფას სახელის შემარცხვენელმა თქვენმა მოხელემ. გაძარცვეს, აიკლეს და თავლად აქციეს ხალიფა მაჰდის ერთგული ერის წმიდა ალავი, საარაბო ხარკის მორჩილად და კეთილსინდისიერად გადამხდელი ხალხის ძველისძველი სალოცავი ჯვრის მონასტერი.

მე მჯერა, რომ თქვენ ამის თაობაზე არაფერი იცით. შურტათ-მთავარი ჰაჯიჯ იბნ-ალ ბაბაქი ქართველი ერის დაუძინებელი მტერია. ის ამზადებს შეთქმულებას ჩვენს წინააღმდეგ. რათა ახალი ხოცვა-ჟლეტა გამართოს. თქვენ ალბათ გახსოვთ თუ ვინ არის ჰაჯიჯ იბნ-ალ ბაბაქი?

უცებ ჰკითხა კათალიკოსმა ამირას და პასუხს დაელოდა. არც ამირამ და არც სტეფანოზმა არ იცოდნენ შურტათმთავრის ნამდვილი ვინაობა. ამირას ყური მოეკრა, ბაბაქები ომაელთა ერთგული მსახურნი იყვნენ, აბასელები არ ენდობიან და თბილისში ამიტომ გამოგზავ-

ნესო. ეს ზღაპარს უფრო ჰგავდა, ვიდრე სინამდვილეს და ამირას რადღება არ მიუქცევია. ახლა კათალიკოსმა რომ იკითხა ბაბაქის ნაობა, ყური სცქვიტა ამირამ, მოხუცმა ახალი ხომ არაფერი მოცულობა

— არა, არ მახსოვს ვინ არის! — ცივად მიუგო ამირამ.

— ჰაჯიჯ იბნ იუსუფის შთამომავალია, ვინც ლოდმტყორცნელ-ბით დაანგრია ქააბას ტაძარი. თავისი სისხლისმსმელი პაპის სახელი ჰქვია — ჰაჯიჯი. ბაბაქები არა მარტო ქრისტიანების, ჭეშმარიტი მუსლიმების მტრებიც გახლავთ, მათ სისხლში გაჯდომიანთ წმინდა ტაძრების დანგრევა. საუუუნის წინათ ერთმა ბაბაქმა მაჰმადის წმიდა ტაძარი დაანგრია, დღეს კიდევ ქრისტეს წმიდა საყოფელი აქცია თავლად მისმა ნაშიერმა. რისთვის, რა დაეშავეთ? არსად, არც ერთ სიგელში არ გვიწერია სალოცავების თავლებად გადაქცევა!

სტეფანოზმა, მართლაც დიდი უსამართლობაა ჩადენილიო, დაასკენა და უცებ მოურიდებლად ჩაერია საუბარში.

— მსაჯულო და გამგებელო ჩვენო, დიდო ამირავ თბილისისა და სრულიად ქართლისა! ის საყდარი ჩვენი სალოცავია — ქართლის ერისმთავრებისა, ჩემი წინაპრების აშენებულია. თუ ბაბაქები წმიდა საყდრებს ანგრევდნენ, ჩვენ ვაშენებდით. როგორც ერისმთავარი, მოვითხოვ ჩემი საკუთარი საყდრის აღდგენას და დამნაშავეს დასჯას.

სტეფანოზი შეჩერდა. მოეჩვენა, რომ გადააჭარბა, სიფიცხე და თავმოყვარეობა ხელად დათრგუნა, მბრძანებელს ქედი წაუხარა და თავის ჭკუით გულითადად თხოვა:

— თქვენ უნდა გვიშველოთ, დიდო მსაჯულო, ნუ გააგებინებთ ამ ამბავს ბაღდადს, სისხლისღვრა გვაკმარეთ, დამნაშავე მოგვეციოთ და სამაგალითოდ ჩვენ თვითონ დავსჯით.

სტეფანოზმა ამირას წინაშე მუხლი მოიყარა და თავი ჩაქინდრა.

— თქვენ დაამთავრეთ? — ჰკითხა ამირამ სტეფანოზს.

— დიახ.

— არა, — თქვა სამოელმა, — მე არავის დასჯას არ მოვითხოვ, დიდო მსაჯულო და გამგებელო ჩვენო! ქართველმა მღვდლებმა თქვენთან გამომგზავნეს მხოლოდ იმისათვის, რომ შეგატყობინოთ, თუ როგორ განუდგა უფალს თქვენსას თქვენივე მრევლი. ისინი ალაპის ნებას არ ასრულებენ. ალაპი არ ბრძანებს ქრისტეს სალოცავები დაანგრიეთო. ალაპი მოწყალეა და შემწყნარებელი.

ჩვენ თავმოდრეკილი ვდგავართ თქვენს წინაშე და ყვრიმალცი მზადა გვაქვს საცემრად, მაგრამ უსამართლოდ ცემის ნებას არ გაძლევთ უფალი თქვენი — დიდი ალაპი. იგი გასწავლით: „უსამართლობა არ

ჩაიდნოთ, ვინაიდან ღმერთს უსამართლონი არ უყვარან. კეთილი ჰქმენით, ვინაიდან ღმერთს უყვარან კეთილის მყოფელნი“.

თქვა სამოელმა და დადუმდა. ყურანის ენაზე მოლოდინს უკმა-ლიკოსის მოთხოვნას მეტი ძალა ჰქონდა, ვიდრე სტეფანოსის სვეცხმამუდარას.

ხომ ალაპის სახელით ბრძანებდა სამართლიანობის აღდგენას მწყემსთმთავარი, ამირას გულზე მოხვდა სწორედ მისი ნამკვეერი და არა სტეფანოსისა, თუმცა დამნაშავეთა დასჯა ერისმთავარმა მოითხოვა მტკიცედ და თავიც შესაფერისად მოიდრიკა.

კათალიკოსს ეწადა სამართლიანობის, კეთილმოყვარეობის, პატიოსნებისა და წესიერების აღდგენა, ერისმთავარს კი პირადი საკუთრების დაბრუნება.

კათალიკოსი ლაპარაკობდა ერისა და ღვთის სახელით, ერისმთავარი კი მხოლოდ თავისი სახელით. ცხადია, ამირას კათალიკოსისათვის უნდა გაეცა პასუხი, სწორედ ერისა და ღვთის სახელით დაემტკიცებინა სიმართლე.

— მეუფება ალაპისაა, დიდ არს ალაპი და ალაპის სახელით, ალაპის ნებით ვიქმთ ყოველივეს, ვაქებდეთ ღმერთსა, ქვეყნის მეუფესა, მოწყალესა, შემწყნარებელსა...

ამირამ ისეთი სიმშვიდით დაიწყო, თითქოს არაფერი მომხდარიყო საამიროში, თითქოს მართლა სიწყნარე და კეთილგანწყობა სუფევდა მთად და ბარად. თვითონაც მაინცდამაინც არაფერი აწუხებდა. მოწუწუნე ქართველებთან სადავო არც არაფერი ჰქონდა.

— სასიამოვნო იყო თქვენი მოსმენა, თქვენი პირი სიმართლეს ლაღდებდა, თქვენ ბევრი რამ ჭეშმარიტი ბრძანეთ. მაგრამ ჩვენი საუბარი დღეს მაინც არ შედგება, მზად არა ვართ ღვთის სახელით ვილაპარაკოთ. არ ვიცით რაზე ვიმსჯელოთ. სწორი განსჯა კი მსაჯულისაგან მოითხოვს ცოდნას. თქვენ ერისმთავარი ბრძანდებით, — ამირამ სტეფანოსს გაუყარა თვალი თვალში, — არ იცით კი სად არიან თქვენი ერისთავანნი... თქვენ კიდევ ერის სულიერი მამა, — ახლა სამოელს მიუბრუნდა ამირა, — არც თქვენ იცით, სად დაწინაწლებს თქვენი მსტოვარი ბერი.

ამირა უცებ გაჩუმდა და გამომცდელად დაუწყო ყურება სამოელს.

— მე არ მითქვამს არ ვიცი-მეთქი, — მოულოდნელად მშვიდად მიუგო სამოელმა, სტეფანოსიც კი შეცბა, შეეშინდა კიდევ, სამოელს სასოწარკვეთილმა შეხედა, რის თქმას აპირებო.



— ბერი იოანე ჩემი დავალებით არის აფხაზეთს, მცხეთას და სხვა ადგილებს მივუბრუნებ. თხი მირონი წაიღო ქართველთა საზიარებლად.

— ცრუობ! — შესძახა ამირამ და შეეტყო, რომ გაცემის დროს მისი სამარისებური სიჩუმე ჩამოვარდა. სამოელს წარბიც არ შეტოკებია, ვითომც აქ არაფერი იყო, წელანდებური სიმშვიდით განაგრძო საუბარი:

— მრისხანება პატრონს და გამგებელს არ შეჰფერის, დიდო მსაჯულო. მეცა და ბერი იოანეც იმის ცდაში ვართ, მცხეთას დავუმორჩილოთ ყოველი ქართველი, რაკი მცხეთა და თვით ქართლის კათალიკოსი თქვენი მონა-მორჩილია, მაშ, ჩვენი მცდელობა ხალიფატს მოუტანს სიკეთეს.

ლაზიისა და ქალდიის საეპისკოპოსოებს, თვითონ აფხაზეთის საკათალიკოსოს დღეს იონთა პატრიარქი განაგებს, მაშინ როცა ეს მხარე ჩვენი სამწყსოა და თქვენი საყმო. ქართულ ეკლესიაში უნდა ლოცულობდეს ქართველი ხალხი და საღეთოსთან ერთად საარაბო შესაწირავიც უნდა მიჰქონდეს. აი, რა მისიით „დაწანწალებს“ ბერი იოანე წანარეთს, კახეთს, ჰერეთს. დღეს კი ამვე დავალებით აფხაზეთშია. მცხეთის მირონი უნდა წავცხოთ მთელ საქართველოს და უძლეველ ხალიფას დავუმორჩილოთ ამერ-იმერი. განა ამისათვის აქლება გვეკუთვნის?!

სამოელი მართალს ამბობდა, იოანე მართლაც დადიოდა მთად და ბარად და კათალიკოსის დავალებას ასრულებდა, მაგრამ მას სხვა დავალებაც ჰქონდა, ეს ეჭვად იცოდა სტეფანოზმა, იცოდა ამირამაც, სამოელმაც იცოდა, თუ რა ზრახვა ედო გულში ამირას, როცა მას ვითომდა მშვიდად ელაპარაკებოდა. მაგრამ ეჭვი და გულისზრახვა ერთი იყო, საქმე კი სხვას ღალატებდა, ვერც სამოელს და ვერც იონანეს ხალიფატის ერთგულებაში თვით ამირაც კი ვერ დასდებდა ბრალს. ისე ჩანდა, ისინი ქართული ეკლესიის ერთიანობისათვის იბრძოდნენ, მხოლოდ და მხოლოდ იმისათვის, რომ მეტი მორწმუნე მონა-მორჩილი ჰყოლოდა ხალიფატს და საარაბო ხარკიც მეტი გადაეხადათ.

— მაშ, თქვენი აზრით, თქვენ ანგელოზები ბრძანდებით და ჩვენ ყაჩაღები? — ფეხზე წამოიჭრა ამირა, გაქანდა, დარბაზის სიღრმეში, სადღაც კუთხეში დადგა რატომღაც, თითქოს იქიდან უნდა გამოქანდეს, როგორც ავაზა დააცხრეს სამოელს და ლუქმა-ლუქმად დაგლიჯოსო.



— რაც დღეს თქვენს ქვეყანაში ხდება, თქვენ, ქვეყნის მესვეურთ, მიგაჩნიათ სწორად?

სამოელმა სტეფანოზს შეხედა. სტეფანოზმა თავი ჩაუხრია და დაადა. გამოცდილებით იცოდა, ამირასთან კამათს აზრი არ ჰქონდა.

— ეკლესია-მონასტრები გადააქციეთ შეთქმულების ბუდედ, ერთ-გულ მუსლიმებს გზა-კვალს უბნევთ, მამულსა და სჯულს ატოვებინებთ და თავი კვლავ ხალიფას ერთგულად მოგაქვთ? შემოიყვანეთ! — ბრძანა ამირამ და თითქოს იქვე, კარს უკან პყავდათ დამალულიო, შუბოსნებმა თავდახრილი მამა ონოფრე შემოიყვანეს. შეშინებული ბერი თვალებს აცეცებდა, ჭაღარა წვერს აცანცარებდა და ფეხათრეული მოდიოდა. მამა ონოფრე მამა იოანეს ერთ-ერთი მედასე გახლდათ, ჭეშმარიტი ღვთისმოსავი. მარად მოფსალმუნე მონაზონი. სამოელს უყვარდა მამა ონოფრე. ენდობოდა კიდევ. ამირამ ისეთი კილოთი ბრძანა მამა ონოფრე შემოიყვანეთო, სამოელსა და სტეფანოზს თავზარი დაეცა, ვაითუ ბერიკაცი გატეხეს და უკეთური ათქმევი-ნესო.

მამა ონოფრემ მღვდელმთავარი და ერისმთავარი რომ დანახა, ორივეს ფეხებში ჩაუვარდა და ბისონის კალთებზე კოცნა დაუწყო. სამოელმა ძვირფასი თვლებით მოოჭვილი ჯვარი გაუწოდა, მამა ონოფრე ჯვარმა ხელად მოიყვანა გონს, წესისამებრ პირჯვარი გადაისახა, ემთხვია და ლოცვას მოჰყვა, შემდეგ ამირასაკენ გააპარა ქურდულად თვალი, შიშისაგან აკანკალებულმა რაღაც გადაწყვიტა. სასოწარკვეთით ამოიხრიალა: არ ვიცი, სად არის მამა იოანეო და კვლავ თავდაღმა დაემხო იატაკზე. ამირა დინჯი ნაბიჯებით წამოვიდა მისკენ, თავზე დაადგა და მსახურებს გასძახა:

— შემოვიდეს ბაბაქი!

ჰაჯიჯ იბნ-ალ-ბაბაქი შემოვიდა, სტეფანოზსა და სამოელს მიესალმა და ისიც თავზე დაადგა მამა ონოფრეს.

— ხომ გვითხრა ამან იოანე ხაზარეთშიაო, — თითი დაუმიზნა მამა ონოფრეს ზურგს ამირამ.

— დიახ, გვითხრა.

— რატომ გადათქვა? უნდა მიპასუხოთ, რატომ გადათქვა, — თქვა ამირამ და თავისი ადგილი დაიკავა.

— ერთი კვირაა იოანე თვალთ არ მინახავს, — შესძახა მამა ონოფრემ. — არ მიჯერებენ, მაწამებენ ტყუილ-უბრალოდ, მამავ, ნეტარო! — ახლა კათალიკოსის კვერთხს მოებლაუჭა მოხუცი, — წმინდა გიორგი გამიწყურეს, სვეტიცხოველის მადლი წამიწყდეს, თუ ვიცო-

დე სად წავიდა იოანე. თვითონ მეუბნებიან ასე თქვი: ხაზარეთს წავიდაო.



საქმეების წიგნი  
მეცხრე მარტვილი

— დანარჩენები სად არიან? — ცივად იკითხა კათალიკოსს.  
— აქ არიან გვემუღნი და შებილწულნი!.. — მამა ონოფრემ მღვდლარე ცრემლით ტიროდა, კათალიკოსს ფეხებზე ეხვეოდა და ტერფებს უკოცნიდა.

— თუ იოანეს დანაშაული მიუძღვის, დაე, დაისაჯოს იოანე! — თავი ვერ შეიკავა სტეფანოზმა, — ამ საწყალ ბერებს რას ვერჩიო? ან მონასტერს რას ვემართლებით!

— „საწყალ ბერებს?“ — გადაიქირქილა ჰაჯიჯ იბნ-ალ-ბაბაქმა, — სწორედ თქვენი ბერები, ეს გადაცმული ჯაშუშები გახლავთ ჩვენი დაუძინებელი მტრები. აი, ეს „საწყალი“ გაიძვერა, თვითონ მოვიდა ჩვენთან, იოანე ნერსეს დავალებით ხაზარეთს წავიდაო, შემოგვჩივლა, ახლა კი სხვაგვარად ჭიკჭიკებს! შეგეშინდა?

— ტყუის! — იყვირა მამა ონოფრემ, — ქრისტიანებო, ცილს მშაგებენ!

— გაიყვანეთ! — შესძახა ფიცხად ამირამ. შუბოსნები მამა ონოფრეს მისცვივდნენ და ძალით წაათრიეს.

— ვთქვათ, თქვენ მართალი ხართ, — წინ დაუდგა სამოელს ტანდაბალი ამირა, — იოანე არ არის ხაზარეთს წასული. სულ ერთია, ჯვრის საყდარი თავლად დარჩება.

სამოელს ონოფრეს უნეგეშობამ და ტანჯვა-წამებამ გული მოუკლა. ონოფრეზე ფიქრობდა, რითი ეშველა, რა ელონა? ღვთის მსახურის ასეთი გაწვალება განა მოსათმენი იყო? ატყობდა, რომ სულ მერთი იყო ეს დავა-კამათი. სიტყვა ვერაფერს შეცვლიდა აქ, არც ხვეწნა-მუღარა გაჭრიდა. არც მუქარა და ყოყოჩობა. სასოწარკვეთილი იდგა. როცა ამირამ თქვა: ჯვრის საყდარი თავლად დარჩებაო, უიმედოდ წაიბურტყუნა.

— რატომ, მბრძანებელო, ასეთ სასტიკ განაჩენს რად ინებებთ ჩვენთვის? — ამოილულლულა და ხმა გაუტყდა, აუკანკალდა, ბოლო სიტყვა შუაში გაუწყდა. — ჩვენ... თვის... — ნაწილ-ნაწილ ამოთქვა და თვალთავან ცრემლმა იწვიმა. არ მორიდებია, არ დაუმალავს ცრემლი, ღაპა-ღუპით ჩამოედვარა ლოყებზე. მღუღარე ცრემლმა თეთრი წვერი დაუნამა.

— რატომ? — ნიშნისმოგებით უთხრა ამირამ, — რომელ სალოცავში არ ლოცულობენ და მპაპადიანების გაქრისტიანებას და გადაბირებას ცდილობენ, იმ სალოცავს ჩვენ თავლებად ვაქცევთ მომავალშიც.



ეს უკვე სხვა ბრალდება იყო. აბოს გაქრისტიანებასაც წვერი მო-  
ნასტერსა და მის ბერს — იოანეს აბრალებდნენ.

— არა, მსაჯულთ-მსაჯულო, — ახლა სტეფანოზი შეტყუებული  
მოელს. — ჯვრის მონასტერი არაფერ შუაშია, აბომ თვითონ უარპყო  
სჯული და თვითონ შეუდგა ქრისტე ღმერთს. მე ველაპარაკე მას.

— ვერ დაგიჯერებ! — უცებ მოჭრა ამირამ და დარბაზში გაიარ-  
გამოიარა. ბოლოს სტუმრებს რისხვით შეხედა და მუქარის კილოთი  
უთხრა:

— თავისუფალი ხართ!

როგორც სამარიდან ამდგარი მკედრები, შიშისაგან გალეულები  
და გაფითრებულები გამოვიდნენ სასახლიდან ერისმთავარი და  
მღვდელმთავარი.

— უწმინდესო! — შეაჩერა ერისმთავარმა დაფიქრებით მიმავალი  
კათალიკოსი, — ხიდის ჯვარი წაუქცევიათ და ზედ ლაფი დაუს-  
ხიათ... — ძალზე საიდუმლოდ უთხრა. — წამობრძანდით, გაჩვენებთ. —  
ეტლი შესთავაზა. კათალიკოსი უსიტყვოდ ჩაჭდა ეტლში. — ხელოს-  
ნებს მოგცემთ, ოღონდ თქვენ აღადგინეთ, მე უფლება არა მაქვს. —  
უთხრა თანაგრძნობით სტეფანოზმა.

სამოელი ჩუმად იჭდა, არც აეს ამბობდა და არც კარგს, ამირას  
თავხედობას გაემეხებინა. ერისმთავარმაც გაჩუმება არჩია. ქართლის  
ავებდობაზე სიტყვის ჩამოგდებისაც კი რცხვენოდათ. რაც ნაკლებს  
ისაუბრებდნენ, მით უკეთესი იყო მათთვის. ყოველი სიტყვა სინამ-  
დვილეს აშიშვლებდა და ერისმთავარსა და მღვდელმთავარს ორივეს  
მიწასთან ასწორებდა.

ფაფარაშლილი ცხენები ეტლს თავდაღმართში მიაგორებდნენ,  
ხელად შევარდნენ ხიდზე და ბრაგუნ-ბრახუნი აუტეხეს.

ერისმთავარმა ეტლის შეჩერება ბრძანა. ლაფში ჩაგდებულ ჯვარს  
დაუწყუო ძებნა... გაოცდა: ხიდის თავზე ჯვარი აღემართათ, თვალს არ  
დაუჭერა, არ მოელოდა აქ ჯვარს. ეტლიდან ჩამოვიდა: ხელი მოჰკი-  
და, რკინისა იყო. ხის ჯვარი აღარსად ჩანდა.

სამოელიც ჩამოვიდა ეტლიდან. თავის ეტლში გადაჭდა, გულდამ-  
ძიმებული შესცქეროდა ამჩატებულ ერისმთავარს.

— რკინის მოხელე სად იშოვეთ, მამაო? — იკითხა უაზროდ ერის-  
მთავარმა.

— ეპ. გული გულობდეს, შვილო სტეფანოზ, თორემ ქვეყნად  
რკინის მოხელეც იშოვება და ხისაც.

სამოელის ეტლი შეეტლემ მცხეთისკენ დაძრა.

ერისმთავარი უკან მიბრუნდა, თავის სასახლეს მიაშურა. „შეგრა-  
ცოცხალი არ ვიყო“, — გაიფიქრა სტეფანოზმა, როცა ეტლში <sup>მარ-</sup>  
ტო დარჩა. <sup>ერაქმენული</sup>  
<sup>გიგლინოთეკა</sup>

## ა ბ ო

ღამით დაესხნენ თავს. მძინარე წამოაგდეს ლოვინიდან, ხელებზე  
ბორკილი დაადეს, მიცვალბულივით პირი აუკრეს და წაიყვანეს.

აბო ვერაფრს ხედავდა. მკლავზე უშერდა ჯალათი ხელს და მიათ-  
რედა, ზურგს უკან კი მახვილმოდერებული შურტა მისდევდა, იმ  
მახვილშემართული არაბის მოქუფრული სახე ჩარჩენოდა გონებაში;  
გაგულისებულს ტუჩპირი ისე დაედრიჯა, თითქოს საკუთარი შვილის  
მკვლელი მიჰყავდა დასასჯელად. სადღაც ჭურღმულში ჩაიყვანეს, გაი-  
ქლარუნა თუ გაიჩხაკუნა რკინის ურდულმა, გაიჭრიალა რკინის კარ-  
მა, ზურგზე ხელი ჰკრეს და წინ წაიგდეს, სიბნელეში ცხვირ-პირით კე-  
დელს მიენარცხა, უკან, ზურგზე მძიმე მოწოლა იგრძნო, შმორისა და  
ნესტის სუნი ეცა.

ცხვირით, ნიკაბით, მკერდით და შებორკილი ხელების ზურგით  
სველ სლიბინა კედელს ეხუტებოდა, ზურგზე რკინის კარი აწვებოდა,  
თითქოს ჭვასა და რკინას შუა ჩაჰყლებას უპირებდნენ:

ერთხელაც გაიქლარუნა რკინის ურდულმა და ნაბიჯების ხმაც ნელ-  
ნელა მიწყდა. „ჩამაგდეს“, გაუელვა თავში. „დილეგია თუ საკანი?“  
ხელებით თითქოს რაღაცას დაუწყო ძებნაო, სიბნელეში უმიზნოდ  
ააფათურა, რაკი დარწმუნდა რომ წინ ჭვის კედელი იყო, ქლარუნ-  
ქლარუნით შებრუნება სცადა, გაუჭირდა, „ალბათ საკანი“... ფეხი  
აუცურდა, დარეცრეცდა და შუბლი კედელს მიახალა.

თუ გინახავთ ბნელ ოთახში შეგდებული ფრინველი კედლებს რო-  
გორ აწყდება, იმ ფრინველივით ეხლებოდა აქეთ-იქით. ვერ გაერკვია  
სად შეაგდეს, რა უქნეს ან რას უპირებდნენ, სული მოითქვა, პირველ  
ყოვლისა, თავი უნდა დავიმშვიდოო, გადაწყვიტა და რაკი რალაც გადა-  
წყვიტა, რაკი აზრი გაჰიატდა გონებაში, იმედი მოეცა, ძალა მოიკრიფა  
და შებორკილი ხელებით პირჯვარის გადასახვა სცადა. ამოდ. მხოლოდ  
წარმოდგენით გადაიწვრა პირჯვარი.

ნელ-ნელა შეაბრუნა ხელისგულები და კედელს ახლა უფრო გულ-  
დაგულ, ყურადღებით დაუწყო სინჯვა, სველი იყო, ლიპი, წყალი მო-  
ქონავდა. ფრჩხილებით გაკაწრა, ხისა არ იყო, ჭვისას ჰგავდა. გაჭირვე-  
ბით შებრუნდა, ჯერ მარცხნივ მოაფათურა ხელები, შემდეგ მარჯვნივ,  
თავს ზემოთ წყალი წვეთავდა.

ხის ყაყაბი ეცვა, გაიძრო ყაყაბი და შიშველი ფეხით მოსინჯა ალბ-  
გი. მიწაც სველი იყო, არც ლორფინს ჰგავდა, არც სოხანეს, სლობი-  
ნებდა. ზედ ყაყი გადასდიოდა. „ტკილია“, გაუელვა თავისი მკერდით  
გამოკვეთილ დილეგში ვარ“, აღმოაჩინა უცებ.

კედელს აეკრა და ლოცვას მოჰყვა. ხელბზეკრული პირჯვარს ტან-  
ჯვით იწერდა, მოკლე ლოცვებით ღმერთს ადიდებდა. შეწყალებას და  
კურთხევას თხოვდა, შემდეგ „წმიდაო ღმერთო, წმიდაო ძლი-  
ერო“... — ილოცა, მახარებლებსა და ღვთისმშობელს უგალობა.

გული დაიცბო ლოცვით, თითქოს ტკივილებიც დაუყუჩა, შეე-  
ბა რომ იგრძნო, კვლავ დაუბრუნდა მიწიერ საქმეთ: ხელების ფათუ-  
რით ძირს დაჯდომა სცადა, მუხლებში მოიკეცა, მუხლები კედელს მი-  
ებჯინა, კუკუხო რკინის კარს და ველარ ჩაჯდა, ჩაცუცქდა გაჭირვებით,  
იწრიალა, არაფერი გამოუვიდა.

აბო ქართულად ღვთის შვილს ნიშნავსო, უთხრეს. ესეც ალბათ  
განგების ნება იყო, ღვთის კაცად გაეჩინა უფალს, მირონი ღვთისა წა-  
ეცხო და სახელადაც „შვილი ღვთისა“ დაერქვა, ღვთისად იყო გან-  
კუთვნილი, ტარივი იყო ღმრთისა, დაწერილი იყო ალბათ ასე, ასე  
ფიქრობდა აბო და ეს ფიქრი ძალას მატებდა. ამ დილეგმა კი შეაკრთო.  
გაეგონა, რომ შურტებს თავიანთი დილეგები ჰქონდათ, ქალაქის სადი-  
ლეგო სხვა იყო, შურტებისა სულ სხვა. შურტების დილეგებიდან ადა-  
მიანები უკან ცოცხალი აღარ ბრუნდებოდნენ. აბო ბალობიდანვე  
შეჩვეოდა დილეგს. მამამისი ხალიფას მედილეგე გახლდათ, ბაღდადის  
დილეგებში შემცოდეთ შესამწყვდევი ყოველნაირი დილეგი ენახა,  
ციხე-კოშკის ქვემოთ გამართული ბაღდადის ცნობილი სადილეგო, სა-  
დილეგოს ქვემოთ ბნელი საკნები და ჭურღმულები, საპატიმრო საყუ-  
დარი შეუკრავთა და უჯაჭვოთათვის იყო განკუთვნილი, სიკვდილმის-  
ჯილთათვის — ხაროები, სამუდამოდ პყრობილთათვის — მღვიმეები.  
სხვა ათასი წვრილ-წვრილი საპყრობილეც შეუთვალეირებია ბალო-  
ბისას. შიგაც შესულა, ადამიანების ტანჯვისთვის უყურებია შო-  
რიდან. ასეთი დილეგი კი, თუნდაც საკანი და ჭურღმული, სადაც ახლა  
თვითონ იყო შეჭეპყილი. არ გაეგონა და ფიქრითაც კი ვერ წარმო-  
ედგინა.

„ჰაერი არ არის, — უცებ შეჰზარა ამ აზრმა, — უჰაეროდ დავიხრ-  
ჩობი“.

სიბნელეს დაუწყო ყურება. ფიქრი შეუძლებელი იყო. საკანში ბნე-  
ლოდა როგორც სამარეში, თვალბიც ახვეული ჰქონდა და მაინც ეჩვე-  
ნებოდა, რომ ხედავდა. როგორც კი ფიქრს შეწყვეტდა და სიბნელეს

დაუწყებდა ყურებას, თითქოს თვალი აეხილაო, ხედავდა, უფრო უკეთ  
შეეძლო დაენახა, ამ აღმოჩენამ გაახარა. მეორე თვალიც ჰქონია იღა-  
მიანს, გულის თვალიო, გულის თვალით იხედებოდა დილეგებს. <sup>საქონელში</sup> <sup>საქონელში</sup>

გრიგოლი და მიქაელი გამოვრბოდნენ ქართლის ველებში. აბო,  
აბოო, ეძახდნენ... მათ უკან მოჩანდა აკლებული ჯვრის მონასტერი და  
შორიდან ქალის კვიცილი მოისმოდა. შემდეგ როგორც სიზმარში, ვითომ  
ყველაფერი ეს მის ბინაში ხდებოდა. მიქაელი შემფოთებული იყო.  
გრიგოლი შეფიქრიანებული.

— შურტების დილეგში ვისხედით შენი გულისათვის, ჯვრის მონ-  
ასტერი აიკლეს. ბერებს აწამებენ, — ჩურჩულთ უამბობდა საშინელ  
ამბებს მიქაელი, — დაუბრუნდი ისევ შენს სჯულს, გვეედრებით, ორი-  
ვე გვეედრებით, — მიქაელმა გრიგოლს შეხედა, — ახლა ასე ჯობს,  
დაგვიჯერე.

„ნეტა რომელ დილეგში იხდნენ“, — გაუელვა აბოს. მაშინ არ  
უკითხავს, არ ეგონა თუ ასეთ მახრჩობელა საკანში ჩააგდებდნენ.

— ჩემი გულისათვის? რა უფლება ჰქონდათ? რატომ? — აწრი-  
აღდა აბო.

— იმიტომ რომ მიზეზს ეძებენ, — უთხრა გრიგოლმა, — შენს გაქ-  
რისტიანებას მთელ ქართველ ხალხს გადააბრალებენ, გამოგზავნიან  
ახალ მურვან ყრუს და ქვას ქვაზე არ დატოვებენ.

— უმარწემესო ძმებო! — უთხრა აბომ მათ და თავი მდაბლად და-  
ხარა, — ხომ გახსოვთ, მამა იოანე ძმებს გვეძახის.

„სულიერი ძმები“, — იხსენებდა აბო სენაკში იმდამინდელ მათ  
სახეებს. როცა აბომ თავი ყანას სცა, გრიგოლმა პირჯვარი გადაიწერა  
და თვალები ჰერს მიაპყრო, აბოს გადარჩენა შესთხოვა ღმერთს. მიქა-  
ელი გაუნძრევლად იჯდა, მოღუშული იყო. იოანემ უთხრა მათ სული-  
ერი ძმები ხართო. სად სეფეწულნი და სად ყარიბი მონა აბო! აბო მათ  
ძმობას როგორღა გაუბედავდა. მაგრამ რაკი ერთად სწავლობდნენ მა-  
რიამ წმიდაში, რაკი მამა იოანემ ბრძანა სულიერი ძმები ხართო, მარ-  
თლაც ძმებად მიაჩნდათ ერთმანეთი. აბოს მონის მორიდება და მოკრ-  
ძალეობა მაინც შერჩენოდა.

— მე რა თქვენი ტოლი და ღირსი ვარ, მაგრამ ღვთის წყალობით  
რაკი ერთხელ მითნეთ, ნულარ ინებებთ განშორებას, თქვენი ფეხთა  
მტკერი ვიქნები, თქვენი ერთგული ძალლი...

— მე არა! მე არ გირჩევ უკან მიქცევას, — გული ამოუჯდა გრი-  
გოლს, — მაგრამ... — ნაწყვეტ-ნაწყვეტ ამოილულულა მან. ჩაფიქრ-  
და. თქმა უჭირდა, ჩანდა რომ იმას, რის თქმასაც აპირებდა. არ ეთან-

ხმებოდა. სულითა და გულით აბოსთან იყო, აბო გვირად მოაჩნდა და მაინც თქვა ის, რაც არ სწამდა:

— ეგებ სჯობდეს დროებით გაეცალო ტფილისს. ერქენულნი  
გინჯუნქუნქუნ

— ეგებ კი არა, უსათუოდ უნდა გაეცალო, — უთხრა მიქაელმა, — თან მაჰმადი უნდა აღიარო! გთხოვთ, აბო, ყველანი გთხოვთ!

— მაგას ნუ მთხოვ, მიქაელ! — ჩოქვით მიუახლოვდა ძმას აბო და მუხლებზე მოეხვია. — ტყუილ-უბრალოდ ნუ მეხვეწები.

— არავის სჭირდება შენი თავდადება! — ფეხზე წამოიჭრა ანახდად მიქაელი და აბოს ხელები ცივად მოიშორა, — ჩვენ თავს ჩვენ მოვუვლით! — მიქაელი ისე უკმეხად და დაეინებით ელაპარაკებოდა, თითქოს ვინმეს გამოეგზავნა გადასაბირებლად.

— მიქაელ! — შესძახა გრიგოლმა, ასეთ მწარე სიტყვებს რატომ ეუბნებიო, თვალებით უთხრა საყვედური. გრიგოლი ორ ცეცხლს შუა ჩავარდნილიყო.

— ერისმთავარმა ხომ ვითხრა, შენს სჯულზე მიიქეციო, რატომ არ ასრულებ ერისმთავრის ბრძანებას! — შეუტია მიქაელმა აბოს.

— იმიტომ, რომ აბო ღვთის ნებას ასრულებს და არა ერისმთავრის. — მოწიწებით თქვა გრიგოლმა აბოს მაგივრად.

— ყველას შეგვიპყრობენ და ჭურღმულებში ამოგვხარჩობენ! ქართველების თავზე რკინის კალოს დაატრიალებენ!

— დაატრიალონ! — ამოიქნავლა მოულოდნელად აბომ, — გააცხარონ ცხვარი. ცხვარი თუ გაცხარდა, ცხარეაო — ნათქვამია;

— გესმის შენ ახლა რას ამბობ? — გაავდა მიქაელი. აბო წამომდგარიყო, გულზე ხელი დაეკრიფა და მორჩილად უგდებდა ყურს აბობოქრებულ მიქაელს.

— პირველად ნერსეს მოჰკვეთენ თავს, შენს მფარველსა და პატრონს. როგორც შეთქმულების მოთავეს, შემდეგ მამაჩემს, შენს სულიერ მამას, როგორც მოუსვენარ მოლაღატეს, — „მოლაღატეს“ ხაზგასმით და ზიზლით წარმოთქვა, — შემდეგ გრიგოლს, ნერსეს მდივანმწიგნობარს და მის თანამოაზრეს, ბოლოს მიქაელსაც, როგორც მეგობარს, — იოანეს შვილს. ცხვარი კი რაც უნდა გაცხარდეს, ხახადღებულ ლომს ვერას დააკლებს! სისხლი ფუჭად დაიღვრება. სისხლისღვრა გვაკლია სწორედ! ყველაფერი ეს ჩვენ იქ გვითხრეს! — მიქაელმა თითი ჰაერში გაიშვირა. შურტათსაყოფელს გულისხმობდა, — ასე არ იყო? — ჰკითხა გრიგოლს.

— ასე იყო, მართალია. — მიუვო გრიგოლმა, — მაგრამ, ჩემი აზრით, გვაშინებდნენ.



— დიდ ბატონს, ნერსე ერისთავს არ უთქვამს ქრისტე ღმერთს განუდექიო. — თქვა ფრთხილად აბომ.

— არც ის უთქვამს, მაჰმადი დააგდეო, ხომ ასეა? — ჩაესმა ჩემს მამას  
გლი...

— დიახ, არც ეს უთქვამს. — ჩაიბუტბუტა აბომ.

— როგორც ნერსემ ვითხრას, ისე მოიქეცი, — უთხრა გრიგოლ-  
მა, — სიმართლე თუ გინდა, ჩვენ არც ვიცით როგორ მოვიქცეთ...  
ღმერთს ნუ სცოდავ, მიქაელ!

აბოს მაშინ მეტი არაფერი უთქვამს. მიქაელი და გრიგოლი კამა-  
თობდნენ დიდხანს, აბო უსმენდა. აბოს სათქმელს გრიგოლი ამბობდა.  
ახლა გაუბა მიქაელს კამათი აბომ აქედან, დილეგიდან.

„უჩემოდ არავის შეიპყრობენ, არავის მოჰკვეთენ თავს, მე ხომ  
მკითხავენ თუ რატომ დავთმე მაჰმადის სჯული!.. ნუთუ ადამიანს იმის  
უფლება არ უნდა ჰქონდეს, რაც სწამს, ის იწამოს, ვინც უყვარს, იმას  
შეუდგეს, ვისთვისაც უნდა, იმისთვის გასწიროს თავი“.

ძმთა იმდამინდელი სტუმრობა მის თვალსა და გონებას არ შორ-  
დებოდა. მიქაელის განრისხებული სახე ედგა თვალწინ, ხანაც მისი  
მწარე სიტყვები ჩაესმოდა: „არავის სკირდება შენი თავდადება“.

ვინ იყო ეს „არავის“? ვისი სახელით ლაპარაკობდა მიქაელი?  
ბოლომდე მართლაც არავის ესმოდა აბოს თავგანწირვის მნიშვ-  
ნელობა. ქრისტე თვისთა თანა იყო და თვისთა იგი არა შეიწ-  
ყნარეს, — ფიქრობდა ჩუმად აბო, — განა არათვისთათაგან ცნობასა და  
შეწყნარებას მოელოდა? არ მოელოდა. არც უნდოდა შეწყალება და  
შებრალება, არც მოწამეობასა და წმინდანობას მიეღებოდა. მან ჩაგ-  
რულთა და უპოვართა ღმერთი იწამა, იპოვა ის, ვისაც სიყრმიდან  
გულით ეძებდა, იპოვა და მიენდო, განა ამისათვის უნდა დასჯილიყო?  
ან სხვა ვინმე უნდა დაესაჯათ? თუ ამას ჩაიდენდნენ, მით უფრო, ასეთ  
ადამიანებთან ყოფნას სიკვდილი ერჩია.

„სულ დავსველდი“... სველი კვართი ზურგზე მიეტყება, ბარძაყებ-  
ზეც იგრძნო სველი საცვლების ტოტები.

ლოგინიდან რომ წამოაგდეს, კაბას დაუწყო ძებნა, მაგრამ არ აცა-  
ლეს, საცვლების ამარა წამოიყვანეს. ყაყბებში ფეხის წაყოფა კი მოას-  
წრო, რად გინდა, სწორედ ეს ყაყბები არ გამოადგა. გულს უწუხებდა  
სრიალა ფეხთსაცვამი, ცურავდა, სხლტებოდა სველ ტკილზე ხის გაპ-  
რიალებული ძირი. თითქოს განგებ, ადამიანის საწვალეზლად მოელი-  
პათ შურტებს საკანი.



ყაყბები ფეხით გაიძრო. კედელთან მიატყუბა. შიშველი ფეხის გუ-  
ლებიც აღარ მოეკიდა ტკილს.

ისე დაუწყო ყურება სიბნელეს. იმ სურათის აღდგენა-  
ლან რომ სველმა სამოსმა გაუქრო.

„იქნებ მართლა ჯობდა გავცლოდი აქაურობას. გავწილე საყვა-  
რელი ადამიანები, დავიღუპე თავი. მომკლავენ...“

რატომღაც ამ სიტყვების ხმამალლა წ-რმოთქმა მოუნდა „მუჟყ“. რაღაც ამდაგვარი ამოიგმინა, „მომკლავენის“ ნაცვლად. ახლავა გაახსენ-  
და, რომ პირი აკრული ჰქონდა, სველი ტილოთი აეკრათ ისე მაგრად,  
კრიჭას ვერ ხსნიდა. „ეს უნდა მოვიშორო,“ — გადაწყვიტა. დაბორკი-  
ლი ხელები ნიკაპს ქვემოთ მოაფათურა. ცერებით მიაწვა ტილოს და  
ნელა დაუწყო ზიდვა ნიკაპისაკენ. თურმე როგორ უჭერდა! როგორ  
ახრჩობდა! რა შვება იგრძნო, როცა ტილო ნიკაპს გადასხლიტა და ყბე-  
ბი ფრთხილდ შეარხია. ტილო ძირს დავარდა, ზედ შედგა შიშველი  
ფეხის გულებით. ჩვარი მოეკიდა სველ ტკილს, გამოადგა ამ ჯურ-  
ღმულში.

„იქნებ თვალსახვევიც მოვიცილო“. ახლა თვლებისკენ წაიღო ხე-  
ლები. ვერსაიდან ვერ მიუდგა თვალსახვევს. ხელები შებორკილი რომ  
არ ჰქონოდა, კეფიდან ადვილად გადაიგდებდა. იწვალა, იწვალა, მაგ-  
რამ ვერას გახდა. ბოლოს ბედს შეურიგდა და კვლავ ფიქრს  
მიეტა.

„ეგებ უკვე მკვდარიცა ვარ, — ჩაეცინა გუნებაში, — ლოგინში  
მწოლი მომკლეს შურტებმა, ეგებ სამარეში ვწევარ, სხვა რაღა სამარე:  
ირველივე უკუნეთია, შმორისა და ნესტის სუნი დგას; ჰაერი არ არის,  
წყალი მოჟონავს კედლებიდან, მალე ალბათ ჭიალუებიც გამოხობდე-  
ბიან, მკვდარი ვარ ალბათ. მე კი მეჩვენება, რომ საკანში ჩამამწ-  
ყვიდეს“...

ტილოსთან ჭიდილში დაიღალა და უჰაერობამ მოთენთა, მუხლები  
მოეკეცა. ვითომ მალლა ღმერთს შეხედა თვალახვეულმა, თავი ასწია  
მალლა, ნამდვილ მლოცველს დაემგვანა და ილოცა ისე, როგორც მაც-  
ხოვარმა ასწავლა თავის მოწაფეებს, საუფლო ლოცვა იღუღუნა. რაკი  
პირი აკრული არ ჰქონდა. იფსალმუნა კიდევ ხმადაბლა, თავისთვის.  
შემდეგ თავი ჩაკიდა და გაირინდა.

...აღარ ვკვდები, ჰაერი ალბათ მაინც არის აქ სადღაც, ეს ბორკი-  
ლებიც როგორ მიჭერს, ლამის სული ამომხადოს. ცოტა რომ მომადო-  
ფინა!.. ეგებ მე უკვე მაწამებენ, სახალხოდ, საჭაროდ რასტიბაზარში  
საჭიროდ არ ჩათვალეს შურტებმა ჩემი წამება. ეგებ ჩუმად უნდათ

ამომხადონ სული. უნდა ამოვიბერტყო ეს სულელური ფიქრი თავიდან.  
მოსახდენი უნდა მოხდეს.



აბომ სცადა ფიქრი მიქაელზე და გრიგოლზე გადაეტანა. ვერა და ვერ შეძლო, თვალწინ რატომღაც ნერსე წარმოუდგა. შთელი თავისი ვეება ტანით აღიშართა სიბნელეში ნერსე ერისთავი, მას ხელეებზე ბორკილები ედო, ჟღარუნ-ჟღარუნით მოდიოდა დინჯად. მაშინ ნერსე უფრო ახალგაზრდა იყო, უფრო ბრგე და ტანადიც, უფრო თავზეხელაღებულიც.

ხალიფას ებრძანებინა მისი მოგვრა. ოთხ მედილეგეს მოჰყავდა ნერსე, მეხუთე აბო იყო. მამას ეხმარებოდა. მაშინ ნახა პირველად ქართველი ერისთავი. გაეგონა, იცოდა კიდეც ამა და ამ დილეგში ყველაზე მთავარი დამნაშავე რომ იჯდა, მაგრამ იმ დილეგის კარი იშვიათად იღებოდა და არ ენახა პყრობილი.

ხალიფას სასახლის წინა მოედანზე ზღვა ხალხი შეკრებილიყო, აქ უნდა ეწამებინათ ნერსე ერისთავი.

არც აბომ, არც მედილეგეებმა და არც თვითონ ნერსემ არ იცოდა, თუ რა სასჯელი მოელოდა. მოდიოდა ამაყად თავაწეული, ძლიერი ვაჟკაცი, ვისაც ქვეყნად არაფრის ეშინოდა, თვით სიკვდილიც ჩირად მიანდა. აუღარუნებდა ბორკილებს, წვერი მკერდზე ეფინებოდა და დიდი შავი თვალეებით ხარბად შესცქეროდა მზეს, ცას, ჰაერს, სინათლეს, მის გარშემო ჭიანჭველელებით მოზიმზიმე ხალხს. წლობით დილეგში გამომწყვდეულს ქვეყანა მონატრებოდა, თითქოს დასასჯელად კი არა, ნადიმზე დასასწრებლად მიჰყავდათ.

ახლა აბომ, სულისშემხუთველ საკანში შემწყვდეულმა, უკვე კარგად იცოდა რაედენ პირველმოწამის, ევსტათი მცხეთელის, შუშანიკისა და სხვა მოწამეთა მარტვილობის ამბები, მაგრამ მაშინ პატარა ბიჭუნა გაცეებული შესცქეროდა საოცარ სანახაობას — ადამიანის წამებას. ყრმისათვის გაუგებარი იყო, აუტანელი და აღმაშფოთებელი უფროსების საქციელი. მან იცოდა, რომ მამამისი ავ კაცებს ამწყვდევდა დილეგში და მათ გარეთ არ უშეებდა. მაგრამ არამც და არამც არ ეგონა, თუ მამამისი მუხანათურად მიეპარებოდა უკნიდან ადამიანს, მარყუეს წამოაცმევედა თავზე და დაუნდობლად მოქაჩავდა.

ვეზირმა ხალიფას ბრძანება გამოაცხადა: ტუსალი დაშანთეთო. ჯალათებმა შანთები გაახურეს, ნალარას ჰკრეს და ხალხი შეჩოჩქოლდა. მუსლიმები წყევლა-კრულვას უგზავნიდნენ მთელ საქრისტიანოს.

საკვირველი რამ მოხდა, ნერსე ვერ წამოაქციეს, შებორკილ კაცს ვინც მიეკარა, ყველა ბურთივით მოისროლა, მაშინ იმარჯვა აბოს მ-

მამ, დეკაცს უკნიდან მიეპარა, თავზე წამოაცვა ყულდი, ყელში წა-  
უჭირა. ნელ-ნელა მოდრიკეს ვაჟკაცი, მიწამდე დაახრევიანს თავი, ბო-  
ლოს მისცვივდნენ ერთად და წამოაქციეს.

ხუთიოდე ჯალათი და მედილივე დააჯდა წამოქცეულ ქართველ  
ურჩს. მაინც გაუჭირდათ დამაგრება, ორ-ორი კაცი ფეხებს უჭერდა,  
ერთი საჯდომზე შემართულიყო, შიშველ წელზე მუხლებს აბჯენდა.  
ორნი მხრებს და მკლავებს უკავებდნენ. აბოს მამა ერისთავს ფაფა-  
რიან თავში ჩაფრენოდა. აბოს ახლა მამამისის სახე ედგა თვალწინ, ხე-  
დავდა მის შეჭმუხნილ შუბლს, გადაბმულ, ჭალარაშერეულ წარბებს,  
ქორის თვალბივით მოელვარე წვრილ სამხერებს. გაფაციცებულ ტუჩ-  
პირს... ჰო, რა მონდომებულნი იყო, რა მოწადინებულნი, რომ პყრობილს  
თავი არ გაენძრია და ჯალათთათვის ხელი არ შეეშალა, ორივე ხელი ჩა-  
ეგლო ქოჩორში და დაუნდობლად დაეკრა მიწაზე ბაგე-პირით. და მა-  
ინც, შანთის ყოველ მიკარებაზე თავს მალლა შემართავდა, აბოს მამას  
ბავშვივით წამოაგდებდა, თავს წაართმევდა, და კბილებით მიწას  
ფხოჭნიდა. ჯალათებმა მედილიგეს შეუბღვირეს, ხელი მაგრად მოჰკი-  
დევო. მაშინ იმარჯვა აბოს მამამ, რაკი ღონე არ ჰყოფნიდა, კვლავ ხერხს  
მიმართა, გაიჩაჩხა. ვნებულს თავზე დააჯდა, ცხვირი მიწაში ჩააყოფი-  
ნა, განძრევის საშუალება არ მისცა, ჯალათებმაც დრო იხელთეს და  
გულდაგულ ამოშანთეს ზურგზე ჯვარი.

როცა მამამისი ნერსეს თავზე დააჯდა, აბომ თვალებზე ხელი აიფა-  
რა, გატრიალდა და გაიქცა.

მთელი ერთი კვირა გარე-გარე იმალებოდა. მამამისთან შეხვედრის  
რცხვენოდა. რა უნდა ეთქვათ ერთმანეთისათვის? მამა თავის სამუშაოს  
ასრულებდა, ამ საქმისათვის გასამრჯელო ეძლეოდა, აბოც მამის  
ლუკმაპურს ჭამდა და აბოს და-ძმანიც. განა მამას შეეძლო სხვანაირად  
მოქცეულიყო? აბო უნდა შერიგებოდა ამ ამბავს, შეურიგდა კიდეც,  
მაგრამ გულმა თავისი მაინც გაიტანა, მისდაუნებურად გულმა უთხრა  
ხელებს, გასაღები მოიპარეთო. აბოს ხელებმა მამას მოპარეს იმ დილე-  
გის გასაღები, სადაც პყრობილი ქართველი მთავარი იჯდა.

...აბო დილეგში მოჩვენებასავით შევიდა. ხელში ანთებული კვარი  
ეკავა და შეშინებული კედელს ეკვროდა, კედელ-კედელ უახლოვდე-  
ბოდა თავდაღმა დამხობილ ტუსაღს, დილეგში საზარელი სუნი იდგა,  
თითქოს მიცვალებული იხრწნებოდა, ყარდა იქაურობა. „მომკვდარა“,  
გაიფიქრა აბომ და გული ეტკინა, ახლოს მივიდა, მიუცუტქდა და თავ-  
დაღმა ჩამხობილს ყურება დაუწყო — ცოცხალია თუ არაო.

— ვინა ხარ? — იკითხა არაბულად მწოლმა და კვნესაც ამოაყოლა შეკითხვას.

— მეეე... — ენა დაება აბოს. — მედილეგის შვილი ვარ, მარქმენს...  
ბეზე იტაცა ხელი, წითელი ვაშლები ამოიღო და თავთან მიდუნდა.

— მერე? — თქვა ეს სიტყვა ტუსალმა და გაჩუმდა, კიდეც რაღაც წაიდუღუნა, მაგრამ აბომ ვერ გაიგონა.

— გასაღები მოვპარე მამას. მე გიყურებდით... — ვერ ამბობდა სათქმელს ყმაწვილი.

— მოპარე? — მომაკვდავმა თავი ასწია და აბოს შეხედა. ჩანდა, რომ განძრევა უქირდა.

— წყალი! — ამოთქვა ტანჯვით.

წყალიც ცხვირწინ ედგა და მუხუდოს ნახარშით საესე ჯამიც. აბომ ავადმყოფს წყალი დააღვინა.

— ზურგზე დამასხი. — ჩურჩულით უთხრა ავადმყოფმა. აბო ვერ მიხვდა. რას ეუბნებოდა. მიუჩოჩდა, ყური სულ ახლოს მიუტანა თავთან.

— ეს წყალი ზურგზე დამასხი. — გარკვევით უთხრა.

აბომ დოქს ნელა წაუქცია თავი, ფრთხილადო, — მიაგება მკვნე-სარმა. აბო მიხვდა, ჭრილობაზე რომ ასხამდა და დოქის ტუჩს ხელის-გულიც მიაშველა. კვართი ნელა დაუსველა.

— მეყოფა.

აბომ დოქი თავის ადგილას დადგა. თვითონ შორიხლოს ჩაცუტ-ქდა და წამებულს შეაჩერდა...

აბო ახლა იხსენებდა ნერსეს ჯურღმულს და თავისას ადარებდა. პა-ტარა საკანი იყო, მიწის ქვეშ სარკმელიც კი ჰქონდა ხელისგულისო-დენა, დღის სინათლე აღწევდა. შიგ ორი-სამი კაცი მოთავსდებოდა. საკანს კედელიც ჰქონდა და იატაკიც. წამებული ნერსე ფიცრის იატაკ-ზე იწვა. „იწვა“ — ამ სიტყვამ თავის საკანში დააბრუნა. „იწვა“ კი არა, დასაჯდომი არა აქვს. ფეხები დაბუყებოდა და ტკიოდა, გაიმართა, ამომძრავა ტერფები, სველ ტკილს დაუტყაბუნა.

— მრავალძარღვა მომიტანე. — ამოიგმინა ნერსე ერისთავმა.

— ახლა ლამეა ბატონო! ვერ მივაგნებ, ზვალ მოგიტანთ, ზვალ უსა-თუოდ მოგიტანთ.

ნერსემ თვალები დახუჭა და გაყუჩდა. აბოსაც კარგა ხანს არ ამო-ულია ხმა, პყრობილის თავთან ჩაცუტქულიყო და უყურებდა, აბო მა-შინ თერთმეტი-თორმეტი წლის ბიჭი იყო. რივიანად არც კი იცოდა, რატომ დაშანთეს ეს მღვევივით კაცი. მამამ უთხრა, ავი კაცი იყო და

იმიტომო. ხალხში კი თქვეს: თავის სჯულზე უარი არ თქვა და იმიტომ დასაჯესო. ბავშვისათვის გაუგებარი იყო უფროსების ნათქვამი. ბავშვს მოსწონდა ღონიერი კაცი, ვისაც ხუთი არაბი ძლივს მოუჭერდნენ. — ბევრი დაკრიფე მრავალძარღვა. — სასომხიდილმა უჩუბრულა ბიქს.

— ერთ კალათას ავაგებ! — ყოჩაღად მიუგო აბომ.

— ახლა ღამეა? — იკითხა ნერსემ.

— დიან, შუალამე გადასულია.

— რა გქვია, ყრმამო?..

— აბო.

— აბო, — ტუჩები ააცმაცუნა ავადმყოფმა. — მე ნერსე მქვია, ნერსე ძია დამიძახე.

„ნერსე ძია“ — სიხარულის ელდა ეცა აბოს. ეგონა. მაწამებლის შვილს გაიცხავდა, გააგდებდა დილეგიდან — „ნერსე ძია“ დამიძახეო.

აბოს მაშინ არც ქრისტე ღმერთი გაეგონა და არც წმინდა წიგნები წაეკითხა. გარდა ალაპისა და არაბისა სხვა ყველა და ყველაფერი უარსაყოფი იყო მუსლიმისათვის. მაშ, როგორღა აღმოჩნდა დილეგში, რამ უბიძგა, ვინ მოუწოდა სიკეთისაკენ? არც კი იცოდა, თუ სიკეთეს სჩადიოდა. ახლა აკვირდებოდა თავის საქციელს, ახლა შეეძლო სახელი დაერქმია იმ საქციელისათვის. მიზეზს, თუ რისთვის გაწირა მაშინ თავი, დღესაც ვერ იტყოდა.

იმ ღამეს ერთი წვეთი არ უძინია, სულმოუთქმელად მოელოდა გათენებას. „მრავალძარღვა, მრავალძარღვა“ — იმეორებდა გუნებაში. ჩასთვლემდა თუ არა „ნერსე ბიძია ესიზმრებოდა, თვალს გაახელდა, მაინც ის დევგმირი ედგა თვალწინ, მამამ უთხრა „ურჯულოაო“, არ მოსწონდა ეს სიტყვა, რადგან საკუთარი თვალით ნახა, რომ ეს „ურჯულო“ სწორედ ისეთი ვაჟკაცი იყო, ზღაპრად რომ გაეგონა.

მეორე დღე გათენდა თუ არა, მართლაც გაავსო კალანჩხა მრავალძარღვათი, საღამომდე ითმინა, ითმინა და საღამოს, როცა მამამ დაიძინა, გასაღები მოპარა, უბე კვარით გაივსო და დილეგში ჩავიდა ფეხაკრეფით. ამჯერად უფრო მარჯვედ ჩავიდა. რამდენიმე კვარი აანთო, ოთხივე კუთხეში დაამავრა, დილეგი გაანათა.

— მოგიტანეთ მრავალძარღვა, — უთხრა აბომ და კალანჩხა უჩვენა, — ნელსაცხებელიც... — სანელსაცხებლე ამოიღო კალანჩხიდან.

— ნელსაცხებელი? — გაიკვირვა ნერსემ და თავი ასწია კვნესით.

— ჰო, სურნელოვანი ზეთი! დედა მყავს მენელსაცხებლე. ჭრილობასაც ჰრგებს. ჩვენ მენელსაცხებლეები ვართ, ჩემი წინაპრები ზეთებს

ამზადდებდნენ თურმე ხალიფებისათვის. ჩემი პაპა, პაპისპაპა მეზობე ყოფილა. ერთი მამაჩემი გამოერია მედილეგე. ვერ უსწავლია ზეთის დაყენება. დედას უსწავლია და მეც მასწავლა. ასეთ საცხებსასწავლად დადში ვერავინ ამზადებს.

აბო ჰყრობილის თავთან ჩაცუტქულიყო, ნელსაცხებლის ამბავს უყვებოდა ავადმყოფს, გუმანით ხვდებოდა, რაც ევალეზოდა, მაგრამ ვერ ბედავდა ხელის ზღებას. ელოდებოდა როდის რას უბრძანებდა ავადმყოფი.

გვემულმა კალათისაკენ ხელი გააცოცა. მაგრამ საშინელი კვნესა აღმოხდა. განძრევა არ შეეძლო. კბილები გაახრჭიალა.

— კვართი ამხადე. — ამოიბუტბუტა ტანჯვით, — ის ფოთლები დამაფინე.

აბომ ხელები დაიკაპიწა, გულდაგულ მიუჩოჩდა, პიწკად ასწია კვართი. ყროლის სუნი ეცა, კვარი მიუმარჯვა და... ვერ შეძლო შეხედვა, თვალეზზე ხელი აიფარა. გაიქცა და ბნელ კუთხეში მიდგა, შიშის კანკალი აუვარდა, ცრემლი გადმოღვარა. ჩუმად ასლუკუნდა.

— სად წახვედი? — წაიბუტბუტა ავადმყოფმა. აბო სულ მთლად გაჩუმდა. სლუკუნეც კი შეწყვიტა. რა მონდომებული მოდიოდა, რა მოწადინებული მიუჩოჩდა, რა ფრთხილად და საქმიანად შეუდგა აქიმობას და როგორ შედრკა! არ მოელოდა ასეთ საზარელ სურათს; მთელი ზურგი წითლად დასიებოდა. ისეთი იარები ჰქონდა, შიგ მუშტი ჩაეტეოდა, ლურთა-ლურთად ამოეგლიჯათ ხორცები, ნაშანთარებში ბალღამი ჩამდგარიყო და წითელ ზურგზე და წელზე ზიბი გადასდიოდა.

— ვაჟკაცი მეგონე, — დაიჩურჩულა ნერსემ.

აბო ხმას არ იღებდა. გაჩუმებული იდგა კუთხეში.

დამწვარ-დაგლეჯილი ზურგი ღორების ნაჩიჩქნ მინდორს ჰგავდა, შიშს ჰგვრიდა დაშანთულ-დადაღული სხეულის დანახვა.

„ვაჟკაცი მეგონე“ — გულზე მოხვდა ბიჭს. ამ სიტყვებმა ძალა შემატეს. ფოლადი ჩაუღვარეს სულში, სიმტკიცე მიანიჭეს, უბიძგეს და ნელა წაიყვანეს მომაკვდავისაკენ.

თავისი კვართი გაიძრო, წყალში დაასველა, ხელის კანკალით პირი მოუწმინდა ჭრილობებს, შემდეგ ნელსაცხებელი წასცხო, მრავალძარღვით სავსე კალანჩხა ახლოს მოიჩოჩა და გამოცდილი ჯარა ექიმივით მიჯრით დააფინა მთელ ზურგზე ფოთლები, კვართი ფრთხილად წამოუწია, ისე რომ ფოთლებს არ შეხებოდა და ამოისუნთქა, გაუხარდა. მისი აზრით, შეუძლებელი შეძლო. საკანი ვარდის სურნელით აივსო. ნელსაცხებელმა ყროლისა და ბალღამის სუნი გააძევა საკნიდან.



— გემათ? — გაუთამამდა ბიჭი.

— ახლა კვართზე წყალი დამასხი. — უთხრა ავადმყოფობა. — რო-  
გორც მაშინ... ქრისტეშული

აბომ დაასხა წყალი ზურგზე, კვართი დასველდა და მრავალძარღვას ფოთლებს ზედ დაეტყება.

— კარგია. — ამოიგმინა დაქრილმა, წყალი სიამოვნებას ჰკვრიდა. აბომ დოქი თავთან დაუდო.

— ღმერთმა... გამომიგზავნა... შენი თავი, — უთხრა ნაწყვეტ-ნაწყვეტად და შუბლი იატაკს დაადო, გაყუჩდა.

აბომ ყურადღებით შეათვალიერა დილეგი, ჩემი აქ ყოფნის კვალი არ დარჩესო, შემთხვევით ძირს დაყრილი მრავალძარღვას ფოთლები, კვარის ნამწვავები გულდაგულ მოკრიფა და კალანჩხაში ჩახინწა, თავისი სველი კვართიც შიგ ჩაავდო. უჩუმრად გაიკეტა დილეგის კარი და წავიდა.

მესამე დღეს კვლავ მიაკითხა ტყვედქმნილს ყმაწვილმა, კვლავ მიუტანა მრავალძარღვას ფოთლები და ნელსაცხებელი, მაგრამ მამამ იგუშმანა, დილეგს დაუდარაჯდა, საკუთარი შვილი ქურდივით შეიბყრო, გაბოროტებულმა გაატიტვლა ბაღლი. ხეზე მიაბა და დახვანჯული თოკით დაუზოგავად სცემა.

ამის შემდეგ აბო დილეგს ახლოს არ გაჰკარებია.

გავიდა დრო და ხანი.

ერთ მშვენიერ დღეს მამა შინ გახარებული დაბრუნდა, აბოს ბაღდადის ბაზარში ნაყიდი სამოსი მიუტანა. თურმე ის ტყვე, შენ რომ მრავალძარღვას ფოთლები და ნელსაცხებელი მიუტანე, გიაურების ხალიფა ყოფილა და საჩუქარი გამოგიგზავნაო. აბოს არასოდეს ჩაეცვა მოსირმული კაბა და ტყავის წულები, ყმაწვილს დედაწული გარს შემოეწყო და თვალებანთებულნი დიდხანს შესცქეროდნენ. აბოც კმაყოფილი იყო და ბედნიერი. ღამე ძილში აბოდებდა გიაურის ხალიფას სახელს — ნერსეს.

მოხდა სასწაული, აბო და მამამისი ხალიფასთან დაიბარეს. მოვიდნენ ოქროს ეტლით. შიგ ჩააბრძანეს ჩვენი აბო, მისი მედილეგე მამა და ხალიფას აახლეს.

თურმე ახალ ხალიფას ნერსესათვის თავისუფლება უბოძებია და თავის ქვეყანაში წასვლის ნებაც მიუცია. ნერსეს ხალიფასაგან მსახურად უთხოვია მედილეგის შვილი — აბო.

ხალიფას აბო მიუცია. ნერსეს აბოს მშობლებისათვის გამოსასყიდი დაუტოვებია.

აბო აღადგენდა მთელ სურათს თავიდან ბოლომდე, როგორც წამოვიდნენ ქართლში, თბილისი როგორ შემოხვდათ.

ბოლოს მაინც იქ მიიყვანა გულის თვალმა, სადაც მისი გულმკერდით გადაწყვეტილიყო და ვერ გადაწყდა.

წყვედიადში ნერსე ერისთავის მზით გაჩახჩახებული სასახლე გამოიკვეთა. სასახლის აივანზე აბო გამოჩნდა, — მსახურებმა შემოიყვანეს. ქართული კაბა ეცვა და შავი ნაბდის ქუდი ეხურა, ქართველს მაინც არ ჰგავდა. არაბიო, ვერც ამას იტყოდით.

აბოს წყვედიადიდან ხმა შემოესმა.

„ამ ყმაწვილმა ყურანი არ იცის“... — სტეფანოზის ხმა იყო. სასახლე, სასახლის აივანი, ნერსე ერისთავი, თვით აბოც კი გარკვევით ჩანდა. წყვედიადში აბო ყველას და ყველაფერს ცხადივით შეჰყურებდა. მხოლოდ სტეფანოზი არ იყო არსად, მისი გაბოროტებული ხმა ისმოდა სიბნელიდან:

„ურწმუნოთა ქონების მიტაცება მუსლიმანის წმიდათაწმიდა მოვალეობაა“...

„ვილაც ჭანს მუსლიმანებმა თაფლი წაართვეს, ეს გასაკვირია? კარგადაც მოქცეულან!..“

აბო აივანის იმ კუთხისკენ შებრუნდა, სადაც ბნელოდა და სტეფანოზის ხმა გაისმოდა. სიბნელეს უთხრა მორიდებით:

— არა, უფალო, თაფლის წართმევა არ არის გასაკვირი, გასაკვირი ის გახლავთ, როცა მშობლიურ ენაზე შენთვის დაიჩვილებ და ენას მოგაპრიან.

„...ხედავ? ჭკუასაც გვასწავლის. გვედავება კიდეც!“ — ხმა გაცხარდა და მუქარის კილო შეიძინა, — „უთხარი, რაც საჭიროა და წავიდეს, მოშორდეს აქაურობას!“

სიბნელეში სტეფანოზის ფეხები გამოილანდა. აბო გაქანდა და ერისმთავარს ფეხებზე მოეხვია. ფეხებმა დამხობილი მონა კეთროვანივით მოიცილეს და სიბნელეში მიიშალნენ. აბოს თავზე დაადგა ნერსე ერისთავი და ჭირისუფლის კილოთი უთხრა:


„აბო ჭკვიანი ბიჭია, გააკეთებს იმას, რასაც გული უკარნახებს. ძალდატანება უსამართლობა იქნება.“

აბო ახლა ნერსეს მოეხვია ფეხებზე. ნერსემ წამოაყენა ჭაბუკი. მხრებში ჩაავლო ხელი და გასამხნეველად შეანჯღრია.

ჩემო ბატონო და მფარველო მახარებელო, — უთხრა აბომ დილეგიდან ნერსე ერისთავს, — გული მიკარნახებს ვეწამო დამონებულთათ-



ვის, ჩაგრულთათვის და მათი უფლისათვის, იესო მაცხოვრისათვის, ხომ გახსოვთ, იქ, ბაღდადში... მზესავით ამოხვედით ჩემთვის და გზა გამინათეთ.



ნერსემ არაფერი უპასუხა. თავის სასახლესთან ერთად მწვენილსა და ჩაინთქა. აბო კვლავ მარტო დარჩა კუბრის ზღვაში ჩაყურყუმალავებულ-ლი, მდუმარებასა და უყიდევანო წყვილიადში ჩაძირული.

...მამალმა იყივლა სადღაც, ძლივს, ოდნავ გასაგონად ჩამოაღწია მამლის ყივილმა დილეგში. მომეყურაო, — იფიქრა. გატრუნულმა მი-უგდო გულისყური. მამლის ყივილის გაგონება ისე გაუხარდა, თითქოს თავისუფლების მონიჭება ახარესო.

რაკი სადღაც მამალმა იყივლა, მაშ, სულ მთლად არ გაუწირავს მა-მაზეციერს, — ადამიანები ახლოს ყოფილან. ადამიანების ახლოს ყოფნა კი ნუგეში იყო.

შველას კი არ ითხოვდა — თავი გადაედო. ყველანაირ სასჯელს მშვიდად დაითმენდა: თავის მოკვეთასაც, ჯვარცმასაც, ცეცხლში დაწ-ვასაც, ჩამოხრჩობასაც.

ერთადერთი სასჯელის ეშინოდა: ადუღებული ზეთის ჩასხმისა პირ-ში. თუ ხალხი ახლოს ეყოლებოდა, ძალაც მეტი მოეცემოდა მარტვი-ლობისათვის. ხალხის ერთი ამოგმინვა თამამად გადაადგმევინებდა ნა-ბიჯს სახრჩობელისაკენ, ბოლოს და ბოლოს, ადუღებული ზეთის ჩას-ხმასაც კი დაითმენდა ხალხის გულისათვის. მაგრამ თუ მარტოკას ჯურ-ღმულში ამოახრჩობდნენ და ამას ვერავინ გაიგებდა, არ ივარგებდა. მთელ ქვეყანას უნდა გაეგო აბოს ამბავი, უძლეველი, მთელი აღმოსავ-ლეთის მფლობელი ხალხის შვილი უარს ამბობდა თავის ზღაპრულად უძლეველ ხალიფატზე, თავის სჯულზე და ჩაგრულ ხალხს, ერთი მუჭა დაუძღურებულ და გადატაკებულ ქართველობას თანადგომასა და თა-ნაქცევას ჰპირდებოდა.

მარტო ქართველებისათვის არ აპირებდა ჯვარცმას.

ქართველებისთვისაც და არაბებისთვისაც უნდა ემარტვილა, ქართ-ველებს უნდა ერწმუნათ, რომ მათი ქვეყანა, ხალხი და სჯული გადა-შენებისა და გადაგვარების ღირსი არ იყო. მათთვის ღმერთს ებოძებია საკუთარი მიწა-წყალი, ენა თვისი, სარწმუნოება, არა კაცს, თუნდაც არაბს, უფლება არ ჰქონდა ღვთის გაჩენილი მოესპო.

არაბებს კი სხვათა დამონებისა და ჩაგვრისათვის საზღვარი უნდა დაედოთ. კეთილშობილი არაბები ვერ ივლიდნენ იმ გზით, რა გზითაც ხალიფატი მიდიოდა.

სხვა დროს არ ეფიქრა ამაზე აბოს, თავის ტანჯვა-წვალებას ახლა

აქ, დილეგში, უცვლიდა გეზს, აზრსა და დანიშნულებას აძლევდა. ასე შორს არ ჰქროდა მისი გონება, ადგა და ჩაგრულს მხარში ამოუდგა. ჩაგრული, ლატაკი, საწყალი ხალხი ბალობიდანვე უყვარდა, ღმერთში ჩაგრულის ღმერთი შეიცნო და უმაღლესი მისი ერთგული და მამაა. სულ ეს იყო გოლგოთის გზაზე შედგომის მიზეზი. რაკი ეს ნაბიჯი გადადგა, სიმტკიცეც მართებდა იმ ღმერთისებური.

მამლის ყვილი ისევ შემოესმა. ისევ გაუნათდა გული, იმედი ჩაესახა. „აღბათ გათენდა. მოვლენ და წამიყვანენ“, — იმ საზარელმა დილეგმა ისე მოაბეზრა თავი. „წყევანა“ უხაროდა. კარგად იცოდა, თუ წამიყვანდნენ, საწამებლად ან სასიკვდილოდ წამიყვანდნენ, აქ ჯდომას მინც წამიყვანა ერჩია. აღარსად იყო წამიყვანი. „სიკვდილი სანატრელი გამიხდება“, — ფიქრობდა ნაღვლიანად.

ეძინებოდა, თუ გული მისდიოდა, თუ ყელში უჭერდა უჭაერობა, კედლები რომ არა, აღბათ დაეცემოდა, შამფურივით ტრიალებდა ორ კედელს შუა, თითქოს ზევით-ზევით აჰყავდა რაღაც ძალას, გასაქანი არც ზევით იყო, წელში გაიმართებოდა თუ არა, თავს ლოპრიან ჰქერს აბჯენდა.

სიბნელეს დაუწყო ყურება, ერთადერთი ნუგეში ესლა რჩებოდა. თუ შეძლებდა გულისყურის სრულ მიპყრობას სიბნელისაკენ, გულის თვალი აეხილებოდა და ცხადლივ ხედავდა იმას, რაც უკვე მომზდარი იყო, რაც თავს გადახდენოდა.

არაფერი ჩანდა არსაიდან, ერთიანად, ჩაძირულიყო წყვილიაღში. გული წაუვიდა თუ დაეძინა. დიდხანს იდგა ასე ძილბურანში წასული. იდგა, იდგა... ნელ-ნელა ჩაიკეცა, ჩაიბლუნდა, ჩაეკეცა კედლებს შორის, ასე ნახევრად ჩაყუნცული, ვინ იცის, რამდენ ხანს თვლებმა. არაფერს ხედავდა. არავის ელაპარაკებოდა, უძრავად, უსიცოცხლოდ გატრუნულიყო ბნელ საკანში. სამარისებურ სიჩუმეში, ჯოჯოხეთურ სრულ წყვილიაღში დრო თითქოს საერთოდ აღარ გადიოდა, ერთ ადგილას, ერთ რომელიღაც წამზე გაქვავებულიყო. და ვინ იცის, რას ელოდებოდა, როდის დაიძვროდა ადგილიდან.

...წყვილიაღში თეთრი წერტილი გამოჩნდა. ეს წერტილი ჯერ კენკრისხელა იყო, შემდეგ ხელისგულისოდენა, შემდეგ ბადრ მთვარეს დაემგვანა და... მამა იოანეს მოჰკრა თვალი წყვილიაღში. მამა იოანე ამოცურდა უკუნეთიდან. — მამაო! — შესძახა აბომ და კალთაზე ეამბორა.

— შემიპყრეს, მამაო! აი, ასე დედიშობილა წამომიყვანეს და მახრჩობელა საკანში ჩამაგდეს, — შესჩივლა აბომ იოანეს თავისი გასაჭი-



რი, — ჩემმა პატრონმა და დიდმა ბატონმა არ იცის, რომ შურტების საკანში, არც ძმებმა იციან, არც ერისმთავარმა მ. ხელმეფებორკილი, თვალეზიანი, ორ კედელშია ლოდები სიკვდილს. განა შეიძლება ამათი ღმერთი იწამოს ადამიანმა?..

მამა იოანე არაფერს ამბობდა. გაჩუმებული, თავდახრილი იდგა სივრცეში. აბო ეკითხებოდა და იოანე არ პასუხობდა. თანაც აბო ძველ ამბავს კი არა, ახალს, თავის ამჟამინდელ ყოფას ამცნობდა მოძღვართ-მოძღვარს, აბო ძილშივე მიხვდა, რომ ეს სიზმარი იყო და გამოღვიძება სცადა. იოანესთან ფხიზლად უნდოდა საუბარი. გონს მოეგო, მოძღვარს თვალსაწიერიდან არ უშვებდა, უნდა მიმხვდარიყო, გამოეცნო, თუ რას ეტყოდა იოანე საკანში გამომწყვდეულს. სტეფანოზი და მიქაელი მტკიცედ მოითხოვდნენ თავის სჯულზე მიბრუნებას, ნერსე და გრიგოლიც ფრთხილობდნენ, გულმა როგორც გიკარნახოს, ისე მოიქეციო, უთხრეს. იოანე იტყოდა გადამწყვეტ სიტყვას, იოანეს იმედი ჰქონდა, ამიტომ დაეძებდა გულის თვალთ წყვილიაღში მამა იოანეს...

...მამა იოანე თავისი თეთრი ჯორით რასტიბაზარში \* იდგა და აბოს შორიდან შესცქეროდა. აბო გასისხლიანებულ ენამოჭრილ ლაზს თავს დასტრიალებდა და გაჰყვიროდა: — ხალხნო, ადამიანი მოკლეს! გამო-დით, ნუ იმალებით! ვუშველოთ, ღმერთი არა გწამთ?..

მოიყვანეს სათრეველა ურემი. დაჭრილი ზედ დააწვინეს და წაიყვანეს. აბო შუა ბაზარში მარტო დარჩა. გასისხლიანებული, ნაცემ-ნაგვე-ში, გაოგნებული იდგა ერთ ადგილას და არ იცოდა, რა ექნა. უცებ მან თვალი ჰკიდა ფიჩვოსან ბერს, თეთრი ჯორი ეჭირა აღვირით და სიყვარულით შესცქეროდა. აბომაც შეხედა. ჭაღარაშერთული დიდი წვერი მკერდამდე სცემდა ღვთისკაცს. შუა ხნისა იქნებოდა, ფართო პირისახის, მშვიდი და კეთილი თვალები ანთებოდა კვარავით და ღვთაებრივ სითბოს აკმევდა, მიწიღველ, ძლიერ შუქს ასხივებდა ირგვლივ მყოფთ, მაგრამ ირგვლივ არავინ იყო გარდა აბოსი, აბოსკენ მიემართა ჯაღო-სნურ სხივთა ნაკადი. ვით უფლის გამოცხადება, მოლაშქრებთან ომით დაღლილ აბოს გამოეცხადა იოანე საბანისძე შუა ბაზარში. ის დაუფიწყარი, ღვთაებრივი შუქით განათებული მოძღვრის სახე ამოცუ-რებულოყო წყვილიაღში და განსაცდელის ქამს, ბნელ საკანში შემწყვ-დეულ აბოს, ძველებურად სიკეთითა და სიყვარულით ავსებდა.

— ქრისტეს მიერ საყვარელო, შვილო ჩემო, — უთხრა მაშინ ტკბილი, სიმშვიდისმომგვრელი ხმით იოანემ.

\* შუა ბაზარში.

აბომ თავი უხერხულად იგრძნო. „ქრისტიანი ვგონივარ“, — შეაფუხა სინდისმა.

— არა, მე არა... აღუღლულდა ყმაწვილი. აფორიაქებდა შენს ცხს ზეზე. მონაზონმა მკლავში ხელი მოჰკიდა და დამარწმუნებდა, რომ ცეცხლს ცედ უთხრა:

— ვიცი, ვინცა ხარ. წამოდი ჩემთან.—იოანეს ცალი ხელით ჯორი მიჰყავდა, ცალითაც აბო. ხელიხელჩაკიდებულები გამოვიდნენ ბაზრიდან.

ის დაუვიწყარი დღე დაუდგა თვალწინ აბოს. მორჩილად მიჰყვებოდა მოძღვარს. იმან მიიყვანა პირველად მარიაამწმიდაში, იმან აუხილა თვალი. ღვთის მიერ ბოძებულ სიკეთეს იმან მისცა პირველი სადინარი, ჭეშმარიტების გზაზე იმან მიიყვანა ხელიხელჩაკიდებულმა.

„ღვთის მირონი გაცხია“, — უთხრა იმ დღეს იოანემ და იმ დღიდან დაუწყო თავისთავს თვალის დევნება.

ყველაზე მთავარი მის ცხოვრებაში მაინც სვეტიცხოველში მოხდა, ვნების კვირაში, ქართლში ჩამოსვლის პირველ წელიწადს. იქაც იოანემ მიიყვანა.

მასინ მარიაამწმიდაში, სხვა ყმაწვილებთან ერთად, დადიოდა და ქართულ წერა-კითხვას სწავლობდა. მან უკვე იცოდა ქრისტეს საოცარი წამების ამბავი. ქრისტეს ცხოვრებას იოანე თავის მოწაფეებს ჯერ თვითონ მოუთხრობდა, შემდეგ, როცა ყმაწვილები კითხვას შეისწავლიდნენ, ყველა მახარებლის მონათხრობი სახარება ცალ-ცალკე უნდა შეესწავლათ. აბოს ჯერ მათეს სახარების პირველი თავები ვერ გადაეკითხა ხეირიანად, მაგრამ მწყემსი კეთილის წამებული ხატი უკვე თან დაჰყვებოდა. ეს ხატი მან პირველად ცხადად და სრულად იხილა დიდ ხუთშაბათს, სწორედ აქ, სვეტიცხოვლის თორმეტთა მოციქულთა საყდარში.

კეთილ-კრძალულობით შედგა ფეხი ჭაბუკმა ქართველთა წმიდა სალოცავში. კათაკმეველთ შორის ჩაეკვეტა და კისერწაგრძელებული მიაჩერდა ჯვარცმას. აქ აუტყვრდა პირველად გული უფლისა მიმართ, პირველად ასწია ხელი პირჯვრის საწერად.

სამოელ ქართლის კათალიკოსიც პირველად იქ იხილა.

მწყემსმთავარს უკმევდნენ, საღვთო საქმეთა აღსასრულებლად ამზადებდნენ.

საიდუმლო სერობა დიაკონმა გალობით დაიწყო. იესო ქრისტეს მიერი საიდუმლო ტრაპეზი უნდა გამართულიყო. მოძღვრის როლში კათალიკოსი გამოდიოდა. და მოიღო წყალიო... გალობდა დიაკონი და სა-

მოელ ქართლის კათალიკოსი თავის მოწაფეებს ცხეს ჰბანდა. კათალიკოსს სერობის სრული სურათი უნდა წარმოედგინა.

რატომ ბანდა ფეხს მოწაფეებს უფალი? — თავმდაბლობის მოწაფეების ერთგულების მაგალითი უნდა ეჩვენებინა არა მარტო მოწაფეებისთვის, ხალხისთვისაც. აბოს არ ახსოვდა სახარების ის ადგილი, საიდუმლო სერობის ჟამს უფალი მოწაფეებს ფეხს რომ ბანდა. მას უფრო ქრისტეს გოლგოთაზე წამება და შემდეგ ბრწყინვალე აღდგომა ხიბლავდა და ის დახსომებოდა. როცა ცხადად იხილა, მაცხოვარმა ფეხი დაბანა არა მარტო საყვარელ მოწაფეებს, არამედ გამცემელსაც, — იუდასაც, ჭაბუკს თვალეში ცრემლით აევსო და კიდევ უფრო შეუყვარდა მშვიერ-მწყურვალთა და უპოვართა ღმერთი.

მეორე დღეს მან გარდამოხსნა იხილა, მესამე დღეს — უფლის აღდგომა, ეს იყო ზღაპრული სახალხო დღესასწაული, მსგავსი რამ არასოდეს ენახა და არც გაეგონა; მთელი ქართლი მცხეთისკენ დაძრულიყო. სვეტიცხოვლის საყდარში. საყდრის გარშემო მდებარე სამოთხის ბაღი ზღვა ხალხს ვერ იტევდა. ბავშვები ხეებზე ასულიყვნენ, ხელში წითელი კვერცხები ეკავათ და „უფალო, შეგვიწყალებ“ გალობდნენ.

„ქრისტე აღდგა მკვდრეთით“, — გამოდიოდა საყდრიდან დიაკვნის ბარიტონი.

„სიკვდილითა სიკვდილითა“, — მოსძახოდა ხალხი. სახარების სიტყვებს ამახინჯებდნენ, მაგრამ შინაარსს მაინც გადმოსცემდნენ. მთელი გრძნობით, გატაცებითა და ღრმა რწმენით იხსენებდნენ წარსულს: ქრისტე აღდგა მკვდრეთით, სიკვდილითა და სიკვდილის დამორგუნველი და საფლავებს შინათა ცხოვრების მომნიჭებელიო.

რა გატაცებით მღეროდნენ, რა სიყვარულით, რა სიამაყით ამცნობდნენ ქვეყანას თავიანთი უფლის მკვდრეთით აღდგომას. როგორ სჯეროდათ ამ სასწაულის! აბო ახლა დილეგში ხედავდა მათ სახეებს და მათი ხმები ჩაესმოდა ყურში.

იმ დღეს კი იესო ქრისტეს ღვთიურმა სიცოცხლემ თვალწინ გაუჩინა და თითქოს ზეციდან უკარნახეს, ურჩიეს: — ყმაწვილო, აი, ეს არის ის, ვისაც ბალობიდანვე მიელტვოდი. მიბაძე მას, მისებურად იღვაწე. აბოს მართლაც სხვა სურვილი არასოდეს ჰქონია. მაგრამ როგორღა ეღვაწა ქრისტესებურად, რა შეეძლო მას, რა ხელეწიფებოდა, ქრისტეს ოდნავ მაინც როგორ დამგვანებოდა?

განა ქრისტესავით იქადაგებდა? ან საპყართ განკურნავდა? მკვ-

დართ აღადგენდა? სიკვდილი! მხოლოდ და მხოლოდ სიკვდილი შე-  
ეძლო ქრისტესებური!

„ქრისტე აღდგა მკვდრეთით, სიკვდილითა სიკვდილითა“... გა-  
ლობდა ხალხი, თითქოს განგებ ამანინჯებდნენ სახარებას. სიკვდილი  
სიკვდილში მის სიცოცხლეს ხედავდნენ და ამიტომ ამოკლებდნენ, მო-  
კვდა და ამით აღდგაო — კათაკმეველთ ამცნობდნენ და გმირული სიკვ-  
დილისაკენ მოუწოდებდნენ.

მართალი, კეთილი, ბრძენი, საყვარელი, ტანჯული იესო ნა-  
ზარეველი ყმაწვილ აბოს იმ დღიდან აღარ განშორებია. ძილშიც კი მის  
სახელს აბოდებდა და ესიზმრებოდა ღამ-ღამობით.

ახლა მახრჩობელა საკანში ქრისტეს ტანჯული სხეული ამოვიდა  
წყვედიადიდან და აბომ სწორედ ის გაიფიქრა, რაც მაშინ, იმ აღდგომა  
დღეს სვეტიცხოვლის ეზოში. „სიკვდილი! მხოლოდ და მხოლოდ  
სიკვდილი შემიძლია ქრისტესებური!“

რამდენჯერაც ამას გაიფიქრებდა, იმდენჯერ კვდებოდა ქრისტეს  
სიკვდილით. საკუთარი ჭვარი მიჰქონდა და მიდიოდა გოლგოთას  
გზაზე...

რამდენიმეჯერ შედგა და ჩაიკეცა, ვეღარ გაუძლო ტვირთის სიმძი-  
მეს.

— ეს ბიჭი ხომ მუსლიმია, — ჰკვირობდნენ არაბიელნი — რისთვის  
უტვირთია ქრისტეს ჭვარი!

უკან ზღვა ხალხი მისდევდა ჩოჩქოლით, ზოგი კიცხავდა და აგინებ-  
და, ზოგი ლერწმით სცემდა ყვრიმალზე, ზოგი ჰნერწყვავდა ნათელს  
პირზედ და ხვირთით სცემდა თავზე. ზოგი გაჰყვიროდა: ჭუარს აცუ,  
ჭუარს აცუ ეგე!

აბოს გაუჭირდა ჭვრის ზიდვა. ხალხთან ერთად მოდიოდა კაცი ვინ-  
მე კვირნელი, სახელით სვიმონ. შეებრაღა ჭვრის მზიდველი ჭაბუკი  
კვირნელს. მხედრებმა კვირნელი დასაჩეს ამ სიბრაღულისათვის და  
გოლგოთამდე ჭვარი მას ათრევინეს. და აჰა, გამოჩნდა თხემისა ადვი-  
ლი — გოლგოთა, ზედ ჭვარი დადგეს. აბოს მისცეს ძმარი ნაღვლითა  
შეზავებული, მოსვა ჭაბუკმა შხამი, შეთხზეს ეკლის გვირგვინი და თავ-  
ზე დაადგეს. შემოაძარცვეს სამოსელი და ჭვარს აცვეს. მარცხნივ და  
მარჯვნივ ავაზაკნი გააკრეს ჭვარზე, მათთან ერთად მიიღო სატანჯველი,  
ისინი მძარცველნი იყვნენ, კაცისმკვლელნი, აბო კი — კრავი, ტარიგი  
ღმერთისა.

ნამდვილ ჭვარცმას აბო თავისთავს ვერ მიუხადაგებდა.

იქ ღმერთს აწამებდნენ, აქ მსახური უნდა ეწამებინათ. აბოს თავს

ზემოთ ვერ დაწერდნენ „ესე არს აბო, მეუფე“. ვერც ფარისებრნი ეტყოდნენ „სხუანი აცხოვნა, თავი თავისი ვერ ძალ-ჲც ცხოვნებად“.

აბო ქურდულად შეიპყრეს, ალბათ ფარულ წამებას უბრალოდ და ძალღივით მოკვდინებას, გოლგოთაც კი სანატრელი გაუხდებოდა! რედ ახლა სჭირდებოდა მოძღვარი. — უნდა ესწავლებინა რა ელონა, რა მოემოქმედა, ვით უზიდა საკუთარი ჯვარი, უფალს პირნათელი ვითარ შეხვედროდა.

ახლა უკვე იესო ქრისტე უბრალო მისაბაძი გმირი კი არ იყო აბოსათვის, უფალი გახლდათ მისი, ხოლო თვითონ საღვთო საიდუმლოს ზიარებული, ქრისტიანი.

— მოძღვარო, მოძღვარო! — ეძახდა წყვილიაღში იოანეს პყრობილი, ხელუბრალო ეძახდა, ხმის ჩახლეჩამდე გაჰკვირდა მარტოკა. სამარისებური სიბნელე ღუმლით პასუხობდა.

...დიდხანს იდგა სივრცეში გაჩუმებული და თავდახრილი მამა იოანე, ბოლოს დაავლო ხელი თავის განუყრელ თეთრ ჯორს, ზედ ხურჯინი გადაკიდა და მარიამწმიდაში წავიდა. იქ მოწაფეები ელოდებოდნენ. მოწაფეები გაჰკვირდნენ, თავიანთი მოძღვარი ჯორითა და ხურჯინით რომ გამოეცხადათ. იოანეს ხელში სახარება ან კურთხევანი, ან სამოციქულო თუ ენახათ. მონასტრის ეზოში გამოეფინენ და ჯორს შემოეხვივნენ.

— ყრმანო, უფალი ჩვენი სად მოძღვრავდა თავის მოწაფეებს? — ჰკითხა იოანემ ბავშვებს და კითხვას თვითონვე უპასუხა: — ყველგან, მთად და ბარად, მას ხომ საყდარი ჯერ არსად ჰქონდა. მაცხოვარი ჩვენი ქადაგებდა ხან მდინარის პირას, ხან მთაზე, ხანაც ველზე ხამს ჩვენც მივბაძოთ მას.

მამა იოანე წინ გაუძღვა თავის მოწაფეებს და ქალაქის რაბათისაკენ გასწია. ბავშვებს უხაროდან, მოსწონდნათ ასეთი სწავლა. სად ეკლესიაში სწავლა და სად მინდორში ფსალმუნობა! მამა იოანემ უთხრა მათ: გზადაგზა იფსალმუნეთო, ნამდვილი მორწმუნე სულ მუდამ უნდა ფსალმუნობდესო.

რაბათს გასცილდნენ, ლელვთახევისკენ აიღეს გეზი. წაკვირებულს მიჰყვებოდნენ აღმა.

წაკვირებულს ღრმა ხევში მოწანწკარებდა. ლოდებს ლოკავდა და მხიარული ლიკლიკ-რაკრაკით მიემართებოდა დედამდინარისაკენ.

მამა იოანე ჯორს წინ მიუძღოდა და ხევ-ხევ მიდიოდა. წინ წითელი ველი შემოხვდათ. აბოს ეს წითელი ველი ჩარჩენოდა სულსა და გულში. ყველაზე ნათლად, ყველაზე მკვეთრად. წითელი ველი ყაყაჩოებით

იყო მოფენილი და წითლად ანთებულიყო. შორიდან მხოლოდ წითელი ველი მოჩანდა, წითელი ფერი ელვარებდა მზეში, — კაცი იფიქრებდა, ველზე სისხლია დაღვრილი და მდელი იმას გაუწითლეს, — რომ დაუბერავდა, — სისხლის ტბა ყოფილა და ნიავე ალივლივდესო.

გაზაფხულმა იცის ტფილისის ველების სისხლისფრად ატკრციალება, ზურმუხტის ფერში წითელი ფერი ისე კვიცს, ლამის ციდან ღმერთი ჩამოიყვანოს. თბილისური ყაყაჩოფური შეეჭრა აბოს დილეგში და მთელი ქვეყანა წითლად შეღება, წითლად შეიფერა ლელვთახევიც, თაბორის მთაც და უკან დარჩენილი კალაც. მაშინ ყველაფერი ზურმუხტისფერი იყო, მხოლოდ ყაყაჩოების ველი ღუოდა წითლად, ახლა კი აბოს თვალში მთელი თბილისი და მისი შემოგარენი აღდგომის კვერცხივით გაწითლებულიყო და ამ წითელ ქვეყანაში მიჰყავდა იოანეს თავისი მოწაფეები დასამოძღვრავად. სწორედ აქ, ყაყაჩოების ველზე შეაჩერა იოანემ ჯორი. წაგვისელას პირას დიდ ლოდზე ჩამოჯდა და მოწაფეები გარს შემოიკრებია.

— დავიწყოთ. წინა გაკვეთილზე ჩვენ შევესწავლეთ „მრწამსი“. აბა, ვინ გვეტყვის? — მამა იოანემ აბო მოძებნა თვალით. აბო წინ წამოდგა, წელში ოდნავ მოიხარა, ზეცისკენ აღაპყრო თვალები, პირჯვარი გადაისახა და დაიწყო:

— მრწამს ერთი ღმერთი მამა, ყოვლისა მპყრობელი, შემოქმედი ცათა და ქვეყნისა...

— რას ნიშნავს „ერთი ღმერთი?“ — შეაჩერა იოანემ, — რაკი შენ ერთი ღმერთი გწამს, მაშ, ღმერთი ბევრი ყოფილა, რომელიღაც შენს მოყვასს მეორე ღმერთი, სხვა ღმერთი უწამებია.

— არა, — მიუგო აბომ მტკიცედ, — ღმერთი ერთია, მაგრამ სამპიროვანია.

— სწორია, ყოჩაღ, აბო, — ღმერთი ერთია, — ეკლესიაშიც ასე ვგალობთ არა?

„ერთ არს წმიდა, ერთ არს უფალი“. ვიგალობთ ერთად, მიქაელ, გრიგოლ, დაიწყეთ.

ყმაწვილები შეყოვდნენ, ღია ცის ქვეშ გალობა ეხამუშათ, იოანემ წამოიწყო თვითონ, მოწაფეებიც ხელად აპყვნენ და ჭაბუკური ტკბილი ხმები მოეფინა ყაყაჩოებით მოფენილ ველს, გალობა რომ გაიგონა ხევში ჩიტი აქლურტულდა, მიდამო ჭიკჭიკით დაატკბო.

გალობას მორჩნენ, იოანემ მოწაფეებს ჰკითხა:

— აბა, ახლა მიბრძანეთ, რა არის სამპიროვნება... ვინ არის პირველი პირი?



— მამა ღმერთი. — მიუგეს ყმაწვილებმა.

— მეორე?

— ძე.

— მესამე?

— სული წმიდა.

— სწორია. აი, ამიტომ სამპიროვანი ღმერთი იწოდება კიდევ როგორ?..

— ყოვლად წმიდა სამებად, — მიუგეს.

— ერთობა სამებისა როგორ გესმით?..

ბავშვები გაჰკვირდნენ, ერთმანეთს შეაჩერდნენ, ხომ ყველაფერი ვთქვითო.

— გრიგოლ, აბა, შენებურად... კარგად დაფიქრდი.

— მზე, მამაო, — თქვა გრიგოლმა, შუბლზე ხელი მოიჩრდილა და ზეცაში მზეს დაუწყო ყურება, — მზე ხომ ერთია.

— სწორია. მზე ერთია, — უთხრა იოანემ.

— მაგრამ მზისგან წარმოიშობა სითბო და სინათლე. ცხოველი მზე, რომელსაც ჩვენ ერთს ვხედავთ, შედგება სამისაგან: სითბოსაგან, სინათლესა და თავისთავისაგან. ღმერთიც ასეა. ჯერ თვით არის, მისგან იშობა ძე, — სითბო გულისა და სული წმიდა — სინათლე გონებისა. სამივე კი ერთია, ერთი მთელი.

— სწორია. ახლა ლოცვა ყოვლად წმიდა სამებისა გავიმეოროთ, — თქვა კმაყოფილად იოანემ, გრიგოლი გვერდით ამოიყენა და „წმიდაო ღმერთო“... წამოიწყეს.

ხალიჩანი ყაყაჩოებით მოჩითულ ველზე შავით მოსილი ქალი გამოჩნდა. ველზე ერთი ხე იდგა მწვანე ქოლგად გაშლილი. იმ ხის ძირას შედგა ქალი, ილლიდან დახვანჯული თოკი გამოიღო. თვალისდახამხამებაში ყულფი გამონასკვა, იქვე კუნძი ეგდო, ის კუნძი დიდი მონდომებით მოაგორა ხის ძირას. ზედ შედგა, ყულფი ხის ტოტზე ჩამოკიდა, შიგ თავი გაჰყო და კუნძს ფეხი ჰკრა. კუნძი გვერდით გადაგორდა, ყულფზე რომ დაეკიდა, თოკი გაწყდა და ქალმა ძირს ზღართან მიადინა.

როცა ქალმა თავი ყულფში გაჰყო, მიქაელმა ჰკიდა თვალი და იყვირა:

— ღმერთო, დაიფარე!

ყველანი შებრუნდნენ იქითკენ, საითკენაც მიქაელი იყურებოდა. ამასობაში თოკი გაწყდა და ქალი ძირს დავარდა. მამა იოანე ქალისკენ გაეშურა, მოწაფეებიც უკან გამოუდგნენ.

აბოს იმ ქალის გაგაყეუბული თვალები ახსოვს მხოლოდ. მიეახლნენ.

ქალი ჩოქზე იდგა ყაყაჩოებში და ახალ მარყუჟს ნასკავად გულდა-  
გულ, თან თვალის გადმობრუნებულ თეთრ კაკლებს შეშლილივით აი-  
წინებდა. ქალს თვალი ვერავინ გაუსწორა. ყმაწვილებმა უცნებე-  
ბივით ჩაქინდრეს თავები და შეშინებულები გვერდით მიდგნენ.  
იოანე მივიდა ქალთან ახლოს, მკლავებში წაავლო ხელი, წამოაყენა და  
ალერსით უთხრა:

— გადაადგე თოკი, უბედურო! — ქალმა უცებ ტირილი აიტეხა,  
ხელი წაართვა იოანეს, გაიქცა და მოშორებით ჩაჯდა ბალახებში.

— სიცოცხლე! ღვთის ბოძებულია, შენ რა უფლება გაქვს, რომ  
ისწრაფავ! — შორიდანვე უთხრა იოანემ და ნელა მიეახლა. ქალი  
მკვირცხლად წამოხტა და გაიქცა. გრძელი შავი კაბა ფეხებში ებლან-  
დებოდა, ერთი მსხვილი ნაწნავი უკან მისთრევდა, შუახნისა იქნებო-  
და, დარდისა და მწუხარებისაგან გატეხილიყო.

იოანე ქალს გამოუდგა, ყმაწვილებიც უკან მიჰყვნენ. ქალმა ყაყა-  
ჩოიანი ველი ფოცხვერივით გადაიბრინა, ნეკერჩხლის კორომში შეჰყო  
თავი და ტყის ბილიკით კარგა ხანს ატარა მამა იოანე და მისი მოწა-  
ფეები. ბოლოს გომურ-სახლში შევარდა და კარი რაჯგუნით მიიხურა.  
მამა იოანე შედგა. შუბლიდან ოფლი მოიწურა და ზღუბრლთან შე-  
ჩერდა, მოერიდა, — ქალს შინ შეუპატიებლად არ შეჰყვია.

— ვინ იცის, რა უჭირს. — თქვა მამა იოანემ ნალღლიანად.

უცებ კარი გაიღო და ტიტლიკანა ბიჭმა გამოიხედა, ბიჭი ავადმყოფს  
ჰგავდა, მუცელი ტყირპისაგან თუ ციებისაგან გაბეროდა და მწიფე  
კიტრივით გაყვითლებულიყო.

ღია კარში ბავშვის გამოჩენა გაუხარდათ, იოანე მოწაფეებითურთ  
ბავშვისაკენ წავიდა, მაგრამ მიწურიდან ქალის მოთქმა მოესმათ და  
კვლავ შეჩერდნენ, ერთმანეთს გადახედეს, ქალი ხმადაბლა მოთქვამდა  
გულსაკლავად.

იოანემ ჭერ შორიდან შეიხედა კარლია გომურში, შემდეგ ფრთხი-  
ლად შეაბიჯა, აბო, მიქაელი და გრიგოლიც შეჰყვნენ, დანარჩენები კარს  
მოეჭარნენ.

შუაეცხლი ენთო, ცეცხლზე დიდი ქვაბი იდგა, ორთქლი ასდიოდა,  
შიგ წყალი ტყვარჩალით დუღდა.

კერას გარშემო ბავშვები შემოწყობოდნენ, გრძელ ჯორკოებზე ის-  
ხდნენ ერთმანეთის გვერდით, კვართი არც ერთს არ ეცვა, დედამოხი-  
ლა მიფიცხებოდნენ ცეცხლს. კუთხეში ტაბაკი იდგა, ზედ ბალღის ცხე-  
დარი ესვენა თეთრზეწარგადაფარებული, შაოსანი ქალი იმ ტაბაკს  
მიკლდომოდა და ხმადაბლა მოთქვამდა. იოანეს თავზარი დაეცა დამუნ-

ჯებული, თავდახრილი იდგა დამნაშავესავით. სად იყო ის სასტუმრო  
სიტყვა, აქ რომ უნდა თქმულიყო?

მზერით დათვალა ბავშვები. შვიდნი იყვნენ. უფროსი —  
ტი წლისა იქნებოდა, უმრწემესი ალბათ სამისა. თითქოს ეძინებათო,  
ერთმანეთზე მიედოთ თავები და თვლემდნენ. მხოლოდ იმ ერთს უბრ-  
წყინავდა მკვირცხლად თვალები, ვინც კარი გააღო და დაუპატიჟებელ  
სტუმრებს გამოხედა.

— სიყმილი. — თქვა ჩუმად იოანემ მოწაფეების გასაგონად... —  
სიყმილი და ჭირი მძვინვარებს ქართლში.

იოანემ პირჯვარი გადასახა დედაწულს ერთიანად. შემდეგ ჯვარი  
მალლა შემართა, ლოცვის ბუტბუტით ქალს დაადგა თავზე.

ქალი ჯვარს ემთხვია და ტირილს მოუმატა.

იოანეს გაუხარდა. იმედი მოეცა.

— ეშმაკეული მეგონე. — ჩაიდუღუნა და მხარზე ხელი დაადო და-  
სამშვიდებლად, — ცისციხად ეშმაკიერი...

— დიახაც! — შესძახა ქალმა. — ენამ გიყვილათ, ბატონო. სწორედ  
რომ ეშმაკისა ვარ და მისი დეიდაშვილისა — სატანისა. იმათი კერძი  
რომ არ ვიყო, ასეთ ძვალმავარს რა დამარჩენდა! იმათ გამო აღარ მის-  
კდება დედამიწა და შიგ აღარ ჩავეტენები, შავ დღეზე და შავ ვარსკვ-  
ლავზე გაჩენილს აღარ ამომაკვნენსდება სული...

„სსუული“, — გაგრძელებულად წარმოთქვა, ხელები მალლა შემარ-  
თა და მოთქმა მოაყოლა:

— ვარსკვლავის პატრონსა, ბატონო... ციდან მოწყვეტილი ვარ-  
სკვლავისა, ბატონო...

კოკობი ვარდისა, ბატონო...

ქალი მდულარე ცრემლს აფრქვევდა და თეთრ ზეწარს ეფერებოდა.  
ზეწარის ქვეშ ილანდებოდა ბალღის პატარა თავი, შუბლი, ცხვირი.

— რატომ დედაშენი არ წავა შავეთში, შვილოო. რას ელოდება  
შვილმკვდარი დედა, შვილოო...

— კარგით, დაწყნარდით, დამშვიდდით, — უთხრა იოანემ.

— თქვენი მტერი და სისხლისმსმელი დამშვიდდეს ისე, როგორც  
ახლა მე დაემშვიდდები. ბატონო, — კვლავ მოთქმაში გადაიყვანა ბო-  
ლო სიტყვა ქალმა და ვაი, ვაიო, მუხლებს აუტეხა ცემა-ტყევა.

— ერთი თვეა ბალახსა ვძოვთ, ბატონო, — მოთქმით უამბო თავისი  
თავდადასავალი, — პირუტყვებივით, ბატონო. უჩემოდ არ ჭამოთ-მეთქი  
ბალახი, ყველა ბალახი არ იქმევა-მეთქი. ბალახს ძროხაც კი ირჩევს-  
მეთქი, არ გამიგონეს, არ დაიშაღეს, ბატონო... შშიერ რვა ბავშვს რვა

კუთხივ ხომ არ გავეკიდებოდი, ვინ იცის, ყია რით ამოიყოფს, ჯერ  
სისხლის ყვანა დააწყებინა, მერე მამიკვდა, ბატონო.

ქალი ტირილისაგან ჩაბეირდა, „მამიკვდას“ წარმოთქმა <sup>გარდაცემული</sup>  
გული ამოაყოლა.

— ალბათ შხამა ბალახი შეჭამა უბედურმა, ბატონო.

ცხედარს ხელი გადასდო და ჩაეკრა. გატრუნული იჯდა ასე კარგა  
ხანს. შემდეგ წამოდგა. ცრემლი თავსაფრით მოიწმინდა, კერძას მიმს-  
ხდარ ბავშვებს ზურგი აქცია და იოანეს საიდუმლოდ უთხრა:

— ამათ ხომ ხედავთ, — ბავშვებისაკენ გაიხედა ქურდულად, —  
მესამე დღეა ასე სხედან. ქვაბს ელოდებიან. ვაი, მაგათ ოხერ დედასა!  
ვაი, ვაი! — ქალმა ლოყები დაიკაწრა, — შიგ ქვები ყრია, ამ სისხო  
რიყის ქვები, — ქალმა მუშტები შეატყუპა და იოანეს ცხვირთან მი-  
უტანა.

იოანემ დაბნეული თვალები ქალს მოარიდა და მოწაფეებს გადა-  
ხედა.

— ქვაბში ქვები იხარშება, ბატონო!.. — დაისისინ-დაიწიწინა ქალ-  
მა. თან თვალები გვეს-გლიპსურად აენთო. თითქოს მართლა სატანასთან  
წილნაყარიყო.

— ქვები? — შეკრთა იოანე.

— ამათ ხორცი ჰკონიათ და ელოდებიან.

— რა ვქნა! — ყელში წაიჭირა ქალმა ხელი. — რაც მებადა წაიღეს  
ხარაჯაში, ქმარი ომში მომიკლეს. ორმოში ერთი მუჭა ფეტვი გვეყარა  
და ისიც მარცვალ-მარცვალ ამოგვიკრიფეს. ერთი მამიკვდა, მამიკვდა.  
დანარჩენებიც რომ შიმშილით მეხოცება, ქრისტიანებო, იქნებ გზა მას-  
წავლოთ, მიჩიოთ რამე.

ქალმა როგორც კი თქვა, ქვაბში ხორცის ნაცვლად ქვები იხარშე-  
ბო, მკვდარი ბავშვი ყველას გადაავიწყდა და კერასთან შეჭუჭყულ  
ბავშვებს დაადგნენ თავზე, მისუსტებულებს ცეცხლისაგან წვივები და  
ლოყები ატყეცოდათ, გარეთ მზე ჩახჩახებდა, მაგრამ ცეცხლს არ შორ-  
დებოდნენ ხორცის მოლოდინში, ერთმანეთზე მიედოთ თავები და ძილ-  
ბურანში ფხიზლობდნენ. გომურში ორთქლი და კვამლი იდგა, ჯორ-  
კობებზე თითქოს ეყარნენ დაბერილი მუცლები და წვრილი, წვნიკა  
ფეხები.

სამარისებური სიჩუმე ჩამოვარდა.

— ჩემს ყოფაში ვითომ არის გამოსავალი, კეთილო ბატონო? —  
იკითხა ქალმა გულწრფელად.

ქალმა იოანეს ჯორკო გამოუტანა, თვითონაც გვერდით მიუჯდა.

— რასაც თქვენ აპირებდით, ის არ არის გამოსავალი. — უთხრა იოანემ გულთადად. — ამ მერცხლებს ვის უტოვებდით? — საყვედურ-რიანი თვალებით შეხედა.

— ღმერთს, ბატონო. — ქალს სახეზე საოცარი რწმენა და იმედი აღებუქდა. იოანემ იფიქრა, ეს ქალი კიდევ რაღაც საშინელების თქმას აპირებსო და შეშინებულს უნებურად გაურკვეველი ბგერები აღმოხდა პირიდან.

— ეე... აჸ...

— ღმერთს, კი, ბატონო, — გაუმეორა ქალმა. — რატომ გაიკვირ-ვეთ. ვიფიქრე, ალბათ ცოდვიანი ვარ-მეთქი. ავიღე და გადავწყვიტე თავის მოკვლა. ანგელოზები ღვთის ანაბარა დავტოვე. როცა ღვთის ანაბარა დარჩებიან, ღმერთს სხვა რა გზა ექნება, ვარსკვლავებს არ მი-მიხედოს. ახლა ჩემი იმედი აქვს იმას. დედამ მოუაროსო, ფიქრობს, როცა აღარ ვიქნები, ვინ მოუვლის? — ღმერთი. განა ღმერთი ისეთი უგულოა, ობლები მიატოვოს და ლუკმაპური არ გამოუგზავნოს?!

იქნება აღასრულა ღმერთმა ჩემი ლოცვა-კურთხევა, — თქვა ქალმა, წამოდგა და იოანეს და ყმაწვილებს სათითაოდ დაუწყო თვალეში ყუ-რება, — ეგებ ღმერთმა გამომიგზავნა თქვენი თავი, — ბარძაყებზე დაიტყაპუნა ხელის გულები. — სწორედ მაშინ, როცა თოკზე დავკვი-დე, უფალმა დამინახა მადლიდან და შემობრალა. ჩემი მახარებლებიც შეიწყალა და თქვენი თავი გამომიგზავნა. ასე არ არის, ბატონო? ხომ ასეა, ბატონო?

ქალმა პირვეარი გადაისახა და ლოცვას მოჰყვა. იოანე წამოდგა და გარეთ გავარდა. მოწაფეებიც უკან გაჰყვნენ, მიწურის წინ მიქაელს უთხრა.

— წადი ველზე ხურჩინი რომ დავტოვეთ, ის წამოიღე, ჯორიც წა-მოიყვანე თან.

მიქაელი თავექუდმოგლეჯილი გაიქცა ხურჩინის მოსატანად. ხურ-ჩინში თურმე ხშიადები ეწყო მოწაფეთათვის. იოანეს თადარიგი დაექი-რა, ხშიადები წამოვლო.

როცა მიქაელმა ხურჩინი მოიტანა, პურის კვერები ამოალაგა, ქალ-მა შესძახა:

— ხომ ვთქვი, თქვენი თავი ღმერთმა გამომიგზავნა-მეთქი. ხომ ვთქვი! მე რომ თავის მოკვლა არ გადამეწყვიტა, თქვენ ხომ ჩემსას არ შემოიხედავდით? — ქალმა იოანეს მუხლები დაუკოცნა, მიქაელს მი-ვარდა და ხელებზე ეამბორა, ხელის კანკალით დატეხა ხშიადები, ბავ-შეებს ხელისგულისოდენები ჩამოურიგა და დანარჩენი შეინახა.

ბავშვებმა დედას უწადინოდ ჩამოართვეს ხმაილის ნატყუები, არ სჯეროდათ, თუ მართლა პური იყო, ეგონათ, რომ ატყუებდნენ, უგემურად დაუწყეს ლოლნა.

თანდათან ბავშვების თვალებში ნაკვერცხალი გაღვივდა, გამოფხიზლდნენ და გამომკვირცხლდნენ. გამხიარულდნენ და ქრიაიმული ატეხეს.

იოანემ დედას ორი შვილი დაუტოვა, დანარჩენები საგლახაკეში წაასხა. საგლახაკე ნერსე ერისთავს აეგო სიონთან ახლოს უბოვართათვის. საგლახაკეში ყმაწვილები არ ჰყავდათ, ყმაწვილთათვის არ იყო განკუთვნილი. მაგრამ იოანე პატრონობდა მათ, საზრდელსაც თვითონ აძლევდა და სასმელსაც. დედაკაცივით თავს დასტრიალებდა სხვის შვილებს.

აბო წყვილიადიდან გაცქეროდა ნათელში მოფუსფუსე მოძღვარს. შეკითხვებს აძლევდა აქედან. ის კი ვერ ამჩნევდა, არ პასუხობდა. სიტყვით კი არა, საქმით უთხრეს სულიერმა მამებმა სათქმელი აბოს. სიკეთის დასამკვიდრებლად სიმტკიცისა და ამტანობისათვის უნდა მოეხმო სულიერ მოწაფეს.

აბო ატყობდა, ახლა რომ კარი გაეღოთ, ალბათ ფეხზე ვერ დადგებოდა. ფიქრისათვის საყოფი ძალაც კი გამოლეოდა. ძილ-ბურანში იყო, ეგონა, რომ კვდებოდა. არ იცოდა, გათენდა თუ დაღამდა, მეორე დღე იყო თუ მესამე, სად იყო, რომელ საკანში, ქალაქში თუ ქალაქგარეთ... ერთხანს სულ მთლად გულწასული ეგდო, შემდეგ მურუქი შუქი კვლავ ჩამოდგა წყვილიადში, კვლავ გაიგონა საკუთარი გულის ფეთქვა, როცა ფიქრი დაიწყო იმაზე, რომ ასეთ ყოფას სიკვდილი ერჩია, მოძღვრის შეგონება ველარ უშველიდა, მთელი ძალით მიახლიდა კედელს თავს და მოისვენებდა, სწორედ ამ დროს მოხდა სასწაული, თითქოს მეხი გავარდაო, გაირაჯგუნა რკინის კარმა, საყრდენი გამოეცალა და დაეცა, ქვას თუ რკინას დაასკდა. მეტი არაფერი ახსოვს.

როცა გონს მოეგო, ჯალათები სადღაც მიათრევდნენ, ცალ ხელში შუბები ეჭირათ და ცალით ექაჩებოდნენ. აბოს თვალის გახელა უჭირდა და ამიტომ რჩებოდა ფეხები უკან, სინათლე თვალს სჭრიდა.

„ნეტა სად მიმათრევენ...“ იმ საზარელ საკანში ყოფნას ყველაფერი ერჩია.

სადღაც დიდ დარბაზში შეიყვანეს, გააფრთხილეს, შურტათმთავარს ჰაჯიჯ იბნ-ალ-ბაბაქს სურს შენთან საუბარი, ჰკუთით თუ არ იქნები, სიკვდილი არ აცდებოა.

აბოს არ ეგონა, თუ იმ საშინელი საკნიდან გამოაღწევდა, როცა

სასო სულ მთლად წარეკვეთა, სწორედ მაშინ გაუღეს კარი და ახლ სულ ერთი იყო, ვინ რას ჰკითხავდა. სიმართლე უნდა ეთქვა, მხედველი სიმართლე! სიმართლისათვის დღე დასჯილიყო.

წითური ჰაჯიჯ იზნ-ალ-ბაბაქი აბოს არასოდეს ენახა, ეგონა წამოვარდებოდა გაშმაგებული მგელი და ყელს გამოლადრავდა. აბოს ათასი საზარელი ამბავი გაეგონა ბაბაქზე.

როცა საკუთარი თვალით ნახა ეს საშიში ადამიანი, იმედი მოეცა, არ მოეჩვენა მგლად და მხეცად, კეთილ სხივსაც კი მოჰკრა თვალი მის შუბლზე. აბოს მოუუნდა გულითადი ყოფილიყო ამ „სისხლისმსმელთან“, ყველაფერს ეტყოდა დაუფარავად, დაარწმუნებდა თავის სიმართლეს. თავისივე გულუბრყვილობის თვითონვე შერცხვა, ლამის ჩაეცინა, პირზე მომდგარი ღიმი უტეებ გაიჭრო და წყნარი, ფრთხილი თვალთ შეხედა შურტათმთავარს. შურტათმთავრის უკან და გვერდი-გვერდ შუბოსნები იდგნენ ერთ ადგილას გაქვავებულნი.

აბომ შურტათმთავარს კეთილი თვალეები მიაპყრო და... პირვეარი გადასწერა. შუბოსნები შეჩოჩქოლდნენ. ასეთი საქციელი შურტათმთავრის სამყოფელში ჯერ არავის გაებედა, აბომაც იცოდა, რომ მუსლიმებს თავზარს დასცემდა პირვერის წერა, მაგრამ ასე ერჩია, თავიდანვე ნათელი უნდა ყოფილიყო ყოველი ნაბიჯი, ყოველი სიტყვა.

შურტათმთავარს თითქოს არც შეუმჩნევია აბოს თავხედური საქციელი, მშვიდად აიღო თავი და ჰკითხა:

— მიპასუხე გულწრფელად: რაზე საუბრობდით შენ, ქართლის ერისმთავარი სტეფანოზი და ერისთავი ნერსე.

აბო ყველაფერს მოელოდა და ასეთ შეკითხვას კი არა. როდინდელ ამბავს ეკითხებოდნენ? ან რატომ ეკითხებოდნენ? განა ამიტომ შეიპყრეს? არ იცოდა, რა ეპასუხა. სიმართლე ეთქვა, ვაითუ საყვარელი აღამიანებისათვის ეგნო, სიცრუეს აბო ვერ იტყოდა.

სიცრუე სიცრუეს გააჩნდა. აქ სათქმელი სიცრუე ალბათ სხვანაირი იყო. აბომ არ იცოდა, რა სიტყვებით უნდა თქმულიყო ის სიცრუე.

„ალბათ ისიც იცის, რაზეც ვსაუბრობდით, — განგებ მეკითხება...“

— გაიხსენე. მე არ მეჩქარება. — უთხრა ღუმლის შემდეგ ბაბაქმა.

აბოს ტვინი ელვაზე სწრაფად მოძრაობდა. თავის ქალას აწყდებოდა გაშმაგებით და საფეთქელთან აპირებდა გამოსკდომას, ტკიოდა, ფეთქავდა, იქ მოეყარა თავი მთელ მის სატკივარს და იქ იპობოდა წკასავით.

— მათ მიჩიეს, ჩემს სჯულს დაეუბრუნდე. — ამოილულულა ბა-  
ლოს და ბოლოს.

— მაშ, ერისმთავარი სტეფანოზი, ერისმთავარყოფილი <sup>სტეფანოზი</sup>  
რი იოანე... სხვები? სხვებიც ჩამომითვალე. <sup>ბიბლიისი</sup>

— ვინ ჩამოვთვალო? ვერ გავიგე, ბატონო. — შიშისაგან ენა დაება  
აბოს, მიხვდა, რომ უეცარი შეკითხვით რაღაც მაინც ათქმევინეს.

— შეთქმულების მონაწილენი, ყველანი, არავინ გამოტოვო.

— შეთქმულების მონაწილენი? — შეშფოთებით იკითხა აბომ და  
თვალეები გაუფართოვდა.

— რომელი შეთქმულების, ბატონო, მე არაფერი ვიცი! — სასო-  
წარკვეთით შესძახა ყრმამ და გაიფიქრა — „დავიღუპე“.

— სად იკრიბებიან შეთქმულების მონაწილენი! — ბაბაქის ხმაში  
მუქარა გამოკრთა.

— აარ... — აბოს ხმა ჩაუწყდა, საწყალობელი თვალეები მიაპყრო  
შუბოსნებს, თითქოს მათგან ელოდა შველას, შემდეგ მალლა ღმერთს  
შეხედა და გაირინდა.

ბაბაქმა შუბოსნებს უბრძანა:

— ათქმევინეთ და შემომიყვანეთ!

შუბოსნებმა აბო წინ წაიგდეს და სწრაფად გაათრიეს დარბაზი-  
დან. საღლაც სარდაფში ჩაიყვანეს და ნამდვილ დილეგში ჩააგდეს. აბოს  
იმედი მოეცა, იმ საშინელ ჯურღმულთან შედარებით ედემის ბაღში შე-  
მიშვესო, გაიფიქრა. გაიფიქრა თუ არა, დილეგში ქალათები შემოვარ-  
დნენ, თვალისდახამხამებაში შემოაძარცვეს სამოსი, ფეხქვეშ დაიდეს  
და არგნით დაუწყეს ცემა. „იმ დილეგში ვერ მცემდნენ, — გაიფიქრა  
აბომ, — აქ თურმე ამიტომ შემომიყვანეს“.

დაუზოგავად მთელი ძალით სცემდნენ.

აბოს უხაროდა, რომ სცემდნენ. შურტათმთავართან საუბარს ცემა  
ერჩია. ნეტარებით განაბულიყო თავდაღმა მწოლი და ნიგვზის არგანთა  
შხუილს იაენანასავით უსმენდა. იმაზე წუხდა, რომ ეს არ იყო წამება.  
ათქმევინეთ და შემომიყვანეთო, წამება ალბათ შემდეგ დაიწყებოდა.  
„რა უნდა მათქმევინონ“, — ფიქრობდა აბო და ყოველ დარტყმას ზურ-  
გის ოდნავი შეტოკებით პასუხობდა. რაც ქრისტეს შეუდგა, სულ იმა-  
ზე ფიქრობდა, თუ რას ჰკითხავდნენ შურტები და თვითონ რას მიუგებ-  
და, თვით ხალიფასთვისაც მზად ჰქონდა პასუხი, მაგრამ არ ჰკითხეს  
სწორედ ის, რაც მთავარი იყო აბოსთვის. სულ სხვას, გაუგონარსა და გა-  
უგებარს ეკითხებოდნენ, — თუ ერისთავები შეთქმულებას აპირებ-  
დნენ, მენელსაცხებლე აბოს ამას რისთვის გაანდობდნენ, საიდან ეცო-



დინებოდა მსახურს შეთქმულების მონაწილეთა გვარები. პატივს დასდებდნენ და აბო ერისთავებს ფიცით შეეკვროდა, განა შეიძლებოდა გაეცა თანამებრძოლნი? — აბოს არ ესმოდა, რას მისწამებდნენ მისგან, ვერც ის აეხსნა, რატომ სცემდნენ. როგორღა უნდა ენახებოდა ის, რაც არ იცოდა. ცილი დაეწამებინა? ცილი არ სწამო, სახარებაც ამას ასწავლიდა და ყურანიც, სახარება არ სწამდა ამ ხალხს, მაგრამ ყურანი ხომ სწამდათ? „ღმერთო“, — ამოიკვნესა პირდაღმა ჩამხობილმა. ლოცვის წარმოთქმა უნდოდა განწირულს, ვერ შეძლო. ბინდი გადაეკრა თვალზე. ღონე სულ მთლად გამოეცალა, ლეშივით გაუნძრევლად ეგლო.

...ძველი კეთილი ნაცნობივით მოვიდა წყვდიადი, ჩაჰკიდა ხელი მეგობარს და თავის საუფლოში წაიყვანა.

წყვდიადის საუფლო უზარმაზარ ქვაბს ჰგავდა, ქვაბის ძირი დედამიწა იყო, ჰერად ზეცა ეხურა, ქვაბი პირამდე კუბრით აევსოთ, ამ კუბრში სუფევდა ყოველი სულიერი, აბოც ვითომ იმათ შეერია, ვითომ აქ ვილაცას ეძებდა და ამის გამო აწყდებოდა იქით-აქეთ. აბო უკიდვგანო წყვდიადში ჩანთქმულიყო, არგანთა შხუილ-წუილი თითქოს შორიდან მოესმოდა...

## საღვთო კავშირი

იოანემ შელამებას მოუცადა, გარეთუბნიდან დიღმის კარით შემოვიდა ტფილისში. მეზვერეებმა ჯოროსანი ბერი აბუჩად აიგდეს, ბაჟი ერთი დინარის ნაცვლად ორი გადაახდევინეს, სიცილიც დააყარეს და ჯორს პანღურიც ამოკრეს.

საღამოობით ქალაქის მცველებსა და მეზვერეთ საქმე არაფერი ჰქონდათ, ჩუმიად თაფლუქს შეექცეოდნენ, გამოტყვრებოდნენ და უღვთოდ ძარცვავდნენ შემოსულთ.

იოანე დინარებს არ ჩიოდა, არ მიცნონ და არ შემბპყრონო, შიში ჰქონდა.

კრინტი არ დაუძრავს, თავჩაღუნული გაეცალა ქულბაქში შეკრებილ მეზვერეთ და ლამეს მისცა თავი. ვიწრო ქუჩებით მიდიოდა, თან აქეთ-იქით იყურებოდა, არ სჯეროდა მშვიდობით გადარჩენა, იცოდა, მის ყოველ ნაბიჯს რომ უთვალთვალდნენ და ქურდივით მიიპარებოდა საკუთარი ქალაქის ქუჩებში.

ნერსეს სასახლეს რომ მიუახლოვდა, ზურგს უკან ფეხის ხმა შემო-  
ესმა. ჯორი შეაყენა, წამით მოუსმინა ფეხის ხმას, ჩამოხტა ჯორიდან,  
ვითომ მოსართავეებს უჭერდა, უნაგირის ტახტას დაუწყო წვადუნებას.  
ლანდი შედგა შორიახლოს სიბნელეში.

იოანე ჯორს წინ გაუძღვა და ნერსეს ბქისკარს ქვეითად მიადგა.  
უშიშრად შევიდა შიგ. ვიდრე ჯორს ჩამოართმევდნენ, ნამგზავრს ხელ-  
პირს დააბანინებდნენ, ლანდებიც შემოვიდნენ სასახლეში. კარისკაცებს  
გადმობრუნებული სახელოები უჩვენეს, „შურტები ყოფილან“, —  
ჩაიდუღუნა იოანემ. მათ სახელოებზე ალაპის მახვილი ეხატათ, ამ ნიშ-  
ნით ყველგან შედიოდნენ დაუკითხავად, თვით ამირას საძინებელ ოთა-  
ხშიც კი. ხალიფასაგან ჰქონდათ ეს უფლება მინიჭებული.

გადმობრუნებული სახელოებით მათ თავი მოსწონდათ, ამაყად უჩ-  
ვენებდნენ ხალხს და შიშის ზარს სცემდნენ. იოანემ ისიც კარგად იცო-  
და, რომ შურტა ქართველ ერისთავთა სასახლეში მხოლოდ განსაკუთ-  
რებულ შემთხვევაში უნდა შესულიყო, ასეთი ბრძანებაც არსებობდა  
თვითონ ხალიფასი. ნერსეს გალავანს იქით შურტების დანახვა იოანეს  
ავად ენიშნა, ექვამაც კი შეიპყრო და შემოგებებულ მსახურთუხუცესს  
ჰკითხა:

— უფალი... — უნდოდა ეკითხა ხომ არ შეუპყრიათო, მაგრამ სათქ-  
მელი ენის წვერზე დაიჭირა და მეტი არაფერი უკითხავს.

— მოუთმენლად გელოდებათ, მოძღვარო.

იოანეს გულზე მოეშვა. მსახურთუხუცესი სანათურით ხელში წინ  
წარუძღვა და ბატონს თვითონ მოუყვანა სასურველი სტუმარი.

ნერსე მარტო არ იყო დარბაზში, ბარდავის ერისთავი აშოტიც მო-  
სულიყო, გუნებაწამხდარნი ისხდნენ, სახეზე შეშფოთება და მრისხანე-  
ბა ეხატათ. ჩანდა, რომ სათათბიროდ შეყრილიყვნენ. იოანეს დანახვა  
გაუხარდათ. იოანემ ერისთავებს აფხაზთა მთავრის გამოგზავნილი წიგ-  
ნი მოართვა: ნერსემ მდივანმწიგნობარი იხმო. ვიდრე გრიგოლი შემო-  
ვიდოდა, იოანეს უთხრა:

— ჯვარი აიკლეს.

იოანე შედრკა.

— ჯვრის მონასტერი?

— სწორედ, ჯვრის მონასტერი. ბერები შეიპყრეს და შიგ თავლა  
გამართეს. აჰ, ჩემს სასახლეშიც შემოპრილან და აბოც წაუყვანიათ.  
ახალ ხოცვა-ქლეტას ამზადებენ.

თავზარდაცემულმა იოანემ პირჯვარი გადაიწერა და თავი დახარა,  
დამნაშავესავით დადგა შორიახლოს. იმდენი საზარელი ახალი ამბავი  
მიახალეს უცებ, ენა დაება.



გრიგოლი შემოვიდა, ლეონ აფხაზთა მთავრის მიერ გამოგზავნილი წიგნი ხმამაღლა წაუკითხა ერისთავებს:

„სახელითა მამისათა და ძისათა და წმიდისა სულისათა ჩვენსების და თაყვანს ვცემთ იმავე ერთარსებას, ერთ ღვთაებას და ერთ სვეტს“.

ერისთავთერისთავო, ძმანო ქართველნო!

აფხაზეთი, ლაზეთი, აფშილეთი, სანიგეთი, არგუეთი, მთელი ძველი კოლხეთი მარად მხარში ედგა იბერიას და დღესაც მზად არის ძმათათვის სისხლი დაღვაროს. აფხაზეთი კოლხეთისა და იბერიის განუყოფელი ნაწილია, ქართლის მტერი აფხაზეთის მტერია. აფხაზეთის მტერი მტერია ქართლოსიანთა. ჩვენ ერთი დედის შვილები ვართ. მშობლის დასაცავად შვილები მარადის მზად გვიგულეთ. დაე, შეიკრას საღვთო კავშირი და აღსდგეს ყოველი ქართველი სარკინოზთა წინააღმდეგ.

წმიდა იოანესა და თქვენს სურვილს, ეს კავშირი მცხეთას შეიკრას, სიხარულით ვუერთდები, მე ჩემი მრევლით უფლისა ჩვენის შობის დღეს გეახლება მცხეთას და თქვენთან ერთად ვეამბორები ღვთისმშობლის წილხვდომილ მიწას, ვილოცებ ამერ-იმერისათვის, ყოველი საქართველოსათვის!

მთავარი აფხაზეთისა ლეონ მეორე“.

გრიგოლმა წიგნი მღელვარედ წაიკითხა, თითქოს სხვის წიგნს კი არა, საკუთარ გულისნადებს ამცნობდა ერისთავებს.

მღელვარება ყველას გადასდო. იოანემაც კი ისე მოისმინა, თითქოს არ სცოდნოდა აფხაზთა მეფის აზრი საღვთო კავშირზე.

სხვაგვარ წიგნს აფხაზეთიდან არც მოელოდნენ, ლეონ მეორე მართლაც ძმასავით ედგა მხარში ქართლის ერისთავებს. ქართლიდან ლტოლვილ ერისთავთა დედაწულთ წლობით აძლევდა ყმებსა და მამულს, ცხვარ-ძროხასა და სასახლესაც. მათ აქ საფრთხე აღარ მოელოდათ. საღვთო კავშირის შეკვრა კი ქართლის ერისთავებთან ძალზე სახიფათო იყო აფხაზეთისათვის. ის, რაც მურვან ყრუმ დაატება თავს აფხაზეთს, ჭერ არ დაეიწყნოდა ციხეგოჭსა და კლისურას. მაგრამ აფხაზეთის მთავარს ლეონ მეორეს მისი დიდი წინაპრის ლეონ პირველისა და ქართლის მთავრების არჩილისა და მირის ერთობლივი გამართული ბრძოლებიცი კარგად ახსოვდა: იბერიელებისა და აფხაზების ანაკოფიასთან ერთობლივად დაღვრილმა სისხლმა იხსნა საუკუნო მონობისაგან მთელი დასავლეთ საქართველო.

ლეონ მეორესაც წინაპართა ნაკვალევით უნდა ევლო. უნდა შეეკ-

როდა მართლაც ჭეშმარიტი საღმრთო კავშირით ქართლის ერისთავებს და ერთობლივი სისხლი უნდა დაღვრილიყო აღმოსავლეთ საქართველოს გასათავისუფლებლად: საუკუნო მონობისაგან შემფარველნი კმაძმებს ერთმანეთი.

ერეოლის მომგვრელი იყო ეს წიგნი. ასეთი წიგნი ჯუანშერისაგანაც ჰქონდათ, კახთა ქორეპისკოპოსი ნერსე ერისთავს მტრობდა, ისინი ერთმანეთს ქართლის ერისთავთერისთავობას ეცილებოდნენ, რაკი ხალიფამ ეს ხელი ლომებს წაართვა და მოულოდნელად ცხვარ სტეფანოსს ჩააბარა, ლომებიც დაცხრნენ და თავიანთ საერისთავოებში ჩაიკეტნენ. მტრობა კი მტრობად დარჩა. იოანემ შეარიგა ისინი. იოანემ მოიტანა ჯუანშერისაგან საღმრთო კავშირში შესვლის თანხმობის წიგნი.

იოანე საბანიძის იდეა იმარჯვებდა: თუ ყოველი ქართველი აისხამდა იარაღს, თუ ქართლი, კახეთ-კუხეთი, ჰერეთი, წანარეთი, აფხაზეთი, ლაზეთი, არგუეთი, ტაო-კლარჯეთი ერთად აღსდგებოდა სარკინოზთა წინააღმდეგ, საუკუნო მონობას უსათუოდ მოეღებოდა ბოლო.

იოანეს გეგმა უფრო შორსაც მიდიოდა, მისი ვარაუდით, არაბთა დიდ იმპერიას წყალი ჰქონდა შემდგარი, ხალიფატის დღეები დათვლილი იყო. თუ ქართველები საღმრთო კავშირს მართლა შეჰკრავდნენ და ერთ მშვენიერ დღეს დედა-ციხეებში ერთად შეიკეტებოდნენ, ხალიფას წაუყენებდნენ ერთობლივ მოთხოვნას თავისუფლების თაობაზე, იქნებ სულაც უსისხლოდ მიეღწიათ მიზნისათვის, ხალიფას უკან დაეხია და ქართლ-კახეთში მეფობა აღედგინა.

ნერსე ერისთავს უსისხლო ბრძოლა სანდოდ არ მიაჩნდა, თვალი ხაზარეთისაკენ ეჭირა, ქართველთა შეკავშირების იმედი არ ჰქონდა და ხაზართა მეშვეობით აპირებდა სარკინოზებთან ბრძოლას.

ამოტ ერისთავი უფრო შორს იყურებოდა. საღმრთო კავშირის იდეა მოსწონდა, მაგრამ ბიზანტიის დაუხმარებლად ბრძოლის დაწყება შეუძლებლად მიაჩნდა.

იოანემ ერისთავები დაარწმუნა, რომ ქართველ ხალხს თვითონ უნდა დაეცვა თავისი თავი. თუ დახმარებას სხვას სთხოვდა და სხვა დაიცავდა. იმ სხვას უნდა დამონებოდა. ასე იყო ოდითგანვე, ასე იქნებოდა მომავალშიც. ამიტომაც მოითხოვდა ქართველების საღვთო ფიცით შეკავშირებას. ერისთავებს ამ შეკავშირების იმედი არ ჰქონდათ. იოანემ თვითონ იკისრა ეს საქმე, ჯერ წანარები დაითანხმა, შემდეგ კახელები და აფხაზები.

სანუკვარი ოცნების განხორციელებას საიმედო პირი უჩანდა.

ნერსეს დარბაზში ყველა სასანთლე, ყველა კანდელი იმბორო, სანთლების მქრქალი შუქი ეფინათ ერისთავებს სახეზე. როცა გრიგოლმა კითხვა დაამთავრა, აშოტ ერისთავი წამოდგა და აწარმოა ნიშნად უსიტყვოდ ჩამოართვა ხელი ფეხზე მდგომ იოანეს, აშოტს ნერსემ მიბაძა, ნერსეს — გრიგოლმა. იოანე ცოცხალ-მკვდარი იდგა თავჩალუნული. შემოსვლისთანავე ნერსემ იმდენი ახალი ამბავი დაახვედრა, იმ ამბებზე ფიქრობდა, ის აწუხებდა:

— თავლა... — ჩაიდუღუნა იოანემ, — თქვენ ბრძანეთ ჯერის მონასტერი... — ვერ დააბოლოვა სათქმელი. სული შეეგუბა.

მსახურებმა თავლი შემოიტანეს კობიტებით და სტუმრებს მოართვეს, ნუშ-ქიშმიშიანი ქუმელით სავსე ხონიც დადგეს ტაბაკზე.

— მიირთვი, იოანე, ნამგზავრი ხარ — უთხრა ნერსემ.

— კათალიკოსი გეახლათ! — გამოაცხადა მსახურთუხუცესმა და დარბაზის სიღრმეში სამოელ ქართლის კათალიკოსი გამოჩნდა. სამოელს აბოს შეპყრობის ამბავი გაეგო და ნერსესთან მოსულიყო.

იოანე მიეახლა, ეთაყვანა და კალთაზე ემთხვია მღვდელმთავარს.

— მობრძანდით! — მიიპატიჟა სტუმრები ტაბლასთან ნერსემ. სამოელი შუა ადგილას დასვა, დანარჩენები აქეთ-იქით მიუსხდნენ, როგორც მაცხოვარს მოწაფეები. გრიგოლი არ დამჯდარა, შორიახლოს იდგა, ჯერ უფროსები უნდა დამსხდარიყვნენ.

— მოდი, შვილო, დაჯექი. — უთხრა ნერსემ ხმადბლა. გრიგოლიც ჩამოჯდა სერობის გრძელ მერხზე. ის იყო სამოელს უნდა წამოეწყო საუბარი. მას შეპყურებდნენ. მსახურთუხუცესმა მოსერეთ ამცნო:

— ერისთავთერისთავი მობრძანდება!..

სტეფანოზს აქ არ მოელოდნენ.

ნერსეს არავინ მოუწვევია. აშოტიც აბოს გამო მოსულიყო, სამოელიც და სტეფანოზიც აბოს შეპყრობას აეფორიაკებინა.

სტეფანოზს ნერსე შეეგება და ტაბლასთან მიიპატიჟა. სტეფანოზი ბიძამისს გვერდით მოუჯდა.

მწდეები თავზე ადგნენ, მაგრამ ღვინოს არავინ სვამდა, ქუმელსაც ხელს არავინ აკარებდა. გახევებულები ისხდნენ, ერთმანეთს ელოდებოდნენ, საუბრის წამოწყებას ვერ ბედავდნენ.

— მთელი არაბეთი დაგეძებთ, მოძღვარამოძღვარო, თქვენ თურმე აქ ბრძანდებით, — თქვა სტეფანოზმა მოსვლისთანავე.

— მონარული ვარ, ვხედავ ჩემს აღზრდილს! ეს-ესაა ჩამოვედი აფხაზეთიდან, იქ მცხეთას ნაკურთხი მირონი ჩავიტანე. — მიუგო იოანემ დინჯად.

„მცხეთას ნაკურთხი მირონი“, — უცებ გაახსენდა სტეფანოსს. ეს სიტყვები უთხრა სამოელმა ამირას... „შეთქმულები! ერისმთავარო, შენ გვერდით შეთქმულები სხედან“. შინაგანმა ხმამ ააჯანყა, ფეხსეჭვით იჭრა, შეეცყო მღელვარება. ბოლოს ცემას მოჰყვა დარბაზში. არაფერი არაფერი უთქვამს, დამუხწებულები ისხდნენ და ელოდნენ, კიდევ რას იტყოდა ერისმთავარი. მოვიდა, თავის ადგილას დაჯდა და იოანეს ჰკითხა:

— მაშ, ხაზარეთს აღარ ბრძანებულხართ?

— ხაზარეთს? — გაიკვირვა იოანემ, — ვინ კითხულობს ამას, ამირა, ერისმთავრის პირით, თუ თვითონ ქართლის ერისმთავარი?

— რითი დაამტკიცებთ, რომ ხაზარეთს არ იყავით? — სიტყვა ბანზე აუჯდო სტეფანოზმა.

— მე არ მესმის თქვენი, მარადის საწადელო და თაყუანისსაცემელო ერისმთავარო და შვილო ჩემო. უფრო გასაგებად მამცნეთ რა ნებავთ ზედამდგომელთ, რის დამტკიცებას მოხოვენ.

— თქვენი ბერები მისულან შურტათმთავართან და უთქვამთ, თითქოს ნერსეს დავალებით წაბრძანდით ხაზარეთს ახალი ამბოხების მოსაწყობად.

— თქვენ ეს გჯერათ? — ჰკითხა იოანემ სტეფანოსს.

— ბერებს აიძულებენ, ასე თქვან, — უთხრა იოანეს სამოელმა.

— არ მინდა დავიჯერო! — უთხრა სტეფანოზმა იოანეს.

— ერთი ეს მიბრძანეთ, ერისმთავარო და დისწულო ჩემო, — უცებ ჩაერია საუბარში ნერსე ერისთავი, — გიყვართ თუ არა თქვენ სამშობლო?

შეკითხვას სტეფანოზმა არ უპასუხა. წამით დუმილი ჩამოწვა დარბაზში. ნერსემ გრძლად ჩამოშვებულ უღვაშზე და წვერზე ხელი ჩამოისვა და მშობლიური გულითადობით გაუმეორა შეკითხვა:

— მიბრძანეთ პირდაპირ, მტკიცედ, ისე, როგორც მამრს შეჰყვების: გიყვართ თუ არა?

— ეგ რა საკითხავია, დიდო ბიძაე! — განრისხდა ერისმთავარი.

— მე თქვენ გეკითხებით, ყმაწვილო, გიყვართ თუ არა სამშობლო, მოგვიგეთ ან ჰო, ან არა.

სტეფანოზმა რალაცის თქმა დააპირა.

— მესამე პასუხი არ არსებობს, გეთაყვა. — უთხრა აშოტ ერისთავმა.

— შესაძლოა სხვაზე ნაკლებად არ მიყვარს. — თქვა შემკრთალმა სტეფანოზმა.

— თუ ვიყვარს, შენი ხალხის სალოცავი მტერს თავლად აქ-  
ცივინე?

— მე რა შემძლია, როცა თქვენ დღენიადავ წყალზე გზაწივებულ  
ლაფში სვრით ერისმთავრის სახელს! — გაცხარდა სტეფანოზი და მრი-  
სხანე თვალებით მოხედა ბიძებს, — აგერ, მოწმე მყავს კათალიკოსი,  
ჩვენ ერთად ვიყავით ამირასთან, აქეთ გაგვამტყუნა. დაგვარწმუნა თა-  
ვის სიმართლეში, თურმე ჩვენს წმინდა ალავს — ქართველთა ძველის-  
ძველ სალოცავს ვიყენებთ სხვა მიზნით, შიგ ვიტყუებთ მაჰმადიანებს  
და ვაქრისტიანებთ. ვანა ეს ჭეშმარიტ ქრისტიანებს ეკადრება? ვანა  
ამას გვასწავლის წმიდა წიგნები? გვითხარით, მამაუფალო, აგვიხსენით,  
სახარებაში ეს გვიწერია? — სტეფანოზმა სამოელს შეხედა და დაელო-  
და, ვიდრე რამეს იტყოდა.

— ერისმთავარო, — დაიწყო დინჯად სამოელმა, — ჯვრის მონასტე-  
რი არავის არასდროს ამ მიზნით არ გამოუყენებია. აბო ღვთის ნებით  
მოიქცა. ჩვენს მღვდლებსა და ბერებს ამ საქმეში ბრალი არ მიუძღვით.  
აბოს მოქცევაში უფლის ხელი ურევია.

— ჩვენ გვდებენ ბრალს სწორედ ამაში! ჩვენი სალოცავიც თავლად  
სწორედ ამიტომ აქციეს. თავი და თავი მიზეზი დღევანდელი ქართლის  
ჭირისა ზომ კარგად იცით. ვინც არის, იმაზე რატომ არაფერს ამბობთ?  
მიედ-მოედებით ღვთისას და ცისას...

— ვინ არის, თქვენ გვიბრძანეთ, რახან ჩვენ „მიედ-მოვედე-  
ბით“. — ღვარძლიანად გამოაჯავრა ნერსემ.

— ის თქვენი მენელსაცხებლე გახლავთ ყველაფრის მიზეზი. —  
მიახალა ბიძას პირში სტეფანოზმა.

— აბო? ვიციოდი, ამას რომ იტყოდი.

— ისინი ამბობენ ამას, თუ ერისმთავარსაც მენელსაცხებლე აბო  
ჰგონია ყველაფრის მიზეზი? — იკითხა წელანდებურად იოანემ.

— ერისმთავარსაც აბო ჰგონია, — მადლობა ღმერთს, რომ შეი-  
პყრეს.

— ჩვენ სხვაგვარად ვფიქრობთ, გეთაყვა, მიზეზი სხვა რამ გვგო-  
ნია. კირთება! მიზეზი კირთება გახლავთ! — თქვა მედიდურად აშოტმა.

— ბატონო ბიძავ, სისხლისმიერო ნათესავო ჩემო! ჩვენც გვესმის  
კირთება რა არის, მაგრამ დღეს აქ ამისათვის არ შევკრებილვართ.

აიკლეს ჯვრის მონასტერი. შეიპყრეს ბერები. ყოველ ჩვენთაგანს  
კულში დასდევნენ. შურტებითა და მოლაშქრებით აივსო ქალაქი, ვი-  
ლაცას ყოველდღე იბარებენ შურტათმთავართან. ქართლის ერისმთა-  
ვართან ამირას საუბარიც კი არ სურს. ყველაფერი ეს იმ თავნება და



თავკერძა ყმაწვილმა მოგვიტანა. კაცმა არ იცის, ხვალ რა მოგვედოს/ ვიდრე გვიან არ არის, უნდა დავუმტივოთ ამირას, რომ ის აბო, პირ-  
ველ ყოვლისა, ჩვენი მტერია.

ქართველმა ხალხმა დიდი მსხვერპლი გაიღო იმისათვის, რომ შე-  
ეძინა ჭეშმარიტი მფარველი და ბატონი. ძღვევამოსილი ხალიფატის  
კალთას შეფარებულმა ძლივს ამოისუნთქა და აი, ამ დროს, გამოჩნდა  
არამკითხველ მოამბე, ვინც თაობების ნაჯაფი წყალში ჩაგვიყარა, ქართ-  
ველ ხალხს ხალიფას გული დაუქარგა. ახლა შე თქვენ გეკითხებით:  
ვისი მტერია აბო, ჩვენი თუ იმათი?

თუ ნებას მომცემთ, შევალ ამირასთან და მოვითხოვ: აბო ქართ-  
ველობამ დასაჯოს: ჩვენი მტერი ჩვენვე უნდა დავსაჯოთ. შუა ქალაქში,  
სახალხოდ! ასე არ არის? — ჰკითხა სტეფანოზმა ერისთავებს.

— არ გახლავთ, ყმაწვილო, ასე! — უთხრა ამოტმა ძმისწულს.

— გესმით, კეთილშობილნო! — უცებ გაცეცხლდა ნერსე ერისთა-  
ვი, — ჭაბუკმა, ტომით ისმაიტელმა, ჩვენთვის თავი დადო. ჩვენი ღმერ-  
თი, მაცხოვარი ჩვენი, იესო ქრისტე აღიარა. სანაცვლოდ თურმე ჩვენ  
უნდა დავსაჯოთ, სახალხოდ, რასტიბაზარში! — დავსაჯოთო!.. ღვთის  
წყრომა ის გახლავთ, ქართველნო, რომ ამას ამბობს ერისმთავარი, ჩე-  
მი დისწული. ერის წინამძღოლი და მესვეური! დავსაჯოთო! როგორ  
დავსაჯოთ მაინც, უფალო, — ახლა სტეფანოზს მიუბრუნდა ნერსე, —  
თავი მოგვევითო? კოცონზე დავწვათ თუ წამებით ამოვხადოთ სული?

მოულოდნელი იყო ნერსეს ასეთი გაცეცხლება. მხოლოდ ბრძოლის  
ველზე თუ უნახავთ ერისთავი ასე შემართული. აბო ქართველობამ და-  
საჯოსო, — აღაშფოთა, შეჰზარა ამ სიტყვებმა, გულში რაც ბოღმა  
ჰქონდა, გადმოანთხია.

— ამისათვის მიხაროდა შენი ერისმთავრობა? ქართველობა და  
არაბობა ორივე ერთად არ შეიძლება, ან ქართველი უნდა იყო, ან  
არაბი! ან ქრისტიანი, ან მუსლიმი „ვერვის ძალუც ორთა უფალთა  
მონებად“...

ხმას აუწია ნერსემ. როგორც პატარა ბიჭი, დატუქსა დისწული.  
ვიდრე სტეფანოზი რამეს იტყოდა, ახლა მეორე ბიძამ უთხრა გესლი-  
ანად:

— ერისმთავარს, გარდა ხარკის აკრეფისა, სხვაც ბევრი რამ ევა-  
ლება. გეთაყვა, — ახლოს მივიდა და ჩაფიქრებულ სტეფანოზს ზურგ-  
ზე ხელი მოუთათუნა.

— მაინც რა! — იკითხა შეშფოთებულმა სტეფანოზმა, — მითხარით  
პირდაპირ, რას მავალეებთ, რას მთხოვთ!



— აბოს თავისუფლებას! მიაგება ნერსემ პირდაპირ, უნდა ეახლო ამირას და ქართველი ხალხის სახელით მოითხოვო გვეყვენი ვწვილი. ეს ჩვენ, მე და თქვენ, ორივეს გვევალება.

— წმიდა მამაო, — შეპლალადა სტეფანოზმა სამოელს, — თქვენ ხომ ხართ მოწმე, მგელი ამირა რა თვალთ გვიყურებს. მე რომ ახლა აბოს თავისუფლება მოვითხოვო, განურჩევლად ყველას დილეგში ჩაგვყრის. მე უნდა მოვითხოვო აბოს თავისუფლება კი არა, დასჯა, რომ თქვენ გადაგარჩინოთ, ეკლესია გადაგარჩინო, ხალხი გადაგარჩინო, რჯულის მოძღვარი ჩვენი იოანე გადაგარჩინო.

სტეფანოზმა მღვღვარედ და ხაზგასმით წარმოთქვა „იოანე გადაგარჩინო“.

სამოელი გამართული იჯდა სკამზე, ხელში კვერთხი ებყრა, ყურადღებით უგდებდა ყურს ყველას. როცა სტეფანოზმა იოანე ახსენა, დინჯად შეირხა და ხმადაბლა თქვა:

— ერისმთავარო, იოანეს ცილს სწამებენ, ცილისწამებას კი მათ თავიანთი ღმერთი არ აბატეობთ. ვიმეორებ: აბო ღვთის ნებით და ქართველი ქრისტიანების წაბაძვით მოიქცა, არამც თუ იოანეს, არც ერთ ქართველს, არც ერთ ქრისტიანს არ უთქვამს მისთვის — დაუტყვე წენი რჯული და ქრისტეს შემოუღდექიო, ბარაქალა ქართველ ერს, რომ ასეთი ძალა აღმოაჩნდა.

— ეერს? — შესძახა სტეფანოზმა. — თქვენ ამბობთ, რომ აბო ქართველმა ერმა მოაქცია? მომიტყევთ, თუ გავკანდიერდები და გეტყვით: მღვდლებმა შესცოდეთ და ერს აბრალდეთ? მსგავსი რამ თვით ამირას არ წამოსცდენია! ამირა მოითხოვს ერთი ან ორი ქართველის დასჯას. თქვენ კიდევ გნებავთ, მთელი ერი ჯვარს აცვათ ვიღაც აბოს გულისათვის, არ მოგცემთ ამის ნებას!

— არ შეგფერით, ყმაწვილო, გაფიცება, თქვენს წინაშე მღვდელმთავარი დგას, — განრისხდა აშოტი.

— საყუარელნო მამისანო, მონანო უფლისა ჩვენისა, ძენო ქართველთა! — უცებ წინ წამოდგა იოანე, მოკამათეთა შორის ჩადგა. — აბო ჩემი მოწაფეა, მისი მოქცევა ჩემი ბრალია, დაე, მე დავისაჯო!

— არაბებს არ სჭირდება ჩვენი დახმარება, — სიტყვა წაართვა იოანეს ნერსემ და სტეფანოზს მიუბრუნდა, — ვინც დასასჯელია, თვითონ დასჯიან.

— ღვთის ნება უნდა აღსრულდეს, ქრისტეს მოყვარენო! — განაგრძო სიტყვა იოანემ. — ვინც დასასჯელია, უნდა დაისაჯოს, დასჯა ნუ შეგვაკრთობს. მოციქული პავლე გვასწავლის: რომელი უყვარს უფალ-

სა, სჯის და სტანჯის... მეგრამ აბო მარტო ღმერთის ტარიგე არ ვარ  
ლაეთ, ერისაც არის. იმ ერისა, ვისი ერისმთავარიც თქვენ ბრძანდე-  
ბით. — იოანემ სტეფანოზს შეხედა, — აბოს დასჯა ქართველნი  
ლოების დასჯაა, ქართველი ერის დასჯაა. დაბოლოს, მთელი საქრისტი-  
ანოს არად მიჩნევია. აბოს მოქცევამ ხალხს გულში იმედი ჩაუსახა,  
აბომ ანთო ისეთი ლამპარი, რაც უნათებს არა მარტო ქართველთ და  
აგარიანთ, არამედ ყოველ ერს, ღვთისგან გაჩენილს. თუ მისი დახსნა  
არ ძალგვიძს, ნურც დასჯას მოვიტხოვთ.

— მოძღვარო, — თქვა უცებ აშოტმა მკაცრი კილოთი, — თუ სტე-  
ფანოზი არ მოითხოვს აბოს განთავისუფლებას, ერისთავები განვდგე-  
ბით! სხვა არა იყოს რა, აბომ ბიძაშენი სიკვდილისაგან იხსნა. — ახლა  
სტეფანოზს მიუბრუნდა.

სტეფანოზი შედრკა. არ მოელოდა, თუ აბოს გულისათვის ასე შე-  
ეკვროდნენ ერთმანეთს ქართველი დიდებულები. სათითაოდ შეხედა  
ყველას ქორული თვალებით, გატრიალდა და ჩქარი ნაბიჯებით გაიარა  
დარბაზი. მსახურებმა მოსასხამი მოართვეს, მეხრმლენი მხარში ამო-  
უდგნენ და სასახლიდან გამოვიდნენ.

ნერსემ არ გამოაცილა დისშვილი. მოსერენი შეშფოთებულნი გას-  
ცქეროდნენ ამჩატებით მიმავალ ერისმთავარს, ვერ აეხსნათ რა გან-  
ზრახვით, რა გულით წავიდა სტუმარი, განრისხდა თუ ქკუაში დაუჭდა  
დიდებულთა ნაუბარი, თუ შიშმა შეიპყრო და სულმოკლეობამ წას-  
ძლია.

დილით ადრე აბანოების უბანში კივილი ატყდა, კივილს ხმაური და  
ჩოჩქოლი მოჰყვა. სიონსა და მარიამწმიდაში ძელებსა ჰკრეს.

მთელი ქალაქი გარეთ გამოეფინა. ახალგამოღვიძებული მოქალაქე-  
ნი ერთმანეთს ეკითხებოდნენ, რა ამბავიაო, თან ამირას სასახლისაკენ  
მიეშურებოდნენ, კივილი იქიდან მოისმოდა.

სტეფანოზს მოახსენეს, ამირას სასახლის წინ, ლელვის ხეზე ვილა-  
ცას თავი ჩამოუხრჩვია და ძელებს იმიტომ სცემენო.

ამბის გასაგებად სასახლიდან კაცი გაგზავნეს.

ერისმთავარი ცნობისწადილმა შეიპყრო, გაგზავნილებს აღარ დაე-  
ლოდა, მეხრმლენი და მახვილისმპყრობელნი იახლა და ქვეითად გაჰყვა  
ხალხის ტალღას აბანოებისაკენ.

ამირას სასახლის წინ მოედანზე მოეყარა ხალხს თავი, შურტებს და  
მოლაშქრეებს გზა შეეკრათ და გამვლელთ არც იქით უშვებდნენ და  
არც აქეთ. ლელვის ხეზე მართლა კონწიალობდა გვამი.



ხალხმა ერისმთავარი იცნო და გზა დაუთმო, შუა გაიპო ზღვა ხალხი და ერისმთავარსა და ლელვის ხეს შორის ვიწრო ჭრღოვან კლდე-რაკი ხალხმა პატივი სცა თავის ერისმთავარს, შურტების მკვლელებს შეჩერება — სტეფანოზი ფეხათრევით მიუახლოვდა ლელვის ხეს. თავგადაგდებულ გვამს თვალი ჰკიდა თუ არა, ისე შედგა, გეგონებოდათ უნდა მოწყდეს და დედამიწას გულშეღონებული დაასკდესო. მკვდრის ფერი დაედო სახეზე, საქციელი წაუხდა, თითქოს თვითონ მიუძღვოდა ბრალი — ხეზე ბერი ონოფრე ეკიდა. მეტად საცოდავად ეკიდა მოხუცი ხეზე, ერთ ღამეში დაპატარავებულიყო, დამკვნიარიყო.

სტეფანოზმა იგრძნო, რომ ათასი თვალი შეჰყურებდა, ელოდებოდნენ, რას იტყოდა ერისმთავარი. შურტების უფროსი მოძებნა თვალით. ის ცხენზე იჯდა და ხალხს მათრახით ემუქრებოდა, გვამთან ახლოს არ მიხვიდეთ, შორიდან უყურეთო. სტეფანოზმა შურტების უფროსი ახმობინა მსახურთ, შურტების უფროსი სწრაფად ჩამოქვეითდა და ერისმთავარს ეახლა:

— ალაჰის ნებით, ალაჰის სახელით! — უთხრა მკვეპარედ შურტების უფროსმა და გამოეჯგომა.

— რა მოუვიდა ბერს! — ჰკითხა ხმადბლა სტეფანოზმა.

— წუხელ გაათავისუფლეს. ამ დილით აქ ვნახეთ, — ხელი გაიშვირა ხისკენ. — ამბობენ, შეთქმულება გასცა და თავი იმიტომ ჩამოიხრჩო.

— ამირამ იცის?

— დიახ, ნაბრძანებია, სალამომდე ეკიდოსო.

„დაახრჩვეს“, — გაუელვა სტეფანოზს და სახრჩობელას გახედა. ლელვის ხეს ფოთლები დასცვენოდა, შემკვნიარი ფოთლები შერჩენოდა აგერ-ეგერ.; „ღალატი დააბრალეს და დაახრჩვეს“, — ფიქრობდა სტეფანოზი.

როცა შურტების მეთაურმა თქვა: ნაბრძანებია სალამომდე ეკიდოსო, ხალხს გმინვა აღმოხდა.

სტეფანოზი ცივად გატრიალდა და წავიდა. ხალხში უკმაყოფილო შეძახილები გაისმა, სტეფანოზმა ვერ გაარჩია, რას მოსძახოდნენ.

სასახლეში რომ დაბრუნდა, მამა იოანე ახმობინა სათათბიროდ. წუხანდელმა სერობამ და ამდილანდელმა საზარელმა სურათმა სულის სიმშვიდე დაუკარგა. სასახლეში მრჩეველი არავინ ჰყავდა ქართველთაგანი.

ვაზირად და მოხელეებად ხალიფას შიშით სულ არაბები და სპარსელები მოიწვია თავის ღროზე. უცხო ტომის ადამიანებს გულს ხომ

ვერ გადაუშლიდა. ერთი მიქაელი ეგულებოდა შინაური, მაგრამ ვინ  
წვილიკაცს რა რჩევა უნდა მიეცა.

მოხუც მამას კი, ოდესღაც სახელგანთქმულ გურგენ ერისმთავარს  
ლის ჭირი შეპყროდა და საქვეყნო საქმეებში არ ერეოდა. ტენსლერის  
გრა ვაჟაკი, ფარ-ხმალი ნაადრევად დაეყარა, მზეზე თბებოდა მთელი  
დღე სამეფო ბაღში. სიკვდილის მოახლოვება ეგრძნო, თითქოს მის  
მობრძანებას გარინდებული ელოდებოდა, სულ მუდამ გაჩუმებული  
იჯდა თალარის ქვეშ. სალოცავად თუ ჩაიდოდა კარის ეკლესიაში.

სტეფანოზს გული წყდებოდა, წუხდა, დარდობდა იმას, რომ ხალი-  
ფას ნამდვილი ერთგული იყო და ეს ერთგულება ვერასგზით ვერ გა-  
მოეჩინა.


არც ერთ ერისმთავარს არ აუკრეფია იმდენი საარაბო ხარკი, რამ-  
დენსაც ახლა სტეფანოზი ჰკრეფდა, არც ერთ ერისმთავარს არ მიუტია  
ხალიფასათვის იმდენი ოქრო-ვერცხლი, რამდენსაც ახლა სტეფანოზი  
აძლევდა. არც ერთ ერისმთავარს არ გაუუქმებია სამოძღვარო სკოლე-  
ბი, არ აუკრძალავს ქართული ენა, არ დაუშლია ქართული მხედრობა,  
სტეფანოზმა ყველაფერი ეს გააკეთა და მაინც ავი თვალთ უყურებდ-  
ნენ. გუნებაში ამირას აბრალებდა ავზნობას, ყველა სიკეთეს თვითონ  
მიიწერს და მე ორგულობას მწამებსო, ფიქრობდა.

უფრო გასაკვირი ის იყო, რომ ქართველების გულიც ვერ მოიგო  
ვერასგზით.

განა თვითონაც არ ერჩია საერისმთავროში მოხელეებად ქართვე-  
ლები ჰყოლოდა და მათთან ქართულად ელაპარაკა? განა მის შვილებს  
არ სჭირდებოდა სამოძღვრო სკოლა? განა ხარკს თავისთვის ჰკრეფდა?  
რა ექნა, ვინც არ უნდა ყოფილიყო მის ადგილას, სხვაგვარად ვერ  
მოიქცეოდა. ეს იყო ერთადერთი გზა ხსნისა. ქართლს და ქართველო-  
ბას ერთგულება და მორჩილება თუ დაიცავდა. ძველი გზით დღეს  
უკვე ველარ ივლიდა ქართველობა, ხმლის ქნევა სიკეთეს არ მოუტანდა  
არავის. ვერ იქნა და ვერ შეაგნებინა ერისთავებს ეს ტეშმარტება.  
სხვებს ვინღა დაეძებდა, საკუთარი ბიძები ვერ დაარწმუნა თავის სი-  
მართლეში.

წუხელ სერობიდან რომ დაბრუნდა, გადაწყვიტა: ბიძებს ვერ ვა-  
წყენინებ, ბედს ერთხელაც ვცდი და ამირასთან წავალო, მაგრამ ამ  
დღით ხეზე ჩამოკონწიალებულმა მოხუცმა შეაცვლევინა განზრახვა.

იოანეც ამიტომ ახმობინა. თუ გაუგებდა, ისევ მამა იოანე, ერისთა-  
ვები გოროზები იყვნენ, მედიდურები, სულ მუდამ ხმლისკენ ეჭირათ  
თვალი.



სტეფანოზის თავის მართლებას არ მოუსმენდნენ, მწარეს ეტყოდნენ, როგორც წუხელ უთხრა აშოტ ერისთავმა: ერისმთავარს ვაძლავ ხარკის აკრეფისა, სხვაც ბევრი რამ ევალებათ, გულს ვაძლავთ იოანე კი სხვა იყო, იოანეს იმედი ჰქონდა რატომღაც. ისევ იოანესთან თუ გამონახავდა საერთო ენას.

ნაშუადღევს ესტუმრა იოანე. მამა ონოფრეს საზარელ სიკვდილს იოანეც აეფორიაქებინა. აღელვებული შემოვიდა დარბაზში.

სტეფანოზმა ეტლით გასეირნება შესთავაზა. იოანეს გაუკვირდა, შებყრობას მოელოდა და გასეირნება შესთავაზეს, ერისმთავარი ალბათ ამირას დავალებას ასრულებსო, გაიფიქრა გუნებაში და ეტლში უწადინოდ ჩაჯდა.

ერისმთავრის სასახლეს ქვითა და კირით ნაგები მაღალი გალავანი ერტყა.

ბჰისკარი კი მუხისა ჰქონდა, ეს კარი მთელ აღმოსავლეთში ცნობილი კარი ვახლდათ, წინაპართა გადმოცემით, სპარსელებს ამ კარისთვის ლოდმტყორცნები დაეშინათ, მაგრამ მაინც ვერ გაეგლიჯათ. დროსა და ეამს, ქარსა და წვიმას ხე რკინად ექცია, ათი კაცი ძლივს აღებდა და ხურავდა.

ბჰისკარიდან სასახლემდე ნუშის ხეივანს ყვავილნარი მისდევდა, გაზაფხულზე სამოთხეს ჰგავდა ერისმთავართა საყოფელი. ახლა შემოდგომა იყო და ხეივანში მხოლოდ ფოთლებშემოძარცვული ნუშები იდგნენ, ხოლო სასახლის წინ, დიდ მოედანზე ბუნებრივი შადრევანი ჩქეფდა კლდიდან.

საერისმთავრო ეტლი შადრევანთან დაეყენებინათ, მხლებელი მცირე სპაც მზად იყო, ეტლის უკან იდგნენ არაბულ ბედაურებზე ამხედრებულნი.

ბჰისკარს ურდულები შეხსნეს და ფართოდ გააღეს, მეეტლემ ნელა დაძრა ცხენები. „ნეტა რას მიპირებენ“, — გაიფიქრა იოანემ.

— ერს ვკითხოთ, — ბჰისკარს გაცდნენ თუ არა, უთხრა ერისმთავარმა. იოანემ ვერ გაიგო, რას ეუბნებოდა ერისმთავარი. სტეფანოზი წუხელ წამოწყებულ დავა-კამათს აგრძელებდა. თითქოს იოანეს კი არა, თავის ბიძებს ეპაექრებოდა.

— ვკითხოთ ერს, — გაიმეორა დაბეჯითებით, — ერი სხვას ფიქრობს. შიშველ თავისუფლებას რა თავში ვიხლით! გაიგეთ, მოწყალეო ხელმწიფენო, ქართლს მფარველი სჭირდება! მიწისმოქმედმა ძლივს გააღვივა მარცვალი ხნულში. სისხლიანი ხმალი სამუდამოდ ჩაავო ქარქაშში, განა ამაზე არ ოცნებობდნენ ჩვენი წინაპრები ოდითგანვე?

თქვენ კი გინდათ დააბრუნოთ სისხლიანი დრონი. არა, კედლო მანა-  
ნო! ის დრონი აღარ დაბრუნდებიან, ერი თქვენ არ გამოგყვებათ. ვისაც  
გნებათ ვკითხოთ. — გულითადად უთხრა სტეფანოზმა მათგანს.  
პირველი შემხვედრი გავაჩეროთ და ვკითხოთ: სწადიან ჩს უმცირესნი  
რასაც თქვენ აპირებთ? — იოანესთვის უკვე ნათელი იყო, რისთვისაც  
იჭდა სამეფო ეტლში, რისთვის შესთავაზეს გასეირნება. ფაფარდწ-  
ნულ ცხენებს ნელი რწვევით მიჰყავდათ ეტლი. ერისმთავარი რბილ  
საზურგეს მიყრდნობოდა. მცველი მხედრები ეტლს შორიახლოს მის-  
დევდნენ, ბედაურებს კისერს უგრებდნენ და ლაფშურით მიჰყავდათ.

იოანე არ მოელოდა ამგვარ გასეირნებას. თუ მართლა აპირებდა  
ერისმთავარი ერის გულისტივილი გაეგო, ქართლის სანახებში უნდა  
გასულიყვნენ, ქართლის ჭირი ქართლში იპოვებოდა, თბილისელი ვაჭა-  
რი ერის ზრახვით არ დაგიდევდათ, გაარკლებული ერის წყლული  
ერის შვილთა შორის უნდა მოეძიათ. ასე ფიქრობდა იოანე, გაჩუმე-  
ბული იჭდა ეტლში და გონების თვალთ ეძებდა იმათ, ვისაც მართლა  
ჰკითხავდა, მონობა ერჩია თუ ბრძოლა. უცებ იოანე მიხვდა, რომ ასე-  
თი ქართველის პოვნა დღეს ქართლში ძნელი იყო და თავზარი დაეცა.  
მას თვალწინ დაუდგა სამად სამი ადამიანი — ნერსე და აშოტ ერისთა-  
ვეები და ყრმა გრიგოლი, ნერსეს შვილობილი. საკუთარი შვილი, მიჭა-  
ელიც კი არ ეჩვენა სანდოდ. ერი მონობას შეჩვეოდა, შეჩვეული ჭირი  
ერჩია შეუჩვეველ ლხინს. ერისმთავარი სიმართლეს ეუბნებოდა. ვინც  
არ უნდა გაეჩერებინათ გზად მიმავალი, არავინ ისურვებდა ბრძოლას.  
ხალიფატთან ბრძოლა უაზრობად მიაჩნდა არა მარტო ქართველობას,  
მთელ კავკასიასაც. ადამიანებს მორჩილად შეეშვირათ უღლისთვის ქე-  
დი და თავს ბედნიერად თვლიდნენ, რაკი ძლიერ მფარველს მიეკედლ-  
ნენ.

უცებ იოანეს ლეღვთახვევი გამწარებული დედა გაახსენდა, მში-  
ერ ბაღებს ქვებს რომ უხარშავდა. ერისმთავარს უამბო ლეღვთახე-  
ველი მელოსა და მისი მშვიერი შვილების ამბავი და სთხოვა, იმ დედა-  
კაცთან წაჰყოლოდა. იოანეს უნდოდა ერისმთავარს სიმართლე გაეგო,  
რაკი მან ხალხში გასვლა გადაწყვიტა, ბარემ ენახა ერის ნამდვილი  
წყლული და არა თავმოსატყუებელი წვრილ-წვრილი უწესობანი.

ერისმთავარმა მეეტლეს უბრძანა და ლეღვთახევისაკენ ააღებინა  
გეზი. ქალაქს რომ გასცდნენ, ეტლი გზის პირას დააყენეს. ეტლით ვერ  
მიუღვებოდნენ იმ ქალის სახლს. ერისმთავარს და მის სტუმარს შეკა-  
ზმული ცხენები მოართვეს, გზა ცხენებით განაგრძეს.

აღარსად იყო ლეღვთახევი. ოდესღაც წავკისელას ხეობა ჩიტილე-

ღვას კორომებით ყოფილა გადაბურული. ლეღვახევს ამტომ ცხენ-  
ნენ, შემდეგ აქ ვახტანგ გორგასალს სამეფო ბალი გაუმართავს. ინდო-  
ეთიდან და სპარსეთიდან ჩამოუტანია ზეთისხილისა თუ მანძილის ხე-  
ნერგები და ხეივნები გაუშენებია.

სარკინოზ მოლაშქრეებს ჩიტილედვას კორომებიც გაუკავავთ და  
ზეთისხილის ხეივნებიც. ძველ სამეფო ბაღში თბილისის ციხის დამ-  
ჭირველი ლაშქარი ჩაუყენებიათ.

ლაშქრის ვარჯიშს, ცხენოსანთა ჯირითობას, ფეხოსანთა საწვრთნელ  
შეტაკებებს სულ არ სჭირდებოდა ვახის თალარები და ყვავილებით  
მოჩითული ველები. გადაეწვათ, გადაებუვათ აქაურობა.

ერისმთავარი წინ მიდიოდა, იოანე გვერდით მოჰყვებოდა ცხენდა-  
ცხენ, მსლებლები კი შორიახლოს მოსდევდნენ. სიტყვა არ დაუძრავს  
არავის. გადარუჯულ გორაკებს გასცქეროდნენ და დამუნჯებულნი მი-  
დიოდნენ. იოანე ჯერ მწუხარე მელოსა და მის დამშეულ ბაღლებს  
უჩვენებდა ერისმთავარს, შემდეგ იქვე, ახლოს, მიწაში ჩამძვრალი და-  
ბა და მდაბინონიც ეგულებოდა და ბარემ იმათაც მიაკითხავდა.

მელო კარგა ხანი არ ენახა. საგლახაკეში მისი მშვიერი ბაღ-  
ლები მანამ ჰყავდა, სანამ ყანაში თავთავი დამწიფდებოდა და მარტო-  
ხელა დედა სარჩოს მოიმარაგებდა. შემოდგომის პირზე ბაღლები დე-  
დას მიჰგვარა მოძღვარმა და თან დინარებიც დაუტოვა საარაბო ხარკის  
გადასახდელად. მას შემდეგ თვალი არ მოეკრა, ვერ მოიცალა აქეთ  
წამოსასვლელად.

მელოს კარზე ამდენი ცხენოსანი რომ მიადგა, გოცებულმა და  
შეშინებულმა გამოიხედა მიწურიდან. ხარკის ამკრეფი მავალები ეგონა  
და გრძელი წყევლა წამოიწყო. უცებ იოანე იცნო და პირზე ხელი  
მიიფარა.

— იოანე! — შესძახა ქალმა. — უფალი და მოწყალე ჩვენი! — ხელ-  
ზე კოცნა მოუნდომა. იოანემ ქალი შეაჩერა და ერისმთავრისაკენ ანიშ-  
ნა თვალთ.

— ერისმთავარი გესტუმრათ.

— ერისმთავარი? — დაიბნა ქალი.

პირჯვარი გადაიწერა. მუხლებზე დაეშვა.

ამასობაში ბავშვებიც გამოლაგდნენ, ზოგი მიწურიდან გამოვიდა,  
ზოგი სირბილით მოიჭრა მინდვრიდან, პატარები ცხენებს უყურებდნენ,  
უფროსები დაჩოქილ დედასთან მოჯარულიყვნენ, გოცებულები შეს-  
ცქეროდნენ ხან დედას და ხანაც სტუმრებს.

მიწურიდან ძუძუთა ბაღლის ტირილი მოისმოდა. იოანეს გაუკვირ-

და, ძუძუთა ბაღლი აქ არ ეგულებოდა. „ნუთუ გათხოვდა“, — გაუეჭვა გონებაში. შეშფოთებული დააჩერდა მიწაზე დამხობილს. *ერისთავის*  
— აღეჭი, — უთხრა იოანემ ქალს. — ერისმთავარს შენცა უნდა უთხრა  
სურს.

ქალი ფეხზე წამოიჭრა და მიწურში შევარდა.  
— მობრძანდით, ბატონო! — გამოსძახა იქიდან აფორიაქებულმა, კარი ფართოდ გააღო, ბავშვებიც შინ შელალა და თავსაბურის მოხურვაც მოასწრო.

— მობრძანდით, ბატონო! ღმერთო, ღმერთო, ერისმთავარი მოვიდაო, — აქეთ-იქით აწყდებოდა ქალი, — თვითონ ღმერთის მობრძანებას დავიჯერებდი, თქვენსას კი არა — გულუბრყვილოდ მიახალა პირში ქალმა სტეფანოზს, თან ორივეს ჯორკოები დაუდგა.

ბავშვები ერთ კუთხეში მიჯარულიყვნენ და სტუმრებს შორიდან შესცქეროდნენ.

სტეფანოზი და იოანე არ დამსხდარან. მხლებლები ერისმთავარს გარეთ ელოდებოდნენ, თავიანთ ცხენებთან იდგნენ და მიწურის ღია კარში იყურებოდნენ.

სტეფანოზმა ფულით სავსე ქისა გადაუგდო ქალს. ქალმა ქისა აიღო, გულში ჩაიხუტა, შემდეგ სტეფანოზს ფეხებში ჩაუვარდა და კოცნა დაუწყო. იოანემ ძლივს მოაშორა ქალი ერისმთავარს.

— უთხარი, რისთვისაც მოვედით და წავედით. — სული შეეგუბა მიწურში სტეფანოზს.

— კმარა, მელო, დაიწყნარე გული და მოგვაპყარ სასმენელი გულისა და გონებისა. — უთხრა იოანემ დინჯად, — მოგსწრებია ვაჟკაცები! — იოანემ ბავშვებს გადახედა, — რა ჰქვია უფროსს? ფარნაოზი!

— არა ბატონო, ამას კეწეწა ჰქვია. ფარნაოზი საგლახაკეში რომ გყავდათ, მაშინ თქვენ დაგირქმევიათ საოხუნჯოდა... სად კეწეწაანი და სად ფარნაოზი, ბატონო! — იღიმებოდა მორიდებით მელო, — ჩვენ ხომ კეწეწაანი ვართ, ამათი პაპის პაპის პაპა ყოფილა კეწეწა, იმიტომაც ვეძახით შინა, მღვდელმა კი თომა დაარქვა.

— კეწეწა! — დაუძახა იოანემ, — მოდი აქ!  
ბიჭი მორიდებით მიუახლოვდა იოანეს და გვერდით ამოუდგა. იოანემ ბიჭს ხელი მოჰკიდა მკლავში და ჰკითხა:

— გახსოვარ, კეწეწა?  
ბიჭმა თავი დაუქნია. მიწას ჩაჩერებოდა.

აკვანში ბაღლი ატირდა. მელომ აკვანი გადაარწია.



— მელო, ახლა როგორა ხართ? გილხინთ, თუ ძველებურად გიჭირთ? — ჰკითხა იოანემ.

— ეეჰ, გიჭირთო? — ამოიოხრა ქალმა, — ჰქირსა <sup>ერისმთავრის</sup> მოგვაკლებს, ბატონო, განა შავი ჭირი არ შემოგვივარდა ბუდეებშია, განა ყელში არ გვწვდა და არ გვახრჩობს, განა სისხლს არ გვწოვს... თქვენ ჩემზე უკეთ არ იცით? — ერისმთავარს მიაპყრო თვალები მელომ.

— რა შავ ჭირს ბრძანებთ, ავად არიან ბავშვები? — გულწრფელად იკითხა სტეფანოზმა.

— არა, ბატონო, არაბობას ვეძახით შავ ჭირსა, — მოურიდებლად უთხრა ქალმა, — განა მარტო მე ვეძახი, მთელი დაბა და მდაბიონი მაგათ შავ ჭირსა და შავ ხურველას ეძახის. ჭირივით დაუპატიჟებლად შემოგვეჭრებიან შინა: ეს ხარაჯო, ეს ჯიზიაო, ეს ისაო, ეს ესაო, რა ამ კედელთან გიუბნიათ და რა იმათთანა, არც ჩვენი სიტყვა ესმით, არც ღმერთის სწამთ და არც კაცის, ჩვენი ცოდვით დედამიწა იწვის და ზეცაც შიგ ეტანება. გამკითხავი კი არავინ არი, არა! — ქალმა შავი თავსაფრით მოიწმინდა ცრემლი და გაყუჩდა. აკვანს არწევდა და ნალვლიანად დასტკეროდა ძონძებში გახვეულ მტრალ ბალღს.

— აჰა, შია ამ ბედდამწვარსა, რა ვქნა, ღვთის კაცებო, ნეტა ვიცოდე, რა წყალში ჩავვარდე...

— ეს ბალღი აქ საიდან გაჩნდა, — ჰკითხა იოანემ მელოს, — თქვენ ხომ ქმარი ომში მოგიკლეს?

— მეც მაგას ვჩივი, რომ ბალღი გაჩნდა, სარჩო კი არაფერი მამაბღია. საიდან გაჩნდა? საიდანაც დანარჩენები გაჩნდნენ, იქიდანა, ჩემი ქმრისა აი, ესენია. — ქალმა სამი ბავშვი გადათვალა, — კეწეწა, გულო და პირმთვარისა. დანარჩენები ამათია. — ქალმა კარზე მომდგარი ერისმთავრის მცველებისაკენ გაიშვირა ხელი, — დაიწვევს ამათი მზე და მთვარე. გაწყდეს ამათი რჯული და გასავისი! — მიაწყველა გულმხურვალედ, ჩანდა რომ „ამათში“ არაბებს გულისხმობდა.

იოანემ და სტეფანოზმა ერთმანეთს შეხედეს გაოცებული თვალებით.

— რაო? — ჰკითხა სტეფანოზმა იოანეს ხმადაბლა. იოანე აკვანთან ახლოს მივიდა, მელოს კარგად დააკვირდა და ჰკითხა:

— რა ბრძანეთ? ვერ გავიგეთ?

— გაუგებარი რა არის, ბატონო, თქვენსობას ხომ შვიდი შვილი მყვანდა, ახლა რვა მყავს. ამათი სიკეთეა. — კვლავ შუბოსნებისკენ გაიშვირა ქალმა ხელი. — რაც ამ უბანში მოლაშქრეები ჩააყენეს,



მკვლარი ვიყოთ გვიჩვენია ქალებსა, მოვარდებიან შუბებით და ხელ/კეტებით, შემოგვიმტვრევენ, შემოგლეჯენ კარებს, გალმობენ კარებს ბალებს დაგიღვენ, არც ხეწენა-მუდარასა, დაგვწიოკებენ და ჩივიან აგვხდიან... აჰა...

„ნამუსს აგვხდიანო“, ქალმა უსირცხვილოდ, მოურიდებლად თქვა, შემდეგ აკვანზე დაემხო, თავი მკლავებში ჩამალა, გულდათუთქული ატირდა.

— ღმერთო ჩემო! — შესძახა იოანემ და პირვეარი გადაისახა, — ეს თქვენ ჩემთვის არ გითქვამთ? — საყვედურით ჩაიდუღუნა ქალის გასაგონად.

ქალი აკვანზე დამხობილი ტიროდა, ბავშვს ჩასძინებოდა, არ გავალიძრო, ხმა არ ამომივიდესო, პირზე ხელს იჭერდა და ჩუმად სლუკუნებდა. შავ თავსახვევს ქვემოთ აფათურებდა ხელებს.

სიჩუმე ისევ იოანემ დაარღვია:

— მაშ, საგლახაკეში არაბი მოლაშქრეების შვილებს ვზრდიდი?.. კვლავ საყვედურით გაისმა მიწურში.

ქალმა გულდაგულ ამოიწმინდა თავსაფრით თვალები. წამოდგა, ბავშვებთან მივიდა.

— საგლახაკეში, თქვენ აი, ეგენი გყავდათ: კეწეწა... — მოჰკიდა ხელი კეწეწას და იოანეს წინ დაუყენა, — ეგა, კეწეწაშვილია, ქართველი. ეს თორღვაა — იმათია, არაბი, ესეც არაბია, — შავტუხა, ჩხირით გოგო ჩააყენა მწკრივში, — ეს ქართველია, და ესეცა — პირმთვარისა დ გული.

— თავს ვიკლავდი, ბატონო, მაგრამა, — მიუბრუნდა ერისმთავარს მელი, — ჩემისთანა ოხერ-ტიალი თურმე იქაც არ უნდათ — შავეთში. ღმერთმა ხან ვინ გამომიგზავნა მოციქულადა და ხან ვინა, აღარ მამაკვლევინა თავი. იქ იყავ, რკინის უღელი დაიდგი, ცხვირით მიწა ჩიჩქნე და შენი დღე და წუთისოფელი ასე გალიეო, შემომითვალეს შავეთიდანა.

ქალმა კვლავ მოთქმასავით გააგრძელა „განლიეო“ და ცრემლმომდგარ თვალებზე თავსაბური აიფარა.

— დედავ, — ხელი დაადო ზურგზე იოანემ, — ჩვენ აქ იმისათვის მოვედით, რომ გიშველოთ.

— ღმერთმა თქვენ გიშველოთ და თქვენ გაგიმარჯვათ! მენა შავი მიწა და შავი სამარე თუ მიშველის, სხვა წყალობას აღარც ველი და აღარც მინდა.

— უთხარი და წავიდეთ! — თქვა მოთმინებადაკარგულმა სტეფანოზმა.

— დედავ, — დაიწყო კვლავ იოანემ. უჭირდა სიტყვების დარქმევით ეთქვა? როგორ ეთქვა? მწუხარებასა და უბედურებას ქალი მიწასთან გაესწორებინა, ღირსება აეხადა, ზნე გაერყვნა. გატეხილ, გათელილ ქალთან სიტყვა როგორღა ჩამოეგდო?

— ჩვენ... თქვენთან... რჩევისათვის მოვედით... — ყოყმანით, ბოროტკით განაგრძო იოანემ, დაბნეულად მოარიდა თვალი ქალს და თითქოს მიწურის კედელს ელაპარაკებო, ჩაიდუღუნა: — რაც ამ ოთხ კედელს შორის ხდება, ხომ სარკინოზების ბრაღია? რაც გვჭირს, ხომ იმათაგან გვჭირს. უნდა გავრეკოთ თუ არა ისინი ჩვენი მიწა-წყლიდან? აი, ამ მერცხლების დედა რას გვიბრძანებ: — იოანემ ბავშვებს ხელი მოხვია, — ქულზე კაცი არ უნდა გამოვიდეთ ამით დასაცავად?

— უნდა გავრეკოთ? თქვენს პირს თაფლი და ბადავი! უნდა გავრეკოთ... ღვთის სიტყვა გავიგონე დანამდვილებითა. გფარვიდეთ ქრისტე, უფალი ჩვენი, მაცხოვარი. წმიდა გიორგი წინ გიძლოდეთ თავის ბოძალითა, ქართლის დედის მადლი და ლოცვა-კურთხევა გზას გინათებდეთ! გამჩენმა განძლიეროთ და დედა ხთიშობელმა თავისი კალთა გადაგაფაროთ!

დამილოცნიხართ, ხთის შვილნო!

სტეფანოზს მოეწონა ქალის ლოცვა-კურთხევა, ხელი მოჰკიდა და ასევე გულითადად ჰკითხა:

— მაშ, კეწეწას მოგვცემ მოლაშქრედა? — სტეფანოზმა კეწეწა მოიხმო და გვერდით ამოიყენა. — მახვილის მტვირთველად ხომ გამოგვადგება? — გასძახა კართან მოჯარულ მსლებლებს ერისმთავარმა. — უკვე ვაუკაცი არის, რაღა აკლია. — კეწეწამ თავი ჩაკიდა და ჩაიციდა.

— რათა კეწეწასა?.. — იოანეს მიაჩერდა მელო, — კეწეწასაო?.. ჩემი კეწეწა უნდა წამართოთ? — ხელიდან გამოგლიჯა ერისმთავარს შვილი. — ძლივს სისხლის თხევით ბაღლი წამოვჩიტე, ახლა მაგ ოხრებთან ბრძოლაში უნდა მამიკლათ? არ მოგვცემთ კეწეწას! სისხლის ღვრასა და ბაღლების ხოცვას ისევ ის მირჩევნია, რაცა მჭირს. ღმერთი თუ გწამთ, თავი გამანებეთ, მამყოფეთ ჩემს სოროშია. სარკინოზებთან ომი ჩემი ბაღლების საქმე არ არის. ერისა და ქვეყნის მეუფე თქვენა ხართ, პასუხიც თქვენ აგეთ გამჩენის წინაშე, ჩემი კეწეწა არაფერ შუაშია!

უცებ, ერთ წამში, ქალი სულ მთლად გამოიცივალა, აიფოფრა და

სტუმრებს განრისხებული თვალები მიანათა. ბალები კუთხეში მილა-  
ლა და ხელებგაშლილი წინ დაუდგა.

სტეფანოზმა იოანეს ნიშნისმოგებით გადახედა. სწრაფად მიწურდა  
აღდა და გავიდა მიწურიდან.

იოანე არ მოელოდა ამგვარ პასუხს. ხმა ვერ ამოიღო, გაოგნებულ  
უნებურად მიჰყვა ერისმთავარს.

სტეფანოზი ფიცხლად ამხედრდა თავის ბედაურზე და მხლებლებით  
გარსშემოხვეული გზას გაუდგა, იოანეც გაედევნა ჩაქჩაქით. ცოცხალ-  
მკვდარი იჭდა ცხენზე, სტეფანოზმა იოანეს მოხედა, ახლა საით მიბრ-  
ძანებ წასვლასო. იოანემ მხედრიონს გზა კვლავ უჩვენა, მიწაში ჩამ-  
ძვრალი დაბა იქვე, გორაკს მოფარებული ეგულებოდა, მიწის ზევით  
არაფერი ჩანდა, ჩირგვებით გადაფარულ ფერდობზე სოროებივითა შე-  
ეთხარათ სადგომები და კარის ნაცვლად ფუნით შელესილი ჩელტები  
მიეფარებინათ.

სტეფანოზს გაეგონა, რომ მურვანყრუს დროს ერი აიყარა. თავი  
მთასა და ტყეს მისცა. აღამიანები მღვიმეებსა და ხარობებში ბინად-  
რობენო. მაგრამ საკუთარი თვალით არასოდეს ენახა დათვივით ბუნაგში  
შემძვრალი ერისთავანი, ცნობისწადილმა აიტანა, არ დაელოდა მსა-  
ხურთ, სწრაფად ჩამოქვეითდა, ჩელტის კარს მიადგა, გამოსწია და  
გამოალო; გვირაბის ჩაშავებულ ყელში არაფერი ჩანდა. გაკვირვებ-  
ულმა მოხედა. იოანეს.

— დიახ, შიგ ადამიანი ბინადრობს. — გაიღიმა დამნაშავესავით იო-  
ანემ, — მასპინძელო! — შესძახა მღვიმეში და პასუხს დაელოდა, —  
მასპინძელო!.. — გაიმეორა დაბეჯითებით და თავი შეჰყო მღვიმეში.  
პასუხი გვიან გაისმა. ჯერ გაურკვეველმა ჰყიბინა ხმამ გამოაღწია სიბ-  
ნელიდან. შემდეგ ძუძუთა ბავშვით ხელში გამოიღანდა დედაკაცი.  
უცხო მამაკაცები რომ დაინახა, მოხარკენი მოსულანო, იფიქრა და  
წყევლა-კრულვით უკან შეიმალა.

— მაინცადამაინც ისეთ დროს შეგირჩევენ, როცა მამაკაცები შინ  
არ არიან! აი, თქვე ურჯულოებო და სისხლისმსმელებო! თქვე მიწადა-  
საყრელებო და მიწაში არჩასამარხავებო!

წყევლა და ლანძღვა უცებ შეწყვიტა ქალმა. მღვიმის პირზე სამა-  
რისებური სიჩუმე ჩამოვარდა.

— შენიანები ვართ, ნუ გეშინიათ! — შესძახა მღვიმეში იოანემ და  
სწორედ ამ დროს ზედ ცხვირთან გაიწულია ისარმა და მღვიმედან  
გარეთ გაიჭრა. ბედად არავის მოხვედრია. ის დედაკაცი ისროდა.

— წავიდეთ! — ბრძანა ერისმთავარმა და მღვიმეს ცილდა.

მსახურებმა ცხენი მოართვეს.

იოანე კვლავ წინ გაუძღვა მხედრიონს, მაგრამ ერისმთავარი სად წაიყვანა, არ იცოდა. ხევ-ხევ, ფერდობ-ფერდობ მიდიოდნენ. საიდანაც კენესა შემოესმათ. მიასურეს. ხან მკვეთრად ჩაესმოდათ, ხანაც შორიდან ჩამოიტანდა ნიავი. იოანემ ცხენს თავი იქით მიუღრიჯა, საიდანაც გულისმომკვლელი ხმა მოდიოდა. მინდორში მთესველს მოჰკრეს თვალი. ერისმთავარმა მთესველისაკენ ცხენი ლაფშურით წაიყვანა, იოანეცა და მხლებლებიც უკან გამოუდგნენ თავიანთ პატრონს. შორიახლოს შედგნენ, ახლოს მისვლა ვერ გაბედეს; კაცი შებმულიყო უღელში, ცალ უღელს ხარი ეწეოდა, ცალსაც კაცი, მთესველი დინჯად მიჰყვებოდა კვალში სახნისს, საკვეთის მიერ მოჩიჩქნილ მიწას ჩასცქეროდა. უღელში შებმული კაცი კი ხენეშითა და კენესით მიათრევდა უღელს.

სტეფანოზი ცხენიდან ჩამოხტა, მხლებლებიც ჩამოთითოვდნენ ცხენებიდან.

— გამარჯობათ, რასა იქთ, კაცნო! — შორიდან დაუძახა იოანემ.

უღელში შებმული კაცი შეჩერდა და უკან მოიხედა. მთესველმაც აიღო თავი და ხარს დაუძახა:

— მო, ხი, ოო!.. ხვარბალსა ვთესამთ, ბატონო. — მიაძახა იოანეს. ერისმთავარი უღელში შებმულ კაცს მიადგა ჯიქურ და გაოცებულმა დაუწყო ყურება.

— არა გრცხვენია, მთესველო, ადამის ძეს უღელი დაადგი?! — საყვედური უთხრა.

— ხარი მამიკვდა, ბატონო, მა ვის დავადგა უღელი, ჩემი ძმა არის, განა სხვა ვინმეა, მინდა უღელს დავადგამ და მინდა უნავირს. ენგრე-ხან ეგ ეწევა, ხანაც მენა, ენგრე.

— უღლიანო კაცო, — პირდაპირ ჰკითხა ერისმთავარმა, — არ გინდა უღელი გადაავდო?

— რათა, ბატონო?! უღელი რომ გადავაგდო, ვინ დაგვითესამს ხვარბალსა? — გაოცდა უღლიანი კაცი, — ჩვენს წაზლას ჩამური ჩამაუვიდა და თქვენი ჰირი წაიღო, მოზვერი კიდენა ახალდაკოდელი გყავ. ერისმთავარის შეკითხვა გაუგებარი დარჩა ძმებისათვის. იოანემ ძმებს შეკითხვის არსი აუხსნა:

— ქრისტეს მიერ საყვარელო ძმაო, ჩემო მთესველო, ეს უღელი



ქედზე რომ გადგას. არაბებმა მოგიტანეს. არაბობა უნდა გავრეკო და უღელიც უკან მივაყოლოთ.

ულლიანმა კაცმა იოანეს უკმაყოფილოდ გამოხედა უხარულად და დასძინა. არაფერი უთქვამს, პირდაპირ ხსულში ჩაჭდა, უღელი ქედიდან არ მოუხსნია, მიწას ჩასცქეროდა დაღვრემილი, ხანდახან შუბლიდან ოფლს იწურავდა. მთესველი იოანეს მიადგა. ყურადღებით დააცქერდა და ჰკითხა:

— ერისმთავრის კაცები ხართა?

— გეგნი არიან, ზედ არ ეტყობათ? — უთხრა უღლიანმა ძმას უკმაყოფილოდ. — ვერ წამოვალთ ლაშქარშია, ვერა! — მიახალა უცებ იოანეს. — ხვარბალი დასათესი გვაქ. შინაც დედაკაცი მიკვნესის პარტახტიოთა. სარკინოზს კიდენა ჩვენ ვერ მოვერევით. ენგრე. — ნაწყვეტ-ნაწყვეტად ამბობდა აბოყირებული. — ტყუილუბრალოდ დასანთხევი სისხლი ძარღვებში აღარ გვიდგას, დავიღალეთ, მოგვებურდა ფუჰად ხმლისა ქნევა, ენგრე. არაბებმა ჩვენ მშვიდობა მოგვიტანეს, მათი უღელი გვირჩევნია სხვების დიბაფარჩებსა... ენგრე უთხარით იმათა, ბატონებსა, ენგრე.

სტეფანოზმა იოანეს გადახედა და სათქმელი თვალებით უთხრა. მხლებლებს უხმო და ერისმთავრის ნახირიდან ყვეარი ხარ-კამეჩის მოგვრა ბრძანა შეჭირვებულთათვის, ქისა გახსნა. ჯერ უღლიან კაცს ჩაუჩხრიალა დინარები, შემდეგ მთესველს და წასასველელად გაემზადა, დარახტულ ბედაურს მკვირცხლად მოახტა, მთესველთ ზემოდან დახედა და მშვიდობა დაუბარა.

— ბარაქიან პურის ყანას გისურვებთ, მუშაკებო!

ულლიანი კაცი და მთესველი გონს ვერ მოვიდნენ, არ ეგონათ, თუ ერისმთავარი იყო. დაბნეულები შესცქეროდნენ ერთმანეთს, ელდასავით მოსულ სიხარულს ენა წაერთმია, ვინ უნდა ყოფილიყო ასეთი ძვირფასი საბოძვრის გამცემი. თუ არა თვითონ ერისმთავარი?

— ღმერთმა გადღეგრძელოთ და წალმა გატაროთ! — ამოიღულღულა უღლიანმა კაცმა და მინდორზე ოთხახმით მიმავალ ცხენოსნებს პირჯვარი გადასწერა, მთესველმაც მიბაძა ძმას, ისინი პირჯვარს იწერდნენ მანამ, სანამ ცხენოსნები თვალს არ მიეფარნენ.

იოანეს დანა პირს არ უხსნიდა. ერისმთავარი მართალი იყო. ერს არ უნდოდა ბრძოლა, შფოთსა და სისხლისღვრას მორჩილებაში მშვიდად ყოფნა ერშია. ომებში მოქანცულიყო და მონობას შეგუებოდა. თავისუფლება დავიწყნოდა, უბატონოდ და უმფარველოდ ცხოვრება ვერ წარმოესახა, ხალიფატის უზარმაზარი იმპერია თავის სამშობლოდ მი-



აჩნდა და ამაყობდა კიდევ თავისი ძლიერი მფარველი. რისთვის, ვისთვის იბრძოდა იოანე, რა რჯიდა, რა აწუხებდა? ექვემდებარება ცდებოდა, იქნებ ერისმთავარმა მართლა უკეთ უწყობდა? იქნებ ნება-სურვილი? მოძღვარს ნაღველი აეშალა, რა ექნა? ხელი ჩაექნია, გაცლოდა აქაურობას, სამხრეთისაკენ აედო გეზი და გავერანებულნი ტაო-კლარჯეთისათვის მიეხედა? ბრძოლა იქიდან დაეწყით? ასეთი გეგმა აშოტ ერისთავს ჰქონდა, ის აპირებდა მამა-პაპათა ძველი ადგილ-მამულის აღდგენას და იქიდან მოსვლას ქართლში. იქნებ მართლა ჯობდა უკან დახევა? მაგრამ აბო? აბოს რა ეშველებოდა? ნერსე აბოს არ დაანებებდა არაბებს, ერისთავები განვდგებოთო, — უთხრა აშოტმა სტეფანოზს. სტეფანოზიც დარწმუნებული იყო თავის სიმართლეში, მისი ჭკუით, აბო ღუპავდა ქართველ ხალხს, მუქარას ის არ შეუშინებოდა. ერისთავებსაც არ სჩვეოდათ სიტყვის უკან წაღება, იოანე ორ ცეცხლს შორის ჩავარდნილიყო. რაც მთავარია, საღვთო კავშირის იდეა ელუპებოდა. თუ აბოს გამო შფოთი ატყდებოდა, რასაკვირველია, უთანასწორო ომში დამარცხება გარდაუვალი იყო.

ერისმთავარი წინ მიაგვლევდა თავის ბედაურს. რაკი იოანეს არ დაუცადა, ალბათ არ სურდა მასთან საუბარი. იოანეც ნელა მიჰყვებოდა უკან. გული ეუბნებოდა, რომ ერისმთავარი მოუხმობდა მას და მაშინ ჩამოუგდებდა სიტყვას აბოზე. დღესდღეობით ყველაფერი უნდა გადაედო და აბოსთვის ეშველა. ეს გაიფიქრა იმ წამს რატომღაც, სწორედ ამ მიწაში ჩამძვრალ ქართველობას უნდა ენახა მათთვის მლოცველი აბო თავისუფალი. აბოს თავისუფლება იმედს გააჩენდა, რწმენას აღადგენდა.

მართლაც ისე მოხდა, როგორც იოანე ვარაუდობდა, წავკისელას ხეობას რომ გასცდნენ, ერისმთავარი ეტლში გადაჯდა და იოანეც მიიხმო. დიდხანს ხმა არ ამოუღიათ. გულდამძიმებულები შემოდიდოდნენ თბილისში.

— აბოს მაინც უნდა უშველოთ, — უთხრა იოანემ ხმადაბლა, ეგებ ერისმთავარი სწორედ ახლა, ამ წუთას, გაეტეხა, დაეყოლებინა, არ სჯეროდა, აბოს განთავისუფლება რომ არ შეეძლო. მოძღვარი ამჩნევდა, რომ ერისმთავარს სინდისი ქენჯნიდა, თავს იმართლებდა ერის წინაშე. იმისათვის გამოეგონა ეს მოგზაურობაც, ეს „ერის გამოკითხვა“.

— ვერა! — მიუგო მოულოდნელად ცივად სტეფანოზმა, — გითხარით მე თქვენ.

მეეტლეს თავდაღმართზე ფრთხილად ჩაჰყავდა ეტლი, მხლებლე-

ბიც ლაგამჩაბლუჯულები თავმოდრეკილი ცხენებით მისდევდნენ ეტლს უკან.

ერისმთავარს ნალველი მოსწოლოდა, პირი მიექცია და ნარჩუნ ულორ უყურებდა. ეს უგუნებობაც კარგად ენიშნა მოძღვარს; რად შორეუნიცა ერის მესვეურმა? ხომ დაამტკიცა ის, რაც ეწადა? ხომ მტკიცე უარს ამბობდა იმაზე, რაც საშიში იყო მისი სახლეულისათვის. მაშ, რა აწუხებდა, რა სევდა მოსწოლოდა, რად იჭდა ეტლში გაბუტულივით?

თბილისის ქუჩები ჭერაც ხალხით იყო სავსე, სასახლის წინ ჩამოკონწიალებული ბერი ონოფრეს ამბავზე ჭერაც ბჭობდნენ რასტიბაზარსა და სალაყბოში.

ზანზალაკებიანი, საერისმთავრო ეტლი სიონის უბანში შედიოდა, შიგ დამუნჯებული ერისმთავარი და მისი მოძღვარი ისხდნენ.

### დაჩოქილი ლოდინი

მოულოდნელად ხალიფა მაჰდი გარდაიცვალა. ტფილისმა ძაძებმა ჩაიკვა.

ქართლში გლოვა გამოცხადდა.

სტეფანოზს ხალიფას სიკვდილმა სულ მთლად გადაუწყვიტა იმედი. ხალიფას ტახტი მაჰდის შვილს — მოსეს ერგო.

რა ცვლილება მოხდებოდა ხალიფატში?

როგორი თვალით შეხედავდა მოსე ალ-მუმინი დაპყრობილ ქვეყნებს და მათ გამგებელთ?

საარაბო ხარკს რამდენს მოუმატებდა?


საით დაძრავდა თავის მრავალრიცხოვან ლაშქარს — ჩრდილოეთისაკენ თუ დასავლეთისაკენ? რას უქადდა ხალხებს — მშვიდობას თუ სისხლისღვრას?

ეს კითხვები აწუხებდა არა მარტო ქართლს, მთელ აღმოსავლეთს. გაფაციცებული ყურადღება მიპყრობილი იყო ბაღდადისაკენ, ახალი ხალიფას პირველი ნაბიჯი ბევრ კითხვას მოჰფენდა შუქს.

ტფილისის ამირამ რიგგარეშე ჯამაათი მოიწვია. სტეფანოზი დილაადრიანად იხმეს სასახლეში — ახალი ხალიფა ხაზარეთს მიემგზავრებოდა, ტფილისში უნდა გამოიაროსო. ხაზარეთისაკენ მიმავალი გზა ტფილისზე გადიოდა. ეს ამბავი სიკეთის ნიშანი უნდა ყოფილიყო. რაკი თვითონ ხალიფა მიემგზავრებოდა ხაზარეთს, ომი და სისხლისღვრაც



გადაიდებოდა, იქნებ ხაქანს და ხალიფას საერთო ენაც გამოენახათ და მშვიდობაც ჩამოვარდნილიყო.



მზე ხალიფა ჩამოდისო, — მეხივით გავარდა ტფილისის საამიროს საყდრებში ძელებსა ჰკრეს და საამიროს წინ — ბუქსა. ერს ეუწყა ხალიფას ჩამობრძანება. ტფილისის საამიროსი ხალიფას თეთრი ცხენისათვის ერთი თვალის შევლება ცი დიდი ბედნიერება უნდა ყოფილიყო ყოველი ტფილისელისათვის. ქართლის გამგებელთ უნდა ეყოხათ და ღირსეულად შეხვედროდნენ ყველა მუსლიმის მბრძანებელს — ახალ ხალიფას.

ერისმთავარს ჯამაათი საგონებელში ჩავარდნილი დახვდა. ხალიფა სამშვილდეს გამოსცდენოდა, ჯამაათს კი ჯერაც ვერ გადაეწყვიტა, რა ელონათ, როგორ დახვედროდნენ დედამიწის მეუფეს, რით გამოეხატათ ერთგულება, მორჩილება და თაყვანისცემა. თვით ამირა ჩანდა დაბნეული, — გეზი ვერ მიეცა ჯამაათისათვის.

ერთნი მოითხოვდნენ, მსწრაფლ აეკრიფათ დამატებითი ხარკი და სტუმრისთვის ტფილისის ჭიშკართან დაეხვედრებინათ. მეორენი ხარკს საკმაოდ არ მიიჩნევდნენ, ფულის მოჭრას ურჩევდნენ ამირას, სხვებს ქართული ხმლებისა და მახვილების მოკრეფით და ხალიფას ლაშქრისათვის მირთმევით ეწადათ ქედის მოხრის გამოხატვა.

დიდხანს ყაყანებდა ჯამაათი. სასოწარკვეთილებაში ჩავარდნილ ამირას სტეფანოზი სწორედ მშველელად მოეგლინა. თითქოს მთელი სიცოცხლე ამაზე ფიქრობდაო, ერისმთავარმა გადამწყვეტი, ყველას მოსაწონი სიტყვა თქვა:

— დაჩოქილი ლოდინი, ხალხნო და ჯამაათნო! — დაიწყო დინჯად, — ქართლი მზე ხალიფას დაჩოქილი დაელოდება.

„დაჩოქილი ლოდინი! — უცებ აიტაცა ჯამაათმა, თითქოს ალაჰს ელაპარაკებინათ, ფეხზე წამოცვივდნენ და დარბაზის ჭერს შესძახეს, — დაჩოქილი ლოდინი! დაჩოქილი ლოდინი!“ — ამირამ ძლივს დააწყინარა აბობოქრებული დარბაზი.

— ყოველი ქართველი დედაწულიანად გამოვა იმ გზაზე, სადაც მზეთამზე ხალიფამ უნდა გამოიაროს, — განაგრძო სტეფანოზმა, — დაჩოქებს ყველა, — უხუცესიცა და უმრწემესიც, ერისმთავარიცა და ერისთავანიც, დაჩოქებს და დაელოდება მანამ, სანამ ქვეყნის მბრძანებელი საკუთარი თვალით არ ნახავს მთელ ქართველ ერს მის ფეხქვეშ გართხმულს. ძღვენს კი ოქროთი ამირა მიართმევს ალაჰის მოადგილეს ტფილისის ჭიშკართან.

— ხალიფას ოქრო უყვარს! — დაიძახა ვიღაცამ ხალხიდან.

— ხალხნო და ჯამაათნო! — გამოაცხადა უცებ ჰაჯიჯ იბნ-ალ-ბაბაქმა. — ხალიფა შემოდის სოლდებლის კარით! ყველანი სოლდებლისაკენ! — თქვა მან და სწრაფად დატოვა ჯამაათი. ეს სულ <sup>ამჟამად</sup> ~~ამჟამად~~ უნდა ყოფილიყო.

როცა სტეფანოზი სიტყვას ამბობდა, ჰაჯიჯ იბნ-ალ-ბაბაქთან შურტა მივიდა, ყურში რაღაც ჩასჩურჩულა. შემდეგ წითელწვერიანი მუსლიმი შემოიყვანეს და ჰაჯიჯს მიჰკვარეს. წითელწვერიანი შურტათმთავრის ფეხებთან დაემხო და საიდუმლო უსტარი დაუფარავად მიართვა. ბაბაქმა გრაგნილი სულმოუთქმელად ჩაიკითხა, წამოდგა და გამოაცხადა. ხალიფა სოლდებლის კარით შემოდისო. ასე სწრაფად ხალიფას მობრძანებას თვითონ ჰაჯიჯ იბნ-ალ-ბაბაქიც არ მოელოდა.

ამირას ხაზინის კარი გაუხსნეს, თუ რამ ოქრო ებადათ, საძღვნოდ გაამზადეს. ერისმთავარმა ყოველიმხრივ აფრინა კაცები: ერის შეკრება და სოლდებლისკენ წასვლა ბრძანა.

ტფილისს არ ახსოვს ასეთი სტუმარი და არც ასეთი სტუმარიანობა გაუგონია, ამირას კაცები შინ ეჭრებოდნენ ადამიანს და დედაწულიანად გარეთ ერეკებოდნენ, შურტებს თვლით აბარებდნენ. შურტები მათ სოლდებლისკენ მიათრევდნენ. ერისმთავრის კაცები რაბათის მხრიდან ერეკებოდნენ მდაბიორებს. სიონსა და მარიამწმიდაში ძელის ცემა არ წყდებოდა.

მტკვრის ორივე ნაპირი ხალხით გაივსო.

საპყარნი, ხეიბარნი, მთხოვარნი, ფეხმძიმე დედანი და ტიტლიკანა ბალღები ზედ ხიდზე, ხიდის თავსა და ყურში ჯგროდ მიყრილიყვნენ. „დაიჩოქეთ!“ — გაჰკიოდა ცხენზე ამხედრებული შურტა და ზღვა ხალხში შეგდებულ ცხენს ძლივს იურვებდა. „დაიჩოქეთ!“ — გაჰკიოდა მტკვარს გაღმა სხვა ცხენოსანი, ხელში მოეღვარე ხმალს ატრიალებდა, ხალხს აშინებდა, თავს წაგაცლითო. ფეხზე დგომას ვერც ვერავეინ გაბედავდა, ბავშვები ვერ ითმენდნენ მხოლოდ, ხანდახან გაეცეოდნენ დედებს, ამათ გამო გაჰკიოდნენ, დაიჩოქეთო.

სოლდებლისაკენ მიდიოდა მთელი ტფილისი. ზოგი ნებით, ზოგი ძალით, შინ არავინ რჩებოდა, ახლომახლო დაბებიდანაც მოესწროთ ერის აყრა. მოდიოდნენ და მოდიოდნენ, წვერილ-წვერილ ნაკადებად მოედინებოდნენ და ზღვა ხალხს უერთდებოდნენ. მორჩილად იჩოქებოდნენ, ხმამაღლა ლაპარაკობდნენ, მოურიდებლად ილანძლებოდნენ, ქართულად, ათასგვარ ჭორს თხზავდნენ სახელდახელოდ. ზოგს სარჩოც თან წამოეღო ბავშვებისათვის, ჯალაბს აქვე, გზის პირას აპურებდა.

მაღე ამირას ეტლი მოვიდა, გადაირბინა ხიდი და დაჩოქილი ხალხისაგან მოშორებით დადგა. ამირას ეტლს ერისმთავრისა მოჰყვა. ერისმთავრისას — ვეზირისა, ჰაჯიჯ იბნ-ალ-ბაბაქის ეტლი მას შემდეგ მოჰყვა მცველებით გარშემორტყმული მიადგა.

ჯამაათის წევრები ეტლებიდან გადმოვიდნენ და ერის დასანახად მათაც შორიანლოს დაიჩოქეს. ერსა და დაჩოქილ ჯამაათს შორის ხმალამოლებული შურტები ჩადგნენ. შურტები ჯერჯერობით თავისუფლად დაქროლებდნენ ცხენებს. წესრიგს იცავდნენ, მაგრამ თუ ხალიფას კაცები გზაზე, გამოჩნდებოდნენ, ნაბრძანები ჰქონდათ მათაც უმალ-ჩაეჩოქათ.

რაკი თვითონ ამირა, თვითონ შურტათმთავარი ნახა ხალხმა დაჩოქილი, წამოდგომას ვინღა გაბედავდა.

მთავარ ყადის ხალიჩა გაუშალეს და ნამაზზე დადგა.

— მუსლიმისათვის მეჩეთი ყველგანაა, საცა ხალიჩას გაშლის სალოცავად!.. ალლაჰი!.. — თქვა ყადიმ. ეს სიტყვები ხალხმა აიტაცა, მუსლიმებმა ხელათ იშოვეს ხალიჩები, მტკვრის პირას გაშალეს, ყველა მუსლიმის ყიბლისკენ — მექასკენ პირი იბრუნეს და ლოცვას მოჰყვნენ. ქართველებმა რაკი ნახეს, რომ არაბები ფეხქვეშ ხალიჩებს იგებდნენ, თვითონაც მოატანინეს შინიდან ვისაც რა გააჩნდა, ფარდაები, ტომარები თუ ძონძები და მუხლებქვეშ დაიგეს, გახრიოკებულ მიწაზე უნდა მდგარიყვნენ ჩოქზე, არავინ იცოდა რამდენ ხანს, თუ ხალიფა დაავგიანებდა. საღამომდე ფეხი არ უნდა მოეცვალათ. საღამოს კი ალაჰმა უწყოდა, რა ბრძანებას გამოსცემდნენ.

იოანეც მოსულიყო. შვილის გვერდით ჩაეჩოქა და გულგასიებული მიწას ჩასცქეროდა. ერისმთავარი თვითონ ეახლა და წამოსვლა სთხოვა. რა ექნა? ერისმთავარს უარით გაისტუმრებდა, მაგრამ შვილს ვერ აწყენინა. შვილი მწარედ განიცდიდა მამის ორგულობას. შვილს აუბა მხარი, წამოჰყვა და დაიჩოქა. მიქაელს ყოველ წუთში იძახებდა ერისმთავარი, ხან რას ავალებდა და ხან რას. მიქაელი შურტსავით დაჰქროდა აქეთ-იქით, შემდეგ კი დაჩოქილ ერისმთავარს ყურში ეჩურჩულებოდა. იოანეს არ მოსწონდა შვილის საქციელი, გული ეკუმშებოდა, წუხდა, დარდობდა, ძალა აღმართს ხნავდა, უნდა დაეთმინა, უნდა გაეძლო — მიწას ჩასცქეროდა მწუხარე. რა არ ენახა. რა არ გადაეტანა, ამგვარი ლოდინი კი ზღაპარშიც არ გავგონა. რატომ ჩადიოდა ამას ერისმთავარი, რატომ თრგუნავდა ერს ასე დაუნდობლად. არც რომაელ დამპყრობლებს, არც იონთა მეფეთ, არც სპარსთ მსგავსი რამ არ ჩაედინათ, ერის ასე საჯაროდ წამოჩოქება ზარის დამცემი იყო

თვით ერისათვის. „გარდაგულარძნა მტერმან სასტიკმან“, — ფიქრობდა იოანე და თვალთ ნერსეს და აშოტს ეძებდა. „ნუთუ ისინიც დააჩოქეს?“ ცნობისწადილს აეტანა, წამოდგებოდა და ჯამაათისკენ უხუცესობდა, თუ ერისთავები მოვიდოდნენ, იქ დააჩოქებდნენ მსაფრთხეებს. არ ჩანდნენ. იოანეს უხაროდა, რომ არ იყვნენ. გუარამ მცხეთის მამასახლისი შეამჩნია ჯამაათის წევრებს შორის, მიქაელიც იქ ტრი-ალეზდა, რაღაცას ავალბდნენ წელანდებურად; წელში მოხრილი უს-მენდა ჯერ ერისმთავარს, შემდეგ გუარამს.

მზე ანათებდა, დაჩოქილ სხივებს აფრქვევდა, მაგრამ ზამთრის პირი იყო და მაინც ციოდა. იოანეს ფიჩვის შიგნით თბილად ეცვა. სიცივე მაინც გაუჭდა გვამში. „ნეტა სანამდე გვაყოფებენ ასე უმოძრაოდ“, — გაიფიქრა. „ეგებ სულ არ ჩამოვიდეს ხალიფა“... სად იყო და სად არა, თითქოს მიწიდან ამოძვრაო, უცებ მოვარდა მიქაელი. მოვარდა კი არა, გაჩნდა იოანეს გვერდით. სწრაფად დაიჩოქა და პირჯვარი გადაიწერა.

— რა ამბავია? — ჰკითხა იოანემ შვილს.

— გაქცეულან! — მიუგო მიქაელმა. გაკვირვებულმა, გააგებულმა თქვა, გაქცეულანო. აჩქარებული სუნთქავდა, შუბლიდან ოფლს იწ-მენდა.

— ვინ გაქცეულა?

— შეთქმულნი, სხვა ვინა. მღევრები დავადევნეთ, გაკოჭილს ჩა-მოიყვანენ.

„ნერსე და აშოტი“, — გაუელვა თავში იოანეს, სხვა ვინ უნდა ყო-ფილიყვნენ „შეთქმულნი“.

— შეპყრობა დაუპირეს ალბათ.

— არა. ამას გაექცნენ, — თქვა მიქაელმა და მუხლებზე დაიხედა, — დაჩოქებას გაექცნენ „ქედფიცხელნი“! — დამცინავად ჩაიჭირქილა, — კაშჩის მოჭიდავე ხარსაო... ხალიფას გაკოჭილს მიჰგვირან, ასეთია ბრძანება.

— ერისმთავრისა?

— ამირასი და ერისმთავრისა, ერთობლივი. ათასხუთასი მოლაშქრე გაგზავნეს, უნდა შეიპყრან.

იოანემ თავი ჩაკიდა. ავის მომასწავებელი იყო ეს ამბავი.

— ეგებ ჭორია? — ჰკითხა შვილს ერთხელაც.

— გუარამ მამასახლისს შეხვედრიან მცხეთიდან მომავალს.

„მეტისმეტია“, — გაიფიქრა იოანემ. მართალია, არ სურდა დაჩო-ქილი ერისთავების ნახვა, მაგრამ გაქცევაც არ შეიძლებოდა. ეს „გაქ-ცევა“ ურჩობას უდრიდა. ჰაჯიჯ იბნ-ალ-ბაბაქს საბუთი ეძლეოდა,

ერისთავები ეურჩებოდნენ არა ამირას, არამედ თვით ხალიფას. ამის  
კი თავების დაყრევინება მოჰყვებოდა. „გაასწრებენ“, — გადაწყვიტა  
რატომლაძე. „მცხეთას თუ გასცდნენ, მერე ვერ შეიპყრობენ“.

კისერწაგრძელებული მიქაელი შორს იყურებოდა, — მოჰკრა თავი.  
წამოდგა კიდეც და გახედა. „აქ ყოფილა“, — გაიფიქრა  
და სურვილმა შეიპყრო, სადმე მის ახლომახლოს დაეჩოქა, მამის ერი-  
დებოდა, თორემ ახლავე გაქანდებოდა იქითკენ, იოანემ შეამჩნია შვი-  
ლის მეტისმეტი ასწრაფება, იფიქრა, ალბათ გულისყური ერისმთავ-  
რისკენ უჭირავსო. არაფერი უთხრა შვილს. საკუთარ გულისზრახვათ  
მიუგდო ყური. „არ არის საშველი, — ფიქრობდა იოანე, — ამით წინ  
არაფერი დაუდგება, როგორმე თავი შევიწინახოთ, გადავრჩეთ, დღევან-  
დელ ქართველთ სხვა მიზანი აღარ ეკისრება. მაშულს აღარაფერი ეშ-  
ველება, თუ ვიხსენით ენა და სჯული, ბარაქალა ჩვენს ქართველო-  
ბას...“

— შვილო, მიქაელ, — ჩაიდუღუნა იოანემ. — ჩვენც წავიდეთ! ძა-  
ლა აღმართსა ხნავს.

ეგონა, შვილი ჰკითხავდა, სად წავიდეთო. მიქაელი ანოს უმზერდა  
გაფაციცებული, მამის სიტყვები გულს არ ეკარებოდა.

მისი გული და გონება იქ ტრიალებდა, სადაც შავით მოსილი ანო  
დაჩოქილიყო მხევლებით გარშემოხვეული.

— აქ პატიოსან კაცს არ ედგომება, შვილო, წადი კლარჯეთს, ისი-  
ნიც ალბათ იქ მიდიან.

„ისინი“ ნერსეს და აშოტს გულისხმობდა.

— იქ უფრო დიდი ჭირი სუფევს, ვიდრე აქ, — ურწმუნოება. ჩვენს  
საყდრებს სხვები დაეპატრონენ, ჩვენს მიწაზე სხვანი მკვიდრობენ,  
სიტყვა ქართული მალე აღიგვის პირისაგან მიწისა, თუ დროზე არ  
ვწირეთ უამნი ქართულად, მცხეთას ნაკურთხი მირონი იქაც თუ არ ჩა-  
ვიტანეთ, დაიღუპა ტაო-კლარჯეთი!

მიქაელი კვლავ ანოს გასცქეროდა.

— მიქაელ, გესმის ჩემი! — ხმას აუწია იოანემ. — მე იქ ჩემი თვა-  
ლით ვნახე დაქცეული ჩვენი სამკვიდრო. გრიგოლიც იმათთან იქნე-  
ბა. მეც მალე ჩამოვალ. აბოს გამოვიხსნი საპყრობილედან და ჩამო-  
ვალ, გესმის?

— მე ვერ წავალ, მამა, — უთხრა მიქაელმა იოანეს. — ერისმთა-  
ვარს ვერ ვუღალატებ!

იოანე შედრკა. შვილს კარგად იცნობდა და ასეთ პასუხს მოელო-  
და კიდეც, ჭაბუკის გულწრფელობამ და პირდაპირობამ შეაქართო.





ირგვლივ ყაყანი იდგა, თბილისელი მოქალაქენი დახოქონი არულად მუსაიფობდნენ, ხმამალა გასძახოდნენ ერთმანეთს ქულებებისა და ბაზრის ამბებს, სალაცხოში გავიწილს საქვეყნისა და ქვეყნისა ნენ. ვისაც მჭექარე ხმა ჰქონდა, იმათი თუ ისმოდა, თორემ კნავილა, ქაჭანა, წრიპინა ხმები ყაყანში ინთქმებოდა.

„გულისზრახვა ზევევიით ყოფილა, უფალო, — ღმერთს გაუბა საუბარი იოანემ, — კაცს არ ემორჩილება, ერისმთავრისა და ერის ნებას დავჰყევ, დავიჩოქე მათთან ერთად, მაგრამ გულმა არ დაიჩოქა, არ დაჰყვა ერს, შვილსაც კი არ მიუგდო გულისყური — გული არ იხრის ქედს მბრძანებლის წინაშე, არ იჩოქებს გული“.

— მიქაელ! — გაჰკრა ხელი შვილს ანაზდად, — გულს სხვა მბრძანებელი ჰყოლია, — წვერზე ხელი მოსევა კმაყოფილმა, გამოსავალი იპოვა, თავი იმართლა შვილის წინაშე. — გული უფლისაა, უფალი ეუბნება არ დაიჩოქო.

— წუხელ გიპირებდნენ შეპყრობას! — კვლავ მიახალა პირში მიქაელმა. — ერისმთავარს უკვე უბრძანეს შენი დილეგში ჩაგდება.

— მერე?

— მერე გეახლა თვითონ და გთხოვა: მთელი ერი იჩოქებს და შენც დაიჩოქეო, დაიჩოქებასაც ამადლი?

— ჩემს დაიჩოქებას არ ვწუხვარ... — ხმა ჩაუწყდა, ენა დაება იოანეს, გაჩუმდა. კაცი ვერ გაიგებდა, რაზე ფიქრობდა, ბოლოს ძალა მოიკრიბა და შვილს მტკიცედ უთხრა:

— შენ და გრიგოლი ტაო-კლარჯეთს წახვალთ, დღეის სწორს ხელს დაგასხამს კათალიკოსი. გრიგოლი უკვე აკურთხეს.

მიქაელს მოეჩვენა, რომ მამა კი არა, ვილაც სხვა, ქვისაგან გამოთლილი კაცი იძლეოდა ბრძანებას და მისი შეცვლა თვით მამალმერთს არ შეეძლო.

თუ მანამ მამას არ ებუებოდა, ჯიუტად არ ემორჩილებოდა, უცებ შეკრთა. განრისხებული მამა მიქაელს არასოდეს ენახა, გადაჭრით მამას მისგან არასოდეს არაფერი მოუთხოვია. „შვილო ჩემო!“. „საყვარელნო მამისანო“. „ქრისტესმოყვარეო“ — სხვა სიტყვებით ის აღამიანებს არ ეზრახებოდა, თითქოს სხვათა სათქმელ სიტყვებს ამბობდა: „წახვალთ“... „ხელს დაგასხამს“...

მიქაელმა მამას კრძალვით შეხედა. გაბურღული თმაწვერიდან ოარი ანთებული თვალი საყვედურით მოჩერებოდა.

— ერს სჭირდება თქვენი იქ წასვლა! დანარჩენს იქ გეტყვიან, მცხეთაში.

მზე ჩასულიყო. საღამოს ბინდი გაჩენილიყო ლელვთახეცსა და აი-  
ნანთ ხევში, მწუხრი თბილისის ქუჩებშიც აპირებდა ჩამოწვლას,  
მტკვრის ვალმა-გამოღმა დაჩოქილი ხალხი მოთმინებდა და აკრძალავდა მათ  
დებოდა სამშვილდისავენ გავზავნილ მალემსრბოლთ. რაცეს წესს სისას  
მოზნელდა, მხოლოდ მაშინ ინებეს ბუკის მოტანა და ხალხს აუწყეს,  
რომ ხალიფა თბილისქალაქში ხვალ დილით შემობრძანდებო. დილა-  
დე შინ წასვლის ნებას რთავდნენ. დილით კი კვლავ უნდა გამოშლი-  
ლიყვნენ სოლდებლის მიდამოებში და დაჩოქილი დალოდებოდნენ მზე-  
თამზეს.

აშოტ ერისთავის საყოფელსაც სიონის უბანი ეთქმოდა, მაგრამ სა-  
მეფო დარბაზებისა და ბალისაგან მოშორებით იდგა განმარტოებით. ეს  
ციხე-კოშკი დიდი ნერსეს შვილს ადარნასეს აუგია აქ თავისი უმცროსი  
ვაჟის, აშოტის საყოფელად. როცა მურვანყრუს ნაცარტუტად უქცე-  
ვია ბაგრატიონთა სამკვიდრო — ტაო-კლარჯეთი, ადარნასე ბიზანტი-  
აში გაქცეულა, არაბებს მისი ვაჟი გურგენი დაუსვამთ ქართლის ერის-  
მთავრად, ამით ამაყი ადარნასეს გული მოუგიათ, დაბრუნებულა მო-  
ხუცი სამშობლოში, არაბებს შერიგებია, მაგრამ მამაპაპეულზე დარდს  
გადაჰყოლია, თავის აგებულ ციხე-კოშკში მომკვდარა, თბილისში.

გურგენის ნაადრევ ავადმყოფობასა და დაუძღურებას ან ნერსე  
მეორის, ან აშოტის გაერისმთავრება უნდა მოჰყოლოდა, რაკი ნერსე  
გურგენამდე, არეულობის ეპოს, უკვე იყო ერისმთავარი და მის წინა-  
აღმდეგ სასტიკად ბრძოდა სარკინოზი ერი, აშოტს წინ არ უნდა გადა-  
დგომოდა ბაღდადი, — ასე ფიქრობდა ქართლი, მაგრამ ხალიფა ასე  
როდი სჯიდა. ქართლის ერისმთავრად ჭაბუკი სტეფანოზი გამოგზავნა.  
აშოტს ბარდავის ერისთავობა აკმარა. გაგულისებული აშოტი ბარდავს  
არც წასულა. თბილისში იჯდა თავის ციხე-კოშკში და საერისთავოს აქე-  
დან მართავდა.

აშოტს არ მოსწონდა სტეფანოზის ქედმოდრეკილი ერისმთავრობა,  
გაუწყრა, საბოლოოდ მოიკვეთა მხდალი ძმისშვილი. თვით ამირასაც არ  
ეპუებოდა, არ ესწრებოდა ჯამათს და ხარკსაც თვითნებურად კრეფდა.  
ბაღდადმა იცოდა აშოტ ერისთავის ორგულობის ამბავი. ჰაჯიჯ იბნ-  
ალ-ბაბაქი ქართლში სწორედ აშოტ და ნერსე ერისთავების ასალაგმა-  
ვად გამოგზავნეს. ბაბაქმა თავისი ვალი ღირსეულად შეასრულა, ერის-  
თავების ყოველი ნაბიჯი შეისწავლა და ბაღდადს აცნობა.

ერთი შეხედვით, ერისთავები არას იქმოდნენ. როგორც ღივან აშ-  
შურტას გამგებელი ამბობდა, თვალთ არ დაინახებოდა მათი ხრიკე-



ბი, „მიწაში მძრომელთ“ ეძახდა მათ და ასობით შურტას ამუშავებდა იმის გამოსახარებად, თუ რა კავშირი ჰქონდათ ერისთავებს ხაზართა ხაკანთან და იონთა მეფესთან, თავისი ჭკუით გამორკვევდა უფროსი გენილი ჰქონდა „უამრავი ავი საქმენი“ და თუ მას ჰქონდა უფროსი სპაღლიფატს ძირს უთხრიდნენ სწორედ ქართლში, სწორედ ნერსე და ამოტ ერისთავთა ციხე-დარბაზებში.

ჰაიჯი იბნ-ალ-ბაბაქის დასკვნები გამართლდა. როცა ამირამ ქართლში დაჩოქილი ლოდინი გამოაცხადა, ორად ორი ადამიანი არ დაემორჩილა ამ ბრძანებას.

ამოტ ერისთავმა თავისი მხედართუფროსი იხმო, მარადი მცველი მონასპის შეკურვა და სალაშქროდ გამზადება ბრძანა.

ნერსე ერისთავის გალავნის გადაღმაც ატყდა საყვირისა და დაფის ცემა. რჩეული მეხრმლენი და მოისარნი, ბრძოლის ქინით ანთებულნი, ცხენების თამაშ-თამაშით მსწრაფლ გამოეფინენ და თავიანთ ერისთავს ერთგულება და სამშობლოსათვის თავდადება შეჰფიცეს.

ერისთავთა ექვსასამდე ცხენთოროსანნი და ჯაჭვჩაბალახოსანნი ცხენისტერფს\* შეერთდნენ. ისე უეცრად, ისეთი გზნებით, დაფისა და ნალარის ისეთი ცემით შეიკრიბა ერი, ვით უეცარი თავდასხმის დროს იკრიბებოდნენ ფარნავაზიანნი და გორგასლიანნი. წინაპართა მსგავსად დაუხანებლად, ვისაც მკლავი ერჩოდა და სამშობლოსათვის გული უძვერდა, თავის ბედაურზე ამხედრებულყო და ხელი ხმლის ვადაზე ედო მზად ყოფნის ნიშნად.

ერისთავებს ექვსასი მეომრით ომის ატეხვა გუნებაშიც არ ჰქონდათ, ფიქრადაც კი არ მოსვლიათ უაზრო ბრძოლა. როცა ამირას კაცებმა ერის გამოყვანა და დაჩოქება მოითხოვეს, თითქოს წინასწარ დაუთქვამთო, თავიანთი მხედართუფროსები იხმეს და ერის საომრად შეკურვა ბრძანეს. რისთვის გასცეს ასეთი ბრძანება, რა გადაწყვიტეს ასე უეცრად, რას აპირებდნენ, რა განზრახვა ჩაიდეს გულში, არავინ უწყობდა. გულმა არ იცოდა, ხელი რას იქმნოდა. ხელმა არ იცოდა, გული რას იზრახვიდა. აქაურობას უნდა გასკლოდნენ, ტფილისში არ ედგომებოდათ, მტერს დაჩოქილნი ვერ შეხვდებოდნენ — ეს მათთვის ცხადზე ცხადი იყო. უმალ ჩაიცივეს ჯაჭვის პერანგები, მუზარადითა და ფარშუბით აღიკაზმნენ და ერს წინ გაუძღვნენ. დიღმის კარით გავიდნენ ტფილისიდან და გზას ქართლისას დაადგნენ.

მხნედ, უშიშრად და ლალად მიუყვებოდნენ ქართლის სანახებს.

\* ცხენისტერფი — დღევანდელი დიდუბე.

რაკი ტფილისის გასცდნენ, სარკინოზთა რიდი არ ჰქონდათ. ვერც მცხეთაში შეჰკადრებდნენ ერისთავებს შეჩერებას. უშუალოდ ხალიფას ჰქაჯიჯ იბნ-ალ-ბაბაქის ბრძანების გარეშე ვერც ერთი ციხისთვის შეუძლებელი გაუბედავდა აშოტ და ნერსე ერისთავებს გზაში გადაღობვა და დაღობვა. ლაშქარად წასვლის მიზეზი ეკითხა. თუმცა არაბებს გარდა ქართლში საბრძოლო მწყობრით ვერავინ გაივილიდა, ქართველებს არამცთუ საჭურვლისა და ცხენთორის, ცხენზე ჯდომის უფლებაც კი არ ჰქონდათ. არაბი მეციხოვნენი, მეზვერენი გაცეხული გასცქეროდნენ ლაშქარად გამოსულ ქართველებს, მაგრამ რაკი მათ წინ დაუფარავად მოუძლოდნენ ქართლის უპირველესი ერისთავები, ფიქრობდნენ, ალბათ ნება მიუციათო, და თავიანთ მოვალეობას არ ასრულებდნენ.

მხოლოდ მცხეთის ჭიშკართან შეაჩერეს ლტოლვილნი. ერისთავებს არაბი ციხისთავი მცირე აშალით გამოეგება და ამირასა და საამიროს დასაცავად მცხეთელთა საბრძოლო მზადყოფნა აცნობა.

სხვა ვერაფერი იაზრა ციხისთავმა, დაეკვება ვერ გაბედა, თავისი ჭკუით, შორიდან მოუარა. თუ ერისთავები ჯაჰვს ჩაიცვამდნენ, არაბთა ლაშქარში უნდა ჩამდგარიყვნენ ერთიერთ. ქართველთა ლაშქარში კი ერთი არაბიც არ ერია. ურჩობის გაფიქრებისაც კი ეშინოდა ციხისთავს და ამიტომ შესთავაზა საბრძოლო მზადყოფნა.

ერისთავებმა ერთმანეთს გადახედეს. ციხისთავი ლაშქრის წინ იდგათავისი შუბოსნებით და პასუხს ელოდა.

— მზეთამზე ხალიფა სამშვილდეს გამოცდა, ნაბრძანებია დაჩოქილი ლოდინი! — უთხრა უცებ აშოტ ერისთავმა ბრძანების კილოთი ციხისთავს. ნერსეს მოეწონა აშოტის ნაუცბათევი ნაზრევი. სწორედ ხალიფას ჩამოსვლის ამბავი აუზღვრევდა ტვინს მუსლიმს. მართლაც, შიშისაგან, თუ სიხარულისაგან ციხისთავს ლულული აუტყდა, ცხენიდან ჩამოხტა და ერისთავთ ჩოქვით მიუახლოვდა.

— მზეთამზე ხალიფა?! — გაცეხული თვალები მიაპყრო ნერსეს, მხლებლებიც მყის ჩამოქვეითდნენ, მუხლებზე დაეცნენ, მექასკენ პირი იბრუნეს და ალაჰს მადლობა შესწირეს. ციხისთავი ნერსეს არ აშორებდა თვალს, თხოვდა, სიმართლე მითხარიო, ლამის მის ცხენს ფეხებზე მოეხვია.

— დედამიწის მბრძანებელი. ხაზარეთს მიბრძანდება, ქართლის მიწაზეც დაადგამს ფეხს, — დაუდასტურა ნათქვამი ნერსემაც.

— ალლაჰ! — ამოვიგინა ციხისთავმა, — მამასახლისს არაფერი უთქვამს, — თავი იმართლა ერისთავებისა და თავისი მხლებლების წინაშეც.

— გუარამ მამასახლისმა ტფილისს ვაიგო ხალიფას ჩამოხოქმე-  
ბა, — დაამშვიდა ციხისთავი აშოტმა.

ციხისთავი ფეხზე წამოიჭრა, მოახტა თავის ბედაურს და შე-  
ყენა, მოატრიალა და გაქუსლა. მცველებიც უკან მიჰყვნენ. ციხისთავს  
საყოველთაო დაჩოქების თადარიგი უნდა დაექირა, ამას ნიშნავდა მისი  
უეცარი გამოფხიზლება.

რახან მშვიდობით გადარჩნენ, ერისთავებმა ერი სამთავროსა და  
სვეტიცხოვლისკენ წაიყვანეს, ვახტანგ გორგასალმა სამთავროში და-  
ადგინა კათალიკოსი, კათალიკოსს ლოცვა-კურთხევას თხოვდნენ.

მირიანის დროინდელი სამეფო ბალი, სადაც წმინდა ნინომ მაცყო-  
ვანში ვაზის ჯვარი დაასვენა და პირველად მეფის მებაღე და მისი  
ცოლი მოაქცია, სარკინოზებს წაებილწათ, ბაღში ქულბაქები ჩაედგათ  
და მექულბაქენი ჩაეყენებინათ.

როცა სვეტიცხოვლის ძელის საყდარი გამოჩნდა, გრიგოლი შედგა  
და პირჯვარი გადაისახა, ერმაც და ერისმთავრებმაც მას მიბაძეს. გრი-  
გოლი ახალი ხელდასხმული იყო ხუცად, სწორედ რამდენიმე დღის  
წინ, აქ, ამ საყდარში, დაასხა ხელი თვითონ სამოელმა და უფლება  
მისცა, ტაო-კლარჯეთს წასულიყო. სამოელს და იოანეს უნდოდათ  
ეპისკოპოსად გაემწესებინათ, მაგრამ ჭაბუკმა არ ისურვა: პატივსა ვე-  
დავ, მაგრამ პატივისაგან მეშინისო.

რაკილა აშოტი და ნერსე თბილისიდან აიყარნენ, ჯერ აფხაზეთს  
გადავიდოდნენ, თავიანთ დედა-წულთ მოინახულებდნენ. გრიგოლიც  
წავიდოდა მათთან ერთად აფხაზეთს, დედობილს მოიკითხავდა და შემ-  
დეგ შეუდგებოდა საოცნებო საქმეთა აღსრულებას, ეწვეოდა აღთქმულ  
ქვეყანას — ტაო-კლარჯეთს.


ამ ბაღში, ამ არე-მარეში ყველაფერი წმინდა და საყვარელი იყო  
გრიგოლისათვის: აქ ეზიარა საღვთო საიდუმლოთ, აქ აკურთხეს ღვთის  
შსახურად, აქ მიანდეს საქვეყნო საქმეც.

გრიგოლმა დაიჩოქა და მიწას აკოცა. შემდეგ წამოდგა ლოცვით  
და ერი და ერისმთავრები უფალს შეავედრა.

წარტყვევნილ ბაღს სვეტიცხოვლის მიდამოებშიც ეტყობოდა მსა-  
ხერალი ხელი. ნერსე და აშოტი სარკინოზთა ნამოქმედარს გასცქე-  
როდნენ მალულნი რისხვით.

სამოელ კათალიკოსს გაეგო ერისმთავრების მობრძანება; სამყამ  
ჰკრეს ზარი სამთავროსა და თორმეტთა მოციქულთა საყდარში, მთა-  
ვარდიკონი კერეონებითა და საკუმეველით გამობრძანდა, კათალიკოსი

წინ წამოუძღვა ეპისკოპოსთა და ხუცესთ, — ერსა და მათ მეთაურობას  
შეეგებნენ.



გრიგოლი პირველი დაემხო სამოელის წინაშე და ფეხზე დაეკრუნა  
ერისთავებმაც თაყვანი სცეს წესისამებრ.

კათალიკოსმა ერს ჭვარი გადასახა. არ იცოდა, რას მოასწავებდა  
შეაბჯრულ ერისთავთა გამოჩენა სვეტიცხოვლის წმიდა ეზო-მიდამოში.

რაკი ფარ-შუბით აღჭურვილი ერი იხილა, ევალეზოდა დაელოცა  
მხედრობა და მამული თვისი.

ქართლის კათალიკოსმა ჭვარი მალლა აღმართა, ღმერთს პატიება  
თხოვა და პირდაპირ შეუდგა შეჩვენებას. მსმენელნი ყურს არ უჯე-  
რებდნენ, კათალიკოსი მოურიდებლად, საჯაროდ, ერისა და ბერის  
თანდასწრებით, დღისით, მზისით წყევასა და კრულვას უგზავნიდა სარ-  
კინოზებს, თვით ხალიფატსაც კი.

— მრევლო ჩემო, შვილნო და ძმანო, ერო — სასოებავ და იმედო  
ივერთა! ქართული ეკლესია, ქართველი ხუცესმონაზვნობა წყევითა და  
კრულვით შეაჩვენებს ურჯულო მტერს, — ავარ მხველის უკანონო შთა-  
მომავალთ! ჩვენი ხმალია წყევა და შეჩვენება, დაე, ხმალზე უფრო  
გასჭრას შჯულიერად აღმოფხვრამ და წარწყმედამ.

წყეულომც იყოს, ვინც ქართველ ერს კირთების უღელი დაადგა და  
გვემულსა და წამებულს ამყოფებს.

წყეულ იყოს და შეჩვენებულ ღმრთისა და ყოველთა მისთა წმინ-  
დანთაგან, შვიდის კრებისაგან და ოთხის პატრიარქისაგან, ვინც სამ-  
კვიდრო მიიტაცა ჩვენი და ყორნებსაებრ სჯიჯგნის დღენიდაგ.

კვალად წყეულ იყოს და შეჩვენებულ სისხლითა ქრისტესითა, ვი-  
ნაც საპყრობილეთში სტანჯავს ტარიგსა ღმრთისასა — აბოს, ქრისტეს  
მიერ საყვარელს ჩვენსას.

წმიდა ნინოს მადლი გაუწყდეს, წმიდა გიორგის რისხვა დაატყდეს  
თავზე, ენატრებოდეს იუდას შიშთვილი, კვალად წყეულ იყოს და  
შეკრულ სულით და ხორციით ათორმეტთა მოციქულთა მადლისაგან და  
ჩვენგან ყოველთა მღვდელმთავართაგან, ვინაც შებილწა წმიდა ალაგი  
ჩვენი, — ჭვარი და სვეტიცხოველი.

კრულ იყოს სახელი მათი და ჯოჯოხეთის ცეცხლში დაინთქეს ყვე-  
ლა, ვინც დაარბია ჯაჭვის ეკლესია, აწამა მონაზვნები და წმიდა ონო-  
ფრეს ცილი წამა.

უმკვიდრო იყოს სახელი მათი ცათა შორის და ქვეყანასა, განუხსნელ  
იყოს ხორცი მათი საძაგელი საფლავსა შინა და წარუმართებელ გზანი  
მათნი. ცანი დაიხშოს მათთვის ილიას მიერ მაგრიად.

წყეულ, კრულ, შეჩვენებულ და აღხორცილ იყოს სახელი მათი აქა და მუნა, ეკრძალოს ყოველი სულდგმული, ვითარცა ვაკეთებულ ძაღლსა.

და უკეთუ ვინმემ იკადროს დარღვევად შეჩვენებისა ამისა, მყის თანა ეწიენ მას რისხვა ღმრთისა, ძრწოლა კენისა, მეხისტება დიოსკურე უკეთურისა, დანთქმა ნახეთქსა ჯოჯოხეთისასა.

ამინ!  
— ამინ, ამინ, ამინ! — იხუვლა ერმა. კათალიკოსის გულიდან ამომავალმა წყევლამ დაიპყრო სპა-ლაშქარი.

— დიდება მღვდელმთავარს ჩვენსას! — შესძახა ვილაცამ და ერმა დაიგუგუნა:

— დიდება! დიდება!  
გაოცებული ერისთავები ერთმანეთს უყურებდნენ, თვალებით შურტებს ეძებდნენ, სამოელს აქვე შეიპყრობენო, ფიქრობდნენ. უცებ შუა ლაშქარში შეჩოჩქოლდნენ მუზარადიანი ვაკეკეები, ქართული დროშა ამოაფრიალეს საიდანღაც და მალლა აღმართეს, შემდეგ წინ გადააწოდეს, ნერსესა და აშოტის უკან დადგა მედროშე, მედროშეს გვერდით შუბოსანი დაუდგა ძველი ქართული წესისამებრ. ქართველთა ლაშქრისათვის უკეთეს ლოცვა-კურთხევას ვერც ინატრებდა ადამიანი.

სამოელმა ერს ერთხელაც გადასწერა ჯვარი და აღელვებული გაცალა იქაურობას, ეკლესიაში შევიდა და აღსავლის კარებში შეიმალა. კარგა ხანს მღელვარებდა ერი სამეფო ბაღში. შემდეგ ერისთავები მტკვრის სანახებისაკენ გაუძღვნენ აბოხოქრებულთ.

მღელვარება ყველას გადადებოდა, ერისმთავარსა თუ ერისთავანს. გრიგოლიც კი მზად იყო ჯვრის ნაცვლად ხელში ხმალი აეღო, ავარდნილიყო ჯუარხედაძნის მთაზე და მოძალადე სარკინოზები აეკაფა.

სწრაფად მოეგო გონს, პირჯვარი გადაისახა და ღმერთს პატიება თხოვა უკეთური ზრახვისათვის. ის უკვე ღვთისმსახური იყო, ხმალზე სხვას უნდა სჭეროდა თვალი, ფიქრიც კი ეკრძალებოდა ამგვარი. დაიშოშმინა გული და მომავლისაკენ გაიხედა. გავერანებულ-გადახრიოკებულ ტაო-კლარჯეთსა და შავშეთს გადაავლო გონების თვალი, პირველი თვითონ მივიდოდა და დაემკვიდრებოდა უდაბნოს, ძმებს შემდეგ მოიხმობდა. მტერზე შურს ამით იძიებდა. მართალია, მიქაელმა უარი უთხრა, მაგრამ ჭეშმარიტი ძმები სხვაგან ეგულებოდა — საბა, თედორე და ქრისტეფორე. ბოლოს და ბოლოს მიქაელსაც დაითანხმებდნენ. — თვითონ ჩამოვიდოდა ტფილისში და წამოიყვანდა, მიქაელი

მიმნდობი იყო, კეთილი გულისა, ღღეს თუ ხვალ ნათელ გზას დაადგებოდა.

გრიგოლის ცხენი წინ მიუძღოდა ერისთავებს, ხელთ გვირგვინს და ვარსკვლავს. ვერა ერის დასაშოშმინებლად აღემაართა მალლა, არ უნდოდა გრძობას აპყოლოდა, მაგრამ სამოელ კათალიკოსის სახე თვალთავან არ შორდებოდა. საქართველოს ეკლესიის საქეთმპყრობელი გაფითრებული იდგა სამოთხის ბალში, რისხვით ანთებოდა თვალეზი, აჯანყებოდა წუთისოფელს და ქართლის დამაქცევართ მთელი გულით წყევლიდა. ჯერ არავის ენახა მწყემსმთავარი ასე განრისხებული. შეიპყრობენო — ჩუმად დარდობდა გრიგოლი. სარკინოზებს არც ღვთისა ეშინოდათ და არც სინდის-ნამუსი შეაწუხებდათ. სტაცებდნენ ხელს და დილეგში ჩააგდებდნენ. შავ ფიქრს ვერ იცილებდა ახალბედა ხუცესი.

უცებ მის ზურგს უკან აშოტ ერისთავის მეხრმლემ უწვევრულმა, მაგრამ ნაადრევად დაეაქაცებულმა მოყმემ, ხვევრდოვანი, გუგუნა ბანით სიმღერა წამოიწყო. გულიდან ამოასკდა ჭაბუქს სიმღერა და ქორული მზერით ამყოლთ დაუწყო ძებნა. ძებნა აღარ დასჭირვებია „მუმლი და მუხასაო, გარს ეხვეოდაო...“ — იგრილა ლაშქარმა. ერისთავებიც კი აპყენენ ჭაბუქ მხედრებს.

ეს არ იყო შემოხვევით წამოწყებული მგზავრული.

„მუმლი მუხასაო“ კვლავ დაატყვევა გრიგოლი და შავი ფიქრი გაუმრავლა. თვითონაც აპყვა მომღერალთ, აღარ შეეძლო თავშეკავება. თუმცა ჯერ ისევ მცხეთაში იყვნენ და სარკინოზები გაკვირვებულნი ადევნებდნენ თვალს მათ ყოველ ნაბიჯს.

ქართველები გულის ნადებს სიმღერით ამოთქვამდნენ. აბობოქრებულ, ყალყზე შემდგარ გუნება-განწყობას სიმღერა მიესადაგა, სიმღერამ გული მოფხანა მოლაშქრეთ, ლამის ხმალი ეშიშვლათ და უკან გაბრუნებულიყვნენ საბრძოლველად.

აშოტ ერისთავმა ნერსესთან მიაგლო თავისი ცხენი და ფიცხად უთხრა:

— ერისთავთერისთავო, — ძველი სახელი გაუხსენა, — გული ომს მეუბნება!

— გაგბრუნდეთ! — თვალეზი დააკვესა ნერსემ და ცხენს თავი მიუღრიჯა.

— უფლისციხეს დავესხათ! — მოულოდნელად თქვა აშოტმა. — აქაურობას ვერას დავაკლებთ! თუ უფლისციხეს ორი მხრიდან დავესხებით თავს, ჩრდილოეთიდან და სამხრეთიდან, იქნებ ბედმა გაგვიღიოს,

ვისაც ნამდვილი ომი სწადიან არაბებთან, უფლისციხე ხელთ უნდა იგ-  
დოს.

მცირე თათბირი უმალ დაამთავრეს, ერის ყურადღებამ მხო-  
ციეს. მათრახი ჰკრეს ცხენებს და კვლავ თავში მოეჭკნენ მტკიცარს.

ერისთავთა განზრახი თითქოს ერმაც იგუმანაო, სიჩუმე ჩამოვარ-  
და ლაშქარში. კარგა ხანს მიდიოდნენ მდუმარენი, მიათოხარიკებდნენ  
ცხენებს, წესსა და რიგს იცავდნენ მსვლელობისას, თან თვალი და  
ყური თავიანთი პატრონებისაკენ ეჭირათ.

ნერსეს ჭკუაში დაუჭდა აშოტის ნათქვამი. აშოტს ბრძოლის ათასი  
გეგმა ჰქონდა, შეეძლო დაუსრულებლად ესაუბრა არაბთა წინააღმდეგ  
ბრძოლის გეგმებზე. უფლისციხეზე თავდასხმა სულ ახალი გეგმა უნდა  
ყოფილიყო.

— თუ ომს გადავწყვეტთ, დიდი კლდეკარიდან მე დავესხმი ციხე-  
ქალაქს! — უთხრა ნერსემ გადაჭრით აშოტს, ცხენს მათრახი გადაუჭირა  
და ოთხახმით წაიყვანა. რაკი ნერსემ ცხენი ოთხზე გადაიყვანა, აზარ-  
ვით მომავალი მხედრობაც უკან გამოუდგა მათრახების ტყლაშუნით.

დიდი კლდეკარიდან ნერსე უნდა დასხმოდა თავს უფლისციხეს,  
ამას თქმაც არ უნდოდა. აშოტმა ეს იცოდა, ეს არ იყო მთავარი, მთა-  
ვარი ის ვახლდათ, რომ გუნებაში ნერსემაც ამჯობინა ომი, აშოტს და-  
ეთანხმა. ქართლს უბრძოლველად ერისთავები ახლა თუ გაეცლებოდ-  
ნენ, ეს დიდი უსამართლობა იქნებოდა. „დაე, დაიღვაროს სისხლი,  
თუნდაც დავმარცხდეთ“, — ფიქრობდა აშოტი დაქინებით და ცხენდა-  
ცხენ მისდევდა ნერსე ერისთავს. უფლისციხის ხსენებამ ნერსე ერის-  
თავი აანთო ბრძოლის ყინით, ლამის ხმალი ამოეწვავდა და აქედანვე  
შეეძახნა სპათათავის „ჰვა მაგასა!“ თუმცა უფლისციხემდე ჯერ კიდევ  
შორს იყო.

„ღმერთს მიეყავართ საბრძოლველად. — გაუელვა ნერსეს, — ის  
გვირჩევს ომს.“

კათალიკოსის წყევლა-კრულვის მოსმენის შემდეგ ნერსეც მუმბა-  
რეზობის გუნებაზე იდგა, აშოტმა თითქოს საკუთარი გულისნადები  
გაუმხილა. თუ ბედი ეწეოდათ და მართლა შეძლებდნენ უფლისციხის  
აღებას, ციხე-ქალაქში გამაგრდებოდნენ. ჯერ თავს დაიცავდნენ, შემ-  
დეგ ნელ-ნელა შემოიკრებდნენ მოლაშქრეებს ქართლიდან, კახეთიდან,  
შეიძლება აფხაზეთშიც გაეგზავნათ კაცები, საღვთო კავშირზე საქმით  
ეზრუნათ.

ჭალაში რომ გავიდნენ, ერისთავებმა შეჩერება და თათბირი ბრძა-  
ნეს. ჩამოხტნენ ცხენებიდან, მდაბიურად ჩაიმუხლეს მტკვრის პირას,

ცხენებიცა და მხედრებიც შეასვენეს და თვითონაც მოითქვეს სულა-  
აშოტმა ნერსეს, მხედართუფროსებს და ასისთავებს ბრძოლის გეგმა  
გააცნო. ლაშქარი ორად უნდა გაყოფილიყო, ერთნი მუხრანის ქედზე  
წავიდოდნენ კუერნაქისაკენ, მეორენი მტკვარს აჰყვებოდნენ ქვესქესქეს  
ლამდე. ერთდროულ შეტევას ვერ შეძლებდნენ, მაგრამ, აშოტის აზრით,  
სწორედ ეს მოუტანდათ გამარჯვებას, უნდა ევლოთ ერთნაირი სიჩქე-  
რით, მხოლოდ ერთხელ შეეცვენათ, მზის ჩასვლა უნდა ყოფილიყო  
ბრძოლის დაწყების ნიშანი.

— აჰა, ძმანო! ციხე-ქალაქი აქ არის, — მიწაზე მათრახის ტარით  
ხაზავდა ბრძოლის გეგმას ერისთავი, — დავიწყეთ ომი ჩრდილოეთი-  
დან, სამხრეთელთ დაგვაგვიანდა. ისმაიტელი უფლისციხის დამპირველ  
ლაშქარს დიდ კლდეკარს მიაყრის, მცველად მცირე სპას დატოვებს.

ჩვენ, სამხრეთელნი, ორად გავიყოფით. მცურავნი მტკვარს პირდა-  
პირ გადავჭრით, გვირახის მცველთ ჩუმად მოვაშთობთ და მცირე  
კლდეკარისაკენ მომავალთ გზას გავუჟავავთ. აგ-მაგუგს\* თავზარს  
დავცემთ. იფიქრებს, სრულიად ქართლი უფლისციხის წინააღმდეგ  
დაძრულაო და ჩრდილოეთით წასულთ სამხრეთისაკენ მოუწოდებს.  
მაშინ ნერსეს მხედრონი დაჰკრავს მტერს სასიკვდილო ლახვარს და  
ერთობლივი ყიფინით ციხე-ქალაქში შევიჭრებით.

აშოტმა თათბირი დაამთავრა, მივიდა გრიგოლთან, ჯვარს ემთხვია  
და ღმერთს შეევედრა: „ჰე, უფალო, დამბადებელო ყოვლისაო, შენ  
იყავ მწედ ჩვენდა, რამეთუ არა ძალისად ჩვენისად მინდობილ ვართ,  
არამედ მოწყალეობისა შენისად, რამეთუ ძალი ქრისტესი ჩუენთანა არს  
და ჯუარი მისი პატიოსანი — საჭურველ ჩუენდა“.

ერისთავებს შეჯავშნული ტაიჭები მიართვეს. ვიგრის ტყავის ფა-  
რებით აღიკაზმნენ, ერთმანეთს გამარჯვება უსურვეს, ნერსემ თავისი  
სპა მტკვარზედ კოწახურას ფონით მუხრანისაკენ წაიყვანა, აშოტმა  
მტკვრის ხეობით — ქვახვრელისაკენ.

გრიგოლი აშოტს გაჰყავა, აშოტთან ერთად უნდა წასულიყო ტაო-  
კლარჯეთს, ნერსე აფხაზეთს ცოლ-შვილთან რჩებოდა დროებით, — ასე  
წამოვიდნენ ტფილისიდან, ტფილისში უფლისციხეზე თავდასხმა არა-  
ვის უფიქრია. ერისთავები მხოლოდ თავდასაცავად ემზადებოდნენ, რა-  
კი მდევარი არ გამოჩნდა, რაკი მცხეთას გასცდნენ, მდევარს უკვე  
აღარ მოელოდნენ, მაგრამ უფლისციხეზე თავდასხმა მდევარზე უარესს  
ჭირს მოუტანდა ქართველთა ლაშქარს. მცირე სპა-მხედრობით უფლის-

\* აგ და მაგუგ „ქართლის ცხოვრებაში“ ბარბაროსის მნიშვნელობით იხმარება.



ციხეს ვერას დააკლებდნენ, ასე ფიქრობდა გრიგოლი, თან ამოტის გეგმაც მოსწონდა; იმედს აჩენდა ეს გეგმა, ჭეშმარიტად ჭკუადაა და კათალიკოსის წყევლა-კრულვა ჩაესმოდა ყურში, აბოც კვებოდა ციხის მონაზონთა გოდება დილეგებში, დაჩოქილ ტფილისელთა ბოღმით საესე გულების ფეთქვა და ისღა დარჩენოდა, უფლისთვის ვედრება აღევლინა, მამულისა და ერისთვის შეწყენა ეთხოვა.

როგორც მოსალოდნელი იყო, ომი ნერსე ერისთავმა დაიწყო, გრიგალივით შეიჭრა უფლისციხის კლდოვან ვიწროებში და სისხლის ტბორი დააყენა.

ამოტის ვარაუდი მართლდებოდა — უფლისციხისთვის ბრძოლა სწორედ მცირე სპა-მხედრობით სჯობდა, თუ მარჯვედ გამოიყენებდი ციხის მისაღვამებს, კლდეს, მთას, მდინარეს, გვირაბს.

დიდი კლდეკარიდან უფლისციხეში ვაჭართა ქარავენები შედიოდა, საომრადაც აქედან მიდიოდნენ უფლისციხელები. კლდეკარი ვიწრო არ იყო, მაგრამ სპათა სიმრავლე ომს მაინც ვერ მოიგებდა, ვერ გაიშლებოდა ლაშქარი, სალი კლდეები მხოლოდ წინ და უკან წასვლის ნებას იძლეოდა. მტერს ათი-თხუთმეტი მხედარი თუ შეებმებოდა, დანარჩენები მეწინავეთ უნდა დალოდებოდნენ. მცირერიცხოვან ქართველებს სწორედ ასეთი ბრძოლა აძლევდა ხელს. ოციოდე თავზებელაღებულ მეწინავეს უნდა გაეკაფა გზა, მტერს პირველნი ისინი უნდა ჰკვეთებოდნენ. ასეთები ლაშქარში ბლომად იყვნენ.

პირველი ჰოროლი ნერსემ ჰკრა, პირველი ფარი დალეწა და პირველი მხედარი ძირს დასცა. ტაიჭზე შემართული კაცი კლდედ იქცა კლდეთა შორის და ცხენ-კაცის გორი დააყენა, ელვასავით იქნევდა ხმაღს და ლომივით ბღღვინავდა.

მეწინავედ ნერსეს რჩეულთა შორის რჩეულნი ამოერჩია, თვალადნი, ტანადნი, ლომგულნი და მკლავმაგარნი. ლომსა ძალით ვითარცა თიკანსა მოიყვანებდნენო, — ასე ამბობდნენ მათზე ერში და ასეთებად დარჩნენ ბრძოლის ეამსაც. ხომ ბუზებივით ეხვეოდნენ მტრები, არ ეპუებოდნენ, ერთი ნაბიჯით უკან არ იხევდნენ. კივილით ხმაღშემართულნი ხომ გამორბოდნენ სარკინოზები, კივილითვე ძირს სცივოდნენ თავმოკვეთილნი.

ეს იყო პირველი შეტაკება მეციხოვნეებთან.

ძირს, ციხე-ქალაქში საბრძოლო ბუკსა და დაფდაფებს დასცხეს. ციხისთავმა დამჭირველი ლაშქარი ერთად დაძრა კლდეკარისაკენ.

კლდეთა ორლობე მხედრებით გაიჭედა, გაჩაღდა სისხლისმღვრელი დი-  
დი ომი, თავგაჩეხილ, გულგანგმირულ მკვდრებს ვერ იტევდა კლდე-  
კარი. ნერსე ერისთავმა უკან დახევა ბრძანა, ნელ-ნელა უნდა <sup>სხვისათვის</sup> ~~სხვისათვის~~  
უკან. კლდეებს შორის მომწყვედულნი მზეს ვერ ხედავდნენ, <sup>სხვისათვის</sup> ~~სხვისათვის~~  
მზე ჩასული უნდა ყოფილიყო. კლდეკარში ბინდი წვებოდა, მალე  
ამოტიც ჩაებმებოდა ბრძოლაში. ისევ ატყდებოდა ბუკისა და დაფდაფ-  
თა ცემა ციხის ქონგურებზე, ლაშქრის ნაწილი უკან გამობრუნდებოდა  
ამოტ ერისთავის სპა-მხედრობასთან საბრძოლველად. მაშინ ნერსეც  
შეუტევდა წელანდებურად და გამარჯვებაც გარდუვალი იყო.

ასე ფიქრობდა ერისთავი, იბრძოდა ვითარცა უხორცო. გულისყუ-  
რი კი ციხე-ქალაქისკენ ეჭირა. შველას იქიდან მოელოდა. მაგრამ  
მოხდა ის, რაც ერისთავებს ამხელა გზის მშვიდობიანად გამოვლის  
შემდეგ ფიქრადაც არ მოსდიოდათ.

როცა მცხეთასთან ქართველთა სპა-მხედრობა ორად გაყვეს და  
სხვადასხვა გზას დაადგნენ, მცხეთაში მაშინ შემოვიდა სწორედ ამირას  
გამოგზავნილი ათასსხუთას კაციანი მღევარი. მღევარს დააგვიანდა თბი-  
ლისიდან გამოსვლა, — სტეფანოზი აბრკოლებდა მღევრის გაშვებას,  
ეგებ გაასწრონო, — ფიქრობდა. მართალია, ბიძებზე გაავებული  
იყო. მზად იყო თვითონ შეეპყრო და დილეგში ჩაეყარა ისინი, მაგრამ  
სასიკვდილოდ მაინც არ ემეტებოდა. ჰაჯიჯ იბნ-ალ-ბაბაქი ისეთ მღე-  
ვარს აგზავნიდა, ცოცხალი არავინ გადაარჩებოდა. სტეფანოზმა ათასი  
რაღაც მოიგონა, ამირასთან შევიდა, მართალია, ვერ გადაათქმევინა  
მღევრის გაგზავნა, მაგრამ შეაფერხა.

მღევრები მცხეთიდან რომ გავიდნენ, მტკვრის ქალღმერთში მწყემს  
ბიჭს ჰკითხეს, აქეთ ქართველთა მხედრობას ხომ არ გამოუვლიაო. ბიჭ-  
მა მუხრანისაკენ გაიშვირა თითი. მწყემსი ბიჭი, როცა ერისთავები ქა-  
ლაში თათბირობდნენ, გორაკზე გადმომდგარიყო და ნერსე ერისთავის  
თეთრ ცხენს გასცქეროდა. ცხენს კული და ფაფარი ჰქონდა შავი. ასე-  
თი ცხენი ოცნებად ქცეოდა ბიჭს, მისთვის ამ ქალაში არავინ და არა-  
ფერი არსებობდა, გარდა იმ თეთრი ცხენისა. თეთრმა ცხენმა მტკვარი  
კოწახურას ფონით გადასცურა და მუხრანის ველებისაკენ წავიდა.  
დანარჩენი ქართველები თუ საით წავიდნენ, ბიჭს არც ახსოვდა. ცხენი  
ჩარჩენოდა გონებაში და იმ ცხენს აქ ელოდებოდა. ეგებ აქეთობისას  
გამოიაროსო. იმ ბიჭის თითმა გადაწყვიტა ნერსეს ბედი. მღევარი  
ნერსე ერისთავს გამოუდგა. ნერსემ ვერ იგუშმანა, უკან თუ მისდევდ-  
ნენ, კლდეკარამდე შორი-შორს სდია მღევარმა.

ზურგს უკან როცა ლაშქარში ჩოჩქოლი და ყვირილი ატყდა, ნერსე გონს ვერ მოეგო, რა უნდა ყოფილიყო ზურგს უკან? სპა პირ-დაირია და თვალისდახამხამებაში ცოდვა-ბრალი დატრიალდა.

ნერსემ ცხენი მოაბრუნა და თავის შეთხელებულ სპა-მხედრობას გახედა. მტერი ზურგიდან უტევდათ. „მდევარი“ გაუელვა ერისთავს და მხედრონის გასამხნეველად ხმალამოწვდილი იქეთ გაემართა. გვიანდა იყო. მტერს ყველა გზა მოეჭრა. რაკი ნერსემ ცხენი მდევერებისაკენ დაძრა, მეციხოვნეებმა იმ წამს იმძლავრეს და შეუტიეს. ამჯერად მტრის მახვილით გულგანგმირული ქართველები ცვიოდნენ პანტაპუნტად კლდოვან მიწაზე, ნერსე ერისთავის თვალწინ საზარლად ჩეხავდნენ, ცხენებით თქერავდნენ დაჭრილ მეომრებს. ქართველთა სისხლის ნიაღვარი დადგა კლდეკარში.

ნერსე ერისთავს ჭილყვავებივით შემოესიენ სარკინოზნი. ხმალდახმალ ვერას გახდნენ, მაგრამ ცხენმა უმტყუნა. სიმტყუნეც არ ეთქმოდა ნერსეს თეთრონის საქციელს, — გვამების გადათქერვა არ ისურვა ბედაურმა, დაფეთებული აწყდებოდა აქეთ-იქით, თითქოს დაჭრილების კენესა ესმოდა, ფშინავდა და ჭიხვინებდა: ყურებდაცქვეტილი თავის ხმალშემართულ მხედარსაც მარჯვედ დაატარებდა და ძირს დაყრილ ქართველთა გვამებსაც ფეხს არ ადგამდა. ორ მხარეს ომი ცხენსაც გაუჭირდა, ველარ გამოზომა, სწორედ ის მოხდა, რისიც ეშინოდა, უნებლიედ ძირს დევიარდნილ დაჭრილს დაახტა ატოტებული, დაჭრილმა ამოიგვინა, თეთრონმაც თავი ვერ შეიკავა, წაიფორხილა, გვამების გროვას გადააწყდა და მუხლებზე დაეცა.

ნერსე ერისთავი ცხენიდან ჩამოვარდა.

ძირს ჩამოვარდნილ მეთაურთან ყალყზე შემდგარი ცხენი მიაგდო სარკინოზმა, უკნიდან სხვა მიეპარა და ზურგში მახვილი აძგერა. ხმალშემართული სარკინოზები ყოყინით მისცვიოდნენ ბრძოლის ველზე მარტოდმარტო დარჩენილ ერისთავს. მას უკვე ბრძოლა აღარ შეეძლო. ზურგში ჩაცემულმა მახვილმა სასიკვდილოდ წამოაჩოქა ბერიკაცი. ვინ აცალა სიკვდილი! მოლაშქრეებმა ცხენებით გადათქერეს, გადაჯეგეს ერისთავი. შემდეგ ჩამოხტნენ ცხენებიდან, სხვებმა არ მოგვასწრონო, დაპკრეს ხმალი ქედზე: თავი მოაპკრეს, ზურჯინში ჩააგდეს, მოახტნენ ცხენებს და გაქუსლეს. პაჯიჯ იბნ-ალ-ბაბაქისათვის მიჰქონდათ ძვირფასი ძღვენი.

აშოტ ერისთავის სპა-მხედრობამ თითქმის შეაღწია ციხე-ქალაქში, გვირაბის მცველნი მოაშთეს, სათვალთვალო კოშკს დაესხნენ თავს და მაცნეები აკუწეს, შიდა ქალაქში გვირაბის „საიდუმლო კარი“ შეიჭ-

რწენ. გეგმის განხორციელებას არაფერი აკლდა, ციხე-ქალოში უბა-  
რონოდ მიეტოვებინათ. მხოლოდ ბუკისა და დაფდაფთა ცემა მოისმო-  
და შორიდან. მაგრამ სწორედ ამ დროს ჩრდილოეთის მხრიდან დასრულდა  
ლაშქარმა და ნიაღვარივით მოსკდა მხედრობა, წვიმისავეით დასრულდა  
ქართველებს ისრები. აშოტ ერისთავი კლდეკარიდან გამარჯვებულ ნერ-  
სეს სპა-მხედრობას მოელოდა, არაბთა ასეთი მოზღვავება ვერ დაეჭე-  
რებინა, თავი სიზმარში ეგონა. ისიც კი გაივლო გუნებაში, ალბათ  
ნერსე ამათ უკან მოსდევს...

მოულოდნელ თავდასხმას აშოტმა თავგანწირული შეტევით უბა-  
სუხა. მეომრებს მაგალითი უჩვენა, ორსა და სამს კი არა, ხუთ, ათ  
ურჯულოს შეება. სარკინოზთა ლაშქარს ემატებოდა და ემატებოდა.  
ქართველთა რაზმები კი თითქმის განახევრდა. სისხლის ღვარი დადგა  
ქართველთა. აშოტი ახლა უკან დახევასაც არ ითაკილებდა, მაგრამ  
უბრძოლველად და უსისხლოდ უკანაც ვერ დაიხევდა კაცი. ვერ გა-  
ერკვია რა მოხდა, ისეთი უთანასწორო ბრძოლა გაჩაღდა. უკან დახევა  
კი არა, გაქცევაც სანატრელი გაუხდათ, გასაქცევიც აღარსად იყო.  
თითო ქართველს თხუთმეტი, ოცი არაბი მოლაშქრე მისეოდა. იმძლავ-  
რა აშოტმა, იქ შევიარდა, საცა ქართველებს უფრო უჭირდა, ვისაც მისი  
ხმლის წვერი მიწვდა, მანდიკურად გარდაჰკიდა ცხენზე. სისხლის  
ღვრით გაიკაფა გზა მტკვრის პირისაკენ. იქ მათთვის მლოცველი გრი-  
გოლი ელოდებოდათ. არ გაეტრა ახალგაზრდა ხუცესის ლოცვა-ვედ-  
რებას, — ერისთავს თავისი განთქმული მარადი მცველი სპათაგან ათი-  
ოდე ჭაბუკი შერჩენოდა, ელვასავით შეაგდეს ცხენები მტკვრის მო-  
რევეში, ფონიც არ უქებნიათ, უკან ყიყინით მოსდევდნენ სარკინოზები,  
უკვე ჩამობნელებულიყო და წყალსა და სიბნელეს უნდა ეხსნა ისინი.

მართლაც, მტკვარში ვერ გაბედეს შესვლა ურჯულოებმა, ნაპირი-  
დან დაუშინეს ისრები. სიბნელეში ისროდნენ უმიზნოდ, ისართა წუილ-  
შუილი შორი-ახლოს გაისმოდა, ლტოლვილი სხვა მხარეს მიცურავდ-  
ნენ, ისრები სხვა მხარეს მიფრინავდნენ.

მტკვარმა უკუქცეულნი დიდხანს ატარა უგზო-უკვლოდ, ბოლოს,  
სადაც, მინდორში გამოვიდნენ. ბნელი ღამე იყო. სიბნელე ერჩიათ,  
ბნელ ღამეში მტერს უკეთ დაემალებოდნენ, გზას კი როგორმე გაიკ-  
ვლევდნენ.

დასველებულები, დაღლილ-დაქანცულები, შერცხვენილები მილას-  
ლასებდნენ ბნელით მოკულ გორაკებზე, ზედაველასაკენ აიღეს გეზი,  
იქიდან თრიალეთში აპირებდნენ გადასვლას, თრიალეთიდან კი გზას  
კლარჯეთისას დაადგებოდნენ.

მეორე დილით ტფილისელები კვლავ გამორეკეს დასაჩოქებლად. კვლავ შეიკრიბა ზღვა ხალხი მტკვრის ორთავე ნაპირზე, ციციშვილი „დაიჩოქეთ!“ — გაჰკიოდნენ შურტები და ვისაც მტკვრის წაასწრებდნენ, მკაცრად სჯიდნენ — საჯაროდ არგნით სცემდნენ.

ერის მზადყოფნის შესამოწმებლად ამირა, ერისმთავარი და შურტათმთავარი თავიანთი მხლებლებითა და პირადი მცველებით მოსულიყვნენ, ვიდრე თვითონაც დაიჩოქებდნენ, დაჩოქილი ერი უნდა შემოწმებინათ.

ჩამოუარეს კალოუბნელებს, კალაელებს, სოლდებლელებს, ვერისხეველებს, გარეთუბნელებს, ცხენისტერფელებს, ყურყუთელებს, კრწანისელებს, ახალ-სოფლელებს, ხატის თელეთელებს, ელიას უბნელებს, თაბორისა და მახათას მთიდან ჩამოსულთ, ლელვთახევიდან და ვეძათხევიდან ამოსულთ.


ერი მზად იყო ხალიფასთან შესახვედრად. მთელ ტფილისს მუხლი მოეყარა. არა მარტო ტფილისს, სრულიად ქართლი ელოდებოდა დაჩოქილი, მაგრამ ერისმთავარი მაინც ვერ ცხრებოდა. მხოლოდ და მხოლოდ დაჩოქილი ლოდინი საკმაოდ არ ეჩვენებოდა. მისი აზრით, საამიროს წინა მოედანზე ცეკვა-თამაში უნდა გამართულიყო. ხალიფა ქართველებს ცეკვა-თამაშით უნდა დაეტკბოთ. ერისმთავარმა მიქაელი იზმო და გულისნადები გაანდო. არავის, თვით ამირასაც კი არ უნდა ხცოდნოდა ეს ამბავი. როცა ხალიფა ამირას სასახლეს გაუსწორდებოდა, დაჩოქილი ერიდან უნდა წამომდგარიყვნენ გოგონები და ხალიფას ცხენისთვის ცეკვით შემოერტყათ ალყა, ნარნარი ცეკვით უნდა „დაეტყვევებინათ“ ხალიფა. თვალთ უნახავი მზეთუნახავები უნდა ამოერჩიათ. თუ ბედი გაუღიმებდათ და ხალიფას მოეწონებოდა რომელიმე მათგანი, ხაზარეთს თან უნდა გაეტანებინათ, თუ ყველა ერთად მოეწონებოდა, ყველა ერთად უნდა მიეძღვნათ.

ამირა ოქრო-ვერცხლს მიართმევდა ხალიფას, სტეფანოზსაც ხომ უნდა ეზრუნა საჩუქრისათვის. მისი აზრით, ლამაზი ქართველი ქალები ოქრო-ვერცხლზე მეტად ფასობდა ხაზარეთსა და არაბეთში.

საიდუმლო სახსოვარი ჰაჯიჯ იბნ-ალ-ბაბქსაც ეშოვა, ნერსე ერისთავის მოჭრილი თავი! ბაბაქიც გულდაგულ მალავდა ძღვენს. მასაც მარტოკას უნდა მიერთმია, ამირასაც და ჯამათის სხვა წევრებსაც მაშინ უნდა გაეგოთ, როცა ქვეყნის მბრძანებელი ნობათს ხელში აიღებდა.

ბაბაქმა ამირას უფლისციხესთან ქართველთა დამარცხების ამბავი ამცნო, ნერსე ერისთავის თავი ჩამომიტანესო — არ გაუმხელია. შუბი

ხალთაში მაინც არ დაიშალა. მდევრებმა ქართველები უფლისციხესთან დახტეს, ნერსე ერისთავის მოჭრილი თავი ჩამოიტანესო, გრივალევით გადაურბინა დაჩოქილ ერს.



იოანეს დაჩოქილი მეზობლის პუტუნი არ სჯეროდა და დობლად უგდებდა ჭორს. მიქაელი მოიჭრა მამასთან, ახალი დავალება მიეცათ, იმ დავალების შესასრულებლად გარბოდა.

— მართალი ყოფილა, ცოცხალი აღარავინ დარჩენილაო, — უთხრა მამას საქმიანად და წელში მოხრილი გაიქცა. მართალია, მას სცნობდნენ შურტები, მაგრამ სიფრთხილისთვის იხრებოდა წელში.

— ასისთავმა მითხრა, ცოცხალი აღარავინ დარჩენილაო, — უმტკიცებდა იოანეს მეზობელი, — გეცოდინება ეგ ასისთავი, ნინია პაპას არაბს ეძახიან, ჩემთან ცხოვრობს, შავია როგორც შავი თათარი.

გულითადად ესაუბრებოდა ნინია პაპა იოანეს. მოხუცი მესათხველე ნერსე ერისთავის კარზე ენახა. გაეგონა კიდეც მისი ჯადოსნური ბადის ამბავი. იოანეს უყვარდა მდაბიორები და თვალი ყოველთვის მათკენ ეჭირა, მაგრამ ახლა სულ არ ჰქონდა ნინია პაპას ენაწყლიანობის თავი.

— ერისთავები, ნერსე და აშოტი ცოცხლები აღარ არიანო? ასე თქვა? — შეშფოთებული შეაჩერდა ნინია პაპას იოანე.

— თავი ჩამოიტანესო, კაცო! ცოცხლები როგორღა იქნებიან, — გაიოცა ნინია პაპამ.

იოანემ ქუდი მოიხადა და ნელა წამოიმართა ფეხზე. თავი ჩალუნა და გახვეებული დადგა. ახლო მდგომმა შურტამ იმ წამს შეამჩნია და შორიდანვე დაუძახა, დაიჩოქეთ. იოანეს არ გაუგონია შურტას ყვირილი. თავჩაქინდრული დადგა დახოცილთა პატივსაცემად.

შურტა ელვასავით მოიჭრა, ცხენიდან გადმოიხარა და იოანეს მათრაზი გადაუჭირა სახეზე, მოვარდნენ ტაჯგანაგებით\* მცემელნიც.

— მამაო, დაიჩოქეთ! — აყვირდა ნინია პაპა და თვითონ ორივე ხელები დაიფარა თავზე, მეც არ მიმაცოლონო.

იოანე არ შერხეულა, პირჯვარი გადაიწერა მხოლოდ. ქვეითად მობრუნდა, არგნის მცემელი შურტებიც დააცხრნენ თავზე და არგნითაც დაუწყეს ცემა. ხალხში ჩოჩქოლი და მითქმა-მოთქმა ატყდა, ბერკაცი რატომ არ იჩოქებსო. იოანეს უკვე სისხლი ჩამოსდიოდა ცხვირ-პირიდან, საცაა ველარ გაუძლებდა და წაიქცეოდა. სწორედ ამ დროს, თითქოს დათქვესო, ერთად წამოდგნენ შორიანხლოს ჩაჩოქილი ჭაბუკები.

\* მათრაზი საქონლის ძარღვებისაგან.

მათაც მოიშვლიბეს თავსაბურები და თავჩაქინდრულნი დადგნენ. შურ-  
ტები იოანეს გაეცალნენ, იმათ მისცვივდნენ, არგნები და ტაჯგანაგები  
დაუშინეს. იმ ჭაბუკებს ახლა სხვები ამოუდგნენ მხარეში და მათ  
მიიხედა, შურტები ვინ ჩამომაცილაო.

ცხვირპირდასისხლიანებული ვაჟაკები ამაყად იდგნენ და პირჯვარს  
იწერდნენ, შურტები კი არგნით და ტაჯგანაგებით სცემდნენ. უკეთესს  
სახილველს იოანე ვერც ინატრებდა. მართალია, სულ ათიოდე ყმაწვი-  
ლი წამომდგარიყო, მაგრამ ეს ათი ათასს სჯობდა. იმ ვაჟაკებს შო-  
რის, სულ ბოლოს, ერთი უწვერული ჭაბუკიც იდგა. იოანეს სახე ეც-  
ნო, თვალებს არ დაუჭერა. მეორეჯერაც მოხედა, კეწეწა იყო.

შიშის ზარი დაეცა ამირას და მთელ ჯამაათს. ჰაჭიჯ იბნ ალ-ბაბაქი,  
წარამარა ეძახდა შურტებს და ჯორავდა, როგორ თუ ეს ღლაპები ვერ  
დააჩოქეთო. ერისმთავარს ვერ გაეგო, ვერ აეხსნა, თუ რატომ არ იჩო-  
ქებოდნენ ჭაბუკები. მიცვალეზულის პატივისცემა თუ უნდათ, სწო-  
რედ უნდა დაიჩოქონო! ქუდის მოხდა განა დაჩოქილი არ შეიძ-  
ლებოა.

არ გასჭრა ცემა-ტყეპამ, არც მუქარამ, შურტებმა ვერასგზით ვერ  
დააჩოქეს ფეხზე წამომდგარნი.

იოანე უკვე აღარ იდგა ფეხზე. დგომა აღარ შეეძლო. სისხლს იწ-  
მენდდა დაჩოქილი, მაგრამ თვალ-ყური ვაჟაკებისკენ ეჭირა.

„ნერსეს დაუჩოქებელ სულს სცეს პატივი, — ფიქრობდა იოანე და  
გული სიამაყით ეცებოდა. მაშ, სულ მთლად განწირული არ იყო ქართ-  
ველი ერი, აქა-იქ მაინც თრთოდა სული ქართველთა, მაინც სულ  
მთლად ვერ ამოეშანათათ, ვერ ამოეძირკვათ ჯიში. უფლისციხესთან  
დაღვრილი სისხლი ჯერ კიდევ თბილი იყო, მაგრამ შედეგს უკვე იძ-  
ლეოდა. იოანეს ზურგს უკან იდგნენ ნამდვილი გმირები, თვალებს  
ელვასავით აკვესებდნენ და მზად იყვნენ არგნის ქვეშ მომკვდარიყვნენ  
ფეხზე დგომელა.

სტეფანოზი იძულებული გახდა თვითონ აღეკვეთა უგუნური ურ-  
ჩობა, ხომ შეიძლებოდა ხალიფა სწორედ ახლა გამოჩენილიყო და  
საკუთარი თვალით ენახა ურჩი ქართველები. სათითაოდ ჩამოუარა  
ყველას და შეევედრა, დაიჩოქეთო. ცხვირპირდასისხლიანებულები,  
არგნით ნაცემნი და ნაგვემნი, როდის-როდის დაემხნენ დედამიწაზე და  
დაჩოქილი ლოდინი განაგრძეს.

მიქაელი იმ საზარელი ცემა-ტყეპის დროს ხალხში მიიკვლევდა  
გზას და ლამაზ ქალებს ეძებდა, კიდი-კიდე მოიარა და თუ ვინმე  
ლამაზი ეგულებოდა, ერთად მოუყარა თავი. თავისი ანოც აქ მოიყვანა.



ემაყებოდა ერისმთავრის დავალების შესრულება, ესახელბოდა. თა-  
ვისი სატრფო ლამაზ ქალებში რომ გარია.

მიქაელს შიშიც კი იპყრობდა, ვითუ ხალიფას ანო მხოვლიყისდა  
წამართვასო. მაგრამ უკეთესი შემთხვევა, მისი ანო მთელ ქვეყანას  
ენახა, როდისღა მიეცემოდა?!

ერისმთავარს თავისი თვალით უნდა ენახა ლამაზი ქალები. მიქაელი  
ერისმთავრის მოსაყვანად წავიდა. სწორედ ამ დროს მაცნებმა ამბავი  
მოიტანეს, „მოდიანო“.

შურტებმა მრისხანე თვალი უკანასკნელად უჩვენეს ხალხს. უკა-  
ნასკნელი აფუთფუთება, მისვლა-მოსვლა, გადაძახებ-გადმოძახება  
შეწყდა. ერმა დაიჩოქა. გაირინდა, სამარედ იქცა მთელი ტფილისი,  
გაიღო ქალაქის ვალავნის კარი და რამდენიმე მხედარი შემოვიდა. ისი-  
ნი ტფილისელი შურტები იყვნენ, სტუმრებს გზას უჩვენებდნენ.

ფეხოსან მებრმლეთ წითელი ბაფთებით მოკაზმულ შავ ცხენზე  
მჯდარი ჭაბუკი მოჰყვებოდა. ჭაბუკს ერთი ჭარმაგი მხედარი ედგა  
გვერდით. ორივეს ცხენები ნელა მოჰყავდა. წინ ფეხოსან მებრმლეთ  
შიშველი ხმლები მალლა შეემართათ, თავიანთი ბატონი ტფილისში  
შემოჰყავდათ, მშვილდოსნები უკან დაუყენებინათ, ისინიც ქვეითად  
მოაბიჯებდნენ. წითელი ბაფთებით მოკაზმული ცხენი ჭაბუკს მოჰყავდა  
და აქეთ-იქით იყურებოდა.

ამირა, შურტათმთავარი და ერისმთავარი ერთმანეთს გაოცებული  
მიჩერებოდნენ. ხალიფას ველოდით და მის ნაცვლად ეს ვინ ჩამოვი-  
დაო. ხეირიანად აღარც კი ცნობდნენ ამ ჭაბუკს. ხალიფას კარზე არა-  
სოდეს ენახათ. ვეზირი მაინც გამოეგზავნათო,—ფიქრობდა გუნებაში  
ნაწყენი ამირა. მაგრამ ახლა უკვე ფიქრის დროც არ იყო. ვინც არ  
უნდა ყოფილიყო ჭაბუკი, მაინც ხალიფას კაცი ეთქმოდა. ამირა შესა-  
ხვედრად გამართა. დაჩოქილი ერი შუაზე გაიყო და სტუმრებთან შემ-  
ხვედრთ გზა დაუთმეს. ოთხ კაცს მოჰქონდა დიდი ხონი ოქრო-ვერ-  
ცხლით სავსე, ხონს უკან ამირა, ჰაჯიჯ იბნ ალ-ბაბაქი და ჯამაათის სხვა  
წევრები მოჰყვებოდნენ; ქვეშევრდომებმა ბატონებს სათანადო თაყვა-  
ნი სცეს შორიდანვე. ამირამ ხონს მოჰკიდა ხელი, მალლა შემართა და  
პირმცინარი სახით ბაღდადეგებს მიეახლა.

სტუმართა მებრმლეთუფროსმა ჩამოართვა ხონი და უკან ვადაწო-  
და, არც ჭაბუკს და არც მის გვერდით მომავალს ხონისთვის ზედაც  
არ შეუხედავთ. ისინი ერს უყინოდნენ და ხელს უქნევდნენ. ხალხს  
მოსწონდა ბატონების ასეთი თავმდაბლობა, ყოველ მათ ხელის დაქნე-  
ვას ტაშისცემით ხვდებოდნენ. მეტაშე შურტები ჰაჯიჯ იბნ ალ-ბაბაქს



ბლომად შეერია ერში. ტაშისცემას შურტები იწყებდნენ, შემდეგ ხალხიც კვერს უკრავდა. ტაშისცემით, სალამ-ქალამით ამირას სასახლემდე მივიდნენ. სასახლის მოედანზე დაჩოქილებმა დასცხეს ტაშფანდურა და მზეთუნახავები ხელის ცეკვით დასცხეს. დასცხეს საცეკვაოდ. იცეკვეს, მაგრამ რა იცეკვეს, სტუმრები კი არა, მასპინძლებიც კი გადარიეს. გაოცებულმა ამირამ ჰაჯიჯ იბნ-ალ-ბაბაქს გადახედა, ბაბაქმა მხრები აიჩეჩა, ერისმთავარი ილიმებოდა, ცალკე იდგა კმაყოფილი და ამირას თავს უქნევდა — ჩემი ნაღვაწიაო.

მოცეკვავე გოგონებმა ერთმანეთს ხელი ჩაჰკიდეს, ცეკვა-ცეკვით, ტანის ნაზი რხევითა და ყელის მოღერებით გარს შემოუარეს სტუმრებს. სტეფანოზისა და მიქაელის ერთობლივ ნააზრევს ხორცი შეესხა, გოგონებმა სიყვარულის ალყაში მოაქციეს ხალიფას კაცები. ეს იყო ერისმთავრის ჭეშმარიტი გამარჯვება, ხალხსაც ძალიან მოეწონა სანახაობა. მიქაელიც ბედნიერი შესცქეროდა თავის ანოს, ეგონა, რომ ის ყველაზე უკეთ ცეკვავდა. ჰაჯიჯ-იბნ-ალ-ბაბაქის ჯერი დგებოდა, ახლა მას უნდა გამოეჩინა თავი. მსლებლებს თვალით ანიშნა, მოიტანეთო და უმაღ ხელში მიაჩეჩეს სისხლიანი ხურჯინი.

ჰაჯიჯმა მოცეკვავეთა წრე გაარღვია და სტუმრებს ნერსე ერისთავის თავი ხურჯინით მიართვა. ამას კი თვით სტუმრებიც არ მოელოდნენ, შეჩოქოლდნენ მეხრმლენი და მოისარნი, ჩვენს უკითხავად ხალიფას კაცებთან რა საჩუქარი მიიტანეთო. „ნერსე?“ გაკვირვებულები ეკითხებოდნენ შურტათმთავარს სტუმრები. ჰაჯიჯ იბნ ალ ბაბაქი ამაყად უქნევდა თავს. სტუმრები სისხლიან ხურჯინს ზიზლით უყურებდნენ, თან არაბულად ერთმანეთს ელაპარაკებოდნენ. „ნერსე, ნერსეო“ გაიძახოდნენ. სტუმართა მცველთაგან ერთი შუბოსანი წინ წამოდგა, სისხლიან ხურჯინს შუბი აძგერა, თავი შუბზე წამოავა, მალლა შემართა და ხალხს უჩვენა. მოცეკვავე გოგონები შიშისგან წიწილებივით დაიფანტნენ, ხალხმაც თვალზე ხელი აიფარა და ჩოჩა-ჩოჩით უკან დაიხია.

სტუმრები ცხენებიდან ჩამოხტნენ და ამირას სასახლეში შევიდნენ. ამირა და ჯამაათის წევრებიც მათ მიჰყვნენ. სასახლის მოედანზე მართო ის შუბოსანი დარჩა, ნერსე ერისთავის სისხლიანი თავით ხელში.

შურტებმა ხალხს ადგომა და შინისაკენ წასვლა უბრძანეს. ხალხიც ნელა წამოიშალა და მოედანს გაეცალა, უკან-უკან იყურებოდნენ შესინებულნი, ერისთავის სისხლიან თავს ჩუმად ემშვიდობებოდნენ.



— გამოვუშვებ ერთის პირობით, — უთხრა ალი ჰასანმა სტეფანოსს — თუ თქვენ დაუდგებით თავდებად. სტეფანოზე აქცეს ვერ მოელოდა. აბოს ჩემი მტერი დაუდგა თავდებადო, ეს გვეფიქვანებდა, მაგრამ უარის თქმაც ვერ გაბედა, ზერელე. დაუკვირვებელ კაცად ჩამოვლისო.

— თქვენის ნებართვით მე თვითონ გამოვიყვან დილეგიდან, — შეპიბირდა სტეფანოზი და მადლობა გადაუხადა ახალ ბატონს.

ეს უკვე მართლა დიდი წყალობა იყო. არ სჯეროდა კიდევ სტეფანოსს, ალბათ მატყუებდნენ, ფიქრობდა. ბაბაქის უკეთხავად აბოს გამოშვება შეუძლებლად მიაჩნდა. სტეფანოზმა იოანე მოძებნა და პაჩიჯინი ალ-ბაბაქს მიაკითხა, ამირას ბრძანება გადასცა. ბაბაქმა მედილეგეთუხუცესი იხმო და აბოს გამოშვება დაავალა. ცივად, უწადინოდ მოიშორა ქართველები. ეტყობოდა, არ მოსწონდა ახალი ამირას საქმიანობა, მაგრამ თავს იკავებდა, მუნჯად ასრულებდა ბრძანებას.

სტეფანოზი და იოანე ჭურღმულ-ჭურღმულ ატარა მედილეგემ და ბოლოს ურდულებით ჩარახულ ერთ კარს მიადგა. თორმეტი ურდული გამოაძრო, აანთო სანთელი და უკუნეთში შეანათა. შიგ შევიდა და სტუმრებიც შეიყვანა. ცივ მიწაზე თავდაღმა დამხობილი იწვა მოწამე. იოანემ ჭაბუკს ხელი დაადო ზურგზე და დაუძახა. „მომკვდარა“, — თითქოს ერთად აღმოხდათ სტეფანოსს და იოანეს, გადმოაბრუნეს შეშფოთებულებმა, ჭაბუკს სული ედგა, მაგრამ გონს ვერასგზით მოეგო. აბოს აქვე უნდა დაედო პირობა, რომ თავის სჯულზე მიიქცეოდა. ცოცხალ-მკვდარს რას მოჰკითხავდნენ, რა პირობას დაადებინებდნენ. სტეფანოზმა ურემი მოაყვანიდა, ზედ ფრთხილად დააწვინეს და იოანეს ჩააბარეს. იოანემ ავადმყოფი მონასტერში წაიყვანა.

მონაზონს ახალი საზრუნავი გაუჩნდა, — აბოს პატრონობა. ერთხელაც გადადო თავის წმიდა საქმე და არანაკლები წმიდა მოვალეობა იტვირთა. სულიერი მოწაფე საიქიოდან დააბრუნა. აქიმი მოუყვანა, უწამლა, საზრდოც მოუტანა და ილოცა კიდევ მისთვის.

ყმაწვილიც გამოიხედა, მოძღვარს მადლობის თვალები მიაპყრო და გაკვირვებულმა ჰკითხა, სად ვარო. იოანემ უამბო რაც მოხდა, თან ისიც აუხსნა, რომ უნდა მოქცეულიყო თავის სჯულზე — ერისმთავარს სასახლეში ფიცი დაადებინესო.

მოწაფემ მოძღვარს გაუღიმა, გაჰკვირდა ფრიალად:

— ვისაც ერთხელ უწამებია, ვერ დაუტყვევდნენო. — სუსტი ხმით უთხრა. იოანე საგონებელში ჩავარდა. განა აბოს გამოხსნა იმისთვის უნდოდა, რომ თავის სჯულზე მიექცია? რა ცეცხლიც დააგზნო, თვი-

თონვე უნდა დაეშრიტა: თან სტეფანოზის ერიდებოდა, აბო მისი თავე-  
დებით იყო გამოშვებული. რომ არ გამოეშვათ, დილეგში მოკვდიოდნო,  
ვერაინ გაიგებდა მის სიკვდილს. აბო იყო უკანასკნელი მკვლელები  
ქი, ამ შუქის ჩაქრობა არ უნდოდა, ამიტომ წვალობდა, ამიტომ წვალობდა  
ბოდა აქეთ-იქით.

აბო საწოლში იწვა ფერგამქრალი, მონასტრის ჭერს შესცქეროდა  
შთავონებული. ხანდახან დაუბრუნდებოდა მიწიერ საქმეთ და მოძღვარს  
ჰკითხავდა:

— გრიგოლიც არ დაბრუნდა?...  
— გრიგოლიც, — მიუგო იოანემ, — მკვდრებში ვერ ვიპოვეთ, არც  
ცოცხალი ჩანს...

იოანეს სტეფანოზის თავდებობა მოსვენებას უკარგავდა. აბო არ  
აპირებდა უკან მიბრუნებას. იოანეც ვერ მოსთხოვდა სჯულის შეც-  
ვლას. პირიქით, ქრისტიანი, ცოცხალი აბო სპირდებოდა ერისათვის,  
მაშ, სტეფანოზს რა ეშველებოდა?... სტეფანოზს დასჯიდნენ.

— მაშინ ჩემად იწამე, ჩვენს საყდრებში განცხადებულად ნულარ  
შეხვალ, ეს ჩემი თხოვნაა... — თითქმის ჩურჩულით და ვედრების კი-  
ლოთი უთხრა იოანემ.

— მე უფალსა ჩემსას ვესაგ, მამაო, ქრისტიანობა ჩემი ქრისტეს  
მოძულეთ უნდა ეუწყოს. შენ მასწავლიდი წერილის სიტყვებს: „არა-  
ვინ აღანთის სანთელი და შედგის იგი ქუეშე ხვიმირსა, არამედ ზედა  
სასანთლესა დადგინ, რათა ენთებოდის ყოველთა“. — მე რისთვის  
დავფარო ჭეშმარიტი ნათელი, რომლითაც განმანათლა ქრისტემ, მაც-  
ხოვარმა ჩვენმა.

იოანეს გული სიამაყით აევსო. მის წინ იწვა ჭეშმარიტი მორწმუნე.  
ვერს კაცი, ვერც ერისმთავარი და ვერც ერისთავანი მას გზიდან ვერ  
გადააცდენდა. სულიერი ცხოვრებისთვის გაეჩინა ღმერთს, სხვა ცხო-  
ვრება არ შეეძლო.

იოანე მოწაფის თავსასთუმალთან იჯდა დასჯილივით გაჩუმებული,  
რაც არ უნდა დამართოდა ერისმთავარს, აბოს სხვა რჩევას ვერ მის-  
ცემდა. რაც უთხრა, ისიც თავის სისუსტედ მიიჩნია და ღმერთს პატი-  
ება სთხოვა.

### უფალსა ვისაგ...

ნერსე ერისთავის დაღუპვამ ქართულ სამთავროებს შორის საღვთო  
კავშირი საბოლოოდ ჩაფუშა. სამოელ კათალიკოსმა და იოანე ბერმა

კვლავ გააგზავნეს აღმოსვლეთსა და დასავლეთში მაცნენი და სერსე  
ერისთავის დაღუპვა და აშოტის ტაო-კლარჯეთისაკენ უკუქცევას  
მესვეურთ აუწყეს. შობისთვის მცხეთაში დანიშნული თაგა-  
დაიდო.

ქართლი მარტოკა შეეგება საუფლო დღესასწაულს. ბეთლემში ქვეყ-  
ნიერების მხსნელის ხორციელად შობა შეალილოებმა ამცნეს სოფელ-  
ქვეყანას.

საყდრებში ძელებსა სცეს, კერეონები აანთეს, მწუხრისა და შუა-  
ღამისანი იგალობეს და შობა დილაც გათენდა.

ქართველთა მთავარი სალოცავისკენ წინა დღითვე ზღვა ხალხი და-  
იძრა.

მცხეთა მლოცველებით აივსო.

სვეტიცხოვლის ტაძარში თვითონ მამა-უფალი სამოელი სწირავდა.  
შობის დღეებს ქართლში თოვლი და ყინვა მოჰყვა. სპეტაკი თოვლი  
იღო და ციოდა. მზეც დილიდანვე გამოჩნდა ზეცაში მბჟუტავი.

აბო და იოანე ერთად მოვიდნენ საყდარში. იოანემ შეამჩნია, რომ  
მათ უთვალთვალებდნენ, მაგრამ აბოსთვის არ უთქვამს. აბო შთაგონე-  
ბული იდგა მლოცველთა შორის და გალობას უგდებდა ყურს. „რომელი  
ქერუბინთა“... სმენასა და გრძნობას ატკობდა.

სამოელი იყო ჭეშმარიტი მწყემსი თავისი მრევლისა, მისი ყოველი  
გამოჩენა ერს იმედითა და სასოებით ავსებდა „მშვიდობა თქვენდა“...  
ხშირ-ხშირად მიმართავდა თავის სამწყსოს მღვდელთმთავარი, მაგრამ  
ვერ იქნა და ვერ დამყარდა მშვიდობა ქართლსა შინა. შობის ამ სასიხა-  
რულო დღესაც სამოელ ქართლის კათალიკოსისაგან მისი მრევლი სწო-  
რედ მშვიდობას, იმედსა და ნუგეშს მოელოდა.

შემოსვის შემდეგ კათალიკოსს ჯვარი მიართვეს. სამოელმა ჯვარი  
მარჯვენა ხელით, სანთელი მარცხენათი აღაპყრო და ჯვარი გადასახა  
ჯერ სამეუფეო კარებს, ხალხს და შემდეგ სვეტს — სამეფო ადგილს.  
აქ დღეს ერისმთავარი უნდა მდგარიყო, მაგრამ აღარ იდგა — ქართველ  
მეფეთა ნაცვლად ერისმთავარი მოდიოდა წირვაზედ, დღეს ისიც არ  
ჩანდა. იოანეს არ ეამა ეს ამბავი. ალბათ სიონში ლოცულობსო, დაიმ-  
შვიდა თავი. მეფეთა ადგილისაკენ თვალი მაინც გაურბოდა, გული  
წყდებოდა, ცარიელი რომ იყო. ნუთუ სვეტიცხოველი ქართველი მე-  
ფის შემობრძანებას ამიერიდან აღარ იხილავდა?

ამიერიდან კირთებაში უნდა დაეღლიათ დღე და წუთისოფელი?..

კათალიკოსმა ხელები მაღლა აღმართა და დიაკონმა წამოიწყო დი-  
დი, მშვიდობიანი „შეგვიწყალები“...


ესლა დარჩენოდა ქართველ ერს — უფლისა მიმართ უნდა ვლოცო და წყალობას უნდა დალოდებოდა. იოანეს თვალები ცრემლით ავსებოდა და წყნარად გალობდა.

ჩრდილოეთის კარებიდან სახარება შემოიტანეს და მიართვეს. სამოელი სახარებას ემთხვია, შემდეგ მსახურებმა მოჰკიდეს ხელი და წაიყვანეს საკურთხეველში. მთავარ ეპისკოპოსებმა, არქიმანდრიტებმა და წინამძღვრებმა ივალობეს ტროპარი, კონდაკი და „წმიდაო ღმერთო“.

„ლოცვასაც აღარ გვაცლიან — გაიფიქრა იოანემ, როცა შურტებს ერთხელაც მოკრა თვალი, — საყდარი ურწმუნოებით არის სავსე, დადიან, ჩურჩულებენ, ამტყნარებენ. — დაქინებით ფიქრობდა მონაზონი, — დაილოცოს ღმერთო შენი სახელი... რა უნდათ, რისთვის მოსულან ჩვენს სალოცავში“... შურტებისა და სარკინიზოთა გარდა ათასი ჯურის არტომანი უამრავი ქართველი ურწმუნოც დაბოდილობდა წინ და უკან, ისინი საკათაკმეველოში უნდა მდგარიყვნენ, მაგრამ არ დავიდევდნენ წესსა და რიგს. ჭეშმარიტ მორწმუნეთ ხელს უშლიდნენ, ფეხებში ებლანდებოდნენ. იოანეს ქართული წირვა-ლოცვისა და გალობის გაგონება ნეტარებას ჰგვრიდა. „უფლისა მიმართ ვილოცოთ“ მისი საყვარელი ლოცვა იყო. სვეტიცხოვლის დიაკვანს საამო, ტკბილი ხმა ამოსდიოდა ბაგეთავან, „უფალო შეგვიწყალებს“ — წკრიალა ხმები გალობდნენ, ერთმანეთს ერწყმოდა, ეხამებოდა ეს ხმები და მსმენელს ჟრჟოლას ჰგვრიდა. პირჯვარის გადასახვა რომც არ გნდომებოდა, უნდა გადაგესახა, მიწიერთან წყვეტილი კავშირს და ზეშთას მიელტვოდი სულით და ხორციით.

მაგრამ ურწმუნონი ასე როდი ფიქრობდნენ; სმენადახშულნი, გულგაქვავებულნი დაძრწოდნენ წინ და უკან. შურტი იყო და ევალებოდა წირვა-ლოცვისთვის თვალყური ედევნებინა. ზოგი იმიტომაც შემოეგზნებნათ, ურწმუნონი ბლომად ყოფილიყვნენ. ზოგს დავალებული ჰქონდა როგორმე, რითიმე ხელი შეეშალათ მორწმუნეთათვის, ზოგს ჭორი უნდა გაევრცელებინა, ზოგი ქართველი იყო, მაგრამ მაჰმადს შედგომოდა და ახლა ქრისტიანეთა გადაბირება ეწადა, ზოგი ფარისეველი იყო, სხვის დასანახავად ლოცულობდა, ზოგიც ჭერაც ძველისძველ ღვთაებებს გაცსა და გაიმს ეთაყვანებოდა, ზოგი ისე შემოხეტებულყო, დროის მოსაკლავად, გარეთ თოვლი იდო და ყინავდა, საყდარში თბილოდა, თბილი ადგილი მოძებნა და ერთობოდა.

იოანე ყველაფერს ამას ხედავდა, როცა საყდარში ამდენი სხვა რამ ხდებოდა, მლოცველს უნებლიეთ თავისი ღმერთიც ეკარგებოდა და



თავის თავიც. სხვა ფიქრი და გრძნობა იჭრებოდა სულში, სხვა ფიქრი იპყრობდა მის გონებას. იოანე წუხდა, დარდობდა, რომ ვერცხვად იქნა. „ჩვენს საყდრებს ბელიარი დაეპატრონა“ — ეძინებოდა მონაზონი, ერეკებოდა ბელიარს და თავის ღმერთს შეერთვოდა.

წირვის დამთავრების შემდეგ სამოელმა წარმოთქვა ქადაგება. ქართველ მორწმუნეთა ერთადერთი იმედი ისევ სამოელი იყო. მისი ღვთაებრივი ნიჭი და შინაგანი ძალა თუ იხსნიდა აღმასრულებელთ. ქადაგების დროს მშვიდი, დამარწმუნებელი კილო ჰქონდა, თვალეები სიყვარულით ევსებოდა. ამბიონზე კი არ ღვებოდა, ერში შეერეოდა, გაუხსნიდა გულს მორწმუნეთ და ოქროპირობით ატყვევებდა. მის მოსამენად ქართლის ყოველი კუთხიდან, შორეული სოფლებიდანაც კი მოდიოდნენ, თოვასა და ყინვას, ქარსა და წვიმას არ უშინდებოდნენ, მწყემსმთავრის სიტყვა გაათბობდათ, დაიფარავდათ, ფრთას შეასხამდათ...

საშობაო ქადაგება სამოელმა იმგვარად აავო, უფლისციხესთან გაქლეტილი ქართველები მოიხსენია. აბოც კი შეამკო მორწმუნეთა წინაშე, როგორც ქრისტესთვის თავდადებული. ჩამომხმარი, გაყვითლებული აბო ხალხს აჩვენა და საჯაროდ დალოცა იმედი და სასოება ქართველ ქრისტიანეთა.

იოანეს სიხარულისაგან სახე განათებოდა, ემაყებოდა მის მოწაფეს რომ აქებდნენ. შურტებს უკვე არაფრად ავლებდა, მობეზრებოდა, შეჩვეოდა ზურგს უკან მათ ფუსფუსს.

თანდათან შურტებით და მოლაშქრეებით გაივსო საყდარი, სამოელის შესაშინებლად შუბოსნებიც კი შემოილანდნენ საყდარში.

აბომ მათ დასანახად პირველი გადაიწერა.

სამოელსაც არ შეუწყვეტია ქადაგება. მორწმუნენი თითქოს ვერ ამჩნევდნენ სარკინოზებს, ლოცვასა და გალობას განაგრძობდნენ.

აბოს ამბავი ტფილისელმა მორწმუნეებმაც იცოდნენ და მცხეთელებმაც, მაგრამ რაკი კათალიკოსმა საჯაროდ, საშობაო ქადაგებაში ახსენა და დალოცა კიდევ, როგორც ქართველ ქრისტიანთა იმედი და სასოება, ჭაბუკი აბო მორწმუნეთა თვალში ერთიორად ამაღლდა.

წირვა-ლოცვის დამთავრების შემდეგ, როცა მოძღვარი და მოწაფე ჯვრის მონასტრის გზას დაადგნენ, ერი მათ ზურგს უკან ჩურჩულებდა, თითოთ უჩვენებდნენ ერთმანეთს არაბ ყმაწვილს, ვინც მპყრობელნი ამა სოფლისანი უარყო და ჩავრულთ მიუდგა.



როცა აბო გამომჟობინდა და საბოლოოდ დასივრად დადგა, მდევრებსა და შემასმენლებს მიაფურთხა და ტფილისში რონის სასახლეს, მიაკითხა.

ნერსე ერისთავის ციხე-კოშკსა და სასახლეს სარკინოზები დაპატრონებოდნენ. დარბაზი აეკლოთ, პალატთა კარები გაეგლიჯათ და მოლაშქრენი შიგ დათარეშობდნენ. შურტები ურმებიტა და ჯორებით ეზიდებოდნენ ნაძარცვს.

კოშკის ქონგურებზე, სასახლის სახურავზეც კი აგარიანები დალანდა, ნეტა იქ რაღა ესაქმებოდათ? ან ალუბლის ბაღს რად ჩეხავდნენ? — შორიდან გასცქეროდა აბო ერისთავისეულ სასახლეს და იცრემლებოდა. აქ, ამ ალუბლების ძირას, აეხილა თვალები, აქ გაეცნო გრიგოლს, იოანეს... ერისთავებს... აქ შვილივით შეიყვარეს, უპატრონეს, ქართული წიგნი ასწავლეს... ავერ მონათა სადგომიც, მისი კუთხეც, — იქაც შურტები იბურჯგნებოდნენ.

ქრისტიანთაგანი არავინ ჭაჭანებდა ახლო-მიდამოში.

— აქ დგომა არ შეიძლება! — მოულოდნელად მიიჭრა შუბოსანი შურტა და ყმაწვილს მკერდში ხელი ჰკრა. აბო დაბარბაცდა და დაეცა. არ მოელოდა, არ ეგონა თუ უმიზეზოდ ლომივით კაცი დაეძგერებოდა. აბო ზღაზვნით წამოიმართა. შურტამ დაუყვირა და თვალები დაუბრიალა.


— არ შეიძლება-მეთქი!

აბომ ერთხელაც მოავლო საწყალობელი თვალები თავისი პატრონის გავერანებულ საყოფელს, ჯვარი გადაწერა ადგილ-მამულს და თვალბგადმოკარკლულ შურტას ფეხათრეული გაეცალა.

ადრე აბოს გამოჩენა საყდარში მორწმუნეთა მითქმა-მოთქმას იწვევდა, ზოგს არ მოსწონდა ეს ამბავი: სად გაგონილა ურჯულოთა გაქრისტიანებაო, ურწმუნოდ შესქცეროდა ჭეშმარიტ მორწმუნეს, ზოგი აბოს თავისი სჯულისა და ქვეყნის მოლაღატედაც კი რაცხდა. ჩუმ-ჩუმად ქირდავდა, თავისი სჯულის გამცემი არც სხვას დაინდობსო. ზოგი ამბობდა, ყმაწვილი ქართველებმა შეაცდინეს, სარკინოზები მალე მოარჯულებნო.

მას შემდეგ, რაც საპყრობილიდან გამოვიდა და თვითონ კათალიკოსმა ახსენა, აბოს მეტი რწმენითა და ნდობით შეხედეს. რაკი ის კვლავ დადიოდა ქართველთა სალოცავში, იცოდა, რომ ამისთვის საზარელი სასჯელი ელოდა და წირვა-ლოცვას მაინც არ აკლდებოდა, მორწმუნეთა თვალში თანდათან მაღლდებოდა და თანაგრძნობას იწვევდა.





როცა აბო ლოცულობდა, საყდრის კარს კათაკმეველი მოეკარე-  
ბოდნენ. მათ შორის ისინიც ერივნენ, ვისაც გულში ჩაეჭყინებოდა ქრის-  
ტეს სიყვარული, თავისი ღმერთისთვის ჯერ ვერ ეთქვათ უფროსი  
ბედა, აბოს კი ჩუმად შეჰნატროდა.

მოლაშქრე სარკინოზნი შურტებს ახელბდნენ, რა პირი დაგილიათ,  
ცხვირმოუხოცავმა ღლაპმა ღამის მთელი ხალიფატი მოაქრისტიანოს,  
თქვენ კი შორიდან უყურებთო.

ჰაჯიჯ იბნ-ალ ბაბაქის ნებართვის გარეშე აბოს ხელს ვერავინ ახ-  
ლებდა. ბაბაქი კი ამირასა და ერისმთავარს ელოდებოდა, ბაბაქი ვითომ  
მათი ბრძანების აღმსრულებელი იყო. დინჯად ადევნებდა თვალს აბოს  
საქციელს. სინამდვილეში შორს ჰვრეტდა შურტათმთავარი — ერისმთა-  
ვრის შეპყრობა ჰქონდა გუნებაში.

სტეფანოზი ხომ ყოფილი ხალიფას გამოგზავნილი იყო ქართლში.  
თუ ბაბაქი სტეფანოზს ორგულობას დასწამებდა და შეიპყრობდა, ახა-  
ლი ხალიფა ამას ირწმუნებდა, ბაბაქის სახელი კი განუზომლად გაიზ-  
რდებოდა ხალიფას კარზე.

მართალია, აშოტ და ნერსე ერისთავების სასტიკი დამარცხებისთვის  
ბაბაქმა ხალიფას მადლობა დაიმსახურა, მაგრამ ეს ხომ არ იყო ზღვა-  
რი? ახლა სტეფანოზი და იოანე ამოეღო მიზანში, ამიტომ აღარ აღ-  
უდგა წინ ახალ ამირას, ალი ჰასანს, ნებაზე მიუშვა, თან მისი გული  
მოიგო, რა თვინიერი შურტათმთავარი მყავსო, აფიქრებინა. ერისმთა-  
ვარი ფარვანასებრ თვითონ მიისწრაფოდა ცეცხლისაკენ, ბაბაქს  
ხელი რატომ შეეშალა? ხომ გამოაშვებინა აბო, თვითონ დაუდგა  
თავდებად, აბო კი მაჰმადს აღარ დაუბრუნდებოდა. ბაბაქიც ხელახლა  
შეიპყრობდა და ერისმთავარს დააბრალებდა მის გაქრისტიანებას. თუ  
ვერ დაუმტკიცებდა, ექვს მაინც აღუძრავდა ახალ ხალიფასა და ამირას,  
ექვი კი ხმალზე უფრო სჭრიდა.

გულდაგულ მოამზადა აბოს შემასმენელნი, ათასი დავალება მისცა  
თითოეულ მათგანს და ამირასთან შევიდა მოთხოვნით, ერისმთავრის  
თანდასწრებით განესაჯა აბო. როცა ამირამ გაიკვირვა ერისმთავარს  
ნებართვას რატომ ვთხოვთ, აბო ხომ ქართველი არ არისო, ბაბაქმა მი-  
უგო:

— ხელშემწყობი ის არის, დიდო მსაჯულო, კვალს მისკენ მივყა-  
ვართ.

ამირა შეაკრთო ამ ამბავმა და საგონებელში ჩააგდო. ერისმთავარი  
იხმო და აბოს ამბავი ჰკითხა. ერისმთავარი ამირასთან თავისმართლებას  
მოჰყვა:

— აბო მონასტერშია, ქართლისა მბრძანებელი, ერთი ავადმყოფი  
ყმაწვილია, შიში ნუ გაქვთ, გარეთ არ გამოდის... ვინ რა იცის, ვიღაც  
აბოს გულში რა უღევს, ნულარ გავჩხრეკავთ მიმქრალ დასასრულს...  
ჯულო ჩვენო... ძლივს ხანძარი ჩავაქრეთ. ვაითუ კვლავ დასასრულს...  
ჩვენისა უმეტრების გამო... ერისმთავარმა ბაბაქს შეხედა, ბოლო სიტყ-  
ვები მას ეკუთვნოდა. ბაბაქს ვითომ არ გაუგონია. შორს იყურებოდა.  
შემასმენელი შურტები კარს უკან ჰყავდა დამალული, ამირას ნი-  
შანს ელოდებოდა. შურტები ერისმთავარს ხმას გააკმენდინებდნენ. ამი-  
რასაც და ბაბაქსაც სახე გაქვავებოდათ, ნელ-ნელა იპყრობდათ მრისხა-  
ნება, მაგრამ არ იმჩნევდნენ.

— არ შეგონა, თუ ის თქვენი აბო კიდევ გაბედავდა საყდარში შეს-  
ვლას! — უთხრა დინჯად ამირამ ერისმთავარს და მსახურთ გასძახა:—  
შემოიყვანეთ!..

პირველი შემასმენელი რიხიანად შემოვიდა, ერისმთავარს წინ და-  
უდგა, თვალი თვალში გაუყარა და თითქოს და ბრალს სდებო, უთხრა:

— თქვენი აბო საპყრობილედან გამოშვების პირველსავე დღეს, რო-  
გორც კი გონს მოეგო, იოანესთან ერთად შევიდა ჯაჭვის საყდარში და  
ჩემი თვლით ვნახე, როგორ ლოცულობდა, როგორ იწერდა პირჯვარს!

შემასმენელს მეტი არაფერი ჰქონდა სათქმელი, ბაბაქს შეხედა, რა  
ეჭნაო. ბაბაქმა თვლით კარისაკენ ანიშნა. პირველი შემასმენელი გავი-  
და, მეორე შემოვიდა. მეორემაც ერისმთავარი ამოიღო ნიშანში. ბრმაც  
კი მიხვდებოდა, შემასმენელთ ბაბაქი რომ აგულიანებდა, ერისმთავარ-  
თან ასეთ თავხედურ საუბარს ისინი ვერ გაბედავდნენ, უფროსების ნე-  
ბართვა რომ არ ჰქონოდათ.

— თქვენი აბო... — დაიწყო მეორემაც. ერისმთავარს ჩაეცინა, აბო  
ჩემი კი არა, თქვენი. გაიფიქრა გუნებაში, მაგრამ არაფერი უთქვამს,  
გაფაციცებული უგდებდა ყურს შემასმენელს. — მე ვნახე სვეტიცხო-  
ვლის თორმეტთა მოციქულთა საყდარში. იქ ნერსეს სულისტვის ლო-  
ცულობდა, ხსართან ხუცესის მეშვეობით აწირვინა ნერსე ერისთავის  
სულისტვის კათალიკოსს.

მეორე შემასმენელიც გავიდა. მესამე შემოვიდა.

— თქვენი მენელსაცხებლე, — უთხრა ერისმთავარს მესამე შემას-  
მენელმა — გუშინ, შუადღისას, თავს დაესხა ნერსე ერისთავის სასახ-  
ლის მცველთ. ერთ მათგანს მკერდზე ხელი ჰკრა და წააქცია, დანარ-  
ჩენებს მახვილი მოუღერა, მოკვლით ემუქრებოდა.

— რაო? — ველარ მოითმინა ერისმთავარმა, — თქვენ ამბობთ, რომ  
აბო ვილაცას თავს დაესხა? დაუჯერებელია!

— ყველაფერი ჩემი თვალით ვნახე! — მიუგო შემასმენელმა, — მოწმეებიც მყავს... — შემასმენელმა მოწმეები მოიხმო. ორი მოლაშქრე შემოვიდა და შორიახლოს დადგა.

— მოლაშქრენო, — ჰკითხა შემასმენელმა მათ, — ხომ მოწმეებიც მყავს თქვენს მხარეში? — ზამბრუნებულნი მათი ნახეთ, თუ როგორ დაესხა მენელსაცხებლე აბო ნერსე ერისთავის სასახლის მცველთ.

— დიახ, ჩვენი ორივე თვალით ვნახეთ! — მიუგეს მოწმეებმა.

— ხომ გესმით? — ჰკითხა ამირამ ერისმთავარს, — თქვენ კი მიმტკიცებდით, მონასტერშია შემწყვდეული და გარეთ აღარ გამოდისო.

— ბატონო ამირა, — სიტყვა ჩამოართვა ბაბაქმა, — ჰკითხეთ ერთი ერისმთავარს ამ რამდენიმე ხნის წინათ იყო თუ არა ნერსე ერისთავთან და ჰქონდა თუ არა საუბარი სწორედ ამ აბოსთან.

— მერე? — გაოცდა ერისმთავარი, — მე როდის ვმალავ ამას.

— რაზე გქონდათ საუბარი?

— აბო უნდა მიქცეულიყო თავის სჯულზე, — უთხრა ერისმთავარმა.

— თუ პირიქით? ჩვენ მოწმეები გვყავს... — ბაბაქმა ნიშანი მისცა, ორი მოწმე შემოვიდა, ერისმთავარს პირზე დაადგნენ.

— თქვენ და ნერსე ერისთავი შთააგონებდით მენელსაცხებლე აბოს, რომ თავის სჯულზე არ მიქცეულიყო... — უთხრა ერთმა.

— თქვენ თათბირობდით ნერსე ერისთავის აივანზე, — უთხრა მეორემ, — ჩვენ ყველაფერი გვესმოდა.

— ეს ცილისწამებაა! — შესძახა სტეფანოზმა.

ბაბაქმა გაიცინა.

— ცილისწამებაა! თმჰუ... თმჰუ... — გაურკვეველი ბგერები ამოუშვა და გამომცდელად მიაჩერდა სტეფანოზს, — მაჰმადიანი აბო რომ ქრისტიანულ სალოცავებში დადის და ლოცულობს თქვენ ამას უარყოფთ?..

— არა, ამას არა.

— კეთილი, აბომ რომ ხალიფატის დაუძინებელი მტრის ნერსე ერისთავის სულისთვის აწირვინა კათალიკოსს, ეს მიგაჩნიათ ცილისწამებად?..

სტეფანოზმა იფიქრა, ალბათ ხსართან ხუცესიც აქ ჰყავთო და გაჩუმება არჩია. ბაბაქმა არ დააყოვნა და ბრძანა:

— შემოიყვანეთ ხუცესიც!..

აკანკალებული ხსართან ხუცესიც შემოვიდა.

— ხუცესო! — დაუძახა ბაბაქმა, — მოიტანა თუ არა აბო საყდარში  
ნერსე ერისთავის სულის მოსახსენებლად წანდილი?

ხსართან ხუცესმა ერისმთავარს შეხედა და დამნაშავესა მძიმად მხედრობა  
ლულდა.

— სიტრუეს ჩვენი უფალი გვიკრძალავს, ერისმთავარო!.. დიახ, მო-  
იტანა.

ხსართან ხუცესს კიდევ რალაცის თქმა უნდოდა, მაგრამ ბაბაქმა ხე-  
ლით ანიშნა მსახურთ, გაიყვანეთო.

— თქვენი ხუცესისაც არ გჯერათ? — ჰკითხა ბაბაქმა ერისმთავარს.  
სტეფანოზს ხმა გაეკმინდა და კარისკენ იყურებოდა, კიდევ ვის შემო-  
იყვანნო.

— შემოიყვანეთ იოანე! — ბრძანა ბაბაქმა. ერისმთავარი შეკრთა.

იოანეს არ ეტყობოდა შეკრთომა, თავი ღირსეულად ეჭირა, თითქოს  
დარბაზობაზე მიიწვიესო, ზედამდგომელთ თავმდაბლად მიესალმა და  
შორიახლოს დადგა თავმოდრეკილი.

— საპყრობილიდან გამოშვებული აბო, — უთხრა ბაბაქმა იოანეს, —  
თქვენ წაიყვანეთ მონასტერში. იმავ დღეს მან მოითხოვა საყდარში წას-  
ვლა. თქვენ ერთად ილოცეთ ჭაჭვის საყდარში... მართალია ეს?

— დიახ, — მიუგო იოანემ უყოყმანოდ. ერისმთავარი ყურს არ  
უჯერებდა. გაკვირვებულმა შეხედა მოძღვარს. აბო ხომ მისი თავდებით  
იყო გამოშვებული, თუნდაც ელოცათ ერთად, სტეფანოზის აზრით,  
იოანეს ეს არ უნდა გაემხილა, ბერმა უფრო შორსაც შესტოპა.

— მეუფენო ქართლისანო, — დაიწყო მან დინჯად, — სახელისა მი-  
მართ მისისა ყოველი მუხლი მოდრკეს, ზეცისათანი, ქვეყნისათანი, ქვეს-  
კნელთანი და „ყოველმან ენამან აღუაროს“ სახელსა მისსა.

კარ ეწოდა, რამეთუ თქვა: „მე ვარ კარი ცხოვართა“. ჰეშმარიტად  
მორწმუნენი მისნი მის გამო, ვითარცა კარსა მას სასუფევლისასა შე-  
ვალთ. ცხოვარი აბო, კარსა მას უფლისავე ნებით მიელტვის. ჩვენ,  
კაცთ, ძალა არ შეგვწევს ღვთის ნების შეცვლის.

— ჩვენ შეგვწევს! — შეაწყვეტინა ბაბაქმა, ისედაც წითური სულ  
მთლად წამოჭებდა, მღელვარებისაგან ენა დაება. — მაშ „კარ“ ეწო-  
და!.. — შესძახა უაზროდ, — ერისმთავარო! — სტეფანოზს მიუბრუნდა  
აღელვებულნი. ჩანდა, რომ იოანეს არაკმა გააცეცხლა, — თქვენ, ხალი-  
ფას ერთგული მსახური, თავდებად დაუდევით მაწანწალა მენელსაცხე-  
ბლეს, რატომ? ვინ გაიძულათ?.. „კარ“ ეწოდა! — დაიღრინა ერთხე-  
ლაც თავისთვის.

— არ მსურს თქვენთან საუბარი, მოწყალეო ხელმწიფე! — ცივად

მოჭრა ერისმთავარმა, — ხალიფას თვითონ ვეახლები და მოვინებ, ვინც მაიძულა.

— ვიცით, უთქვენოდაც ვიცით, ვინც გაიძულათ! ამირამ, დავაში ჩარევას თავი აარიდა.

— მონაზონო! — იოანეს მისო გაავებული თვალები, — თქვენს შეპყრობას დაეინებით მთხოვდნენ და დღესაც მთხოვენ. მე და ერისმთავარმა დავიფარეთ, როგორც ჩანს, შევცდით.

— არა, უფალო, არ შემცდარხართ, არ გქონდათ მიზეზი ჩემი შეპყრობისა! — არც აცივა, არც აცხელა, პირში მიახალა იოანემ ამირას.

— ჩვენ გვაქვს ცნობები, რომ თქვენ აფხაზეთში ბრძანდებოდით, — მიეშველა ამირას ბაბაქი, — ისიც ვიცით, რისთვის!..

ერისმთავარმა იოანეს თვალით ანიშნა გაჩუმდით, არაფერი თქვაო. ზედამდგომელთ მისი ყოველი სიტყვა ლახვარივით ესობოდა გულზე. იოანემ ერისმთავარს არ დაუჭერა, ამოიღო დამამშვიდებელი ეპისტოლე და ამირა ალი ჰასანს წინ დაუდო, თან არაბულად აუხსნა, რა ეწერა შიგ. ეპისტოლე უფლებას აძლევდა ჯვრის მონასტრის მონაზონს, მცხეთას ნაკურთხი მირონი ბიჭვინთას ჩაეტანა.

— ამ მიზნით გახლდით ტაო-კლარჯეთშიც, შავშეთ-ერუშეთშიც, წანარეთსა თუ კახეთ-ჰერეთშიც, — თან ისიც დასძინა, — შეუძლებელია სხვა საბუთი რამ შურტათმთავარს გააჩნდესო...

— შეიპყარით აბო! — რატომღაც დაასკვნა გაცეცხლებულმა ამირამ. როცა ამირას სასახლიდან გამოვიდნენ, ერისმთავარმა იოანეს უთხრა:

— მე უკვე აღარაფერი შემიძლია... რაც მოგივათ, თქვენს თავს დააბრალეთ!..

იოანე ფიქრობდა, ვიდრე ჩემი ჯორი მცხეთას მიჩაქჩაქდება, შურტები დამასწრებენ და აბოს შეიპყრობენო. ძალიან გაუკვირდა, როცა სენაკში მოფსალმუნე დახვდა. უამბო ყოველივე, რაც ამირას სასახლეში თავს გადახდა და ურჩია:

— ქრისტეს მიერ საყვარელო, შვილო ჩემო, — შეევედრა მოწაფეს, — გეძიებენ შეპყრობად, ტანჯვად და გუემად. განერიდეთ მცირე ხნით მაინც.

იოანე ხვდებოდა, რომ აბო განგებ არ შეიპყრეს, მათ არ უნდოდათ აბოს სიკვდილით დასჯა, ქრისტესთვის წამებულს ერი მოწამედ შერაცხდა და ამის ეშინოდათ. ქართველებისავე ხელით სურდათ ჭაბუკის მიქცევა მაჰმადის სჯულზე. როცა დაშინებით ერისმთავართან და იო-

ნესთან ვერას გახდნენ, ხერხს მიმართეს, დააცადეს იოანეს, ამიერიდან სახლეში თავს გადამხდარს მოძღვარი თავის მოწაფეს უთუოდ უამბობს, მოწაფეც, ეგებ ჭკუას მოეგოს და ქრისტე უარყოსო.

— მე ტანჯვისათვის მზად ვარ, მოძღვარო! — უთხრა იოანეს. — გაუხარდა ფრიად სასჯელი და სალოცავად ჯაჭვის საყდარში კი არა, სვეტიცხოველში წავიდა. იქ, მცხეთაში, საარკინოზების დასანახად, უნდა შესულიყო თორმეტთა მოციქულთა საყდარში და მათ თვალწინ ელოცა. თანამემამულეთათვის ერთხელაც უნდა მიეცა მაგალითი. ზომ ნაბრძანები იყო შეპყრობა, — უფალს ესავდა და აღარ განეშორებოდა.

სვეტიცხოვლის საყდარში კვლავ ზღვა ხალხი ზიმზიმებდა. სამოელ ქართლის კათალიკოსისაგან წმიდა საიდუმლოს ზიარებას ერი, ვით ღვთის წყალობას, მიელტვოდა. სვეტიცხოვლის საყდარი მლოცველთ ვერ იტევდა, გარეთ, სამოთხის ბაღიც ხალხით გავსებულიყო.

სვეტიცხოვლის უბანში აბოს გამოჩენამ მორწმუნენი გაახარა, „აბო მოდის, აბო მოდის!“ — გაისმა ერში ჩურჩული, ჯერ გზა დაუთმეს და თაყვანი სცეს, შემდეგ უკან გამოუდგნენ და საყდრისკენ გაემართნენ. აბოს პირი უცინოდა. თვალები ღებნივთ ავსებოდა, პირჯვარს იწერდა და მორწმუნეთ წინ მოუძლოდა. სვეტიცხოვლის ღვთის გლახებმა შორიდანვე შეამჩნიეს, რომ ჭაბუკს თავზე ნათელი ედგა, ჩოქვით გამოუდგნენ უკან, ნატერფალს ამბორს უყოფდნენ. ამასობაში აბო სალოცავის კარს მიადგა. კათაკმევლებმა გზა უტეის მოწამეს. ის-ის იყო ჭაბუკს წმინდა საყდარში ფეხი უნდა შეედგა, იქით-აქეთ შურტები ამოუდგნენ, ხელები დაუჭირეს და გათოკეს. ერი შეჩოჩოლოდა და გოდება აღმოხდა. ცხენოსანი შურტები მათრახების ქულით შემოიჭრნენ ხალხში და მორწმუნენი ცემით გარეკეს. გაკოპილი აბო შუაში ჩაიყენეს და ტფილისის გზას გაუყენეს.

ჭაბუკი ცხენოსნებს მისდევდა, თან აქეთ-იქით იყურებოდა, შურტებისაგან დაშინებული ერისთავანნი შორი-შორს იდგნენ მწუხარენი. უხამური გოგო-ბიჭები მისკენ მობოდნენ და ხელებს უქნევდნენ, დედანი ღაწვებს იხახდნენ და იცრემლებოდნენ.

— გიხაროდეთ! — ეძახდა აბო შორიდან მორწმუნეთ, — გიხაროდეთ!.. შურტები ჯგროდ მისდევდნენ აბოს უკან, გვერდიგვერდ, და არგნით ემუქრებოდნენ, გაჩუმდიო. აბო მაინც ნირს არ იცვლიდა, ქედს არ იდრეკდა და მხიარული სახით ემშვიდობებოდა ხალხს.

ვიდრე მოწამე სულ მთლად არ მიეფარა თვალს, იდგნენ მცხეთელები მტკვრის სანახებში, პირჯვარს იწერდნენ და ღმერთს ევედრებოდნენ.



შელამებისას ჩამოვიდნენ ტფილისში. ცხენებს გამუხმებულ კალაუბანში რომ შემოიყვანეს, ძალაგამოლეული უკვე აღფრთოვანდებოდა, დადლილ-დაქანცული აქეთ-იქით აწყდებოდა. დაეცა კიდევ რამდენიმეჯერ, არავინ შეიბრალა, ჯერ თოკებით ათრიეს, შემდეგ მათრახის ცემით წამოაგდეს ფეხზე, ძლივს გათავდა წყეული გზა. აბოსთვის სულერთი იყო, სად შეაგდებდნენ, რომელ დილეგში, ოღონდ ფეხზე არ მდგარიყო, ოღონდ როგორმე დაედო მიწაზე გაწამებული სხეული. არგნით ცემაც კი ინატრა, ხომ დაწვებოდა მიწაზე, თუნდაც მოეკლათ ცემით, შვებას მოჰგვრიდა ეს ცემა.

თვალი აუხვიეს და კალაუბანში ისე შეიყვანეს, სადღაც-სადღაც ატარეს, ჯიკავ-ჯიკავითა და მუჭლუგუნებით ფერდები დაულებეს, რკინის ურდულეები გააჩაჩაუნეს, ზურგში ხელი ჰკრეს და წყვდიადში შეაგდეს. აბოს თითქოს ბედმა გაუღიმა, კედელს აღარ მიეხალა ცხვირ-პირით, მიწაზე დავარდა. „მიწა“ გაუელვა თავში. დაემხო თავდაღმა, ფეხები მოკვეთილივით დაყარა გაქვავებულ მიწაზე. სიხარულისა თუ სიმწრის ცრემლი წასკდა. უკეთეს დილეგს ვერც ინატრებდა. ჩაინთქა წყვდიადში, სულ ერთიანად მიეცა, ჩაიძირა უკუნეთში, წყვდიადი განუკურნავდა გაწამებულ სხეულს. თითქოს სიმძიმე დაკარგა და ბნელეთმა წაიღო სადღაც.

უცებ სისხლის სუნი ეცა, სისხლის სუნმა კვლავ „მიწაზე“ დააბრუნა. თბილმა სითხემ დაუსველა ცხვირი, ტუჩები, ლაწვები... „სისხლი“— გაუელვა თავში, სისხლის გემომ მიახვედრა, რაც სჭირდა.

როცა ზურგში ხელი ჰკრეს და დილეგში შემოაგდეს, ხელებშეკრული გამხმარ მიწას დაასკდა ცხვირ-პირით. ცხვირი გაუსკდა თუ ტუჩი, სისხლმა იფეთქა. იმდენად დიდი იყო დაწოლის სიხარული, ტკივილი არც უგრძნია. სისხლი თქრიალით სდიოდა, თავ-პირს უსველებდა, სისხლის გუბე დამდგარიყო, ცხვირპირი შიგ ჰქონდა ჩაყოფილი. თავი წამოსწია, მშრალი ადგილი მოძებნა ცხვირით და იქ დადო.

კვლავ მიეცა წყვდიადით ტბობას, დადლილ სხეულს, წყვდიადის კალთაში ასვენებდა. ჩასთვლიმა კიდევ, აღარ ახსოვს, რამდენ ხანს ეძინა. რომ გამოეღვიძა (თუკი შეიძლება ამგვარ ყოფას გამოღვიძება დაერქვას), უკუნეთიდან აღამიანის კენესა, სუნთქვა, შმაშური შემოესმა, ყურს არ დაუჯერა, წამოსწია თავი, გარინდული ჩააჩერდა წყვდიადს. თითქოს სიბნელეს სული ჩაედგა და მისკენ მოფორთხავდა. ფორთხვისა და ჩუმი კენესის ხმა თანდათან ახლოვდებოდა. აბო შიშმა შეიპყრო.

ვინ უნდა ყოფილიყო? ვინ ხარ, რა სულიერი ხარო, უნდოდა დაეხსნა, მაგრამ ხმა აღარ ამოსდიოდა, ჩაწყდომოდა ხმა. სიზმარი ყოფილიყო, გული დაიმშვიდა. ასეთი რამ სიზმარში ემართებოდა, მაგრამ თქვა და ფათურისებური შრიალი სულ ახლოს გაისმა, მისევე... თუ ვილაც მოხობავდა და... თავზე, კისერზე ხელი მოუსვა იმ ვილაცამ... ახლა კი საზარელი ხმა აღმოხდა აბოს — „აა!“

— აბო!.. — გაისმა ჩურჩული სიბნელეში, — მე აბოს ვეძებ... აბო ხარ?..

აბოს იმედი მოეცა, ადამიანის ხმა იყო.

— ვინა ხარ? — კანკალით იკითხა.

— ნუ გეშინია, ვააიპ!.. — უთხრა ხმამ სიბნელიდან.

აბო გონს მოეგო. მართლაც და რისი ეშინოდა? სიკვდილის? აკი სიხარულით მოდიოდა სასიკვდილოდ? გაკიცხა სუსტი აბო და სულის სიღრმეში მთვლემარე აბოს მოუხშო.

— კარიკ კარიკის ძე ვარ, — უთხრა კვლავ იმ ხმამ, — შენ რომ პირველად შეგიპყრეს, მას აქეთ აქ ვგდივარ. დღეში რამდენიმეჯერ შემოდინ და მცემენ. ქრისტე ღმერთი დააგდე და მაჰმადს შეუდექიო, ვააიპ!.. პირველად აქ გავიგონე შენი სახელი, თურმე მაჰმადი უარგიყვია და ქრისტე გიწამებია. განა ასეთი რა დაგიშავა საკუთარმა ღმერთმა, რომ სხვისას მიელტვი. შენი გულისთვის მაწამებენ, უნდათ სამაგიერო გადაუხადონ ქრისტიანებს, ვააიპ!.. ქრისტიანთაგან ვინმეს უნდა დაათმობინონ თავისი სჯული და მაჰმადი აწამებინონ. თურმე ხალიფა მოითხოვს ამას. ეს ვინმე მე აღმოვჩნდი. შემიპყრეს ქუჩაში, ვააიპ!.. და მტანჯავენ, გინდა თუ არა, მაჰმადი იწამეო. ხომ აბო ხარ, შვილო, ნამდვილად? მითხრეს, ამ საღამოს აქ აბოს შემოაგდებენო...

— აბო ვარ... — ჩურჩულითვე უთხრა აბომ, თუმცა ბნელ დილეგში მათ გარდა არავინ იყო, მათი ხმა არავის ესმოდა.

— თუ აბო ხარ და თუ მართლა გწამს ის ღმერთი, — ნაწყვეტ-ნაწყვეტად, კენესით წარმოთქვამდა სიტყვებს — მიიქეც, შვილო, შენს სჯულზე, ვააიპ!.. შენც მოისვენებ, მეც მომასვენებ, ბევრ სხვასაც მშვიდ ძილს არ გაუკრთობ... ამბობენ, ვააიპ!.. ვააიპ!.. შენი გულისთვის სხვებსაც სტანჯავენო...

— ჩემი გულისთვის? — შეწუხდა აბო, თავს ძალა დაატანა და წამოჯდა.

— სწორედ შენი გულისთვის, ისეთ ქრისტიანს ეძებენ, ვინც მაჰმადის სჯულზე მიიტყევა და მას საჯაროდ აღიარებს, ვააიპ!.. ნებით რაკი



არავინ გამოჩნდა, უნდათ ძალით მოაქციონ, ამბობენ, დიღვენი სულ ქრისტიანებით აავსესო. ხვალ დილით გაიგონებ მათ კენესას.

— კეთილო კაცი, — უთხრა აბომ კარიჭ კარიჭისძე... უკან შეკრული მაქვს, მადლი მოიციდე და შემიხსენ, თოქი მიწე...

— ხელეშეკრული შემოგადგეს? არამზადები!.. ველარ გიშველი, ჩემს ხელებს სიბნელეში ფათური შეუძლიათ, სხვა არაფერი... ფრჩხილები დამაღლიტეს წამებაში, სალოკი თითი სულ მთლად მომაგლიჯეს, იარებზე ცეცხლი მეკიდება და ბალღამი მდის... ვაიაჰ! ნეტა ქრისტიანი არავინ გამოჩნდება ამ უკუნეთში, რომ მომკლას და მომასვენოს?..

„კარიჭ კარიჭისძე, — გაიმეორა აბომ გუნებაში. — ალბათ მომიგზავნეს ეს კაცი“... — დაასკვნა და გადაწყვიტა ფრთხილად ყოფილიყო, არაფერი წამოცდენოდა. კარიჭ კარიჭისძეც გაჩუმდა რატომღაც. საზარელი ამბავი უთხრა, შენს გამო გეტანჯავნო. სიბნელეში მხოლოდ შმაშური და სუნთქვა გაისმოდა, ალბათ კარიჭ კარიჭისძეც წამოჯდა.

— განა ამათ თავს ვაწამებინებდი, — გამოუტყდა სწრაფად აბოს კარიჭ კარიჭისძე, — ამდენ ხანს შევუდგებოდი მაჰმადს, ჩემი ღმერთის რომ არ მეშინოდეს... თან ღმერთის მეშინია, თან წამებას ვერ ვუძლებ, ვითმენ, მაგრამ მოთმენასაც ხომ აქვს საზღვარი? ვაიაჰ! — კიდევ უფრო დაუწია ხმას კარიჭ კარიჭისძემ, თითქოს ღმერთსაც ემაღებო, ამბობენ, დედაწულთაც გვიწიოკებენო. რისთვის ადამის ძეო. ვმარხულობ, ვლოცულობ, ვისთვის რა დამიშავებია? რატომ არ ესმის ღმერთს ჩემი ხვეწნა-ვედრება, რატომ გამწირა ასე სასტიკად? ვაი, დედა! ეგებ ჩვენი მუსლიმანებად ქცევა სწორედ ღვთის ნებაა, ჩვენ კი ვერ მივმხვდარვართ. ღმერთიც ამიტომ მოგვივლენს ტანჯვა-წვალებას.

— არა, ქრისტიანო, ღვთის ნება არ არის, — ჩურჩულითვე მიუვგო აბომ, — სატანის ნებაა, სატანა გეტანჯავს და გვაწამებს, ქართლი სატანებს უპყრია, ღვთისმშობლის წილხვედრი ქვეყანა სატანათა კერძი გამხდარა, მორწმუნეო, სატანა ვალაპარაკებს!

— აბო! — შესძახა სიბნელეს კარიჭ კარიჭისძემ, — განა არ ვიცი, რომ სატანა მალაპარაკებს... თუკი ესეც ღვთის ნებაა? — თუ მე ღირსი არა ვარ ქრისტიანი ვიყო და ღმერთი ნებას მრთავს მაჰმადს შევუდგე?.. ეგებ ასე სჯობდეს, ეგებ მე ეს მიწერია?..

— როგორ, თქვენ, ქრისტიანი, აპირებთ მიიქცეთ მაჰმადის სჯულზე? — ხმას აუწია აბომ.

— დიახ! — შეჰლაღადა სიბნელეს კარიჭ კარიჭისძემ. — შენ გელოდებოდი, მოწამევე, — უჰუ-ჰუ-ჰუ!.. მითხრეს, რომ ამ საღამოს აქ მოგიყვანდნენ და დავითმინე... შენა ხარ ჩემი უკანასკნელი იმედი,



— აბო, ილოცე ჩემი ცოდვილი სულისათვის, დღეს მე დიდი სანათ-  
ლეს ვიხილავ...

მედილეგებმა აბო ჯერ აბანოში წაიყვანეს, შემდეგ მარჯვენა მხრის  
ბოლოს მედილეგეთუფროსი მოვიდა ათიოდე შუბოსანი და მისი  
პურობილი ჩაიბარეს და გზას გაუდგნენ, ჯერ მიწისქვეშეთში მიჰყავდათ,  
შემდეგ გვირბივით გასასვლელში გააძვრინეს, მაღალი კიბე აღიმართა  
მათ თვალწინ, იმ კიბეზე ავიდნენ, ვიწრო დერეფნით ფართო დერეფანს  
მოადგნენ. „მოჰყავთ, მოჰყავთ!“ — გაისმა აბოს ზურგს უკან. მიხედ-  
მონედვის ნება არ ჰქონდა, მაინც მიიხედ-მოიხედა ქურდულად, ამი-  
რას სასახლე უნდა იყოსო, გაუელვა გონებაში. მართლაც, სადღაც დიდ  
დარბაზში შევიდნენ. იქ ერთ კარს ორი მეხრმლე, ორი შუბოსანი და  
ორი მშვილდოსანი იცავდა. ვანის მცველებმა აბო გვერდით გაიხმეს  
და გაჩხრიკეს. თვალის უპეებიც კი გაუსინჯეს.

აბო გააკვირდა ფრიალ, როცა უთხრეს, რომ ამირასთან მიჰყავდათ,  
აბოს მსგავსთ, სხვა დროს და სხვათა ქვეყანაში, მუსლიმები პირდაპირ  
ისტუმრებდნენ საიქიოს. აბო კი ჯერ შურტათმთავარმა დაიბარა, ახლა  
თვითონ ამირა მოითხოვდა მასთან შეხვედრას. ჩანს, აბო უბრალო მო-  
წამე არ იყო. სარკინოზები მის მოქცევას უფრო დიდ მნიშვნელობას  
ანიჭებდნენ, ვიდრე სჯულის უარყოფას ან ახალი სარწმუნოების მიღე-  
ბას.

აბოს ამირა გაღიმებული შეხვდა. პურობილი თვალებს არ უჯერებ-  
და, მას შემდეგ, რაც ქრისტე აღიარა, სარკინოზს მისთვის შუბლგახსნი-  
ლად აღარ შეუხებდავს. ვინ გაბედავდა ალაპისა და მაჰმადის მოლა-  
ლატისათვის შუბლგახსნილს შეეხედა. როგორც მუხთალს, მუხანათს,  
არამზადას ისე უყურებდნენ, არგნითა სცემდნენ და აფურთხებდნენ.  
ამირა მუსლიმთაგან პირველი იყო, ვინც გაუღიმა. რას მოასწავებდა  
ეს ღიმილი?

აბო ხალიჩაზე დაემხო და ეთაყვანა. შუბოსნები კედელთან აიტუზ-  
ნენ, კარებშიც ჩადგნენ, ამირას საყოფელში მათ უნებურად ახლა ბუ-  
ზი ვერ შემოფრინდებოდა და გამოფრინდებოდა.

— შენზე ამბობენ, რომ ნათესავით და ტომით სარკინოზი ხარ, —  
უთხრა ამირამ ძირს დამხობილს მშვიდი კილოთი, — თანაც ხალიფას  
მედილეგის შვილი ყოფილხარ...

— კეთილს ბრძანებთ, დიდო მსაჯულო, — მიუგო აბომ, — ვშობილ-  
ვარ სარკინოზად, განსწავლული ვიყავ სჯულითა მაჰმადისათა...

— დაგიტოვებია მამული, სჯული და ქრისტეს შედგომიხარ, ქრის-  
ტიანებს შეუტდენიხარ...

— ეგვეც კეთილად ბრძანეთ, რომ მამული, სჯული დამიტოვებია...  
„ქრისტიანებს შეუტყდენიხარო“, აბო უპასუხოდ დატოვა. არც კარგი  
თქვა და არც ავი, თითქოს არ გაუგონია.

— დიდი ერის შვილი ხარ, ჭაბუკო, ჭკუა-გონებით შემეკობინებო...  
ბი... ხალიფატს სწორედ შენისთანები სჭირდება, უძლეველი ხალიფატი  
თქვენზე ამყარებს იმედს. შენ კი სხვას შედგომიხარ... ვინც თავის დე-  
დულ-მამულს უღალატებს, ის სხვასაც აღარ გამოადგება. არაბი ერი  
მსოფლიო ერია, თითქმის მთელი ქვეყანა არაბულ ენაზე მეტყველებს,  
მომავალი არაბისაა! შენ ეს რომ იცოდე, დედულ-მამულს არ უღალა-  
ტებდი.

ამირა უკვე მღელვარედ ლაპარაკობდა, მოსწონდა თავისი ნამჭევრი  
და თანდათან უმატებდა ხმას.

— ახალი ხალიფა, მოსე ალ-მუმნი ახალგაზრდა კაცია, გარშემო  
სულ ჭაბუკები შემოიკრიბა, დიდი ვაზირიც კი ჩვენი ხნისა ჰყავს, —  
მთლად გაუწინაურდა პყრობილს, — რაკი ასეთი დიდი ნდობა გამო-  
გვიცხადეს ახალგაზრდებს, ჩვენც სისხლის ფასად უნდა გავამართლოთ  
ეს ნდობა, ზომ ასეა?..

— კეთილს ბრძანებთ, — მიუგო კვლავ აბომ, — მე დიდი ერის შვი-  
ლი ვარ, ხალიფატს ახალგაზრდები სჭირდება, ვინც მამულს უღალა-  
ტებს, ის სხვასაც არ გამოადგება, არაბი ერი მსოფლიო ერია, თითქმის  
მთელი ქვეყანა არაბულ ენაზე მეტყველებს, დიდი ხალიფა მოსე-ალ-  
მუმნი ახალგაზრდაა, თქვენც ახალგაზრდა ბრძანდებით, რაკი ხალიფამ  
ნდობა გამოგიცხადათ, თქვენც ერთგულება გმართებთ.

— თუ ეს ყველაფერი იცი, მაშ, სამშობლოს რად უღალატე? წამო-  
დექ, არ მიყვარს დაჩოქილი მუსლიმი!

აბო წამოდგა, რატომღაც შუბოსნებს გახედა ნაღვლიანად და თქვა:  
— მე... მოღალატე... არა ვარ, დიდო მსაჯულო.

ნაწყვეტ-ნაწყვეტ ამოილულლულა. თავდახრილი იყო, თავი მალლა  
მაშინაც არ აუწევია, როცა ამირა წამოდგა და ახლოს მივიდა. მძლავრ-  
მა თავი აუწია ჭაბუკს და თვალეში ჩახედა.

— როგორ? — გაოცდა ამირა, — მაშ ვინა ხარ?..

— მორწმუნე ვარ, უფალსა ვესაგ...

— ვის უფალს, მტრისას?..

— რათა მტრისას, კეთილო პატრონო, ქართველი განა მტერია არა-  
ბისა? ქართველი, არაბიელი, სპარსი, იონი, ხაზარი ყველანი ღვთის შვი-  
ლები ვართ, — ძმანი ხართო უფალმა გვითხრა და სამოთხეში გაგვიშვა.

მოღალატე ის არის, ვინც ღვთის ნებას არ ასრულებს, ვინც მოძმის

ჩავერასა და ტანჯვაში თავის ბედნიერებას ხედავს. აღძრულა მთელი ქვეყნის დასაპყრობად, რათა თვითონ იბატონოს, სხვა კი დაიმონოს.

— აბო, შენზე ამბობენ ქვეყნის ჰაბუჯიაო... ნუთუ შენზე ვინმე ამბობს ღმერთმა მუსლიმი ბატონად გააჩინა და სხვანი კი მონებად.

— კეთილს არ ბრძანებთ, უფალო! ღმერთი სამართლიანია, ღმერთს უსამართლონი არ უყვარან.

არაბიელი ავარის შთამომავალია. მხევალ ავარისაგან ეყოლა აბრაამს ისმაილი. მუსლიმების წინაპარი ისმაილია. ისმაილისა აბრაამი, აბრაამისა სემი, სემისა ნოე, ნოესი მათუსალა, ხოლო ყველანი ადამის შთამომავალნი არიან, ღმერთს დაუდგენია ძედ ადამისად.

როცა ძმა ძმის წინააღმდეგ აღიძვრის, ძმათა სისხლსა ჰღვრის და ძმათა წარსტაცებს დედულ-მამულს, იქ სატანის ხელი ურევია და არა ღვთისა.

მოღალატეც ის არის, ვინც თავის ერს ძმათა სისხლის დასაღვრელად, ძმათა მამულის მისატაცებლად მოუწოდებს.

— ვინ მიგაჩნიათ თქვენ ასეთად, — გამომწვევად ჰკითხა ალი ჰასანმა. მას უკვე იმედიც დაკარგვოდა და მოთმინებაც, ამ ატაცებულ ქრისტიანს რამეს შეასმენდა.

— თქვენ, ხალიფატი! — მოულოდნელად მიახალა პირში ამირას აბომ. ამირა ალი ჰასანი გულის სიღრმეში მოელოდა ასეთ პასუხს. ასეთი პასუხის შემდეგ ამირა ვალდებული იყო მოეხმო ჯალათები და აბოსთვის თავი მოეკვეთა. ალი ჰასანი ამირა საიდას არ ჰგავდა, მსხვერპლს დიდი მოთმენით ელოდებოდა. „უცებ დასჯა“ არ მიაჩნდა ჰეშმარიტი მსაჯულის საქმედ. რაკი მთელი ერის წინამძღოლად და მსაჯულად დაადგინეს, ყოველი მისი ნაბიჯი აქ, ამ უცხოთა ქვეყანაში, მოზომილი, მოფიქრებული და აწონილ-დაწონილი უნდა ყოფილიყო. ძალა მოიკრიფა, სიმშვიდეს მოუხმო და ამ ახირებულ ქრისტიანს ერთხელაც შორიდან მოუარა:

— ცოფი შეგყრია! იქნებ იმის გამო, რომ შეჭირვებულად ცხოვრობდი აქ, უცხოთა შორის, მონა იყავ და ნიჭი და პატივი მოგაკლდა. მე ამა ქვეყნის პატრონი ვარ, მოგცემ ყველაფერს, რასაც ინატრებ, ნიჭსაც და პატივსაც უხვად მოგაგებენ, მოლაშქრეთა ათისთავად დაგაყენებენ, ოქრო და ვერცხლიც გებოძება, ოღონდ ეგ სიშლეგე სხვას არავის უთხრა.

აბომ ჩაიცინა, ალი ჰასანი გაოცდა, რა აცინებსო.

— მე პატივს კაცთაგან არა ვეძიებ, — ჩაიდუღუნა თავისთვის აბომ, — არც ოქრო და ვერცხლი მწადიან — მაქვს ნიჭი ქრისტესმიერი,

პატივი საუკუნოთა ცათა შინა. ოქრო და ვერცხლი თქვენთვის დაშრო-  
მია წარსაწყმედელად.



ქრისტეანული  
დღე-ღამეობა

— ბორკილები!.. — თქვა ღიმილით ალი ჰასანმა.

„ბორკილები“ — გასძახეს ვანის მცველებმა ერთმანეთსუ  
წარ მომზადებული რკინის ხუნდები შემოიტანეს ჯალათებმა. ხელები  
და ფეხები შეუკრეს რკინის ხუნდებით და წაიყვანეს. ვიდრე ამირას  
საბძანებლიდან გავიდოდა, ამირასა და გარშემო შემოკრებულ სასახ-  
ლის მცველთა, ჯალათთა და შურტათა გასაგონად ხმამალა თქვა:

„მადლობა შენ, უფალო და მაცხოვარო ღმერთო ჩვენო, იესო ქრის-  
ტე, რამეთუ ღირს მყავ განკითხვასა“...

ჯალათები მისცვივდნენ და პირზე ხელი დაათარეს. ქრისტე ღმერთ-  
თის ხსენება ამირას სასახლეში ქვეყნის დაქცევას უდრიდა მუსლიმ-  
თათვის.

## მეორე ლაშა

მძიმე ბორკილების ქლარუნით ნელა მიმოდიოდა სიბნელეში და  
რკინის მღერას ყურს უგდებდა. გარეთ დღე იყო, დილეგში კი ღამე.  
როცა უფრო ჩამობნელდა საკანში, ყურუმი გახდა სიბნელე, წყვილიად  
გახასხასდა, აბომ გაიფიქრა: „აღბათ დაღამდა“.

პირჯვარი გადაისახა შებორკილი ხელებით, ლოცვაში გაატარებდა  
ამ ღამეს, დაელოდებოდა აღსასრულს...

წყვილიადში ჩაიძირა, კარიჟ კარიჟისძე წარმოუდგა თვალწინ...  
ფრჩხილებდალღეტილ კაცზე ფიქრი აეკვიტა. ეგონა, დილეგში დახვ-  
დებოდა, აღარ დახვდა. აღბათ განაზრახი აღასრულო, — გული დაწყ-  
და. უფრო სხვების ბედი აწუხებდა, ვიდრე კარიჟისძისა. კარიჟისძეს ვე-  
ლარავინ უშველიდა, სული ეშმაკისთვის მიეყიდა. „ამბობენ, ამ დილე-  
გებში სულ ქრისტიანები ჰყრიანო“, — ჩაესმოდა ყურში კარიჟისძის  
ხმა. იმ ქრისტიანთაგან ნუთუ კიდევ გამოერეოდა ვინმე კარიჟ კარი-  
ჟისძის მსგავსი?

გული დასწყვიტა კარიჟ კარიჟისძემ. რისთვის მარტვილობდა აბო,  
ვისთვის... თუკი ქართველები თვითონ მიატოვებენ თავიანთ სჯულს,  
აბოს თავგამოდება დარჩებოდა ხმად მლაღადებლისა უდაბნოსა შინა.

იქნებ სულ ტყუილად აწამებინებდა თავს, იქნებ მართლა სჯობდა  
ჩუმად ჰყვარებოდა იესო ქრისტე, ჩუმად ელოცა მისთვის და პირჯვა-  
რიც ჩუმად ეწერა. აბოს ეგონა, რომ ქართველებისთვის და არაბების-  
თვის სწირავდა თავს. მისი აზრით, ორი რჩეული ერი იდგა დაღუპვის

პირას. ერთი დაპყრობილი იყო, მონობაში საკუთარი ხანე დაეკითხა, დაჩიავებულ-დაბეჩავებული სულიერ გარყვნას და გახრწნას მისცემოდა, მეორე სხვათა დამონების, ძარცვისა და მიტაცების განხრწნას შეწყვიტო, გონებადაბნელებულმა თვით არ უწყოდა, რას იქმნოდა. აბო მათთვის გადაედო თავი, მაგრამ არც ერთსა და არც მეორეს არათუ ვერ გაეგო ეს თავდადება, თვით ქრისტიანნიც ეჭვით უყურებდნენ საკუთარი ღმერთის უარმყოფელს.

აბომ შეატყო, რომ ეჭვი შეეპარა თავის თავში, მცირედ მორწმუნეობისათვის თავი გაიციცხა და ღმერთს პატიება სთხოვა. ჩაეფლო წყვილიადში და თავის მოძღვარს დაუწყო ძებნა. ნერსე ამოტივტივდა წყვილიადიდან, გაუღიმა მსახურს ერისთავმა და კვლავ წყვილიადში ჩაინთქა. ეს ღიმილი ხაზარეთიდან ახსოვს აბოს. იქ უთხრეს პირველად ნერსე ერისთავს აბოს ნათლისღების ამბავი. აბო მსახურთა შორის იდგა და შორიდან შესცქეროდა პატრონს, ხომ არ გამირისხდებო.

— აბო! — დაუძახა ერისთავმა. გვერდით ამოიყენა, — ყოჩალი ბიჭი ყოფილხარ, — მხარზე ხელი დაჰკრა. ნერსე ერისთავის ნათელი ღიმილი მზესავით ელავდა წყვილიადში, ტოლივით დაჰკრა მხარზე ხელი თვითონ ნერსე ერისთავმა... რა ბედნიერი იყო მაშინ აბო!

ბედს ახლაც აღარ უჩიოდა, არც ბორკილი აშინებდა, არც დილეგი, სიკვდილისთვისაც მზად იყო, მაგრამ ვაითუ ამო იყო ყოველი. მარტოკა მარტვილობდა, პირადი ნეტარებისთვის ტანჯვა კი არ ენება, სხვებისთვის ეწამებოდა, მთელი ქვეყნიერებისათვის სწირავდა თავს, თავის ჭკუით. ეს ფიქრი ძალას ჰმატებდა, იმედსა და ნუგეშს აჩენდა. როცა კარიჭ კარიჭისძე შემოიჭრებოდა წყვილიადში, იმედის მომცემი ის ლამაზი ფიქრი უმალ უქრებოდა, ცრემლით აევსებოდა უპენი და სასოწარკვეთას მიეცემოდა.

— აბო! — ეძახდნენ წყვილიადიდან, ლეონ აფხაზთა მთავრის კაცები დარბაზში იწვევდნენ ყმაწვილს. ეს თითქოს დაუჯერებელი იყო — სახელგანთქმული ლეონ მეორე — მპყრობელი აფხაზეთისა, ეგრისისა, ჭანეთისა, არგვეთისა... ვილაც მენელსაცხებლუ აბოს იხმობდა სადარბაზოდ.

კარის საყდარში ძელსა სამგზის სცეს, სასახლის წინ მთავრის მარადი მცველი მონა-სპა გამწკრივდა, აბო თვალსა და ყურს არ უჯერებდა: თურმე ნერსე ერისთავს უთქვამს აფხაზთა მთავრისთვის აბოს ნათლისღების ამბავი, ლეონ აფხაზთა მთავარი მენელსაცხებლის საქციელს ალტაცებაში მოუყვანია, საპატიო სტუმრის მეფურად მიღება უბრძანებია.

წყვდიადიდან აბოს გაბრწყინებული თვალები ანათებდა, <sup>პურობილი</sup> აბო იმ ბედნიერ აბოს უმზერდა, აფხაზთა მთავრის სასახლეში <sup>ზეიმით</sup> რომ შედიოდა. <sup>ერქენულნი</sup>

საპატიო სტუმრის სანახავად მთელი სასახლე შეკრებილი <sup>სიმკობისა</sup> წვილს თვითონ მთავარი შემოეგება. აბომ მაშინაც მოჰკრა თვალი ნერსე ერისთავის მცინარე სახეს. პატრონი დარბაზის ერში იდგა და სახე ღიმილით განათებოდა, — ამყობდა თავისი მსახურით. აბო მთავრის წინაშე დაემხო და კაბის კალთაზე ეამბორა, ლეონმა აბო დარბაზის ერს წარუდგინა. ლეონმა მაშინ თქვა, რომ აბო არის მისაბაძი ყმაწვილი ქართველთათვის და არაბთათვისაც.

აბომ არ იცოდა, დღის სინათლეს იხილავდა თუ არა, რაკი ამირა განურისხდა, ალბათ ამ დილეგიდან ცოცხალი ველარ გამოაღწევდა. ამერიდან წყვდიადი იყო მისი სამყოფელი. მაგრამ ის ნათელი დღეები თვალთაგან აღარ შორდებოდა, წყვდიადით კი არა, იმ დღეებით ცხოვრობდა აქ, დილეგშიც.

ლეონ აფხაზთა მთავარი აბოს, როგორც ტოლს, დაუმეგობრდა, აბოს რცხვენოდა, არ ჰქონდა ისეთი აღზრდა, მთავარს გაშინაურებოდა. მსახურად იყო გაჩენილი და ყველას სამსახურს სთავაზობდა. ლეონ მეორე კი წარამარა იბარებდა აბოს სასახლეში და ნათლისღების ამბებს ჰკითხავდა. აბოც თავმოდრეკილი უყვებოდა, თუ როგორ აღეძრა სურვილი ქრისტეს შედგომოდა.

აბო აფხაზეთის მთავართან და ნერსე ერისთავთან ერთად დადიოდა ღვთისმშობლის საყდარში და მათთან ერთად ლოცულობდა. აფხაზეთის ეპისკოპოსნი და ხუცესნი აბოს ქრისტესმოყვარეობას მორწმუნეთ ამცნობდნენ და მის სახელს ქადაგებაში მოიხსენიებდნენ.

ყმაწვილი ღმერთსა ჰმადლობდა, რამეთუ იხილა ქვეყანა სავსე ქრისტეს სარწმუნოებითა, ურწმუნოთაგანი არავინ იპოვებოდა მისაზღვრამდე ქალღისა. „კეთილ არს ბაძვა კეთილისათვის მარადის“, — წმიდისა მოციქულისა სიტყვისამებრ, გარდამეტებულ ღვთისმოყვარე კაცთ მიბაძა, განეშორა ქალაქს და უდაბნოში სამი თვე დაჰყო მარხვითა და დუმილით.

ლეონ აფხაზთა მთავარი აფხაზეთის ეპისკოპოსნი და ხუცესნი უფრო აღივსნენ სიყვარულით ნეტარისა აბოს მიმართ და სთხოვეს მას დარჩენა თავიანთ ქვეყანაში.

— ქვეყანა ქართლისა სარკინოზთა უპყრიეს, — უთხრა გულითადად აფხაზეთის მთავარმა, — შენ ხარ ბუნებით სარკინოზი, მეშინია, ვაითუ



განგდრიკონ სარწმუნოებისაგან უნებლიეთ და ესოდენი შრომა შენი წარსწყმიდო.

აბოს დილეგშიც გარკვევით ჩაესმოდა ლეონ აფხაზეთის მთავრის კეთილი ხმა, „ვაითუ განგდრიკონ“.

— ქართლში შემეწყნარა უფალმა ჩემმა, იესო ქრისტემ, — ეს იმ ჭაბუკი აბოს ხმა იყო, აფხაზები ხელისგულზე რომ ატარებდნენ. — იქ განმაშორა ბნელს, უმეცრებას ჩემსას და უკვდავ ნათელს მაზიარა. ვერა განმდრიკოს ვერავინ, ვერცა მაცდუნოს. მომცენ ოქრო-ვერცხლი, გინა ტანჯვითა და გვემით განმიკითხონ, ვერ განმაშორონ უფლისა ჩემის სიყვარულს. გვედრები განმიტევე იქ, საცა უფალმა ჩემმა შემეწყნარა, რათა ეუწყოს ქრისტესმოძულეთ ქრისტიანობა ჩემი.

— შეილო, სარკინოზთა სჯულისკანონი სჯულის უარყოფელს სიკვდილს მიუსჯის. — უთხრა ბოლოს აფხაზთა ერისმთავარმა მოურიდე-ბლად.

— აბოს არავის დავანებებთ! — უთხრა ლეონს ნერსე ერისთავმა. აბოს თვალები ცრემლით ავესო. ნერსე ერისთავი დაუდგა თვალწინ, ის ნერსე კი არა, თოკით შეკრული და დაშანთული, თავის აივანზე მოფუსფუსე, სტეფანოზ ერისმთავრის წინ, აბოს გაშო, დამნაშავესავით ატუზული წარმოესახა. ვითომ არაფერი იცოდა აბოს ნათლის-ღებისა, ვითომ პირველად ესმოდა მისი მსახურის ქრისტიანობა. როგორ უნდოდა ჭაბუკს დაემალა, არ ეთქვა, რომ ქრისტიანთა სალოცავში დადიოდა. ახლა დილეგიდან უხდიდა აბო ბოდიშს, საყვარელ პატრონს ვაწყენინეო, გუნებაში დარდობდა.

მაგრამ მთავარი მაინც მოსასხამი იყო! ეგვიპტური კრელი მოსასხამი შემოფრიალდა დილეგში.

აფხაზთა მთავარმა აჩუქა გამომშვიდობებისას. როცა ნერსე ერისთავმა თქვა, აბოს ჩვენ არავის დავანებებთო, ლეონმა სტუმრებისათვის საბოძრის გაცემა ბრძანა: ნერსე ერისთავს დარახტული წყვილი ბედაური მორათვეს და ხალიბური რვალი. ერისთავის ასისთავებსაც ჩამოურიგეს შეკაზმული ცხენები. მსახურს, ქრისტესმოყვარე არაბიელს (ასე გამოუცხადეს მაშინ) ყმაწვილ აბოს ეგვიპტურ მოსასხამს უბოძებდნენ. აბოს ფრთა შეესხა, განუზომელმა სიხარულმა გული აუფრთხილა. ნერსეს საპატიო ამალაში იდგა თვალებგაფართოებული და მოთმენით ელოდა, როდის მოართმევდნენ ეგვიპტურ მოსასხამს.

კრელი, შრიალა მოსასხამი გულში ჩახუტებული ჩამოიტანა თბილისში და იოანეს მიაბარა. მას შემდეგ იქ, მონასტრის სკივრში, თვალისჩინივით ინახავდა ძვირფას საჩუქარს. მასზე ძვირფასი არაფერი

ებადა, სულდგმულივით ეფერებოდა და ეალერსებოდა. აფხაზეთში გა-  
ახსენა მოსასხამი, ისიც ხომ იმ ნათელი დღეების ერთი ნაგვენივენი  
ამიტომ ფრიალებდა წყვილიდში.

დილეგის კედელთან მიყუჩულიყო, ჩამყუდროებული უკეთ წარმო-  
თქვამდა საგალობლებს, ფსალმუნობაში გაათენებდა ღამეს, ჟამიდან ჟა-  
მად კი წყვილიდიდან ნათელი დღეები ამოდიოდნენ, ნათელი სახეები  
ილანდებოდნენ და ღვთაებრივ ტკობას მიწიერით ცვლიდნენ. ნეტა რა  
დრო იყო? დრო გადიოდა თუ არ გადიოდა? ყურუმი სიბნელე ჭერ  
მურუჭლით არ შეცვლილიყო, არც მამლების ყვილი ისმოდა არსაიდან,  
მამლების ყვილი იქ, ჯოჯოხეთურ მახრჩობელა დილეგში, გაიგონა, აქ  
რატომ არ უნდა გაეგონა?

— ალბათ ჭერ შორს იყო განთიადი...

უცებ აღმოაჩინა, რომ კარიჭ კარიჭისძე მოენატრა. თვით კარიჭისძეც  
კი სჯობდა შავ მარტობას. წყვილიდში დაიწყო ძებნა, ვერ იპოვა. წუ-  
ხანდელი ღამე გაიხსენა. კარიჭ კარიჭისძის ადგილას სიბნელე იყო, ად-  
ამიანის სახე არ ჰქონდა, კარიჭ კარიჭისძე შავ ღრუბელს ჰგავდა, შავ  
ორმოს... სიშავე ლაპარაკობდა წყვილიდიდან.

შავი ორმო უამბობდა საზარელ ამბებს — შენს გამო დილეგებში  
ქრისტიანებს აწამებენო, გახვრტილ ყურუშსაც არაფერ გვაძლევს, იუ-  
დებად ისე გვაქციესო. ის მოლაპარაკე შავი ორმო ერჩია ურჩხულის  
ხახსავით ჩაშაგებულ დილეგს. ისევ წარსულს მიუბრუნდა, აწმყოსა  
და მომავალში არაფერი ეგულებოდა ნუგეშის მომცემი. წარსულით უნ-  
და ეტოცხლა, წარსული მხარში ედგა განსაცდელის ჟამს, განუყრელად  
მასთან იყო თავისუფლებამიც და პურობილობამიც, დილეგში არც აწ-  
მყო იყო, არც მომავალი, იდგა მხოლოდ წყვილიდი, მძიმე, შავი მარტო-  
ობა ჩამოწვებოდა და აბოს ეგონა, ხანდახან თვითონაც არ იყო აქ, იყო  
მხოლოდ და მხოლოდ შემზარავი სიშავე, როცა წყვილიდიდან წარსუ-  
ლი ამოტივტივდებოდა, მაშინდა გრძნობდა საკუთარ გვამს, საკუთარ არ-  
სებობას მაშინდა ამჩნევდა.

სადილეგო ამირას მტკვარს გაღმა ჰქონდა, ქალაქის ბოლოს. დილით,  
ადრე, სადილეგოს შავით მოსილი მონაზონი მიადგა და ვანისმცველს  
მედილეგეთა უფროსთან შეხვედრა მოსთხოვა. ვანისმცველმა უფროსი  
არ არისო, — ცივად მოიშორა კუნკულიანი ბერი. მაშინ მონაზონმა ვა-  
ნისმცველს მისი შეპყრობა და დილეგში ჩასმა უბრძანა. ვანისმცველი  
გაოცდა, ყურებს არ დაუჭერა. ალბათ ვინმე ჰქუაზე შემეცდარიყო და  
ხელის კვრით დაუპირა გაგდება სადილეგოდან.

მონაზონი ვანისმცველს გაეჭკა და პირდაპირ დილეგებდა და ვანისმცველმა ყვირილი ასტეხა. თავიანთი სადგომებიდან გამოცვივდნენ სხვა ვანისმცველნი, მედილეგენი და თვით მედილეგენი გამოჩნდა. ამასობაში მონაზონმა კარლია დილეგი იპოვა და მიეჭკა ვარდა.

შეიძრა, შეიყარა სადილეგო, მსგავსი რამ არავის ენახა და არც არავის გაეგონა. ადამიანი თავისი სურვილით ჯდებოდა დილეგში და კარის დაკეტვას მოითხოვდა. ვინ უნდა ყოფილიყო ეს უცნაური, კუნკულიანი მონაზონი? მედილეგეთუფროსი გამუსლიმებული ქართველი ყოფილიყო, იცნო ერისმთავრთა კარის მოძღვარყოფილი — იოანე საბანისძე, გაუკვირდა, შეეშინდა კიდეც, რიღით მიეახლა და ჰკითხა:

— რას მივაწეროთ თქვენი, ჩვენთან მობრძანება, მამაო...

იოანეს მოეწონა თავაზიანი კილო და ასევე თავაზით მიუგო:

— კეთილო კაცო, შემიკარით ხელები და წესისამებრ დამატყვევეთ...

— ჩვენ უფლება არა გვაქვს ვინმე შევიპყროთ, მით უფრო — თქვენ,

მამაო...

— მაშინ მომიყვანეთ ის, ვისაც ამის უფლება აქვს!..

— დიხ, შევატყობინეთ ვისაც ჯერს არს, მაგრამ ვიდრე მოვლენ, მიბრძანეთ, რით გემსახუროთ, იქნებ გარეთ, სუფთა ჰაერზე გამოსულიყავით და იქ დალოდებოდით უფროსებს.

იოანემ თავაზიან მედილეგეთუფროსს ცივი უარი სტკიცა. სადილეგოს შურტები მოვარდნენ შეშინებულნი. იოანემ ისინიც არ მიიკარა.

— მოვიტხოვ შეპყრობას, მე დამნაშავე ვარ! — უთხრა მათაც დაბეჭითებით.

ყველა დილეგს, გარდა მედილეგებისა და ჯალათებისა, თითო შურტა ჰყავდა მიჩენილი, მათ თავიანთი შურტათუფროსი განაგებდა. სადილეგოს შურტათუფროსი საგონებელში ჩავარდა, ასეთი შემთხვევა არასოდეს ჰქონიათ, არ იცოდნენ რა ელონათ, რა მოემოქმედათ, ჰაჯიჯ იბნ-ალ ბაბაქისთვის უნდა ეცნობებინათ ეს საკვირველი ამბავი, სხვა გზა არ იყო. ვინ იცოდა, ბაბაქი რა თვალით შეხედავდა სადილეგოს შურტებს ამის შემდეგ.

მედილეგეთუფროსმა მსახური ერისმთავართან გაგზავნა, შურტებმა ჰაჯიჯ იბნ-ალ ბაბაქთან აფრინეს კაცი.

ერისმთავარს ზარი დაეცა, ვერ გაეგო ვერასგზით, თუ რატომ მოითხოვდა საბანისძე შეპყრობას, კიდეც რაღაც საშინელებას მიმზადებენო, იფიქრა, მიქაელი იხმო საიდუმლოდ, გაანლო მამამისის საკვირ-

ველი საქციელი. არავის უთხრა, იქნებ ჩავაჩუმოვო, — უჩურჩულა და სადილეგოსკენ გასწია.

სტეფანოზი და მიქაელი ერთად მივიდნენ სადილეგოში, მასწავლებელი ანესთან ერისმთავარი შევიდა. მიქაელმა ვერ გაბედა მამას დაეხატა და.

ბნელ დილეგში სინათლე ღია კარიდან შედიოდა, კარიც საღორესებურად შეებათ საპყრობილისათვის, წელში მოხრილი უნდა შესულიყო ადამიანი. ერისმთავარი შედრკა, დილეგში შესვლა არ შეეფერებოდა მის დიდებულებას. წელში მოხრილმა შეიხედა შიგნით, არაფერი ჩანდა. ერისმთავარს უკან მოსდევდა მედილეგეთუფროსიც. სადილეგოს შურტათუცროსიც. ერისმთავარმა მათ მოხედა.

— შებრძანდით, იქ არისო, — უჩურჩულეს მხლებლებმა. ერისმთავარმა ერთხელაც დაღუნა თავი და დილეგში ჩავიდა. სინათლეში დადგა და სიბნელეში მყოფ იოანეს თვალით დაუწყო ძებნა.

— იოანე! — დაუძახა ხმადაბლა.

— კეთილი იყოს თქვენი მობრძანება, ერისმთავარო, — სიბნელიდან მოესალმა იოანე, ერისმთავარმა დაინახა, თუ როგორ წამოდგა ფეხზე მოძღვარი. „იჯდა, — გაუელვა თავში სტეფანოზს, — მიწაზე იჯდა მდაბიორივით“.

— წავიდეთ, იოანე, მე ყველაფერს მივხვდი, წავიდეთ!.. — დაუყვავა შორიდანვე ერისმთავარმა, — იქ ვისაუბროთ, სასახლეში...

— უბრძანეთ, უფალო, ბორკილები მოიტანონ! — შეაწყვეტინა ცივად იოანემ.

ერისმთავარი დაფრთხა. „უარს მეუბნება“, — გაუელვა თავში და კილო გამოიცვალა.

— გთხოვთ, წავიდეთ სასახლეში, ვიდრე საამიროში გაიგებენ!.. — ჩურჩულით უთხრა სტეფანოზმა.

— ვერ წამოვალ... უბრძანეთ, მოიტანონ ბორკილები!

— კარგი, მაშინ... — შეყოყმანდა ერისმთავარი, მიიხედ-მოიხედა რატომღაც, დილეგში ჩასასვლელ კიბეზე მოღურილებლად დაჯდა, — ის მაინც მიბრძანეთ, რატომ ისწრაფით ბორკილების დადებას?

— დამნაშავე ვარ, — ჰირდაპირ დაიწყო საბანისქემ — ვერც მონაზვნობამ მიშველა და ვერც ჩემმა უფალმა იესო მაცხოვარმა. ვერ შეეგუე მძლავრობას ზედამდგომელთა.

— მოძღვარო, — შეაჩერა ერისმთავარმა იოანე, — თქვენ ცოდვილი ყოფილხართ და არა დამნაშავე, საყდარში უნდა მიბრძანდეთ, განა ჩემგან გესწავლებათ; — ერისმთავარს გაუხარდა, გამოსავალი ვიპოვეო — გაიფიქრა.

— არა, ჩემო ხელმწიფე, სულიერო შვილო ჩემო, ცოდვილი ის გახლავთ, ვინც ღვთის ნებას არ ასრულებს. მე როცა ზედამდგომელთა წინააღმდეგ ბრძოლა მწადიან — ეს ღვთის ნება გახლავთ. ~~დედოფანებს~~ აღსრულებას კი თქვენი კანონი მიკრძალავს. მე თქვენი ~~კანონის~~ ~~მტყუნი~~ ღვევა მიდევს გუნებაში და არა ღვთისა.

— განა ამისათვის დილეგში ჩაჯდომა ერთადერთი გამოსავალია?

— ერთადერთი გახლავთ... — უცებ ხმა გაუტყდა ბერიკაცს, სიბნელიდან გამოვიდა, ერისმთავარს თაყვანი სცა, და შეევედრა, — გემუდარებით, უბრძანეთ ჩემი შეპყრობა, მე ხომ თქვენთვის არაფერი მითხოვია!.. დღის სინათლის ხილვა არ მსურს, მონათა შორის სიცოცხლეს სიკვდილი მიჯობს! სიკვდილის ნებას კი ჩემი უფალი არ მაძლევს... ნუთუ მაინც ვერ მიხვდით, ჩემს გულში რა ცეცხლი ტრიალებს! სად არის იმედი და სასოება, ქართლისა პატრონო! პატიოსანმა კაცმა თვალი ვით გაახილოს!.. — ხმას ოდნავ აუწია იოანემ და ულონოდ თავი ჩაკიდა.

საბანისძე მოსული ტანის კაცი იყო, ფართო შუბლითა და ძლიერი სახის ნაკვეთებით ყურადღებას იქცევდა. ერთხელ მნახველს მისი სახე არასოდეს დაავიწყდებოდა. დაბალი, გუგუნა ბარიტონი ამოსდიოდა პირიდან, რაც კიდეც უფრო ამშვენებდა მის პიროვნებას. პატიოსანმა კაცმა თვალი ვით გაახილოსო, როცა თქვა, მას მხარბეჭი შეუტოვდა, თავჩარგული იდგა ჩოქზე, პირისახე არ მოუჩანდა, — გაბურღულ თმაწვერს დაეფარა, მხრები უთრთოდა მხოლოდ. ერისმთავარმა ბერიკაცი წამოაყენა:

— აღამიანს საყრობილეში აგდებენ რწმენისათვის! მე, იმ პყრობილის აღმზრდელს, სულიერ მოძღვარს მისას, უფლება არა მაქვს წინ აღვუდგე ზედამდგომელთა თავგასულობას!..

— ისევ აბო! — შესძახა სტეფანოზმა და კვლავ ჩამოჯდა დილეგის კიბეზე, სასოწარკვეთილმა თავზე ხელები შემოიწყო და გმინვასავით აღმოხდა — ვიცოდი, რომ ისევ აბოსთან მივიდოდით!

— დიახ, საყვარელო შვილო ჩემო, ისევ აბოსთან უნდა მივიდეთ, მაგრამ ამჯერად თქვენ არაფერსა გთხოვთ. მე თვითონ ვიცი, რაც მევალება!.. თუ თქვენ ჩემი შეპყრობის ბრძანების ნება არა გაქვთ, სთხოვეთ ამირას, რომ შემპყრონ და აბოსთან ერთად მეც განმსაჯონ.

— თხოვნა არ დამპირდება, როგორც კი თქვენს საქციელს გაიგებენ, მაშინვე ამ კარს რკინის ურდულს დაადებენ... მიქაელი გარეთ გელოდებათ... — მიაკერა უადგილოდ ერისმთავარმა.

— არა უშავს, დაძელოდოს... — მიუგო ცივად იოანემაც, თითქოს  
ელოდაო მიქაელის ხსენებას.

— სხვისთვის თავს სწირავთ და საკუთარი შვილი აღარ  
ხსოვთ?..

სტეფანოზი უკანასკნელ ფანდს სცდიდა, უკანასკნელ მახეს უგებ-  
და იოანეს.

— განა შვილზე უფრო გიყვართ გადამთიელი აბო?.. ერთხელ  
მაინც დაინდეთ საკუთარი შვილი, იზრუნეთ მის მომავალზე, რაკი  
თავის გაწირვა გეადვილებათ, შვილისთვის გასწირეთ თავი...

— ჩემო კეთილო, — ჩაიცინა მოულოდნელად იოანემ, წავიდა  
და კვლავ სიბნელეში დადგა, — მე თავს ვწირავ სწორედ შვილის-  
თვის... შენთვის, ჩემთვის...

ერთ არაკს მოგახსენებ, იქნებ ამ არაკით მოვფინო ნათელი ჩემს  
ნააზრევს.

ერთი დათვი რკინის გალიაში ემწყვდია. მშვიერ-მწყურვალი იყო,  
მაგრამ ხმას არ იღებდა, თათებზე ედო თავი და ეძინა. რკინის კედ-  
ლებს მაინც ვერ გავანგრევო, ფიქრობდა. შეგუებოდა ტყვეობას,  
ღლეც ეძინა და ღამეც. ერთი კეთილი კაცი იყო, შეეცოდა დათვი და  
გალიის კარი გაუღო, დათვი მაინც არ იძვროდა, იმედი არ ჰქონდა  
თავისუფლებისა, მაშინ კეთილმა კაცმა გაღვიძება დაუწყო, დათვმა  
გაიღვიძა, გამოიჭრა გალიიდან და პირველად ის კეთილი კაცი დაგ-  
ლიჯა. წავიდა ტყეში და ძველებურად დაიწყო დათვობა. ეგრეთვე  
მე და აბომ უნდა გავაღვიძოთ დაძინებული ქართველი. გაღვიძებუ-  
ლი ადამიანი, როგორც გაღვიძებული მხეცი, პირველად საშიშია. შე-  
საძლოა, იმ კეთილი კაცის ბედი გვერგოს ორთავეს, მაგრამ გაღვიძე-  
ბული იმ დათვისა და დათვობისა არ იყოს, ბოლოს და ბოლოს მაინც  
დაიწყებს ადამიანობას, ჩვენც მეტი არა გვინდა რა...

სტეფანოზი გაბრუებული იჯდა დილეგის კიბეზე, არც არაკი მო-  
უსმენია და არც მისი აზრი გაუგია. სულ იმას ფიქრობდა, რა ეთქვა  
ამირასთან. საკვირველი და აღუხსნელი მაინცდამაინც ჩემს სამთავ-  
როში უნდა მოხდესო, ფიქრობდა. არაბი აბოს გულისთვის ქართველი  
ბერი შეპყრობას და დილეგში ჩაგდებას რისთვის მოითხოვსო, არ  
იკითხავდა ახალი ამირა? რარიგ აეხსნა, რა პასუხი მიეგო ერისმთა-  
ვარს?

— რა ვუთხრა ამირას! — ამოიკენესა ერისმთავარმა და საწყალო-  
ბელი თვალებით მიაჩერდა მონაზონს.

— უთხარით, რომ შემიპყრონ, როგორც აბოს აღმზრდელი.

იოანე მიწაზე დაჯდა მდაბიორივით, სიბნელემ მისი დიდი, თლილი სხეული დააპატარავა, კუთხეში მიგდებულებით იჯდა და გაჩუქებული ჩასცქეროდა მიწას.

ერისმთავარი დილეგიდან გავიდა, ცოცხალმკვდარი დილეგოს და მიქაელიც თან წაიყვანა. იოანემ არ ისურვა შვილთან შეხვედრა, მიქაელსაც ეშინოდა მამასთან შეხვედრის. დაჩოქილი ლოდინის შემდეგ მამა-შვილს შორის ცივი კედელი აღიმართა რიდისა. იოანე შვილსაც გაემიჯნა. რაკი მამას არ სურდა შვილის ნახვა, მიქაელს თავშეკავება მართებდა, მამამის ისეთი რამ განეზრახა, რაც შვილისთვისაც გაუგებარი იყო, აღზრდილისთვისაც და ქვეყნის პატრონისთვისაც.

ერისმთავარმა მედილეგეთ და სადილეგოს შურტებს დაუბარა, ამირას ბრძანებას დაველოდოთ, მე არაფერი შემიძლიაო.

იოანე კარლია დილეგში დატოვეს, ეგებ მოეგუნებოს და გამოვიდესო.

### მესამე ლაშე. წყალი

„წყალი“... — წრიალებს დილეგში აბო. მესამე ღღეა წყალი არ დაუღვია. მოსწყურდა, მოსწყურდა, მთელი ღღე ითმინა, გუშინაც ითმენდა, აქამდე არ გასჭირვებია მოთმენა. ამ ღამით გაუჭირდა, რატომ გაუჭირდა, რატომ ვერ ითმენს, ნუთუ ხორცმა იმძღაურა! „წყალი!“ — შიგნიდან ეძახის, შიგნიდან ითხოვს ვიღაცა. მიინც რატომ არ მისცეს წყალი, იქნებ სადმე დგას კუთხეში და ვერ იპოვა. დადის, დადის კუთხე-კუთხე, ეძებს, დაფათურობს ბორკილების ქღარუნით, არ ჩანს, არსად არ არის წყალი. რატომ არ არის? — ეგებ წყურვილით სიკვდილი გადაუწყვიტეს. თუმცა... წყალი იქაც არ იყო... — გაახსენდა მახრჩობელა დილეგი: იქ არ მოწყურებია. რომ მოსწყურებოდა, კედლებს გალოკავდა, წყალი მოჟონავდა. აქ წვეთი არ ჟონავს არსად. კედლებზე აფათურებს ხელებს, აფათურებს გულდინჯად, საქმიანად. ჟამიდანჟამად ბორკილი ქღარუნებს, ხელების თითები კი გაშმაგებით დაეძებენ წყალს. არა, არსად არ წვეთავს, არსად არ ჟონავს. პირი უშრება, ენა უხმება, ყელი უხმება. ხმობა ტუჩებიდან ეწყება და ყელში გადადის, ყელიდან გულ-ღვიძლს მოედება, იქიდან მთელ სხეულს და როგორც კლდის თავზე მდგარი ხე ხმება უწყლოდ, აბოს სხეულიც ხმება წყვდიადში. „წყალი... წყალი... წყალი“... — გუგუნებენ ყრმის სასმენელნი, „წყალი... წყალი... წყალი“... — ჩურჩუ-

ლებენ კედლები. წყალი კი კარიდან უნდა შემოვიდეს. კარი დღეს რკინის ურდულები ადევს და რკინისავით გაქვავებულია, მედილეგეს ეშინია, კარს არ ადებს. ამ დილით აბოს ყვირილს: „წყალი! წყალი!“ — ჯერ ჯაჯღანით უპასუხა, როცა პერობილმა ვერ შეიძინა, მედილეგეთუფროსი ახმობინა, მედილეგეთუფროსმა არგნით ცემა ბრძანა. მედილივე შემოვიდა, ორი ჯალათი შემოჰყვა, წამოაქციეს და სცემეს. „ხომ გეუბნებოდი, გაჩუმდი-მეთქი“, — ბურტყუნებდა მედილეგი, თან არგანს დანდობილად სცემდა. აბოს აზრით მედილეგი კეთილი კაცი უნდა ყოფილიყო, ჯალათები სცემდნენ დაუნდობლად, მედილეგი კი ჯოხს უცაცუნებდა. „აქ დილეგია, ჩემო ძმაო, პურის საჭმელად კი არ მოუწვევიხართ, უნდა მოითმინო... არ მოითმენ? — შენს თავს დააბრალო“ — თავს იმართლებდა მედილეგი. აბოს ყურში ჩაესმოდა იმ მედილეგის გაბზარული ხმა, ამ ხმის იმედი ჰქონდა, ეს ხმა წყალს მოუტანდა. ნაცემ-ნაგვემს ფერდები სტკიოდა, ზურგი და საჯდომი ეწვოდა, მაგრამ „წყალი“ მაინც საბედისწეროდ აკვიატებოდა. რომ მოეკლათ ცემით, წყალი როგორმე უნდა დაეღია. სად, როგორ, რა გზით. რა ხერხით უნდა ეშოვა წყალი? — შუალამეს ელოდებოდა. ღამით, როცა უფროსები შინ გაიკრიფებოდნენ, გააღვიძებდა მედილეგეს და წყალს თხოვდა. ითმენდა, ითმენდა, სული კბილებით ეკირა. „წყალი!“ — გუგუნებდა დილეგი, თითქოს უდაბნოში იყო, ერთი წვეთი წყალი არ იშოვებოდა ქვეყანაზე. ავად ხომ არ იყო? თავქედი ხომ არ შეეყარა? ციებ-ცხელებამ შეიპყრო?.. გულღვიძლი ეწვოდა, შიგ ყიაში ესხა მდულარე და შიგანს ის უზრუკავდა, შიგნის ცეცხლი მოსდებოდა ყელსა და პირ-ბაგეს, ეს ცეცხლი უხმობდა ყელს, უშრობდა პირს და წყალს თხოვდა. წყალი კი წყვდიადში მიჩხრიალებდა, მიჩხრიალებდა, მიშრიალებდა უხვ ნაკადად, თეთრ ჩქერებად, აბო თეთრ ჩქერებს მისდევდა, მაგრამ ვერ ეწვოდა, როგორც სიზმარში, ადგილზე გარბოდა, წინ, წყლის ჩქერებისაკენ ველარ მიჰქონდა სხეული.

„წყალი! წყალი!“ — თხოვდა გვამის ყოველი ასო. „წყურვილით უნდათ გამტეხონ“, — გაუელვა უცებ თავში. „იციან, რომ ქრისტიანს შიმშილით ვერას დააკლებენ, წყურვილი მომისაჯეს“.

წამოდგა ჯაჭვების ქლარუნით. იწყო ნელი სვლა სიბნელეში წინ და უკან. რკინის მღერას მიუგდო გულისყური და წყვდიადში ჩქრიალით მომავალ წყლის ნაკადს თვალი მოსწყვიტა. მიდის და მოდის, მიდის და მოდის... დრო კი თითქოს გაქვავდა, აღარ იძვრის, „წყალი!“ — გაიძახის დროც და ერთ ადგილას დგას. როდემდე, როდემდე იბრძოლებს



ასე, როდემდე დათრგუნავს შიმშილს, წყურვილს, სიცოცხლს, ტყვეობას, ავადობას...

გარეთ ალბათ თოვლი დევს, ცივა. დილეგშიც ცივა, მარტო უკმაყოფილოა, გარდა წყურვილისა, არაფერი აწუხებს, წყურვილმა სიძველეს დასძინებდა. ცემისაგან დაღურჩებული ფერდების ტკივილიც, შიმშილისგან დაბრუნებული მუცლის გერემაც და მთლიანად დაეუფლა გვამს. როგორც ნაღვერდული თევზი, უცებ გაღვივდა და კოცონივით აბრიალდა. აბრიალდა, აგუზგუზდა მინავლური წყურვილი სიცოცხლისა, დაეინებით, ისეთივე ვნებით, როგორც მარტვილობდა, წყალი მოითხოვა.

როგორ მიილტვოდა სიკვდილისაკენ! სიცოცხლე არად მიაჩნდა, ოღონდ ადამიანური ღირსება გადაერჩინა, არ ეღალატა რწმენისათვის, არ ეღალატა თავისი ღმერთისათვის. ვერც ამირა, ვერც ერისმთავარი, ვერც ქრისტეს მესაფი, ვერც მუსლიმი წინ ვერ გადაუდგა, ერთხელ არჩეული გზიდან ვერავინ გადაახვევინა და წყალი კი... უბრალო წყალი, ვით წყლისფერი ეშმაკი, უხიაგად წინ გადაეღობა. „წყალი!“ — უწოდდა სასმენელი და კვლავ წყვდიადში დაეძებდა ხსნას. როგორ დაეთმინა, რა ეღონა, წყვდიადს უნდა გაეცა პასუხი, მაგრამ წყვდიადიც ღალატობდა, — წყვდიადში მძლავრ, თეთრ ჩქერებად მოედინებოდა წყლის ნაკადი და მარტვილს უფრო აწყურებდა. რატომ სწყუროდა ასე გაშმაგებით, რატომ ვერ იოკებდა წყურვილს? წყურვოდა და რა ექნა, ვერ უარყოფდა იმას, რაც სჭირდა. ალბათ ესეც განგების ნება იყო. ჩანს, სიკვდილისაკენ სიცოცხლისათვის ილტვოდა. სიკვდილის დათრგუნვაც სიცოცხლისათვის ეწადა.

ფეხაკრეფით წავიდა კარისაკენ. „დროა“, გაიფიქრა კართან. ფრთხილად დააკაკუნა, მარტო მედილეგეს უნდა გაეგო. თანდათან მოუმატა რაჯგუნს. ჭერ ხველება მოისმა შორიდან, შემდეგ ფეხის ხმა. გაიტრუნა, ყური მიუგდო ფეხის ხმას. კარს მიღმა მედილეგის ფრატუნ-ფრატუნი ახლა საამოდ ეჩვენებოდა.

ფეხისხმა მიწყდა. „მოადგა კარს... — გაიფიქრა აბომ, — ახლა გაიღებს“...

— რა იყო?.. — დაიხრიწინა მედილეგემ.

„ალარ გააღო“, — გული დაწყდა, დილეგიდან ძნელი იყო გულქვა ადამიანის დარწმუნება.

— მამაჩემს გავხართ!.. — აღმოხდა აბოს გულთბილი სიტყვები. — გესმით? — თქვენ მამაჩემს გავხართ!.. — უფრო ხმამაღლა დაუძახა.

— ამისთვის გამაღვიძე?.. — გააუბნებელი ხმა იყო. — არგანი მოგენატრა?..

— ხმით გავხართ მამაჩემს! გეფიცებით, სიმართლეს გეუბნებით!  
მამაჩემი მედილეგა...

— გავაღვიძო ჩალათებიც! — უფრო მკაცრად დაიღრინა მამაჩემი.  
გემ.

— შვილი გყავთ? არ წახვიდეთ, გემუდარებით, არ წახვიდეთ! მი-  
პასუხეთ, გყავთ თუ არა შვილი?..

— მაგ სიტყვებით გულს ვერ მომიღობ, იცოდე!.. ოცი წელია  
ჩემს საქმეს პატიოსნად ვემსახურები!..

— იმიტომაც დაგიძახეთ, მივხვდი, რომ პატიოსანი კაცი ბრძან-  
დებით...

— რა გინდა, კარს ვერ გავაღებ. მორჩა. ვთქვი და გადავჭერი!

— წყალი... — ხმის კანკალით უთხრა აბომ. თითქმის ყოველი ბგე-  
რა ცალ-ცალკე წარმოთქვა, — წყ ა ლ ი. — იმდენი სიყვარული, იმდენი  
ვედრება, იმდენი ტანჯვა ჩააქსოვა ამ ერთ სიტყვაში, მედილეგეს მო-  
ეჩვენა, რომ კარი თავისით გაიხსნა, აბოსაც ეგონა, რომ რკინის კარი  
გაღლვა და პირველი სხივი ურთიერთგაგებისა რკინაში გაძვრა.

— ვიხრჩობი, ბატონო... ალაპი მაინც არ გწამთ?! — დაადევნა იმ  
ობოლ სხივს აბომ. დუმილი ჩამოწვა დილეგშიც და დილეგს გარე-  
თაც. აბოს იმედი მოეცა, — მედილეგე ფიქრობდა. რაკი ფიქრი გაბედა,  
რაკი სხვათა სიტყვები გულთან მიიტანა, ეგებ სიკეთის ქმნის სურვი-  
ლიც დაბადებოდა.

— სამი შვილი მყავს! — ამოიოხრა მედილეგემ. — იმიტომაც არ  
მომაქვს წყალი, ლუკმა პურს დაგკარგავ... ნუთუ შენ ეს არ გესმის?! —  
მედილეგემ წყლის ნაცვლად საყვედური და მუქარა ერთად შეუღდო  
დილეგში აბოს და ჩქარი ნაბიჯით გაეცალა იქაურობას.

— ამას ვერაფერს გაიგებს! — სასოწარკვეთით დაადევნა აბომ უკან,  
მავრამ მედილეგე აღარ მობრუნებულა.

მწყურვალი, მშვიერი, ნაცემ-ნაგვემი აბო, როცა უკანასკნელი სა-  
სოებაც გამოეცალა და ფეხისხმაც მიწყდა, დაემხო მიწაზე და ბავ-  
შვივით ატირდა. დიდხანს ტიროდა, ცრემლით გული მოიოხა, აბორგე-  
ბული სული ჩაიწყნარა და კვლავ წყვედიადში ჩაიძირა: არ მიიკარა,  
არ შეუშვა წყვედიადმა თავის წიაღში. „წყალი!“ — ჩაესმოდა წყვედიად-  
შიც და თხლიშინით მოვარდებოდა დიდი ნაკადი. აბო კი, როგორც  
სიხმარში, ადგილზე გარბოდა, წინ. წყლის ნაკადამდი ვერ მიჰქონდა  
გაწამებული სხეული.

ისევ მედილეგეს უნდა ეხსნა. თუ ამ საღამოს ერთ ყლუპ წყალს  
დალევედა, ხვალ უკეთ შეებრძოლებოდა ბაბაქისა და ამირას კაცებს.

უწყლოდ კი, როგორც ნაპირზე ამოგდებულ თევზს, ამ სალამოს თუ არა, ხვალ გაძვრებოდა სული. დღისით მედილეგენი ახლოს არ მიიკარებდნენ, ამ სალამოს უნდა მოეჩადოვებინა მედილეგენის წყვილი ეშოვა.

„ყაყებებს მივცემ, — უცებ გადაწყვიტა. ჩაფიქრდა, დააკვირდა თავისთავს, — ცოდვას ხომ არ ჩავდივარ? — დაეჭვდა. — გასამრჩელოს ვაძლევ“, — გაიმართლა თავი და შებორკილი ხელების ფათურ-ფათურით შეატყუა ყაყებები. ცალი ხელით მარჯვედ აიღო და ამჯერად უფრო თამამად მიადგა დილეგის კარს. მთელი ძალით აუტეხა ჭაჭგურჩი. აჯაჯგურა, აჯაჯგურა და გაილურსა, მედილეგის ფეხის ხმას უგდებდა ყურს. მედილეგემაც აღარ დააყოვნა, მოვიდა, მაგრამ ვაი ამისთანა მოსვლას. იგინებოდა, ილანძლებოდა, იმუქრებოდა, ცოფს ჰყრიდა პირიდან.

— ეშმაკი შეგაჯდა არა მხარზე? სიკვდილის ანგელოზი გესტუმრა და აღარ გაძინებს!.. საიქიოში წასვლა გეჩქარება? მოვიტან კაცებელატს\* და ჩაგაყუდებ, შენისთანები ჩამიწვენია!..

— კეთილო კაცო, ყაყაბს მოგცემ...—უთხრა აბომ კვლავ ვედრების კილოთი—ნამდვილი არაბული ყაყაბია ხარის ტყავისა...

— ყაყაბს? — ჩაფიქრდა მედილეგე.

— ჰო, ყაყაბს ხარის ტყავისას, მსუბუქია ვითარცა ბუმბული და გამძლეა ვითარცა ქვა...

მედილეგემ რკინის ურდული გამოსწია. როგორც ცის გახსნა, დილეგის კარი გაიღო და ზღურბლზე მხსნელი გამოჩნდა სანთლით ხელში. აბოს სინათლემ თვალი მოჭრა, შებორკილი ხელები ყაყებებიანად აიფარა. მედილეგემ თავი შემოჰყო დილეგში და აბოს ყაყებები გამოსტაცა. გამოსტაცა და კარიც ცხვირწინ მიუხურა. აბოს იმედი მოეცა, სიხარულმა მოიცვა სულ ერთიანად და მედილეგეს მიაძახა:

— დოქით მოიტანე! დოქით!..

ფეხის ხმა მიწყდა. აბო კართან დადგა, ზედ მიაღო ყური რკინას და მედილეგეს დაელოდა. ახლა კი ჟამი გაგრძელდა, გაიწელა, ოცნებაც გაუმარტივდა და წყვედიადშიც, გარდა წყლისა, არაფერს ხედავდა. ააქლარუნა ბორკილები, ბოლთის ცემას მოჰყვა, ნაბიჯებს ითვლიდა... დაჯდა უეცრად მიწაზე. წამოდგა ისევ, მიაღო კვლავ ყური რკინის კარს და გაიტრუნა.

კაცებელატი — „ქუოქულია, კაცს შთასდებებს და განხერხვენ“ (საბა).



გრიგოლ და მიქაელისავენ გაიხედა. ისინი მოძღვარმა საოსტოვანოდან გაიყვანა. „შეუმცდარად აკრიფეს“, — გაიფიქრა აბომ. ფეტვის მარცვლებმა უთხრეს მაშინ, რომ მოთმენაც უნდა ესწავლა ~~არა~~ თითქოს ასწავლა კიდევ იოანემ. ალბათ ამ დღისთვის ~~მეფე~~ — მამაო იოანე! — შესძახა წყვილადს აბომ. — შევცოდე?.. მიტხარით ღვთის გულისათვის, შევცოდე?..

მოულოდნელად რკინის ურდულმა გაირაჯუნა. აბო ფეხზე წამოიქრა ბორკილების ქლარუნით, არ მოელოდა კარის გაღებას. ვინ უნდა ყოფილიყო?.. „გათენდა ალბათ და შურტებთან მივყავართ“. არა!.. გაიჭრიალა რკინის კარმა და ზღურბლზე სანათით ხელში მედილეგე გამოჩნდა.

— ჰა! — თქვა მან და აბოს დოქი გაუწოდა, — ახლავე დალიე, დოქი უნდა წავიღო!

აბო გაშმაგებით დააცხრა დოქს. პირდაპირ ისხამდა ხახაში და თვალბგადმოკარკლული ყლაპავდა. როცა გული იჭერა, დოქის ტუჩს პირი მოსწყვიტა და მედილეგეს უთხრა:

— ღმერთი გადავიხდის...

— ჩქარა! — შეუღრინა მედილეგემ. — მომეცი დოქი, დაგვინახავენ. აბომ ერთხელაც მოიყუდა, სამარესავით გაჩუმებულ სადილეგოში დიდხანს გაისმოდა დოქის ყელის რაკრაკი. როგორც იქნა, მოიკლა წყურვილი პყრობილმა და მედილეგეს დოქი გაუწოდა.

— კეთილო კაცო, სახელი მაინც მითხარი შენი... თხოვა აბომ.

— რად გინდა ჩემი სახელი!

— უნდა ვილოცო შენთვის...

— ხოსრო აბუ იუსუფი.

— არაბი ხარ?..

— არა.

— ქართველი?

— მამაჩემი მურვანყრუს ჩამოჰყოლია აქ. წარმოშობით მგონი სპარსელები ვართ... ჰაჰაჩემი ამბობდა სომეხი სპარსელები ვართო. რაც მთავარია, მუსლიმი ვარ, ერთგული მსახური თბილისის ამირასი...

— შინ რა ენაზე ლაპარაკობთ?..

— არაბულად, სპარსული მამაჩემმაც არ იცოდა. მედინაში დაბადებულა და გაზრდილა.

— მეგონა, არაბი იყავი და წყალი იმიტომ მომიტანე... — უთხრა გაოცებულმა აბომ.

— რომ მოკვდე, უარესია ჩემთვის... — ჩაიბუზღუნა მედილი  
გემ,— დაიწყებენ გამოძიებას. რატომ მოკვდა... როდის მოკვდა, როგორ  
მოკვდა... შურტები სულს ამომამძრობენ. დილით გამოვიცვლები,  
სხვა მედილივე მოვა და იმასთან გინდა მოკვდი და გინდა <sup>დამხრჩვენი</sup>  
ჭე... — ჩაიცინა.

— ეს ყაყბები წაილე...

— არ მინდა ყაყბები. გარეთ თოვს... ფეხშიშველა ცივ მიწაზე  
გაიყინები. განა უგულო ვარ, მედილეგე რომ ვარ იმიტომ?... — ეწყინა  
მედილეგეს, — მართალია ბაბაქი, თქვენი დანდობა არ შეიძლება!..


კარი გაბრაზებით მიახეტქა და ზედ ურდულები გაუყარა. „რამ-  
დენი მალაყბა“, — შემოესმა აბოს კარს იქიდან.

როცა მედილეგის ფეხის ხმა მიწყდა და დუმილი ჩამოწვა სა-  
პყრობილეში, აბომ გაიფიქრა: „ღმერთმა ჩემი ლოცვა-ვედრება შეის-  
მინა“. სული იმედით და რწმენით აევსო. ილოცა ხოსრო აბუ იუსუ-  
ფის სულისათვის. ევედრა ღმერთს ცოდვათა მიტეგება.

იოანეს საქციელმა მთელი საამირო შეძრა. სასახლეში კაცი არ  
დარჩენილა, ჩუმ-ჩუმად არ გამოეკითხა საკვირველი ბერის ამბავი.

ჰაჯიჯ იბნ-ალ-ბაბაქი ცოფშეყრილი დარბოდა წინ და უკან, ხან  
შეპყრობის ბრძანება გასცა, ხანაც აღვილზე მოკვლისა, ხანაც საჯა-  
როდ წამებისა, მაგრამ ამირას დასტური ვერ მიიღო. ამირა უფრო  
შორს იყურებოდა, ვიდრე შურტათმთავარი. იოანეს დასჯა კეთილ  
ნაყოფს არ გამოიღებდა. ქართველი ბერი თავს დებდა არაბი ყმაწვი-  
ლისათვის. იშვიათი შემთხვევა იყო. ხალიფატის ისტორიას არ ახ-  
სოვდა, ვინმეს უცხოტომელისათვის თავი გაეწირა. ისე როგორც  
აბოს მოქცევა იყო გაუგონარი ამბავი, იოანეს საქციელმაც შიშის ზა-  
რი დასცა ქართლის მბრძანებელთ.

არაბიელისათვის ქართველი დებდა თავს. განა არაბებს უნდა  
დაესაჯათ მათთვის თავდადებული ადამიანი? ჯოჯოხეთურად გადაბ-  
მოლა ერთმანეთს სიავე და სიკეთე. ამირას უჭირდა გამო-  
სავლის პოვნა, მაგრამ მტკიცედ სწამდა: თუ იოანეს თავს მოჰკვეთ-  
დნენ, ხალხი მას წმინდანად შერაცხავდა. წმინდანთა მომრავლებისა  
თვითონ ხალიფას ეშინოდა. წმინდანი მის გარშემო იკრებდა მაჰმა-  
დის მტრებს. წმინდანის გაჩენა ხალიფატის მტრების გაჩენას უდრი-  
და. ხალიფა მკაცრად სჯიდა ყველას, ვინც ვერ აღკვეთდა თავის  
სამბრძანებლოში მოწამეთა მომრავლებას. ამირას ბაღდადის ეშინო-  
და, თორემ ამდენ ხანს აბოსაც და იოანესაც თავს წააცლიდა და



მოსვენებდა. ჰაჯიჯ იბნ-ალ ბაბაქი ამირას არწმუნებდა, იოანეს  
თავი ჩუმად მოვკვეთოთ, ამას არავინ გაიგებსო. ამირა, კერძო  
ენდობოდა. იცოდა, რომ სწორედ ბაბაქი შეატყობინებდა ჩოლოყეუ  
ახალი ამირა წინდაუხედავად იქცევა, უდანაშაულო ქართველებს  
თავს სჭრის, საამიროს თქვენს წინააღმდეგ ამხედრებსო.

ალი ჰასანის მტკიცე მოთხოვნა იყო, შურტებს უფრო გონივრუ-  
ლად და დამარწმუნებლად ემუშავათ, რაღაც არ უნდა დასჯდომოდათ,  
აბო მაჰმადის სჯულზე მიექციათ, იოანე კი პანღურის კვრით გამოეგ-  
დოთ სადილეგოდან.

როცა ამირამ თავისი გადაწყვეტილება ბაბაქს გააცნო, შურტათ-  
მთავარმა გაიკვირვა: ასეთი თავხედობა ვილაც ბერს როგორ ეპატი-  
ოსო.

— არამზადა ბერმა არამცთუ ჩვენ გამოგვჭრა ყელი, მე და  
თქვენ, თვით უძლეველ ხალიფატს ჩასცა ლახვარი. ვერც ერთი  
მუსლიმი ამას ვერ მოითმენს! — ბორგავდა შურტათმთავარი.

— რას ვიზამთ, ჩვენი ბრალია, რაც მოხდა, — უთხრა ალი ჰასანმა  
მუქარის კილოთი ჰაჯიჯ იბნ-ალ-ბაბაქს, — კერძოდ, თქვენი!.. და  
თქვენი მუშაკების... როგორც კი გაიგეთ აბოს მოქცევის ამბავი, იმ  
წამს უნდა გაგეჭროთ ის ბიჭი. რაკი საქმე აქამდე მიიყვანეთ. ახლა  
აღშფოთება დაგვიანებულა. ფრთხილი და ჭკვიანური მოქმედება  
გემართებს. ყური კარგად დამიგდეთ, ხალიფას სახელით გელაპარა-  
კებით. დღეს ქართლში ცეცხლის ორი კერა აპირებს გაჩაღებას: აბო  
და იოანე. ორივე უნდა ჩავაქროთ ისე, რომ არავინ გაიგოს. იოანე  
უნდა დავაბრუნოთ მონასტერში. აბო თავის სჯულზე მოვაქციოთ.  
იმოქმედეთ!..

დაუჯერებელი რამ ზღებოდა, ეს ყმაწვილი კაცი ხომ თავის ჭკუა-  
ზე მართავდა საამიროს, ჯამაათსაც არაფერს ეკითხებოდა, თვით  
ბაბაქსაც პატარა ბიჭივით დაარბენინებდა. ჰქონდა კი ამდენის უფლე-  
ბა? ალი ჰასანი ხალიფას სახელით მოქმედებდა, ბაბაქი ვიდრე არ  
შეამოწმებდა ხალიფასა და ალი ჰასანს შორის გადებულ ხილს, მა-  
ნამდღე უნდა ეთმინა და ალი ჰასანის ბრძანებები უნდა შეესრულები-  
ნა, ამას მოითხოვდა წესი და რიგი, ყურანიცა და შარიათიც.

ახალმა ამირამ ბაბაქის ყოვლისშემძლეობას წყალი შეუყენა.  
თვითონ შურტები შეიპყრო შიშმა, ვაითუ ბაღდადმა ახალი შურტათ-  
მთავარი გამოგზავნონო. რაკი ალი ჰასანმა ბაბაქი მოთოკა, სხვა ვერც  
ვერავინ გაუბედავდა ურჩობას.

თუ ამირა სიიდასთან ბაბაქს განუსაზღვრელი უფლებები ჰქონდა,

ალი ჰასანმა თვით აიღო ხელში ეს უფლებები. ბაბაქი ბევრს გცადო, მაგრამ ახალ ხალიფასთან კავშირი ვერ დაამყარა. შენ შენი უფროსი გყავს და იმას მიმართეო. ბაბაქი ხალიფატის შურტათმთავართა მთავართა ვარს დღე და ღამ უგზავნიდა ალი ჰასანის სამხილებს, მთავართა შურტათმთავართა მთავარი აბარტყუნებდა ყურებს. დღესავით ნათელი იყო, რომ ხალიფა ალი ჰასანს წყალობდა, ეს იცოდნენ ბაღდადში და ბაბაქის სამხილებს არად ავდებდნენ.

სხვა გზა არ იყო. ბაბაქი ბედს უნდა შერიგებოდა, ძველი პატივი და დიდება დაევიწყებინა და ამირას ყურმოჭრილ მონად ქვეულიყო. გამოხდებოდა ხანი და ძალაუფლებას დაიბრუნებდა, გამოცდილებით იცოდა, დრონი მეფობდნენ და არა მეფენი. ადგა და თვითონ წავიდა სადილეგოში, იოანეს გამოძევებას პირადად უხელმძღვანელა.

შელამებისას შურტები და ჯალათები ჩაქურ შეცვიდნენ იოანესთან. დილეგის ერთ კუთხეში მიწაზე მჭდარ ბერიკაცს თავზე დაახტნენ. ხელები უკან გადაუგრიბეს, თოკით მაგრად შეუჯრეს. თავზე შავი პირსაბურთი ჩამოაცვეს, ჯიკავ-ჯიკავით გამოაგდეს დილეგიდან, თავისი თეთრი ჯორი მოჰკვარეს, ზედ შესვეს და მცხეთის გზას გაუყენეს. იოანეს ეგონა, რომ შეიპყრეს და საპყრობილეში მიჰყავდათ.

ჰაჯიჯ იბნ ალ-ბაბაქს იოანესთვის ზედ არ შეუხედავს, ისე გაუძღვა წინ თავის კაცებს. კულგანასკველ ბედაურზე იჭდა, ჩქარობდა, ამ ღამით უნდა აღსრულებულიყო ამირას ნება, უნდა ჩასულიყვნენ ნცხეთაში, ენახათ კათალიკოსი და პყრობილი ჩაებარებინათ. ეს „ჩაბარება“ სამუდამოდ უნდა დამახსოვრებოდა ქართველ მღვდელ-მონაზვნობას. ერთხელ და სამუდამოდ ჰკუა უნდა ესწავლებინათ მათთვის. ბაბაქმა იცოდა, რომ სამოელთან სიტყვით ვერაფერს გახდებოდა, ძალითა და დაშინებით უნდა აეღამა.

შულამე გადასული იყო, როცა საკათალიკოსოს დაესხნენ თავს. მსახურნი გათოკეს, მძინარე კათალიკოსი წამოაგდეს, საკათალიკოსოცა და საყდრებიც მის თვალწინ გაჩხრიკეს. სამოელს ემუქრებოდნენ, უდიერად ექცეოდნენ. ღვთის მსახურთ ეგონათ, რომ დადგა სწორედ აღსასრულის ჟამი, როცა მწყემსმთავარმა აღშფოთების გამოთქმა დააპირა, მას ავაზაკივით პირი აუჯრეს, ხელებზე ბორკილები დაადეს, აქეთ-იქით ამოუდგნენ და გუარამ მამისახლისის ციხე-კოშკისაკენ წაიყვანეს. იქ პალატში მარტო დატოვეს გაფენებამდე.

რიყრაქზე მასთან ჰაჯიჯ იბნ ალ-ბაბაქი შევიდა. პირაკრული და ხელებშებორკილი კათალიკოსი რომ დაინახა, აღშფოთდა. თვითონ



თავისივე ხელებით შეუხსნა პირსახვევი, ბორკილებიც თვალებს და დამნაშავე შურტების კათალიკოსის თვალწინ გაჯობა ბრძანა. სამოელი თვალსა და ყურს არ უჭერებდა. შურტები მოაქციეს ჯალათებმა და არგნით დაუწყეს ცემა.

— კათალიკოსი ხელშეუხებელია! — გაჰკიოდა ბაბაქი, — მისი შეპყრობის ბრძანება თქვენ არ გქონდათ!.. — ჯორავდა მეთაურ შურტებს და მათ სამსახურიდან გაგდებით ემუქრებოდა. გაოცებული შურტები არაბულად ბურტყუნებდნენ, აშკარა გამოდაცვბას ვერ ბედავდნენ, მხრების აჩეჩვით და თვალეებით გამოთქვამდნენ საყვედურს, უთქვენოდ ჩიტიის შეპყრობის ნება არა გვაქვს, კათალიკოსისას როგორ გავბედავდითო.

სამოელს გულწრფელად ეგონა, რომ შურტებმა უფროსების ნებართვის გარეშე ჩაიდინეს უკეთური საქციელი და ბაბაქს მადლობას უხდოდა.

ბაბაქიც თავის მხრით ებოდიშებოდა კათალიკოსს, ძველი ამბებიც გაიხსენა, ჯვრის მონასტრის აკლება ამირა საიდას გადააბრალა, თავი იმართლა. ასეთი კეთილი, სამართლიანი ბაბაქი ჯერ არავის ენახა, ალბათ ჭკუა ასწავლესო, გაიფიქრა სამოელმა. ნაცემი შურტები ნელ-ნელა გაიყვანეს პალატიდან.

დანიშნულ დროს გუარამ მცხეთის მამასახლისი შემოვიდა, იოანე საბანისძეს შემოუძღვა. იოანესთვისაც შეეხსნათ ხელები. კათალიკოსი რომ დანახა, ბერმა თავყანი სცა და ხელზე ემთხვია მწყემსმთავარს...

— შემინდეთ, მეუფეო! — შეჰლაღადა.

სამოელმა ჯვარი გადასახა.

ბაბაქმა ღვთის მსახურთა და გუარამ მამასახლისის საიდუმლოდ უთხრა:

— უკანასკნელად გაფრთხილებთ მცხეთელებს და ყველა ქართველს! ბაღდადს მისდის ცნობები, რომ აშოტ ერისთავს საიდუმლო კავშირი აქვს მცხეთასთან, კერძოდ, ქართველ მღვდელ-მონაზვნებთან. თუ ეს კავშირი დადასტურდა, იცოდეთ, ხალიფა სასტიკად იძიებს შურს. ორასათასიანი ლაშქარი მზად არის საქართველოს ასაკლებად.

„ნეტა არსებობდეს ეს კავშირი“, — გაიფიქრა სამოელმა და იოანეს გადახედა. იოანემ დააპირა რაღაცის თქმა, მაგრამ ბაბაქმა შეაჩერა:

— თუ ქართველობა ურჩობას არ მოიშლის, იცოდეთ, ახალ ხალიფას საზარელი გეგმა აქვს. ქართველობა უნდა აპყროს და სპარსეთის უღაბნოში გაასახლოს, ხოლო ქართულ მიწაზე არაბობა დაამკვიდ-

როს... — მღელვარედ, ვითომ თანაგრძნობით თქვა ბაბაქმა და წასვლა დააპირა:

— ზედამდგომელო! — მიაძახა იოანემ, — მე მოვიტხოვრებ შენს ბაბაქას, განა ეს ურჩობაა?..

— ურჩობა გახლავთ სწორედ, აბო სარკინოზია და თქვენ არავინ გკითხავთ მის დაცვას. — წამით მობრუნდა, მაგრამ თვალი მაინც კარისაკენ ეჭირა, რატომღაც ჩქარობდა.

— მზრძანებელო! — ახლა სამოელმა შეაჩერა ბაბაქი, — არ დაგავიწყდეთ, რომ აბო ჩემი მრევლია, ქართული ეკლესია მარადის დაიცავს მას.

— მე თქვენ ყველაფერი გითხარით, ისიც კი, რისი ნებაც არ მქონდა, თუ წინდახედულებას არ გამოიჩინებ, ქართული ეკლესია შეიძლება ხვალდანვე აღიგავოს პირისაგან მიწისა. მამასახლისო! — დაუცაცხანა გუარამს ბაბაქმა, — რად გაჩუმებულხართ! დაარწმუნეთ ბერიკაცები, რომ მათ ღვთისმსახურება ევალებათ და არა ხალიფატის წინააღმდეგ ბრძოლა, — განრისხდა შურტათმთავარი და მტკიცე ნაბიჯებით გაემართა კარისაკენ. ყველა კედლიდან შურტები გადმოცვივდნენ. თურმე პალატის კედლებს საგანგებო დატანებულა, შეუმჩნეველი კარები ჰქონია. კარს უკან შურტების სამალავი ყოფილა. თვით გუარამისთვისაც კი მოულოდნელი იყო მათი გამოჩენა. კედლებიდან სატანებივით მოხტოდნენ, ზოგს ხმალი ამოეწვავდა, ზოგს შუბი შეემართა. უცებ აივსო შურტებით პალატი.

თავზარდაცემული ღვთისმსახურნი გუარამს შესცქეროდნენ — ეს რა ამბავიაო. დაბნეული მამასახლისი აქეთ-იქით აცეცებდა თვალებს, იატაკიდანაც ხომ არ ამოძვრებიანო. სწორედ იატაკიც გაიხსნა რამდენიმე ადგილას და შუბოსნები იქიდანაც ამოხტნენ.

ბაბაქს უკან არც მოუხედავს. მცირე მცველი მონა-სბა ეზოშიც ელოდებოდა, სწრაფად მოართვეს კუდგამონასკეული არაბული.

გათენებულიყო. ცხენოსანი შურტებით გარშემორტყმული ბაბაქი თბილისის გზას დაადგა.

### მეოთხე ღამე, მესამე დღე. მამა

მთელი ღლის ხაწამები გულწასული ეგდო კუთხეში. ღონემიხდილი კვნესოდა. ნელ-ნელა მოდიოდა გონს. რაც უფრო ფხიზლდებოდა, მით უფრო აუტანელი იყო ტკივილი, კვნესასაც მით უფრო უმატებ-

და. არ უნდოდა გამოფხიზლება, გონწასული უკეთ გაუძლებდა ტკივილს, სიკვდილისებური ძილი, — ბურანი სანატრელი გაუხდა. იქ წყვილია და შავს არაფრობაში ყოფნა ერჩია, მაგრამ სიკვდილი აფხიზლებდა, ტკივილი არ აძლევდა წყვილიაში მშვიდად ყოფნის ნებას. „რა მტკივა?“ — ჰკითხა თავისთავს და უცებ სულ მთლად გამოვიდა ძილ-ბურანიდან. მთელი სხეული ტკიოდა. „მცემეს თუ ხორცი დამავლიჯეს!“ — ხელი გაატოკა, ალბათ ფერდების მოსასინჯად, მაშინდა გაახსენდა, რაც სჭირდა.

საზარელი წამები გაახსენდა და ისევ დაკარგა გონება. კარგა ხანს იწვა გაჩუმებული, სუნთქვაც კი შეუწეწედა, თითქოს მოკვდა... ნელ-ნელა შეირბა, კვლავ აღმოხდა უსასოო კენესა... ტკივილმა გამოაფხიზლა. საკვირველი კი იყო, ტკივილი კლავდა და ტკივილი აცოცხლებდა!..

დილიდანვე დილეგში არ მჯდარა, ხან ერთი შურტა იბარებდა და ხანაც მეორე. ყადისთანაც კი მიიყვანეს. ყველანი იოანეს ამბავს ეკითხებოდნენ. როგორ შეხვდა პირველად, სად შეხვდა და რატომ შეხვდა.

როცა სიცრუე ვერასგზით ათქმევინეს, შურტა გამოუტყდა: თქვი, რომ იოანემ შეგაცდინა და ხელს არ გახლებთო.

— სიცრუეს უფალი მიკრძალავს, — მიუგო აბომ.

— თუ შენს მოძღვარს უფროთხილდები, ნერსე ერისთავს გადააბრალებ, ნერსე ერისთავი ხომ მკვდარია!..

— მოგვეხმარე, აბო, — დაუყვავეს შურტებმა, — სიკვდილი არ აკვდება, იცოდე, თუ გაჯიუტდები. თუ ყურს დაგვიგდებ, შენთვისაც უკეთესია და ჩვენთვისაც. არ გინდა მაჰმადის სჯულზე მოიქცე? — კეთილი და პატიოსანი, ის მაინც აღიარე, რომ შეგაცდინეს. თუ აღიარებ, დღის სინათლეს იხილავ...

— თუ არ შევუცდენივართ? თუ ჭეშმარიტების გზაზე თვითონ ღმერთმა დამაყენა?..

ეს იყო და ეს. ღმერთთა მოწმე, ამის მეტი არაფერი უთქვამს. შეირყენ, შეიშალნენ შურტები. ყვიროდნენ, მუშტებს იქნევდნენ, გარბოდნენ და გამორბოდნენ... მოჰქონდათ ჯაჭვები, რკინის სალტეები, ჩუგლუგები, ჩაქუჩები, ნემსები... „რას მიპირებენ?“ — ფიქრობდა აბო და დაფეთებული დასცქეროდა ხელსაწყოებს.

რკინის სალტეებითა და ჯაჭვებით ისე გულდაგულ შეკრეს, სუნთქვა უჭირდა. შებორკილი ხელები და ფეხები შემოუსალტეს, ჯაჭვები შემოახვიეს, შეშასავით დადეს მიწაზე. ჯაჭვებიდან და რკინებიდან

ხელის მტევნები გამოუძვრინეს და გულდაგულ მიუჯდნენ, ფრჩხილებს ქვემოთ მახათის ხელა ნემსები გაუყარეს. ნელ-ნელა უყრიდნენ გულისწამლებად, თითქოს გულში ჩხვლევდნენ, შიგ გულში ჩხვლევდნენ ფოლადის ნემსებს. როცა ფეხის ფრჩხილებს მიატყუნებდნენ უკვე ამ ქვეყანას აღარ იყო. თვალთ დაუბნელდა და წყვილიაღში ჩაინთქა.

„ფრთხილი წამება“ ალი ჰასანის მოგონილი იყო, ადამიანი იან უნდა ეწამებინათ, გარედან არაფერი დატყობოდა. თუ მანამ მოწამეს მარწუხებით აგლეჯდნენ ხორცს, ამის ნებას არ იძლეოდა ახალი ამირა.

ადუღებული ზეთის პირში ჩასხმა, ან თავში რკინის სალტის მოჭერა უფრო „კეთილ“ წამებად მიაჩნდა, ვიდრე თვალთა დათხრა ან ასოთა მოკვეთა.

აბომ შურტებისაგან გაიგო ახალი ამირას განაზრახა.

ალი ჰასანის „კეთილ“ წამებას შურტები დასცინოდნენ, მასხარაობდნენ და ლაზღანდარობდნენ, ძველი ერჩიათ, მარტივი იყო, სამუშაოდაც ადვილი.

„რატომ გამწარდნენ შურტები?“ — ფიქრობდა აბო, ნაწყვეტ-ნაწყვეტად ფიქრობდა. გაბმული ფიქრის ნებას ტკივილი არ აძლევდა. „იქნებ ნემსები შიგ ჩამიტოვეს...“ შეაკრთო ამ ფიქრმა. ნელა ასწია ცალი ხელი და დაკოდილი თითები ფრთხილად შეახო მეორე ხელის ფრჩხილებს. „არა“, — გაუელვა თავში, იმედი მოეცა, რაკი ნემსები ამოეღოთ, იარებიც მალე მოუშუშდებოდა. „ნეტა ხვალ რა მელის“, — ამოტივტივდა უცებ გონებაში. რაკი ხვალინდელ დღეზე დაიწყო ფიქრი, ეს კარგის ნიშანი იყო. „ტკივილი ხომ არ ჩამიცხრა?“ — ღრმად დააკვირდა თავისთავს და აღმოაჩინა, რომ ტკივილი ოდნავ ჩაცხრობოდა, ტკივილის შიში კი დარჩენილიყო. ეს შიშიც უნდა გაერეკა. შიში ტკივილს აძლიერებდა.

წამოჯდომა სცადა, იდაყვს დაეყრდნო და წამოჯდა. ქუსლები ედგა მიწაზე. ადგომა არც უფიქრია. „ნეტა რა დროა? ჩემს დილეგში ვარ თუ სხვა დილეგში გადამიყვანეს?“ — ხელები მუხლებზე დაიწყო, მტკივანი თითები ჩამოჰკიდა და წყვილიაღს მისცა თავი. ტკივილმა არ დაანება უზრუნველი ხეტიალი წყვილიაღში, არ აეხილა გულის თვალი. ჩჩუ... საკვირველება! — ფხაკუნე შემოესმა. „დილეგში ჩემ გარდა სხვაც არის...“ კარიჭ კარიჭისძე“. სიბნელეს დააყურა. სამარესავით გაჩუმებულ სიშავეში იძვრისი არ ტოკავდა. „მომესმა“. — კვლავ მიუგდო გულისყური სიბნელეს, კვლავ გაფაციცდა და

დაიძვრა. „ვილაც დგას კუთხეში“... — შიშმა აიტანა. ნეტა რისი ემე-  
ნოდა! განა ვინ უნდა ყოფილიყო შურტებზე და ჯალათებზე სახალისო  
ხელად მოეგო გონს, გაეღიმა კიდეც საწყალობლად, „მამსა მამსა მამსა“  
მიანად ვთვლი თავს“...

„ვინა ხარ, რა სულიერი!“ — ჩურჩულით ჰკითხა სიბნელეს. პასუხად  
სიბნელემ ერთხელაც გაიფაჩუნა და დადუმდა. „თქვი, ვინა ხარ!  
ჩემსავით ტანჯული იქნები ან მოგზავნილი!“

კარიჭ კარიჭისძემ ასე გაიფაჩუნა პირველად. დიდხანს უგდებდა  
ყურს ახალი კარიჭ კარიჭისძის გამოჩენას, მაგრამ ამოდ... „ნუთუ იქ  
არავინ დგას...“ ერთ კუთხეს მისჩერებოდა. ჩაყურუმებული ლანდი,  
მისი აზრით, იქ იდგა. ხმას არ იღებდა?.. ადამიანი არ იყო? მაშ, რა  
იყო?.. სამარესავით დუმდა დილეგი. ტკივილი გადააფიქრა ამ ფაჩუნ-  
ფხაკუნმა. ახალი სატანჯველის მოლოდინი უფრო საშიში ყოფილა,  
ვიდრე უკვე განცდილისა და გამოტანჯულისა. „ურჩხული შემომიგ-  
ზავნეს ალბათ“, — კუთხეში ჩაყურუმებული ლანდი მანამ თუ ადა-  
მიანს ჩამოჰგავდა, ახლა ურჩხულისებურად აიზღაზნა. „ამათგან ყვე-  
ლაფერი მოსალოდნელია... შიშველი ხელებიც არა მაქვს, რომ შევე-  
ბრძოლო, ხელ-ფეხი წამართვეს, კუნძად მაქციეს, ურჩხული შემო-  
მიგზავნეს და ახლა ელოდებიან, როდის გადაწყალაპავს“.

აბომ წყვდიადში „ურჩხულის დაღებულს ხახაც“ კი დაინახა...  
თურმე წყვდიადში წასულა, გულის თვალი ჩუმად ახელია და ურ-  
ჩხულს უმზერდა, ურჩხულთან ელვასავით მოავდო თავისი თეთრი რა-  
ში წმიდა მხედარმა.

აბოს გული სიყვარულით აევსო. ზეციურ მხედარს იმედის თვალით  
შეხედა. აჰა, იძრო მახვილი წმიდანმა და ურჩხული განგმირა. „წმიდა  
გიორგი გამომეცხადა“, — გაუხარდა, გული სიამაყით აევსო. რაკი წმი-  
დანმა მოაკითხა, მაშ, მარტვილობას ამოდ არ ჩაუვლია, სულის მიერ  
წინაპართათვის ხმა მიუწვდენია, სულს გაუღვია ხიდი წარსულსა და  
აწმყოს შორის... ეს გამოცხადება სიზმარს ჰგავდა. „სიზმარია“, — დაას-  
კვნა აბომ და გამოედვიდა.

ჩჩჩ... — კვლავ გაისმა ის მოჭადოებულ ფაჩუნი კუთხეში...

— ვინა ხარ?! — ხავილივით აღმოხდა შიშისაგან, რალაც ძალამ  
უბიძგა და წამოაყენა. ქუსლებზე დადგა, დაეჭიმა, დაეჭიმა კუნთები,  
დაეჭიმა წინ გაფარჩხული დაკოდილი თითებიც და ტკივილმა მო-  
კრუნჩხა, მარჯვენა ხელის გული მოიშველია და ნელა დაეშვა მიწაზე.  
„არ შემიძლია... ტკივილი მომკლავს“, — გადაიფიქრა კუთხესთან მი-  
სულა. „რა უნდა იყოს?“ — მოსვენებას არ აძლევდა ფიქრი. „ეგებ

ეშმაკია, წყლისფერი ეშმაკი, გუშინ წყლიხ სახით ჩაუვიდა გვაში, დღეს სხვა სახე მიიღო, კუთხეში დგას და ფხაკუნობს“.

თითები ვერ შეჰყარა პირჯვრის საწერად, მარჯვენა ხელი ~~წინაშე~~ მალლა, რახან შებორკილი იყო, მარჯვენას მარცხენა ~~სამკოლს~~ მინც გადაისახა ჯვარი... სამჯერ გადაისახა და სამჯერ წარსთქვა: „სახელითა მამისათა“... — მკაფიოდ, ნათლად და ატაცებით.

თითქოს კუთხეში მდგარი ეშმაკის გასაგონად წარმოთქვამდა დაწყებით ლოცვას. ეშმაკი ლოცვით უნდა უკუეჩქია.

მართლაც მიწყდა ფხაკუნის დილეგის კუთხეში, ეგონა, რომ ეშმაკი დილეგიდან გააძევა. წყვდიადში კვლავ გამოისახა წმინდა გიორგი თავისი უძლეველი მახვილით ხელში. წმინდა მხედარი წყლისფერ ეშმაკს გამოუდგა მახვილშემართული. წმიდა გიორგის თეთრი რაში ეშმაკის დანახვაზე აჭიხინდა წყვდიადში და ყალყზე შედგა. წმიდა გიორგიმ ეშმაკს მახვილი ჩასცა, მაგრამ წყლისფერი ეშმაკი მახვილჩაცემული გაიქცა და წმიდანს სიცილი დააყარა... „ეს ალბათ სიზმარია“... შიშმა გამოაღვიძა. გამოაღვიძა და თავის შავს დილეგში დააბრუნა, მახვილჩაცემული ეშმაკის ხარხარი მინც ჩაესმოდა ყურში... უჰჰ!... თავი შეარხია, სიზმარი ყურებიდან გამოიბერტყა, თვალეზდათბრილივით გაიხედ-გამოიხედა. გარემოს შეგრძნება სწყუროდა. დაკოდილი ხელები ვააფათურა სიბნელეში.

— ჩუუუ!.. — ფხაკუნის სულ ახლოს გაისმა და შიშველ ფეხებზე ტანტალით გადაურბინა ცოცხალმა არსებამ. „თავგი!“ — გაუელვა გონებაში, — ჰა, ჰა, თურმე თავგის ეშინოდა! — გაელიმა. — ნუთუ ამ ჯოჯოხეთში თავგი ბინას დაიდებდა? ნეტა რანაირი თავგი იყო? ეგებ ეშმაკი გამომეცხადა თავგის სახით? ასეთ ცივ, გაფხეკლ ჯურღმულში თავგიც კი არ მოიციდის... — კვლავ შეიპყრეს ეჭვებმა.

იმ ერთ წამს იხსენებდა, საკვირველმა თავგმა შიშველ ფეხზე რომ გადიტანტალა. ლანდისთვისაც კი არ მოუკრავს თვალი, მაგრამ თავგი ჩვეულებრივზე დიდი მოეჩვენა. „ვირთხა იყო ალბათ“, — წონინდა წარმოდგენაში შიშველ ფეხზე შემხტარ თავგს. „დილეგის ვირთხა“, — სახელიც გამოუძებნა. სწორედ ამ დროს თავზე დაახტა რაღაცა, ელდანაკრავი წამოვარდა ფეხზე! ახლა კი სულ არ უგრძენია ტკივილი, ნაბიჯიც კი გადადგა კარისაკენ. „ნეტა რა იყო? ნუთუ ჰერიდანაც ვირთხები მოხტიან?“ — სულ ერთიანად აიტანა შიშმა, „ვირთხების შემოსევა!“ — ყვირილს ავტებავო, იფიქრა, მაგრამ ამასობაში გონს მოეგო: შემომიყარეს ვირთხებიო, — დაასკვნა და უცებ დამშვიდდა. აბო ღვთის მოშიში იყო, ღვთის გამოგზავნილისა ეშინო-

და, თორემ ადამიანის ვერას დააკლებდა. სულის წარწყმედა არ უნ-  
დოდა, სულის გადარჩენისათვის გადაედო თავი, ხორცი კარგა ხანია  
დაეთმო. „შურტებმა გამოგზავნეს?“ — სიბნელეს გაუჩინებელი  
საუბარი. — „მობრძანდით, მობრძანდით“, — ეპატიებოდა თავგებს.  
ისევ დაჯდა მიწაზე, დაკოდილი ფეხის თითები ისევ აშვირა მაღლა,  
ხოლო ხელის მტევნები მუხლებს დააყრდნო და ჩამოჰკიდა. სიბნე-  
ლეს დააყურა, თავგებს თუ ვირთხებს ელოდებოდა თავის ჰკუთთ.  
დამკბენენ, ჭირს შემყრიან, სულს უფალს მივაბარებ და მოვისვენებო.  
საკუთარი გვამი თითქოს ხელისგულზე დაიდო და შემოსეულ ვირ-  
თხებს შესაჰმელად გაუწოდა. სასწაულიც მაშინ მოხდა, ვირთხებმა  
პირი იბრუნეს და თავიანთ სოროებში ჩაძვრნენ.

მთელი ღამე ტანჯვაში გაატარა, როგორც კი ბრძოლა შეწყვიტა  
და უშიშრად დათმო სხეული, თავგებიც გაქრნენ. „ხმის შეეშინდათ, —  
გაიფიქრა აბომ, — სიბნელეს საუბარი რომ დავუწყე, მიიმაღნენ...  
ლეშს დაეძებდნენ... ლეში ვეგონე“...

ცისკრისა ილოცა, ყურუში სიბნელე მურუყლით შეიცვალა და დი-  
ლეგის კართან ფეხისხმაც გაისმა. წასაყვანად მოვიდნენ.

არ ეგონა, თუ ნაბიჯს გადადგამდა. დასტაცეს ხელი და გამოათრის  
დილეგიდან. გრძელი დერეფნით წაიყვანეს, ფრთხილად ადგამდა  
შიშველ ფეხს მიწაზე, მაგრამ მაინც ტკიოდა. ტკივილს ითმენდა შეძ-  
ლებისდაგვარად, ჩქარ-ჩქარად ადგამდა ნაბიჯებს, თან უკან-უკან იყურე-  
ბოდა. ჯალათმა ხელი არ მკრასო. თუ ხელს ჰკრავდნენ, თავს ვერ შე-  
იმაგრებდა და დაეცემოდა, თუ დაეცემოდა, ხელებს ხომ ვერ მოიშვე-  
ლიებდა, ცხვირ-პირით დაასკდებოდა გამხმარ მიწას.

დერეფანი მიწის ქვევით იყო თუ მიწის ზევით, კაცი ვერ გაარ-  
კვედა. დღის სინათლე კი აღწევდა საიდანაც.

ამ დერეფნით ჯერ არ წაიყვანათ, ჯალათებს შეავლო თვალი:  
გვერდ-გვერდით ორი ლახვაროსანი მოსდევდა, უკანაც ორი მოჰყე-  
ბოდა, წინ ერთი მიუძლოდა — ის მედილეგე იყო. ხუთ კაცს მიჰყავ-  
და ერთი პყრობალი, პყრობილს ხელ-ფეხზე ბორკილები ედო, თანაც  
შებორკილი ხელფეხი ნემსებით ჰქონდა დახვრეტილი. აბოს მთელი  
გული-ყური უკან, ჯალათებისკენ, მიეპყრო, — ხელი არ მკრანო, თან  
წინ მიმავალ მედილეგეს ხოსრო აბუ იუსუფის ამბავს ეკითხებოდა.  
მედილეგე გახევებულიყო, ხმას არ იღებდა. დღეს დილით ხოსრო  
აბუ იუსუფს უნდა ჩაებარებინა ცვლა. აბოს ხოსროსთვის დავალება  
უნდა მიეცა, რატომღაც სჯეროდა, რომ ხოსრო ღვთისნიერი კაცი  
იყო და შეუსრულებდა თხოვნას.

— ხოსრო აბუ იუსუფი ხომ უნდა მოსულიყო ამ დღილი? — ეკა —  
თხებოდა აბო მედილეგეს, მაგრამ მედილეგე დუმდა.

— არ იცნობთ ხოსრო აბუ იუსუფს?..  
მედილეგე დუმდა.

ეროვნული  
ბიბლიოთეკა

— არ შეიძლება არ იცნობდე... ამოიღე ხმა, კაცი არა ხარ?  
მედილეგე დერეფნის ბოლოს შეჩერდა. რკინის გალიას მიადგა.  
კარი გამოაღო და აბოს ანიშნა, შედიო, აბო შეჩერდა, დაბნეულად  
გაიხედ-გამოიხედა, უნდობლად გადადგა ნაბიჯი გალისაკენ, „ნეტა  
რას მიპირებენ?“ — ჯალათებმა ხელი უბიძგეს და შიგ შეაგდეს. მე-  
დილეგემ კარი ჩაკეტა და წავიდა. ჯალათებიც უკან მიჰყვნენ. გალიას  
კედლებად რკინის ღობურები ჰქონდა. მსხვილი მავთულებისაგან ორ-  
ფად მოექსოვათ ღობური, ღობურებიდან გალიის მეორე თვალიც  
მოჩანდა. იქ არავინ იყო. არც დერეფანში ჰაჭანებდა სულდგმული.  
აბო მარტოკა იყო მხეცივით გამომწყვდეული გალიაში. როგორც  
კი შიგ შევიდა, მაშინვე იატაკზე დაჯდა, იატაკით ვამბობ თორემ,  
სადღა იყო იატაკი! მიწა გადაეფხიკათ და ტკილის ფართო-ფართო  
ნატეხები და ლოდები დაეგოთ. ქვაზე დაჯდა, დაკოდილი ფეხები შე-  
ასვენა, დიდი მანძილი არ გაუვლია, მაგრამ ჭრილობები მაინც ასტკივ-  
და. თავჩარგული იჯდა და ჩასისხლიანებულ ფრჩხილებს ჩასცქეროდა.  
გალიის მეორე თვალისაგან ხმაური შემოესმა. თავი აიღო და გახედა. ვი-  
ლაც შემოაგდეს იმ თვალში და ჯალათებიც შემოჰყვნენ. „აღბათ ამის-  
თვის შემომიყვანეს აქ“, — გაიფიქრა თუ არა, — მამაო, — შეჰყვირა  
მისდაუნებურად. ის კაცი, ვინც მეორე თვალში შემოაგდეს, აბოს მამა  
იყო. „მამა!“ — რკინის ღობურს მოაწყდა აბო. „შვილო, აბო!“.. —  
მამამაც შესძახა იქიდან და ახლა ის მოიჭრა მავთულის კედელთან.  
მათ ერთმანეთისაგან ორფა მავთულის კედელი ჰყოფდა.

— ნუთუ შენა ხარ? როგორ გამოცვლილხარ! როგორ დაეაყვაცე-  
ბულხარ!.. — მამას ქვედა ყბა უკანკალებდა და სიტყვებს ძლივს წარ-  
მოთქვამდა.

— მამა!.. მამა!.. მამა!.. — გაჰყვიროდა აბო და მავთულის ღობურ-  
ში ფართო სამზერს ეძებდა, მამა უკეთ რომ დაენახა. სიტყვებს ვერ  
პოულობდა აღტაცება და მწარე სინანული ერთად გამოეხატა, მო-  
ზღვავებულ გრძნობას დაემუნჯებინა. მამის სიტყვებმა მოიყვანეს  
გონს.

— ქუსლებით რატომ დადიხართ... ხელებიც გტკივა?.. რა დაგ-  
მართეს, შვილო?!.. რამ დაგამუნჯა! მითხარი რამე...



— ეს არაფერია! — ხელ-ფეხზე დაიხედა აბომ. — თქვენ როგორ ხართ, მამა? დედა როგორ არის, ბავშვები როგორ არიან?..

— ეჰ, ჩვენს ყოფნასაც თუ ყოფნა ჰქვია, მაშინ არის! ვიფიქრე, ერთი შვილი მაინც გზაზე დაეაყენე, გურჯების ხალიფას პირად მსახურს სასმელ-საჭმელი არ მოაკლდება, თავშესაფარსაც და სამოსსაც არ დაუქერენ, — ადამიანს მეტი რა უნდა! ქვეყნებს ნახავს, კაცი დადგება-მეთქი!.. ეს რა ჩაიდინე, აბო!.. თავი არ გებრალდება, მაგრამ ჩვენ რას გვემართლები?.. — მამამ ხელები ასწია და აბოს ბორკილები უჩვენა.

— მაგის ნება არა აქვთ! — შესძახა აბომ, — შენ ხალიფას მედილეგ ხარ!.. ხალიფას ნებართვის გარეშე არ შეიძლება შენი შეპყრობა, ხალიფას მალულად წამოგიყვანეს ალბათ...

— ამათ ყველაფრის ნება აქვთ!.. ვაი, დაღუპულო შვილო! ვაი, უბედურო ყმაწვილო!.. შენ არ იცი ამათი ამბავი! — დედაშენი, შენი და-ძმანი საპყრობილეში ჰყრიან ალბათ. შენ კი სიკვდილი მოგელის! თუ საჯაროდ არ გაწამეს, დილეგში მოგახრჩობენ.

— სახლ-კარი თავზე დამექცა, ხალხო! ამომიწყდა ტანჯვით შექმნილი ოჯახი!.. — ჯალათებს უთხრა.

— სიკვდილი არაფერია, მამა! — უცებ გამომკვირცხლდა აბომ.

— რაო? სიკვდილი არაფერიაო. მართლა თქვი თუ შემომესმა, შვილო?.. ალაჰ, სიკვდილი არაფერიაო! შენ რა იცი, რა არის სიკვდილი! სიკვდილის ამბავი მე მკითხე, მე! მეფურ სიკვდილს ძალღური სიცოცხლე სჯობია, საუკუნო ძილს — წამიერი თვალის გახელა! არ მოგატყუონ, შვილო, არ წაგაქეზონ! ახლა შენ წამქეზებელიც გეყოლება, ყური არავეს დაუგდო, არ დამლუპო! აგერ ამ ჯალათებს უთხარ, რომ შეცდი, რომ ჩვენი ღმერთი ალაჰი იყო, არის და იქნება!

აბომ მოწყვეტით დაეშვა ძირს, დაჯდა ქვის იატაკზე და თავი ჩაჰკიდა. გულის სიღრმეში მოელოდა ამ შეხვედრას... რა ეთქვა ახლა, მამა რით ენუგეშებინა?.. უკან დაეხია?.. ვილაცა ექაჩებოდა უკან, მამა კი არა, გული ექაჩებოდა, გული ეძახდა. აბოს თვითონ არ სჯეროდა საკუთარი გულის ძახილისა. გული ეძახდა თუ დედა, თუ თავისი პატარა და-ძმები... მამაც თითქოს აქ არ იყო ახლა, მამაც ბლღადიდან ეძახდა, მწუხარე სახით იდგა სადილეგოს წინ და გურჯების ქვეყნისკენ იყურებოდა, შეტოვდა, შეტორტმანდა აბომ. მამის დანახვამ სული შეუძრა, შეურყია სული. თითქოს მარტო აბომ კი არა, მთელი ქვეყნიერება შეიცვალა იმ ერთ წამს. განა რა უთხრა

მამამ ასეთი, არა, სიტყვის ძალით კი არ შედრკა მოწამე, სიყვარულის ძალამ შეანჯღრია, სიყვარულის ძალა გადაუდგა წინ და შეატარებინა.

— აბო, აბო! — ჩაესმა მამის ხმა, — რად გაჩუმდი, შენს ერთ სიტყვას ელოდება მთელი ბაღდადი. თუ ჰქუა სულ მთლად არ დაგიკარგავს, თქვი, რომ შენს ღმერთს აღიარებ და კარს ახლავე გაგიღებენ! აქვე ჩემი თანდასწრებით გამოგიშვებენ, მოგიკიდებ ხელს და შინ წაგიყვან!.. იცი, ამისთვის რამდენი ვიწვალე, მე თვითონ ვიყავი ამირასთან, ვევედრე, მუხლები დაუქოცნე და შენი თავი გამოვიტხოვე..

მამა მავთულის ღობურს მოებლაუჭა შებორკილი ხელებით და მოუთმენლად დაელოდა პასუხს.

— შენ თვითონ იყავი ამირასთან? მუხლები დაუქოცნე!.. — ჩაიდუღუნა აბომ.

— ჰო, ბაღდადიდან ისე წამომიყვანეს, შენი შეპყრობის ამბავი არც ვიცოდი, მითხრეს, ბიჭმა სჯული შეიცვალა, მამა ხარ და გზაზე დააყენეო. აქ რომ ჩამოვედი, ხელებზე ბორკილები დამადვეს... აქეთ ვეცი, იქით ვეცი, მე ხალიფას მედილეგე ვარ, უფლება არა გაქვთ-მეთქი!.. ხალიფას მედილეგე რომ ბრძანდები, სწორედ იმიტომ უნდა შეგიპყროთ, ხალიფას მედილეგეს მოლაღატე შვილი არ უნდა ვაგეზარდაო. ამიყვანეს და სასიკვდინე ხაროში ჩამაგდეს. ავტებზე ყვირილი, მაჩვენეთ ჩემი შვილი, ჩემი ხელით გამოვჭრი ყელს-მეთქი!.. ვილაც კაცები მოვიდნენ და ამირასთან წამიყვანეს. ამირამ მაჩუქა შენი თავი და ახლა შენ იცი, თუ არ წამიჭერ ყელში თოქს... თქვი ჩქარა, რაც საჭიროა და წავიდეთ აქედან...


აბოს ერთი წამით დაუძახა გულმა უკან, მშობლიური ბუღისაკენ, ერთი წამით შედრკა, როგორც კი თავისი მედილეგე მამის ძველი ჩახე დაინახა, უმალ გამოაძევა გულიდან პირადი, კერძო, მხოლოდ თავისი, ღმერთს პატიება თხოვა იმ წამიერი შებოროტიკებისათვის და უარის ნიშნად თავი გააქნია.

— არ წამოხვალ? შენი მშობლიური სახლი არ მოგენატრა? დედა... ძმები... დები...

აბომ თავი ჩაღუნა, არაფერი უთქვამს. გაქვავებული იჭდა ერთ ადგილას.

— დედაშენს ყოველლამე ესიზმრები... თქვი რამე, ბიჭო! რამ გაგიქვავა გული!.. მიყვარათ უკვე...

ჯალათებმა პყრობილ მამას ხელი მოჰკიდეს და წაიყვანეს, უკან-



უკან იყურებოდა. აბო ფეხზე წამოდგა, ლობურს მიადგა, ხელის  
გულები მიადო და ხარბად დაუწყო ყურება მიმავალს. ალბათ უკან-  
ნასკნელად შესცქეროდა მამის მწუხარე სახეს, უკანასკნელად გაიხი-  
ნა მამის ნაღვლიანი ხმა... რამდენიმე წამში მამა თვალს მიეფარებო-  
და და საბოლოოდ გაწყდებოდა კავშირი არა მარტო მშობელ მამას-  
თან, მშობლიურ ბუდესთან, დედასთან, დაძმებთან, ნათესაებებთან და  
ახლობლებთან, თითქოს მამამ ჩამოუტანა დედის ალერსი, მშობლი-  
ური სითბო და ახლა უკან მიჰქონდა...

— მამა! — შესძახა აბომ უკანასკნელ წამს — მე თქვენ ყველანი  
ძალიან მიყვარხართ! მე გული არ გამქვავებია!.. — მავთულის ლო-  
ბურს მტკივან ხელებს ვერ ჰკიდებდა, ცხვირ-პირით და მკერდით  
მიაწვა და ცრემლი გადმოყარა. დაბალუპით ჩამოსდიოდა ცრემლები,  
როცა მამა გაიყვანეს, იქვე ჩაიკეცა ღონემიხდილი.

### მეხუთე ლაქი. მკვლარი

შუალამით დილეგში ქალათები შეიჭრნენ, წამოაგდეს პყრობილი,  
ყაყბები ჩაიცივო, უბრძანეს. ფეხი მტკივა, გინდათ მომკალით,  
ვერ ჩავიცვამო, მიუგო. ყაყბები მხარზე გადაჰკიდეს და ფეხშიშ-  
ველა წაიყვანეს ბნელი დერეფნით. შენობიდან რომ გავიდნენ, აბომ  
შიშველი ფეხი მოხრაშუნე თოვლს რომ დაადგა, გაიფიქრა: „სასიკ-  
ვდილოდ მიყვარათ...“

ფეხებზე თითქოს ლოდები დაეკიდა, ვერც აწევა შეძლო, ვერც  
გადადგმა, შიშველი ქუსლებით ჩაესო თოვლში და გაჩერდა. „ახლა  
მომკლავენ, ამ მინდვრის ბოლოში“...

ქალათებმა ზურგზე ხელი ჰკრეს და წინ წაიგდეს, წაბარბაცდა და  
დაეცა. მოყინული, ხრაშუნა თოვლი ეფინა მიწაზე. ადგომა არ  
უნდოდა. დასტაცეს ხელი და წამოაყენეს. როცა ზურგზე ქალათის  
ტორი მოხვდა, ეგონა მახვილი დაჰკრეს. „უნდა მომკლან“.. — დაჟი-  
ნებით ფიქრობდა, არ უნდოდა ამაზე ეფიქრა და მიინც ფიქრობდა.

შესცივდა. კანკალი აუტყდა. შიშის კანკალი იყო თუ სიცივის,  
თვით ვერ გაერკვია. ყინავდა. ციოდა, ფეხები სულმთლად გაეთო-  
შა. ქუსლებს არჰობდა თოვლში და ბორძიკით, ნელა მიდიოდა. ფე-  
ხის თითები დასიებოდა, ტკიოდა და ტერფის დადგმა მიწაზე უჭირ-  
და. თოვლი ხან ხრაშუნობდა ფეხქვეშ. ხან არა, ალაგ-ალაგ იდო  
ალბათ, თოვლში სიარული უფრო უჭირდა, ცივი მიწა ერჩია. უცებ


ჯალათები ერთ ადგილას შექუჩდნენ. მიწაზე დაუწყეს ძებნა.



ქალაქის  
ეროვნული  
ბიბლიოთეკა

„მეხუთეში, მეხუთეში“, — ერთმანეთს გასძახეს არაფერი ესმოდა, იგი ყოველ წუთს მოელოდა მახვილის ჩაცემას ან თავის მოკვეთას. სიტყვა „მეხუთეში“ გაიგონა, მაგრამ ვერაფერს მიხვდა. არც დაფიქრებულა იმაზე, თუ რა უნდა ყოფილიყო ის მეხუთე. შენობიდან რაკი გაიყვანეს, აბოს აზრით, ეს უკვე ნაღდი სიკვდილი იყო. ჯალათები იმაზე მსჯელობენ, თავი როგორ მომკვეთონო, ფიქრობდა. სიბნელეში ამოძრავებულ ლანდებს გაფაციცებული შესცქეროდა, ვინმე უცნიდან არ მომეპაროსო.

სიბნელეში მოფუსფუსე ჯალათებს ორნი გამოეყვნენ, მივიდნენ აბოსთან, მოჰკიდეს ხელი და წაიყვანეს. „მორჩა“ გაუელვა თავში აბოს. წარმოდგენით გადაიწერა პირჯვარი, ღმერთი ახსენა და სასიკვდილო ნაბიჯები თამამად გადადგა, „ერთი... ორი... სამი...“ — შესძახეს ჯალათებმა, ჰერობილი მიწას მოსწყვიტეს და კუპრივით უფსკრულში ჩაუშვეს. აბოს ეს სიკვდილი ეგონა. ალბათ ასეთი სიკვდილი გადამიწყვიტესო — იფიქრა. როცა მტკივანი ფეხებით უფსკრულის ფსკერს დაახტა, მაშინდა მიხვდა, რომ ხაროში ჩააგდეს. ისე ასტიკვდა ფეხები და ხელები, მოიკუნტა და გმინვა აღმოხდა, „სიკვდილ მისჯილთა ხარო“. ასეთი ხარო ბაღდადში ენახა. მამამისის სადილეგოს უკან. მინდორში, გაემართათ სასიკვდილე ხაროები. „აღარ მომკლეს“, — ფიქრობდა გამალებით. „მოკვლის ბრძანება არ ჰქონიათ“. უხაროდა, რომ ხაროში ჩააგდეს და აღარ მოკლეს... ფეხები გულისწამლებად ტკიოდა. ციოდა ხაროში. კედლები ყინვას მოეღიპა და უჰაერობა მახრჩობელა საკანს აგონებდა. მაგრამ ხარო მაინც ერჩია იმ საკანს. „არც ისე ღრმაა, ცოტა ხანს მოვფრინავდი“. ხელის-გულები მიადო ხაროს კედლებს. გულდაგულ სინჯავდა. ხარო ქვევიდან ზევით ფართოვდებოდა. გრუბუნნი და ბრაბუნნი მოისმოდა ზემოდან. „სარქველი დაარქვეს“. ხაროს ფსკერს დაუწყო სინჯვა ფეხებით. როცა ხაროში ჩამოაგდეს, ძირს დაცემისთანავე რალაცას წამოედო, ფეხები ისე ეტკინა, თავი დააეიწყა, ახლა ცოტა მოსულიერდა. უნდა გაეგო, რა იღო იქ, ხაროს ფსკერზე. მტკივანი ფეხის ტერფი ფრთხილად მოაფათურა. იქ მართლაც რალაც იღო. რა უნდა ყოფილიყო? რბილია. სამოსი აცვია... ადამიანია?... აბო დაიხარა და ხელის შეხება მოიწადინა, ეშინოდა, მაგრამ ფრთხილად შეახო ხელი. „ადამიანია“. დაასკვნა. ჰე, ჰეი! ჰეი! — შეჰყვირა შიშისაგან. ხმა არაეინ გასცა. ვინ უნდა ყოფილიყო აქ, ასეთ ღროს, ასეთ უფსკრულში!.. „ალბათ



მკვდარია“... ამ აზრმა ტანში გაბურძღლა. ხაროს ფსკერზე ორ ადამიანზე მეტი არც დაეტეოდა. ერთი ძირს ეგდო მკვდარი, მეორე აბო იყო. „ვინ იცის რა ხნის მკვდარია“, — გაიფიქრა. ამან კი უფრო შეაძრწუნა. რა უნდა ექნა? ებღავლა, ვინმე გაიგებდა ამ ლაშქარის ყვირილს? „ეგებ არ არის მკვდარი“... — ახლა ეს ფიქრი აეკვიატა. ფეხის ტერფი მიადო კვლავ. ცალი მხრით მიუყრდნო ხაროს კედელს, სინჯავდა გვამს ტერფით. ვერაფერი გაიგო იმაზე მეტი, რაც უკვე იცოდა. „მაშინებენ“... — გაიფიქრა აბომ და ლოცვას შეუდგა. იმის ძალაც არ ჰქონდა, ატაცებულს ელოცა. ტკივილს, შიმშილს, წყურვილს, სიცივეს ძალა წაერთმია, ძლივს გასაგონად ბუტბუტებდა ლოცვას. სიცივისაგან და შიშისაგან გული უკანკალებდა და აძაგძაგებული, კბილების კაწკაწით წარმოთქვამდა სიტყვებს.

ამ საღამოს ორჯერ მოკვდა. პირველად მაშინ, როდესაც ხეშეშე თოვლს შიშველი ფეხი დააკარა, მოსაკლავად მიეყავართო, გაიფიქრა. მეორედ: როცა ხაროში მასთან ერთად კიდევ იყო ვიღაც და ეს ვიღაც მკვდარი აღმოჩნდა.

ლოცვას მორჩა. ახლა როგორმე ამ მკვდრის ამბავი უნდა გაეგო. გაბედა და მიუტუტქდა პირდაპირ. ხელის გული მოაფათურა სიბნელეში. სამოსზე ხელი შეახო, თავი მოუძებნა, „მოხუცია თუ ახალგაზრდა?“ — გვამი ქვაღქცეულიყო, სიბნელეში სიმაგრის მეტს ვერაფერს გაარჩევდა ადამიანი. თავზე ხელი რომ გადაუსვა, გულმა უმატა ძგერას რატომღაც, გულმა რაღაც უთხრა თითქოს, მაგრამ პყრობილმა ვერ გაუგო გულს.

„ალბათ გაიყინა“.. — თვითონაც ძაგძაგებდა სიცივისაგან. შიშველი ფეხები მაინც სულ მოეყინა, ყაყუბები მოიძია. როცა ქალათმა ხელი ჰკრა და დაეცა, ყაყუბები დაუვარდა, მაგრამ იქ არ დაუტოვებია, რატომღაც წამოიღო. მაშინ ამისთვის აზრი არ მიუტვია, რომ წამოაყენეს, ხელს აჰყვა, მხრიდან გადმოცურებულები და თასმით ეკიდა მკლავზე, აღარ დააგდო. ახლა, რაკი აღარ მოჰკვეთეს თავი, სიცივეს უნდა გამკლავებოდა, შიშველი ფეხები რითიმე შეემოსა, უნდა ემარჯვა და ყაყუბები ჩაეცვა. ძირს, მკვდრის გვერდით ეგდო მისი ყაყუბები. მოძებნა, გაშეშებული ხელების ფათურით ჩაცმა დააპირა... პირველივე ცდა გულის შეღონებით დამთავრდა. გამწარებული დაეარდა ძირს, ზედ დაემხო ყაყუბებს აკვნესებული. ხაროს კედლისკენ გაჩოჩდა, მკვდართან წოლას გაყინულ ცივ მიწასთან წოლა ერჩია, მოიკუნტა და ხაროს კედელს მიაწვა. მკვდრის სუნი მაინც სცემდა და მკვდრის სამოსს მაინც ეხებოდა. დაწოლას ისევ ფეხზე

დგომა სჯობდა. დაწოლისას უფრო სციოდა. ტანჯვითა და კვნესით წამოღვა. ფეხზე დგომა ტკივილმა არ დაანება, ისევ დაწვა. „ნეტო, უფალო, ასეთ სატანჯველს შინ თვითონ გვიგზავნი აქამდე მსუქნი შექალაქი უფალოს და უმალ პირზე ხელი მიიფარა. უფალო, უკეთ იცოდა, რასაც იქმოდა. ამოს ევალეებოდა მოთმენა, ბუზლუნის ნება არ ჰქონდა. ალბათ წინაპართა ცოდვებს აზღვევინებდა ღმერთი. თვითონ უცოდველი იყო, ვითარცა კრავი. გარდა სიცოცხლის წყურვილისა სხვა ცოდვა არაფერი ედო კისერზე. სიცოცხლე კი ღვთის წყალობა გახლდათ. რახან ღვთის ხელი ერია დედამიწაზე სიცოცხლის სუფევებაში, სიცოცხლის წყურვილი ცოდვად არ ჩათვლებოდა, მამ, სხვათა ცოდვებს აზღვევინებდა ღმერთი, სხვისთვის ეწამებოდა. ამ ფიქრმა შვება მოჰგვარა, ძალა შეჰმატა.

როგორ ციოდა, როგორ არაკუნებდა ძვლებს ხაროს ფსკერზე, რა მწარედ სტკიოდა იარები...

„ეს ცხედარი აქ შემთხვევით არ დამხვედრია“, — უცებ გააკრა გონებაში. აღმოაჩინა, მიაგნო, რაც ახლა ყველაზე უფრო სჭირდებოდა. მკვდარს ხომ კაბა ეცვა. ფეხებს მაინც თუ ჩაითბუნებდა, ეგებ ეს ჯოჯოხეთური ტანჯვა შენელებულიყო. პირჯვარი გადაისახა, ხომ არ ვცოდავო, მკვდრის სულს ხომ არ შევაწუხებო, დაქვებულმა გააცურა ფეხი ცხედრისაკენ, გულდაგულ მიუჩოჩდა მკვდარს, ჯერ დასიკვებულნი მტკივანი თითები შემალა კაბის კალთაში. ნელა-ნელა, ფრთხილად კოჭამდე შეჰყო, შემდეგ წვივამდე... შეისვენა, ხელისგულებით მოსინჯა მკვდრის კაბის კალთა სად თავდებოდა, თავისი ფეხები სად იყო, გაშლილი ხელის ზურგი კაბის ქვეშ შეჰყო, აუწია კალთა, კბილებით მიწვდა და მოჰჩა, მუხლამდე შეძვრა შიგ, იმდენი უხერხა, იმდენი უტრიალა, ისე მოიკუნტა, სულ ერთიანად შეუძვრა მკვდარს სამოსში. მოძებნა თავისი ყაყბები, თავქვეშ დაიდო და გაყურდა. დაძაბული, დაჭიმული მოქმედებდა სიბნელეში, ხელი არაფერს გავკრა, ფეხზე არაფერი წამომედოსო — შიშობდა, როცა თავი დადო ყაყბებზე, უკვე აღარ კანკალებდა. შეხურებულიყო „მუშაობაში“.

„ნეტა რა დროა? გათენდა თუ ისევ ღამეა?“. ფიქრობდა კატასავით დამრგვალებული და მკვდრის კაბაში შემძვრალი. „ვილოცებ და ლოცვაში დრო სწრაფად გავაო“, — გადაწყვიტა.

გულმა ისევ უმატა ძვრას. ყური მიუგდო გულს. „მამა“, — ეს ერთი სიტყვა გაჩნდა საიდანღაც ხაროში, „სასიკვდინე ხაროში ჩამადგდეს“, — მამის ხმაც ჩამოიჭრა და... მკვდრის კაბიდან უმალ გამო-



ძერა. „მამა“, — შეიძურო ექვმა. ნამდვილად მამაა. შემთხვევითი აქეთ მიაწყდა, იქით მიაწყდა, ზედ დაემხო ცხედარს და დაეწყო: „მე მოკალი, მამა, მამატიე, ჩემო საწყალო, სხემს იყვანალო“... — ლალ-მართალი ბლავილი მართო. დიდხანს ტიროდა, შემდეგ კვლავ ფრთხილად გააცურა ხელი სიბნელეში და სინჯვა დაუწყო: „პატარა კაცია“ — გაუჩნდა უცებ იმედი. „არ არის მამა“... მართალია მამამ უთხრა: სასიკვდილო ხაროში ჩამავდესო, მაგრამ რაკი ეს უთხრა, იმ ხაროს ხომ გადაურჩა? მეორედ არ ჩაავდებდნენ, უკან ბაღდადში გააბრუნებდნენ... ხალიფას მედილეგეს ასე, კატის კნუტივით, ვერ მოგუდავდნენო, ფიქრობდა. ცრემლი მაინც სდიოდა, ეჭვი რჩებოდა. „ეჭვს რომ მოვეკალი, ამისთვის ჩამავდეს ამ ხაროში“... გაუელვა თავში და ამ ფიქრმა დაამშვიდა, დააწყნარა გული.

არ შეეძლო იმის დაჯერება, რომ მისი გულისთვის მამა მოკლეს და ხაროში ჩაავდეს, მკვდარ მამასთან ერთად იწვა ერთი ღამე. „არა“ — გაჰკიოდა სიბნელეში. „უფალი ამას არ დაუშვებს!“

მთელი ღამე იბრძოდა, ებრძოდა ეჭვებს, ფიქრებს... ტიროდა, ტიროდა... მოთქვამდა, მკვდარს ხმამალა ელაპარაკებოდა.

თანდათან ძალა გამოეღია, ხმაც ჩაუწყდა, გულის კანკალმა და ძაგძაგმა უმატა და ღონემიხდილი ჩაიკეცა, ნელ-ნელა მიესვენა ცხედარზე, წყვილიაღში ჩაინთქა ერთიანად. ვინ იცის გულწასული რამდენ ხანს ეგდო, არაფერი ახსოვს: რა მოხდა, როგორ ამოიყვანეს ხაროდან, სად წაიყვანეს და რა გადაუწყვიტეს. თვალი რომ გაახილა, ცეცხლის პირას იწვა, თავზე ექიმის ადგა. გულ-მკერდს უზილავდა და ნივრით შეზავებულ თბილ წყალს ასხამდა პირში.

ავადმყოფი გონს რომ მოეგო, ექიმმა ჯალათებს უთხრა. აქამეთ რამე, თორემ ისევ მოკვდებო. ჯალათებმა აბო კვლავ ძველ დილეგში შეავდეს.

### შ ი ნ კ ა რ ო ბ ი ლ ი

ახალი წელი იმ წელიწადს ქართლში დარებით დაიწყო. მართალია, საშობაოდ თოვლი დადო, მაგრამ ნახალწლევისთვის თოვლი მხოლოდ მთათა ფერდობებს შემორჩა. ღამ-ღამობით ყინავდა. დღით კი მზე ამოდიოდა.

იოანეს ყოველ დღით გამოჰყავდა თავისი ავადმყოფი ცხვარი სუფთა ჰაერზე და ფერდობებზე ამოვებდა. მონასტრის ბერებს ზვასტაგი გაშვებული ჰყავდათ, ხელით პირუტყვს არავენ ამოვებდა. იოანეს



კოჭლ ცხვარს სხვა ტვირთი ეკისრებოდა. ვითომ აძოვებდა იოანე,  
ძოვება-ძოვებით მტკერის ნაპირამდე ჩამოდიოდა.

როცა პაჭიჯ იბნ აღ-ბაბაქმა იოანე მცხეთაში შეპყრობილნი იყვნენ  
იყვანა და კათალიკოსსა და მცხეთის მამასახლისს მუქარით ჩააბარა,  
იოანე გულში ფიქრობდა: არაფერია, ხვალ თბილისში წავალ, თვითონ  
ამირას ეესტუმრები და შეპყრობას მას მოვთხოვო.

მეორე დღით მართლაც შეკაზმა თავისი ჯორი და წასვლელად  
გაემზადა, მაგრამ მონასტრის ეზოდან ფეხი არ გადმოადგმევინეს. წინ  
ლახვაროსანნი შურტები გადაუდგნენ და ბაბაქის ბრძანება გადასცეს:  
ქართლის უმაღლესი მსაჯული ამირა, ყადი და შურტათმთავარი იოანე  
მონაზონს მონასტრიდან გამოსვლას უკრძალავენო.

ეს იყო და ეს. ამის შემდეგ ყოველი ცდა მონასტრიდან გამო-  
სვლისა მარცხით მთავრდებოდა. ამიტომ გამოჰყავდა თავისი კოჭლი  
ცხვარი და სუფთა ჰაერზე ასეირნებდა. ცხვარს მართლაც ტკიოდა  
ფეხი, შეწველი იყო და იოანე შვილივით უვლიდა. შურტები ბერს  
ცხვრის ძოვებას ვერ დაუშლიდნენ. ცხვრის მძოვებელ ბერს რას  
ეტყოდნენ! ცოტა ხანს ადევნებდნენ თვალს, ბეზრდებოდათ და სხვა  
საქმით ერთობოდნენ. იოანე ამით სარგებლობდა და შორს მიდიოდა,  
იქნებ გზად მიმავალი ვინმე ვიპოვო და თბილისის ამბები გამოვკი-  
თხოვო. ერთხელ ასე ძოვება-ძოვებით მცხეთამდე ჩავიდა, საკათა-  
ლიკოსომდე მიადგწია, მაგრამ სამოელთან შეხვედრა მაინც ვეღარ შეძ-  
ლო. თურმე სამოელსაც უკრძალავდნენ საკათალიკოსოდან გამო-  
სვლას. კათალიკოსიც შინაპრობილი იჯდა, იოანე საგონებელში ჩა-  
ვარდა. ერთადერთი იმედილა რჩებოდა. ეგებ მიქაელს მამა გაახსენდეს  
და სანახავად ჩამოვიდესო. მეხუთე დღე იწურებოდა, რაც აბო წაიყ-  
ვანეს. ვინ იკითხავდა აბოს ამბავს, თუ არა იოანე. ნერსე ერისთავი,  
აბოს პატრონი, მიწაში იწვა. აშოტ და გრიგოლისაგანაც არაფერი ის-  
მოდა... ქართველ ქრისტიანთა მეთაურიც შინაპრობილ იჯდა საკა-  
თალიკოსოში. სტეფანოზ ერისთავთერისთავს აბოს ხსენებაც კი არ  
უნდოდა. რაკი ასეთ მკაცრ ზომებს მიმართავდნენ. კათალიკოსსაც კი  
შინაპრობილობა მიუთსაჯეს, აბოს ბედი გადაწყვეტილი იყო. სიკვდი-  
ლი არ ასცდებოდა. ახლა უნდა ამოდგომოდა მხარში ჭაბუქს სული-  
ერი მოძღვარი, რათა არ გადაედრიკათ გზიდან, არ გაეტეხათ. აბო  
მომზადებული იყო ამისათვის, მაგრამ განსაცდელის ქამს მრჩეველი  
და თანამდგომი იმედსა და სიმზნეს ჰმატებდა ადამიანს. ამიტომ  
წრიალებდა, ამიტომ დაარბენინებდა კოჭლ ცხვარს აღმა და დაღმა.  
ეგებ მიქაელისათვის მაინც მიეწვდინა ხმა და მოეხმო. მიქაელს აღარ



დასკირდა მოხმობა, სტეფანოზმა გამოგზავნა მამამისი ნანა-  
ვად.

იოანემ შორიდანვე შეიცნო აღმართზე ამომავალნი და შეუქმნივეს  
ნასტრისაკენ არ გადაუხვიოსო, ხელი დაუქნია და დაუძახა. მიქაელმა  
ფერდობზე გადამდგარ მამას მოჰკრა თვალი და მისკენ გაემართა.  
იოანემ ცხვარი ჩირგვს გამოაბა, თითქოს ცხვარი ხელს შეუშლიდა  
საუბარში. აქ, გაშლილ ადგილას, ერჩია შევილთან შეხვედრა, მოდა-  
რაჯე შურტას უკეთ შეამჩნევდა.

ორი მოზრდილი ქვა მოაგორა, საცა ცხვარი დააბა, იქ, ვაკეზე  
ერთმანეთის პირისპირ დაალაგა და გაიხედ-გამოიხედა. შურტები  
ხომ არ მითვალთვალებენო... ახლო-მახლოს არაეინ ჩანდა, მარტო  
მიქაელი ამოდინდა ფერდობზე.

მზიანი დღე იყო. იანვრის მზე ცივად და ზვიადად მიზოზინობდა  
ცაზე. ბერკაცს მზის გულზე ყოფნა მაინც სიამეს ჰგვრიდა. ცხვარი  
ბალახის ძირებს წიწვნიდა გალხობილ მიწაზე.

მიქაელმა გზიდან გადაუხვია, პირდაპირ გადმოჰკრა ფერდობი,  
ციცაბოზე იარა, აღმართი თვალის დახამხამებაში ამოათავა. ჩქარ-  
ჩქარა სუნთქავდა, მამას მღელვარედ უამბობდა თბილისის ამბებს:

— წუხელ ორი ათასი მოლაშქრე ჩამოვიდა ბაღდადიდან... ხუ-  
თასი მცხეთაში გამოგზავნეთ, ათას ხუთასი თბილისელებს ჩავუყე-  
ნეთ... ყოველ მოსახლეს შინ თითო მუსლიმი მოლაშქრე ჰყავს.

იძულებული გავხდით ზოგან ორ-ორიც ჩაგვეყენებინა. ერი  
დრტვინავს, დელავს — არ უნდათ შინ მოლაშქრეთა შეშვება. ხარკის  
გადახდა ურჩევნიათ. აყრასა და სხვაგან წასვლასაც კი ამჯობინებენ  
მუსლიმი მამაკაცის დედაწულთან ყოლას.

ერისმთავარი შემფოთებულა. ერი პირდაპირ მოითხოვს თურმე  
იმათ დასჯას, ვინც თავისი ურჩობით ხალიფატს ამხედრებს ქართველ-  
თა წინააღმდეგ.

იოანე თავის მოტანილ ქვაზე ჩამოჯდა და შევილიც მიიბატიყა.

— დაჯექი, მიქაელ, დაისვენე... აგერ დაჯექი, მოითქვი სული.

— ფხიზლად იყავითო, შემოგივალათ ერისმთავარმა, — უთხრა მი-  
ქაელმა და ქვაზე დაჯდა, თან სხაპასუპით ლაპარაკობდა, — შენ  
და სამოელს შემოგივალათ. იმასაც ამბობენო, აშოტ ერისთავი იონ-  
თა ხელმწიფესთან კავშირს კრავს და ქართლზე სალაშქროდ ემზადე-  
ბაო. თურმე ხალიფას ყურამდე მისულა ეს ამბავი — აშოტს სიკვდი-  
ლი არ ასცდებაო, ერისმთავარმა გამანდო საიდუმლოდ.

— აბოსი რა იცით? — შეაჩერა იოანემ მიქაელი.

— არაფერი, — ცივად მიუგო მიქაელმა, — აკი ვითხარ, შავ აბოს გულისთვის ორი ათასი მოლაშქრე გამოგზავნეს-მეთქი!

— აღარ გინახავს აბო?..

— არა.

— შენ ხომ გაქვს სადილეგოში შესვლის უფლება?

— ახლა აბოსთან მისვლის უფლება არავის არა აქვს, მამა! იქ ჩემი მისვლა დაღუპვას უდრის...

— შვილო მიქაელ, უფალი იტყვის „მრავალნი სცდებოდინ და მრავალთა აცთუნებდენ“. ვით შეგიძლია შენ, ჩემს შვილს, აბოსთან თანშეზრდილს, შენს სულიერ ძმას ერთხელ მაინც არ მიაკითხო განსაცდელის ქამს. მოციქული პავლე მიუწერს ტიმოთესა, „ქეშმარიტებისაგან სასმენელნი გარემოიქცნენ და ზღაპრებსა მიექცნენ“... ეპ, შვილო მიქაელ, შენი სასმენელნი დაიხშნენ ქეშმარიტებისათვის... შენ თვით უფალი ჩვენი, იესო ქრისტე არა გწამს, თორემ მის მოძღვრებას არ გადახვიდოდი.

— მამა! — შესძახა მიქაელმა და მუხლებზე მოეხვია. მამის ფეხებთან დავარდნილმა, პირჯვარი გადაიწერა.

— შემინდე, მამა... მე მჯერა, რომ უფალიც შემინდობს!..

თითქოს მიწიდან ამოძვრაო, მამა-შვილს თავზე შურტა დაადგა. ყმაწვილი კაცი იყო. ეტყობოდა, ერბინა, ლოყები ასწითლებოდა, ხშირ-ხშირად სუნთქავდა...

— მე... ნება არა მაქვს, რომ არ მოვიდე... მეც მითვალთვალე-ბენ... — შურტამ მინდვრისაკენ გაიხედა. მართლაც, იქ ვილაც იდგა. იოანემაც და მიქაელმაც გაიხედეს იქითკენ.

— აი, ხომ ხედავ?... — უთხრა იოანემ შვილს, — განა უმჯობესი არ არის საპყრობილეში ვიჯდე?.. ეს მონასტერი, შენ გგონია, საუფლო სახლია? ცხენები გამორეკეს და შემასმენელებითა და შურტებით აავსეს. ქეშმარიტი ძმანი, ვინც ამირას დილეგებს გადურჩა, უკან აღარ მობრუნებულან, ზოგმა გარეჯს შეაფარა თავი და ზოგმა მღვიმეს. ჯვრის მონასტერი დარბეულია, მარტო კედლებილა დგას მთაზე.

— მადლობა ღმერთს, შენ თვითონ ამბობ ამას! — ძალა აღმართსა ხნავს. — მიქაელმა შურტას გახედა მალულად და მამას ხმადაბლა უთხრა: — თუ ქართლისთვის ქეშმარიტი სიკეთე გვწადიან, უნდა დავემორჩილოთ ამ ძალას, ჩვენს ღმერთსა და შენს თავს ვფიცავ. ეს მე ღრმად მწამს და ხსნას მხოლოდ და მხოლოდ ამაში ვხედავ. ქართველობას მორჩილება დაიხსნის. დრო სჭირდება იმას, რაც თქვენ



განგიზრახავთ. დღეს ჩვენ უხალიფატოდ ერთ თვესაც ვერ გავაძლევთ. ან იონნი დაგვიპყრობენ, ან ჰრომნი, ან ხაზარნი, ხალხები უნდა გველი ძალაა, ეს ძალა გამოვიყენოთ და შთამომავლობის დასაცავად ჩვენი დედულ-მამული.

— ეს ერისმთავრის სიტყვებია! — შეაჩერა მიქაელი იოანემ.

— სწორედ! — მიუგო მიქაელმა ამაყად.

— ყური დამიგდე, მიქაელ. მე მამა ვარ და მევალება გითხრა: მხოლოდ უზნეო ადამიანებს შეუძლიათ დღევანდელს ჩვენს ყოფას შეურიგდნენ. ისინი თავიანთი სილაჩრის გასამართლებლად ყველაფერს კადრულობენ: დამონებას მფარველობას ეძახიან. ძარცვა-გლეჯვას — ძმობასა და მეგობრობას, ტანჯვა-წამებას — მშვიდობიან ცხოვრებას...

ისიც კარგად ვიცო, ჩემო მიქაელ, რომ ჩემი შვილი სუფთაა, ვითარცა მთის წყარო. მის უზნეობას საფუძვლად უდევს სათნოება, — ერისმთავრის სიყვარული. ეს სიყვარული აცდუნებს მას. ეს სიყვარული ალბათ დიდი ერთგულების ღირსიც არ არის, მაგრამ ის მაინც სიკეთეა. კეთილ ნერგზე კი უკეთურება ვერ იხარებს. დღეს იქნება თუ ხვალ, ჩემი შვილი კეთილ გზას დაადგება, მხოლოდღა იმის მეშინია, გვიან არ იყოს...

მიქაელს გული აუჩუყდა, თავი ჩაჰკიდა და გაჩუმდა. მამამ ისეთი სიმართლე უთხრა, ისეთი დიდი გულის საიდუმლო გამოუმჟღავნა, გამოუტანა დღის სინათლეზე. თვალსაც კი ვერ უსწორებდა. თავჩარგული იჯდა და მიწას ჩასცქეროდა. დიდხანს, დიდხანს ისხდნენ მდუმარნი, დუმილით თითქოს უფრო მეტს ლაპარაკობდნენ, უკეთ აგებინებდნენ ერთმანეთს თავიანთ გულის დარდს...

შურტა შორიახლოს სცემდა ბოლთას. ჩირგვზე მიბმულ ცხვარს თოკის გაწვდენაზე ბალახის ძირები ამოეწიწვნა და ახლა მზეზე თებობდა, ხანდახან გახედავდა მდუმარე პატრონს და მიაბლავლებდა — ხომ არ დაგავიწყდიო.

ბოლოს მიქაელი წამოდგა და უცებ დაეშვა თავდაღმართზე სირბილ-სირბილით. მამას გაექცა.

იოანე ფერდობზე ვადადგა.

როცა მიქაელმა თავდაღმართი ჩაირბინა, უკან მოიხედა და მამას მთელი ხმით ამოსძახა:

— ნახვამდის, მამა!..

იოანემ შვილს ხელი დაუქნია.



აბომ დილეგში თავი რომ შეჰყო, სიბნელეში ვილაცამ შემდეგ ბორკილების ქლარუნეც მოესმა.

— სალამ ალეიქუმ... — გაისმა ნაცნობი ხრინწიანი ბანი სიბნელეში.

— ალეიქუმ... — ჩაიდუდუნა აბომ, აღარ დააბოლავა მისალმება, ხმა ეცნო. ვინ უნდა ყოფილიყო?..

— ვინა ხარ? — ჰკითხა სიბნელეს ქართულად.

— ხოსრო აბუ-იუსუფი. — მშვიდად მიუგო სიბნელემ.

— ხოსრო აბუ-იუსუფი? — მედილეგე?..

— ჰო... — თქვა მედილეგემ და ბორკილები ააქლარუნა. — ჩამაყუდეს, — ჩაიხვიხვინა გულიანად. გაჩუმდა. — ასეა... რას ვიზამთ, ამათ ვერც წაღმა მოფხან და ვერც უკულმა...

— არაფერი მესმის... — წაილულლულა აბომ.

— ჩამაყუდეს-მეთქი, ვთქვი და გადავკერი!.. იმ დამეს წყალი რომ მოვიტანე, ხომ გახსოვს? თურმე შურტა მითვალთვალებდა, ბტაცეს ხელი და გამკოჭეს.

ხოსრო აბუ-იუსუფი ტანსრული, ბრგე მამაკაცი იყო, ბორკილების ქლარუნით, სამოსის შარიშურით, ქშენითა და ქსიტინით მიხვდებოდა ადამიანი, რომ დათვივით კაცი დაჭდა მიწაზე. აბოც გულდაგულ მიუჩოჩდა, მოსასმენად მოემზადა.

— პირდაპირ გეტყვი... — უცებ მუქარის კილო გამოკრთა ხოსრო აბუ-იუსუფის ხმაში, ოღონდ აბოს კი არ ემუქრებოდა, ვილაც სხვას არ უდებდა ტოლს, ვილაც სხვას ეტაბიკებოდა.

— მე „ამ დილეგების რისხვას, მამალ მგელს“ მეძახდნენ თავის დროზე. პყრობილი კაცის მჭამელი რომ ყოფილიყო, რომ შემგზავნიდნენ, ხელად აბრეშუმად ვაქცევდი, რკინისმკენეტელები მომიყვანია ჰკუთხე, ქვადქვეული კაცი გამომიტეხია. თვითონ ვთქვი უარი ჩემს ხელობაზე. უბრალო მედილეგეობა ვარჩიე. ახლა რაკი დანაშაულში დამიჭირეს, მაიძულეს ძველი ხელობა გამეხსენებინა. ბორკილები დამადეს და შემომგზავნეს. სულში უნდა ჩაგიძვრე და გამოგტეხო ან სხვა ჭალათური ხრიკი ვიხმარო და მოგაქციო. ჭველობაში მე ეს შემეძლო, ახლა უკვე ბავშვი აღარა ვარ, არ მსურს უკეთური საქციელი ჩავიდინო. მეყოფა, რაც ჩამადენინეს, უსამართლონი ჩვენს ღმერთსაც არ უყვარს.

წყალი მოვიტანე, სხვა ხომ არაფერი დამიშავებია ღვთისა და

ქვეყნის წინაშე? ამისთვის დაე, დამსაჯონ! რასაც ვაკეთებდი იმას არ გავაკეთებ, ვთქვი და გადავჭერი!.. იმიტომ კი არა, გულზე რომ მახატიაარ! არა, მეჯავრები, შენ გამო ხიფათს გადავეყენე, შენვე მოვწოდებთ მიგახზობდი კიდევ, მაგრამ გული უარს მეუბნება. სიბერე შემეპარა ალბათ, ადამიანი მეცოდება... შენ კიდევ ჯალათური ხრიკი გინდა? კაცმა სული რომ შეგიბეროს, წაიქცევი, ნაცემ-ნაბეგვი, უსმელ-უჭმელი შეიძლება შემომაკვდე კიდევ... სიკვდილის ღირსი კი ხარ ნამდვილად, მაგრამ მე არ შემიძლია შენი მოკვდინება... არ მსურს, არ მინდა, ვთქვი და გადავჭერი!

უცებ კარზე ურდულმა გაირაჯგუნა. დილეგის ის კედელი გაიხსნა, სადაც ხოსრო აბუ-იუსუფი და აბო ისხდნენ, ერთდროულად შემოცვივდნენ ჯალათები და შურტები, მედილეგეთ მამხალეები ეკავათ ხელში, ჯალათებს — ტაჯგანაგები და არგნები, შურტები ბრძანებებს იძლეოდნენ.

ხოსრო აბუ-იუსუფმა წამოდგომაც კი ვერ მოასწრო, ჯალათები ჯგროდ მისცივდნენ, წამოაქციეს, სამოსი შემოაძარცვეს და ტაჯგანაგები და არგნები დაუშინეს.

აბო ჯალათებმა კუთხეში მიაყენეს და განძრევის ნებას არ აღეგდნენ. დილეგი ჯალათებით და შურტებით აივსო. ხოსრო აბუ-იუსუფს ხუთი კაცი იჭერდა, შებორკილი ფეხებითა და ხელებითაც გააფთრებით ებრძოდა ჯალათებს. წაქცეულს იმდენი კაცი მისეოდა, აბო ვერაფერს ხედავდა, მარტოკა ტაჯგანაგებისა და არგნების შხუილი ესმოდა და ხოსრო აბუ-იუსუფის კენესა და გინება არაბულად. აბო ჯგრაჯ ვერ მოსულიყო გონს. ისე სწრაფად, თავბრულდამხვევად ხდებოდა ყველაფერი, თავი სიზმარში ეგონა. ჯერ იმას ვერ მიმხვდარიყო, რატომ დახვდა დილეგში ბორკილგაყრილი თვითონ მედილეგე, ან რატომ სცემდნენ ასე დაუზოგავად თავიანთ მსახურს, ან რა დავალება ჰქონდა, „შეიძლება შემომაკვდე კიდევ“ რომ უთხრა.

— გამაგრდი, ძმაო! ნუ გეშინია, ღმერთი გვიყურებს მაღლიდან! — დაუყვირა მისდაუნებურად, ვითომ ხმას მივაწვდენ და გავამხნევებო, იფიქრა. მცველებმა პასუხად წიხლი ამოარტყეს მუცელში და კუთხეში მიაგდეს. ზღაზვნით წამოდგა ფეხზე, იქით იყურებოდა, საცა აბუ-იუსუფს სცემდნენ.

მეარგნე ჯალათები დაილაღნენ ცემით, გვერდით მიდგნენ, მეტაჯგანაგეებს დაანებეს ჰყრობილის შიშველი სხეული. ასე რიგ-რიგობით ენაცვლებოდნენ ერთმანეთს, ხვითქი გადასდიოდათ შუბლზე და თავზე.



დაუბნელდა, მცველს გამოუსხლტა და ხოსროსკენ გაქანდა. ჩაკრამ ხელად შეკრეს, პირში ბურთი ჩასჩარეს, არ იყვიროსო, და იწაზე დადეს.



ერყენული

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

მამალ მგელს

აბო გაფართოებული თვალებით შესცქეროდა ხოსროსკენ და მხოლოდდა ყელში ხაოდა.

„მოკლეს“... — დაასკვნიდა აბო გონებაში.

„მოვუღეთ ბოლო“... — დაასკვნიდნენ ჯალათებიც და შეაჩერებდნენ არგანთა ცემას, შეისვენებდნენ, სულს მოითქვამდნენ, სწორედ ამ დროს გაიკლაკნებოდა ბედდამწვარი და ჯალათებიც ახალი ძალით სცემდნენ. ცემით სიკვდილი გადაეწყვიტათ და იარაღს ვერ იხმარდნენ. ჯალათთა ჯალათმა თავისი ნებით ჩასცხო თავში ურო, გამოცდილებით იცოდა, ხოსრო აბუ-იუსუფისთანა „მამალ მგელს“ არგანთა ცემით სულს ვერ ამოხდიდნენ. თუნდაც ორი დღედაღამე ეცემათ. როცა ჯალათებს გაუჭირდათ, თვითონ უფროსმა დაარღვია ბრძანება და ურო მოატანინა. უროს ცემაც ხომ ცემად ჩაეთვლებოდა ან ვინ გაიგებდა, ამ დამით რა დაჰკრეს თავში მოლაღატე ხოსრო აბუ-იუსუფს. მთავარი ის იყო, რომ სახელდახელო განაჩენი — ცემით სიკვდილი აღასრულეს.

ბოლოს და ბოლოს მიწყდა არგანთა ცემა, ჯალათთა შეძახილები, ქშენა და ღრჰენაც მიჩუმდა. ჩააქრეს მაშხალები. ხელფენშეკრული, პირში ბურთიჩაჩრილი აბო მიწაზე მდებარე, ხოლო მკვდარი სასხლში მცურავი დატოვეს, გაიხურეს კარი, ურდულები გაუყარეს, ცოცხალიცა და მკვდარიც წყვედიადში დატოვეს და წავიდნენ.

### მეფილე ლამე

დილით გაათრიეს ცხედარი, გამოასუფთავეს დილეგი, აბოს ხელფეხზე შემოჭერილი თოკი შეუხსნეს, პირიდან ბურთი გამოუღეს და ყადისთან წაიყვანეს.

ყადი აბოს მარტოკა ესაუბრა. არც შურტები შეუშვა შიგ, არც ჯალათები. მარტო მცველები იდგნენ კარებში.

დიდი ხნის განმარტოების შემდეგ ყადიმ მცველები იხმო და უბრძანა, აბოსთვის ბორკილი ქედზეც დაედოთ. იმ წამს შემოიტანეს ჯაჭვი და ბრძანება იქვე აღასრულეს. ხელ-ფეხ შებორკილი, ქედზეც ჯაჭვდადებული შეაგდეს დილეგში. აბოს არც ყადის გაავება გაკვირვებია და არც ახალი ჯაჭვის დადება ქედზე. ამდენ ხანს რომ არ

ჰკლავდნენ, ის აკვირვებდა. ნეტა რას უმზადებდნენ? კიდევ რას მოითხოვდნენ ან რას დააბრალებდნენ? ძალაგამოლეულს უკვე ფიქრის თავიც აღარ ჰქონდა, მთელი დღეები მკვდარივით იწვა. მარტინს უნდა დაძახილზე თავს მალა არ სწევდა, ელოდებოდა, როდის დასტავებდნენ ხელს, როდის წამოაგდებდნენ ფეხზე და ხელის კვრით როგორ გამოაგდებდნენ დილეგიდან. შეჩვეოდა ამგვარ ყოფას...

მეშვიდე ღამეს ასე არ მოხდა. კარი ფრთხილად გაიღო. ვიღაც შემოვიდა დილეგში. აბოს თავი არ აუწევია. ცოცხალ-მკვდარი ეგდო მიწაზე.

სხვარიგის ფეხისხმა ჩაესმა, მედილეგისას არ ჰკავდა. ხელიც აღარაინ დასტავა, ზურგზე მოუთათუნა და ჩასძახა: „აბო!“ — გაოცებულმა აიღო თავი. მედილეგე მართლაც არ იყო. თვითონ მედილეგეთუფროსი მობრძანებულიყო, ხელში სანათური ეკავა და თავზე დადგომოდა.

— წამოდი, საქმე გვაქვს შენთან! — ჩურჩულით უთხრა.

აბოს გული აუძგერდა. დაუჯერებელიც კი იყო მედილეგეთუფროსი შუალამისას, დილეგში ჰყრობილს ადამიანურად აღვიძებდა და თხოვდა საქმე მაქვს შენთანო. რა საქმე ჰქონდა უფროსს აბოსთან?.. თანაც საჩუმათო! — ალბათ მოსალოდნელი უბედურება თავს ამგვარად უნდა დამატყდესო, გაიფიქრა და ჯაჭვების ქლარუნით უკან მიჰყვა. გასაკვირი ის იყო, მედილეგეთუფროსს მცველი არ ახლდა, არც ჯალათი წამოეყვანა. უკან არც იყურებოდა, აბო ძლივს მილასლასებდა, ძალაგამოლეულს ბორკილების თრევაც კი უჭირდა, ცნობისწადილიც დიდი იყო — სად მიჰყავდა მედილეგეთუფროსს, რა საქმე ჰქონდა, რამე იცვლებოდა მის ყოფაში?.. უკანასკნელ ძალას იკრებდა და დასიებულ ფეხებს ძლივს მიათრევდა. ძველებურად უკვე აღარ ტკიოდა ხელ-ფეხი, მაგრამ ყაყბებს მაინც ვერ იცვამდა. სიარულიც უჭირდა.

მედილეგეთუფროსი შეჩერდა, აბოს მოჰკიდა ხელი და ჯურღმულში ჩაიყვანა. შეანათა სანათური და საიდუმლო ოთახში შეუძღვა. იქ სანთლები ენთო და თბილოდა.

— მიქაელ! — შესძახა აბომ და სიხარულისაგან თვალები გაუბრწყინდა.

— ჩუმად! — გააფრთხილა მედილეგეთუფროსმა.

მიქაელმა აბო ვერ იცნო, ცოცხალ-მკვდარი ადამიანი იდგა ფეხზე. „თვალებილა დარჩენილა“, — გაიფიქრა მიქაელმა და დაღურჯებულ, დამსკდარ ბალღამით სავსე ფეხებს თვალი მოარიდა, ხელის გაწოდ-



ბაც კი ვერ გაუბედა. გახევებული იდგა და შესცქეროდა. ხმა ვერ იღებდა. „მოუკლავთ კაცი“... რცხვენოდა, თავი დამნაშავედ იგონებდა.

მედილეგეთუფროსი საიდუმლო კარით ფეხაკრეფით დასწრებდა და ხიდან და ჭაბუკები მარტო დატოვა.

აბო კიდევ უფრო განცვიფრდა, თვითონ მიეახლა მიქაელს და ხმა-დაბლა ჰკითხა:

— რას ნიშნავს ყველაფერი ეს?

— ქრთამი ჯოჯოხეთშიც ჰქრის, — უთხრა ჩურჩულით, — შემეძლო პირდაპირ მოვსულიყავ, მაგრამ შურტები დამასმენდნენ. ახლა ჩვენს შეხვედრას არავინ გაიგებს, მითხარ სწრაფად, რა გინდა, მამაჩემიცა და კათალიკოსიც შინაპყრობილნი სხედან, ვერაფერს დაგეხმარებია, მე უნდა მითხრა, თუ რამე სათხოვარი გაქვს, მამამ გამომგზავნა შენთან.

აბოს გაუხარდა, თვალები ცრემლით ავესო, უცებ დაიხარა და ხელზე ემთხვია.

— შემინდე, მიქაელ, შემინდე!.. — შეჰღალადა სტუმარს.

— ჰო, კარგი, კარგი!.. — უთხრა მიქაელმა და წამოაყენა.

— მამა იოანესთან, ჩემს სკივრში, ეგვიპტური მოსასხამი მაქვს, — დაწყობა ჩურჩულით აბომ, — აფხაზთა მთავრის ნაჩუქარი, იქ არის ჩემი სხვა სამოსელიც. ღეთის გულისათვის, სავაჭროდ გაიტანეთ, მონაგები ფულით სანთელად კერეონები და საკუმეველი მიყიდეთ, დანარჩენი კი ქერივ-ობლებს დაურიგეთ.

ჩემი სული და გული სანთელივით არის ანთებული ღმრთისა ჩემის სიყვარულითა და სარწმუნოებით. ნათლისღება ახლოვდება. ქრისტიანმა ნათლისღების დღესასწაულს მაცხოვარს სანთელი ვით არ ავუნთო? ეგებ ერისმთავარმა ამირას ნებართვაც გამოთხოვოს... მხოლოდ ერთ ღამეს, ნათლისღების ღამეს ამანთებინონ კერეონები და წესისამებრ მალოცვინონ. უფალს პირნათელი მინდა შეეხვდეთ...

მიქაელი ყველაფერს მოელოდა და ამგვარ სათხოვარს კი არა. ამირასთან აბოს ხსენებას კიდევ ვინღა გაბედავდა!

— იცი, რა, აბო, — აფორიაქდა მიქაელი, — შევეცდები, ძალონეს არ დავიშურებ... არ ვიცი... ეს როგორ... — აღუღლულდა საწყალობლად და წასვლა დააპირა.

— ნახვამდის, აბო... გამაგრდი... ნუ გეშინია... — არეულ-დარეულად მიუგდო ეს სიტყვები და კარისკენ გაემართა. უცებ შეჩერდა. თითქოს რაღაც გაახსენდაო. მობრუნდა. შიშითა და კრძალვით მიუბრუნდა და ჰკითხა:

— ეგებ შეგეცვალა გუნება და გრცხვენია, ჰა, აბო?.. მე მოთხარი, მარტო მე... შენც გეშველება და ჩვენც, დამიჯერე...

აბო თავჩარგული იჯდა. მიქაელისთვის არც შეუხედავს. ელოდა მიქაელი წელში მოხრილი, ეგებ ხმა გაიღოსო, მაგრამ ამაოდ. აბოს ამაზე სიტყვის ჩამოგდებაც კი არ უნდოდა. დუმილმა მედილეგეთუფროსი შემოიყვანა, იფიქრა, ალბათ მიქაელი წავიდაო. მიქაელი მედილეგეთუფროსს დაემშვიდობა და ფეხაკრეფით გავიდა ოთახიდან.

მედილეგეთუფროსმა აბო იმავე გზით წაიყვანა. ზანდა, რომ მას აქ ათასი სადუმლო ხერელი ჰქონდა და მრავალი სხვადასხვა მიზნისა და დანიშნულების ოთახი.

სადილეგოში მართლაც ჩიტი ვერ შეფრინდებოდა. ყოველ საყანსა და დილეგს თავისი მცველი ჰყავდა, თავისი რამდენიმე ჯალათი, მოთვალთვალე შურტა. ღამ-ღამობით მორიგეობა იყო დაწესებული, მედილეგეები ცვლით მუშაობდნენ და მაინც მედილეგეთუფროსმა ისეთი დრო შეარჩია, ისეთი გზით წაიყვანა და უკან დააბრუნა ჰყრობილი, არავის არაფერი გაუგია. ამის გაკეთება მხოლოდ მედილეგეთუფროსს შეეძლო და მიქაელმაც სწორედ ის გამოძებნა, მას ჩაუჩხრიალა დინარები ჯიბეში და მშვიდობიანად, გულის ხეთქვის გარეშე, შეუსრულა მამას ახირებული სურვილი.

აბო დილეგში დაბრუნდა. მაშინვე დაემხო ცივ მიწაზე და წყვილიადში ჩაინთქა. ხოსრო აბუ-იუსუფისთვის ეს უნდა ეთხოვა. წერილს გაუგზავნიდა იოანეს და სამოსის გაყიდვას თხოვდა. უკვე ნათლად ხედავდა, რომ სამოსი ამიერიდან აღარ დასჭირდებოდა. თუ თავს არ მოჰკვეთდნენ ან ძალით არ მოაკვდინებდნენ, მაინც მოკვდებოდა, აქ მოკლავდნენ დილეგში შიმშილით. „შეიძლება ამაღამაც ვერ გავათენო“... — გაიფიქრა ნაღვლიანად, ფეხები ტკიოდა, ნაცემი ფერდები ტკიოდა, ჭიპს ქვემოთ, ჯალათმა ფეხი რომ ჩაართყა, ის ადგილი ტკიოდა, ყიაში თითქოს ალესილი დანა ედო, შიგანი ტკიოდა, თავი ტკიოდა, თავბრუ ეხვეოდა, თვალბრჭყვიალა ესხმოდა.

## მერვე ლაშო

მთელი დღე ეგდო დილეგში, არავის მოუკითხავს, არავის გახსენებია. ღამით დააცხრნენ თავზე. ადექიო, უბრძანეს. ველარ ადგა, წიხლების ცემით ააგდეს და თითქმის გაათრიეს დილეგიდან. ჯურ-

დმულში ჩაიყვანეს. ჭურღმული კი არა, ნამდვილი ჯოჯოხეთი იყო. ჯოჯოხეთი სწორედ ამგვარად ესახებოდა. ითანესაგან იცოდა, და რა იყო ჯოჯოხეთი, ოღონდ ის ჯოჯოხეთი საიქიოში ეგულებოდა. მკვდრებს ასამართლებდნენ, სააქიოს ჯოჯოხეთი კი ტფილში, მკვდრებს ლევოს ქვემოთ, ჭურღმულში გაუმართავთ ზედამდგომელთ და შივთურმე ცოცხალ ადამიანებს ასამართლებდნენ, უფრო უკეთ აწამებდნენ, აქ სამართალს არავინ დაეძებდა. სააქაოს ჯოჯოხეთი ჯოჯოხეთზე უფრო დიდი ჯოჯოხეთი უნდა ყოფილიყო...

პირველი, რაც აბოს თვალში ეცა, ბული იყო, თვალის გახელა ჭირდა, ისეთი კვამლი და ბული იდგა. ჭურღმულში ორად ორი ხარჩამავალი ქვაბი თუხთუხებდა, ერთი კუპრისა, მეორე ზეთისა. ეს ქვაბები აყენებდნენ ბულს... ჭურღმულის სიღრმეში სახრჩობელები მოჩანდა, რამდენიმე თოკზე კაცი კონწიალობდა.

აბოს ერთი თვალის გადავლებით უნდოდა ყველაფერი დაენახა, ხარბად აცეცებდა თვალებს, სატკივარი დავიწყნოდა.

აქამდე სამოთხეში ვყოფილვარო — გაიფიქრა.

ჯალათებმა აბო შურტას მიუყვანეს. შურტა შემალლებულ ადგილას იჯდა და გარს ჯალათები ეხვია.

ჭურღმულს სულ სამი ასეთი შემალლებული ადგილი ჰქონდა, სამგანვე შურტები ისხდნენ და ჯალათები ეხვივნენ.

ერთგან შიშველ ადამიანს ტაჯგანაგებით სცემდნენ...

აბო ხარჩამავალ ქვაბს არ აცილებდა თვალს. იმ ქვაბში ზეთი დუღდა. ადუღებული ზეთის ეშინოდა. სწორედ ეს ქვაბი იდგა ახლოს. შეშინებული შესცქეროდა ჯალათებს. ეგონა, უცებ ეძგერებოდნენ და პირში ადუღებულ ზეთს ჩასახამდნენ. ასე არ მოხდა, შურტამ ხელი აიქნია და ჯალათები ხელად წავიდ-წამოვიდნენ. ორად ორი ლახვაროსანი დარჩა აბოსთან. „მაშასადამე, მკლავენ“, — გაიფიქრა აბომ. მოკვდინებას არ სჭირდებოდა მრავალი ჯალათი.

— გულწრფელად აღიარე დანაშაული და ადუღებული ზეთის პირში ჩასხმა აგცდება, — უთხრა პირდაპირ შურტამ, — აღიარე როდის მოვიდა შენთან ამოტ ერისთავის გამოგზავნილი კაცი და რა მოიტანა?.. — უფრო სწორად, როდის მოვიდა მონასტერში, იოანე ბერთან ამოტ ერისთავის გამოგზავნილი კაცი და რა მოუტანა მას.

ვიმეორებ: თუ სიმართლეს იტყვი, ადუღებული ზეთის პირში ჩასხმა აგცდება...

— ღმერთო! — შესძახა აბომ, მაღლა აიხედა და პირჯვარი გადაისახა. — პირველად მესმის... — ჩაილულლულა...



— რა გესმის პირველად? — ჰკითხა ცივად შურტამ.

— რაც თქვენ ბრძანეთ... — შიშისაგან მუხლები აუქანდა.

— რა ვბრძანე მე...

— ააა... — ენა დაება აბოს.

აბო შურტას მუხლებზე დავარდნილი ელაპარაკებოდა, ახლა სულ მთლად განერთხო მიწაზე. აშოტ ერისთავის გამოგზავნილი კაცის ამბავი გაეგონა. თუმცა თვალთ არ ენახა, არც მისი მოტანილი წერილი წაეკითხა. მაშინ აბო საპყრობილეში იჯდა. კაცმა ამბავი ჩამოიტანა, თურმე ცოცხლები არიან და მოღვაწეობას შეუდგნენო, ასე უთხრეს საპყრობილედან რომ გამოვიდა. რა ეთქვა აბოს ახლა? სიმართლე? — არ ივარგებდა.

თუ იტყოდა, ის კაცი რომ ჩამოსულა, მე საპყრობილეში ვიჯექიო, საიდან იცოდი ვილაც კაცი რომ ჩამოსულაო, — ჩააცივდებოდნენ. ამ კითხვას კიდევ სხვა კითხვა მოჰყვებოდა. ვინ გითხრა ეს ამბავიო, როდის, რომელ დღეს გაიგეო... ვერ იტყოდა სიმართლეს, სიცრუე ეთქვა? — სიცრუე აბოს პირიდან არ ამოდიოდა. ვერც მოიფიქრებდა დამაჭერებელ სიცრუეს. ისევ პყრობილთაგან ათასჯერ აწონილ-დაწონილი, გამოცდილი პასუხი „არ ვიცი“ უნდა მიეგო და თავი მით დაეცვა.

ჩანდა აშოტ ერისთავის გამოგზავნილი კაცის ამბავი შურტებს აქამდე ვერ გაეგოთ. აქამდე აბოსთვის არაფერი უკითხავთ ამაზე. „როდის მოვიდა თქვენთან აშოტ ერისთავის გამოგზავნილი კაცი“... — ეკითხებოდა შურტა, ვითომ დანარჩენი ყველაფერი იცოდა და მხოლოდ და მხოლოდ დრო ჰქონდა დასადგენი. აბოს ამგვარი დაკითხვების გამოცდილება შეეძინა, თუ ფიზიკური გამძლეობა ეყოფოდა, არაფერი დაცდებოდა, ყოველი სიტყვა, რაც აშოტსა და იოანეს შეეხებოდა, შურტასთვის ძვირფასი უნდა ყოფილიყო, — ვერ ეღიროსებოდა ვერც ერთ სიტყვას!

— მიპასუხე, როდის მოვიდა მონასტერში იოანე ბერთან აშოტ ერისთავის გამოგზავნილი კაცი... — ჩასძახოდა შურტა დამხობილს. აბო ზმას არ იღებდა და თავსაც არ სწევდა მალდა. ლახვაროსნებმა აიქულეს თავი აეღო, შურტას მაინც არ შეხედა თვალებში, დამნაშავესავეთ გვერდით იყურებოდა.

— არ ვიცი! — თქვა ბოლოს ყოჩაღად. ჩანდა, რომ რაღაც დასძლია, რაღაც მტკიცე გადაწყვეტილება მიიღო, — არაფერი არ ვიცი!..

— როგორ, არც გაგიგონია, რომ აშოტ ერისთავმა იოანე ბერს კაცი გამოუგზავნა?



— არა.

— კეთილი და პატიოსანი, — თქვა შურტამ მშვილდის მშენებელს.  
მაშინ ის მიბრძანეთ, სად არის აშოტ ერისთავი.

— არ ვიცი.

— რატომ არ იცი. შენი ბატონის მეგობარი უგზო-უკვლოდ და-  
იკარგა, ნუთუ ერთხელ არ დაინტერესდი და არ იკითხე?..

— არ მიკითხავს.

— რატომ არ გიკითხავს?..

— მე უბრალო მსახური ვარ...

— მაინც, მაინც სად ბრძანდება, შენი აზრით.

— არ ვიცი.

— რა არ იცი? — გაცეცხლდა შურტა.

— არ ვიცი.

— მოიტანეთ ადუღებული ზეთი! — იყვირა შურტამ.

ჯალათები თვალისდახამხამებაში მოვარდნენ, აბოს მისცვივდნენ და უმალ წამოაქციეს. ქვაბიდან გრძელტარიანი ხაპით გადმოიღეს მო-  
თუხთუხე ზეთი, პირში მახვილი აძგერეს და გააღებინეს. ხაპი ცხვირ-  
თან მიუტანეს...

შეყოვნდნენ, შურტა და უფროსი ჯალათი თათბირობდნენ. აბო  
პირადმა იწვა, მტკივან შებოროკილ ხელებზე და ფეხებზე ჯალათები მუხ-  
ლებით შემდგარიყვნენ, ზოგი თავს უმაგრებდა, — არ გაინძრესო.

აბოს პირი ღია ჰქონდა, შიგ საყბე გაეჩხირათ. საყბე მოკლედ გა-  
დაპრილი, გათლილი ხის საწამებელი იარაღი გახლდათ. ადუღებული  
ზეთის ჩასხმის დროს, ადამიანს პირს ხანჯლის წვერით ან მახვილით გა-  
უხსნიდნენ და შიგ საყბეს ჩაუდგამდნენ, არ დამუწოსო, ცხელ ზეთს  
ასხამდნენ ხახაში.

„მერე სულ ვერაფერს გვეტყვის“, — ჩაესმა აბოს არაბულად ნა-  
თქვამი. შურტას ხმა უნდა ყოფილიყო. ბჭობდნენ, ჩაესხათ თუ არ  
ჩაესხათ. „მაშინებენ“ გაუელვა აბოს თავში და იმედი მოეცა. მარ-  
თლაც, რატომ უნდა ჩაესხათ ადუღებული ზეთი პირში? თუკი მათ  
აშოტსა და იოანეს შორის კავშირი უნდა დაედგინათ, აბო ცოცხალი  
უნდა ჰყოლოდათ. თუ ვინმემ იცოდა, ისევ აბომ, რაც მათ სჭირდებ-  
ოდათ. აბოს შეეძლო ამ კავშირის არსებობა დაედასტურებინა. „არ  
ჩამასხამენ“, — ფიქრობდა პირდაღებული და მალლა, ჰერს ქვემოთ  
ჩამოწოლილ კვამლს და ბუღს გასცქეროდა.

„ყურში ჩავასხათ“, — მიეშველა საგონებელში ჩავარდნილ შურ-  
ტას ჯალათი.



„ყურში“ — მოეწონა შურტას ჯალათის ნააზრევი.

აბო მთვალეები დახუჭა. „ახლა მტაცებენ ყურში ხელს და ადუღებული ზეთი ტვინს გამიბურღავს...“ ადუღებული ზეთი პირში ჩასხმა ტაჯგანაგების ზურგში ცემით შეცვალა.

სულ ახლოს ვილაცას აწამებდნენ. იმ კაცის კენესაც გულს უწურავდა, პირში გაჩრილი ხის საყბეც ახრჩობდა, იარებიან ფეხებსა და ხელებზე ჯალათები მუხლს აჭერდნენ და სული მაინც არ ძვრებოდა...

„ტაჯგანაგები“, — ჩაესმა აბოს და გულმა უგრძნო, რომ ამ სიტყვას სიკეთე უნდა მოეტანა. მართლაც, შურტამ თავისი გადაწყვეტილება: ადუღებული ზეთის პირში ჩასხმა ტაჯგანაგების ზურგში ცემით შეცვალა.

აბოს პირიდან საყბე გამოგლიჯეს, გააშიშვლეს, პირდაღმა დაამხეს და ტაჯგანაგები დასცხეს. ტაჯგანაგებით ცემა არგნით ცემას სჯობდა, ცემას მიჩვეოდა, ტაჯგანაგების შხუილი დედის ნანასავით ჩაესმოდა. დიდხანს აღარ უტყემიათ. წამოაგდეს, თავისი ბრანძიძველები ჩააცვეს და ჯურღმულიდან გაიყვანეს. ერთ ამოშავებულ გვირაბის ყელთან შეაჩერეს: შეძვერიო, უბრძანეს. აბო ოთხზე დაეშვა, წელში მოხრილიც ვერ შეეტეოდა ადამიანი. აბო ხერგელში შეხობდა. იმ წამს ზურგს უკან გრუხუნნი გაისმა და წყვილი ჩამოწვა, აბომ უკან მიიხედა, გვირაბს ჯალათებმა სარქველი დაარქვეს, ალბათ ლოდი მოაგორეს და მოაყუდესო — გაიფიქრა. ამგვარი სამწყვდევი აბოს არც გაეგონა. „ნუთუ აქ მამყოფებენ“... — დაჯდომაც კი არ შეიძლებოდა, ან უნდა ეჩოხა, ან წოლილიყო ყინულივით ცივ ლოდზე. დაწვა, ვითომ დაისვენა. ტაჯგანაგებით ნაცემ ფერდებსა და ზურგს უკვე არად თვლიდა, ადუღებული ზეთის პირში ჩასხმის შიში გაექრო შავ ხერგელს, მაგრამ ახლა სხვა შიში ჩამდგარიყო სულში. მოლოდინის შიში: რას უმზადებდნენ ამ შავეთში? თუ უბრალოდ აწამებდნენ... „ჩემს ღმერთზე რომ არ ვიფიქრო, სულ რაღაცის მოლოდინში რომ ვიყო, იმიტომ დამატარებენ ჯურღმულ-ჯურღმულ“... — ფიქრობდა მოწამე და სწორედ თავის ღმერთს — ერთადერთ იმედსა და სასოებას ევედრებოდა, დაეხსნა ამ ჯოჯოხეთიდან და წაეყვანა. „ღმერთო ჩემო, ღმერთო ჩემო, რაისათვის დამიტყეებ მე“, — აგონდებოდა წიგნის სიტყვები და მთელი ძალით გრძნობდა ჯვარზე გაკრული იესო ქრისტეს წრფელ სურვილს, ბოლო მოღებოდა სატანჯველს. „ღმერთო ჩემო, ღმერთო ჩემო, რაისათვის დამიტყეებ მე“, — ბუტბუტებდა წყვილიაღში უფლის სიტყვებს.



იოანე საბანისძის დილეგში ძალით შეჭრა და მოჭრვა აბოს მოძღვარი შემოიპყართო, არა მარტო მცხეთასა და ტფილისს, სრულიად ქართლს უმალ მოედო. მოძღვრის საქციელმა შიტქმა-მოთქმა გამოიწვია ერში. ზოგი მას გმირად მიიჩნევდა. სულ მთლად განწირული არ ვყოფილვართ, ქართლში კეთილი ზნის ერთი ადამიანი მაინც გადაარჩენილაო, ზოგს თავისი სილაჩრე და უზნეობა რომ დაემალა, ზელად თვლიდა, კამეჩის მოჭიდავე ხარსაო, დაბუზღუნებდა და ამტკიცებდა, რომ საბანისძეს შინაპრობილობას არ დააჯერებენ, თავის მოწაფეს მიაყოლებენო. ზოგი იმასაც ამბობდა, იოანე ბერს არც კაცი უყვარს და არც ღმერთი, თავისი ადგილმამულების დაბრუნება სწადიან და მისთვის აღძრულაო.

იოანეს მამულები პირველი შეპყრობისას ჩამოართვეს, თავისუფლება რომ უბოძეს, ბერად აღიკვეცა და საკუთარი მამულისთვის არც უზრუნია. უფრო დიდი საზრუნავი ჰქონდა, უფრო დიდი მამულისთვის იბრძოდა. ავგულა და ავენა ადამიანები ავ ჰორებს თხზავდნენ, საბანისძის კეთილი საქმენი კი თვითონ დადადებდნენ სიმართლეს.

შეპყრობილი იოანე საბანისძე და სამოელ ქართლის კათალიკოსი შურტათმთავარმა მცხეთის მამასახლის გუარამს რომ ჩააბარა, ეს ამბავი ერში ველარ დაიშალა. ღამით, საიდუმლოდ, დატყვევეს იოანეცა და სამოელიც, მაგრამ ჰირმა თავი მაინც იჩინა. იმავე ღამ მთელმა მცხეთამ გაიგო წმინდა მამების შეპყრობა.

ქალებმა გამოიღეს ხელი, მართალია, კმრებსა და მამებს ვერ უბედავდნენ წაქეზებას, შვილებს კი ჩააგონებდნენ, საბანისძისთვის მიებაძათ.

თვითონ ღმერთმა გამოგვიგზავნა ტარიგი, ტფილის-ქალაქი მისი ცოდვით იწვის, ქართლი კი დუმს, იმის უნარი არ შესწევს, მოწამეს გვერდში ამოუდგეს, საბანისძემ ყველა ქართველი ვაკაცის ვალი მოიხადა, საკუთარი სიცოცხლე მიიტანა სამსხვერპლოზე, სასიკვდილოდ განწირულ აბოს მხარში ამოუდგაო — სოფელ-ქვეყანაში ჩურჩულ-ჩურჩულით დადიოდა ამბავი.

გუარამის სასახლე მოექცა ყურადღების ცენტრში, რადგან საბანისძეც და სამოელიც აქ შეიპყრეს, აქედან გავიდა ერში ჰორიცა და მართალიც.

ნათლისღების წინა დღეებში სასახლეში უწყება მოიტანეს, ნათლისღებას ტფილის-ქალაქში აბოს აწამებენ, სრულიად ქართლი იქ უნდა შეიკრიბოსო.

შავით მოსილი ანო კარის საყდარში ჩამოიჭრა, ილოცავს აბოს სულისთვის, მოძღვარს აღსარება უთბრა და გულის ტყვეობას აღმუშავებს. დუმლო გაანდო:



— მამაო, ქრისტემან საპყრობილით ჯოჯოხეთისა აღმოგვიყვანა, ჩვენგან საპყრობილესა მყოფთათანა მისვლასა ითხოვს...

შევ თავსაფარს ქვემოდან დიაცს გიშრისფერი მრგვალი თვალები ჩადოქრულად უბზინავდა და ნელსაცხებლის სუნი ფშოოდა სამოსიდან.

კარის მოძღვარი ხსართან ხუცესი შეცბა. ანოსაგან არ მოელოდა ამგვარ სიტყვებს. მართალია, ანოც, გუარამიც და მამამათიც მისი აღზრდილი იყო, მაგრამ ისინი ხომ სარკინოზებს ემსახურებოდნენ? განა მცხეთის მამასახლისის დას მისცემდნენ უფლებას, ხალიფას ორგული მუსლიმი საპყრობილეში ენახა? დახეთ საკვირველებას! ანომ ერთხელაც შეანათა თავისი გიშრის თვალები ხუცესს და შეჰლაღადა:

— მოწამე აბო ისმაიტელყოფილს ხვალ მოაკვდინებენ. აღასრულეთ ნება ღვთისა, — მე და აბოს ჭვარი დაგვწერეთ!

ხსართან ხუცესმა ყურები დაიციო, შეშინებულმა გაიხედ-გამოიხედა საყდარში, მუხლზე დაეარდნილი ასული ფეხზე წამოაყენა და დაუყვა.

— ილოცე, შვილო, ილოცე... ლოცვა უშველის შენს ვარაშს...

— გევედრებით, მამაო, ახლავ წავიდეთ ტფილის-ქალაქს, ჭორები გალავანს გადაღმა გველოდებიან.


ხუცესმა ანოს პირჯვარი გადასწერა.

— ჩუმად! — უჩუჩჩულა, — თავს ილუპავ და სხვასაც ღუპავ ე მაგ სიტყვებით... გეამში ეშმაკი ჩაგსვლია და ის გალაპარაკებს...

— თვითონ უფალი მირჩევს აბოსთან წასვლას, მამაო, უფლის ნებით ავიდგი ენა... — ანო მოძღვარს ხელზე ემთხვია და კვლავ დაემხო მის ფეხებთან, — უფალი ჩვენი, მაცხოვარი იესო ქრისტე მზეა, — შეჰლაღადა ხუცესს ქალწულმა, — მე და აბო ვით ორი ქვესკნელის პეპელა, მისკენ მივისწრაფით. იმად მივდივარ ტფილის-ქალაქს...

— გაჩუმდი-მეთქი, წერას ატანილო, ქართველი მღვდელ-მონაზვნებისათვის ჭერ იოანეს აღძვრა არ უპატიებიათ, არავინ უწყის ხვალ რას გვიმზადებენ, ახლა კიდევ ეს უცნაური ჭვარისწერა! მოგაკვდინებენ, იცოდე!





— დაე, მომაკვდინონ, პაპაჩემის, მამაჩემის, გუარამის, ჩემი ძმის, ცოდვილი სულები უნდა გადავარჩინო.

— გეყოფა! გაჩუმდი!

აზრახდა ხმამალლა ხუცესი, შერცხვა მალალი ხმის, მიუბრუნდა დანანებით და ხმადაბლა ჰკითხა:

— ჰყვარობდით ერთმანეთსა?

— არა, საკანში გავეცნობი და ჯვრისწერას შევთავაზებ...

— სიკვდილმისჯილს შესთავაზებ ჯვრისწერას?

ანო უფლის ხატს მიეახლა და პატიება თხოვა მუხლმოყრილმა.

— მიხსენ და მომიტევე, ღმერთო, ცოდვანი ჩემნი ნებსითნი და უნებლიეთნი, საქმითნი, სიტყვითნი, გულის სიტყვითნი და მოგონებითნი, ღლისითნი და ღამითნი, გონებით და გულისხმისყოფით, ყოველივე ცოდვანი ჩემნი შემინდევე, ვითარცა სახიერმან და კაცთმოყვარემან.

თვალთვან ცრემლმა იწვიმა.

ხუცესმა ჯვარი გადაწერა.

— ძმისგან მალულად? — დამფრთხალმა ხუცესმა ჩურჩულით ჰკითხა.

— ფარულად ყოველთა, — მიუგო მტკიცე ხმით.

— ჰყრობილთან გსურს ფარული ჯვარისწერა? — ხსართან ხუცესს თვალები გადმოუვარკლა, — ტიპიკონი გვიკრძალავს! არა! — აზრახდა კვლავ ხმამალლა ხუცესი, სამკვეთლოში შევარდა უაზროდ, გამოფათურდა. იქიდან და ანოს თითქოს პირველად ხედავსო, გონებაამღვრეული მიაშტერდა:

— უნდა განუდგე ჩემს პატრონს, მფარველსა და მწყალობელს, შენს ერთადერთ ძმას — გუარამს?... — ღელვისაგან მოხუცს ხელები უთრთოდა და ჯვარს მალლა-მალლა სწევდა. თითქოს მართლა ეშმაკეულს ელაპარაკებოდა.

— უფალს, იესო მაცხოვარს განუდგები?! — კითხვას კითხვითვე მიუგო ანომ.

ხსართან ხუცესმა თვალები მალლა აღაპყრო, პირჯვარი გადაისახა და „სახელითა მამისათა“ წართქვა.

— განუდგები უფლის მცნებათ. მშიერსა ეცით ჰამადი, წყურვილსა ასვით. შიშველი შემოსეთ. უცხო შეიწყნარეთ. სნეულსა მიხედეთ. საპყრობილესა მივედით.

ანო ხუცესს ატაცებული მიჩერებოდა, მოხუცს მისი ეშინოდა და თვალს არიდებდა.

— საბანისძემ, ერთადერთმა ზნეკეთილმა ქრისტიანმა, ალასტორის უფლის ნება, „მივიდა საპყრობილესა“. ჩვენ რასა ვიქმთ! — ერი და ბერი?.. შიშით სოროში ვიმალებით, ვითარცა ქურცინი და გინჯი...  
ქურცინი და გინჯი

ჩურჩულ-ჩურჩულით გამოვიდნენ საყდრიდან. ანო წინ გაიქცა, კლდის პირზე გადადგა და ხსართან ხუცესს უთხრა:

— აი, ამ კლდიდან თავსა გარდავიქცევ, თუ ახლავ ტფილისის გზას არ დავადგებით.

მცხეთის მამასახლისის სასახლე სამი მხრით გალავნით იყო შემოზღუდული. სალი კლდეები ერთყა, იქ აევგოთ კარის ეკლესიაც, ხუცესს შეეშინდა, ანოს ხელი წაავლო.

— გუარამს, შენს ძმას ვკითხოთ, ღვთის სულო, — შევედრა მოხუცი, — სხვა რიგ არ ეგების... ჩემს ჭალარას ეცი პატივი...

ანოს მოხუცი შეებრაღა, გადაწყვიტა, მარტოკა წასულიყო ტფილისში. მიქაელი მოეძებნა, მისი დახმარებით მღვდელიც ეშოვა და აბოსთანაც შეეღწია.

— მე თქვენთან ლოცვა-კურთხევისათვის მოველ, მამაო, ჭეშმარიტი ქრისტიანი სულიერ მოწაფეს თვისას ბნელში არ დასტოვებს... — უთხრა მბრძანებლის კილოთი, თავსაფრით სულ მთლად დაიფარა პირისახე და გალავნისაკენ წავიდა.

ხუცესი უკან გამოუდგა ლულულულით.

— თვით მოწამემ რომ არ ისურვოს ჯვარისწერა? — უკან დაადევნა.

— იყოს ნება მისი... — მოაძახა ანომ მშვიდად და გზა განაგრძო.

— ანო! — დაუძახა ხუცესმა, — მომისმინე!..


— მე ტფილისს მივდივარ, მოძღვარო... ჯორები გალავანს გადაღმა მელოდებიან... — ერთხელაც მობრუნდა ანო.

სასოწარკვეთილმა ხსართან ხუცესმა სასახლისაკენ მიიხედა, გუარამის რიდი ჰქონდა, რას იტყოდა მამასახლისი, მისი და ჯვარს იწერდა სიკვდილმისჯილთან, კარის მოძღვარს ხელი არ შეეშალა?

— ეგებ კათალიკოსს ვკითხოთ, გუარამს თუ არა? — კვლავ შევედრა ხუცესი, — ღმერთი გვიწყენს თვითნებობას...

— ღვთის ნებით მივდივარ აბოსთან, მამაო, თვით უწმინდესიც ვერ შემაჩერებს, — თქვა ანომ მტკიცედ და ბჰისკარისკენ კი არ წავიდა, საიდუმლო კარს მიადგა. მსახურმა შეთქმულივით სწრაფად გაუღო კარი და სწრაფადვე ჩარაზა, ხუცესმა ძლივს მოასწრო გასვლა.

განა ანოს მიატოვებდა, ჯვარსაც დასწერდა, თუ დასჭირდებოდა,



მისთვის თავსაც დასდებდა, მაგრამ პატრონების უკითხავად არასდროს გადაედგა ნაბიჯი, ყმაწვილის აყოლა არ შეეფერებოდა. გზაში დავიყოლიო და უკან გავაბრუნოო, თვისი საქმეები თლებლად მოიგონა ეს. გალავნის გადღმა ანოს შეკაზმული ჯორები და მხლებლები ელოდებოდნენ, სიტყვა არავის უთქვამს. უბრად ამხედრდნენ და ტფილისის გზას დაადგნენ.

ხსართან ხუცესი ფიქრობდა, გზად შემხვედრი მეზუერენი გუარამს შეატყობინებენ დილაადრიან მისი დის საეკვო მგზავრობას და უკან დაგვაბრუნებენო. აღარ გამართლდა ეს ვარაუდიც, რაკი ჯორებზე ისხდნენ, წესი არ ირღვეოდა. მეზუერენიც არ დაექვევებულან, ანოსთვის ხელი არ შეუშლიათ ტფილის-ქალაქს ისე ჩავიდნენ, არავის არაფერი უკითხავს სად, რისთვის მიდიხართო.

ერისმთავრის სასახლეს ჯოროსნები რომ შიადგნენ, მსახურთ ერისმთავრის სტუმრები ეგონათ, მცხეთის მამასახლისის და მესტუმრეთუხუცესმა იცნო და პატივით გამოეგება.

ანომ მიქაელი იკითხა.

სასახლის მსახურთ გაუცვირდათ, როცა სტუმარმა თავი დაადო და მიქაელის ბინას მიაშურა.

მიქაელი სიხარულით ცას ეწია: თავი სიზმარში ეგონა. ის, რაც თვითონ, ვაჟაკმა ვერ გაბედა, ასულმა აუცხადა, — თავისი ფეხით მოვიდა!

მიქაელი ჯერ ხსართან ხუცესს ეამბორა ხელზე, ჯვარზე, შემდეგ ანოს ფეხებთან დავარდა და ფეხისტერფებს ზედ დააკვდა. თავის აწევას არც აპირებდა.

— ადექ, ყრმაო, — უთხრა ანომ ცივად, — აბო უნდა ვნახოთ, ახლავე, ამისთვის მოველ!..

მიქაელი არც განძრეულა, არ გაუგია, ანომ რა უთხრა. ერთადერთი სიტყვა ჩაეჭრა სულში უსიამოდ „აბო“. ამ სიტყვამ წამოაყენა ფეხზე და ანოს თვალებში ჩახედა.

— მე მინდოდა გუარამთან მოსვლა... მაგრამ... ვერ... ვაგბედე... დამაგვიანდა... მე... — აღუღლულდა ვაჟი.

ქალის სიახლოვემ რეტი დაასხა, გაბრუებული იდგა და ხელობდა. ანოსი მხოლოდ ხმა გაიგონა. ამ ხმის სიტყვომ გონება დაუბნელა, ნეტარებას მიეცა, გონწართმეულს ერთადერთი სიტყვა შერჩა ხელთ, იმ ერთადერთმა სიტყვამ დააბრუნა მიწაზე, ჯერ იფიქრა,

მომხმამო, მაგრამ ის სიტყვა დიაცს შუბლზე ეწერა: „აბო“  
ნებაო, თავი გადააქნია.

— წავიდეთ, მიქაელ, — ახლა უკვე გარკვევით ჩაეხვეწა ხმა.

მიქაელი არც წასვლაზე ფიქრობდა, არც დარჩენაზე, გაოცებული შესტკეპროდა ანოს, ის ახლა შებრუნებულიყო, კარისკენ მიდიოდა. თავს ზემოთ კი კვლავ გრძელი ასომთავრულით ეწერა „აბო“.

— სსაად წავიდეთ? — ენა დაება მიქაელს. „აბო“ — ახლა უკვე ნამდვილად გაიგონა ყმაწვილმა. ანოს ტუჩებმა წარმოთქვეს ეს სიტყვა. რატომ წარმოთქვეს, სხვა სიტყვები რა თქვა ქალწულმა, მიქაელს კვლავ აღარ გაუგონია. რატომ ახსენებდა წარამარა პყრობილს, სიკვდილმისჯილს ამირას მოხელის და? განა ანო აბოს იცნობდა?.. ბრუდასხმულ მიქაელს ხსართან ხუცესი მიუახლოვდა, ხელი მოჰკიდა, გვერდით გაიყვანა და საიდუმლოდ უთხრა:

— ამაღამ როგორმე აბოსთან უნდა შეგვიყვანოთ, სხვა გზა არ არის. ჯვრისწერას მთხოვს...

ხუცესმა არ იცოდა მიქაელის ტრფიალის ამბავი, პირდაპირ მიახალა, რისთვისაც ჩამოვიდნენ მცხეთიდან.

— რა ჯვრისწერას? არ მესმის... ვინ იწერს ჯვარს? — ჰკითხა მიქაელმა.

— ანოსა და აბოს ჯვარი უნდა დაეწერო ამაღამ, — მიუგო ხუცესმა.

— ანოსა და... აბოს... — ამოიბრიალასავით მიქაელმა, — ანო! — მიიძახა კარში გასულ ანოს სასოწარკვეთილმა.

ანო ბინაში შებრუნდა.

— ხვალ აბოს სიკვდილით დასჯიან... — უთხრა მიქაელმა თანალომობით, თითქოს აბოს სიკვდილი დაიხსნიდა თავსდატეხილ უბედურებისაგან.

— იმიტომაც ვიწერ ჯვარს, — ამაყად მიუგო ანომ, — ერთადერთი მამაკაცი გვეოლია და ისიც იმ ქვეყანას მიდის... უნდა მოვასწრო, ამაღამ უნდა ჯვარი დაეწერო.

— ხომ იცი ამისთვის რაც მოგელის... გონს მოდი, ანო! — მიქაელი კვლავ დავარდა მის ფეხებთან, — ამაღამვე შეგიპყრობენ, შენ, შენს ძმას გუარამს, მთელ საგვარეულოს!.. ქართველ დედათაგან ჯერ არავის სმენია ასეთი საქციელი.

— დღეიდან ისმინონ! — მიუგო ატაცებულმა, — როცა მამანი მახვილს ძირს ხრიან, დედათა უნდა აღაპყრონ!..



ანომ ზიზლით დახედა ძირს დამხობილსა და გავიდა, მსლებლები გარეთ ელოდებოდნენ.

მიქაელი მოკლეს, თავის ვიწრო ბინაში, ძირს დამხობილსა და ჩასცეს მახვილი და სული გააფრთხობინეს. ქართლსა შინა ერთადერთი მამაკაცი გვყოლია, უნდა მოვასწორო, ამაღამ ჯვარი უნდა დავიწერო — ნუთუ ანომ არ იცოდა, რომ მიქაელს უყვარდა, ნუთუ ამაოდ ყურყუტებდა მისი სასახლის კარიბჭესთან, ნუთუ ტყუილად შესცივინებდა ვითარცა მზეს, ანოც ამაოდ უღიმოდა შეათავსაფარს ქვემოდან და ლერწამტანის ნაზი რხევით ამაოდ უკოდავდა ყმაწვილკაცს გულს.

დამცირებული, მიწასთან გასწორებული, პირქვედამხობილი ეგლო იატაკზე მიქაელი და თავის აწევა არ უნდოდა.

— წავიდეთ, შეილო მიქაელ, ანოს შენი იმედი აქვს... — ზურგზე დაადო ხელი ხსართან ხუცესმა და წამოაყენა.

— მამაო, გადაათქმევიანეთ, გემუღარებით, გადააფიქრებინეთ, — ხელები დაუკოცნა ხუცესს მიქაელმა.

— ღვთის ნებას ვასრულებო... არ ისმინა ჩემი სიტყვები... — საიდუმლოსაღი უთხრა ხუცესმა.


— მაშ, რა ვქნათ?

— მე ბედს შევეურიგდი, სჯობს ამ საქმეს შევეწირო, ვიდრე შემდეგ ცოცხლად ვიარო, — თქვა ნადვლიანად ხუცესმა.

— წავიდეთ! — უცებ გადაწყვიტა მიქაელმაც, აბოსთვის განკუთვნილ კერეონებსა და საკმეველებს დაავლო ხელი და შლეგივით გავარდა ბინიდან.

მიქაელმა სტუმრები სადილეგოში წაიყვანა. მედილეგეთუფროსი მოძებნა. ქრთამად ათი ვერცხლი მიუტანა, კერეონები და საკუმეველი გადასცა — როგორმე აბოს მიაწოდეთ, თან საკანში შეშვება სთხოვა, ხუცესს და მის ქალიშვილს უნდათ პყრობილის ნახვაო — იცრუა. ჯვარისწერის ამბავი ვერ გაამხილა.

მედილეგეთუფროსი ტფილისში განთქმული ვერცხლისმოყვარე იყო. და ერთი ვერცხლის გულისთვის ქვას გახეთქდა, ცოლ-შვილს გაყიდდა, ერთხელ მიტანილი ქრთამით მედილეგეთუფროსს უამრავ საქმეს აკეთებინებდნენ, მიქაელმა კი ათი ვერცხლი მეორედ მიუტანა. მედილეგეთუფროსს ფრთა შეესხა, ვერცხლი ხომ ვერცხლად ფასობდა, მაგრამ უფრო გასახარელი ის იყო, რომ ქრთამს ქართლის ერისმთავრის მდივან-მწიგნობარი უბრალო მედილეგეთუფროსს აძ-



ლევდა. მიქაელს ყველა სიკეთეს შეჰპირდა, კერეონებსა და საკუთარ ველს აბოს მე თვითონ გადაეცემ, საკანში კი ამ სალამოს ვერცხვებს შეგიშვებთო. ხვალ აბო უნდა დასაჯონ, ამაღამ მის საკანში ვერცხვებს ერებული დაცვა დარაჯობსო.

ხსართან ხუცესი, ანო და მისი მხლებლები მიქაელს სადილეგოს გარეთ ჰყავდა დამალული, თუ მედილეგეთუფროსი ნებას დართავდა, მაშინ მათ საიდუმლო გვირაბით შეიყვანდა სადილეგოში. აქაური ყველა ხვრელი იცოდა, მაგრამ ამ სალამოს ეს ხვრელები საგულდაგულოდ დაეგმანათ. რა ეთქვა ანოსთვის? უბრალო შუამავლობაც კი ვერ შეგძლებიაო, არ ეტყოდა? სადილეგოდან ცოცხალი ვერ გამოვიდოდა, ატაცებულ ანოს პირში ჩალაგამოვლებული ვერ დაენახებოდა. მედილეგეთუფროსს დაედრიჯა და ათი ვერცხლი კიდევ დაპირდა.

— თუ შურტებმა გაგვიგეს, გახსოვდეს, ჩემი სახელი არ ახსენო! — უთხრა მედილეგეთუფროსმა და მიქაელს წინ გაუძღვა საკნებისაკენ. მიქაელმა ხსართან ხუცესი, ანო და მისი მხლებლები შემოიყვანა, მედილეგეთუფროსმა სტუმრები მიწისქვეშ ჩაიყვანა და ბნელი გვირაბის გავლით მიადგნენ აბოს საკანს.

— ა, აქედან დაელაპარაკეთ... მეტი არაფერი შემიძლია, — უთხრა მიქაელს მედილეგეთუფროსმა, ხელისგულისოდენა არმანა გამოალო და სიბნელეში ჩასძახა:

— აბო!.. აბო!..

სიბნელეში ბორკილების ქლარუნი გაისმა.

აბო თავის დილეგში ახლახან დააბრუნეს. შიშველ მიწაზე ეგდო სასომიხილი. თავის სახელი რომ გაიგონა (მედილეგეთუფროსი ჩურჩულით ეძახდა), წამოფათურდა და ბორკილები ააქლარუნა. რაკი ჩურჩულით ეძახდნენ, კარგის ნიშანი უნდა ყოფილიყო. თავს ძალა დაატანა და ლასლასით მოადგა არმანას. მიქაელმა კერეონები და საკუმეველი უმაღლ გადასცა.

— ნაშუალამევეს, ჯალათები და შურტები როცა დაიძინებენ, — უთხრა მედილეგეთუფროსმა, — ჩემი მედილეგე მოგაკითხავს, იმას დაელოდე, კერეონებს ის აგინთებს. — თქვა და უმაღლ გაუჩინარდა სიბნელეში.

— მიქაელი ხარ? — ლანდს ჰკითხა აბომ არმანიდან.

— ჰო, ჩვენა ვართ, ხსართან ხუცესი, ანო და მისი მხლებლები.

— ანო? — გაიოცა აბომ.

— ანო... — მოწიწებით წარმოთქვა მეორედ. მიქაელი მოშორდა არმანას და გვერდით მიდგა. არმანას შუბლი ანომ მიაღო.

— აბო... — ამოიღულღულა ქალმა, დაიბნა, სათქმელი ვერ უთხრა. — თქვენ უთხარით, მამაო... — არმანას მოცილდა.

— ამ ჯოჯოხეთში ღვთისმსახურება როგორღა ავიღო? — ხმა აუკანკალდა ხსართან ხუცესს, — სანთელი მაინც აგვინთობ! მედილეგვე! — გასძახა არაბულად სიბნელეს, საითაც მედილეგეთუფროსი წავიდა. — სანთელი აგვინთეთ!..

— ჩუმად, თორემ ახლავე წაგიყვანთ აქედან! — გაისმა სიბნელიდან.

— ჩუმად! — უბრძანა მიქაელმაც ხუცესს.

— ღმერთო ჩემო, შაბატიე, რას ჩავდივარ, თვითონ არ ვიცი, — დაიწყო ლულღული ხსართან ხუცესმა, არამანას შუბლი მიადო და აბოს ჩასძახა:

— შეილო, აბო, მცხეთის მამასახლისის გუარამის დას, ჩემს აღზრდილს, ღვთისმოსავ ანოს სურს დაწინდება შენთან და გვირგვინის კურთხევას მიხოვს... აგერ დგას ახლა, შენს საკანთან და ტირის, გულისწადილი ვერ გაგიმზილა.

ანო ჩუმად ტიროდა სიბნელეში.

— დაწინდება სურს ჩემთან? — გაისმა არმანიდან აბოს გაკვირვებული ხმა, — მამაო, თქვენ მართლა ხსართან ხუცესი ხართ, თუ ეშმაკეული გამომეცხადა სიკვდილის წინ, მიქაელ, შენ რად დუმხარ, ნამდვილი ხუცესის ბაგენი მაუწყებენ საკვირველ ამბავს?

— გუარამის დას, ანოს სურს შენთან დაწინდება, ხსართან ხუცესს ჭვრისწერას თხოვს, — მიუგო მიქაელმაც.

— დაამთავრეთ, ჩქარა! — გაისმა სიბნელიდან მედილეგეთუფროსის ხმადაბალი ბრძანება. შორიახლოს დარაჯობდა, ღამის სტუმრები შურტებს არ დაენახა.

— თუ თანახმა ხარ, არმანიდან ხელი გამოუწოდე! — შესძახა ხსართან ხუცემაც არმანაში აბოს.

— ბორკილი მადევს, მამაო... — გაისმა პასუხად. — მაგრამ... აბა... — ჭერ ბორკილის ქლარუნი გაისმა, შემდეგ ხელის მტევანი აფათურდა არმანაში. ხსართან ხუცესმა ანოს ხელი მოჰკიდა, წყვილი შეაერთა, როგორც კი აბომ ქალის ხელის შეხება იგრძნო, ხმის კანკალით ჰკითხა ქალს:

— რისთვის?... რისთვის?... მე ხვალ აღარ ვიქნები... ნეტარო ასულ!

— სწორედ ამისთვის... — უჩურჩულა ანომაც.

— დაწინდვის მონა ღუთისა აბო და ანო სახელითა მამისათა და

ძისათა და წმინდისა სულისათა, აწ და მარადის უკუნითი უკუნისამდე,  
ამინ!..

ხუცესმა ჯერ აბოს ჩამოაცვა მტკივან თითზე ოქროს მკვრივსა  
შემდეგ ანოს ვერცხლისა.

— დაიწინდვის მხევალი ღუთისა აბო და ანო სახელითა მამისა-  
თა, და ძისათა, და წმინდისა სულისათა.

შეერთებულ ხელებს ჯვარი გადასახა. ჯვრისწერის გრძელ წესსა  
და რიგს ამოკლებდა, უფლისა მიმართ აქ ვედარ ილოცებდა, ვერც  
იოანეს სახარებას წაიკითხავდა, რაც აუცილებელი იყო, ის უნდა  
ეთქვა.

— აკურთხე, უფალო, წინდობაცა მონათა ამათ შენთა აბო და  
ანო, დაამტკიცე ამათ ზედა აღთქმა სიტყუათა ამათთა და განაძლი-  
ერენ ესენი შენმიერთთა წმინდა შეერთებითა...

დაამტკიცენ წინდობაო ამათი სარწმუნოებით და ერთობით, ქეშ-  
მარტებით და სიყვარულით.

მედილეგეთუფროსი სირბილით მოვარდა, მოდიან, ჩქარა, ჩქა-  
რათ, — ანოს ხელი აბოს გამოგლიჯა, თითქოს ძალით წაათრია ქვე-  
სკნელისაკენ. მიქაელი და ხსართან ხუცესი გააფრთხილა ხელი მომ-  
კიდეთ, და ისე მომყევით, თორემ დაიბნევითო. მართლაც, ერთმა-  
ნეთზე გადაბმულები ჯურღმულში ჩაცვივდნენ, სადღაც სველ გვი-  
რაბში შეძვრნენ თავგებივით. აქ შურტები აღარ ჩავილოდნენ. ჩქამ-  
გაულებლად ისხდნენ შიგ და სიბნელეს ყურს უჯდებდნენ. ჩამიწუმი  
არსაიდან ისმოდა. მედილეგეთუფროსი ჩურჩულის ნებასაც არ იძლე-  
ოდა, სუ-სუო პირზე აფარებდა ხელს სტუმრებს. დიდი ხნის ყურყუ-  
ტის შემდეგ წამოდგა, წინ გაუძღვა წელში მოდრეკილ და შიშისაგან  
გაღეულ მექორწილეთ და სამშვიდობოს გაიყვანა.

მიქაელი ღმერთს მადლობას წირავდა, რომ მშვიდობიანად გადაარ-  
ჩნენ. მართალია, ანოს საქციელით გულმოკლული იყო, მაგრამ იმედს  
მაინც არ კარგავდა. აბოს ხვალ მოაკვდინებენ, ანოსაც მალე გადა-  
ავიწყდება ახირებული ჯვრისწერა და გული ჩემკენ მოუბრუნდე-  
ბაო, — ფიქრობდა.

აბოს არ სჯეროდა, რაც მოხდა. ანოს თითების სიღბო და სითბო  
დაჩენილიყო საკანში, მას ზომ არასოდეს ენახა მცხეთის მამასახლი-  
სის ლამაზი და, მარტო ყური მოეკრა, გაეგონა ანოს სახელი.

ბეჭედს უსვამდა ხელს გაოგნებული. რა გრძნობა იყო ეს? რა  
დაეუფლა? სიყვარული? არა (ხორციელი სიყვარული ხილული იყო).



თანამობა და მადლიერების გრძნობა, თუ სიამაყე დაუღალავი მამაკაცური.

უმალ გონს მოეგო, მიწიერ საქმეთათვის არ ეცხვრება. <sup>ერქვეყნული</sup> წმენდილიყო ცოდვათაგან და სულით ზესთას შერთვოდა.

„მიწიერ სიყვარულს არ მოუყვანია ანო ჩემთან“, — უცებ აღმოაჩინა, გულზე მოეშვა, გაუხარდა.

ძირს დაემხო და ილოცა.

აბო ძირს ეგდო ღონემიხდილი, კერეონები და საკუმეველი გულში ჩაიკრა და შუალამეს ელოდებოდა.

როგორ გამოათრიეს გვირაბიდან! — რა უწყალოდ ახეთქებდნენ აქეთ-იქით!.. — თავი დასიებოდა გვირაბის კედლებზე ნახეთქები, ცხვირ-პირი და მკლავები დაეტყავებინა ქვებზე ნაპორტყიალები.

წყვილიადმი იწვა და იარებს იშუშებდა. ანოზე ფიქრობდა... მიქაელზე... ხვალინდელ დღეზე, ხვალ ნათლისღება იყო. სულის წმინდის გადმოსვლას ყოველთა ზედა წყალთა ქრისტიანი მარხვითა და ლოცვით უნდა შეხვედროდა. აბოს ხელ-ფეხი ჰქონდა შეკრული, თორემ სული ხომ თავისუფალი რჩებოდა, სულს ხომ ვერ დაადებდნენ ბორკილებს. თუ სანთლების ანთების ნებას არ მისცემდნენ, სული ილოცებდა, როგორც სხვა ღამეებში, ამ ღამესაც მხოლოდღა სული ილოცებდა. მხოლოდღა სული იფსალმუნებდა.

მაგრამ ლოცვის წინ უნდა განწმენდილიყო. წმინდა გულით უნდა ელოცა, მორიდებოდა ყოველსავე გულისწყრომას, უნდა დაევიწყებინა საპყრობილე, ბორკილები, შურტები, ჯალათები, მისი ფეხით მთრეველნი და არგნით მცემელნი, უნდა ამოერეცხა გულიდან რისხვა, „ნუ ჰრისხავ, არმედ ჰლოცვედ“, აბორგებული სული უნდა ჩამეყუდროვებინა და ღირსებით ელოცა.

მიწყდა საღილეგოში ფაცა-ფუცი და ნაბიჯების ხმა. „ალბათ დადგა ნანატრი შუალამე“. გაიფიქრა აბომ. სანთლების ლიფლიფი და საკუმეველის სუნი მონატრებოდა, მოუთმენლად მოელოდა იმ წამს, როცა მედილეგე შემოვიდოდა, აუნთებდა კერეონებს, საკუმეველს დაწვავდა და დილეგში საყდრის სუნი დადგებოდა. საღვთო საიდუმლოთ ნაზიარებ ქრისტიანს არ შეეძლო უსაყდროდ, უსანთლოდ და უსაკუმეველოდ ცხოვრება. მართალია, აბოს ცხოვრებას ცხოვრება არც ეთქმოდა, მაგრამ სული ხომ ედგა! ლოცვა იყო სულის პური. სულს სხვა რამ საქმელ-სასმელი არ სჭირდებოდა, გარდა ლოცვისა. ლოცვას კი სანთელ-საკუმეველი ღვთისკენ მიმავალ გზას უნათებდა.

ვით აკლებული საყდარი, დუმდა სადილეგო. აბო სიჩუმეს უკვებდა ყურს და შიშს შეეპყრო: ვაითუ მედილეგე არ მოვიდეს, უცებ გაიხსნა დილეგის კარი. აბოს ფეხისხმა არ ურდულის რაჯგუნი სმენია, მედილეგე ფეხაკრეფით ჩამოვიდა დილეგში, აქანდაზით ღველფი დადგა ძირს საკუმეველისათვის, აბოს სანათური მიანათა და უჩურჩულა:

— მომეცი სანთლები!

აბომ კეროვნები გაუწოდა, სიჩუმეში ბორკილებმა გაიფარუნეს.

— ჩუმად! — უბრძანა მედილეგემ, — ჩუმად, თორემ შურტები გაიგებენ... ნაბრძანებია ჩუმად ყოფნა...

მედილეგემ სანთლები აანთო და წავიდა. ფრთხილად გაიხურა დილეგის კარი, ურდულებიც უხმაუროდ გაუყარა და ფეხაკრეფით გაიპარა.

აბომ მტკივანი თითები შეჰყარა პირჯვრის საწერად, „სახელითა მამისათა“ შეჰკლავდა უფალს, საკუმეველიც აკმია დილეგის კედლებს. ანთებული სანთლების წინ დადგა ჩრდილად ქცეული და ფსალმუნობას მოჰყვა:

„მიწყალე მე ღმერთო, რამეთუ დამორგუნა კაცმან, მარადღე ბრძოლითა მაჭირვა, დამორგუნეს მტერთა ჩემთა მარადღე, რამეთუ მრავალ არიან რომელნი მბრძვანან მე მალლით. არა მეშინის მე, რამეთუ შენ გესავ. ღუთისა მიერ ვაქნე სიტყვანი ჩემნი, ღმერთსა ვესავ, არა შემეშინოს, რა მიყოს მე ხორციელმან...“

მაზე განმზადეს ფერხთა ჩემთათვის და დაამდაბლეს სული ჩემი, თხარეს წინაშე პირსა ჩემსა მთხრებლი და ივინივე შთათხივხეს. განმზადებულ არს გული ჩემი შენდამი, ღმერთო, განმზადებულ არს გული ჩემი, გაქებდე და გიგალობდეს შენ დიდებითა ჩემითა. განიღვიძე, დიდებო ჩემო, განიღვიძე ფსალმუნითა და ებნითა, მე განვიღვიძე განთიად. აღვიარო შენ ერსა შორის, უფალო და გიგალობდე შენ წარმართთა შორის, რამეთუ განდიდნა ცამდე წყალობა შენი და ღრუბელთამდე ჰემშარიტება შენი. ამაღლდი ცათა შინა, ღმერთო, და ყოველსა ქუეყანასა ზედა არს დიდება შენი...“

სულ ზეპირად იცოდა დავითნი, ბეჯითად შეესწავლა მარიამწმიდაში, ცრემლის ღვრით გალობდა იმ ფსალმუნებს, როცა უცხო თესლთაგან შეპყრობილი დავითი ღმერთს ევედრებოდა თავისუფლებას.

„იხსენ სული ჩემი სიკუდილისაგან, თუალნი ჩემი ცრემლთაგან და ფერხნი ჩემნი ბრკოლისაგან...“

მიწყალე მე ღმერთო, მიწყალე, რამეთუ შენ გესავს სული ჩემი...“



კერგონებს დილეგი გაენათებინათ. აბოს ჩურჩულს დადარაკებულ  
 ლი ყური თუ გაიგონებდა. პირჯვარს იწერდა და ბორკეტებს შორის  
 რუნით და ლოცვით ვერ ძღებოდა. თავს ყანას სცემდა და მღეროდა  
 ღმერთს ელაპარაკებოდა.

ბედნიერი იყო იმ წუთებში, არ ახსოვდა ნაცემ-ნაგვეში სხეული,  
 არც იარები ტკიოდა, არც შიმშილი, წყურვილი, სიცივე აწუხებდა,  
 თითქოს დილეგში კი არა, სადღაც უკიდევანო სივრცეში ენთო კე-  
 რეონივით და ზეცას შვერთვოდა.

საკუმეველის სუსტი კვამლი ანთებულ სანთლებს სულივით გარს  
 ეხვია. სულნელიც იქვე, აბოსთან და სანთლებთან ტრიალებდა.

სიჩუმეში ატაცებული ქრისტიანის ალტკინებული ჩურჩული გა-  
 ისმოდა...

აბომ კარგად იცოდა, რომ მის დილეგს დღე და ღამ უთვალთვა-  
 ლებდნენ. აქ სანთლების ანთება და ლოცვა ფიქრადაც კი არ უნდა  
 მოსვლოდა ადამიანს. მაგრამ რახან მიქაელმა უთხრა, ქრთამი ჯო-  
 ჯოხეთშიც კრისო, რახან თვითონ მედილეგემ აუნთო სანთლები,  
 მთელი სადილეგო მოქრთამული უნდა ყოფილიყო.

აბო ხმადაბლა ლოცულობდა, მთელი გულით, მთელი არსებით  
 განიცდიდა, რასაც მიელტვოდა, რისკენაც მიექცია სული.

განთიადამდე არ დაცხრებოდა. არ ჩაქრებოდა ანთებული სული.  
 ხვალინდელ დღეს კოცონივით აბრიალებული უნდა შეგებებოდა.

გული უგრძნობდა, თითქოს ზეციდან ვიღაც შთააგონებდა, რომ  
 სისხლით უნდა ეღო ნათელი, სასოებით მოელოდა ხვალინდელი დღის  
 გათენებას. ნათლისღებას, მდინარე იორდანის პირას მოხდა სასწა-  
 ული — კაცობრიობის სულიერი დაბადება. ხვალ, 786 წლის ნათლის-  
 ღებას, ტფილის-ქალაქში, მტკვრის პირას მენელსაცხებლემ აბოს სი-  
 სხლით ნათლის ღება უნდა მოჰყოლოდა. წინასწარმგრძნობი გუ-  
 ლი ეუბნებოდა ამას და ჩქარობდა, წუთი არ დაეკარგა. გათენებამ-  
 დე ელოცა. საუფლო დღესასწაულს სულიერად მომზადებული შე-  
 ხვედროდა.

იოანე ოქროპირის ლოცვებს ბუტბუტებდა. ეკლესიის დიდი მამა  
 გრიგოლმა შეაყვარა... მისი ყოველი სიტყვა სიყვარულით აღავსებდა,  
 რწმენას უმტკიცებდა... მართლაც რომ ოქროპირი იყო და გულთა-  
 მპყრობელი, მისი დახმარებით უფალს უკეთ ელაპარაკებოდა.

მოულოდნელად დილეგში, მკვდრულ სიჩუმეში, საყვირის ხმა შე-  
 მოიჭრა. მორიგე შურტა საყვირის აყვირებდა.

აბოს დილეგი თვალისდახამხამებაში ქალათებით აივსო. ლოცვა

მანც არ შეუწყვეტია. სანთლების წინ იდგა, შებორკილი ხელთა  
მალა აღეპყრო და ღმერთს პატიებას თხოვდა.

წალათებმა კერეონები ჩააქრეს, დაამტვრიეს და ძირს ჩაქრეს. ისინი  
საკუმეველიან აქანდახს ფეხი ჰკრეს... აბო პირჯვარს იწებდა და ღმერთს  
ლეგის ჰერს შესცქეროდა.

წალათებსა და შურტებს შორის ის მედილეგეც ერია, ვინც აბოს  
კერეონები აუნთო, თვითონ მედილეგეთუფროსიც მოსულიყო, შურ-  
ტებს ეკვი რომ არ აელოთ, ბრძანებებს იძლეოდა და აბოს სიკვდი-  
ლით ემუქრებოდა, მაგრამ მლოცველს ხელს არავინ უშლიდა. ჯა-  
ლათთა უფროსს ელოდებოდნენ. ასეთ დროს სასჯელი მას უნდა გა-  
მოეტანა. ჯალათთა უფროსმაც არ დააყოვნა. ორი მემაშხალე უნათებ-  
და გზას და ლახვაროსნები უკან მოსდევდნენ. დილეგში მედიდურად  
ჩამოვიდა, შურტებს, წალათებს, მედილეგეებს, თვითონ სადილეგოს  
შურტათმთავარს და მედილეგეთუფროსს ამაყად გადახედა, ახლა ამ  
წუთას მხოლოდ და მხოლოდ ის იყო მბრძანებელი და ბრძანა:

— ეკლებიანი არგნებით სიკვდილამდე!..

ეკლებიანი არგნებით აბო ჯერ არ ეცემათ, ერთხელაც გადაიწერა  
პირჯვარი, მოასწრო პირჯვარის გადასახვა. წალათებმა მიწაზე დააძხეს,  
გააშიშვლეს და ეკლებიანი არგნები დასცხეს. რამდენიმე წამში სისხლ-  
მა იფეთქა, გადმოაბრუნეს და გულ-მუცელზე დაუწყეს ცემა. ეკლე-  
ბიანი არგნებით ცემას თავისი წესი ჰქონდა. როგორც კი სისხლი ბა-  
რაქიანად დაიწყებდა დენას, გვამის სხვა ნაწილზე გადაინაცვლებდნენ,  
ყოველი ასო ეკლებით უნდა დაეჩხვლიტათ.

გულ-მუცელიც სისხლით შეეღება და ბარძაყებიც, თავ-პირში  
დაუშინეს... „აღსრულდა“ გაიფიქრა აბომ.


ისე გაშმაგებით სცემდნენ, სიკვდილის აჩრდილს ჰკრეტდა წყვდი-  
ადში. „ეს უკვე ნამდვილი სიკვდილია“... ჩურჩულებდა თავდაღმა  
დამხობილი, ახლა მუხლებს ქვემოთ სცემდნენ...

სულ მთლად ჩამობნელდა, წყვდიადმა მოიცვა მთელი ქვეყანა,  
მიწყდა ეკლიან არგანთა მხუილიც, ჯალათთა ქშენა, ფსვიტინი და  
კბილების ღრჭიალიც ჩაინთქა წყვდიადის მღუმარებაში...

— მოკვდა! — თქვა ჯალათმა და არგნის ცემა შეწყვიტა. დილეგში  
მყოფნი შეჩოჩქოლდნენ.

— სიკვდილის ნება არა გაქვთ! — თქვა მრისხანედ სადილეგოს  
შურტათუფროსმა.

— ნუ გეშინიათ, — თქვა ჯალათთა უფროსმა, — ეკლიანი არგანი  
არ კლავს, მივიდა აბოსთან, გადმოაბრუნა, თვალი ძალით გაუღო,



სისხლიანი ხელი გაიწმინდა და თქვა: ცოცხალია. ჯალათთა უფროსი გატრიალდა, თავისთავში დარწმუნებული, აჩქარებული, მაგრამ მტყუცე ნაბიჯებით გავიდა დილეგიდან.

ყველანი უმალ გაიკრიფნენ საპყრობილედან, სისხლში მცურავი აბო წყვდიადში დატოვეს.

უკიდევანო წყვდიადი, ქვესკნელს და ზესკნელს შორის გაწოლილი-ყო და შავად სუფევდა. მარადიული შავეთი ალბათ ასეთი უნდა ყოფილიყო. სიჩუმეც არ ჰგავდა მიწიერს. წყვდიადის მღუმარება იღგა, სიჩუმესაც მარადიული იერი მიეღო. აბო ამ წყვდიადსაც ხედავდა და ამ მღუმარებასაც ისმენდა, მაგრამ საკუთარ თავს ვერ პოულობდა, შავ მასად ქცეულიყო და წყვდიადს შერთვოდა. რა იყო ეს? ყოფნა თუ არ ყოფნა? საკუთარ თავს დაეძებდა ვაფაციცებით, უნდოდა დაეყვინა — აბო! წყვდიადის მღუმარება პირიდან აცლიდა ბგერებსა და ნთქავდა. წყვდიადის მღუმარებით გამოხატავდა თავის ყოფნას. წყვდიადის მარადიული სუფევა თანაარსს გულისხმობდა, აქ საგნებს ერთბამ სახელედებოდა, ერთისა ბუნებისანი იყვნენ. მიწიერს ვერ შეითვისებდა, ვერ მიიღებდა, თუ მარადიულად არ გადაიქცეოდა.

უცებ, ვითარცა ელვამ, უკიდევანო წყვდიადი სუსტმა სხივმა გააპო და აბოს წინ დაეცა, მოწამემ სხივს ახედა, ზესკნელიდან მოდიოდა, შუაში აპობდა ქვესკნელსა და ზესკნელს შორის ჩაწოლილ წყვდიადს და იქ თავდებოდა, სადაც თვითონ იწვა. სხივს ნათელი ჩამოჰყვა და დილეგში კაშკაშა სინათლედ ჩამოიღვარა. აბოს თვალებს სჭრიდა სინათლე, კაშკაშს ხედავდა და ვერც ხედავდა.

ხილვა იყო წამიერი, წამით გამოჩნდა წყვდიადში და იმ წამსვე გაქრა თუ აბომ დაკარგა ხილვის უნარი...

საკუთარმა გულისძგერამ დააბრუნა მიწაზე, სიცივისაგან ძაგძაგებდა, შიშველ-ტიტველი ეგდო დილეგში და სისხლში ცურავდა. „ნეტა რა იყო, რა სინათლე ჩამოიჭრა ზეციდან“, — ფიქრობდა გამალებით. თავისთავი აღარ ახსოვდა. ატყობდა, რომ სხვაგვარ ყოფაში იყო, წამიერი ხილვაც ამან დაბადა. სიბნელეში ხელის ფათურით მოძებნა სამოსი, სისხლით სველ ტანზე დააპირა ჩაცმა, ვერ ჩაიცვა, მხრებზე შემოიბუტრა, ოდნავ დაიწყნარა აძაგძაგებული გული, საბოლოოდ „დაბრუნდა“ დილეგში, მშრალი ადგილი მოძებნა, და იქ დაწვა, უღონობისაგან გული ელეოდა, თავბრუ ეხვეოდა...

შეუმჩნევლად მოსულიყო განთიადი. სადილეგო უცებ ახმაურდა. ჯალათებისა და მცველების ფეხების ბრაგუნ-ბრაგუნი და შეძახილები შემოიჭრა დილეგში.



— მენელსაცხებლე აბო ამირასთან! — შემოესმა გონებაში.

— მპარავთა ჯგუფი შურტათმთავართან!..

მორიგე შურტა თან ზარს რეკავდა, თან დღის განრიგს სადილეგოს.

— მოლაშქრე იესე ყადისთან!..

„ამირასთან?“ — უცებ გაუნათდა გონება, — ამირასთან იხმობდნენ. ყველა პერობილი ამირასთან როდი მიჰყავდათ. ამირასთან წასვლა დიდი პატივი იყო. ან თავისუფლებას უბოძებდა ამირა, ან სიკვდილს, სხვა სასჯელისთვის მასთან არ იბარებდნენ.

დილეგის კარი გაიღო, მედილეგე და ჯალათები შემოვიდნენ.

— აბანოში! — გამოაცხადა მედილეგემ. აბოს გაუხარდა, თბილ წყალში ჩაწოლა მოარჩენდა, იარებსაც დაუამებდა და გულსაც გაუთბობდა. რახან ამირასთან მიჰყავდათ, აბანოს სხვა სიკეთეც მოჰყვებოდა. ბორკილებს შეხსნიდნენ და ჩაცმის ნებას მისცემდნენ, მაგრამ წამოდგომას შეძლებდა? ფეხს გადაადგამდა?.. რაღაც არ უნდა დაჯდომოდა, უნდა წამომდგარიყო, წასულიყო აბანოში, ამირას ჰხლებოდა და ტანჯვა-წვალებისათვის დაესვა წერტილი. წამოიფორხილა, წამობობდა ბორკილების ქლარუნით. ერთი ნაბიჯი გადადგა მედილეგისაკენ და დაეცა. მედილეგემ წამოაყენა, ჯალათები მხარში ამოუდგნენ და დილეგიდან გარეთ გაიყვანეს. მეტი ველარ შეძლო, დღის სინათლე როგორც კი იხილა, ძირს დავარდა და ველარ ადგა. მოიყვანეს ურემი, ზედ დააწვინეს და აბანოში მიიყვანეს.

ასეთი ნათლისღება ტფილის-ქალაქს არ ახსოვდა. ხალხს საყდრებში ლოცვა და წყლის კურთხევა არ აცალეს, ამირას სასახლის წინა მოედნისკენ გარეკეს. მიერეკებოდნენ ყველას განურჩევლად, დიდსა თუ პატარას, მდიდარსა თუ ღარიბს, ქართველსა თუ არაქართველს, ხალხს საკუთარი თვალით უნდა ენახა, თუ როგორ ისჯებოდა სჯულის უარმყოფელი მუსლიმი.

ქალაქმა კარგა ხანია იცოდა, რომ შურტების ჯურღმულებში იტანჯებოდა ნერსე ერისთავის მსახური, მენელსაცხებლე აბო, მაგრამ მის სიკვდილს არ მოელოდნენ, ფიქრობდნენ, რომ ყმაწვილი, ბოლოს და ბოლოს, გონს მოეგება და თავის სჯულს დაუბრუნდებაო. სარკინოზები ასეთებს არ სჯიდნენ, ხალხს ეუბნებოდნენ: ხომ ხედავთ, მავანი და მავანი მუსლიმი იყო, ქრისტეს შეუდგა, ვერ შეეგუა ცრუმოდღერებას, კვლავ მაჰმადს დაუბრუნდაო.

როცა ხმა გავარდა, მენელსაცხებლემ აბო სიკვდილით უნდა დასაჯონო, ტფილისელები მეტი სიყვარულითა და პატივსცემით განიხს-  
კვალნენ უცხო ყმაწვილისადმი.

განიხს-  
კვალნენ  
ბიბლიისაჲსა

სასახლის წინა მოედანი ხალხით გაივსო.

ნათლისღების ცივი ამინდი იდგა. თოვლი არ იდო, მაგრამ ყინვას მოედანი მოელიპა, მზეც ხან გამოიხედავდა ღრუბლებიდან და ხან არა. ჯგუფ-ჯგუფად იდგნენ, შემცივნებულები ხელებს იოროთქლებდნენ და ქალაქურ ქორებს ჰყვებოდნენ.

სარკინოზებს ნათლისღება იმისთვის ამოერჩიათ, რომ ტფილისის საყდრებში ამ დღეს უამრავი ხალხი იყრიდა თავს არა მარტო ტფილის-ქალაქიდან, ქართლის ახლომახლო სოფლებიდანაც. სვეტიცხოველი და სიონი იყო ქართლის მთავარი სალოცავი, ხალხიც აქ იყრიბებოდა.

შურტებსა და მოლაშქრეებს მცხეთიდან მღვდელ-მონაზვნობა თავისი მრევლით წინადლით აეყარათ და უკლებლივ აქ ჩამოეყვანათ.

ზოგი აქ, ამირას სასახლის წინ, განაგრძობდა ლოცვა-ვედრებას, პირჯვარსაც მოურიდებლად იწერდა. მწყემს-მთავარი — სამოელ ქართლის კათალიკოსიც აქ იყო და ბერი იოანეც მოეყვანათ. მათთვის მცველები მიეჩინათ და ცალ-ცალკე იდგნენ ხალხში, ახლოს თვით ეკლესიის მსახურთაც კი არ უშვებდნენ. მათი ამგვარი ყოფა მღვდელ-მონაზვნებმაც იცოდნენ და ხალხმაც, ამიტომ შორიდან შესიკტებოდნენ, ახლოს მისვლას და ლოცვა-კურთხევის მიღებას არც ცდილობდნენ.

იოანე მიქაელს დაეძებდა თვალით, მაგრამ მიქაელი ხალხში არ ჩანდა. ერისმთავარი სტეფანოზი და მიქაელი სასახლეში იყვნენ. ისინი ჯამაათთან ერთად გამოვიდოდნენ სასახლიდან, როცა ბრალდებულს დასასჯელად გამოიყვანდნენ.

აბო არ იყო ჩვეულებრივი სიკვდილმისჯილი. თვითონ ამირამაც კი არ იცოდა, სიკვდილს გადაუწყვეტდა თუ არა. ამირამ აბოს მოყვანამდე ჯამაათის შეკრება ბრძანა. ერისმთავარი ჯამაათს ესწრებოდა და მიქაელიც თან ჰყავდა.

ჰაჯიჯ იბნ ალ-ბაბაქმა ჯამაათის სხდომაზე აღშფოთება გამოთქვა: ხალხი ორი დღეა ელოდება, როდის მოვიყვანთ სჯულის უარყოფელსა და შარიათის მიხედვით სიკვდილით დავსჯით, რაღა დროს შეკრება და მსჯელობააო.

ამირა ალი ჰასანმა ჯამაათს გონიერებისაკენ მოუწოდა. ცხრა დღე და ღამე მთელი საამირო მუშაობდა პყრობილთან, ეგებ შედეგი გამოიღო ჩვენმა მცდელობამ და ყმაწვილი სჯულს მიუბრუნდესო. თუ



ეს მოხდება, მით უკეთესი ჩვენთვის, ქეშმარიტი გამარჯვებაც ნება, ხალხსაც ამას ვაუწყებთო.

ამირას ყადიმ და ვაზირმა აუბეს მხარი, ერისმთავარმა თავმჯე-  
ვება არჩია. ბაბაქი დაქინებით მოითხოვდა სიკვდილს, განსასჯელი  
შარიათითი ამას იმსახურებდსო.

ამირას სიტყვა ჯამაათში შეუცვლელი იყო. აბოს სიკვდილს გადა-  
უწყვეტდა თვითონ ამირა.

ამიდმა ჯამაათის გადაწყვეტილება საჯაროდ გამოაცხადა:

— დიდ არს ალაჰი და ალაჰის სახელით ვიქმთ სიკეთეს. შარიათი  
ყველა მუსლიმისათვის წმიდათაწმიდა კანონია. შარიათის კანონები  
ალაჰის კანონებია. ვინც საღვთო კანონებს არ შეასრულებს, შარიათი  
სიკვდილით სჯის, ალაჰი ბრძანებს ამას და ყველა მუსლიმი ემორჩი-  
ლება.

დედამიწაზე ალაჰის მოციქული მაჰმადია, მაჰმადის მოციქული —  
ხალიფა, ხალიფას მოციქული — ამირა.

ამირა სიკეთისმოყვარეა, ალაჰს უყვარან სიკეთის მოყვარულნი  
ამირას ნება-სურვილია შარიათის წესისა და რიგისამებრ, მენელსა-  
ცხებლზე აბო სიკვდილის წინ თვითონ განსაჯოს, თუ განსასჯელი წარ-  
სულს უარყოფს და სჯულზე მოიქცევა, აპატიოს დანაშაული.

შარიათი ბრძანებს: ამირა უმაღლესი მსაჯულია.

ამიდმა ჯამაათის გადაწყვეტილება ჯერ სასახლეში შეკრებილთ გა-  
მოუცხადა, შემდეგ სასახლის წინა მოედანზე გამოვიდა და ხალხს  
აუწყა. ყოველი ერი პატივისცემით განიმსჯელა ახალი ამირასადმი.  
ყველას ეგონა, რომ აბოს სიკვდილი გადაწყვეტილი იყო, ხალხი ელო-  
დებოდა თუ როდის მოჰკვეთდნენ თავს მოწამეს, ამირამ კი იმედი  
გააჩინა, თუ აბო სიკვდილის წინ დაფიქრდებოდა, უკანასკნელ წამს  
მიინც მოუხმობდა გონიერებას და სჯულზე მიიქცეოდა, დანაშაულს  
აპატიებდნენ, ამაზე დიდი სიკეთე განა რომელიმე ზედამდგომელს ჩა-  
ედინა?.. გაავებული ხალხის გული ამირამ ერთის დაკვრით მოინადი-  
რა, ასეთ დიდ დათმობას არავინ მოელოდა, იმ ბიჭსაც კეთილი უნდა  
ენება და სჯულზე მიქცეულიყო, — ასე ამბობდნენ ხალხში.

— მოჰყავთ, მოჰყავთო, — დაიძახეს აქეთ-იქიდან.

სასახლის წინა მოედანზე ჯალათებითა და შურტებით გარშემორ-  
ტყმული ურემი შემოვიდა. ურემს ხმალამოწვდილი ჯალათი მოუძლო-  
და წინ. ჯაჭვებით შებორკილი აბო ურემზე თოკით დაეკრა, გულად-  
მა იწვა ურემზე და განძრევის ჩარა აღარ ჰქონდა.



ხალხი აჩოჩქოლდა, ურმისკენ დაიძრნენ, კისერწაგრძელებულა დიდი ტალღა მიაწყდა მცველებს.

ცხენოსანი შურტები ტაჯგანაგების ცემით შემოვარდნობდნენ და ურემს გზა გაუკაფეს სასახლისაკენ.

როცა აბო ურმიდან გადმოჰყავდათ, ხალხმა ერთხელაც იხუვლა, მაგრამ ამჯერად შიშის გმინვა და ოხვრა აღმოხდათ, ერთხმად იბრუნეს პირი ზურგს უკან, აბო ყველას გადაავიწყდა — მწყობრი მარშით სასახლისაკენ მოდიოდა ბაღდადიდან ახალჩამოსული დამსჯელი ლაშქარი.

ხალხში ჩუმ-ჩუმი ბურტყუნი, ბუზღუნი, დედის გინებაც კი გაისმა ლაშქრის გამომგზავნთა მისამართით.

დამსჯელი ლაშქარი ქართლში ერთი კვირის წინ ჩამოსულიყო. ტფილისელებმა იცოდნენ ლაშქრის ჩამოსვლის ამბავი, ცალკეული მოლაშქრენი ენახათ ტფილისის ბაზრებში მოსიერნენი, მაგრამ საბრძოლო მწყობრით მომავალთ, ერთად თავშეყრილთ, პირველად ხედავდნენ და გული ბოღმით ევსებოდათ.

ლაშქარი რამდენიმე წამით შეჩერდა ერთ ადგილას. შუა გაიყო და საპირისპირო მხარეს ნელა გაიშალა, გაისმა მეთაურთა შეძახილები არაბულ ენაზე და სასახლის წინ შეკრებილი ეს ზღვა ხალხიცა და თვით სასახლეს თვალისდახამხამებაში ალყაში მოექცა.

ლაშქრის დანახვამ იოანე აღაშფოთა. „ერთი ყმაწვილის გულისთვის — დამსჯელი ლაშქარი!.. — მოურიდებლად წამოიძახა ხალხის გასაგონად. — ძღვევამოსილ ხალიფატს მენელსაცხებლევ აბოსი ეშინია?.. თუ აბო საბაბია და ქართველი ერის პირისაგან მიწისა აღგვის მიზნით სჩადიან ამას“.

„ორი ათასი მშვიერი მოლაშქრე! — ახლა თავისთვის ბუტბუტებდა, — ჩანს, ხალიფატს ქართველი ერის შიგნიდან გატეხვა სწადია, შიგ, საკუთარ სახლში შემოგისახლდებიან, ლუკმაპურს წაგართმევენ, საწოლში ჩაგიწვენებან, დედაწულს გაგირყენებან, ვაჟკაცს თავზე ლაფს დაგასხამენ... ქართველ ერს დედაწულით უდგას სული, დედაწულია მისი მტკიცე ბალავერი. აი, ამ ბალავერს ანგრევს, ამ ბალავერზე მოაქვს იერიში“...

გარშემო შემოკრებილთ გულდაგულ აკვირდებოდა. „ყოველი მეორე კაცი უცხოტომეულია, ან არაბია, ან სპარსი. ტფილისი უცხოტომელებით გაივსო. ზოგი აქ დაბადებული და გაზრდილია, თავის შვილებსაც აქ ზრდის, დაეფუძნა ჩვენს მიწაზე, თავის ქვეყანაში წასვლას არ აპირებს. სამოთხეში დაემკვიდრა, უდაბნოში რისთვის დაბრუნდება!..“ — ჩურჩულებდა გულგასიებული, სამოელისაკენ აპარებდა თავა-

ლებს — ნეტა ქართლის მწყემსი რას ფიქრობსო. ერთადერთი თანამო-  
ზიარე შერჩენოდა და იმასთანაც ვერ მივიდოდა, მცველები ნებას არ  
მისცემდნენ.

კათალიკოსსაც გულისყური იოანესკენ ეჭირა, არ ეგონებოდა, თუ შეეძლებოდა  
მოიყვანდნენ.

იოანეს უფრო მკაცრად მეთვალყურეობენო, ფიქრობდა. მასაც  
ორი ლახვაროსანი ედგა გვერდით, მასთანაც ვერავინ მივიდოდა უნე-  
ბართვოდ. იოანეს ასეთი ყოფა კათალიკოსს უფრო აწუხებდა, ვიდრე  
საკუთარი შინაპრობილობა. სამოელი გარე ქრისტიანულ სამყაროს  
იოანეს მეშვეობით უკავშირდებოდა, ახლა, ამ განსაცდელის ქამს, იო-  
ანეს ანტიოქიაში გააგზავნიდა, ანტიოქელი მამები მთელ საქრისტიანოს  
დააყენებდნენ ფეხზე — მწყემსმთავრისთვის მწყემსობა დაენებებინათ.  
იოანე სამოელის მარჯვენა ხელი იყო და სწორედ მარჯვენა მოკვე-  
თეს მაგოგებმა. სამოელი თავმოდრეკილი იდგა ხალხში და როგორც  
კი რისხვა გულში ჩაესახებოდა, პირჯვარს იწერდა და ღმერთს შენ-  
დობას თხოვდა. ხალხიც თავის კათალიკოსს ჰბაძავდა, მასთან ერთად  
„სახელითა მამისათას“ ბუტბუტებდა.

აბო მცველებმა სასახლისაკენ წაიყვანეს. ჭეშმარიტი მორწმუნენი  
მის ნაფეხურს კოცნიდნენ და ღმერთს ავედრებდნენ. მცირედ მორწ-  
მუნენი ირყეოდნენ, ვითარცა ლერწამნი ქართავან ძლიერთა. ხან აბოს  
მხარეს იყვნენ, ხანაც ამირას სამართლიანობას და დიდსულოვნებას  
იწონებდნენ. ურწმუნონი ერთხმად უარყოფდნენ აბოს საქციელს,  
„გამყიდველს“, „ქართველთა უპირველეს მტერს“ ეძახდნენ.

სასახლის კართან აბო შედგა, ლოცვითა და ფსალმუნობით შევიდა  
სასახლეში.

მთელი სასახლე მის სანახავად ტალანებსა და დერეფნებში გამოფე-  
ნილიყო. ჯამაათზე შეკრებილი ხალხი და თვით ჯამაათიც ამირას კა-  
რების წინ აბოს ელოდებოდა. ამირას მოწამესთან მარტო შეხვედრა  
ებრძანებინა.

მცველებმა ამირას დარბაზის კარები გახსნეს. აბომ ჯვარი ვადა-  
წერა შესასვლელ კარებს, თვითცა დაიბეჭდა ჯვარი და თვალები სა-  
სახლის ჭერს მიაპყრო.

ჯალათებმა შუბები მიაბჯინეს ზურგზე, უბიძგეს და დარბაზში შე-  
იყვანეს, ამირას წარუდგინეს.

აბომ თავი ყანას სცა ბორკილების ქლარუნით. ყმაწვილისათვის  
სიკვდილ-მისჯილთა წესისამებრ უმკლავებო ჯვალოს კაბა გადაეცვათ,  
ბორკილები არ ჩანდა, მხოლოდ ქლარუნის ისმოდა.



ამირა ალი ჰასანი ოქროს ტახტზე იჯდა და გატანჯულ-გაწამებულ  
 კბუქს მშვიდად ათვლიერებდა.

ამირას კარის დაკეტვა არ უბრძანებია. იქ ჰაჯიჯ იბნ  
 ჯამათის სხვა წევრებიც იდგნენ.

წესით და რიგით ჰაჯიჯ იბნ ალ-ბაბაქი გვერდით უნდა ჰყოლოდა,  
 მაგრამ ალი ჰასანმა ნება არ დართო, დასაჯა ბაბაქი. ამირას აზრით ბა-  
 ბაქმა „აბოს საქმეს“, საერთოდ „ქართველების საქმეს“, თავი ვერ გა-  
 ართვა, ამიტომ კარებში უნდა მდგარიყო ვანისმცველივით და ეს მთელ  
 სასახლეს უნდა დაენახა.

— სჯულით მუსლიმო! — დაიწყო ალი ჰასანმა ხმამაღლა და მკა-  
 ფიოდ, რათა მისი ნაუბარი კართან შეკრებილ სასახლის მსახურთ გა-  
 ეგონათ — შენ აშოტ და ნერსე ერისთავების შეთქმულების ერთ-ერთი  
 მონაწილე ხარ. ნერსე ერისთავს მიეგო საკადრისი სასჯელი. აშოტი  
 კვლავაც განაგრძობს ჩვენ წინააღმდეგ ბრძოლას, კუთვნილი მასაც  
 მიეზღვება, შენ ტომით არაბიელი ხარ და სჯულით მუსლიმი, ვიცე,  
 რომ ქართველებმა შეგაცდინეს, მაგრამ კანონი კანონია, შარიათი  
 შენს საქციელს მიიჩნევს ღალატად და მოკვდინებას ბრძანებს.

— მსაჯულო ამირა, მე ნერსე ერისთავის მსახური ვიყავი მხოლოდ  
 და მხოლოდ... — მიუგო აბომ ჩვეული სიმშვიდით.

— დასტოვე სიცოფე, ყმაწვილო... აშოტ ერისთავი დღესაც აგრძე-  
 ლებს შენთან და შენს მოძღვართან საიდუმლო კავშირს. ჩვენ ეს ვი-  
 ცით, თავს ტყუილუბრალოდ იკატუნებ.

აბომ თავი ჩაქინდრა. ეს შურტების წამოყენებული ახალი ბრალ-  
 დება იყო და რა ეპასუხა, არ იცოდა.

— ხალხი და ჯამათი დიდი ხანია ბეჯითად მოითხოვს შენს მოკვ-  
 დინებას. მე არ მიყვარს სისხლისღვრა და შფოთი, მე დაგიცავი აქამდე  
 და მომავალშიც დაგიცავ, თუ არ გაჯიუტდები, ყურად იღებ ჩვენს  
 ბრძანებას და დაგვემორჩილები.

— ურჩი არასდროს ვყოფილვარ, დიღო მსაჯულო, ჩემს ღმერთს,  
 ვესავ, სხვა ავი ზრახვა გულში არ მიდევს.

— ყური მიგდე, აბო, აქამდე რაც მოხდა, მოხდა, შენც დაივიწყე  
 და ჩვენც დაივიწყებთ. ყველაფერს გაპატიებთ, ოღონდ ქრისტე უარ-  
 ყავ და სჯულს დაუბრუნდი...

აბო გაჩუმდა. ამირა წამოდგა, თავზე დაადგა ყრმას გულითადო-  
 ბისათვის.

— ქართლის ამირა დახმარებას გთავაზობს, მუსლიმო, ქრისტიანე-  
 ბის ნუ შეგეშინდება, როგორც კი ქრისტეს უარყოფ, ბაღდადში გაა-

ქანებთ, ხალიფას კარზე გამსახურებთ... ეს ხალიფასთან შეთანხმებულია... გესმის, ჭაბუკო, რას ვთავაზობთ?..

აბო კვლავ დუმდა. ამირა ალი ჰასანი კედელს მიეყრდნობოდა მხრით და შეგონება განაგრძო:

— ხალიფას ჩირადაც არ უღირს შენი მოკვდინება, გინდა სიკვდილი? საკმაოა ჯალათებს ნიშანი მივცე და თავს უმალ მოგკვეთენ...

აბომ თავი ასწია, ამირას შეხედა და გაუღიმა:

— მსაჯულო, ვითარცა კედელსა, რომელსაც მიყრდნობილხარ, ყურთა ჩემთა არ ესმით ცუდნი სიტყვანი შენნი... ჩემი გონება ქრისტესთანა არს, ზეცას.

— ალაჰ, — შესძახა ამირამ და სასახლის ჭერს მიაჩერდა, თითქოს მართლა ალაჰს ელაპარაკებოდა. — მოწმე ხომ ხარ, რომ ყმაწვილი თვით ისწრაფვის სიკვდილისაკენ!.. გესმით, დარბაზის ერნო! — ამირა კართან შეკრებილ ჯამაათის წევრებს და მსახურთ მიუბრუნდა, — ყმაწვილი სიკვდილს არჩევს ჩვენთან ყოფნას...

— აგვევსო მოთმინების ფიალა! — შესძახა ჰაჯიჯ იბნ ალ-ბაბაქმა და ხმალი იძრო. — ნუთუ მუსლიმებს სისხლი წყლად გვექცა! არაბთა დიდებას უჯიშო მედილეგის შვილმა ლაფი უნდა დაასხას?

მოედანზე! დაუყოვნებლივ მოედანზე!..

— სიკვდილი გამყიდველს! — დაიძახა ხალხში ვილაყამ. აბომ კართან მოჯარული ხალხისკენ გააპარა მხერა. ამათი უფრო შეეშინდა, ვიდრე ამირასი.

— სიკვდილი არაბთა შემარცხვენელს!..

— სიკვდილი, მოლაღატეს!..

ისინი შურტები იყვნენ, ჰაჯიჯ იბნ ალ-ბაბაქის კაცები, ამირას ამიდები, მდივან-გამგებლები, მუჰთასიბები, სასახლის მსახურნი, ვანისმცველები, ჯალათები... შუბებს სწევდნენ მალლა და დამფრთხალ აბოს თვალებს უბრიალებდნენ. ხალხში აბომ ერისმთავარსა და მიქაელს მოჰკრა თვალი. ერისმთავარი პირველ რიგში იდგა ბაბაქისა და ვაზირის გვერდით, მიქაელი ხან გამოჩნდებოდა და ხან არა. როცა სასახლის მსახურებმა ყვირილი ატეხეს, ერისმთავარიცა და მიქაელიც კარს უკან გაუჩინარდნენ.

ამირამ ხელი ასწია და სიჩუმე ბრძანა, კართან აყაყანებული ხალხი უმალ დაწყნარდა.

— მაინც რისთვის იწამე სხვათა ღმერთი, ჩვენს ენაზე ვერ ამიხსნი?.. — მრისხანებას შეეპყრო ამირა, — ეგებ თავის მოკვეთა ჩამოხრჩობით შეგიცვალო?..

— არ აიხსნება, დიდო მსაჯულო, სიტყვებით ვერ გამოვთქვამ იმას, რასაც ვგრძნობ... აი, თქვენ ხომ მჩაგვრელი ხართ... ხომ კმაყოფილი ხართ და ბედნიერი, მე ბორკილგაყრილი ვგრძნობ თავს, შეუძლებელია. მჩაგვრელად ყოფნა არ მინდა და ვერც მჩაგვრელი საჩუქარი მიმტან ვიწამებ. მას შემდეგ, რაც ეს გადაწყვიტე, ჩემი თავის ამირად ვიქეცი...

თუ გინდა ჩაწვდე ჩემს გულს, თუ გასურს, დიდო მსაჯულო, ის ნეტარება იგემო, რაც მე ვიგემე, იწამე მაცხოვარი ჩვენი იესო ქრისტე და ნათელ ილე მის მიმართ.

დარბაზი კვლავ აჩოჩქოლდა. მენელსაცხებლე აბო კი არ ძრწოდა და პატიებას კი არ ითხოვდა, თვითონ ამირას მოუწოდებდა, სჯული დასტოვე და ქრისტეს შეუდგეო — შარიათით ეს უფრო მძიმე დანაშაული იყო, ვიდრე ქრისტეს აღიარება. ამის მოთმენა უკვე აღარ შეიძლებოდა.

ამირა დინჯი ნაბიჯებით გაეშურა ტახტისაკენ, დაჯდა ზედ, ახლა მის ყოველ სიტყვას კანონის ძალა ჰქონდა, გადახედა ხელქვეითთ და ბრძანა: — აღსრულდეს!..

აბოს ჯალათები მისცვივდნენ და უმალ გაიყვანეს დარბაზიდან. დერეფანში სიკვდილმისჯილს ხალხი გამოუდგა. აფურთხებდნენ, თავში სცემდნენ, აგინებდნენ და ხელში რაც მოხვდებოდათ, ესროდნენ. ჯალათები იცავდნენ ჰეროდის ხალხისაგან. აბომ კარვად იცოდა, ვინც იყვნენ მოკიცხარნი და მაგინებელნი, მათ სახეებს ცნობდა, მოსწონდა კიდევ რომ ჰნერწყვავდნენ და ჰკიცხავდნენ. ასე უფალი მიდიოდა გოლგოთას გზაზე. „ჯვარი ალბათ ბორკილებია“, — გაიფიქრა ამაყად დერეფანში თავდახრით მიმავალმა. თავიდანვე, ქრისტეს ცხოვრებას რომ გაეცნო, მხოლოდ სიკვდილი შემიძლია ქრისტესებურიო, გაიფიქრა. და გოლგოთისაკენ მიმავალ გზას ვინ იცის, ოცნებით რამდენჯერ შეუდგა ჯვრის თრევიტ. მალე ოცნება სინამდვილედ ექცა: პირველი შეპყრობა და პირველი შეხვედრა სიკვდილთან, მძიმე ავადობა და შიში მეორედ შეპყრობისა, მეორე შეპყრობა, საზარელი ცხრა დღე და ღამე და ბოლოს ქეშმარიტი გოლგოთას გზაც, ოღონდ ამირას სასახლიდან, თხემისა ადგილისაკენ მიმავალი. ჯერ სასახლის დერეფნებს არ გასცილებია და უკვე გრძნობს ზეამტაცი წუთების მოახლოვებას. მას სცემენ ყვრიმალეზში, თავ-პირში, ჯალათები სიკვდილმისჯილს იფარავენ, მოსეულთ ერეკებიან და ტუქსავენ. ისინი მაინც მოიწევენ მისკენ და გაეგებულნი სახეში აფურთხებენ... „სამშობლოს მოლაღატეს“ ეძახიან. რამ გააბოროტათ, რამ გაახელათ, ნუთუ მართლა მისმა საქციელმა?

ეგებ მართლა სჯერათ რომ აბო გამყიდველია. არა. თვითონ არიან მოსყიდულნი და თავიანთი უზნეობა რომ დაფარონ, ვითომ სამშობლოსთვის ზრუნავენ. აბო ხედავს რომ სიმართლე იმასთან ჩხუტდება, ვისაც აფუროთხებენ. უფრო მეტიც! — აგერ კედელთან ატყუვს ხი არაბები, ისინი არ ლანძღავენ, არც არაფერს ამბობენ, გულის სიღრმეში მხარს უჭერენ მოწამეს. აბო მათ თვალეში კითხულობს ამ მხარდაჭერას, მათ არ შეუძლიათ არაფერი, ერთ სიტყვასაც კი ვერ წაილულლუღებენ აბოს სასარგებლოდ. შორს ერისმთავარი დგას თავდახრილი, მიქაელიც აქ არის, შორიდან უმზერს შეშინებული თვალებით, ახლოს მოსვლას ვერ ბედავს. არაფერი არ უნდა გამორჩეს, ვერც სასახლეს, ვერც ამ ხალხს ვერასოდეს იხილავს. ვითომც აქ არაფერიაო, თავდახრილი, ბორკილების ქლარუნით მიჰყვება ჯალათებს, მაგრამ გული სიყვარულით სავსე აქვს და ზიზღით ჯალათებსაც კი ვერ უყურებს. ახსენდება უფლის სიტყვები: „მამაო, მიუტევენ ამათ, რამეთუ არა იციან, რასა იქმან“.

ჯალათებმა აბო სასახლიდან გამოიყვანეს. მორწმუნეები წინ შემოხედნენ და ნაკურთხი წყალი და ზეთი მიართვეს. აბომ წყლით პირი დაიბანა და ხალხს მიმართა:

— ქრისტიანებო, დღევანდელი დღე ჩემთვის ჭეშმარიტი ნათლისღებაა!..

არ აცალეს სიტყვის თქმა. ჯალათები მისცვივდნენ და პირზე ხელი დააფარეს.

— აცალეთ! ათქმევინეთ! — გაისმა ხალხში. მაგრამ ჯალათებმა წრე შეჭკრეს, აბო შუაში მოიქციეს და მორწმუნენი ახლოს არ მიუშვეს. აბო ჯალათებს შეჰპირდა, კრინტს არ დაეძრავ, ოღონდ ქრისტიანეთა წესისამებრ ზეთის წაცხების ნება დამართეთო. ჯალათებმა დართეს ნება და აბომ ზეთი თავზე წაიციხო, თან ჯალათებს გაუბა საუბარი: მე თვით ვიყავ მენელსაცხებლზე, კეთილად შემზადებული სურნელოვან საცხებელთა... — ჯალათები გაკვირვებულნი უყურებდნენ სიკვდილმისჯილს, რაღა დროს ნელსაცხებელზე საუბარიაო, აბო განაგრძობდა: — ამიერიდან აღარა ვიცხო განქარვებადი მწირობისა ჩემისა ზეთი, არამედ ვითარცა „ქებასა შინა ქებათასა ბრძენმან სოლომონმა მასწავლა: „სულნელებასა ნელსაცხებელთა შენთასა ვრბიოდი“, ქრისტე. შენ აღმავსე სულნელებითა სარწმუნოებისა...

ჯალათებმა „ქრისტე“ გაიგონეს თუ არა, უმაღ სტაცეს ხელი და წაათრიეს სიკვდილის მოედნისაკენ.

— მუსულმანებო, სიკვდილი არაბთა შემარცხვენელს! — დაიძახა



ხალხიდან ვილაცამ. აბოს ხმა ეცნო. ეს კაცი სასახლის დეიფანსი გაკვირდა, სიკვდილი არაბთა შემარცხვენელსო.

— სიკვდილი მაჰმადის მოლაღატეს!.. — შემოესმა მოლაღატესს ხალხს სწრაფად შეეცვალა გუნება-განწყობა. პირველად ურემზე გაკრული შებორკილი კაცი რომ დაინახეს, სიბრალულით განიმსკვალენ მისდამი. შემდეგ ეს სიბრალული თანდათან გაუქარწყლდათ. ქართველ ქრისტიანებსაც კი გულს ეთანადრებოდათ, რაკი მუსლიმანები დაბეჯითებით ამტკიცებდნენ, ყმაწვილი სამშობლოს მოლაღატეაო. რად გვინდა სამშობლოს მოლაღატე ქრისტიანი, ადამიანი საკუთარ სამშობლოს ღალატობს, სხვისას როგორღა უერთგულებსო, ბუზღუნებდნენ.

რაც მთავარია, ხალხი დაიტანჯა ლოდინით, ჩამოწყდა ფეხზე დგომით, მცხეთიდან და ახლომახლო სოფლებიდან ჩამოსულნი, ღამენათენი, შეცივებულნი, გამწარებულნი მზად იყვნენ, ვინც არ უნდა ყოფილიყო სიკვდილმისჯილი თვითონ დაესაჯათ და ბოლო მოეღოთ წამებისათვის.

დამსჯელი ლაშქრის გამოჩენამ ხომ სულ მთლად აავსო მოთმინების ფილა. როგორც კი ერთმა ორმა მოსყიდულმა მუსლიმმა დაიძახა: სიკვდილი მოლაღატესო, ხალხიც უმალ აჰყვა მას და დასასჯელს ლანძღვა-გინებითა და მუშტების ქნევით მიჰყვა უკან.

აბომ ხალხში იოანეს მოჰკრა თვალი. იოანე თვალეზანთებული შესცქეროდა მოწამეს. აბომ მისკენ მიღრიაჯა თავი და მთელი ხმით იყვირა:

— ლოცვაა მომიხსენეთ, მოძღვარო!..

იოანეს ცრემლი წასკდა და უნებლიეთ ცრემლის წმენდით რამდენიმე ნაბიჯი გადადგა მისკენ.

შურტებმა ხელი სტაცეს მოძღვარს და შეაკავეს. იოანეს გვერდით შავით მოსილი ანო იდგა და მდუმარე ცრემლით ტიროდა. აბო გულით ზედებოდა, ცხარედ მოტირალი ანო უნდა ყოფილიყო.

— ნუ სტირით, არამედ გიხაროდეთ! — ეკლავ გაისმა აბოს განწირული ხმა, — ჩემს უფალთან მივალ. ლოცვით წარმგზავნეთ!..

იოანემაც, კათალიკოსმაც და ანომაც აბოს ხმა რომ გაიგონეს, პირგვარი გადაისახეს და უფალს ყმაწვილის თავი შეაკედრეს.

გაავეებული ბრბო და სარკინოზნი თანდათან მძლავრობდნენ, ჭეშმარიტ ქრისტიან მორწმუნეთ აბოსთან ახლოს არ უშვებდნენ, გზას უღობავდნენ, ერეკებოდნენ. ჰყრობილს მუშტების ქნევით, გინებითა და ყიყინით მისდევდნენ, აშინებდნენ, ჩაქოლვით ემუქრებოდნენ.

აბო უშიშრად, ვითარცა ხორცშემოძარცველი, თავაწეული მიაბი-



ჯებდა სიკვდილის გზაზე, ხვირთით მცემელთ, მნერწყვავთა და მოფიქრებით არად თვლიდა, ავად მოზიშხიმედ ჭიალუად რაცხდა, შორს იყურებოდა: საკუთარ აღსასრულს უმზერდა აქედან, საკუთარ, ~~განსვენებას~~ და, თითქოს საკუთარ ცხედარს მიაცილებდა გულზელდაკრეფილი, მუხხარე მიჰყვებოდა სამგლოვიარო მსვლელობას და ასმეთვრამეტე ფსალმუნს გალობდა: „ნეტარ არიან უბიწონი გზასა, რომელნი ვლენან რჯულსა უფლისასა“...

თხემისა ადგილი ანუ სიკვდილის მოედანი, სასახლის წინ, ორმოც მოწამეთა მიტოვებული მონასტრის ეზოში გაემართათ.

რაკი სამონაზვნო ამირას სასახლესთან ახლოს იდგა, შურტები შეეჩინათ ბერებისათვის, ბერებსაც მუდამდღე რბევა-წიოკობისათვის ველარ გაქლოთ და გადააკრგულიყვნენ.

მონასტერი იდგა თხემზე. თავის მოკვეთას ყოველმხრიდან დაინახავდა მოჯარული ხალხი.

მთელ საქრისტიანოს იგდებდნენ აბუჩად, წმიდა საყოფელი მონაზონთა თხემისა ადგილად ექციათ. აქ ედგათ კაცპელატი, თავსაც აქ ჰკვეთდნენ დამნაშავეთ და საზრჩობელებიც აქ გაემართათ.

ხალხი მონასტრის ეზოს მიაწყდა, ცხენოსანი შურტები მოვარდნენ ტაჯგანაგების ცემით და ხალხი მიჰყარ-მოჰყარეს. ჯალათებს სარბიელი გაუთავისუფლეს.

თურმე მონასტერში რამდენიმე მორწმუნე წინასწარ შემალულიყო. როცა აბო ჯალათებმა ეზოში შემოიყვანეს, უმალ გამოვიდნენ მონასტრიდან უშიშრად და მოწამეს ეკლესიიდან წამოღებული წმინდა იგი საიდუმლო ხორცი და სისხლი ქრისტესი მოართვეს. ჯალათები ამას არ მოელოდნენ, დაიბნენ, აირივნენ. ვიდრე გაარკვევდნენ, რა ელონათ, მოწამე ეზიარა, და „მადლობთ შენ უფალოო“ — ღმერთს შეჰლაღადა.

ჯალათებმა აბოს ბორკილები შეხსნეს. პყრობილმა თავისუფალი ხელები ლაღად გაშალა, თითქოს თავისუფლებას გაეთამაშაო, პირმომცინარმა გარს შემოჯარულ ხალხს გადახედა, თვით შემოიძარცვა სამოსი, გაშიშვლებულმა პირჯვარი გადაიწერა, შემდეგ ხელები ჯვარის სახედ უკუნისხნა და მახვილს ქედი მოუდრიკა, ვითარცა რკალი.

ჯალათმა მახვილი სცა.

მოწამე ნელა ჩაიკეცა, სისხლი თქრიალით გადმოსდინდა ფერდიდან, მახვილოსანმა ფერდში სცა მახვილი. ძირს დამხობილი მომაკვდავი მეორე და მესამე დაკვრას ელოდებოდა, მაგრამ მახვილოსანი ჯალათი გვერდით მიდგა რატომღაც. ასეთი იყო ბრძანება. სიკვდილის



შიშით ერთხელაც უნდა დაეთრგუნათ სიკვდილმისჯილი და თავი მე-  
რე მოეკვეთათ.

სისხლით შეიღება წმინდა გვამი. ის ადგილი, სადაც წმინდა გვამი  
ყაყაჩოსფრად შეიფერა, შემდეგ სისხლის გუბე დადგა და გაიშალა.  
აბომ ნელა ასწია თავი და ქალათებს მოხედა, რას ელოდებითო...

ქალათები თავდახრილნი იდგნენ და თავიანთი უფროსის ბრძანებას  
ელოდნენ.

აბომ უკანასკნელად აიღო თავი და ჩურჩულით წარმოთქვა:

— გამადლობ და გაკურთხებ შენ, სამებაო წმინდაო, რადგან ღირს  
მყავ მიმთხუევად ღუაწლსა წმიდათა მოწამეთა!

ქალათთა უფროსმა საყველბურო ქართული იცოდა, სიკვდილმის-  
ჯილი კი წიგნის ენაზე მეტყველებდა. წმინდა წიგნთა ენის გაგება  
მუსლიმებს უჭირდათ. ქალათთა უფროსი ხედებოდა, რომ აბო მათდა  
სასიკეთოდ არაფერს იტყოდა. „სამებაო წმიდაოს“ და „მიმთხუევად  
ღუაწლსას“ ახსნა მოითხოვა. აუხსნეს. ქალათთა უფროსმა თავი გა-  
დააქნია.

— კუზიანს სამარე გაასწორებს... — ჩაილაპარაკა არაბულად და  
ქართულად ბრძანა:

— მოჰკვეთეთ თავი!..

ეს ქართულიც მომაკვდავის გასაგონად იყო თქმული. ქალათებს  
ორი მეხრამლე მხედრული ნაბიჯით გამოეყო. ამოწვდილი ხმლებით  
თავზე დაადგნენ სისხლში მცურავს. შეყოვნდნენ რამდენიმე წამით.  
ხალხმა უკან-უკან იწყო დახევა. ველარ გაუძლეს წამების ყურებას. ჯერ  
ერთმა მეხრამლემ დაჰკრა, შემდეგ მეორემ და თვით ქალათებმაც კი  
შვებით ამოისუნთქეს, სიმწრის ოფლი მოიწურეს შუბლიდან, რაკი გა-  
ნაჩენი სისრულეში მოიყვანეს.

ხალხმა ნელ-ნელა იწყო დამლა, დამსჯელმა ლაშქარმა გზები გახს-  
ნა. მორწმუნეთა მცირე ჯგუფი დაშლას არ აპირებდა, ორმოცთა მო-  
წამეთა საყდარში შემალულიყვნენ და გვამს იქიდან დარაჯობდნენ. შურ-  
ტებს ეს შეუძმნეველი არ დაჩაათ. ბერი იოანეცა და სამოელ კათალი-  
კოსიც თავიანთი მცველებით არ სტოვებდნენ სიკვდილის ეზოს. შურ-  
ტებმა არ იცოდნენ, რა ელონათ, ძალა ეხმარათ თუ არა. საკითხავად  
ჰაჯიჯ იბნ ალ-ბაბაქთან გაემართნენ, ბაბაქიც საგონებელში ჩავარდა,  
რა მოემოქმედათ მორწმუნეთა წინააღმდეგ? — ალი ჰასანთან შევიდა  
და მოახსენა:

— ბრძანება აღსრულებულია, დიდო მსაჯულო, მოღალატე მუსულ-  
მანი განეშორა წუთისოფელს. კეთილად დამთავრდა ავი საქმე, ოღონდ

მორწმუნენი გვამს არ შორდებიან, ორმოცთა მარტივითა საყდარში შემალულან, ჯალათების წასვლას ელოდებიან. სიკვდილის ეზოდან ვერ გამოვაძევებთ სამოელ ქართლის კათალიკოსიც და მისი მსტრეპნიშვილებიც. მორწმუნეთ ესენი აქეზებენ, ბრძანეთ და შევიპყრობით!

— რას აშავებენ მორწმუნენი? — იკითხა ალი ჰასანმა.

— არაფერს. — შედრკა ბაბაქი, — დგანან ერთ ადგილას...

— რას ელოდებიან?..

— დიახ, ამის თქმას ვაპირებდი, — გამომკვირცხლდა მყისვე, — ქრისტიანებს წესად აქეთ: ვინც ქრისტესთვის ეწამება, მის გვამს იპარავენ და პატივისცემით ჩაფლავენ მიწაში, სამოსს, თმას ურთიერთშორისს განიყოფენ და თაყვანსა სცემენ. წმინდა ნაწილებად შერაცხავენ... სასწაულებს მიაწერენ, ვითომ ავადმყოფებს კურნავენ, — ხალხს ატყუებენ. აი, რას ელოდებიან. იოანე ბერი და სამოელ კათალიკოსი ჩვენ მკვდარსაც კი ჩვენ წინააღმდეგ გამოიყენებენ. განა შეიძლება ამას მშვიდად ვუყუროთ?

— კათალიკოსის შეპყრობა ადვილი არ გახლავთ, ბაბაქო!

— მაშინ ნება დაგვრთეთ, გვამი ქალაქგარეთ გავიტანოთ და ცეცხლში დაწვავთ, საცთური ქრისტიანეთა ფერფლად ვაქციოთ და ქარს გავატანოთ.

ამირა ალი ჰასანი ჩაფიქრდა. მოეწონა ბაბაქის წინადადება.

— დაწვით ცეცხლში! — მოჭრა მოკლედ.

ბაბაქი ფრთაშესხმული გამოვიდა ამირას დარბაზიდან, ძლივს არ გამონახა საერთო ენა ახალ ამირასთან?! სასწრაფოდ იხმო შურტები, ჯალათები და აბოს გვამის საგოდებელში წაღება და დაწვა ბრძანა.

სიკვდილის ეზოში შეკრებილ მორწმუნეებს არაფერი გაუგიათ თუ რას უშაადებდნენ აბოს გვამს სარკინოზები. მხოლოდ მაშინდა მიუხვდნენ ავ განზრახვას, როცა გუალაგი \* მოიტანეს, აიღეს პატიოსანი გვამი და შიგ ჩადეს, სამოსელიც მოკრიფეს ნაგლეჯ-ნაგლეჯ, დანთხეული სისხლიც აფხიკეს მიწიდან, ჭურჭელში ჩაყარეს. ქრისტიანებს კვალიც კი არ დაუტოვეს წმიდანისა. თავმოკრული გუალაგი ურემზე დადეს და საგოდებლისკენ გზას გაუდგნენ.

ტფილისელებს ქალაქთან ახლოს გაემართათ საგოდებელი, აქ ეგულეობდათ წინაპართა საფლავები, თავიანთ ცხედარსაც აქ ჰფლავდნენ. შავით მოსილი დედანი თავიანთ მწუხარებას აქ ჰგოდებდნენ.

გუალაგიანი ურემი დაიძრა თუ არა, მორწმუნენი უკან მიჰყვნენ.

\* დიდი ტომარა.

ჯალათებმა და ცხენოსანმა შურტებმა მუქართა და ყვირილით აიძულეს ისინი ურემს შორი-შორ გამოჰყოლოდნენ.

სამოელ კათალიკოსი და იოანე ბერი წინ მოუძღოდნენ მუქარს მუქარს. მიქაელიც აქ იყო. არ უნდოდა წამოსვლა, ერისმთავარს ვაითუ ეწყინოსო, წუხდა, მაგრამ რა ექნა, მამამისს საფრთხე ემუქრებოდა. სახალხოდ ახლოს მისვლას და ჭკუის სწავლებას ვერ გაუბედავდა, უკან მისდევდა და, თუ შეიპყრობდნენ, ამბავს მაინც მიუტანდა ერისმთავარს.

საგოდებელს რომ მიუახლოვდნენ, ცხენოსანი შურტები ხალხს წინ გადაუდგნენ, შეჩერება უბრძანეს. აბოს გვამი გადმოიღეს ურმიდან, მტკვრის პირას კბოდეზე დადეს. აქ, ახლოს იყო ქალაქის სადილეგოც, სადაც აბო ცხრა დღე და ღამე ეწამა. მოიტანეს შეშა, თივა და ნავთი, დაასხეს წმინდა გუამზე და კოცონი დააგზნეს. კოცონის დიდი წითელი ენა სწრაფად აიჭრა მალა.

გაისმა ოხვრა და ვაება. ხალხმა ცეცხლისაკენ ნაბიჯის გადადგმა სცადა, ახლოს მისვლა და თაყვანისცემა ისურვა. ცხენოსანი შურტები, ხმალამოდებულნი დარაჯობდნენ ჯალათთა საქმიანობას. ფეხი წინ არავის გადაადგმევინეს, მორწმუნენი შორიდან შესცქეროდნენ, როგორ ერთვოდა სივრცეებს წმინდანის გვამიდან ამდგარი კვამლი.

ნელ-ნელა ცეცხლის ალი ჩაჭრა, ხელახლა დაასხეს ნავთი ჯალათებმა და ცეცხლის ალი ისევ აიჭრა ზეცაში.

სალამოდე გრძელდებოდა ცეცხლით წამება, როცა სულ მთლად ჩაინავლა მეორედ დაგზნებული კოცონი, ჯალათებმა ღველფი რკინის ჯოხებით გაჩხრიკეს, ძვლები ამოკრიფეს, ცხვრის ტყავში გაახვიეს, შეკრეს მტკიცედ, ხიდზე გადადგნენ, სადაც პატიოსანი ჯვარი იყო აღმართული, იქ მტკვარი ღრმა იყო და მდორედ დიოდა, მოწამის ძვლებს მტკვარში გადაუძახეს და ხელების ფერთხვით შეერივნენ ხალხს.

მორწმუნეებმა ქალაქს მოჰფინეს ნეტარი აბოს ცხედრის დაწვის ამბავი, კბოდეზე, იმ ადგილას, სადაც ცეცხლი ენთო, ჯვარი აღმართეს, საკუმეველი აკმიეს და სანთლები აანთეს.

იმავე საღამოს, შემწუხრდა თუ არა, ზეცაში აღმობრწყინდა ვარსკვლავი მოტყინარე და აბოს კბოდეს დაადგა თავზე, მოჩახჩახე ვარსკვლავი თვით არაბებმა შეამჩნიეს პირველად და გაკვირვებულები გამოეფინენ ქუჩებში, რა ამბავიაო.

მალე მთელი ტფილისი დაიძრა მტკვრის პირისაკენ პირჯვრის წერიტ. ამირამ არაბი ვარსკვლავთმრიცხველები იხმო და საკვირველი

ვარსკვლავის ამბავი გამოჰკითხა. არავის არაფრის თქმა შეეძლო, თუ  
თი დიდი ვარსკვლავი თვით ვარსკვლავთმორიციველებსაც კი არ ენახათ.  
— უფალმა გარდმოავლინა ვარსკვლავი,— თქვა ერთმა სეფიდს.  
ხამ და ეს აზრი ელვის უსწრაფესად გავრცელდა ხალხში.

ვარსკვლავმა კვლავ გაახსენა ხალხს ნეტარი აბო. მორწმუნეებს  
ეჭვი არ ეპარებოდათ, რომ ვარსკვლავი აბოს სულის უკვდავსაყოფად  
უფალმა გარდმოავლინა, ურწმუნოები და მცირედ მორწმუნენი შიშს  
შეეპყრო, ვაითუ უფალი გაგვირისხდეს აბოს წამების გამო და ზეცი-  
დან ცეცხლი გამოგვიგზავნოსო.

ვარსკვლავი ნაშუალამევეს ჩავიდა, მაგრამ მეორე ღამეს კვლავ ამობ-  
რწყინდა. ამან კიდევ უფრო აღავსო რწმენით ქრისტიანენი. აბოს  
კბოლეს უფრო მოწიწებით შეხედეს. წმინდა ადგილად მიიჩნიეს და  
საკუმეველიც აკმიეს...

მესამე ღღეს აბოს კბოლეზე მოხუცებულები ამოვიდნენ, ხეიბრები  
და საპყარნიც ამოხოხდნენ ტანჯვით და სანთლები აანთეს, დედებმა  
ავადმყოფი ბავშვები ამოიყვანეს, ცრემლით დააღტვეს ის მიწა, სადაც  
აბოს გვაში დაწვეს. უფალს ბავშვების ტანის სიმრთელი და სულის  
სიმტკიცე შეავედრეს.

## იოანე

სამოელ კათალიკოსმა შეძრწუნებულმა დატოვა ტფილისი, მიჩენი-  
ლი შურტების თანხლებით მცხეთას გაემგზავრა. როცა აბოს სხეულს  
ცეცხლი დააგზნეს, სამოელმა გაიფიქრა: ამ ყმაწვილის მარტვილობის  
ამბავი უნდა დაიწეროსო, თვალით იოანეს დაუწყო ძებნა. მეორე ადა-  
მიანი, ვინც ამას დაწერდა, არც ვგულებოდა.

იოანე შორიახლოს იღვა, მაგრამ ვერ მივიდა, ვერც იხმო, ვერც  
ვერაფერი ანიშნა.

მთელი გზა აბოსა და იოანეზე ფიქრობდა. აბო წმიდანად უნდა  
შეერაცხათ, ერთი ღღე ქართულ საყდრებში მის მოსახსენებლად და-  
ედგინათ. მთავარი იყო წიგნის დაწერა, დანარჩენს თვითონ გაუძღვე-  
ბოდა. როგორ, სად, რა ხერხით შეხვედროდა იოანეს შურტებისაგან  
მალულად? იქნებ სჯობდა რომელიმე ხუცესის პირით შეეთვალა გა-  
ნაზრახი?... ან იქნებ მონასტრის კრებული ერთად ეხმო, ვითომ სათათ-  
ბიროდ, და შემდეგ იოანე დაემარტოხელებინა? ვერ შეძლებდა ამას,  
შურტები გაუგებდნენ და იოანეს შეიპყრობდნენ, დილიგში ჯდომას  
ისევ შინაპყრობილება სჯობდა.

წერილის მიწერა გადაწყვიტა.

საკათალიკოსოში კარის მსახურმა ავი ამბავი აღუწყო: ეპისკოპოსები ერისმთავარს მიუწვევია და საიდუმლო თათბირი ჰქონდათ. სამოელი შეკრთა, რა თათბირი უნდა ჰქონოდა ერისმთავართან? კათალიკოსს რაღად დაუმაღეს? თავი შეურაცხყოფილად იგრძნო. უნდოდა მსახურისათვის ეკითხა: როდის გაიმართა თათბირი, რომელი ეპისკოპოსები ესწრებოდნენ. ვინ ამცნო ეს ამბავი... თავი შეიკავა, არაფერი უკითხავს. გამოკითხვა-გამოძიება კიდევ უფრო დაამცირებდა, მეტი სიღინჯე და შორსმკვრეტელობა მართებდა, დაე მოსახდენი მოხდესო, დაასკვნა და საქმეს შეუდგა. მაგიდას გულდაგულ მიუჯდა, წერილის წერას მიჰყო ხელი.

შუალამე გადასული იყო. შურტებს ეძინათ. ეძინა საკათალიკოსოსაც. მხოლოდ სამოელი ფხიზლობდა.

„მე სამოელ, ქრისტეს მიერ ქართლის კათალიკოსი, უფალს იოვანეს საბანისძეს წმიდა დედა ეკლესიის სულიერ შვილს, საყვარელ მოძღვარს, უფლისა მიერ ლოცვით მოგიკითხავ“... — დინჯად დაიწყო წერა. თავი აიღო და ფიქრს მიეცა.

სამოელი აბოს წამებას, ყმაწვილის სულიერ სიმტკიცეს, მის უსაზღვრო სიყვარულს უფლისადმი მთელი არსებით შეეპყრო, ლამის თვითონ დაეწერა ეს წიგნი.

აბოს სახე დაუდგა თვალწინ. მისი უკანასკნელი სიტყვები ყურში ჩაესმა: „გმადლობ და გაცურთხებ შენ, სამებაო წმინდაო, რადგან ღირს მყავ მიმთხუევად ღუაწლისა წმიდათა მოწამეთა“... „ნეტა იოანეს ყურთასმენას თუ მიწვდა ეს სიტყვები... — გაიფიქრა სამოელმა, — იოანე შორს იდგა...“

„მშვიდობა იყოს შენზედა, — განაგრძო წერილის წერა, — და ყოველთა სახლისა შენისა კრებულთა“. საღდა იყო ჯვრის მონასტრის სახლის კრებული. მას შემდეგ, რაც მამა ონოფრე სასახლის წინ კატასავით ჩამოახრჩვეს, კრებული დაიშალა, შურტების მიერ შეშინებულნი ბერები სადილეგოდან აღარ მობრუნებულან, უღაბნოს მიაშურეს და იქ დაემკვიდრნენ.

ახლა იოანესთან ხუთად ხუთი ძმა ცხოვრობდა. იოანეს აფხაზეთში ყოფნის დროს აღიკვეცნენ ბერებად. იოანე ამტკიცებდა, ორი მათგანი ბაბაქის დავალებას ასრულებსო. სამოელმა ამის გამო თავის დროზე იოანე გაკიცხა, მაგრამ ახლა თანდათან რწმუნდებოდა ამაში. თვითონაც შეეპყრო ექვსს.

ექვიანობა მანკიერებაა სულისა. თავისთავს ჰკიცხავდა და იოანე-

საც. ბეჯითად დაწერა: „ყოველთა სახლისა შენისა კრებულთა ქრისტეს მიერ“.

გადაბმული ხუცურით წერდა. თუ შურტას ჩაუვარდებოდა ხუცურული მაინც ვერაფერს ამოიკითხავდა.

„ჩვენ ვუწყით შენი ღმრთივ-მომადლებული მეცნიერება საღმრთოთა წიგნთა, შენ მოვლენილი ხარ კეთილთა საქმეთა მოღუაწებისათვის. შენზე უკეთ ჩვენს ღვთისმსახურთ არავის ძალუძს დაწეროს წმინდა წიგნი ახალ მოწამეზე — წმიდა აბოზე. შენ ყველაზე უკეთ იცნობდი ნეტარ ყმაწვილს, ვინც დღეთა ამათ ჩუენთა იმარტვილა მეოხად ქრისტეს მიმართ, ყოვლისა ამის სოფლისა ჩუენისა ქართლისათვის. მნებავს, დაიწეროს სანატრელისა ამისცა მარტვილობა, ვითარცა პირველ მოწამეთა და დაიდვას იგიცა წმიდასა დედა ეკლესიასა შინა მოსახსენებლად ყოველთა, ვინ იყვნენ შემდგომად ჩუენსა.“

დღეხი ჩვენნი შინაპრობილობაში დიან, არც ის ვუწყით, ხვალ რა მოგველის. სწორედ ახლა უნდა დაიწეროს წიგნი ესე, რათა არ ჩაქრეს უცხოტომელი ჭაბუკის მიერ დაგზნებული ცეცხლი.

ხსართან მღვდლის ხელით გიგზავნი ამ წერილს, მიიღე ჩემი ლოცვა და ჯვარის დაწერა შეწევნითა ღმრთისა მამისა და ძისა და სულიისა წმიდისა, მეოხებითა წმიდისა ღმრთისმშობლისა და წმიდათა მოციქულთა და მოწამეთა.

აღწერე მარტვილობა წმიდისა მოწამისა ჰაბოისი და აღწერილი ჩუენ მოგვიძღვენ, რათა უმეტესად ლოცვა ვყოთ შენთვის. მაღლი უფლისა იყავნ შენ ზედა, ამენ!“

თავიდან გადაიკითხა ნაწერი. თუ ბოლოს და ბოლოს ხელში ჩაუვარდებოდათ შურტებს და რომელიმე იუდა მონაზონს წააკითხებდნენ, ისეთი არაფერი ეწერა, სამოელს თავი ვერ დაეცვა. სხვა ტომის, სხვა სარწმუნოების ადამიანმა თავი დასდო, სისხლი დასთხია ქრისტეანთა მწყემსისთვის, მღვდელმთავარს ევალებოდა თვით აღწერა ეს იშვიათი მარტვილობა ან ეპოვა აღმწერელი და მისთვის შეეკვეთა. ამაში მას ბრალს ვერ დასდებდნენ. თუ მაინცდამაინც ამ მიზეზით შეიპყრობდნენ, ამისთვის მზად იყო.

საკათალიკოსოდან გამოვიდა. ფეხაკრეფით წავიდა სენაკებისაკენ, ხსართან ხუცესი გააღვიძა.

— ხუცესო, ეს უსტარი იოანეს უნდა გადასცე... — უწურჩულა კარებშივე.

— ახლავე, უწმინდესო...—სიბნელეში ააფათურა ხელები ხუცესმა. კათალიკოსმა იოანე როგორც კი ახსენა, ხსართანი მიხვდა, რომ საძნელო საქმეს ავალებდა, გაუხარდა, ეამაყებოდა ასეთი დავალება.

— გათენებამდე უნდა მოასწორო... თბილად ჩაიცივი, გარეთ ქარხინ-ვაა...

— უკვე მზად ვარ, უწმინდესო!..

ერეკნეული

სიბნელეს მისცა

ხსართან ხუცესმა გრაგნილი უბეში ჩაიღო და სიბნელეს მისცა თავი. სამოელი საკათალიკოსოში შებრუნდა. ხსართან ხუცესი ეკვმიტანილი კაცი იყო, შურტები უთვალთვალეზდნენ. სჯობდა სხვა გაეგზავნა, მაგრამ სხვა არ იყო ისეთი ერთგული, როგორც ხსართან ხუცესი. სა-მოელს ერთგულების იმედი ჰქონდა. ერთგულება საიდუმლოსაც უკეთ ინახავს, უფრო გამბედავიც არის და თავგანწირულიც, როცა საქმე ეხება სამშობლოს, ერთგულება უმალ მოსახმობია, მხოლოდ ერთგულთ შეუძლიათ სამშობლოსთვის თავდადება. ერთგულება ზნე-კეთილი ადამიანის თვისებაა — ფიქრობდა სამოელი და დასაწოლად ემზადებოდა. ხუცესს შურტებთან ბრძოლის დიდი გამოცდილებაც გა-აჩნდა. მართალია, ბუნებით არ იყო მებრძოლი და გულადი კაცი, ღამე სიარულისაც კი ეშინოდა, მაგრამ რაკი კათალიკოსი ავალებდა, მოკვდებოდა და შეასრულებდა.

მართლაც, ხსართან ხუცესი უკუნი ღამით, ყინვასა და თოშში ჯვრის მონასტერს ცისკრამდე მიადგა. მონასტერში უდროო დროს ჩიტი ვერ შეფრინდებოდა, კარები ბერებს საიდუმლოდ ჰქონდათ დაგმანული, მაგრამ ხუცესმა ხერხიც იცოდა. სხვა დროსაც სწვეოდა ამგვარი სა-იდუმლო დავალებით იოანეს. მონასტრის გაღავანს იქ მიადგა, სადაც იოანეს სენაკი ეგულებოდა. ხმადაბლა დაუძახა. იოანე თითქოს ელო-დაო ხუცესს, ფლარტუნ-ფლარტუნით მოადგა კარს და გაულო. ხსარ-თან ხუცესმა გრაგნილი გადასცა და უმალ გაუჩინარდა სიბნელეში. მართალია, ძალზე ფრთხილად, ფეხაკრეფით მოადგა მონასტერს, თითქოს ხმადაბლაც დაუძახა დანიშნული ადგილიდან, მაგრამ სიფრ-თხილეს თავი არ სტკიოდა. უცებ გატრიალდა და წავიდა. იოანესთვის ყველაფერი გასაგები იყო. წერილის შინაარსსაც კი გულით კითხუ-ლობდა წინასწარ. შურტას სენაკისაკენ გაიხედა, ხომ არ გაიღვიძაო. ცივი ქარი გრუხუნ-გრიალით გადარბოდა სახურავებზე. ბერების სენა-კებსაც დააყურა. ჩამიჩუმი არსაიდან არ ისმოდა. ხსართან ხუცესის მოსვლა ქარის ხმაურში არ გაუგიათ, გაუხარდა იოანეს და თავის სე-ნაკში შეიმალა, სანთელი აანთო, კითხვას შეუდგა. სულმოუთქმელად ჩაიკითხა. კათალიკოსის უსტარმა ფრთა შეასხა და საპასუხო წერილის წერად დაჯდა ფიცხლად.

„მამა უფალს ჩემსას, მწყემსს ქართული ეკლესიის, — თანდათან გაკრულ ხელზე გადავიდა, გააბუნდოვნა ნაწერი, — მარადის — საწაღელი

და თავჯანის-საცემელი ბრძანება უფლისა ჩემისა მივიღე სწავნიდეს-  
მოყვარე ხსართან მღვდლის ხელით.

მადლს ვწირავ ყოვლად ძლიერს, ქველის-მოქმედს ღმერთს ჩვენსა  
სას — იესო ქრისტეს, რომელმაც არ დამივიწყა და ღირსი მტკიცე მტკიცე  
თხვევად წმიდათა ლოცვათა თქვენთა. უფრო მისთვის ვაქებ და ვა-  
კურთხებ ღვთის მოწყალებას, რომ მან დანერგა თქვენს გულში ბრძა-  
ნება, რომელი სარგებელი და ნაყოფი სულისა და სიქადული და სიხა-  
რული ხორცთა მექმნების საუკუნოდა და არგებს სოფელსაც ამას.  
მძიმე არს ჩემდა ორკერძოვე: უკეთუ ურჩ ვექმნე ბრძანებასა თქვენსა,  
წერილ არს: „შვილი ურჩი წარსაწყმედელსა მიეცესო“ და თუ ვის-  
წრაფი მორჩილებად, ვითუ ვერ შევექმნა ღირსი წიგნი მოწამისა ამის  
საუკუნოდ მოსახსენებლად. ამისათვის შიშმან და ზრუნვამ შემიპყრა  
მე და შეაშფოთა გონება ჩემი. მაგრამ ბოლოს მაინც უმჯობესად  
შევირაცხე მორჩილყოფა ბრძანებისა უფლისა ჩემისა. თქვენმა ლოცვამ  
და ჯვარის წერამ გამაძლიერა უღირსი. შთამაგონა ბრძენთა ბრძენი  
სოლომონის მიერ თქმულმა, „ჰბაძევდ ჯინჰველასა, მედგარო, და იქ-  
მენ მუშაკ მსგავს მისა“, ვითარცა ჯინჰველა მასზე დიდ მარცვალს  
იფქლისას შეეხას გულმოდგინედ და წაიღოს საზრდელად თვისა.  
ეგრეთვე მეცა გულმოდგინე ვექმნე ბრძანებასა თქვენსა, აღვწერო  
უღირსისაგან გონებისა ჩემისა შემოკრებული მარტვილობაი ჰეშმა-  
რიტი და უტყუელი წმიდისა მოწამისა ჰაბოისი“. ერთი ამოსუნთქვით  
დაწერა. თავიდან ჩაიკითხა ყურადღებით. იმაზე ფიქრობდა, ვისი ხე-  
ლით გაეგზავნა წერილი. ხსართან მღვდელი არ უნდა გამეშვაო, წუხ-  
და. არ ეგონა, თუ ასე უცებ დაწერდა პასუხს. სამოელს გაახარებდა  
თავისი თანხმობით. მიქაელს უნდა დალოდებოდა, სხვას ვერავის  
ენდობოდა. მიქაელი მოაკითხავდა, დღეს თუ არა, ხვალ ამოვიდოდა  
მამის სანახავად.

ცისკარი სარკმელს მოდგომოდა. წერასა და ფიქრში გათენებუ-  
ლიყო.

ცისკრისა ილოცა.  
იოანე არღვევდა მონასტრის ტიპიკონს. მარტოცა ცხოვრობდა სე-  
ნაკში და საღმრთო წიგნებს თარგმნიდა. ძმებთან სატრაპეზოდაც კი  
არ გადიოდა. თუ მზიანი დღე გამოვიდოდა, ხვასტაგი გამოჰყავდა სა-  
ძოვარზე.

იოანეს მიაჩნდა, რომ მონასტერში ღვთისმსახურობა არ აღმდგარა.  
წინამძღვარიც კი არ ჰყავდათ სჯულიერი.

ახალმა ამირამ, როცა ჯვრის მონასტრიდან ცხენები გამოდენა,



ბერები საპყრობილედან გამოუშვა, მონასტერში მარტო დარჩა იოანე დაბრუნდა. გაძარცვულ საყდარში სენაკებსა და საოსტიგნეში შემოღლილივით დარბოდა და კუთხე-კუთხე დაეძებდა ხატებს, ნაქრულს, რებს, ბარძიმ-ფეშხუმებს, სასანთლეებს და წმინდა წიგნებს.

ჯერ ერისმთავარს შესჩვილა თავისი გასაქირი, შემდეგ ამირასთანაც კი შევიდა და შურტებს სათითაოდ მოატანინა ვერცხლის კოვხები, რვალის საცეცხლურები, ვერცხლის ბარძიმი, მარგალიტითა და მინანქრით მოჭედილი წიგნები.

მღვდელ-მონაზონთა პირადი ქონება ხომ სულ მთლად გაენიავებინათ, არც ერთი სული ხვასტავი იქ არ დახვედრია, საოსტიგნედან მთელი წლის მარაგი წაუღიათ, ერთი მუჭა იფქლი არსად იპოვებოდა, მოლაშქრეებს ჭამა-სმა ხომ უნდოდათო, აუხსნეს საამიროში, ახალჩამოსული მოლაშქრენი მოსახლეთა შორის უნდა გაგვენაწილებინა, რაკი მონასტრის სურსათ-სანოვაგეს პატრონი არ ჰყავდა, მშიერმა მოლაშქრეებმა უპატრონესო, ამაში მათ ბრალს ვერ დავდებთო. რა ექნა? რახან ვერცხლის ბარძიმი და მარგალიტითა და მინანქრით მოჭედილი სახარება დაუბრუნეს, ხვასტავისა, სურსათ-სანოვაგის, სამოსის დაკარგვა უნდა დაეთმინა.

მონასტერს თუ რამ ოქროსი ებადა, ისე გაექროთ, იოანემ კვალსაც ვერ მიაგნო. ჩანდა, რომ შურტებს გარდა ოქროსი, თვალ-მარგალიტი არად მიაჩნდათ, ოქროზე ნადირობდნენ.

ბოლოს იოანეს ორი ცხვარიც მისცეს, თქვენი ხვასტავიდან ეს გადარჩენილათ და გამოისტუმრეს.

მაინც ვერ ისვენებდა ბერიკაცი. დღე მუდამ დაეძებდა მონასტრის ქონებას, ხან ოქროს დიდი ჯვრის (ჯვარცმის გამოსახულობით) კვალს მიაგნებდა და ძირისძირამდე ჩასდევდა. ხან ოქროს სანაწილეზე ეტყოდა ვინმე რამეს და ერისმთავართან გარბოდა, ამა და ამ მოლაშქრეს ჩვენი წმიდა ჭურჭელი ბაზარში გაუყიდიაო.

ერისმთავარი იბარებდა მოლაშქრეს, იბარებდა მათ უფროსს, მაგრამ ჭორი აღმოჩნდებოდა, ან ისეთ სურათს დაუხატავდნენ ერისმთავარს, მოლაშქრე მამა აბრამის ბატკანზე უცოდველი მოეჩვენებოდა.


ასეთი ტანჯვა-წვალებით, წელეებზე ფეხების გამობმითა და დღე და ღამე მეცადინეობით იოანემ მხრტოკამ გააღო მონასტრის კარები, მარტოკამ შეძლო სამონასტრო ცხოვრების დაწყება. ერთი ახალი ძმაც ამოვიდა და დაეყუდა მასთან ერთად და სწორედ ამ დროს ეს შინაპყრობილობა გამოიგონეს ამირას კაცებმა. ერთი ნამდვილი შურტა მიუჩინეს და ერთიც ბერის სამოსელში გახვეული მახეზლარი დაადგი-

ნეს მონაზვნად. უფრო მეტიც, წინამძღვრადაც იუდაყოფილი მოიყვანეს — ერობაში კარიჭ კარიჭისძე ყოფილიყო, აქ მამა შიოს ეძახდნენ. იოანეს უთხრეს, წილკნელმა ეპისკოპოსმა მამა ებიფანემ ~~წაყვანა~~ იოანე ყოველთვის ეჭვის თვალით უყურებდა წილკნელს, თანამი მისი გადამეტებული ერთგულება არ მოსწონდა, კარიჭ კარიჭისძის წინამძღვრად კურთხევამ საბოლოოდ გაუტეხა გული მონაზონს. რაკი ურჯულოებმა მღვდელმთავარი გადააყენეს, ეპისკოპოსებს უნდა ეყოჩაღათ, ქართული სულის საბრძანებელი არ უნდა შეეხილწათ. წილკნელის პირველი ნაბიჯი აღმამფოთებელი იყო. ქართლში ყველა ქრისტიანმა იცოდა, რომ კარიჭ კარიჭისძემ ქრისტე უარყო და მაჰმადს შეუდგა. სწორედ აბოს შეპყრობის პირველსავე დღეებში გამოიყვანეს სახალხოდ კარიჭ კარიჭისძე და ათქმევიანეს, რომ ქრისტე ცრუ ღმერთია, რომ ქართველი ერი ბნელში ზის და ჭეშმარიტ ნათელს ვერ ხედავს. კარიჭ კარიჭისძემ ყველა ქართველს მოუწოდა მისთვის მიებაძათ.

დღეს თუ ხვალ მთელი ქვეყანა მუსლიმის იქნებაო, უმტკიცებდა კარიჭ კარიჭისძე ხალხს, ყოველი ერი დედამიწის ზურგზე მსუფვევი ხვალ ერთ ენაზე — არაბულზე იმეტყველებს, დედამიწას ერთი მბრძანებელი ეყოლება — ხალიფა, ქართველი კაცი ვალდებულია ალლო აულოს ცხოვრებას და მუსლიმი გახდესო.

იოანეს არ სჯეროდა კარიჭ კარიჭისძის ხელახლა მოქცევა, სარკინოზებმა შემოგვიგზავნეს, რათა ეკლესია შიგნიდან დაამხონ, სულის უკანასკნელი თავშესაფარიც მოგვისპონო, ფიქრობდა, მაგრამ ამ ფიქრს ვერავის უმხელდა. მხოლოდღა ის შეძლო, მარტო ყოფნა გამოაცხადა, „ძმებს“ ხმასაც კი არ სცემდა. წინამძღვრისთვის აღსარება ხომ უნდა მიეცა, არა, არ გამოდიოდა თავის სენაკიდან. მონასტერში ასეთი განმარტოება ბერს ეკრძალებოდა, წესდებით იოანეს განკუთვთა ეკუთვნოდა, მაგრამ ამას ჯერ ვერავინ გაბედავდა. კარიჭ კარიჭისძე, ახლა უკვე მამა შიო კმაყოფილიც კი იყო მამა იოანეს საქციელით. იოანეს ჩუმად ყოფნა მამა შიოს მოსწონდა, ეშინოდა მისი, საჯაროდ მამხელსო, ფიქრობდა და მასთან შეხვედრას თავს არიდებდა. რახან იოანე დღე და ღამე წერდა, ხელს არ უშლიდა, ძმებს აფრთხილებდა: იოანეს თავი გაანებეთ, როგორც სურს, ისე იცხოვროსო.

იოანემ ფიჩხი მოზიდა. მამა შიოც ამდგარიყო, მონასტრის კართან ქრისტესმიერ ძმას ამწყალობებდა. იოანე თავის წინამძღვარს მიესალმა და სენაკში შეიმალა, ცეცხლი დააგზნო და გათოშილი ხელები მიუღიცხა.



„რისთვის ველოდო მიქაელს... — უცებ აიყალყა აზრი, მე რომ უტყუველი წიგნი უნდა დავწერო? „მე, სამოელ, ქრისტეს მიყენე ქალღულისა კათალიკოზი“... — უსტარის პირველი სიტყვები გულში ჩაიკრუნა ნებაში, სწრაფად წამოდგა, სამოელის უსტარი გვერდით დაიღო და წერას მიჰყო ხელი. გაუხარდა, მოეწონა საკუთარი გადაწყვეტილება, თითქოს ვიღაც სხვამ უქარნახა. ასე მოიქეციო, სულმოუთქმელად გადმოწერა სამოელის წერილის დედააზრი, თავისი პასუხი იქვე მიწერა და შეჩერდა, გადაიკითხა ნაწერი, ამ წიგნის შექმნის აზრი ასე ჩაისახა, ეს ნათლად ჩანდა ამ მიმოწერიდან, ახლა მთავარს უნდა შედგომოდა. საიდან დაეწყო? ვით აღეწერა, რა ხერხი ეხმარა? როგორ დაელაგებინა თხრობა და მოძღვრება? ერთმანეთთან უნდა შეერწყა, შეენივებინა და ერთად ექცია ქადაგება მარტვილმოყვარეთათვის და აბოს თავგადასავალი.

„ქართლად შემოსვლა და ნათლისღება ნეტარისა ჰაბოისი“, — ეს იქნება პირველი თავი, გაიფიქრა, მაგრამ არაფერი დაუწერია. ცეცხლს შეუკეთა, ციოდა სენაკში. გარეთ ქარი ქროდა და ყინავდა.

გული თხოვდა ხალხთან საუბარს.

თითქოს სვეტიცხოველში ამბიონზე იდგა და ერს მოძღვრავდა:

„ქრისტემოყვარენო, ძმანო ქართველნო!“ — ამდაგვარად უნდა დაეწყო მოთხრობა, უნდა განემარტა ერისთვის, თუ რა ჭირი სუფევდა ქართლში და შემდეგ შედგომოდა აბოს ჩამოსვლისა და ნათლისღების ამბავს.

ბასილი კესარიელის თხზულება მოძებნა, „წმიდათა ორმოცთა მარტვილთათვის“... სტეფანე პირველ მოწამის მარტვილობასაც ჩაჰკრა თვალი. იაკობ ხუცესი პირდაპირ მოუთხრობდა მორწმუნეთ შუშანიკ დედოფლის წამებას... გაჩაღებულ კერას გარს შემოუარა, ჩაფიქრებული სარკმელს მიადგა და მონასტრის ეზოს გახედა... თითქოს თვალთ დაინახა დასაწერი წიგნის ბოლოზე „ქება სანატრელისა წმიდისა ჰაბოისი“... წიგნი დაწერილია! — გაიფიქრა ატაცებულმა, — ქებით უნდა დავამთავრო!“ — უმალ ფრთას მისწვდა და წერას შეუდგა.

1. ღმრთის მსახურთა და მარტვილთ-მოყუარეთა კრებულისათვის თხრობაი და მოძღვრებაი და ახლისა ამის მოწამისა ჰაბოის ხსენებაი.

2. ქართლად შემოსვლაი და ნათლისღებაი ნეტარისა ჰაბოისი.

3. მარტვილობა წმიდისა ჰაბოისი.

4. ქებაი სანატრელისა წმიდისა ჰაბოისი.

წიგნს ხერხემალი უპოვა, ახლა ხორცი უნდა შეესხა. თითქოს თვითონ უფალი კარნახობდა მალლიდან, ნიაღვარივით მოედინებოდა ზეცი-

დან სიტყვების ნაკადი. ივსებოდა იოანე ამ ღვთიური ნაკადით. სიტყვათა ნიაღვარს მის ძარღვებში სისხლთან ერთად უნდა ეღვინა და გულში გაეცლო. სისხლად გამონატანი პირველი სიტყვებუცხეწუნულნი „საყუარელნო მამისანო და მეგობარნო და მონანო ქრისტესი...“ ღმრთისანო, და სამკვიდრებელნო სულისა წმიდისანო!...“ თითქოს მისდა უნებურად დაიწერა ეს სიტყვები. „ქრისტესმოყვარენო, ძმანო ქართველნო...“ უფრო პირდაპირი იყო, უფრო ომის დამწყები. სჯობდა ნელ-ნელა შეეყვანა მორწმუნე თავის სამყაროში და სათქმელი შემდეგ ეთქვა. წიგნი თუ სარკინოზებს ჩაუვარდებოდათ ხელში, იოანეს ნაფიქრ-ნააზრევი მათაც ძნელად უნდა ამოეკითხათ. სარკინოზებს ქრისტესი ისე არ ეშინოდათ, როგორც „ქართველის“, „საქართველოს“, „ქართული ენის“ ხსენებისა. იოანეც მოერიდა თავიდანვე ქართველის ხსენებას და ქრისტიანული წესისამებრ წინამორბედ მწერალთა მსგავსად მარტივლმოყვარე კრებულის დამოძღვრა მშვიდად განაგრძო:

„გზედავ თქვენ. ვითარცა ღმრთივ-ცნობილთა და ღმრთის მცნობელთა. ამისთვისაცა გარქუ თქვენ მონად და მეგობრად ქრისტესა. მონად ამისა გამო, რამეთუ „ბატოსნითა სისხლითა მისითა სყიდულ ხართ“ თქუნ. ხოლო მეგობრად ამისათვის, რამეთუ მისნი შექმნულნი ვართ და დაბადებულნი და სიყვარულითა მისითა ნათელგვიღებთეს...“

ალარ ახსოვს, რამდენ ხანს წერდა, არც ჭამა მოგონებია, არც სმა, ცეცხლიც ჩაინავლა კერაზე. სენაკის კართან ბერი გაილანდა. იოანეს არც ის ბერი შეუშინებია. ბერმა ფრთხილად შემოალო კარი და დაიძახა: „ალილუია!“ წირვა იწყებოდა. ბერები სალოცავად უნდა წასულიყვნენ. იოანე წამოდგა. ღვთისმსახურობა ბილწი ხელით სრულდებოდა, მაგრამ მაინც უნდა შესულიყო საყდარში. სხვაგან წასვლის ნება არ ჰქონდა და რა ექნა! მამა შიოს აღსარებას მაინც არ მისცემდა, არც ზიარებას მიიღებდა მისგან. ფიჩვი მოისხა და საყდრისკენ ნელა წავიდა.

იმ უცნაური ჯვარისწერის შემდეგ მიქაელი ანოს სიყვარულს უფრო ვერ გაამხელდა. ისლა დარჩენოდა კვლავ გულში ჰყვარებოდა გუარამ მამასახლისის მზეთუნახავი და, კვირა დღეობით მიდიოდა მცხეთაში და სვეტიცხოველში წირვის დამთავრებას ელოდებოდა. საყდრიდან რომ გამოვიდოდნენ, ანო მხველებს თანხლებით შინისაკენ გზას გაუდგებოდა. მიქაელი მიესალმებოდა ანოს, შორი-შორ მიჰყვებოდა და მოწოლილ გრძნობას შორიდან ცქერით იცხრობდა.

ღიდმარხვის პირველი კვირა დაწყებულიყო. სვეტიცხოველში



ანდრია კრიტელის საგალობელს გალობდნენ. მიქაელი ანოს სამოთხის  
ბაღში ელოდებოდა, საყდრიდან გამოსულს თვალს აადევნებდა.

ანოს ძაძები ეცვა, შავი თავსაფრიდან თვალიც არ უჩანდა. მისი  
კანონიერ ქმარს, მისი სიტყვით — დღევანდელს ქართლში ელოდებოდა.  
ქეშმარიტ სიძეს — აბოს გლოვობდა.

მიქაელს ვიდრე მამა შინაპრობილობაში ჰყავდა, ანოსთან შუამავ-  
ლების მიგზავნას მაინც ვერ გაბედავდა. ვაითუ გუარამს უარი ეთქვა,  
დაეფრთხო მიქაელის წინადადებას და ანო უცებ გაეთხოვებინა. ით-  
მენდა და ელოდებოდა. სარკინოზები დათმობას და შერიგებას არც  
ფიქრობდნენ, არც იოანე და სამოელი აპირებდნენ მუცელზე ხოხვას.  
არავინ უწყობდა, როდემდე გაგრძელდებოდა ასე. აბოს თავის მოკვე-  
თით თითქოს ყველაფერი დამთავრდა, სიმშვიდე და სიწყნარე ჩამოვარ-  
და ქართლში. ერისმთავარი სტეფანოზი ფიქრობდა, რომ კათალიკოსსა  
და ბერსაც მალე უბოძებდნენ თავისუფლებას, ხალიფატი ქართველებ-  
თან ურთიერთობას არ გაამწვავებდა. სტეფანოზმა მიქაელის პირით  
იოანეს შეუთვალა: ამირა თქვენს განთავისუფლებას აპირებსო. სი-  
კეთის პასუხად იოანემ შეიღს აბოს წამების ამბავი დაწვეწერეო, ახარა  
და კითხვას შეუდგა.

მიქაელს შიშისზარი დაეცა, ყურებს არ დაუჭერა, შეაჩერა ატაცებუ-  
ლი მკითხველი, გაიხედ-გამოიხედა სენაკში, სარკმლიდან გაიჭვრიტა,  
შემოჩენილი შურტა არ მითვალთვალებდესო, გულდაგულ მიუჯდა  
წიგნს და თვალთ ჩაიკითხა თვითონ. ყურადღებით გამოჰკითხა მამას  
წიგნის დაწერის ამბავი. ერთ კვირაში დაეწერა სენაკში გამოკეტილს.  
გადაეწერა კიდევ კათალიკოსისათვის და მიქაელს თხოვდა წაეღო და  
ჩუმად გადაეცა.

მიქაელი ჯერ შეშფოთდა, მამას მწარე სიტყვები აკადრა, — მე ხა-  
ლიფატს კეთილსინდისიერად ვემსახურები, თქვენს ბნელ საქმეებში  
ვერ გავწევრივო. მაგრამ ბოლოს მაინც დათანხმდა. მამამ დააჯერა:  
ამას არავინ გაიგებს თუ მე და შენ ჩუმად ვიქნებითო. ჩუმად კი არა  
ქვას ჩაიდებდა პირში, წყალს დაიგუბებდა, სიტყვა არ დასცდებოდა,  
მაგრამ ისეთი დრო იყო, კედლებს ყურები ესხა, შურტებს არაფერი  
დაემალებოდათ.

ბოლოს და ბოლოს საყდარში დასადები წიგნია, — თავს იმხნევებ-  
და მიქაელი, — წელიწადში ერთხელ საწყალ აბოს მოიგონებენ მორწ-  
მუნენი, — მამამისის ნათქვამს ატრიალებდა გონებაში ათასჯერ, — ამის-  
თვის ქრისტიანი ბერი რატომ უნდა დასაჯონო.

დაჰყვა მამას, — მართლაც სჯობდა, წიგნი ისევ მას წაეღო, ვიდრე

სხვას. თვითონ უკვეთ შეინახავდა საიდუმლოს, კათალიკოსთანაც მის  
უფრო ადვილად მიუშვებდნენ, ვიდრე თუნდაც ღვთისმსახურთ. ადგა  
და თავისი ხელით მიუტანა კათალიკოსს.

ჯერ ერთი კვირაც არ იყო გასული, რაც საიდუმლო ძღვენი მიეცა  
ელმა კათალიკოსს მალეით მიართვა და უკვე მთელმა მღვდელ-მონაზვ-  
ნობამ იცოდა აბოს წამების დაწერის ამბავი. ანაფორიანი ვინც შეხვ-  
დებოდა, ყველა მოწიწებით კითხულობდა იოანეს ჯანმრთელობას,  
სათქმელს პირდაპირ ვერ ამბობდნენ, ხანგრძლივ სიცოცხლეს და ბედ-  
ნიერებას უსურვებდნენ მამამის კეთილი საქმეებისთვის. მიქაელს არ  
მოსწონდა ასეთი გვერდით გახმობა და საიდუმლო საუბარი. ჩანდა,  
რომ კათალიკოსი ყველას აკითხებდა ჩუმ-ჩუმად აბოს წამების ამბავს.

რაკი ჩუმი მითქმა-მოთქმა ატყდა, წიგნის დაწერის ამბავი ამირას  
ყურამდეც მიაღწევსო, ნაღვლობდა მიქაელი და ყოველ მსახურს ში-  
შით შესცქეროდა, მამაზე ახალი არაფერი მითხრასო.

ღიდი ხნის ლოდინის შემდეგ ანოც გამოვიდა საყდრიდან. მიქა-  
ელს თვალები აენთო და გული აუტკერდა. ახლა ანო ჩაუვლიდა თავისი  
მხევლებით, მოხედავდა შუქიანი თვალებით და გაუღიმიებდა. ამ ნეტარ  
წამებს ელოდებოდა მოუთმენლად და კისერწაგრძელებული მისკენ  
იყურებოდა. ყველაფერი გადაავიწყდა, მიწაზე კი არ ედგა ფეხები,  
ლაქვარდში ფრინავდა და ანოც იქ ჰყავდა მზესთან ახლოს.

ანომ როგორც კი მიქაელი დაინახა სამოთხის ბაღში მარტო მდგა-  
რი, მხევლები მიატოვა და მასთან მივიდა. მიქაელი მის ფეხებთან და-  
ეშხო, კაბის კალთას ვეამბორებო, იფიქრა, მაგრამ ვერ გაბედა. ქალი  
თავზე დაადგა და საიდუმლო კილოთი უთხრა:

— საყდრის წინ, ღვთის გლახებს შორის, ერთი მთხოველი ზის და  
შენ დაგეტებს...

მიქაელმა თვალის შევლებაც კი ვერ მოასწრო, ანო სწრაფად გატ-  
რიალდა და წავიდა, ვაჟმა მხოლოდ თვალი გაადევნა, ზღაზენით წა-  
მოდგა და საყდრისკენ გაიხედა: ვინ მთხოველი დამეტებს, რა უნდაო.

ღიდხანს გასცქეროდა საყვარელ არსებას, ვიდრე თვალს მთლად  
არ მიეფარა, ფეხი არ მოუცვლია. ბოლოს კვლავ შემოაწვა ნაღველი  
და საყდრისკენ გასწია. „ნუთუ ღვთის გლახებს და მთხოველებსაც  
აკითხებენ...“ — გაუელვა თავში და შეცბა. შეაშინა ამ აზრმა. ფეხათ-  
რვეით წავიდა გლახაკთა რიგისაკენ. ხელგამოწვილ მთხოველთ თითო  
ყურაში ჩამოურიგა და ხმადაბლა იკითხა:

— საბანისძეს ვინ დაეტებს?

— მე, უფალო! — ძონძებში გახვეული მთხოველი წამოდგა, აკრი-

ფა თავის ფუთა, ჯოხი, ხელის კანკალით და თავის ქიცილით უკან გამოჰყავდა მიქაელს. „ნეტა რა უნდა?“ — ფიქრობდა მიქაელი და ყარობი საყდრის გადაღმა მიჰყავდა, ეზოსა და ხალხს რომ გასწვრივს. ნობმა ხმა გამოიცვალა და მიქაელს საიდუმლოდ უთხრა:

— იოანე უნდა მაჩვენოთ, შვილო ჩემო... დავალებული მაქვს პირადად ვნახო.

— იოანე?.. — შედგა მიქაელი და ყარობს მიაშტერდა. არ მოეწონა მთხოველის უცნაური შეცვლა, არც ეს „შვილო ჩემო“ იყო გლახასის ნათქვამი. დაეძვდა და გულმა ბაგა-ბუგი დაუწყო.

— ღვთის გულისათვის, პირდაპირ მითხარით, ვინა ხართ, რისთვის დაეძებთ მამა იოანეს.

— გრიგოლმა გამოგზავნა, შვილო, მამა ბასილი ვარ, ამათი შიშით მთხოველად ვიქეცი, მონასტერში მაინც ვერ შევედღწე, რამდენჯერაც კარიბჭეს მივადექ, იმდენჯერ იმ წყეულმა იუდამ კარიჭ კარიჭისძემ გამომხედა, შენ უნდა დამეხმარო და მამა იოანეს შემახვედრო.

— გრიგოლმა გამოგზავნა?.. — აენტო მიქაელი, — ვერ დაგეხმარები, მამა იოანე და ქართლის კათალიკოსი, სამოელი შინაპრობილნი სხედან. — მიუგო მიქაელმა და წასვლა დააპირა, მთხოველი გამოუდგა.

— მაგას ნუ მკადრებ, შვილო ჩემო, ცხრა მთა გადმოვიარე მამაშენის სანახავად, მეუბნები ვერ დაგეხმარებიო, იოანეს შვილი არა ხარ?.. საბანისძესთა შთამომავალს ასეთი საქციელი არ შეგფერის! წამიყვანე მამაშენთან, სხვას არაფერსა გთხოვ.

— როგორ? მე, ერისმთავრის კაცმა, მთხოველი მონასტერში აგიყვანო?.. ხომ მთელმა ქვეყანამ დაგვინახა, არ მკითხავენ, ვინ არის ეს გლახა, ან მასთან რა კავშირი გაქვსო? ორივეს შეგვიპყრობენ უმალ... — გაცხარდა მიქაელი.

— მამა გრიგოლმა იქიდან დამაბარა, თუ გაგიპირდეს, მიქაელი მოძებნეო. შენს იქით გზა არა მაქვს...

მიქაელმა შუბლიდან სიმწრის ოფლი მოიწმინდა. რა ექნა? ჯერ აბოს წამების დაწერა ვერ მოენელებინა და უკვე ახალი ხიფათი მზოდებოდა. გრიგოლი და აშოტი სასიკეთოს რას შემოუთვლიდნენ ტოკლარჯეთიდან იოანეს. ალბათ, ამ მთხოველს ახლა შურტები უთვალთვალევენ, ნეტა ფეხი მომტეხოდა და მცხეთაში არ ამოვსულიყავიო, გაიფიქრა. მთხოველმა თითქოს გულისნადები გაუგო:

— თბილისში მოვდიოდი... გრიგოლი შენ იქ — ხანძთას გელოდებო... ამბობს, უსათუოდ ჩამოვარო, — უთხრა კვლავ ჩურჩულით, ოღონდ მთხოველივით კი არა, „შვილო ჩემოს“ კილოთი.

„დავუძახებ შურტებს და შევავსებობინებ, — გაუელვა უცებ თავში მიქაელს, — მამაც გადარჩება და მეც მოვისვენებ“. უფრო ააფორიაქა ამ ფიქრმა, უკეთურმა ზრახვამ სული შეუგუბა, ბავშვივით დაეცა და გაუწითლდა, თავი ჩაღუნა დამნაშავესავით.

— მე ავალ, მამას ვაცნობებ, — ჩაილულულა მიქაელმა, — თქვენ კვლავ მარტო ამობრძანდით, როგორც ქრისტესმიერი ძმა მოადექით მონასტრის კარიბჭეს, იქ მამა დაგხვდებათ. სხვა არაფერი შემიძლია. ჩვენ ახლა გვითვალთვალებენ, — უთხრა მიქაელმა, გატრიალდა და თითქმის სირბილით გაექცა მთხოველს.

მიქაელი დამფრთხალი ავარდა მონასტერში, მამას ტაო-კლარჯეთიდან კაცის ჩამოსვლა შეატყობინა და სწრაფად გაბრუნდა ტფილისში, იცოდა, რაც მოჰყვებოდა აშოტისა და გრიგოლის გამოგზავნილი კაცის ჩამოსვლას ქართლში. თავი შორს დაიჭირა, არ დაელოდა მთხოველის ამოსვლას. ამბის გაგებაც კი არ მსურსო, მამას დაუბარა და წავიდა.

იოანე მოუთმენლად წრიალებდა სენაკში და თვალ-ყური გალავნის გადაღმა ეჭირა, ხშირ-ხშირად გამოდიოდა სენაკიდან, ხან რას იმიზეზებდა და ხან რას. ვითომ ჭორს ეძებდა მონასტრის შემოგარენში, ვითომ შეშა უნდა მოეხაზირებინა... როგორც იქნა, მოადგა კარიბჭეს მთხოველი და იოანეც იქ დახვდა შეპირებისამებრ. სენაკში შეიყვანა, შურტამ იოანესთან მთხოველის მოსვლა შეამჩნია და სარკმლიდან დამზირა. იოანემ იცოდა, რომ შურტა უთვალთვალებდა, იმარჯვა და გრიგოლის გამოგზავნილი უსტარი შეუმჩნევლად გამოართვა, ცეცხლის პირას დასვა, გაათბო, დააპურა, ვითომ მართლა გლახაკი ყოფილიყო, ძველმანები აჩუქა შურტას დასანახად.

იოანეს და მთხოველს მონასტრის ეზოდან ხმაური შემოესმათ. იოანე სარკმელთან მიიჭრა, გულმა ავი უაზრა, შეშინებულმა მთხოველმაც მიანება ჭამას თავი და ფეხზე წამოდგა. სენაკის კარი ფეხის კვრით შეგლიჯეს და სენაკში შურტები და მოლაშქრენი შემოიჭრნენ. თურმე მთხოველს მთელ გზაზე მოსდევდნენ მალულად. იოანეცა და მისი სტუმარიც უმალ შეკრეს და გაჩხრიკეს. იოანეს უბიდან გრაგნილი ამოუღეს. მამა ბასილის სამოსი სულ შემოაძარცვეს, მაგრამ ვერაფერი უბოვეს. იოანეს თვალწინ გატეხეს ზანდუკები, გაჩხრიკეს განჯინები. კედლიდან ჩამოგლიჯეს ხატები, საღვთო წიგნები ერთად შეაქუჩეს, ხელნაწერები მოკრიფეს, შეკრეს და გაიტანეს. იოანემ ხელნაწერებში ახალდაწერილ აბოს წამებას ჰკიდა თვალი. „კიდევ კარგი, რომ გადავ-



წერე და გავგზავნე“, — გაიფიქრა მწარედ. იოანესაც და მთხოველსაც ხელები თოკით შეუკრეს და პირი აუხვიეს. გვერდით მცველები ელჩენ და განძრევის ნებას არ აძლევდნენ. მხოლოდღა ფიქრს ვეღარ აუკრძალავდნენ ჯალათები.

მონასტრის ეზოში შეშინებული ბერები გამოსულიყვნენ და იოანეს სენაკს შორიდან შესცქეროდნენ.

თითქოს მოულოდნელი იქ არაფერი ხდებოდა. დღეს თუ ხვალ იოანეს წაიყვანდნენ, ეს ყველამ კარგად იცოდა, მაგრამ ცნობისწადილი მაინც არ ასვენებდათ: ვინ იყო ეს მთხოველი, როდის მოვიდა მონასტერში, რატომ მოვიდა? — ერთმანეთს ეკითხებოდნენ ბერები. თვით მამა შიომაც კი არაფერი იცოდა. მამა შიოს მონასტრის შურტა ყოველ სალამოს მოახსენებდა იოანეს ამბავს, მონასტრის შურტაც სახტად დაჩენილიყო, შორიახლოს იდგა და იოანეს სენაკში გაკვირვებული იყურებოდა.

ხელებშეკრული იოანე პირველი გამოიყვანეს სენაკიდან, მას მამა ბასილიც მოაყოლეს. მახვილოსან-შუბოსანი შურტები და მოლაშქრენიც საქმიანად გამოცვივდნენ მონასტრის ეზოში, ამხედრდნენ თავიანთ ბედაურებზე, პყრობილნი უნაგირის ტახტზე ღვედებით გამოიბეს, წესისამებრ, შუაში ჩაიყენეს და ტფილისის გზას დაადგნენ.

სალამო ხანი იყო. მცხეთაში რომ ჩამოვიდნენ, უკვე ბნელოდა შუკებში. იოანეცა და მთხოველიც შუა ხანს გადაცილებული ბერეკაცები იყვნენ, ცხენების კუდს უკან ძუნძული გაუჭირდათ. უფრო მთხოველი შეეპყრო შიშს, აქეთ-იქით აწყდებოდა და ღმუოდა. მცხეთა ისე გაიარეს გზად ერთი კაცი არ შეხვედრიათ.

ზამთრის პირი იდგა, მცხეთელები ადრიაანად შეკეტილიყვნენ თავიანთ მიწურებში და კერის პირას თბებოდნენ. ბნელ შუკებში ცხენების ფლოქვების თქარათქუური და არაბული შეძახილები გაისმოდა. ღამის ამგვარ სტუმრებს შეჩვეოდნენ, აღარც კი კითხულობდნენ მათ ვინაობას, იცოდნენ, ვინც იყვნენ.

მცხეთას რომ გასცდნენ, იოანემ შეამჩნია, რომ მთხოველი დაეცა. უკან მომავალმა ჯალათმა დაცემულს მათრახი გადაუჭირა. მთხოველი ვერ ადგა. მათრახის ტყლაშუნმა წინ მიმავალი მხედრის ცხენი დააფრთხო და ძირს დავარდნილი მთხოველი თრევით გაიტაცა. კარგა ხანს მიათრევდნენ პირახვეულ მამა ბასილის. იოანეს უნდოდა დაეყვირა, მაგრამ მხოლოდღა ზმუილისებური კენესა აღმოხდა. უცებ მთხოველის მთრეველი ჯალათები შეჩერდნენ, ერთად შეჩუფდნენ და აყაყანდნენ არაბულად. იოანეს ჯალათმაც შეაჩერა ცხენი და მამა ბა-

სილის ჯალათებს გასძახა, რა ამბავიაო. იოანემ გარკვევით გაიგონა არაბულად ნათქვამი: „მოკვდა“. იოანეს ჯალათებმა ცხენები მთხოველის ჯალათებისაკენ შეაბრუნეს, უკან გამობმული იოანეც მისყვამათ.

— მოხსენი და მტკვარში გადაუძახე! — მისვლისთანავე თქვა იოანეს ჯალათმა, ჩანდა, რომ ის აქ უფროსი იყო.

ძირს დაგდებული მამა ბასილის გვამს ერთი შურტა მიჯდომოდა და აწვალებდა, მართლა მოკვდა თუ იგონებსო. დანარჩენები ცხენებიდან არც ჩამოსულან, ცხენდაცხენ გარშემო უტრიალებდნენ, ერთმანეთს ეჯახებოდნენ და უაზროდ ლაყბობდნენ, ოხუნჯობდნენ. იოანეს ახლოს არ უშვებდნენ გვამთან.

მთვარე ჯერ არ ჩანდა, მაგრამ ამოსვლას აპირებდა, ზეცა განათებინა მთვარის შუქს. ამ შუქით იყო განათებული ღამეც. იოანე ყველაფერს ხედავდა: სათრევი ღვედები შეხსნეს, ხელები შებოროკილი და უტოვეს, დასტაცეს ფეხებში ხელები და მტკვრისაკენ წაათრიეს. ორი ჯალათი მიათრევედა ბედშავ მამა ბასილის, უცებ გაუჩინარდნენ თავდაღმართში, იქიდან ჯერ ჯალათების ხმები შემოესმა იოანეს და ბოლოს წყლის ტყაპუნი, — მამა ბასილის გვამმა გამოსცა ეს ხმა.

ჯალათი-შურტები მალე დაბრუნდნენ და იოანეს ჯალათ-შურტებს უთხრეს:

— ესეც შემოგვაკვდება, თუ ცხენზე არ შევსვით... აბო ჭაბუკი იყო, ესენი ბებრებიია...

— ნაბრძანებია ცოცხლად მიყვანა! — თქვა იოანეს შურტა-ჯალათმა, — მოიყვანეთ ცხენი...

უბელო ცხენები მარქაფად მოჰყავდათ. იოანესაც შეხსნეს სათრევი ღვედები და ცხენზე შეჯდომა უბრძანეს, ხელებშებოროკილმა ვერ შეძლო ცხენზე შეჯდომა. შურტებმა ზედ კუნძივით დადეს და გზა განაგრძეს.

„საბრალო მთხოველი, ნეტა ვინ იყო? სახელის კითხვაც კი ვერ მოვასწარი... — გაიფიქრა იოანემ, — ან იმ უსტარში რა ეწერა? თვალი ჩამეკრა მაინც, ეგებ გამეგო, რას იწერებოდნენ“... გვიანდა იყო, ახლა იმაზე უნდა ეფიქრა, წინ რა მოელოდა, როგორ აწამებდნენ, ან რარიგ მოაკვდინებდნენ. თავის მოკვეთა არ აცდებოდა, ეს კარგად იცოდა, მაგრამ ვიდრე თავს მოკვეთდნენ, მანამ რას შეამთხვევდნენ, რას დასწამებდნენ, ეს უფრო აწუხებდა, ვიდრე თავის მოკვეთა. ჰაჯიჯ იბნ ალ-ბაბაქმა რაკი ბოლოს და ბოლოს ხელში ჩაიგდო იოანე, მარტო მოკვ-



დინებას არ დააჭერებდა. ჯერ ცოცხლად დამარხავდა, ჩალაც სამარ-  
ცხვინოს დატეხავდა თავზე და შემდეგ დასჯიდა სიკვდილს.

მთვარე ხან გამოჰყოფდა ღრუბლებიდან თავს, გაანათებდა ქვეყნის  
ველებს, ხანაც შეიმალებოდა ღრუბლებში და ბინდი ჩამოწებოდა.

წინ ორი ჯალათი მიუძღოდა იოანეს, უკანაც ორი მოჰყვებოდა,  
პუროზილისაქენ თვალყური ამათ ეჭირათ, ხოლო სულ უკან ცხენებს  
მოაჩაქჩაქებდნენ, ხუმრობდნენ და ლაზლანდარობდნენ სხვა შურტე-  
ბი, რომელიდაც ტანდაბალ ჯალათს დასცინოდნენ. დროს კლავდნენ.  
იოანეს მათი ხორხოცი ჩაესმოდა და გულს უსიებდა. „ადამის ძე თრე-  
ვით მოკლეს, მიწაც კი არ აღირსეს, უღვთოდ გადაადგეს მტკვარში...“

ფიქრობდა ბერიკაცი, გამართული იჯდა ცხენზე, უკან ხელებშეკ-  
რული ქუსლებს აჭერდა მარჯვედ უბელო ცხენს მუცელზე, — არ გად-  
მომაგდოსო, თან მოხორხოცეთ უკან შეუბრუნებლად მთელი ხმით უყ-  
ვიროდა: „ნაშობნო იქედნეთანო!“ — პირაკრული მხოლოდღა ზმუილს  
გამოსცემდა ცხვირიდან. მხოლოდღა შიგ სულში ბობოქრობდა ის  
ორი სიტყვა, გარეთ გამოსვლა მათ არ ეწერათ.

შურტები უდარდელად განაგრძობდნენ სიცილსა და ხორხოცს,  
გვერდით მიშავალთაც კი არ ესმოდათ პუროზილის ცხვირისმიერი ზმუ-  
ილი, ან თუ ესმოდათ, ყურადღებას არც აქცევდნენ.

ნაშუალამეგს ჩაალწიეს ტფილისში. იოანე გაფაციცდა, ქალაქის სა-  
დილეგო იცოდა სადაც იყო, მაგრამ იქით აღარ მიჰყავდათ. სადღაც  
ბნელ შუქაში ჩამოსვეს ცხენიდან, ახლა თვალიც აუხვიეს, მკლავში  
ხელი წაავლეს და წაიყვანეს.

იოანე ამჩნევდა, რომ აღმართზე მიდიოდა, შემდეგ საფეხურებზე  
დაუსხლტა ფეხი, კიბეს არ მოელოდა აქ, წიხლის კვრით წამოაყენეს.  
სადღაც შეაგდეს. დილეგი უნდა ყოფილიყო. დილეგში ყოფნა ერჩია,  
დაჯდებოდა მაინც ერთ ადგილას და ბედისწერას დაელოდებოდა.

დილეგის კარი ყოველ წუთს იღებოდა და იხურებოდა, თითქოს შუ-  
ქიც ანთეს, ფუთფუთი ატეხეს, ბოლოს ბერიკაცს მისცვივდნენ,  
სამოსი შემოაძარცვეს, გააშიშველეს, თვალისდახამხამებაში წამოაქციეს  
და არგნები დაუშინეს ზურგზე. გაჰკვირდა პუროზილი: ნება არა გაქვთ,  
ჯერ მსაჯულს არ უბრძანებიაო... ამოიხავლა უმწეოდ, მაგრამ მისი ლა-  
ვილ-ხავილი არავის ესმოდა. ჯალათები რიგში ჩამდგარიყვნენ, ერთმა-  
ნეთს ენაცვლებოდნენ, ბერიკაცს ხან ზურგში, ხანაც გადმოაბრუნებ-  
დნენ გულ-მუცელზე და თავპირზე სცემდნენ დაუზოგავად. ძირს-  
დამხობილი ბობოქრობდა, ბედს არ ემორჩილებოდა, ეგონა, რომ ჯა-



ლათები თვითნებურად სცემდნენ. მსაჯულმა ამირამ ამის თაობაზე არაფერი იცისო,—ედავებოდა ჯალათებს გუნებაში.

ლონე სულ მთლად წაერთვა, დაიღალა უთანასწორო ბრძოლაში, მინებდა არგნის მცემელთ.

კვირა დღე გათენდა. ჩვეულებრივი ტფილისური კვირა დღე დადგა. ხალხი დილიდანვე დაიძრა ბაზრისაკენ.

კვირაობით ტფილისში დიდი ბაზრობა იმართებოდა. ტფილისის ბაზარი მთელ აღმოსავლეთში იყო განთქმული. არაბებმა თავიანთ ყაიდაზე გარდაქმნეს ბაზარიც კი, თავიანთი მუჰთასიბები \* ჩააყენეს და სამუჰთასიბო ხარკი დააკისრეს ქართველ ვაჭრებს. არაბებს კი ქულება-ქები ჩაუდგეს რასტიბაზარში და თავისუფალი ვაჭრობის ნება მისცეს, მათ როგორც ბაზრის პატრონებს, ქირას არ ახდევინებდნენ. არაბებსა და ქართველებს გარდა ტფილისში ვაჭრობდნენ სომხები, სპარსელები, ბერძნები, ხატაელები, ასურელები, ხაზარები... მუჰთასიბი ბაზრის ქირას ყველას ახდევინებდა, მაგრამ ქართველებს ყველაზე მეტი ეკისრა. სარკინოზები ამას ასე ასაბუთებდნენ: ადგილობრივ მკვიდრთ საქონლის გადატანა-გადმოტანა არაფერი უჯდებათ, თუ ბაზრის ქირას გავათანაბრებთ, ხატაეთიდან აქ არავინ ჩამოვაო.

ტფილისის ბაზარში აღმოსავლეთის ყოველი კუთხიდან დიდი სიამოვნებით ჩამოდითდნენ და აქ სარფიანად ვაჭრობდნენ, კმაყოფილნი ბრუნდებოდნენ თავიანთ ქვეყნებში, უკმაყოფილო მხოლოდ ტფილისელები რჩებოდნენ. ტფილისის ბაზარი ტფილისის არ იყო. ბაზარს სხვა დაპატრონებოდა და მოგებაც სხვას მიჰქონდა. და მაინც ტფილისს უბაზროდ ცხოვრება არ შეეძლო. ვანა მარტო ტფილისს, მთელ ქართლს. მთის, ხევისა თუ ბარის ქართველთ, ყველას სული ტფილისის ბაზარში მოჰქონდა.

იოანეს ამბავი პირველად ბაზარმა შეიტყო.

დილით, როცა დატვირთული აქლემებით, ჩარდახიანი ურმებით, ფარჩეულთ, სანოვაგით, მწვანელით, მაწვნის ქილებაკიდებული ჩოჩრიანი ვირებით გაივსო ბაზარი, ვაჭრები სხვადასხვა ენაზე აყაყანდნენ, სხვადასხვა ჰანგზე აღიღინდნენ, გაისმა ქართულ-არაბული, ქართულ-სპარსული, ერთმანეთში არეული სიტყვა-პასუხი, როცა გახურდა ბაზრობა, რასტიბაზარში ცხენოსანი შურტების, ბაზრის მუჰთასიბების თანხლებით ამირას ამიდი შემოვიდა.

\* ბაზრის მოხელე.







— რა დაგემართა, შე არდასაცალეებელი! — მიაკივლა ერთხელაც გულო ღრიალ-ღრიალით გაქანდა და დაყირავებული ურემის ქვეშე შევარდა. მეურმეს ხარები გამოეშვა, უღელგაყრილი კოფე-ქაფი წყევადლო, ურემი დაყირავებული დაეტოვებინა.

— კეწეწა სად არი, გოგოვ! — შესძახა ურემის ქვემოთ მელომ, გულომ დედა რომ დაინახა, ტირილს უმატა, უმატა და ხელი ჯგროდ თავმყერილი ხალხისკენ გაიშვირა. მელომ იქით გაიხედა და გაფითრდა, ტანმა უაზრა უბედურება. ეს ამოდენა ხალხი მელოს აქამდე არ შეუშინებია, სასოწარკვეთილი გაქანდა იმათკენ. როცა ამირას კაცები ბაზარში შემოვიდნენ და ყველა იქით გაეშურა, მელოს ღერღეტების მუშტარი მოდგომოდა და ევაჭრებოდა. ვანა ამირას კაცების თავი ჰქონდა!.. არც გაუხედავს იმათკენ. ბავშვებსაც არ გაუშვებდა, თვალთავან ვერ მოიცილებდა, მაგრამ ვაჭარმა არ მომატყუოსო, აქეთ იყო გაფაციცებული და კეწეწაც გაეპარა და გულოც.

ამირას კაცები არსად ჩანდნენ, ხალხი ერთ ადგილას შეჯგუფებულიყო და რა ბიჭი მოკლეს, რა ბიჭი მოკლესო, გაიძახოდნენ დანანებით. დაეჭვებული მელიო ხალხში შევარდა, ალქაჯივით აქეთ ეცა, იქით ეცა, და სისხლით შეღებილ საკუთარ შვილს თავზე წაადგა. ვიღაცას მკერდიდან ისარი ამოეგლიჯა და სისხლიანი იქვე ევდო.

— კეწეწა, შვილო! — შეჰკივლა მელომ და მკვდარს ზედ დაემხო. დიდხანს ჭვითინებდა და გულში იკრავდა გაციებულ შვილს, ხანდახან წამოსწევდა თავს და გარშემოჯარულ ხალხს საწყალობელი თვალებით ეკითხებოდა:

— რისთვის მომიკალით, ხალხო, შვილი? რა დაგიშვათ, თქვე უღმერთოებო? — შემდეგ ისევ დაემხობოდა ზედ და ჩუმად ჭვითინებდა.

მოვიდნენ ბაზრის მუჰთასიბები. მკვდარზე გადამხობილ დედას წამოყენება დაუპირეს, მელომ მათ მკლავი გამოგლიჯა და იგივე კითხვა გაუმეორა:

— რისთვის მომიკალით შვილი, თქვე უღმერთოებო, მითხარით მაინცა!..

მუჰთასიბებმა ერთმანეთს რალაც გადაულაპარაკეს არაბულად, წავიდ-წამოვიდნენ, მოიყვანეს ბაზრის ურემი, კეწეწა ზედ დაასვენეს და მელოს ჩააბარეს, მკვდარი შინ წაასვენენ და ურემი საღამოს დაგვიბრუნეო — უბრძანეს.

მელომ მუჰთასიბებს წყევლა-კრულვა დააყარა და კივილი მორთო. მკვდარი ბავშვი შინ როგორ მივიყვანოო. მუჰთასიბები გაბრაზდნენ,

ცხედარი ბაზრიდან გაიტანეთ, თორემ როგორც უპატრონოს დაგრა  
ძალავთო.

მელოს შეეშინდა, მკვდარი მართლა არ წამართვანო, ხატებს შინ  
გაუძღვა და ურემი ბაზრიდან გაიყვანა. გულომ ღერღებში დაწინაურდა  
ურის ჭუცი მოდენა.

მელომ თავსაფარში შემალა თავპირი, ჩუმი მოთქმით გაუყვა გზას  
ლევთახევისაკენ, უკან ურემი მოჰყვებოდა, ურემზე კეწეწა ესვენა,  
სულ უკან თვალტრემლიან გულოს წყნელი ეკავა ხელში და თავის  
სამ ღერღესა და ინდაურის ჭუქს მიდენიდა შინისაკენ. ასეთი საზა-  
რელი სურათი ტფილისელებს არ ენახათ, გულისპირგასისხლიანებული  
ჭაბუკი პირალმა ესვენა ურემზე, ქვეშ თივა ეგო, ჭაბუკის სისხლს თივა  
შეეფერა, ბიჭი თოთხმეტ-თხუთმეტი წლისა იქნებოდა, ყვინჩილასა-  
ვით წამოჩიტული ურმის მთელ სიგრძეზე გაშოტილიყო, გრძელი  
კისერი, წვრილი მხრები, გათეთრებულ საულვაშეზე ქერა ღინღლი  
მნახველს ამცნობდა, რომ სარკინოზებს ნორჩი სიცოცხლე მოესპოთ.  
გაციებულ შვილის ცხედარს დედა მიუძღოდა წინ, უკან კი და მოტან-  
ტალებდა სამი ბატითა და ერთი ჭუციით. დედას ტანჯვით გამოზრდილი  
უფროსი შვილი მკვდარი უნდა მიეტანა დასაქცევ გომურ-მიწურში.  
რა ეთქვა ბავშვებისათვის? როგორ აეხსნა პატარებისათვის, რომ სარ-  
კინოზებმა კეწეწა მოუკლეს... რატომ მოკლეს, რა დააშავა ბიჭმა...  
მელოს ხეირიანად არც გამოუკითხავს კეწეწას მკვლელობის ამბავი.  
ამისთვის იქ, ბაზარში, მას არ ეცალა. შვილმკვდარ დედას შვილი  
უნდა ეტირა, შემდეგ, ცხედარი არ წამართვანო, ურემი შინისაკენ გა-  
მოაქანა. ახლა გაუჩნდა ეს ფიქრი, გულოს მოხედა უკან და ქალაქიდან  
რომ გავიდნენ, დაუძახა.

მელომ ურემი შეაჩერა, უღელს მკლავებით დააწვა და ზედ თავიც  
დაადო, დაღლილს ფეხზე დგომა უჭირდა, დაისვენა. გულომ ღერღე-  
ტები ახლოს მიდენა და დედას უამბო კეწეწას მკვლელობის ამბავი.  
„თქვით „არა“, ცხვრებო, თქვით „არა“! — ხალხს ეუბნებოდაო, ამა-  
ყად უყვებოდა გულო დედას კეწეწას გმირულ საქციელს. მელომ შე-  
ატყო რომ გულოს მოსწონდა ძმის საქციელი, ბავშვი თვალგბანთებული  
ჰყვებოდა, რა არწივივით შეფრინდა კეწეწა კასრზე და სარკინოზები  
როგორ დაიფრინა.

მელო იხსენებდა: კეწეწა ერთხელაც ცხვირ-პირ დასიებული დაბ-  
რუნდა შინ, თურმე სარკინოზების ჭინაზე არ დაიჩოქეს ბიჭებმა, იო-  
ანე მოძღვარს მიბაძეს და ხელისუფალნი გაახლეს, „იმ ანაფორიანმა  
დამიღუპა შვილი“, — გაუელვა თავში მელოს და იოანე გაახსენდა.



სხვას ვის შეეძლო ჩაენერგა ყმაწვილისათვის სარკინოზებს წინ აღდგომოდა, თუ არა იოანეს.

წინელივით წვრილ და წვნიკა წვივებიან გულოსაც, ჩასდგომოდა თვალბში და ძმის თავადასავალს ბავშვივით კი არ ჰყვებოდა: არწივივით შეფრინდა კეწეწა კასრზე და სარკინოზები დაიფრინაო, ბავშვს რატომ უნდა ჰქონოდა ასეთი აზრები, რატომ მოსწონდა ძმის საქციელი, მას ხომ სიკვდილი მოჰყვა. მელო გულოსკენ ეტკვით აპარებდა თვალს, ნუთუ კეწეწამ, იოანეს წყალობით ბაღლებიც მომიწამლაო.

ლედვთახევი რომ გამოჩნდა, მელოს მინდვრებსა და ღელეებში მორბენალი კეწეწა დაუდგა თვალწინ და ხმამალალი მოთქმა წამოიწყო, ველ-მინდვრებს მოთქმით აუწყებდა კეწეწას დაღუპვის ამბავს.

ერისმთავრის სასახლეში, თვით ამირას მოხელეთა შორისაც იოანეს შეპყრობას არ მოელოდნენ. ამირა ალი ჰასანის გულისყური მიმართული იყო სამოელ კათალიკოსისაკენ, იოანე თითქოს არავის ახსოვდა.

სამოელ კათალიკოსს დიდი გავლენა ჰქონდა ქრისტიანულ სამყაროში. სამოელმა აღმოსავლეთის ჰეშმარიტი მართლმადიდებლები მტკიცედ შემოიკრიბა გარშემო და მონოფიზიტებსა და ხატმბრძოლებს ბრძოლა გამოუცხადა.

მცხეთას დაუმორჩილა ივერიის ძველი ეკლესია-მონასტრები და ქართული წირვა-ლოცვა თითქმის ყველგან აღადგინა.

ანტიოქიასა და კონსტანტინეპოლს ზურგი აქცია როგორც ხატმბრძოლებს და მცხეთა განადიდა.

არა მარტო ქათლის ძენი ეთაყვანებოდნენ მცხეთას, მცხეთაში ეკურთხებოდნენ გუთელი, ხაზარი, ჯიქი მღვდელმთავრები, მათ აღსაყდრებას სამოელ ქართლის კათალიკოსი უნდა დასწრებოდა, სამოელს უნდა დაესხნა ხელნი. თვით არაბი სპარსი თითო-ოროლა ქრისტიანეზიც მცხეთას შეჰყურებდნენ იმედის თვალით.

როცა სამოელს შინაპყრობილება გამოუცხადეს, პირველად იწყინა და ითაკილა, მაგრამ მალე ბრძოლის ახალი გზა გამოძებნა. ქართული ეკლესია საბოლოოდ უნდა დაეფუძნებინა ეროვნულ ნიადაგზე. ეკლესიიდან ბოლოს და ბოლოს უნდა გაეძევიებინათ ხატმბრძოლთა ენა და ჰეშმარიტ ქრისტიანთა ენა — ქართული ენა უნდა დაემკვიდრებინათ. ქართველი ხუცეები ჯერაც თავიანთ წმინდა წიგნს ევანგელეს ეძახდნენ, მშვენიერ ქართულ სიტყვას — სახარებას რატომღაც გვერდს უვლიდნენ, სიტყვა ჟამისწირვა დაეიწყნოდათ და ბერძნულ ლიტურ-

ლიას ამჯობინებდნენ, საყდარს ეკლესიას არქმევდნენ... ღვთისმსახურების ენა ანკარა უნდა ყოფილიყო, ვითარცა მთის წყარო. ქართულ ენას შეეძლო ღვთისმსახურება, სხვათა დახმარება არ სჭირდებოდა.

ორივე შინაპრობილი — სამოელიცა და იოანეც მართლაც შინაპრობილი იხსდნენ და წერდნენ: იოანე აბოს წამებას წერდა, — სამოელი კი ქართველი მღვდელ-მონაზვნებისთვის ეპისტოლეებს. ეპისტოლეებში კათალიკოსი, ღვთის მსახურებთან ერთად, მღვდლებსა და დიაკვნებს, მგალობელთა და მკითხველთ ქართულ ენას ასწავლიდა. საყდრების მსახურთ მოუწოდებდა ხატმებრძოლთა სიტყვები ქართული სიტყვებით შეეცვალათ. ყველა ბერძენი არ იყო ხატმებრძოლი, ეს სამოელმა კარგად იცოდა, ბერძენ მართლმადიდებლებს თავის მრევლად თვლიდა კიდევ.

ხანგრძლივ მონობაში ქართველ ხუცებსაც კი დავიწყნოდათ მშობლიური ენა, შეჩვეოდნენ სხვათა სიტყვებს და ვერ ელევდნენ. ზოგს წირვა-ლოცვა ბერძნული ენის დაუხმარებლად ვეღარც კი წარმოედგინა. ანტიოქელ და კონსტანტინეპოლელ მამათა ხატმებრძოლობა სამოელს სწორად უნდა გამოეყენებინა. ხატმებრძოლთა ენა დაარქვა ბერძნულ ენას და ამით ქართულ ენას ეკლესიაში ფუძე გაუმაგრდა, ხუცებმა მართლაც დაუწყეს გაძეგება ბერძნულ სიტყვებს და ძირძველ ქართულ შესატყვისებს დაუწყეს ძებნა.

შურტებმა კათალიკოსის ახალი საქმიანობა შეატყობინეს ამირას, მაგრამ ამირას ძალა არ შესწევდა რამე ელონა, მპყრობელი საგონებელში ჩავარდნილიყო. არ მოსწონდა კათალიკოსის შინაპრობილობა. ქვეშევრდულად ქართველთა ღმერთის ეშინოდა, კათალიკოსის შინაპრობილობის დამალვაც შეუძლებელი ჩანდა, დღეს თუ ხვალ მთელი ქრისტიანული აღმოსავლეთი გაიგებდა ამ ამბავს და ხალიფატს სახელი გაუტყდებოდა. შემორიგება გადაწყვიტა, განაზრახი სტეფანოზ ერისმთავარს გაანდო.

სტეფანოზმა უმალ შეკრიბა ეპისკოპოსები და სასიხარულო ამბავი ამცნო: ამირა ალი ჰასანი ქართლის კათალიკოსს შინაპრობილობისაგან ათავისუფლებს და ჯამათის წევრობას სთავაზობსო. ერისმთავრის აზრით, ეს დიდი პატივი იყო, ქართველ მღვდელ-მონაზვნობას და მათ საქეთმპყრობელს სამავგიეროდ ეკლესია-მონასტრებში უტყუველი ქრისტიანული წესი და რიგი უნდა დაემყარებინათ, აბოს მაგალითი არ უნდა განმეორებულყო, წირვა-ლოცვა იმ ენაზე უნდა აღესრულებინათ, რა ენასაც მრევლი მოისურვებდა, ეკლესიის გაერთიანებისთვის

ზრუნვაც არ იძლეოდა სასურველ შედეგს. კათალიკოსის ამგვარი მოღვაწეობა საამიროში შფოთსა და არევ-დარევას იწვევდა და საბოლოოდ ხალიფატის წინააღმდეგ იყო მიმართული.

სტეფანოზ ერისმთავარი სულიერ მამებს ამირა ალი ჰასანს უხელმძღვანელებდა და თხოვდა მათ, როგორმე დაეყოლებინათ საამიროს, რათა ქართლში ბოლოს და ბოლოს მშვიდობა და ურთიერთკეთილგანწყობა ჩამოვარდნილიყო.

სტეფანოზ ერისმთავარს, მით უფრო კათალიკოსს, ალი ჰასანის ნამდვილი განზრახვის გაგება არ შეეძლოთ. ალი ჰასანს ჯერ იოანე უნდა ჩამოეცილებინა, ამიტომ ესწრაფოდა სამოელის შემორიგებას. თუ იოანეს სასტიკად დასჯიდა, საბოლოოდ ლახვარს ჩასცემდა ქართველობას და სამოელსაც შიშისქვეშ ამყოფებდა.

ეპისკოპოსებმა ერისმთავრის დანაბარები კათალიკოსს შორიდებით ამცნეს — სამოელმა ჯამაათის წევრობა შეურაცხყოფად მიიღო, ღვთის მსახურს სატანის მსახურებას რად მკადრებენო, მაგრამ წყენა არ გაუმხელია. ამირას მადლობა შეუთვალა თავისუფლებისათვის, ჯამაათის წევრობა კი მღვდელმთავარს არ შეჰფერის, ორთა უფალთა მონებას სჯული გვიკრძალავსო.

სამოელის გამოგზავნილი წიგნი ჯერ ერისმთავარს მიართვეს, ალი ჰასანის შეეშინდათ, ვაითუ გაწყრეს და კათალიკოსი კვლავ შეიპყროსო. სტეფანოზმა გადაიკითხა უსტარი. სამოელი თავმოდრეკილი უხდიდა მადლობას ალი ჰასანს, ეკლესია-მონასტრებში სანიმუშო წესრიგსაც ჰპირდებოდა, ერთგულებასა და თანადგომასაც სთავაზობდა, მაგრამ ჯამაათის წევრობაზე უარს ამბობდა. ერისმთავრის აზრით, ეს უარი არ იყო საშიში. კათალიკოსს მართლა არ შეეძლო ორთა უფალთა მონება, საშიში სხვა რამ ეჩვენა სტეფანოზს. წიგნის ბოლოში სამოელი წერდა: „ვერც ქართულ ენას შეეცვლი სხვა ენით, დასაბამიდან ქართლში თვინიერ ქართულისა, სხვა ენა არა იზრახებოდაო“.

ერისმთავარმა ამ წინადადების შეცვლა მოითხოვა. სამოელის გამოგზავნილი კაცები უკან გაბრუნდნენ და კათალიკოსს ერისმთავრის სურვილი გადასცეს. სამოელმა უარი თქვა წინადადების შეცვლაზე. ერთ კვირას გრძელდებოდა მიწერ-მოწერა და მისვლა-მოსვლა კათალიკოსსა და ერისმთავარს შორის. ბოლოს სამოელმა მაინც თავისი გაიტანა, წიგნი ამირას იმ სახით მიართვა, როგორც პირველად დაწერა. სამოელს თავისუფლება მაინც ებოძა.

სტეფანოზ ერისმთავარი სამოელის თავისუფლებამ, ამირა ალი ჰასანის კეთილმა დამოკიდებულებამ ქართველი ერისადმი დააიმედა

და აფხაზეთში კაცები გაგზავნა დედაწულის ჩამოსაყვანად, ეგონა, რომ ქართლში ნანატრი მშვიდობა საბოლოოდ დამყარდა.

სწორედ ამ დროს შეიპყრეს იოანე.

სტეფანოზ ერისმთავარი სასახლეში დაიბარეს და მოგზავნილი უსტარი წააკითხეს. ჭაბუკი ხუცესი თავის მოძღვარს სწერდა, თუ როგორ ექციათ უდაბნოდ სარკინოზებს ქართველთა ძველისძველი სამკვიდრო, როგორ აღადგინეს ღვთის მსახურება ქართულ ენაზე ოპიზას, ხანძთას... რა წვალებით აღაშენეს ძელის საყდარი ხანძთის უდაბნოში, არ გააჩნდათ ცული და წერაქვი, არც სხვა სამუშაო სახმარი... ისე ააგეს სენაკები ძმათათვის და საოსტიგენე...

შემდეგ გრიგოლი აშოტ ერისთავის ამბავს იწერებოდა: სული ჩაუდგა თურმე თავის მამულს, აღაშენა, მკვდრეთით აღადგინა ციხე-ქალაქი არტანუჯი.

გრიგოლი აშოტ ერისთავს გმირად სახავდა, იწერებოდა, რომ ის ამჟამად ბიზანტიაში იყო წასული, იქიდან ლაშქარმრავალი დაბრუნდებოდა და ქართლს გაათავისუფლებდა.

„მამაო, გადაეცით ქართველ ძმებს, — წერდა ბოლოს გრიგოლი, — სარკინოზების დღეები დათვლილია, მესია ტაო-კლარჯეთიდან მოევლინება თბილისსა და მცხეთას!..“

იმ უსტარში მიქაელიც იყო ნახსენები, გრიგოლი მიქაელს დამხმარედ იხმობდა ტაო-კლარჯეთში.

სტეფანოზ ერისმთავარი ცოცხალ-მკვდარი კითხულობდა საზარელ სტრიქონებს, კითხვა ჯერ არ დაემთავრებინა, ამირამ წინ სხვა წიგნი დაუდო. ეს კიდევ რაღააო, გააუბულმა ჩაიხედა შიგ: „წამებაი წმიდისა და ნეტარისა“... ხმადაბლა დაიწყო კითხვა, უცებ გაჩუმდა ელდანიაკრავივით და „ჰაბოისი“ ამოიკითხა ხმამაღლა, ამირას შეხედა შემფოთებული თვალებით.

— შემთხვევით იპოვეს იმის სენაკში... — უთხრა ამირამ.

სტეფანოზი წიგნს ჩაუჯდა და ჩუმად წაიკითხა, ოფლს ხშირ-ხშირად იწურავდა მუბლიდან და ამირას დამნაშავესავით შესცქეროდა ყოველი გვერდის შემდეგ.

— თქვენ თვითონ განსაჯეთ, რა ეკუთვნის ამის დამწერს! — ბოძობდა ამირა, დაადგებოდა თავზე ერისმთავარს და ადგილებს თვითონ უკითხავდა, ქართული კითხვა არ იცოდა, მაგრამ მცოდნეთ ჩაენიშნათ ავი გვერდები, ზეპირად კითხულობდა საეჭვო ადგილებს, შემუცდარად აღებდა თითს, სადაც, მისი აზრით, უგვანი სიტყვები ეწერა: „... ესე ვართ მორწმუნენი მძლავრებასა ქუაშე დამონებულნი და

ნაკლულევანებითა და სიგლახაკითა შეკრულნი, ვითარცა რკინითა, ხარკსა ქუეშე მათსა გუემულნი და ქენჯინილი... — ამის დამწერი ხალიფატს ძირს არ უთხრის, ერისმთავარო? — გააფთრებუქუე ქუეშე ლობდა ამირა, — ასეთი წიგნები იწერება თქვენს ეკლესიას მღვდელისთვის ში... დაუძახეთ ერისთავებს, შეკრიბეთ ერი, ხვალვე სიკვდილის მოედანზე ჩამოვახრჩობთ საბანისძეს.

სტეფანოზ ერისმთავარს ერთი სიტყვა არ დასცდენია, გაჩუმებულნი, თავდახრილი იდგა გაცეცხლებული მბრძანებლის წინაშე, თითქოს თვითონ დაეწერა შავი წიგნი. რა უნდა ეთქვა, რა ჰქონდა სათქმელი... მწუხარე დაბრუნდა სასახლეში, მოხელენი იხმო, იოანე საბანისძის შეპყრობის ამბავი დარბაზის ერს აუწყა და ერისა და ერისთავების ტფილის-ქალაქში შეკრება ბრძანა.

იოანე დიდხანს აღარ უწამებიათ. ამირა მზად იყო შეპყრობისთანავე თავი მოეკვეთა ბერიკაცისათვის. ამირას აზრით, იოანეს ავკაცობას თვით მისი ხელით ნაწერი წიგნი დაღადებდა. მსჯავრდებული ხალიფატს ებრძოდა, შარიათი ასეთ „მებრძოლთათვის“ სიკვდილს ბრძანებდა. დღესავით ნათელი იყო საბანისძის საქმე, დაყოვნება სიკეთეს არ მოიტანდა. კანონი დროზე უნდა აღსრულებულიყო.

მაგრამ ვიდრე საბანისძეს თხემისა ადგილისაქენ წაიყვანდნენ, ყოველი ქართველი მის მტრად უნდა ექციათ. ამირა ალი ჰასანსაც და ჰაჯიჯი იბნ ალ-ზაბაქსაც ასეთი ბრძოლის დიდი გამოცდილება შეეძინათ. მათ წინასწარ დასახული გეგმა ჰქონდათ და იმ გეგმის მიხედვით მოქმედებდნენ. ჯერ თვით საბანისძე უნდა გამოეცხადებინათ ქართველი ერის მოღალატედ. შემდეგ ერი უნდა აეფორიაქებინათ, გაეწამებინათ ისე, თავმოებზერებულს თვითონ დაესაჯა თავისი შვილი.

მთელ ქართლს, ტფილისსა და მის შემოგარენს რაზმებად მოედგნენ. ამირასა და ერისმთავრის კაცები, შურტები, მავალები, საარაზო ხარკის ამკრეფი მოხელენი სათითაოდ ყველა სახლში შედიოდნენ და ამოწმებდნენ, გადახდილი ჰქონდათ თუ არა ხარკი, არჩენდნენ თუ არა ორ მოლაშქრეს. ხარკი ვისაც არ გადაეხადა, ძალით ართმევდნენ, ვისაც ერთი მოლაშქრე ეყენა, მეორეს უსახლებდნენ. ამირასა და ერისმთავრის კაცების გამოჩენას უბანში წივილ-კვილით ხვდებოდნენ, მოხელეთ ნაბრძანები ჰქონდათ, რაც უფრო დიდ წინააღმდეგობას გაუწევდნენ მოხარკენი, მით უკრო დაეწიოკებინათ და დაეშინებინათ.

ტფილის-ქალაქს ორ დღესა და ღამეს არ ეძინა. არ დარჩენილა

არც ერთი ბინა, არც ერთი ჭიშკარი, სადაც შურტები და მავალები არ შევარდნილიყვნენ მუქართა და დედის გინებით. რაკი, ჩველსავე ფალთაგან ნებართვა აიღეს, შურტებმა, მავალებმა და მონღოლ-მედიკოსებმა ტფილისი და ახლომახლო დაბები მოითარეშეს, გაძარცვეს, გაიტაცეს, რისი წაღებაც და გატაცებაც შეეძლოთ, ზოგან სისხლიც კი დაინთხა.

მეორედ მოსვლას ქართლში ამ ეპიდემიის მწიგნობარნი არ ვარაუდობდნენ, მეორედ მოსვლა დამდგარიყო.

ერის განუხჯელად ძარცვა-დაწიოკებას იოანე საბანისძის დასჯა დაერთო, ტფილისის ახლომახლო მცხოვრებთ, ყველა ტფილისელთ ებრძანათ აკლებული სახლ-კარის მიტოვება და მოედანზე შეკრება.

აბოს წამების საცქერლად ხალხი შურტებმა ძალით გამორეკეს შინიდან, ამჯერად ძალადობა არ დასჭირვებიათ, სულერთია შინ მაინც არ დაგვაყენებენო, თავიანთი ნებით დაიძრა ხალხი ამირას სასახლისაკენ.

ამირამ იოანეს დასჯა ჯამაათის თანდასწრებით ისურვა.

აბო არაბიელი იყო დედულ-მამულით, გამოუცდელი, გულუბრყვილო ჰაბუკი, მისთვის განაჩენის გამოტანა ალი ჰასანს არ გასჭირვებია, იოანეს კი ბრძოლის დიდი გამოცდილება გააჩნდა. იოანესთან სხვაგვარად უნდა ემოქმედა. ჯამაათი ზურგს გაუმაგრებდა, ჯამაათის თანდასწრებით განსჯიდა ტყვედქმნილს.

ამირა ალი ჰასანი მამა ბასილის სიკვდილმა აღაშფოთა. გაბორბტებულმა შურტების ასისთავს სამკლავურები ააგლიჯა და სამსახურიდან დაითხოვა.

მამა ბასილი იყო ერთადერთი ცოცხალი მოწმე, ვინც იოანესა და აშოტის საიდუმლო კავშირს დაამტკიცებდა. ეს მოწმე აღარ ჰყავდათ. ზომ შეიძლებოდა იოანეს გრიგოლის გამოგზავნილი უსტარი უარეყო, ეთქვა: არავითარი უსტარი არ მიმიღია, ყველაფერი შურტების მოგონილიაო?..

ამირამ ჯამაათი ჯერ საიდუმლოდ შეკრიბა, ორივე წიგნი, იოანეს ორი ძირითადი სამხილი ჯამაათის წევრებს გაატნო და მამა ბასილის დაღუპვაც აცნობა. სათითაოდ შეამზადა ყველა, ვის რა ბრალი დაედო პყრობილისათვის.

ჰაჯიჯ იბნ ალ-ბაბაქს ფაქტებით უნდა ელაპარაკა, მოწმე შურტები მოეყვანა და საჭიროების შემთხვევაში დაეპირსპირებინა.

ვაზირს ჯამაათისთვის უნდა განემარტა, თუ რა ზარალი მიაყენა ხალიფატს იოანემ, აბომ, ნერსე და აშოტ ერისთავებმა, ეანგარიშა, რა

უჯდებოდა ხაზინას იოანეს დასჯა. რამდენი ადამიანი იძიებდა მის საქმეს და რამდენს უხდიდა მათ ამირას ხაზინა.

ყადი ბრალს დასდებდა იმაში, რომ ის ხელს უშლიდა ქართველთა გამაჰმადიანებას. ქართველ ერს სურდა მაჰმადს შედგომოდა, იოანე და მისი მსგავსნი აიძულებდნენ ერს სიბნელეში ყოფნას.

ერისმთავარი სტეფანოზი ჯამაათს უამბობდა, თუ როგორ წაიყვანა მან ერთხელ იოანე და ერი დაჰკითხა: ხალიფატის მფარველობა სურდათ თუ თავისუფლება. ერისმთავარი ახლა საჯაროდ დაუმტკიცებდა იოანეს, რომ ქართველმა ერმა თავისი ბედი თავისი ნებით სამუდამოდ დაუკავშირა ხალიფატს და არავის ჰქონდა უფლება წინაპართა ანდერძი დაერღვია.

ამირა ჯამაათის წევრებისაგან მოითხოვდა მთავარს: იოანე საბანისძისთვის ბრალად დაედოთ სამშობლოს ლალატი. ყველას ეს უნდა ემტკიცებინა და მსჯავრიც ლალატის შესაფერი გამოეტანათ.

ამირას მიაჩნდა, რომ ეს სამსჯავრო უფრო სახალხოდ უნდა გამართულიყო, ვიდრე აბოს სამსჯავრო იყო. მთელ ქართლს უნდა გაეგო იოანე საბანისძის დასჯის ამბავი, ხოლო ტფილისსა და მის შემოგარენში მცხოვრებთ საკუთარი თვალთ ეხილათ ხალიფატის ურჩის მოკვდინება.

ჯამაათი დილით ადრე შეიკრიბა. ამირას სასახლე შურტებით, მცველებით, ჯალათებით, ამირას და ერისმთავრის კაცებით, ჩამოსული ერისთავებით და მათი მხლებლებით, სასახლის მოხელეებითა და მათი ახლობელ-მეგობრებით გაიჭედა. სასახლის წინა მოედანი მტკვრის ნაპირამდე ზღვა ხალხით გაივსო, დაიკეტა ქულებაქები, ბაზრები, სახელოსნოები, სავაჭროები, საბაჟოები, მთელი ტფილისი სასახლის წინ გამოეფინა.

ისე, როგორც აბოს დროს, როცა ხალხის დენა შენეღდა, მოლაშქრეთა ასეულები გამოჩნდნენ. მწყობრი ნაბიჯებით, არაბული შეძახილებითა და ამოწვდილი ხმლების კაშკაშით ჩამოუარეს სასახლეს, დალაგდნენ ოცეულებად, ხან განზე გაიშალნენ, ხან ჯაჭვისებურად გადაეხრნენ ერთმანეთს და ქალაქის გალავნისაკენ გაემართნენ, გალავნის გაყოლებაზე გაიშალნენ და მთელს ქალაქს გარს შემოერტყნენ, შემოესალტნენ. მოლაშქრეთა განლაგება ტფილისის გარშემო დიდხანს გრძელდებოდა, ცხენოსანთა ასეულები ქალაქისაკენ ყოველისმხრიდან დაიძრნენ, თითქოს არაბთა შემოსევათ, ხალხი შიშმა აიტანა, ბოლმა გულში ჩაიხვია, გამწარებული მიეჯახა სასახლეს და მოთმინებადაკარგული დაელოდა იოანე ბერის გამოჩენას.

სასახლის წინ ხალხი შეჩოჩქოლდა, რა ამბავიაო, ყველა იქიდან ში-  
აწყდა. იქ, ცხენზე ამხედრებული პაჩიჯ იბნ ალ-ბაბაქი იდგა და ცეც-  
ლები გარს ეხვია. რა მოხდა, რა მოხდაო, ერთმანეთს ეკვიწყებოდნენ  
ცნობისმოყვარენი. ბაბაქს წინ გაუძღვნენ ხმალამოწვდილი შერეული  
და ხალხში გზა გაუკაფეს. ბაბაქი ქალაქის დასათვალიერებლად გამო-  
სულიყო, ხალხის მზადყოფნას ამოწმებდა, ბაბაქს უკან მოსდევდნენ  
ტაჯგანაგებით მცემელნი. ეს ჩამოვლაც ერის შესაშინებლად გამო-  
ეგონათ. ერიც შეჩვეოდა სარკინოზთა ხრიკებს. კარგად იცოდნენ,  
რომ ვიღაცას უეჭველად სცემდნენ ან შეიპყრობდნენ რამდენიმე სა-  
ათით და საპყრობილეში ჩაადგებდნენ. დამნაშავე რომც ვერ ეპოვათ,  
უდანაშაულოს მოსდებდნენ შარს. ბაბაქი ხალხში ისე არ გაივლ-გამო-  
ივლიდა, რამე არ შეემჩნია. ხალხმა ეს იცოდა და გატრუნული ხედე-  
ბოდა მბრძანებელს.

ბაბაქსა და მის მხლებლებს შორს წასვლა არ დასჭირვებიათ, სასახ-  
ლის წინა მოედანს რომ გასცდნენ, დუქანსა და დუქანს შორის მო-  
ფარებულში ცეცხლი შეამჩნიეს. ხელოსნებს ცეცხლი დაენთოთ და  
ეფიცებოდნენ. ბაბაქს თვალი მოჰკრეს თუ არა, ცეცხლი უმალ ჩა-  
აქრეს, მაგრამ გვიანლა იყო. შურტათმთავარმა ცეცხლის დამგზნებთა  
შეპყრობა ბრძანა. ვინ იტყოდა, ცეცხლი მე დავაგზნეო! ვინც ახლო-  
მახლო იდგა, ყველანი შეიპყრეს და ტაჯგანაგების ცემით საპყრობილი-  
საკენ გარეკეს. შეპყრობილთ შორის მთლად უდანაშაულონიც აღმოჩ-  
ნდნენ.

— მიშველეთ, ხალხო! — გაჰკიოდა ერთი პყრობილი, — არაფრის-  
თვის მღუპავენ, ჩემს ღმერთს გეფიცებით... შეიბრალებთ ჩემი ცოლ-  
შვილი, ხალხო!.. — სასოწარკვეთილი ფეხებს ფშეკდა და მიწაზე წვე-  
ბოდა, წასვლა არ უნდოდა. გაჯიუტებული იქვე წამოაქციეს, საჯაროდ  
გაჯოხეს და საპყრობილეშიც წაათრიეს. უდანაშაულოდ შეპყრობი-  
ლებს ჭომავნიც გამოუჩნდნენ. ხალხსა და შურტებს შორის ხელ-  
ჩართული ომი გაჩაღდა. მოვარდნენ ცხენოსანი მოლაშქრენი შურტე-  
ბის დამხმარედ და მიჯარული ხალხი ხელად მიჰფანტ-მოჰფანტეს. თავ-  
გატეხილნი, მკლავამოგდებულნი, დასისხლიანებულნი, ჭიდაობაში სა-  
მოსშემოძარცულნი უშვერად, მოურიდებლად ლანძღავდნენ სარკინო-  
ზებს და გაჩენის დღეს იწყევლიდნენ, ღმერთსაც კი სცოდავდნენ, უსა-  
მართლობას საყვედურობდნენ.

ბაბაქმა შემოვლა დაამთავრა.

აბოეირებული ხალხი მოედანზე დარჩა. დიდხანს გაისმოდა ყაყანი  
და დავა ცეცხლის დამგზნებთა გამო. ზოგი სარკინოზებს ამტყუნებდა,





ზოგი—ცეცხლის დამგზნებთ. ჩვენა ვართ უწესონი, არც ისე ციოდა  
 ვერ მოგვეთმინა, ამირას სასახლის წინ ცეცხლის დაგზნებზე ვერ გაგებულ  
 ნაო — თავს იმტყუნებდნენ მსცოვანნი.

სად იყო ცეცხლი, ფიჩხს მოუკიდეს ბიჭებმა, ამისთვის ხალხის და-  
 წიოკება მართლა ურჯულოთა საქმეაო, დაობდნენ ყმაწვილნი.

— მოჰყავთ, მოჰყავთ! — გაისმა ხალხში. ზღვა უცებ აზვირთდა  
 და სასახლის კარიბჭისაკენ იწყო დენა. ხალხის დიდ ნაკადს წინ მო-  
 ლაშქრენი და სასახლის მცველნი გადაედობნენ, ნაკადმა გეზი იცვა-  
 ლა და ახლა სხვა მხარეს მიაწვა.

— შეჩერდით, ხალხნო! — დაიძახა ვილაცამ, — ერთმანეთს გავთე-  
 ლავთ!..

ხალხი მართლაც წამით შედგა. შურტებით და ჯალათებით გარს-  
 შემორტყმული იოანე გამოჩნდა სასახლის წინ, ჭაღარაშერეული წვერი  
 მკერდამდე სცემდა, ბორკილებს მოაქლარუნებდა და ხალხს ხარბად  
 შესცქეროდა, ალბათ მიქაელს ეძებდა ან სამოელ კათალიკოსს. ისინი  
 ხალხში იდგნენ ცალ-ცალკე და იოანეს გამოჩენას მოუთმენლად ელო-  
 დებოდნენ, როცა ხალხის ნაკადი იოანესკენ დაიძრა, ისინიც იქით მო-  
 აწყდნენ, მაგრამ შურტები და ჯალათები წინ კლდესავით აღიმართნენ  
 და არ გაუშვეს. იოანემ ჯერ მიქაელი იპოვა, შორს იდგა, აქედან ვე-  
 რაფერს ანიშნებდა, ვერც დაუძახებდა. სათქმელი არაფერი ჰქონდა,  
 მაგრამ შეილთან მაინც ახლო ყოფნა ერჩია განსაცდელის უამს. ვერც  
 მგებობარს მიაწვდინა მზერა, ჯალათები შუბის ბიძგებით ანიშნებდნენ,  
 უკან ნუ იყურებო. იოანე მიქაელზე ფიქრობდა. აბოს სამსჯავროზე  
 მიქაელი ხალხში არ იდგა, სამსჯავროზე იყო. „ახლა ჩემ გამო არ შე-  
 უშვეს სასახლეში“ — გაიფიქრა ჰერობილმა.

მიქაელისათვის არავის უთქვამს, სასახლეში ნუ შემოხვალო, უნე-  
 ბურად აღმოჩნდა გარეთ. რაც იოანე შეიპყრეს, ერისმთავარი დაუმ-  
 ძრახნდა, ისე აუვლიდა და ჩაუვლიდა, თითქოს ქვეყანაზე არ იყო, არც  
 ავს ეუბნებოდა და არც კარგს, მიქაელიც თავს არიდებდა, არ ეჩხი-  
 რებოდა თვალში.

ჯამაათს მიქაელი ყოველთვის ესწრებოდა, ერისმთავრის უკან იდგა  
 ამაღაში, დღეს ერისმთავარმა არ იახლა, ალბათ მეც შეპყრობას მი-  
 პირებენო, ფიქრობდა შეშინებული, საცოდავად მობუზული იდგა  
 შორს, ხალხში და სიკვდილმისჯილი მამის მხოლოდლა ჭაღარა თავს  
 ხედავდა.

სამოელ კათალიკოსისათვის, მართალია, თავისუფლება ებოძათ,  
 ახლა მის გვერდით, შურტების ნაცვლად, წილქნელი და ალავერდელი

წმიდა მამები იღვნენ, მაგრამ უმეტესადაა მათ არავენი დატოვებ-  
და. მოლაშქრეთა ოცეული მიეჩინათ, ვითომ წესრიგს იცავდნენ, წინ-  
და მამებს უკან დასდევდნენ და მათ ყოველ ნაბიჯს შურტებს. ამასთანავე  
დნენ.

იოანე სასახლის კიბეზე რომ გამოჩნდა, სამოელმა პირჯვარი გადა-  
სახა შორიდან, წმიდა მამებმაც შეხედეს მალა ღმერთს და „სახელითა  
მამისათა“... წაიღუდნენ.

იოანეს პურობილის ჯვალს კაბა ეცვა. სიმალეს მატებდა ეს  
გრძელი და სრული კაბა. თავი ღირსეულად ეჭირა, არც სიხარული  
ეხატა სახეზე და არც შიში. მძიმე ნაბიჯი ჰქონდა და ფიქრიანი სახე.  
სასახლეში რომ შევიდა, შეძახილები შემოესმა, ისე წაელო ფიქრს,  
რომ გვიან მიხვდა, მას რისხავდნენ და ლაღადუფდნენ. „მოლა-  
ლატე... მოლალატე!“ იოანეს ღიმილს ჰგვრიდა დაქირავებულთა ძალად  
ჯანრისხებული სახეები. მაშინაც, როცა ნერსე ერისთავთან ერთად  
პირველად შეიპყრეს, ამ მერყევმა და ურწმუნო თავებებმა დაუძახეს  
„მოლალატე, მოლალატე“... რატომ ეძახდნენ? განა მართლა სწამდათ,  
რასაც როტავდნენ. არა, ამ ერთი სიტყვის წამოძახებისათვის დინარებს  
ეჯიბავდნენ, ხომ ყველამ იცოდა, რომ ეს ასე იყო. ის ერთი სიტყვა,  
დროულად და მარჯვედ დაძახებული, თავის საქმეს მაინც აკეთებდა.  
ერთ-ორ ადამიანს მაინც არწმუნებდა, რომ მავანი და მავანი მართლა  
მოლალატე იყო.

იოანემ სასახლეში როგორც კი შემოდგა ფეხი, მოეჩვენა, რომ აქ  
მას მომხრე ერთი ადამიანიც არ ჰყავდა, სასახლის გარეთ კი სიკვდი-  
ლის მოედანზე შეკრებილი მტკვრის პირამდე გაშლილი ეს ზღვა ხალ-  
ხი, მის სიყვარულს მოეყვანა აქ. საკმარისი იყო იოანეს საერო სამოსი  
ჩაეცვა, ხელში ხმალი აეღო, ერი უყოყმანოდ გაჰყვებოდა ბრძოლის  
ველზე. სახელდახელოდ, სასახლის დერეფანში მოლალატეო რომ და-  
უძახეს, მაშინ შეთხზა ეს აზრი, სულს ძალა შესძინა ამით, გაიმხნევა  
თავი და ჯამაათს თავმოდრეკილი წარუდგა. ლახვაროსნები და შუბოს-  
ნები გვერდით მიდგნენ.

აღრე ჯამაათს ყადი იწყებდა. დღეს სხვა დღე იყო. ამგვარი ჯა-  
მაათი ტფილისში არც შეკრებილა. ამირა თვითონ იყო მსაჯული, სამ-  
სჯავროც მას უნდა წარემართა. ალი-პასანი აყოვნებდა, ლელავდა. წინ  
დაილაგა იოანეს სენაკიდან წამოღებული გრიგოლის გამოგზავნილი  
უსტარი, იოანეს ხელით ნაწერი წიგნები და ამღვრეული თვლები  
მიაპყრო განსასჯელს:

— შეჰფიცეთ სამსჯავროს, რომ არ იცრუებთ, გულწრფელად

იტყვიტ სიმართლეს!.. — თქვა ამირამ და ამბიონისაკენ განიხილა, თქუ-  
რანი იდო. განსასჯელი წესისამებრ უნდა მისულიყო ყურანთან, ხედ  
ხელი დაედო და შეეფიცა ალაჰისათვის, რომ სიმართლეს იტყვიდა.  
ამ წესს ყველა ასრულებდა, სიმართლის თქმა ჰქონდა თუ არა გუხუ-  
ბაში მაინც.

იოანე აღარ წავიდა ამბიონისაკენ. თავჩაკიდული იდგა და არ იძ-  
როდა. ამირა გაოცებული მიაჩერდა პყრობილს, „ნუთუ უარს იტყვის  
ფიცზე?“ — გაუელვა თავში ამირას. თუ უარს იტყოდა, ამირას რა  
უნდა ელონა? დაიბნა წამით და ჯამაათს გადახედა.

— შეფიცეთ სამსჯავროს, რომ არ იცრუებთ, — გაუმეორა ამჯერად  
უკვე თხოვნის კილოთი ამირამ.

იოანე ოღნავ შეირხა. თავი აიღო, ჯამაათს გადახედა, სათქმელი  
ენის წვერზე დაიჭირა და გულმოკლული კაცის ღიმილი გადაეფინა  
გაბურღულ თმა-წვერზე.

ამირას აღშფოთებისაგან თვალები გადმოეკარკლა. ხალხმა და ჯა-  
მაათმაც ამოიგმინა. ერთკვირიანი სამზადისი წყალში უნდა გადაეყა-  
რათ. თითქოს ყველაფერი წინასწარ აწონ-დაწონეს, იცოდნენ რა  
ეთქვათ, საით წარემართათ სამსჯავრო, რა სასჯელი გამოეტანათ...  
როგორ აღესრულებინათ განაჩენი... თუ პყრობილი ფიცზე უარს  
იტყოდა, წინასწარ ეს არავის უფიქრია.

— წესს თუ არ დაემორჩილებით, ამისთვის ცალკე სასჯელი მოგე-  
ლით! — ხმა გაუტყდა ამირას.

ბაბაქს თავის შეკავება გაუჭირდა, წამოდგა, ერისმთავართან მივი-  
და და რაღაცას ხმადებლა უმტკიცებდა. ვაზირმა ყადისკენ მიაბრუნა  
პირი. ჩურჩულმა გაიბნინა ამირას დარბაზში.

— ჰფიცავთ თუ არა?! — მოთმინება დაეკარგა ამირას.

— ისმინეთ კეთილმორმწუნე ბერის მართალი სიტყვა, მსაჯულო  
ამირა, — ხმა გაიღო იოანემ, დინჯად და დამარწმუნებლად საუბრობ-  
და: — ისმინეთ ჯამაათო და დარბაზის ერნო!.. — ქართლის მიწაზე  
გარდმოვარდა ვეშაპი იგი დიდი გუელი, რომელი აცთუნებს ყოველსა  
სოფელსა... მოვიდა და დაემკვიდრა „ზღვით ამომავალი მხეცი, რო-  
მელსა აქუნდეს ათნი რქანი, შვიდნი თავნი“... დაბნელდა მზე ქართ-  
ლისა და თაყვანსა სცემენ მხეცსა...

ამბობენ: „ვინ არს მსგავს მხეცისა მის? ვინ შემძლებელ არს ბრძო-  
ლად მისა?“

ყოველნი, რომელთა არა თაყვანი სცენ ხატსა მხეცისასა, მოიკლ-  
ნენ“...

განა ცხადი არ არის, ჩემი მოკვდინება მხეცის მსახურთაგან საწა-  
დელია. აიღეთ ბოძალი და მომაკვდინეთ! სრულ კაცთაგან ~~ეჭვი ქვეშა~~  
არს მოტყუება სხვისა და თავისა. დაე, აღსრულდეს უთქმელად!

ჯამაათი და ხალხი ამოჩქოლდა:

— საქმეზე ილაპარაკოს!

— პასუხი ავოს!..

— ჭკუის სწავლებას თავი გაანებოს!..

ამირამ ხელი ასწია, სიჩუმე მოითხოვა.

— ბობოქრობს მხეცი იგი არა მხოლოდ ქართლსა შინა, — ინდის ხეობიდან ვიდრე ისპანიამდე! — კვლავინდებურად დინჯი კილოთი განაგრძობ იოანემ. — ხოლო წერილ არს: „როცა ზღვით აღმომავალი მხეცი ქვეყნიერებას დეიუფლა, უფალმა გულისწყრომით შვიდნი ლანკნაი \* აავსო, შვიდ ანგელოზს მისცა და უბრძანა, დასთხიეთო.

ერთი წავიდა და დასთხია ღვთის გულისწყრომით სავსე ლანკნაი თვისი ქვეყანასა ზედა და იქნა შალვაი ბოროტი კაცთა ზედა, რომელთაცა აქუნდა ბეჭედი იგი მხეცისაი და თაყუანს სცემდეს ხატსა მისსა.

მეორემან ანგელოზმან დასთხია ზღუისა ზედა. ყოველი სული, რომელი იყო ზღუისა შინა, მოკუდა.

მესამემან დასთხია მდინარეთა და წყაროთა ზედა და გარდაიქცეს წყალი სისხლად.

მეოთხემან ანგელოზმან დასთხია ლანკნაი თვისი მხესა ზედა. და იწუნეს კაცი სიციხითა დიდითა.

მეხუთემან დასთხია საყდარსა მას ზედა მხეცისა მის და იქმნა მეუფებაი მისი დაბნელებულ.

მეექვსემან დასთხია მდინარესა ზედა დიდისა ეფვრატისა და გახმა წყალი მისი.

მეშვიდემან ანგელოზმან დასთხია ლანკნაი ჰაერსა ზედა... და იქმნეს ელვანი და ქუხილნი და ხმანი ძვრავი დიდი... და სეტყუაი დიდი მოვიდა ზეცით...


გეშინოდეთ ღვთის გულისწყრომის, ქართლისა მპყრობელნო!

ქართლისა და ქართველი ერის წამებას უფალი არ გააბატებთ. ქართველი ერი უფლისმიერი მირონცხებული ერია.

გეშინოდეთ ქართველი ერის გულისწყრომის!

— გაჩუმდი, ღრიანკალო!.. — შეჰყვირა ამირამ. შუბოსნები და ლახვაროსნები ამოძრავდნენ. ჯალათებმა რკინის კვერთხი შემოიტანეს.

\* კალათა.

„ღრიანკალი“ ამირას შემთხვევით არ წამოცდენია.  გამათხოვებს ეს ამბობდა ამ სიტყვას.

ამირას უფლება ჰქონდა თვითონ მოეკვდინებინა განსასჯელი მსჯელობის ერთი დაკვრით ამთავრებდა სამსჯავროს. მაშინ სხვა მსჯელებს წაუკან მოთქვამდა: „ღრიანკალის“ ხსენება იმას მოასწავებდა, რომ განსასჯელი ქვეწარმავალივით თავის გაჭეჭვას იმსახურებდა. რკინის კვერთხიც ამიტომ მოჰქონდათ.

წამით საზარელი სიჩუმე ჩამოწვა. ამირამ კვერთხი ხელთ იპყრა და წამოდგა.

— უკანასკნელად გაფრთხილებ, დემორჩილე სამსჯავროს! წინ მიდევს შენი ხელით დაწერილი შავი წიგნი!.. ეს წიგნი გეყოფა, რომ ჩამოგახრჩო, წიგნი თვითონ ღალატებს შენ უკეთურებას, ძირს უთხრი ხალიფატს, მოღალატე ხარ ქვეყნის, აი, ეს წიგნი გდებს ბრალს! ამაზე რად დუმხარ?..

— იმას მოგახსენებთ სწორედ, დიდო მსაჯულო! — შეაგება იოანემ შეცვლილი კილოთი, — ინდის ხეობიდან ისპანიამდე წყვდიადი თქვენ, სარკინოზებმა დაამკვიდრეთ ქვეყანაზე. და აი, ამ წყვდიადში აინთო ერთი სანთელი — წმინდა მოწამე აბო! ვინც უარი თქვა მჩაგვრელობაზე და ჩაგრულთა ღმერთს შეუდგა. თქვენ ეს სანთელიც ჩააქრეთ. ეს წიგნი მართლა ბრალდება გახლავთ, მაგრამ არა ჩემდა მომართ, არამედ თქვენთვის. თქვენ ერებს მოევლინეთ მჩაგვრელად და თქვენი სამსჯავროც აქ უნდა გაიმართოს, ტფილისში, სადაც მრავალი ერი ჩამოასახლეთ ჩვენდა წასალეკად. ეს წიგნი დაგდებთ სწორედ თქვენ ბრალს, ბრალმდებელი იქნება იოანე საბანისძე, ხოლო მთავარი მსაჯული — ქართველი ერი!..

ამირამ კვერთხი მსახურთ გადაუგდო. შებრუნდა, თავის ადგილას დაჯდა, ჩანდა, ახალი ზრახვა გაუჩნდა.

— ჯამაათო! — მიუბრუნდა ჯამაათს, — ეს კაცი თავისმა ერმა განსაჯოს!..

იოანეს კვერთხისკენ ეჭირა თვალი, სწყუროდა კვერთხის ქვეშ მოკვდინება, აქ, პირისპირ ბრძოლაში ერჩია სიკვდილი ავაზაკივით მოედანზე თავის მოკვეთას. თავისმა ერმა განსაჯოსო, ლახვარივით ეცა გულზე. არ მოეწონა, თუ შეეშინდა, თუ დაიბნა, აირ-დაირია, დაკარგა გეზი, რა ეწადა ამირას? რა განიზრახა?.. დაბნეული თვალები ერისმთავარს მიაპყრო. ცოცხალ-მკვდარი სტეფანოზი თავს მალა ვერ სწევდა ინახით მკდომარე.

ჯამაათსა და ხალხს, ამირას პირად მცველებს დარბაზის ლახვარო-

სან და შუბოსან მსახურთ, თვით ჯალათებს სახეზე გოცება და გვი-  
ვირვება ეხატათ. ამგვარი სამსჯავრო, ასეთი განაჩენი ჯერ არავის გა-  
ეგონა ამირას კარზე. ჩუმი ჩურჩული ნელ-ნელა ჩოჩქუფქუფ ვაღწე-  
იზარდა.

— ერისმთავარო! — გაისმა კვლავ ხანგრძლივი დუმილის შემდეგ  
ამირას მჭექარე ხმა, — წაიყვანეთ და თქვენ თვით განსაჯეთ!..

მხოლოდ ჰაჭიჯ იბნ ალ-ბაბაქი იჯდა მშვიდად. ბაბაქმა და მისმა კა-  
ცებმა კარგად იცოდნენ, რაც ხდებოდა ამირას სასახლეში. ერმა გან-  
საჯოსო, ამირას უნდა ეთქვა ბოლოს, როცა განსასჯელს დაუმტკიცებდ-  
ნენ სამშობლოს ლალატს და სიკვდილის განაჩენს გამოუტანდნენ.  
„მოთმინება აღარ ეყო“, — გაიფიქრა ბაბაქმა, მაგრამ ამირას ამჯერად  
აღარ ამტყუნებდა, აღშფოთებული იყო ბერის საქციელით. ბაბაქის  
აზრით, სიკვდილის განაჩენი ბერისთვის უკვე გამოტანილი იყო, ერის-  
მთავარს მისი აღსრულება ევალებოდა.

გაფითრებული სტეფანოზი ფეხზე წამოდგა, ზარდაცემული იყო,  
გაოგნებული. მსგავსი რამ წინასწარ თათბირზე ამირას არ ეთქვა. ახლა  
რა ელონა, როგორ მოქცეულიყო. იოანე გაეყვანა მოედანზე და თავი  
მოეკვეთა? თუ ახალი სამსჯავრო მოეწყო? ასე უეცრად? მოუშა-  
დებლად?.. დაბნეულმა ერთხელაც შეხედა ამირას, რჩევას ითხოვდა.

— გაიყვანეთ! — ბრძანა ზიზლით ამირამ და მცველებმა იოანე წინ  
გაიგდეს. დამფრთხალი სტეფანოზი ჯერ უკან მისდევდა ჯალათებს, შემ-  
დეგ გონს მოეგო, თავი გაიმხნევა, წინ გაუძღვა განსასჯელს, სასახლი-  
დან გაიყვანა, ზღვა ხალხის წინაშე პირისპირ რომ აღმოჩნდა, გაიფიქ-  
რა: „გაძევებას მოვიტხოვ“. ფრთა შეასხა ამ აზრმა, უცებ იპოვა გა-  
მოსავალი, თითქოს ხალხმა შთაავონათ იოანეს გაძევება. დიდი ვახ-  
ტანგის სამართალი სამშობლოს მოღალატეს გაძევებითაც სჯიდა. ამი-  
რამ რაკი იოანეს განსჯა ქართველ ერს მიანდო, სრული უფლება  
ჰქონდა ქართული სამართლით ეხელმძღვანელა. ერს ამცნობდა ამი-  
რასა და ჯამათის გადაწყვეტილებას და იოანეს სამშობლოდან გაძე-  
ვებას მოითხოვდა. მოატანინებდა სამართლის წიგნს, აქვე საჯაროდ წა-  
უკითხავდა ერს.

თუ სარკინოზნი წინ აღუდგებოდნენ, ფარნავაზის სამართალსაც  
მოაძებინებდა მსახურთ. ქართული სამართლით ოდითგანვე სამშობ-  
ლოს მოღალატეთათვის ორი უმძიმესი სასჯელი იყო დაწესებული:  
მოკვდინება და სამშობლოდან გაძევება.

რაკი იოანე ღმერთს მსახურობდა და არა ერს, რაკი ასაკოვანი

გახლდათ, უყმო და ულაშქრო, მისი ქმედება ხალიფატს ღირს ვერ მიაყენებდა. ამიტომ, მისი აზრით, სამშობლოდან სამუდამო გაქცევა სამართლიანი, და, ამავე დროს, მიუყერძოებელი ბოღა იოანესათვის.

იოანე სტეფანოზისგან წყალობას არ მოელოდა. ძალაუფლება წართმეულ ერისმთავარს, გულით რომ ნდომოდა, სასჯელს ვერ შემსუბუქებდა.

და მაინც იოანე გრძნობდა, თითქოს გული ეუბნებოდა, რომ სტეფანოზი მას არ მოაკვდინებდა. არ იცოდა, რა გზით, როგორ შეძლებდა ამას ერისმთავარი, გულით კი თავისი მოძღვრის სიკვდილი სტეფანოზს არ სურდა, ეს სახეზე ეხატა მას.

იოანე ხალხში მიქაელს დაეძებდა. მიქაელი არ ჩანდა. სამოელ კათალიკოსი კი შეამჩნია ხალხში, თავდახრილი იდგა. გატეხილი მოეჩვენა მწყემსმთავარი, გული ეტკინა. „მიქაელი ალბათ სულ მთლად უიმედოდაა...“ გაჰკრა ფიქრმა იოანეს. „ჩემი სიკვდილით უნდა მოგვეპარო სიმხნე ერს“, — უცებ გაუელვა ამ აზრმა და ამაყად გაიმართა წელში.

საქციელწამხდარი ერისმთავარი მსახურთ დავალებებს აძლევდა. ხალხი ღელავდა და ბოზობდა. სიკვდილმისჯილი ჯალათებს უნდა გამოეყვანათ სასახლიდან, წაეყვანათ თხემისა ადგილზე და მოეკლათ ან ჩამოეხრჩოთ. ასეთი იყო წესი. ეს წესი ირღვეოდა. შურტები და ჯალათები ხალხს ერეკებოდნენ და სასახლის წინა მოედანს ათავისუფლებდნენ. სამსჯავრო აქ შუაგულ ხალხში უნდა გამართულიყო. ამ ამბავმა ხალხი კიდევ უფრო ააღელვა.

მოთმინებადაკარგულნი აქეთ-იქით აწყდებოდნენ, ილანძვებოდნენ და იგინებოდნენ.

როგორც იქნა, სასახლის წინ სახელდახელოდ გამართულ სამსჯავროზე მსაჯულის ადგილი დაიკავა ერისმთავარმა და ხალხს გააცნო ამირას გადაწყვეტილება:

— ერო ჩემო! თესლ-ტომნო ქართველთა, მკვიდრნო და ღვიძლნო იბერთა მიწისა! კეთილისმოქმედი და კეთილისმსურველი ამირა ბრძანებს: ქართველ ერისმთავართა ყოფილი მოძღვართმოძღვარი, ამჟამად ჯვრის მონასტრის ბერი, — იოანე საბანისძე, ბრალდებული ჩვენი დიდი სამშობლოს, მთელი ხალიფატის ღალატში, თვით ქართველმა ერმა განსაჯოსო.

იოანე საბანისძეს თქვენ კარგად იცნობთ...

— ხიდის ყურში! — დაიძახა ვილაყამ ხალხიდან. სტეფანოზმა ვერ





ერისა და ქვეყნის მოღალტე უძველესი ქართული ხალხური ჩვეულებისამებრ სჯულისა, ხიდის ყურში ქვით უნდა ჩაექოლათ.

ნუთუ ჩასაქოლად წაიყვანეს მოხუცი!..

თითქოს მდულარე გადაასხესო, გაწითლდა, შერცხვნიან თანვეს, ჯამათის წევრებს შორის ჩაჯდა და სიმწრის ოფლი მოიწმინდა შუბლიდან.

„ხიდის ყურში! ხიდის ყურში!“ — გამუდმებით ჩაესმოდა ხალხის ხმა. „მოგვეცით დამნაშავე! ერმა განსაჯოს! ერი თქვენ არა ხართ!“ — თვალწინ ედგა იმ ადამიანის სახე, ვინც ამ სიტყვებს გაჰკიოდა ხალხში.

„ნუთუ ყველაფერი ეს წინასწარ შემზადდა“, — ფიქრობდა სტეფანოზი და ბაბაქს უმზერდა დაჟინებით.

ბაბაქი ერისმთავარს არც ამჩნევდა. ვეზირს უგდებდა ყურს, ვეზირი ჯამათს ხაზინის ავლას აღუწერდა, ამირას უმტკიცებდა, რომ საკუთარი დამლით შეეძლოთ ფულის მოჭრა.

ისე საქმიანად, გულდინჯად ირჩეოდა ხაზინის ავლა, სასახლეში ისეთი სიმშვიდე სუფევდა, თითქოს გარეთ ადამიანს ქვით კი არ ქოლავდნენ, დაფნის გვირგვინით ამკობდნენ.

სტეფანოზს ბოლმით ევსებოდა გული: რა არ ენახა, რა არ გადაეტანა და განეცადა ერისმთავრობის ყამს, მაგრამ რაც ახლა ხდებოდა მის გარშემო, როგორც ახლა გააცურეს და პირში ჩალა გამოავლეს, ასე არასდროს გაუცუცურაყვებიათ.

„ნუთუ მართლა ჩაქოლავენ?...“ — ფიქრობდა ჩუმად სტეფანოზი. „განტვიზა“, — გაიმეორა ჩურჩულით, „ქვეებს დაუშენენ და ტვინს დაანთხვენ... ხალიფას მოახსენებენ, რომ ქართველმა ერმა თვითონ ჩაქოლა ხალიფატის ურჩი მოძღვარი“...

სტეფანოზს ბოლმისაგან გული გასიებოდა, ფიქრისაგან თავი ტკიოდა. უკვე უაზროდ შესცქეროდა ამირას, გულისყური ხალხისკენ მიეპყრო, იქნებ გარედან ვინმემ ამბავი შემოიტანოსო.

ხიდის ყურშიო რომ დაიძახეს, იოანე იმ წამს მიხვდა ამ სიტყვების აზრს, ჩასაქოლად მიხმობენო, — გაუელვა თავში, ყურებს არ დაუჯერა. ჯერ იფიქრა მაშინებენო, შემდეგ ეჭვი შეეპარა, შურტები ხომ არ შეთქმულანო. დააკვირდა აბობოქრებულთ — ქართველებს ჰგავდნენ, ქართულ ენაზე იზრახვიდნენ, „ჩემი გატაცება უნდათ, სარკინოზებს ატყუებენ, ხიდის ყურში ალბათ გამოშვებენ“, — დაასკვნა საბოლოოდ და ბრბოს მხიარული სახით, ამაყად გაჰყვა. მოსალოდნელი თავისუფლება კი არ ახარებდა, ერის ასეთი თავგამოდება, დარაზმვა და ერთ მუშტად შეკვრა მოსწონდა და იმედს აძლევდა.

ბრბომ იოანე წინ გაიგდო, ჯერ შორი-შორ მისდევდნენ და გინებით. ხელის კვრით, ხვირთის ცემით მიაქანებდნენ თავდალ-მართში. ზოგნი ჰნერწყვავდნენ, ზოგნი წიხლავდნენ.

იოანეს ჩქარი სიარული არ შეეძლო, პურობილის ჯვალს კაბის ქვემოთ ბორკილები ელო ხელებზე, ფეხებსა და ქედზეც.

ბრბოს წინ ბერიკაცი მიუძლოდა და იოანე იმას მიჰყავდა. ზოგჯერ ბრბო აზვავდებოდა, ბერიკაცს ხელიდან გამოგლეჯდნენ იოანეს, ცემა-ტყუპით გაიგდებდნენ წინ, ჩქარა იარეო, უბრძანებდნენ. იოანე ნაღვლიანად მოხედავდა მათ, აღარ შემძლია ჩქარი სიარული, ჯვალს ქვემოთ ბორკილები მადევსო, ხელით ანიშნებდა აყაყანებულთ. მაშინ წიხლის მცემელნი იმძლავრებდნენ და გამეტებით სცემდნენ.

ცემა-ტყუპასა და შეხლა-შემოხლაში იოანე დაბარბაცდა და დაეცა. გზის პირას გუბე ყოფილიყო, იმ გუბეში ჩავარდა. ხალხი ზედ მი-აწყდა.

— აქვე ჩავქოლოთ! სად მიათრევთ ამ ბებერს! ასეთები სარკინოზზე უარესები არიან, ხალხნო! — გაახელა ბრბო ერთმა ახმახმა კაცმა.

— მოითმინეთ, მამა-პაპური წესითა და რიგით ჩავქოლოთ! — ბრბოს წინ აღუდგა ბერიკაცი. დაცემულს მივარდნენ და ცემით წამო-აგდეს. ლაფში ამოგანგლული ზღაზვნით წამოდგა, უკან-უკან იყურებოდა და ეჭვი იპყრობდა: „ნუთუ ესენი ქართველები არიან?“... „გადაცმული შურტები მცემენ და მნერწყვავენ“... ამ ფიქრს სხვა ფიქრი მოსდევდა, მაცდური ფიქრი: „ჩამიყვანენ ხიდის ყურში და გამიშვე-ბენ“...

იოანეს არ შეეძლო იმის დაჯერება, რომ ქართველი კაცი, ვისაც სულიერი საზრდო სვეტიცხოველში მიელო, ქრისტეს მცნებას ნაზი-არები ქართველობა წარმართ წინაპარივით ხელში ქვას აიღებდა და თავის მოძღვარს ჩაქოლავდა. „მამ, ქართველ წმიდა მამათა და მოწამეთა, გამომეტყველთა და მწიგნობართა ჯაფა წყალში ჩაყრილა, — ფიქრობდა ბერიკაცი, — ამოდ დამშვრალან ქართველთა დიდი მეფენი: ფარნავაზი და ვახტანგი, წმინდა მოციქულები ანდრია და სვიმონ, მოციქულთა სწორი წმიდა ნინო განმანათლებელი, იაკობ ხუცესი... არა, შეუძლებელია. დღეს ქართველი კაცი მოყვასის, თუნდაც მტრის ჩასა-ქოლად ხელში ქვას არ აიღებს“...

— აქეთ წამოიყვანეთ, აქეთ! — შემოესმა იოანეს. — ის ბერიკაცი წელან რომ ხალხი შეაჩერა, წინ გარბოდა და მტკვრის პირას, რიყეზე ხშირქვიან ადგილს ეძებდა.



ბრბომ იხუვლა და იქით გაქანდა. იოანე ხედავდა, როგორ მიუღწევ-  
ნენ ქვებს მის თვალწინ და კალთაში როგორ იყრიდნენ. რიყებზე ვერ  
ეტეოდნენ და გრძლად გაიშალნენ მტკვრის გაყოლებასკენ.

„ნუთუ ჩამქოლავენ? — ერთხელაც გაიფიქრა და სწორად ამ დიქს  
მოხვდა ქედში ქვა. უნებლიედ მოტრიალდა, პირველი ვინ მესროლოა.  
იმის გაგება თუ ეწადა. მეორე ქვა, უფრო მარჯვედ ნასროლი, შუბლ-  
ში მოხვდა და თვალთ დაუბნელდა. ნელა ჩაიკეცა და იგრძნო, რომ  
ლაწევებზე თბილი სისხლი ჩამოედვარა. სასოწარკვეთილი ხმა ჩაესმა  
საიდანაც: „შეჩერდით, ბრმებო!.. რას ჩადიხართ! მოტყუებულებო!  
დალუბულო ერო ჩემო!.. შეჩერდით, შეჩერდით! გონს მოდიოთ!..“

სამოელის ხმა იცნო. ამ ხმას სეტყვასავით მოჰყვა ქვების ჭერი.  
საამო ხმაც უმაღ მიწყდა, ქვების ზუილ-შხუილსა და ჩახა-ჩუხში ჩა-  
ინთქა.

წყევდიადი ჩამოწვა.

ქვებში ჩაემხო თავდაღმა, სისხლი დაინთხა თეთრ ქვებზე... ქვების  
სეტყვამ ზურგზე, კეფაზე გადაურბინა და ბერის გვამზე ქვების ბორც-  
ვი აღიმართა.

სისხლმა მაინც გამოჟონა ქვების გროვიდან და თეთრ ბორცვს  
ფერღზე ჭრილობასავით დააჩნდა წითლად.

არც მიქაელს, არც სამოელს ერთი წუთით არ უფიქრიათ, თუ იო-  
ანეს ჩაქოლავდნენ. აზვირთებული ხალხის ტალღას მოჰყვებოდნენ და  
მტკიცედ სჯეროდათ, რომ თანეს სწორედ ხიდის ყურში გაუშვებდნენ.

როცა ბერიკაცი მტკვრის პირას ჩაიყვანეს და ვითარცა ცოფმეყ-  
რილ ძაღლს, ქვები დაუშინეს, სამოელს დაავიწყდა, რომ კათალიკოსი  
იყო, წმიდა მამებს გაექცა და ქვაშემართულ ერს წინ აღუდგა, „შე-  
ჩერდით, ბრმებო“ — მთელი ხმით შესძახა, აღტკინებული ბრბო ვერ  
შეაჩერა, მის თვალწინ დააყარეს იოანეს ქვები. სამოელი წახდა, ხმა  
აუკანკალდა „მოტყუებულებო, დალუბულო ერო ჩემო“.—კენესასავით  
აღმოხდა და იქვე ჩაიკეცა. წმიდა მამები ამოუდგნენ მხარში და წა-  
იყვანეს.

მიქაელს თვალებზე აეფარებინა ხელისგულები, წელში მოხრილი  
იდგა ხალხში და ღრიალებდა მოურიდებლად. ვიღაცამ იცნო და მი-  
აძახა: ეს მისი ლეკვია, ესეც ჩავქოლოთო.

ამ სიტყვებმა თითქოს გონს მოიყვანეს, დავარდა მიწაზე, თავი  
ქვებს დაუშინა და ყვირილი ასტეხა: ჩამქოლეთ, ჩამქოლეთო!

მიქაელისთვის არავის ეცალა. ჩაქოლვის ვნებით ატანილი ბრბო

იოანეს გვამს მისეოდა, ქვების დაკრების უინი ვერ დაეცხროთ, მტკვრის პირას ქვებს რომ ვერ პოულობდნენ, წყლიდან ამოქოცხდათ და იოანეს გვამზე დაყრილ ქვის გროვას ჩახა-ჩუხით ახდრდნენ.

— მეც ჩამქოლეთ, მეც ჩამქოლეთ! — გამველე-გამომველეთ ეხვეწებოდა მიქაელი.

ძირს დავარდნილ კაბუქს აცრემლებული ხსართან ხუცესი დაადგა თვზე. წამოყენება მოუნდომა.

— კათალიკოსი გიხმობს, შვილო... — ცრემლნარევი ხმით უჩურო-ჩულა.

მიქაელი წამოდგა.

— მე უნდა წავიდე!.. თქვა გადაქრით, ადგილს მოწყდა, გაიქცა, შლეგივით გარბოდა და უკან-უკან იყურებოდა...

ხსართან ხუცესი დიდხანს გასცქეროდა და პირჯვარს იწერდა... ბიჭი სულ მთლად თვალს რომ მიეფარა, ხუცესი სიონისაკენ შებრუნდა. იქ კათალიკოსი ელოდებოდა, იოანესთვის პანაშვიდი უნდა გადაეხადათ.

მიქაელი დიდხანს გარბოდა უგზო-უკვლოდ. მტკვარს მიჰყვებოდა აღმა. ტფილისს რომ გასცდა, დაულამდა, ღამეშიც ბევრი იარა უმიზნოდ, ბოლოს რატომღაც მცხეთისკენ გაუწია გულმა, იქ მამის სენაკში გაათევდა უკანასკნელ ღამეს და ხვალ ტაო-კლარჯეთის გზას დაადგებოდა. ახლა ერთადერთი ნუგეში გრიგოლი იყო, გრიგოლს ჩააკითხავდა ხანძთას, მოძებნიდა აშოტ ერისთავს და თავის დღე და წუთისოფელს სარკინოზებთან ბრძოლაში გალევდა.

გამთენიისხანს ჩავიდა მცხეთაში. მამისეულ სენაკში იბორიალა, იბორიალა, ვერც დაიძინა, ვერც დაისვენა. თანამგრძნობი ბერთაგანი არავინ მიიქარა. ინათლა თუ არა, მოძებნა მამამისის თეთრი ჯორი, შურისძიებით სავსე, თავზეხელაღებული კაცის გუნება-განწყობით ამხედრდა ზედ და გზას კლარჯეთისას დაადგა.

## ს ა რ ჩ ე ვ ი

მოთხრობები. ნოველები . . . . .	5
დავით აღმაშენებლის ქვა . . . . .	7
ლობიოჭამიების სასიძო . . . . .	70
ბარკლადი დე ტოლის სიზმრები . . . . .	94
ციცერონა . . . . .	115
ჩემი ცაუ . . . . .	133
შეჩვევა . . . . .	151
ობოლი ბიჭი ქიტუა . . . . .	168
სისატურა . . . . .	184
წვეულება . . . . .	199
აბრაგიას სიკვდილი . . . . .	213
ტელემაყურებელი . . . . .	221
ბეზია ელპიტეს თვითმკვლელობის ამბავი . . . . .	231
დვარლი და წამება აბოსი და იოანესი . . . . .	235



ეროვნული  
ბიბლიოთეკა

რედაქტორი ირ. არაბული  
მხატვრული რედაქტორი დ. დუნდუა  
ტიპნოგრაფიული რედაქტორი ნ. აფხაზაია  
კორექტორები: ე. უვანია, ნ. თავაძე  
გამომშვები ნ. მანაგაძე

ს. ბ. № 1493

გადაეცა წარმოებას 25.I.82. ხელმოწერილია დასაბეჭდად 30.VII.82.  
საბეჭდი ქაღალდი № 2. 60×84<sup>1</sup>/<sub>16</sub>. პირობითი ნაბეჭდი თაბახი 29,06.  
პირ. საღ.-გატ. 29,36. სააღრიცხვო-საგამომცემლო თაბახი 27,27.  
შე 00074. ტირაჟი 15000. შეკვეთა № 151.

ფასი 2 მან.

გამომცემლობა „საბჭოთა საქართველო“  
თბილისი, მარჯანიშვილის ქ. № 5.



ეროვნული  
ენციკლოპედია

საქართველოს სსრ გამომცემლობათა, პოლიგრაფიისა და წიგნის  
ვაჭრობის საქმეთა სახელმწიფო კომიტეტის ბეჭდვითი სიტყვის  
კომბინატი, თბილისი, მარჯანიშვილის ქ. № 5.

Комбинат печати Государственного комитета Грузинской  
ССР, по делам издательств, полиграфии и книжной торговли,  
Тбилиси, ул. Марджанишвили, 5.



ЦУЛЕЙСКИРИ НОДАР АЛЕКСАНДРОВИЧ

С И С А Т У Р А

Рассказы, новеллы,  
повесть

(На грузинском языке)

Издательство «Сабчота Сакартвело»

Тбилиси, Марджанишвили, 5.

1983

